





BCU - Lausanne



1094800776

INSECTORVM SIVE

Minimorum Animalium THEATRVM:

Olim ab

EDOARDO WOTTONO.

CONRADO GESNERO.


THOMAE PENNIO

inchoatum:

tandem

THO. MOVFETI Londinatis operâ sumptibusq; maximis concinnatum;
auctum, perfectum:

Et ad vivum expressis Iconibus suprâ quingentis illustratum.



Londini ex Officinâ typographicâ Thom. Cotes. Et venales extant apud Guiliel. Hope
ad insigne Chirothecæ, prope regium Excambium. 1634.





GENEROSO VIRO, EQVITIAVRATO, ARCHI-

atro Regio, D. Gulielmo Paddy:

Theodorus de Mayerne, Eques auratus,

Baro Albonæ, in Aula Britannicâ

Archiatrorum Comes, S. P. D.



Vincupaverat olim *Mouffetus* vestras, Medicæ
familix insignæ decus, vir politionis utique
& solidæ literaturæ ^{maximæ} eximius, *Elizabethæ*
semper Augustæ (quæ supra sexum sapiens,
fortis, ad bene regnandum nata, subditorum
votis, & proprijs cæptis gestisque ad invidiam
fœlicibus tot annos imperavit) opus hoc *De*
Insectis animalibus, ab aliis inchoatum, ab ipso auctum, perlima-
tum, & ut nunc prodit ad umbilicum perductum, haud indignum
ratus Naturæ miracula, in minimis maximè conspicua, maximæ
Principi dedicare, quæ summi rerum omnium Conditoris infinitâ
testantur potentiam, & Principum ^{divis} mentem ad causam
causarum erigunt, ut Numinis præsentiam ubique agnoscant, &
beneficam manum in singulari erga ipsos directione, & electivè
agente influentiâ, non minùs submisso quàm grato animo vene-
rentur; ratione proportionum momenta sic pensitante, ut pluris
teneatur qui plus acceperit. In isto proposito, antequam votum
solverit, supremum obiit diem author, dignus qui vitam protraxis-
set diutius, in artis & rei literariæ compendium. Sic liber posthu-
mus hæredi relictus, facultatibus minus amplis quàm patris fere-
bat nomen, poscebat meritum, & in publica commoda tot vigilix,
tot exantlati in curandis ægris labores jure postulabant. Fortuna
cæca vix nisi invita melioribus favet, quasi dissonum sit & incon-
gruum Pluti cum Apolline Minervâ & Mercurio commercium.
Fatisunc functa Elizabetha, imperij Britannici habenas piè & justè

nente, atq; inter procillas totam quassantes Europā pacificè regnante IACOBO, averruncatis sceptri maiestate, & animæ ad miraculum prudentis providentiâ monstris, quæ regni fundamentis convellendis instabant *Proditione, dolis, scelere atque libidine corâ*. Heroi non minùs doctrinâ quàm virtutum omnium *virtutibus* illustri, doctum opus offerre decreverunt Curatores pupilli in sicco à parente derelicti: Sed res angusta domi distulit negotium, atque subventaneo intento effectum, & sætui lucis usuram denegavit. Sic in custodiâ amicorum defuncti obscurus diutissimè hæsit liber, donec à Darnello, authoris quondam Pharmacopœo, homine sanè probo, magistri Manibus bene volente, ejusque gloriæ avido, oblatum mihi volumen, quod per aliquot annos in meo Mulæo sepultum in pulvere, tineaï blattisq; expositum jacuit, nullâ mediis-fidius meâ, sed typographorum nummis inhiantium culpâ, qui quantum vis in varijs regionibus à me per literas invitati, & ad suscipiendum orphanum sollicitati, detrectaverunt ingratum ut ajebant laborem, displicente ipsis artis nobilis usurâ, nisi Nauticam superaverit. O tempora, in quibus eruditorum hominum sudores ex pretio operis solvendo, & ære in charta & atramento comparandis locando, vel ex vulgi (pessimis ut plurimum applaudentis) depravato sensu, non ex rei essentia vel subiecti dignitate, aut solidâ ejusdem explanatione æstimantur! Limini tunc præfixa erat Epistola quam dedicatorem vocant, cuius prædictorum Principum alterutrius nomen prælaturæ, post utriusque obitum, intempestiva videbatur editio. Alius forsan hanc captasset occasione compellendi Regis CAROLI, magni patris magni filij, sub cujus fortunatissimo imperio in Regiâ personâ, virtutes omnes Regiæ quasi agmine factò concurrentes, singulæ de prærogativa certant, & genibus E. M. advolutus alienum opus fucato laudum cortice velatum, vel ampullatis aulicæ eloquentiæ fumis obumbratum, sub spe alicujus remunerationis obtulisset. Sed ista non sunt mei genij, quippe licet non ingratus Principibus viris hætenus vixerim, attamen id longo didici usu, sobriè utendum ipsorum gratiâ, auribus oculisve abutendum nunquam, & apud ipsos, quantumvis molles aditus & temporanoris, semper intempestivam esse importunitatem, eam præsertim quæ Musas mercenarias infami stigmate notatas ad stipem adigit. Noli credere me tantum huic operi detrachere ut ipsum indignum putem quod Regium nomen in frontispicio gestet, & sub tam ambitiosæ inscriptionis tutelâ publicatum vivat: sed parentem lustricum in alterius gratiam ultrò agere, *ut per nesciam*

quo

quo ad argumenti expositionem, in scenam producere, & sub alienis plumis in operis aditu jejune & inepte superbire piaculum duxi. Ut tamen numeris omnibus absolutus prodeat liber, ne lector consuetudinis amans Epistolam desideret, vel omisam queratur, pro more meo, (quo magnates debito quidem honore prosequor, Amicos vero unice & constanter colo) Historiæ naturali & Medicæ, alicujus communi literatorum consensu utriusque callentis, necessitudine non vulgari mihi juncti, bonis omnibus charum, & propriis clarum dotibus nomen præfigere volui, quod reverentiæ & bonæ voluntatis officium, posteritati testetur, quo sint apud me loco viri doctrinæ multiplicis tincturâ imbuti medullicis. Inprimis verò Artis omnium nobilissimæ quam exerceo procures. Ira te ex multis unum selegi, qui mihi sis instar omnium, generose vir, amicissime Paddy, qui à sapientissimo, & nihil unquam perperam faciente Monarcha IACOBO censu decoratus equestri, Virtutem titulis, titulos virtutibus ornas, ut de te ipso noster cecinit Thorius. Is es qui me post nefandum Henrici magni quondam Domini mei clementissimi parricidium, (atrata sæculi sui memoriam in sæcula redditurum) à Serenissimo Jacobo ex Aula Gallica per literas proprias, & viæ ducem ex professo in Britanniam accersitum, & immediatè dignitate Comitum Archiatrorum honoratum, non limis & invidiæ vipereo veneno turgentibus oculis aspexisti, sed candidè, & exporrectâ fronte (qualem virum generosæ originis decet,) excepisti peregrinum, contra illud Horatii, qui *penitus toto divisos orbe Britannos*, feritatis in hospites insimulat. Deinceps verò in numerosis apud ægros congressibus, & Medica praxi, placidè consultantium opiniones auscultantem, expendentem, & pro loci mei debito, circa agenda concludentem, sine rixa vel contradicendi innato medicastri cacoëthe audivisti, & rationi consentaneam meam sæpissimè probasti sententiam. In Illustrissimo Collegio Londinensi (cui ut dignissimè semper, sic præfuisi sæpissimè) optimatum votis tuoque inprimis calculo, in Collegarum numerum relatum, pro Regio Characterismo Sparta: meæ aulicæ, primum à Præside nostro locum obtinere libenter passus es: Addo quod varijs à me ad excellentissimos collegas nostros delatis vel petitionibus vel commendationibus, nunquam te opposuisti, sed mihi faciles aures & auxiliares manus semper præbuisi: Denique laudasti ubique absentem, & famam Momorum calumnijs impetitam, & dente Theonino vulneratam sæpius (quæ bonorum, imò maximorum Principum est conditio) quantum in te fuit,

Epistola.

dis

Epistola.

dis pigmentis, quibus penè cessura Iris, Mille ferens varios adverso sole colores. Quàm lucundo spectaculo, manus artifices cautè & curiosè acutissimum scalpellum & stylum pertenuem ducen-tes regentibus oculis, patebunt ista. Cicadarum rore victitantium fistula, atque striduli quem edunt soni per caniculæ æstum viatorum aures importunè obrudentis organa, sic fabrefacta ut concavus venter, sub diaphragmate exsculptus sit in fornicem, cui supertensum ex tenuissima & siccissima membrana operculum tympani instar, per obliquum sinum aerem admittit, qui alarum & aqualiculi motu successivo & regulari agitur, per angustum foramen intrans, mox dilatatus, ad Cavæ incrustatos parietes appellens, refractusque sonum format. Scarabeorum maiorum cornua, cervorum æmula, mucronibus acutissimis vulnera infligere potis, & qui ea movent ac validissimè constringunt muscoli. In Cantharorum genere Rhinoceros, Bombycum (qui omnium Erucarū πολυμορφῶν ἡ πολυμορφία sunt antesignani) in plures anfractus re-tortum materiâ serici tumens marsupium, in quo post tempus de-stinatum concoctioni pabuli, ex mori potissimum foliis deprompti, gluten seu gelatina tenax reservatur, donec turgente ventriculo, & gestiente finem suum assequi naturâ, vermis salivam paulatim eruat, cuius ad aerem solidescens filum, rem vestiariam Satra-pis procuratura beltiolæ, per strictissimas fauces dispensat, & nen-do capitis, ac dimidij corporis motu, additâ anteriorum pedum carminatione, primò in stabilimenta glomeris sui, deinde in pro-prium conditorium, ubi suam subeat transfigurationem disponit, quemadmodum Arachne per infima corporis, in filum ductile excrementum egerit, unde casses vitæ sustentandæ necessarios pau-percula magno cum labore format, & pedibus prolixis in ungui-culos peracutos desinentibus necit in nodos, operis reparationi subinde obnoxia. In Locustarum maiorum viridum sepes depa-scentium thecis supremis, squamæ duæ Cornæ præduræ, quarum mutuus attritus, per aeris mollioribus alis agitati subministratio-nem, sonum satis acutum creat. Omnium vero hujus generis ca-put armatum, posteriora crura dura, sicca, prælonga, quorum ad fir-mum obiectum impulsu, validissimorum tendinum ope, instar sagittæ ex balistâ prodeuntis libratum corpus pro sua proportione satis grave, vibratur in longinquum: ut pulicibus etiam cum impe-tu salientibus contingit. Sed quod maius est præter forfices, no-vacularum penetrantia acie æmulas, rectum ab ore in anum ductum, cingentibus pylorum dentatis obicibus, sibi invicem spinosa qua-si ^{inter} respondentibus, quibus arva tota voracibus incisoriiis de-populata,

populata, tanquam in pistrino moluntur, & quàm citissimè excernuntur; nunquam cessante fame, donec regiones integras vindicantem iram obiectas, Divina iubente Nemese, vile pecus absumat, & populos cœlo ridiculè minitantes excidium, in nihilum redigat. Aspicias phalangiorum os armantes cuspides, quarum vulnificula subit virus insolens, corporis centrum intrans, medullis imis mordicè infixum, cum atrocis feræ vita in subiecto quod ipsum susceperit perdurans, certis horis periodicè sæviens, Phantasiam perturbans, quæ obiectis animali concoloribus lenitur, sed furere non desinit, donec rursus provocatis choreis sudores largos cieat, & paroxysmum solvat, postero die eadem hora recursurum. *Lampyridum* intestinum ignem caudæ affixum, & *Cocciæ*, noctilucæ Indicæ funalia, Cimmerias tenebras vincentia spectabis. Atque adeo (si conspicienda ex Crystallo *causidæ* (quantumvis linceis oculis in perscrutandis atomis necessaria) sumas, miraberis Cataphractorum pulicum obscure rubescentem habitum, cum dorso setis rigente, & cruribus hispidis, & inter duas antennis prominentem tubum carnicem, amaram puellarum luem, humanæ quieti in somnis præsertim inimicissimam. *Pediculorum* oculos prominentes cernes, & cornua, crenatum corporis ambitum, totam substantiam diaphanam, per quam cordis & sanguinis tanquam in Euripo indefinenter fluctuantis motum. Patebunt tibi *petulantium pediculorum* canceriformium plana corpuscula, cum harpagonibus quibus, cutim humanam perpetuò inter pilos ore lancinantes, adhærent tenacius quam *Lepades* affixæ scopulis. Imò ipsi *Acari* præ exiguitate indivisibiles, ex cuniculis prope aquæ lacum quos foderunt in cute, acu extracti, & ungui impositi, caput rubrum, & pedes quibus gradiuntur, ad solem prodent. Quod si à partium *animæ* animum ad Insectorum generationem & ortum revoces, & varias quas subeunt transmutationes expendas, ut vermium in muscas, *Erucarum* (quarum singulæ species à singulorum vegetabilium corruptione trahunt originem) in *Chrysalidas*, aureis velut bracteis superstratis rutilas, & *papiliones*, quorū ova fetus vermiformes denubò producant, per circulum successivè agente, & constanter motu perpetuo in se recurrente naturâ, ingredieris proculdubio amplissimum Philosophandi campum, circa universalis spiritus tria regna (vegetabile, animale, minérale) æqualiter pererrantis, replentis, regentis, atque in Entia ad singula pertinentia, pro dispositione materiæ varias formas introducentis, potentiam & ætivitatem; Nec non speculationem tuam exercebit corporum omnium sub-lunarium inter sese commercium, quæ licet persæpe adversus frontibus

Epistola.

frontibus inter sese pugnare videantur, In uno tamen conveniunt, & ab invicem aliquid omnia & singula mutuuntur. Imò si transmutantur & animalia & plantæ, cur idem metallis denegatum? Id quod arte se præstare posse permulti naturæ genuini ministri & legitimi adjutores, non sine ratione gloriantur: Idque solum per impedimentorum remotionem, & congruam activorum & passivorum coapplicationem, quâ factâ soli Naturæ negotium relinquit Philosophus, quæ blando calore externo, citra festinationem adjuta, internum suscitât ignem, Elixiris sanitatem & opes procuraturi opificem; ut Asinos explodam, qui in leonis exuvijs exultantes, tumultuariam & confusam instruunt ergasteriorum suppellectilem, subterranea cuncta eruunt ex imis fodiinis, & Veneris marito exponunt, somniorum experiendorum avidi,

— Simul & patrimonia miscent,
Arcano instantes operi & Carbonibus atris,
Qui tandem exhausti damnis, fractique labore
Inveniunt, atque inventum Nihil usque requirunt.

Cinifloribus hisce præteritis, si altius circa insecta lubet philosophari, habebis quod te exerceat in Apûm Monarchicâ, Formicarum Democraticâ ^{transiit} utriusque generis Oeconomicâ providentiâ: Illius in colligendis & reponendis Cera & melle: Hujus in cellis replendis, & rodendis seminibus, eâ parte quâ germinant, ne labore improbo collecta, & in hyemem recondita anonæ, vi caloris ingeniti in subterraneo ergastulo (quod durante brumâ calet) excitati, productione præcoci tentatâ corrumpatur, & oberrât peste, unâ cum grassante fame totum gregem deleat. Neque sicco pertransibis pede Architectonicem in fingendis ex cera favorum cellulis; Mathematicè ad exactum ^{et æquum} In vespeti loculis; In formiceti tabulatis varijs, & anfractuosis Mæandris; In cujus compago cubilia, horrea, Xenodochia, cadaverum repositorya, præter innumeras animalculorum infatigabilium dotes, functiones, operas, vidit, & satis vel admirari, vel laudare non potuit is qui in eis contemplandis longos absumpsit dies, vitam totam in supino hocce & valdè otioso negotio transactam, opere pretium ratus. Textricem ostendent Scres, Erycæ omnes, Aranei, muscis insidias struentes, & tendentes retia, ad comparandam escam. Cælaturam exercent oris scalpro ligna pertundentes Cossi. Pietatem erga senes, defessos, ægros, sobolem docebunt formica, & apes inter cætera insecta: Prolis amorem Heliocanthari Apollini sacri, qui stercoream pilulam (seminis ipsorum receptaculum)

lum) ab ortu ad occasum, Solis motum sequentes, per 28. dies versare nunquam desinunt, donec defodiendo apta sit, ad fœtus productionem, post mensis lunaris spatium, quod vermi in volucrem demum abituri formationi, & exclusioni natura assignavit. Hic marem semen prolificum sine fœminæ ope habere, & per se generare posse, intercedente putrefactione idoneæ materiæ in commodâ matrice (etiam non animali) notato. Sed (quod Christiani hominis meditationes omnes coronat, eumque sublimem rapit) perpende ut Bombyx sibi tumultum condit, textili opere intus compactiore impervium, in quo vermis in se contractus videtur emori, & prodigiôsâ Metamorphosi renascitur papilio, nobilius animal, quod remigio alarum cœlum petit, quum sordidum reptile ante sepulturam, terræ affixum, & pabulo soli agglutinatum vixerit. Vide num obscura de Locustarum genere, inter arborum stipulas, ultimâ macie confecta victitans bestiola (quam à precantis gestu Galli *Narbonenses Pregadiou* appellant) homines doceat supplices ad cœlum palmas tendere, & ritum decorum in offerendis Domino precibus observare admoneat. Quid de Cantharo majore nascicorni Indico, qui sine matre natus (more cæterorum congenerum) moritur, & ex sua putrillagine, Phœnicis instar, postliminiô resurgit? Denique quid de Muscis cenſes, quas aquâ per plures horas submersas, in calido cinere si sepelias, ad vitam denuo revocabis? Non dubito hercle quin inter serias istas cogitationes (quarum objectum cæteris hominum larvis *ἀνευρεσις καὶ ἀφελήσις* minùs serium videbitur) mens tua ad suam exurgat originem, cœlo defixis oculis exclames *ὦ καὶ θεὸς!* & cum divino Psaltercanticum Naturæ authori persolvas. *Quàm magnificata sunt opera tua Domine. Omnia in sapientia fecisti. Impleta est terra possessione tuâ.* Sic erit unde mihi gratuler, ex eo quod licet annorum tuorum longa series hætenus fuerit continuus philosophandi actus, attamen per polydædali hujus honorarij rarum auctarium, tibi novam non minùs solidæ & utilis, quàm jucundæ & curiosæ meditationis ansam præbuerim. Patere igitur ut doctissimi *Monffeti* sœctum, nuac tandem in lucem editum, manus amica Bibliothecæ tuæ inferat, cui locum parente & nato dignum assignato inter tot volumina, quibus instructissimos habes Musæj tui forulos. Præter enumerata bona accessura inde tibi, & horarum lecturæ operis datarum, amplissimum quod reportabis sœnus, (si joculari licet) res tua etiam non carebit emolumento, ne proprium compendium hic neglectum videatur: In istis paginis invenies quæ pestem deliciarum tuarum fugent,

Epistola.

fugent, Musis, earumque alumnis inimicissimas feras, tineas dico librivoras, quæ ventre voraci & ferreis dentibus (corporis licet sint admodum pusilli) sæculorum integrorum lucubrationes erosas abliguriunt. Malas bestias pessima omnia naturæ iratæ deleteria malè perduint! quarum propagationem præcavere, & infamem progeniem necare, (interim dum speciem funditus abolere satagent eruditi librorum scriptores, vel collectores seduli conabuntur,) Liber hic (quem amoris mei *μνημόσυτος* tibi mitto) proprio capite docebit. At satis est, Vreus cœpit institui, cui exit amphora currente rotâ? Abripiunt me benevolentiae ardor, & subiecti fecunditas: de tabulâ removenda manus, nè absurdè abeat in immensum epistola, quæ jam incautè excrevit in volumen. Me tibi addictum credito, & quàm bene tibi velim & cupiam istæ lineæ in tui gratiam exaratæ loquantur Quod reliquum dierum ad decurrendum vitæ tuæ stadium, antequam cœleste *βεβαίων* accipias, statu tibi Deus, cum animi & corporis indolentiâ ut absolvas opto, & ut cum *Aristotele* testamentum scribente loquar, hîc diutius tibi *ἰσχυμένον* : *ὡς δὲ τὶ συμβαίνει*, feliciter ut appellas, & beatorum portum decreto tibi momento gloriôsè lubeas ex animo precor. Vale. Ex meo Museo Idibus Maj, anno reparatæ salutis humanæ, 1634.



Index singulorum Caputum in hoc volumine comprehensorum!

L I B. I. CAPVT I.

D E Apum nomine, descriptione & differentijs.	Pag. 1.
Cap. 2. De politicis ethicis & æconomicis Apum virtutibus.	5
Cap. 3. De creatione, generatione, & propagatione Apum.	12
Cap. 4. De apum usu.	21
Cap. 5. De mellis nomine, differentia, & usu.	24
Cap. 6. De cera, propoli, pisocera, grychace, earumque natura & usu.	33
Cap. 7. De Fucis & Furibus.	37
Cap. 8. De Vespijs.	41
Cap. 9. De Crabrone & Tenthredine.	49
Cap. 10. De Muscis.	54
Cap. 11. De Muscarum differentijs.	58
Cap. 12. De muscarum usu.	70
Cap. 13. De culicibus.	80
Cap. 14. De Papilionibus.	89
Cap. 15. De Cicindela.	108
Cap. 16. De Locustis.	116
Cap. 17. De Cicadæ & Grylli.	127
Cap. 18. De Blattis.	137
Cap. 19. De Buprestis & Cantharide.	141
Cap. 20. De Cantharide.	144
Cap. 21. De Scarabeis.	147
Cap. 22. De Scarabeis minoribus.	161
Cap. 23. De Foscarabeo & Scarabeo Aquatico.	163
Cap. 24. De Gryllotalpa.	164
Cap. 25. De Pyrgone.	164
Cap. 26. De Tipula.	169
Cap. 27. De Forficula, seu Auricularia.	171
Cap. 28. De Scorpio, Formica, & Bediculu.	
Cap. 29. De Cimice Sylvestri Alaso.	174

L I B. 3. CAP. I.

D E Erucis earumque differentijs & nominatim de Sericis & Bombycibus.	
Cap. 2. De reliquis glabris Erucis.	179
Cap. 3. De Erucis hirsutis atque pilosis.	185
Cap. 4. De ortu, generatione, alimento, & Metamorphosi Erucarum.	191
Cap. 5. De qualitate & usu Erucarum earumque Antipharmais.	193
Cap. 6. De Sphondile.	194
Cap. 7. De Staphylino.	197
Cap. 8. De Scolopendris & Inlis.	198
Cap. 9. De Asellis.	202
Cap. 10. De Scorpis terrestribus.	204
Cap. 11. De Araneorum nomine differentijsque.	217

Cap. 12. De Araneis noxijs seu Phalangijs.	ibid.
Cap. 13. De Araneo cicure seu domestico.	226
Cap. 14. De certis quibusdam Araneorum speciebus ab authoribus observatis.	232
Cap. 15. De generatione, Coitu, & usu Araneorum.	235
Cap. 16. Formicarum Encomium, in quo differentia, Natura, ingenium, earumque usus describitur.	238
Cap. 17. De Cicindela, & Melorjamina, atque Anthreno, & Asello arvense.	246
Cap. 18. De Vermibus mineralibus hexapodis.	247
Cap. 19. De Vermibus vegetabilium hexapodis, & primum de Arboreis.	248
Cap. 20. De Vermibus Fructuum, leguminum, framentorum, Vitis, Herbarum.	253
Cap. 21. De usu Vermium Mineralium vegetabiliumque, ac eorum per dendorum ratione.	256
Cap. 22. De animalium vermibus hexapodis, & primum de pediculis hominum.	259
Cap. 23. De Pediculis Brutorum & Plantarum.	265
Cap. 24. De Syronibus, Acaris, Tineisque animalium.	266
Cap. 25. De Cimice.	269
Cap. 26. De Ricino, & Reduvia.	271
Cap. 27. De Tinea vestivora.	273
Cap. 28. De Pulice.	275
Cap. 29. De Aspidis seu Depedibus Insectis: Ac primum de Terra Infectionis.	278
Cap. 30. De Animalium Lumbricis.	282
Cap. 31. De Lumbricorum Intestinorum descriptione.	296
Cap. 32. De Lumbricorum Intestinorum orin.	298
Cap. 33. De Signis & curatione Lumbricorum ex Gabucino.	300
Cap. 34. De Lumbricis extra Intestina nascentibus, & praesertim de Eulis.	317
Cap. 35. De Lendibus.	318
Cap. 36. De Anrelyjs & Terredine Depede.	ibid.
Cap. 37. De Aquaticis Insectis depedibus, & primum de Squila.	319
Cap. 38. De Locusta, Scorpio, Nisimello, Cicada, Anthreno, Forficula, Lacerta, Cerculo, & Pediculo aquatico.	320
Cap. 39. De Pulice seu Asello & Scolopendra marinis.	322
Cap. 40. De Insectis aquaticis Depedibus, ac primum de Oripe.	322
Cap. 41. De Hirudine.	323
Cap. 42. De Lumbricis Aquaticis.	324

FINIS.



De Argumenti hujus susceptione, atque ejusdem dignitate & usu, Præfatio.

Insectorum historiam summis Philosophis dignam esse, magnus ille Aristotelis, Plinij, nostrig, Wottoni in ipsis describendis labor satis ostendit. Ab eorum ætate inchoatum ab ipsis opus absolvere, Conradus Gesnerus, non sine fructu aliquo elaboravit; sed per vitæ angustias primo desecit stadio, neque concinnare illi schedas liberum fuit. In quas dum beata memoria Pennius meliore quodam fato incideret, infinitâ per quindecim annos omnium auctorum lectione, & summâ Quickelbergij, Clusij, Camerarij, Thoma Kniveti Equitis fratrisque ejus doctissimi Edmundi, Io. Jacobi, Rogerij Brounij, Briti, sed Bruceri nostri inprimis, & Petri Turneri nonnullâ benignitate, historiam locupletavit. Dolendum illud, immaturâ cum quoque morte abreptum; priusquàm congestam undique materiam disposuisset, & pro hujus operis dignitate conformasset. Hinc enim factum, ut litera ipsius lituris plena & dubijs characteribus confusa, planè interjissent; nisi ego illas (sermè exposititiam) segregassem, & permagnâ pecuna summâ in quâdam omnes redemisssem. Malui enim de nostris fortunis, quàm de illius æstimatione aliquid deirabi, qui ipsus in Insectorum scripturâ tantum operis, in sculpturâ tot sumptus collocarat. Hujus igitur & Gesneri, Wottonique fragmentis ordine dispositis, additâ orationis luce (quâ Pennius caruit,) historiam texui, & pro meis viribus, (quæ scio quàm sunt exigua) tandem absolvi. Deterrebat me in primis operis difficultas; quoniam Insecta vidi ardua esse explicationis, tum ob materia ipsius insolentiam, tum majorum hac in parte sublimem quandam vel potius resupinam oscitantiam: resisterunt enim primo ipso aditu, & eorum naturam in æquid, vel de limine tantum (quod dicitur) salutârunt. Timebam quoque (id quod forè accidit,) Ne tam exquisitæ narrationi orationis dignitas deesset; præsertim quùm hærentem hic Pennium sapius cernere, atque verborum artifices variis adirem. Tenuit me item aliquandiu causarum Insectorum examinatio; quibus incognitis, nec scribi rectè possit historia, nec ritè concipi. Objurgabant me item amici. (idque acriter) Quòd aliena architectura opus super inducerem crustaceum; tanquam qui in quovis mustaceo laureolam quærerem, & aridiùs quàm par esset, gloriam sitirem. Addebant denique, Quum cuique operi rectè instituto finis aliquis dignus, honestus, & utilis proponi debeat: soli huic animalium imperfectorum neutrum inesse; sed temporis, imperfectarum, laborisque ingens factum dispendium. His remoris veluti ad anchoras alligati, cursu paulisper destitimus; & calamo nunc arrepto, nunc abjecto, variè lustrimus; donec hos animi fluctus certa rationes sedarent, & ad velificationem vicissim quasi accenderent. Difficultati operis tentandarum rerum arduarum gloriam opposui: recordatus, quæ novem annos inexpugnabilis Troja videbatur, cam decennialitentamine

tentamine esse devictam. Stili dignitatem quod attinet, non quàm belle, sed quàm bene Insectorum naturam proderem, sani judicii homines expensuros persuasum habui: nam utcùnque vana plurimorum ingenia affectatam eloquentiam discipiunt, sobrij tamen rerum aestimatores planè respiciunt. Causarum ignorantiam dilui Theophrasti responso: qui licet earum in plantis nimiam inquisitione succubuit, historiam nihilominus tam utilem non subiecit. Sufficiat, Nos causas humano capto & cubito esse permenfos: nam ut certam earum cognitionem polliceri (qua sola in Deo ponitur) ambitiosi est hominis; ita nullam tenere, verè bruti. Quartum mihi scrupulum exemit Galeni exemplum. Qui licet Hippocrati pauca præter lumen orationis adderet, & contextam ab ipso medicinam solum diduceret: tamen in Medicorum secundâ classe sic ponitur, ut primâ dignissimus à plurimis censeatur. Id quod ego (libet enim verè *περισυτομένης*) non solum præstiti in hoc libro, sed etiam integras historias, & centum supra quinquaginta u. res inferni Gesnero, Pennioque incognitas; methodi orationisque filum corripui, & plus mille *ταυτολογίαί, αὐτολογίαί, ἀναγωγαι, γινωσκ* expunxi. Consulius quippe nauscantis nojui seculi malacia, non solum cramben bis coctam, sed Ambrosiam bis appositam fastidientis. Caterum utcùnque levis hic meus labor videtur, (nullus enim nequit censeri) qui periculum fecerit in re simili, is rectè nostros sudores viderit, & ne caducas veteresve ades novâ materiâ reparet, ultra caverit: præstitisset enim de integre novam historiam scripsisse, quàm huic tam confusa tam lacra operam tulisse. Gloriam quod spectat; Tam ego eam longè à me remotam cupio, quàm hujus historiae lucem vobis admotam. Fateor equidem *ἀνθρώπων* meâ & humana omni naturâ esse contrariam, ita tamen, ut *χρησιμότητι* in vitijis maximis habeam, & ineptam rebus in pusillis ostentationem æquè abijciam. Aliter nos Socrates, Plato, Hippocrates erudierunt; qui & suis temporibus multa scripserunt, & à gloria ambitione longè aberant. Nescio an illi quidem inter *ἐκδοκίματοι* habendi sint, qui nihil de suo in publicum proferentes, opinionem imprimunt illiteratis recondita cujusdam eruditionis: quasi utres (si Dijs placet) referrent cò usque repletos, ut vel lentè admodum, vel omnino quidem non stillent. De Insectorum dignitate (ne frustra à Deo fieri, vel à nobis describi videantur) illud attexam: Nihil totâ hâc rerum universitate (præter hominem) esse divinum. Nam ut in speciem abjecta fordidaque sunt maxime: tamen si propius introspiciantur multo secus apparebunt quàm de summa cute promiserant. Sape venit in mentem (inquit Gallissardus) Italorum nostrorum, qui res aut magnitudine insignes, aut insolentia novas ferè vehementer admirantur: contra passim obvia atque exigua contemnunt, quanquam si rem penitus dispiciant, in proclivi erit animadvertere, Atuldo sese potentius exerecere in rebus humilibus vim potentiamque divinam, multoque us plus inesse miraculi, quàm quæ mundus ore diducto suspicit & admiratur. Si quis aliunde immanem onocratulum, Elephantem, Crocodilum adducat, nemo non oculos cò involat, quò rem videat novam & inusitatam: atque ut inspiciendi copia facta sit, magnitudinem duntaxat, colorem, & qua sub sensu cadunt miratur. Syrones autem, Bibiones, Formiculas, Pulgēsque nemo suspicit: quod nulli sint non obvia, mirèque tenuia; quasi verò lusus lascivientis ebriæ Naturæ essent; atque ea duntaxat in immanibus illis & horrendis belluis sobriè egisset. Neque Italis peculiare hoc vitium, sed & Anglis cunctoque humano generi commune: qui ut turpigeros illos bardos, Lybicum Leonem, immanem Cetum, nascicornem belluam, *Υρσιν* & Tanrum spectent, longum quandoque iter Londinum suscipiunt, ac in Carcæ foras theatriali pecuniâ sibi comparant. Tamen ubi Natura magis, quàm in minimis tota est? Equidem in magnis corporibus, facilis officina sequaci materia fuit; at in his tam parvis, tam despicatis, tam nullis, qua ratio? quanta vis? quàm indiscibilis (ut cum Plinio loquar) perfectio? Frudentiam postulas?

Præfatio.

postulas? ecceam tibi formicam. Iustitiam desideras? Apertè intuearis. Temperantiam laudas? utramque consulas. Fortitudinem prædicas? videas Cicadarum genus. Imò culicem (dictū minus Insectulum) contempleris, exiguam & fistulosam promuscidem eò per densam leonum cutem adigentem, quo tu ense vel pilo vix aut ne vix quidem pervenias. Homini ad perforanda robora ferro est opus, quæ Tcredo (sono teste) dentibus excavat, & ceu Polycleli cuiusdam stilo sigilla insculpsit. Si verò illorum aliquot in edificando, pugnando, luendo, operando, peritissimè narrare vellem; forte minimis in rebus curiosior (de quibus non curat lex) & majorum negligentior videri possum: Nunc ad usum venio, multiplicem illum quidem, & (quæ Deum, quæ Naturam, quæ Hominem videas) permagnum. Nam si gentes ex creaturis, juxta D. Pauli sententiam; Deum cognoscant: sanè ejus omnipotentiam, majestatem, providentiam; hinc quasi de celsiore Pharo certius prospiciant. Sunt enim eorum quedam adeò minuta, ut (ceu Calli-cratis illa linea) cerni nisi certis oculis & amplissimâ Solis luce haud possint: qualem me muscam vidisse memini Bibione longe graciliorem. Symphoniam cupis? Cicadam audi: quæ perpetuis repleta cantibus sine cibo vivit, & melodiam quadam suavisimâ Philomelam provocat. Tubicinem audires? Averti aures accommodes; audi Bombylium; auscultes paulisper Culici, cujus roscello truenlentiam illam & clangorosam quasi tubæ vocem, Summus ille Dædalus ingeneravit. Pediculum contemnis? Tamen quàm Magi illi Aegypti, majorum animalium figuræ Pharaoni obtruderent, in sola hujus tam vilis creatura fabrica, herbam Atosi dederunt. Relicte igitur Galenus 17. de us. partium, post pilorum mirificam generationem & usum explicatum, in hæc verba prorupit: Si (inquit) in tam sordidis & nullis partibus tam sit divina virtus, quantam ejusdem putandum est esse excellentiam, quæ in corde & cerebro dominatur? Sanè si quis nullæ scæte addictus, sed liberâ sententiâ rerum considerationem inierit; conspiciatur in vilissimis particulis tantam mentem habitare: conspicatur item cujusvis vel minimi animalis constructionem: is mentis, quæ homini inest, excellentiam intelliget, atque ex medicis principijs Theologiam hauriet, quæ multo est major atque præstantior totâ Medicinâ. Arbitror nullam gentem neque societatem, apud quos ulla Deorum est religio, quidquam habere Sacris Eleusinijs, aut Samothracijs simile: ea tantam Mentem rerum omnium (quam profitentur) obscurè docent, quæ in omnium animalium architecturâ satis illucet. Neque enim existimes in solo homine tantam esse opificis artem, quantam sermo superior explicuit, sed quodcunque aliud animal dissiccare velis, parem in eo artem ac sapientiam reperies. Imò quæ secare omnino nequis, tanto majorem tibi admirationem excitabunt, quanto ipsa fuerint minora. Nam si cuidam sculptori nuperrimè summa laus, & meritò, oborta est; quod in exiguo annulo Phaetonta quadrigis invehitum ita formaret, ut ora, fræna, dentes, pedes sedecim, partesque omnes mirabiliter articulatas verè exprimeret: Sanè cum totum illud opus nihil pulicis crure præstantius haberet, major adhuc pulicis conditoris ars virtusque inesse appareat, qui ipsam non solum formavit, sed & nullo labore; formatamquæ deinceps nutriet & adaugeat. Quare desinamus stupendæ magnitudinis Colossos amplius mirari, & cum vera sapientia Antistite à cedro ad muscū, id est, ab altissimis arboribus, ad abjectam herbulam, vel herbarum potius à τρυφῶν veniamus. Quis si herba minima historiam Rege non indignam arbitratus est, sanè quanta Animalia plantis præstantiora, tantò magis hoc opus regium patrocinium, & philosophicam contemplationem meretur. Heraclides quàm amicos in turgidolum vocasset, loci angustia, vel adium sordibus deteritis, ante fores stetisse perhibetur: Quibus ille: Ingredimini, inquit, ἰσθμὸς γὰρ καὶ οὐκ οὐκ. Scilicet insinuans Deum esse maximum in minimis, & rebus quibuscunque abjectis Mentem inesse.

Præfatio.

Et sanè si Insectorum fabrica divino tanto artifice digna fuerit, quid hominulorum ingenij eorum contemplatio fuerit indigna? Inter milites Palestinos Goliath Deum (gigantem hominis) erexit: sed cum pastorculi unius fundulâ prostratus voluit. Inter nantes Hispanorum, proceritate corporis quot prævalent? cedunt tamen omnes pufillo Anglorum Drago, & tridentem ipsi Neptunus quodammodo submittit. Magna est quercus, & in robur immensum crevit; sed Deus ipsam ex animas pumilis hedera complexu, ne quando per virtutem & vires superbi- res. Valeant igitur tumidi magnorum animalium aestimatores, quorum ego ut in mole Deum agnosco, ita in Parvulorum historia magis video. Plus enim hic prudentia, sagacitatis, artus, ingenij, & cuiusdam non obscura divinitatis. Na- turam, ordinariam Dei manum, laudare velis? Vnde magis quàm ab Insectis pec- tas exordium? ubi tot enim sensus collocavit in Culice? ubi visum in eo præ- tendit, (inquit Plinius :) ubi odoratum inscruit? quâ subtilitate pennas annexuit? quantâ arte pralongavit pedum cruscula, disposuit jejunam ventris cavcam, & avidam sanguinis humani sitim eò accendit? atque ut rostellis cerni nequit exilitas, ita ipsum reciproca geminavit arte, ut fodiendo acuminatum pariter, sorbendoque fistulosum esset. Mitto Insectorum admirabilem illam ~~curiositatem~~ venustatem, facunditatem; quæ ~~etiam~~ Natura divitiis majoribus Theatris laudant, & ubertatem quandam ejus inexhaustam nobis commendant. Homines si videas, illorum uti corporum vitia ferè omnia (ut fusiis in historia pa- tebit) auferunt, ita adferunt menti varia virtutum exempla, quibus improbas aliquin animas instruant atque erudiant. Quare Salomon, vera sapientia inter mortales facile princeps, ad Formice myrmecium inertes relegat, ad Cicada co- hortet tumultuosos dimandat, ad domestici aranei contemplationem mortales inci- tat, ut ex Insectorum schola virtutem hauriamus, & ad Dei potentiam oculos, nimium ab eo alienatos, sapius vertamus. Agedum, inquit Tertullianus, confidis tuis viribus, mi homo, & Deo diffidis? Atqui attendas tantam vel minimis ipsius creaturis vim inesse, quantam nec tu ipse perferre, nec proferre unquam va- lueris. Imitare, si potes, subtilitatem aranei, sustine phalangij morsum, pediculo- rum veluti illuviem vitato, culicem gutturi inhaerentem eximito, ad cimicis puli- cisque iracundioris morsum dormito, ab erucis arbores illasas servato; Curculio- nem, Teredinem, Thripas atque Ipas arcto. Quare ut in hoc spectatore Insectorum artificio, numcnsuum majus ostendit Deus, ita misericordia ejus insignis eò illa- cet, quod nullus fere nascatur animi corporisve morbus, quin medicinam pec- mus ex hoc penu, & utriusq; valetudinem sanemus. Nutriendis, sagi- nandis, curandisq; nonnullis alijs animalibus, si conferre illa homines nega- rent; Neptunij, acryj, cives proloquerentur, ipsaque herbis vescentia bruta clare dicerent. Quare utcumque ~~non tam insignis~~ ~~etiam~~ ~~indignus~~ ~~etiam~~ ~~etiam~~, atque hoc propterea opus curiositatis, Ostentationis, Inutilitatis per indoctorum ignaviam vel malevolorum proterviam alligetur,

Attamen hic tenuis rerum sub imagine, multum

Natura fatig, subest, & grandis origo.

Hortor igitur summos illos viros, de Insectorum historia, tam rerum, quàm ico- num communicatione, optime meritos (quos in exordio nominavi) ut quâ huma- nitate, Pennio mihi que hætenus adfuerint, eadem in augendo hoc opere quotidie pergant: sic enim verè aestimabuntur, quod audiunt, ~~etiam~~ ~~etiam~~ ~~etiam~~ Dei, & Natu- ra gloriam amplissime offerent. Cui si ego tantum, quantum certa mortalium uti- litati consuluisse videar hoc opere; de Zoilo manum hand verterim: neq; enim placere omnibus unquam studui, & nihilominus rerum omnium creatori gratitu- dinis aliquam partem offerre, semper contendi.

Auctores ex quibus hoc Opus concinatum est.

A ron Kimchi.	Arrianus.	Cornarius.
Abinazar.	Artemidorus.	Corfalinus.
Abnarius.	Asclepiades.	Cranzins.
Adamus Lonigerus.	Athenas.	Crescentinus.
Egesippus.	Avenazar.	Curtius.
Alianus.	Averrhois.	Desiderius Erasmus.
Alim Dionysius.	Avicenna.	Didymus.
Aeneas Silvius.	Avicenna.	Diodorus Siculus.
Esopus.	Augustinus Theologus.	Dion Cassius.
Accius.	Aurelianus.	Dionysius { Afer. Adesius. Vticensis.
Egenita.	Salvator Conradinus.	
Africanus.	Barbosa.	Diophanus.
Agatharhis.	Bartholomeus Angelus.	Dioscorides.
Aggregator.	Bayrus.	Dephilus.
Agricola.	Basilius Theologus.	Dodonaeus.
Albertus magnus.	Bauchinus.	Enclius.
Albertus Campanus.	Belonius.	Erasmus Stalla.
Alexander { Alexandridas. Aphrodisias. Benedictus.	Benivennius.	Erasistratus.
Alexius.	Berapalms.	Erotus.
Aloysius.	Beroldus.	Eusebius.
Alveares.	Berosus.	Eusebius Scholasticus.
Amatus Lusitanus.	Besa.	Euthymius.
Ambrosius Theologus.	Blondus.	Eutropius.
Ammianus Marcellus.	Boethius.	Fabrianus.
Anacreon.	Brassavola.	Fallopins.
Andreas Bellinensis.	Brunfelsius.	Fernelius.
Andreas Libavius.	Budaeus.	Festus.
Antenor.	Cadomusius.	Floravanti.
Antonius { Alcomarus. Liberalis. Pius.	Cacilius.	Flamininus.
	Calius { Secundus Curio. Rhodius.	Florentinus.
Apion.	Calepinus.	Fortius.
Apollodorus.	Callimachus.	Franciscus Junius.
Apollonius.	Calvinus.	Freigius.
Apollo Musaeus.	Camerarius.	Fumancellus.
Apomazar.	Capero.	Fulgosus.
Aspirus.	Cardanus.	Funchius.
Aphobonius.	Cato.	Gabucinus.
Apuleius.	Celenus.	Gaknus.
Aquila.	Cicero.	Galliardus.
Araus.	Chalcagninus.	Gaza.
Aratolus.	Christophorus Probus.	Gellius.
Arctans.	Chrysostomus Theologus.	Gemma.
Archigenes.	Claudius.	Gentilis.
Ardenus.	Clement Alex.	Gelnerus.
Ardoius.	Cleopatra.	Gilbertus Anglicus.
Argentarius.	Clitarchus.	Giraldus.
Aristophanes.	Clodius.	Gordonius.
Aristophanes Scholasticus.	Clusius.	Gorranus.
Aristoteles.	Columella.	Grapolus.
Arnobius.	Comestor.	Grevinus.
Arnoldus de villa nova.	Constantinus { Afer. Pribus.	Gualterius.
	Cordus.	

Guilhelmus.

Aethorum Catalogus.

Guilelmus.	Ludovicus Vives.	Origenes.
Guilielmus Placentinus.	Lullus.	Orus Apollo.
Hadrianus Iunius.	Luminare.	Otho Erisingensis.
Haly Abbas.	Lycophron.	Ovidius Naso.
Halicarnassum Dion.	Lycosthenes.	Ovidius.
Heracles Ponticus.	Macer.	Palladius.
Heresbachius.	Macrobinus.	Pamphilus.
Herodes Hippater.	Majolus.	Paracelsus.
Herodotus.	Malleolus veneticus.	Parmenio.
Herocles.	Manardus.	Pansanius.
Hermol. Barbarus.	Mantuanus.	Paxanus.
Hesiodus.		Pelagionus.
Hesiodus.		Petrus.
Hieronymus Theolog.	Marcellus { Empiricus.	Petrus { Aponensis.
Hieremias Martinus.	Virgilius.	Quichelbergius.
Higynus.	Marianus Barolitanus.	De Albano.
Hildegardes.	Marinus Siculus.	
Hippocrates.	Martialis.	Petronius.
Hollerius.	Massa.	Peucerus.
Hollerij Scholasticus.	Massarius.	Phavorinus.
Homerus.	Matthias Machoides.	Philetus.
Horatius.	Matthiolus.	Philisius.
Lacobi Parmensis.	Maurinus.	Philo.
	Maximilianus Transil.	Philostatus.
	Megasthenes.	Phlegeton.
Leo { Damasceus.	Meges.	Pierius.
Ioannes { Cremonensis.	Menecrates.	Pindarus.
De Chani.	Mercutialis.	Placernus.
Ioannitius.	Mercutius Trismegistus.	Plato.
Iovius.	Mercula.	Plautus.
Isaarus Belga.	Mesue.	Plinius.
Ishodorus.	Micaldus.	Plutarchus.
Ijogonus.	Modius.	Politiannus.
	Moninius.	Pollis.
	Moses.	Pollux.
Iulius { Obsequens.	Montaguana.	Polybius.
Capitolinus.	Montanus.	Ponsius.
Pollux.	Montuus.	Porphyrius.
Iubas.	Mundella.	Possidonius.
Iuvenalis.	Munsterus.	Praxagoras.
Kambi.	Musa.	Proclus Diadochus.
Kiramides.	Myepus.	Propertius.
Lactius.	Natalis de Comitibus.	Pythagoras.
Landinus.	Naucletus.	Pytho.
Lausfrancus.	Nemesius.	Quintilianus.
Leo Afer.	Necles.	Quinquernus.
Leo Suavius.	Nicander.	Reglerus.
Leonellus Faventinus.	Nicandri Scholasticus.	Rhassus.
Leonardus de Pradapalia.		Rhenius.
Lerius.	Nicolas { Florentinus.	Rhodiginus.
Levinus.	Prapostus.	Ringibergius.
Leufnerus.	Venetus.	Robertus Stephanus.
Lillius.		Ruellius.
Linacer.	Nigidius.	Ruffus Ephes.
Livius.	Niphus.	Rulandus.
Livius.	Nomius Marcellus.	Ryffus.
Lonicerus.	Nonus.	Sabinus.
Lopius.	Nomenius.	Salomo.
Lucanus.	Olani magnus.	Samonius.
Lucianus.	Oniscyrius.	Samud Quichelbergius.
Lucretius.	Opianus.	
	Oribasius.	


Seaberg

Authorum Catalogus.

<i>Scaliger.</i>	<i>Snidas.</i>	<i>Valesius.</i>
<i>Scoppa.</i>	<i>Sylvaticus.</i>	<i>Valleriola.</i>
<i>Scrbonius Largus.</i>	<i>Symphorianus.</i>	<i>Varignaria.</i>
<i>Sebastianus Baro.</i>	<i>Tardinius.</i>	<i>Varinus.</i>
<i>Seneca.</i>	<i>Tarentinus.</i>	<i>Varro.</i>
<i>Serenus.</i>	<i>Tertullianus.</i>	<i>Vegetius.</i>
<i>Servius.</i>	<i>Textor.</i>	<i>Veterandus.</i>
<i>Serapio.</i>	<i>Theocritus.</i>	<i>Vespucius.</i>
<i>Silvius.</i>	<i>Theomnestus.</i>	<i>Vigo.</i>
<i>Simon Sethi.</i>	<i>Theophrastus.</i>	<i>Vincentius.</i>
<i>Sleidanus.</i>	<i>Theopompus.</i>	<i>Virgilius.</i>
<i>Solerius.</i>	<i>Thevetus.</i>	<i>Vitalis.</i>
<i>Solinus.</i>	<i>Thomas a Vregea.</i>	<i>Vitruvius.</i>
<i>Solin.</i>	<i>Thencydides.</i>	<i>Vitruvigenfis.</i>
<i>Sophocles.</i>	<i>Thylefus Constant.</i>	<i>Vlysses Aldrovandus.</i>
<i>Soranus.</i>	<i>Timaeus Siculus.</i>	<i>Weckerus.</i>
<i>Sornatus.</i>	<i>Toxites.</i>	<i>Walschius.</i>
<i>Softratus.</i>	<i>Trallianus.</i>	<i>Wolphins.</i>
<i>Stancarus.</i>	<i>Tremelius.</i>	<i>Xylander.</i>
<i>Stella.</i>	<i>Trocula.</i>	<i>Xenophon.</i>
<i>Steni.</i>	<i>Turnebus.</i>	<i>Zenocrates.</i>
<i>Strabo.</i>	<i>Turnisernus.</i>	<i>Zoroastes.</i>
<i>Strumfius.</i>	<i>Tzetzet.</i>	<i>Zmingerius.</i>
<i>Suetonius.</i>	<i>Vadianus.</i>	

FINIS.







INSECTORVM

SIVE,

MINIMORVM ANIMALIVM.

THEATRVM.

CAPVT I.

De Apum nomine, descriptione & differentijs.



Nter Insecta omnia principatus Apibus, & jure præcipua admiratio debetur, solis ex eo genere in hominum alimentum conditis; reliquis vero ad medicinam tantum, vel oculorum voluptatem, aurium oblectationem, corporisve apparatus ornatumq; procreatis; quæ omnia hæ item abundè præstant.

Nomen.

Hebræi, Deborah.

Arabes, albara Nahalea Zabar.

Illyrici, Weziela.

Itali, ape, api, vna sticha, moscatella, ape a scoppa, pecchi.

Has vocant

Hispani, abeja.

Galli, mousches a miel.

Germani, ein ymme bynle.

Angli, Bee, bees, been.

Flandri, bie.

Poloni, pztzota.

Hiberni, camlij.

Apes apud Græcos multa fortiuntur nomina, secundum gentium, regionum & locorum diversitatem: variæ siquidem gentes varia nomina Apibus attribuerunt. Sed nomen maximè vulgare est μέλισσα (μελίσσα item Hesiodo) παρὰ τὸ μέλιος ἰσιζῶσιν, ἢ παρὰ τὸ μέλι, vel potius παρὰ τὸ μέλι, ejus opifex est apis, μέλισσαι item dicuntur, ἀ μέλιτος, quia magis meditatundum, industrium, laborisq; patiens Insectulum, nusquam comparet. Πυροσμήτις Hesiodo est μέλισσα apīs: (maluit enim Gesnerus πυροσμήτις legere, quandoquidem & ἑρμίστις cognominatur) veluti etiam ἀπὸ τῆς μέλιτος. Sed hanc Suidas, Aristoteles & alij, potius crabonem faciunt

faciunt aut vespam. Quamvis Gaza interpretatio varia, & magna poetarum pars apem quoque appellant. Stephanus *απειλίδες* apes dici memorat, unde *απειλίδες*, apes aluearibus condo. Apis quædam *απειλίδες* dicitur Helychio; alijs item *απειλίδες*, à fingendo. Vocantur item a floribus depopulationæ *απειλίδες*; & a colore *απειλίδες*, a natali solo & semine *απειλίδες*; & quod respectu vesparum obtusiores habent aculeos, *απειλίδες*; a sono stridoreque alarum in aëre vibrantium *απειλίδες*, *απειλίδες*; licet non desint, qui latine apud Isocratem *Culices* interpretantur, ubi scribit quosdam *απειλίδες* encomium scripsisse. Sed bombus proprie *απειλίδες* item inter alias multas significationes Helychio dicitur *απειλίδες*, quem alij fucum, Isidorus regem appellat sive castrorum Imperatorem. Sed is proprio nomine *απειλίδες* dicitur. Respectu loci communis, *απειλίδες* habent epithetum, respectu regionis *απειλίδες*; vti etiam Dardanus, merops. Officijs item & munera diversas apibus nomenclaturas dederunt; ut quidam *απειλίδες* ab imperando, alij *απειλίδες* a suavi cantu, alij ab operis *απειλίδες*, alij demque *απειλίδες* sive Figuli inter favos fabricantes, vel alio officio emplastrico fungentes, quo apes tutæ a flatibus aut pluvijs vitam agant. Latini vno nomine *apis* & *apes* ista Insecta appellant. Varro autem quandoque aves, sed improprie eas vocavit: Volucres enim sunt, Aves non sunt. Apes dici quidam putant, quia examina pedibus mutuo sibi hærent, ac firmiter sese quasi in botro tenent. Quinetiam illud nomen compositum existimant plerique ab a & pes, quod sine pedibus nasci videantur, dicente Virgilio, *Trunca pedum primo*: in quorum numero est Servius. Et revera Nympha, (sive recens factus) *απειλίδες* Græcis dictus, pedibus caret; ex qua indurata, tempore à natura constituto, rupto cortice, apis egreditur. Sed cum non servet analogiam *Bipes edis*, *Tripes edis*, *compes edis*, magis simplex judicandum est nomen; unde diminutivum, *Apicula*.

Apum descriptio.

Apum descriptio.

Apis est animal insectum, volatile, quadripenne, sepes, exangue, mellis artificio solum pollens. Nam qui Hortum sanitatis scripsit, haud parum insanè deliravit, dum apes quadrupedes audacter statueret; quatuor enim (scilicet) dedit illis natura pedes, ut rectius incederent, nec plures, ne volatum impedirent. Sed mittamus tam ineptum authorem, & utilissimum hoc prudentissimumq; insectulum futilius describamus. Oculi earum subcorni intus conditi sunt. Vti etiam aculeus: neq; lingua destituntur, neq; dentibus; pennæ, sive alæ quatuor, siccæ (ut cunctis volatilibus insectis) pellucidæ, scapulis annexæ, quarum postrema minores ne remigio obessent, imis pedunculis duo quasi digiti emergunt, quibus procellosis temporibus lapillum ad corpusculum librandum ferunt, ne ventorum adverso impetu ædibus pellantur; tantum obest ut *απειλίδες* dici eas vel posse vel debere Luciano credam. Non respirant (Plinij venia dixerim) sed palpitant, & transpiratione refocillantur. Stomachum habent ex omnium membranarum tenuissima contextum, quo collectam melligenam non solum continent, sed concoquunt præterea & depurant. Quæ sola ratio est, cur mel apiculæ aërio omni & manna diutius integrum serveatur vel potius non omnino (ut postea dicemus) corruptum.

Aristoteles 9, *Histor. Cap. 40*. Novem apum genera esse dicit: quarum

quarum sex gregales facit, Apes, Reges apum, Fucos, vespas, Crabrones, & Tredines : Tres item solitarias, Sirenem majorem, Sirenem minorem, atque Bombycem. Cujus Simius Albertus novem item recenset, sed tam horrendis atque barbaris nominibus, ut finxisse eas potius quam nosse videretur, lib. 8. tract. 4. cap. 2.

Differunt autem apes Materia, forma, ingenio atque officio, nec plures genuinas differentias ex infinitis (quos evolui) authoribus ego reppererim. Materiam quod attinet; (si operum naturæ inquisitoribus adhibenda fides) aliæ *αποτομικαί*, aliæ *αναπλαστικαί*, aliæ *βιολογικαί* item *μεταπλαστικαί* appellantur. Optimæ autem & verè nobiles ex leone potius habent originem, harumque principes & reges ex ejus cerebro (divinissima corporis totius parte) stemma deducunt : haud mirum igitur, si tantulæ cum sint, ingentissima nonnunquam animalia *βιολογικας* aggre-
diantur, & Leonina ferocia præditæ nil timeant. Nobilitate his proximæ ex tauro gignuntur, fortissimo item animali, & generis excellentiam toto pectore & corpore spirante. Tertium Locum vaccigenæ obtinent, industriæ illæ quidem, laboriosæ, & viles ; sed mitioris nonnihil ingenij, & ad iram minus proclives. Vituli cadaver teniores apes atque molliculas generat, mellis optimi coctrices, sed per tenitudinem laborum neutiquam patientes, & per materiam imbecillitatem magis *αποτομικαί*. Nec desunt qui apes ex suis proprijs cineribus mulso aspersis, Solique aut loco tepido expositis renasci scripserunt, quas si *υπομιμνῆσθαι* vocemus, per Græcos liceat. Forma apum optimarum, parva, varia, globosa, repanda ; deteriores sunt oblongæ. Forma autem quatuor de causis ; Natura, loco, sexu, atque ætate. Aliæ enim domesticæ magis nascuntur & cicures ; aliæ omnino sunt fere atque sylvestres ; illæ familiaritate & consuetudine hominum delectantur ; hæ vel omnino eam non ferunt, vel felicius in arboribus, speluncis, adium parietumque ruderibus mellificinam exercent. Cicuum vicissim quædam in hortis degunt voluptuarijs, & omni herbarum genere affluentibus, magnæ, molles, pingues, ventricosæ : aliæ in Villis custoditæ, fortuitos & longius nascentes flores decerpunt ; minores, hirsutiores, sed labore, opera, ingenio magis præstantes. Vtriusque autem generis, aliæ cum aculeo nascuntur (ut verè omnes apes) aliæ sine aculeo, ut adulterinæ, quas alvo, gutture totòque corpore grandiore & molliore videris, sed nec bonus ullis moribus, nec ingenij dotibus insignes. Ignavum hoc pecus Fucos vocant : vel quia operariæ videntur quum non sint tamen ; vel quia laboris specie (ceram enim quandoque apportant, & cellas apum sedulo confingunt) mel devorant. Sunt autem colore magis nigricante cum splendore, & magnitudine corporis noscuntur. Quinetiam quædam apes ex regio & Ducum sanguine oriundæ sunt, quorum duo genera Aristoteles facit. Fulvum præstantius ; & nigrum variegatum. Alij tres reges constituunt colore differentes ; nigros, rubros, & varios. Menecrates varios deteriores constituit, sed cum nigredine varios, meliores. Omnes magnitudine reliquas apes duplo superant. Qui autem totius examinis Monarcha & Cæsar eligitur, præcellenti semper est forma, & duplo cæteris procerior : penæ huic breviores, crura, recta, lacertosa, valida. Incessus celsior, vultus maiestatem spirans, & in fronte macula quædam diademate candens

Formarum
differentia d
natura.

*Differentia
formatum a
loco.*


conspicitur: multum etiam nitore a vulgo differt. Nunc autem formam, nunc naturam locus alterat; utramque sexus & ætas. Etenim in Moluceis insulis apes formicis alatis sunt similes, sed majoribus paulo minores: ut Maximilianus Transilvanus in epistola ad episcopum Salisburgensem disertè refert. In America juxta Vasses & Platæ fluvios, apes nostris non sunt similes, minoribus muscis (quibus ætate infestamur) neuriquam majores; in arboribus excavatis nidificant, & favos longe majores magisque foraminulentos ac nostræ extruunt: extremitates alarum (narrant Oviedus & Thevetus) quasi commorfas obtinent vel abscisas, quarum in medio transversam maculam gerunt albicantem, & aculeis non sunt molestæ. Cera, quam conficiunt, fuliginosa videtur atque picca: suntque ut plurimum *ακαίσβες*. Genus quoddam apum in ponto Aristoteles, lib. 5. hist. cap. 22. recenset *πυλάνουσι*, molle, industrium, quod bis mense mellificat: mite illud & moribus placidis, folique mellificinæ intentum. Quales item in regione Peru, acrioris & valde liquidi mellis confectrices scribuntur, quæ fores ita cerâ obturant, ut non amplior Syphone meatus relinquatur, per quem singulæ introire possunt. Nostræ verò fere omnes nigrescunt in Europa natæ, non tam ob facilem tenuis substantiæ concoctionem, quâni quod crassioris dietæ & densioris texturæ videantur, fuliginosâque materia intra cutem propterea remaneat; quam apes Peruvianæ & Pontinæ ob cutis quâ pollent varietatem & ruscidi alimenti tenuitatem, facilè expellunt. Id ni in causa fuerit, diversitatem coloris, ut in urtis merulisque fit albicantibus, ludenti demus naturæ: quæ varia quum ipsa fuerit & Polymorpha, haud mirum si formarum *πυλάνουσι* gaudens, non unius omnes coloris apes fecerit. Vulgarium item apum (ut Columella ex Aristotele animadvertit) genera sic distinguuntur. Quædam sunt vastæ, glomerosæ, nigra, hirsutæ: aliæ sunt minores, rotundæ, coloris fusci & horridi pili. Sunt adhuc aliæ magis exiguæ, nec adeo rotundæ, sed magis obesæ, & latera coloris melini habentes. Sunt quædam minime, graciles, acutæ, quibus alvi ex aureolo variæ atque leues. Maxime autem probandæ nigricantes, parvulæ, sphaeroides, leues, nitidæ, placidis moribus. *Arduentes auro & paribus lita corpora gressu* (si Virgilo credendum) habentes. Nam quantò grandior apes atque obesior vel etiam longior eò peior: Si etiam sæva & Iracunda, longè pessima. Sed ira assidui custodis consortio mitigatur, atque æris solo crepitu placidiores redduntur. Apes Chalcoides dictæ in Creta insula ænei coloris sunt atque oblongæ, quæ admodum implacabiles & pugnaces perhibentur, aculeis cæteras omnes vincentes & acerbius pungentes; adeo ut cives ex urbibus stimulis abegerint. Cujus gentis reliquias etiamnum in Ida monte favos construere atque habitare, Aelianus ex Antenore author est. Tales item Carthagenates sunt apes, muscitas formâ representantes. Apud Halizomos certe adeo mansuetas esse apes scribit in Atticis Pausanias, ut cum hominibus unâ pabulum excant, ac libere vagentur, quippe quæ alvearibus nullis contineantur. Passim igitur opus faciunt, illudque ita concretum, ut mel à cera nequeas sejungere; sunt autem læves, nitidæ, variegatæ, & bonis nostris apibus non dissimiles. Denique cum omnes apes naturâ sunt veneni expertes, tamen longas & coliformes juxta Americanam Cartha-

*Differentia
animorum a
loco.*

Carthaginem, mel toxicum conficere locus urget; ubi ex arborum, ventorum, aeris, terræ ipsius contagio mel insectum colligunt, & in suas cellas, quale quale fuerit reponunt. Subterrestres item apes aliam & formam obinent & naturam. Nam alveares & arboricola majores sunt, longiores, molliores, alatiore, ventre & dorso flaviores. Illæ vero sub terra in foraminibus parvis ædificant, breves, compactæ, capitibus & antennis nigræ, toto fere corpore hirsutæ, latera sola & caudam lanugo flavescens vestit, & revera plurimum exornat. Ex apibus autem aliæ sibi ædes inveniunt silvestres, aliæ stramineis corniculis tectis excipiuntur, Civiles atque urbanæ; quæ Apiarij curam cum scientia junctam non respuunt, imo quidem deosculantur & deamant. Sexum apum Philosophorum princeps con-^{Differentia corporalis forma a loco.} fundit, sed maxima scriptorum natio distinguit; quorum alij feminas majores esse statuunt & ^{Differentia a sexu.} aliosque; alij contra minores, cum aculeo. Sanior pars (mea saltem sententia) nullos mares præter duces ac principes agnoscit, qui cæteris habiliores, majores, robustiores, domi semper propagationi incumbunt, & raro nisi toto cum examine emigrant; quippe quos natura ad signa veneris frequentes esse jussit, nec unquam a suis feminis abesse ordinavit. Has incubare, & avium more fatus diligenter fovere, atque membrana rupta excludere experientia testatur. Etatum discrimina corporis habitu noscuntur. Nam nuperimæ natæ alas tenuissimas habent & tremulas: anniculares, uti etiam bimæ atque trimæ nitidæ sunt valde & tonsæ, oleiq; similitudinem & colorem gestant: Septennæ vero factæ, pinguitudinem & glabritiem omnino omnem deponunt, nec quis postea è corporis cutisve figura & qualitate (ut in equis solet usuvenire,) certum ætatis annum computare potest. Seniores autem hirsutæ, duræ, rugis plenæ, strigosa, aspectu tactuq; horrida, oblonga, macra, & venerabili quadam canitie insignes: id quod nobis Juvenibus Ducissæ Somersetiæ ostensum fuisse (sub cujus cubiculo unum idemq; examen ad tricesimum usque annum supererat) nequeo non constiteri, & Aeliano idem recensenti suffragium addere. Cæterum, ut forma horridiores videntur, sic experientia præcellunt atque industria: utpote quibus dies doctrinam auxit, & diuturnitas temporis usufque ad mellis conficiendi scientiam ipsas erudit. ^{Alas.}

CAP. II.

De politicis ethicis & æconomicis apum virtutibus.

 Pes regno non tyrannide reguntur: nec regem ^{immo} propriè vocatum successionè, vel sorte suscipiunt, sed judicio & prudenti electione; & quamvis sub rege libenter jugum ferunt, tamen libertatem retinent; quia prærogativam tenent judicij, regemque fide obligatum vehementer amant. Hic autem ut magnitudine & specie corporis (uti supra diximus) præcellit (ita quod in rege præcipuum est) morum mansuetudine. Habet enim aculeum, sed non vitur ad vindictam, unde reges aculeo careere nonnulli putarunt. Sunt enim leges naturæ, non literis scriptæ, sed moribus impressæ;

lenioresq; ad puniendum sunt, quia potestate maximā potiuntur, & quamvis ad privatas ulciscendas injurias lentuli videntur, tamen refractarios & rebelles non dimittunt impunes, sed aculei vulnere sauciant atq; conficiunt. Paci vero sic student, ut neq; volentes neque invitī molestiam exhibeant. Quis igitur non maximo odio Dionysios in Sicilia, Clearchum in Heraclea, Appollodorum Cassandrinorum prædonem prosequeretur? Quis illorum regibus supparasitantium nequitiam non abhorret, qui Monarchiam nihil esse aliud affirmant, nisi modum voluntatis implendæ, & scientiam suppeditandæ voluptatis? id quod longissimè abesse a bono principe debet, ne homo cum esse videretur, vel bestiolis hîcæ alatis deteriorem se prodatur. Atque ut vita illorum non vulgaris est, ira nec ortus. Haud enim regia soboles vermiculus nascitur, ut reliquæ, sed statim penniger, atque inter foetus suos adolescentes, si quem filium insulsum, inconcinnum, hirsutum, iracundiorem, male formatum, ingeniatumvè compererit, eum concordie reliquarum suffragio è medio tollendum curat, ne distrahantur agmina, & subditi partium studio incensi corrumpantur. Hic modum cæteris statuit, ordinem præscribit, alias aquare jubet, alias intrus, favos fingere, extruere, expolire, suggerere; alias vero ad passionem proficisci: proventus ætate domi fovet, juniores laboribus & vicissitudine munerum exercet, & quamvis ab opera mechanica immunitatem habet, tamen usu ferente ipse item laborat, neque unquam nisi valetudinis aut necessitatis gratiâ foras emigrat. Ac si ab ætate firmus sit, totius exercitus dux antecedit, sequæ cunctis periculis primum objicit: nec à reliquis vehitur lubens, nisi cum senio vel morbo fractus, rectus nequit incedere aut volare: Noctæ appetente, signo per cornicinem dato, quies vulgo imperatur, vigilisq; dispositis, se ad somnum quisque accingit: Quoad rex vivit, tamdiu examen universum pace fruitur, omniaque perturbatione carent: fuci enim suis cellis libenter se continent, seniores suis sedibus vivunt contenti, nec natu minores in majorum lectos excurrunt. Rex separatim à reliquis habitat, eminentiore laxiorèque palatio, cerino sepimento affabre factò, ceu muro quodam circumvallatus. Ab eo regia soboles seorsim juxta habitat; Patris matrisve (ut vocant) solo nutu acquiescentes. Rege autem extincto, subditi turbantur, fuci in apum cellis pariunt, atque omnia miscentur. Aristoteles plures esse in uno examine reges aliquando meminit, quos potius proreges dicerem aut Regulos; quandoquidem (teste Antigono) certum sit, examina non minus perire plures reges habentia quàm quæ nullum. Atq; de bonis regibus hæc: Mali vero hirsutiores sunt, atque magis fulci, nigri, & varij: quorum pro habitu damnabis ingenium.

*Namq; dua regum facies, duo corpora gentis,
 Alter eris maculis auro squallentibus ardens
 Et rutilis clarus squamis, insignis & ore,
 Fædior est alter multo quam pulvere abactò,
 Quum venit & sicco terram spuit ore viator:
 Desidia latamq; trahens inglorius alvum: hunc,
 Dede neci, melior vacua sine regnet in aula.*

Atque

*Atque hactenus de regibus & ducibus, nunc de Vulgo apum
orationem instituemus.*

Apes nec fera nec placida animalia, sed mediæ inter utrumque naturæ, omnium autem officiosissimæ sunt juxta & commodissimæ. Aculeus ijs & vitam præbet & mortem, eo siquidem privatæ certo pereunt, præditæ autem vim hostilem ab examine propellunt. Harum nullæ sunt desides, licet non omnes *μυρρίπυι*: neque maxime inertes, moribus fucos referunt; haud enim favos corrumpunt, neq; mellis insidiantur, sed ex floribus aluntur etiam ipsæ, & cum alijs evolantes compascuntur. Quamvis item nonnullæ mellis conficiendi & condendi industria carent, habent tamen suam quæque provinciam & artem in qua se exerceant. Hæ enim aquam regi, & apibus senio confitis apportant. Seniores si valentulæ fuerint, ad regij corporis stipitationem seliguntur: utpote canâ fide, & debitâ rerum administratione perspectæ. Aliæ ægrotas in medicinam latas curant; & ex aniso, croco, hyacintho, mel ipsi medicamentofum & alimentofum simul colligunt, conficiunt, offerunt, & propinant. Si quæ verò annis vel morbo laborantes vitâ excidant, confluant confestim vespilones, quæ humeris quasi in sandapila cadaver efferunt, ne immunditie, putridine, squalore, puris favis & nitidis labem aspergant. Neq; defunt apibus, duces, legati, veterani, cornicines, buccinatores, tibicines, excubitores, speculatores, milites, qui melleam suppellectilem, non secus, ac si urbecula esset, asservant, & fures advolantes, cuniculosque agentes vermes meritis modis puniunt & affligunt. Ne taciti fures videantur, inter volandum murmur & bombum edunt, qui simul cum volatu audiri incipit & finiri, qui sonus si ve ex ore fiat, si ve alarum motu, litigant *Aristoteles* atque *Hesychius*; nec mihi unquam ille oculus, qui rem tot involucris additam dijudicaret. Tibicines vero & cornicines *ζυγχοι* edunt *Hesychio* (Angli item Sing vocant) eum quæ vigiliarum, somni operæve signum & tesseram statuunt. Tanto sui regis tuendi desiderio tenentur, ut eum solum prodire non sustineant, sed utrinque divisâ acie conglomerantes claudunt & muniunt. Quod si in itinere rex ipse fortè aberrarit; vel vi tempestatum actus disparuerit, omnes inquirere & odore tanquam sagaci persequi, donec quid de ipso fiat certo acceperint. Volatuq; & tædio procellatum fatigatum plebs ipsa alarum vehiculo ceu in thesa quadam gestantes, domum portant. Si perierit, omnes discedunt, vel fortè aliquandiu hærentes, favos tantum conficiunt; sed mel nullum; tandemquæ desides, morbosæ, extenuatæ, suo usq; tabo madentes, misere pereunt. Esse utique sine rege non possunt, cui ne minimam quidem vim, necem verò multo minùs inferunt, nisi ipse tyrannorum more omnia pro libidine pervertit, vel reipub. negligens, nil curat. Imo si sæpius migrare solitus fuerit (quod facere sine civium jacturâ haud possit) non eum statim interimunt, sed alis spoliant, restitùsque postea viventem unicè colunt. Quum rex fugiendo ipsas apes reliquerit, accersunt, & fugitivum à regno insequuntur, odoreque tanquam vestigijs deprehendentes (omnium quippe optimè olet rex) ad regales ædes reducunt. Nullæ item é domibus prius exire audent,
nec

nec in aliquos procedere pastus, nisi rex prius egressus sibi vindicaverit principatum volatus. Vix enim Aristoteli assentior, regem nunquam foras prodire, nisi cum toto examine, quod rarissime fit. Cum vero propter regis tyrannidem migrandum est apibus, vox solitaria & peculiaris, quasi tubæ cuiusdam, aliquot ante diebus mitti auditur, & biduo aut triduo ante pauci circa alveum volant. Cum vero omnia parata sunt fugæ, collectæ avolant, & tyrannum (quem reliquerunt) si sequatur interimunt. Bonum autem regem nunquam deferunt; eoquæ peste, morbo, insidijs, seniove confecto, moeret plebs, luget senatus apum, nec cibos convehunt, nec procedunt foras, tristi aedes murmure adimplent, & circa cadaver defuncti conglomerantes, tragicè plangunt. Postea de multitudine subtractum, examinem alveo exportant, lessumque circumcirca querulè effundunt. Neque dies luctum tollit aut minuit, sed tandem præ dolore & fame omnes expirant. Rege deprehenso, totum tenetur agmen; amisso, dilabitur, migratque ad alios. Reges uno plures non ferunt, & usurpatorum aedes diruunt, familiamque excindunt. Si tamen in uno examine duo sint reges (ut quandoque contingit) pars una uni adheret, altera alteri, & sic in uno alveo diversarum formarum favi reperiuntur: ubi ita se gerunt, ut aliarum provinciam non occupent, limites proferre non affectent, subditos allicere non cupiant, sed suo quisque regi obtemperat sine ulla contradictione, cumque tanto honore colunt, ut deperditum quarant, decrepitum sustentent, lassum circumferant, mortuum quasi defleant, obedientiam denique & fidem ad ultimam usque animam exhibeant: sæpe ob mellis furtum, & florum quibus ipsæ insident præreptionem, alienigenis bellum inferunt, ita ut nonnunquam iusta acie dimicatum sit. Sæpe item de focus & favis concertant, sed bellum tum plane *deorum* atque inexpicabile oritur, cum de regis vitæ res agitur & coronæ: quem pertinacissime propugnant, & ultroneo densoque corporum interiectu tela adversa quævis excipiunt: Nec solum politicæ prudentiæ & fidelitatis sunt exemplar hominibus, sed & in multis alijs virtutibus. Nam cum eas natura *statuit* omnia in mutuum sui usum faciunt, exceptis fucis & furibus; quos delinquentes iusto supplicio afficiunt. Habent communia tecta, communes natos, communes leges, patriam communem. Quod verò æconomicas attinet virtutes, parsimoniam totius familiæ columnen adhibent, æstatque magnum mellis dynamin collectam neitiquam profundunt prodigè, sed sese eo, hyeme, idque parè admodum, sustentant, atque ita dum paucis cibis ipsque puris vescuntur, longam vitam, sobrietatis mercem, assequuntur. Nec adeo tamen paræ sunt aut sordidæ; sed ubi plus mellis viderint collectum quam sua familiæ numerus postulat, nonnihil fucis liberaliter communicant atque impertiunt. Munditiæ item argumenta hæc esse possunt, quod corporis fæces nunquam (nisi per morbum, aut cæli injuriam, ipsoque necessitatis telo coactæ) in alvearibus excernunt; quod cadavera statim efferunt, nullam carnem, remve putridam, nullam herbam staccescentem, nullum caducum foetidumque florem attingunt, hostes non in alveis occidunt, aquâ nisi fluentè & defæcatâ non bibunt, aedes impuras, negras, sordidas non incolunt; stercore operantiû, agrotorumve inuis, extra castra congesta, primo quoque

otio

otio ^{inhiberi} exportant. Neque prorsus musices impatientes videntur, ut pleraque indoctorum gens, sed Symphoniâ non parùm delectantur, modo simplex illa fuerit & inaffectata. Enimvero ad numerum saltare nequeunt, ut Elephanti; remissius autem celerius volare pro æneatoris animo, qui acutè sonans eas festinare facit, lentè autem pulsans retardare cogit. Neque vero natura illas ex omnibus animalibus solū ingeniosissimas reddidit, sed & disciplinâ mansuetas & tractabiles fecit: Meliturgi quippe manum & vocem agnoscunt, eumque quod velit, facere non prohibent. Imo verberatæ ab ipso non reclamant, neque ob favorum deprædationem quicquam obmurmurant. Quis hoc non egregiæ & generosæ indolis argumentum dixerit, curatoris sui pari imperium; Alterius autem peregrini disciplinæ sese immorigeras præbere? De temperantia & castitate apum mirum est quod quidam animaduertunt; Nam cum cætera pleraque animalia, Elephanto excepto, in hominum conspectu congregiantur, & crabrones item non multum specie differentes id faciunt, apes tamen coire nunquam sunt visæ, sed vel intus veneri cum modestia, vel foris sine arbitris dant operam. Nec minus fortes quam modesta & temperantes perhibentur: *Dum corpora bello Objeçant, p. elephanti, petunt per vulnera mortem.* Bellum autem earum vel civile est, vel externum, illius variæ sunt causæ; nempe, multitudo ducum regi regnoque insidiantium; annonæ raritas; loci angustia; morum corruptela, atque desidia. Nam si duces quàm satis sit plures habcant (ut quandoque contingit) superfluos enecant, ne crescens illorum numerus regi vim inferat, & ad seditiones populum proleçter. Necant eos præcipuè, cum non ampla illis sobolis copia existit, nec habent unde mittant coloniam, favosque unâ (si parati fuerint) diruunt atque discerpunt. Interimunt etiam fures atque fucos, quoties non satis loci operibus est, (tenent enim alvei locum penitiorum) ipsisque favos & cibos unâ eripiunt. Mellis item penuria, acerrimè inter se ipsas de succo & sanguine, digladiantur, brevèsq; longas, paræ fucos (utpote minùs utiles, magis ac desides) dolo impetuque omni adoriuntur. Qua in pugna si breves vicerint, optimum erit examen; *sin fortuna longis adfuerit, otiosæ vivunt, & nihil boni mellis unquam conficiunt.* Victrices verò adeo rapinæ & ultioni sunt deditæ, ut ad incitas hostes redactos vitâ eijciant, nullumque veniæ locum relinquant. Externum bellum quod attinet, nulli animalium, fortitudine & audaciâ concedunt; sed moleste interpellantibus, vexantibus, populantibus, hominibus, quadrupedibus, avibus, vespsisque acriter sese opponunt, & pro viribus vulnera infligunt. Homines adulteros, unguentis delibutos, cincinnatos (ut etiam infideles & sordidos) rubrisque vestibus (colore sanguinem referentibus) indutos, odio prosequuntur extremo: uti contra heros, custodes, tutores, propugnatoresque suos impense colunt ac diligunt, eorumque manibus insidentes, titillant potius & lambunt ludibundæ, quàm tantillum aculeo lædunt atque vulnerant. Imo his liberum tutumque est non velatis, feruidâ æstate, examina nudis manibus colligere, tractare, disponere, exagitare, ante alveos assidere aut stare, videmque fucos, fures, vespas, crabrones bacillo tollere. Si quis vero in pugna aculeum amiserit, ceu miles abreptâ hastâ animum abjicit

abjicit, nec diu admodum superstes præ mœnore obit. Cum migraturæ ad pugnam sunt, signum manent, eoque dato, undiq; sese agglomerant circa regem (si bonus fuerit) remque unâ acie decernunt. Inter pugnandum verò, quantam virtutem, audaciam roburque ista animalcula ostendunt; tum nos ipsi vidimus, tum illi melius qui hominum armatorum acies apum aculeis domitas, leones verò, urfos, & equos interfectos nmemorant. Tamen (utcumq; feroces & pugnaces videntur) quotidiano consortio mitigantur, & nisi irritentur, placidæ vivunt, neminemque non malitiosè ad alucaria stantem affigunt. Si verò illarum ingenia, artificium, laborem memoriâque fule explicare velimus, non solum ipsis divinarum portiunculam auræ cum Virgilio concederemus, sed etiam haustus mentis æthereæ, & ingeniosissimi hominis (licet Pythagoricè errare) *μετρησέμεν*. Postquam enim mundo aluco & dulci fuerint inclusæ, ex arboribus lachrimosis & gummosis (salice nempe, ulmo, atq; arundine) unò etiam è lapidibus gluten colligunt, crassum illud sane & lentum, illoque (commosin Latini, *μύρον* Græci appellant) primum operis fundamentum, ceu crusta prima obducunt, cui postea pissoceram superinducunt, atque illi propolin. Hoc sane triplici testaceo artificiosè factò, non solum curiosulorum oculos in suam semper & operas intentiones illudunt, sed item a nemine conspectæ, contra pluvias, frigora, bestias, hostesque suos omnes melius se muniant. Tum vero favos exiunt architectonicâ tali prudentiâ, ut superare Archimedem videantur. Primum enim regum principumque cellas eminentiori favi loco adificiant, laxas, pulchras, magnificas, cera puraputissima elaboratas; easque sepimento, tanquam muro quodam, ad regiam majestatem tuendam circumvallant: Ac ut ætate & conditione triplici sunt apes; sic tripartito etiam cellas dividunt: Nam ætate grandes regis aulæ, (tanquam consiliarii aut satellites) ædes habent contiguas; proximè abijis anniculares & novellæ: adolescentulæ verò & ætatis corroboratæ, extimæ manent, ut pote ad dimicandum pro rege & liberis habiliores. *Aristoteles* tamen apes primum sibi & nepotibus in cellarum fabricatione consulere scribit, deinde regibus, ultimo loco *fucis*. Atq; ut in favorum fabricâ, secundum loci magnitudinem & figuram formas addunt, eosque orbiculares, oblongos, quadratos, ensiformes, pediformes, &c. pro arbitrio effingunt & ad longitudinem nonnunquam octo pedum excurrentes; ita cellulæ contrâ certæ formæ & geometricæ mensuræ adstrictæ sunt, eximissim, nempe sexangulares, & pro justâ habitatoris magnitudine capaces. Cellæ autem & mellariæ & fobolariæ, geminæ omnes, hoc est, ab utraque parte favi sepimento quodam tenui à se mutuò sepositæ. Compages quâ parietibus favi adherent arctiores, & melle vacuæ relinquuntur, multò item fortiores, ut reliquum onus melius apportent. Quibus item favis plus ceræ obduxerunt apes, in iisdem ceu securiore repositorio plus mellis condunt. Favus autem universus quatuor cellularum ordines continet, primum apes occupant, alterum fuci, tertium schadones, ultimus melli condendo statuitur. Sunt qui fucos eodè in alveo favos fingere cum apibus asseverant, sed mellificandi nullam facultatem habere, incertum an propter coporis obesitatem, an naturâ illis insitam desidiâ. Quod si mellis pondere nutare favi inceperint aut corrui, erigunt

gunt ipsos, & pilis fornicatis suffulciunt, ut subire (nam ad singulos favos via sit expedita necessum est) munusque institutum exequi possint. Nonnulli item veluti in Ponto & Amiso urbe, in arboribus mel candidum faciunt apes sine favis. Verum ex-reliquarum in favis artificio, artem omnem humanam superante, quis non videt illud Poetae, *Esse apibus partem divinae mentis, & hausit Aethereos* : quis inquam phantasiam, memoriam, & rationis cuiusdam particulam is negaverit : Sed hoc non disputo, nec sapientum, ingeniosorumque reliquorum animalium hominumve animas in apes migrare cum Pythagora statuo. Verum qui eas partiri inter se operas mutuas, aliasque favos conficere, alias mella colligere, arctham congerere, aedes expolire, foricas mundare, ruinosos muros fulcire, thecas operire, medullam mellis elicere, coquere, ad cellas apportare, aquam operarijs offerre, incubantibus, infirmis, vetulis pabulum certis horis subministrare, regem tantâ curâ defendere, araneas hostesque omnes exigere; cadavera (ne putrescat opus) efferre, ad propriam quamque cellam redire; omnes denique non longè ab aribus cibum quaerere; consumptis in proximo floribus; speculatores ad pabula ulteriora emittere, in nocturnâ expeditione, supinas sub folijs excubare, ne alis rore madentibus, tardius castino revestantur; lapillo in procellis totum corpus librare; in turbine, per ulteriorem a vento seipis partem volare diligentius perpenderit; nam is apibus mirabilem reipub: ordinem ultro concedit, geniumque & ingenium ipsis maximum non denegabit. Penè omiseram naturalem illam quâ in suos factus propendunt *apum*, magnam sane virtutem, & in hujus saeculi parentibus rariùs visam. Incubant enim apes favis (ubi facturam posuerunt) ferè avium more, nec nisi prae maximâ inedia, vel ad pastum emigrant, statimque redeunt, ac si timerent ne diuturniore absentia, araneae (quod saepe fit) opus, cellulae obtenderetur; vel frigore rigescens fetus periclitaretur. Pullos vero non delicatos habent nec molliter educant, sed triduanos (primis nempe alis) ad pensum vocant, & ne ut tantillum orientur, accuratè cavent. Tantâ item divinatione praestant, ut pluvias impendentes & frigora praesentiant, tumque (naturâ ductu) non longè ab aribus recedunt, sed circum apiaria volantes, veluti floribus incubant. Quam vero pabulatum evolant (id quod non statis sed serenis diebus fit) impigrè & assiduè laborant tantâ mellis copiâ onusta, ut saepe lassis lactibus in itinere deficiant; nec ad proprios lares redire satis sint, & quia per hirsutem nonnullae ad laborem ineptiores sunt, illâ ad lapillos resque asperas detrita, glabriores se reddunt, seque ad opus strenuè accingunt. Adolescentes foris negotium exercent, & quae rex exigit apportant; seniores curant familiam, melque ipsum disponunt à mediae aetatis apibus collectum atque confectum. Tempore matutino omnes silent, donec una triplici bombo excitavit omnes; tumque in suam unaquaque provinciam confestim provolat. Vesperti ubi redierint, primum quasi tumultuantur, paulatimque minus subinde strepunt, dum Vigiliam praefectus circumvolando susurret, ceu quietem tacitè imperans, quo signo ita ad unum omnes murmur deponunt, ut alveari ad aurem posito, ne quidem eas hiscere persentias: adeo suis regibus ducibusque obnixè parent, eorumque vultu & nutu acquiescunt.

CAP.

CAP. III.

De creatione, generatione, & propagatione Apum.

Creatio.



Vandoquidem apes ex putrefactione (primi peccati poenâ) oriri philosophi tradiderunt: non desunt igitur qui eas primâ illâ mundi hebdomadâ creatas negant. Ego quidem quæstionem illam integram alijs permitto; quamvis Theologorum aliquot auctoritas, præsertim verò Dubravij & Danzi, illas cum perfectis corporibus creatas fuisse abundè affirmat. De prima apum generatione longam disputationem habet *Aristoteles*. Secuti cum philosophi, earum generationem ex alterius corporis corruptione provenire, rectè mea quidem sententiâ constituerunt: nempe ex tauro, bove, vacca, vitulove putrefacto (dignissimis sanè nobisq; utilissimis bestiis) quod non solum viri illustres omni exceptione majores tradunt, sed experientia rustica & vulgaris confirmat. Aiunt ex horum cerebro gigni reges & duces, ex carnibus vero apû vulgus. Nascuntur itè reges ex medulla spinæ; tamen è cerebro nati, pulchritudine, magnitudine, prudentia, & robore alijs antecellunt. Primam autem transformationem carniû in hujusmodi animalia, & velut conceptum quendam inde cognoscas, cum parvâ & albâ specie imperfecta hæc quasi animalcula circum bovem leonémue, &c. multiplicata videris, immobilia quidem omnia; paulatim vero auferescentia, alisque sensim exfrescentibus proprium colorem consecuta, circumvallantia regem & advolantia. Sed brevibus & tremulis omnino alis, propter insuetudinem volandi & membrorum debilitatem. Quæ verò regiones particulares apibus generandis conferunt, quæ nocent, postea tractatu de melle disputabimus. Generatim verò pauci in orbe loci reperiuntur, quibus (nisi solo & cælo duriori fuerint, pabuloque illis apto caruerint) procreari haud possint apes & commodè vivere. Verùm ubi perpetuæ nives & gelu (ut in Scanzia) vel regio herbarum arborumque sterilis (ut in Thule) & calore exsuccis locis: ibi neque nascendi copia neque vivendi illis conceditur. Quinetiam deleteriam ob quandam aëris locivæ proprietatem regiones nonnullas apes haud incolunt, Veluti de Mycono traditum est; quo etiam importatæ, (si Aeliano habenda fides) statim exspirant. Quod verò Munsterus Hyberniam, Solinus, Britanniam, apibus vacuum memorant atque infestam; si non ab auribus sed oculatis testibus rem accepissent, nihil in earum villis frequentius esse scripsissent. Atque hæc de generatione apum dici sufficiant, nunc ad propagationem veniamus; de qua variè sentiunt authores.

Propagatio.

Alij eas coïre & parere negant, quia nemo id oculis unquam vidit. Alij semen in floribus folijsque relictum asportari affirmant ad alveos, atque ibi fideli blandâque incubatione perfici. *Plinius* ex flore Cerinthij ipsum colligi contendit. *Aristoteles* è Calandro. *Athenæus* ex flore arundinis, quidam ex flore oleæ, atque deinde earum osculis in favos immitti; eo argumento usi, quod annis horum florum feracibus plura prodeunt examina, quàm vero rariores proveniunt, ratæ apes visuntur. Hoc tamen non animadvertunt, multis in locis frigore

gore rigentibus luxuriare apes, ubi nihil horum florum colligitur, imo ne apparet quidem. Ego sane per coitum propagationem fieri existimo, marēq; esse majores, minores vero fœminas contendo, qui angallorum more fœminas subagitantes genituram injiciant, experientia dixerit: certum tamen est, minimas tantum apes (fœmellas nempe) tœtura incubare, & rupto putamine (gallinarum more) mira & naturali obftrictione pullos excludere.

Aristoteles contra, reges & majores apes seipsas, & deinde omnes reliquas parere affirmat, uti & illas fucos, hos vero nihil ulterius producere, nec forte sine ratione illud, cum reges & reguli intus semper maneant, quasi nati ad sobolis generationem, nec unquam nisi cum totâ plebe aliò emigrant. Eam iridem ob causam tam unicè ab apibus diliguntur, atque ab omni opere negotioq; necessario immunes vivunt: Magnitudine item & robore præstant alijs, ac si corpus eorum ad prolem generandam sit institutum. Fuci tamen majores medium tenent, apes tam in mellificina diligentes, ut & fucos nepotes alant, & parentes regulos. Sed quod adjungit Philosophus, apes sine coitu generare, quòd factus tam sit exiguus: idem argumentum de mulcis narrari possit, quarum aliquæ apibus majores, minores ponunt vermiculos, quibus in nympharum magnitudinem sensim adauctis, tandem muscæ erumpunt. Sunt alij, qui ex melle apes nasci arbitrantur, aut cum melle, aut ex medulla mellis sive parte præstantiore, eaque omnis putredinis experte. Sed genitale quiddam in cellis poni certum est, è quo apiculæ gignuntur. Scalliger ova eas ponere putat, quamvis apiarij vermiculos eas parere, non ova unanimiter statuunt. Taxites coire eas existimat, & apes mares esse, reges fœminas constituit, atque reges tempore constituto vermiculos per examina, ut muscæ, excludere, fucos vero incubare more serpentum, & incubando ad tempus vermiculos fovere scribit. Tunc vermes *quædam* dicti, melle purissimo & quasi mulso vescuntur, donec in nymphas abeunt, atque tunc aureliarum instar involuti, in cellis manent, nec cibo vescuntur, nec excrementa reddunt. Tandem certo die, ruptis corticibus fiunt apes, & ad suum quæque munus vix dum alis perfectis sese accingunt. Per hoc tempus apes urina delectantur, & potissimum humana, atque propterea locos ea madentes, maxime autem a pluvijs, frequentant.

Ad conservationē apum multa requiruntur, nempe debitus cibus, potus, *conservatio.* somnus, vigiliæ, ær, exercitatio, habitatio, atque locus conveniens, moderatio item animi, & medicina illarum tollendis morbis idonea, de quibus sigillatim dicemus. Quod cibos attinet; nihil venantur, sed ipsæ *Venturaque* hycmis memores æstate laborem Experiantur, & in medium quæsitæ reponunt. Colligunt quippe & conficiunt sibi cibaria, inter quæ præcipuum est mel, quo liberalius ab apiarijs exhausto, tanquam lanterna punica translucent, & nisi alijs illarum inediæ subveniantur, animam efflant. Sed habent item alium quo se sustentant cibum, ceraginem, cerinthum, erythacem, Sandaracham dictam. Verùm hic deterior est, & dulcedine ficum repræsentans. His deficientibus, apiarij ficus, Saccharata, uvas passas siccatas, fucos tufos, schadonum capita, lanas passo defrutove madidas, et aquam mulsam pro foribus ponunt, ne præ fame languescerent moriantur. Crudas item carnes apponi jubet Plinius, modo fuerint recentes. Generatim dulcia quæque & *varia* etiam de longinquo appetunt, non odoris gratiâ sed pabuli genialis causa, ut muscilionis vinum: Flores grati odoris & caliculatos nullos recusant; unde Florilegæ Latinis *arbutia, isor, parthenites* Græcis dictæ. Plantæ apibus gratissimæ, thymus albus & ruber, fertula campana, myrtus, vitex, genista, Phleus, fabæ, serpillum, viola, myrrhis, rosmarinus, coniza cerinthea, amygdali, Erica, Tamariscus, Cytisus, Melilotus, Casia, Narcissus, Asphodelus,

lus, potissimum autem citrargo, de qua Macer macros hos versus cecinit.

*Herbam quam Græci dixerunt Melisophyllon,
Præ cunctis apibus gratissima dicitur herbis:
Nec gaudere magis ullius flore videntur,
Bericum nostri dicunt vulgarter illam.*

Item hederæ, consiligo, origanum, satyreæ, violæ agrestes, amaracus, hyacinthus, palma, oleaster, iris, crocus, rosa, lilium, ziziphus, pyrus, persica, terebinthus, lentiscus, cedrus, tilia, Ilex minor, chrysocome, attractylis, cunyla, flos sinapis, *Galica* spondylium, batrachium, Rhamnus, omnes arbores glandiferæ, item pomiferæ, quibus nulla amaritudo inest in floribus. Quineriam è floribus urticæ mortuæ tum luteis cibum capiunt avidissimè, unde hæc herba Tigurinis *Bienfange* quasi apifugam vel apesuctum dixeris, vocatur. Potum quod attinet: si fluvius vel fons vivus & saliens in propinquo sit, quibus ligna & lapides injiciuntur (ut apes commodè infideant, seque veluti in balneis abluant & abstergant) non aliundè bibunt; sin minùs, aliundè humore hausto sitim leniunt, posteaque de eodem ad intus operatrices & reges (ut diximus) gerulæ asportant. Quicquid autem edunt bibuntve, intaminatum, purum, non fetidum esse oportet, aut putredine infectum. Imò tam mundam vitæ rationem obtinent, ut mulieris menstruatæ superventu, cibum fugere tradantur, & unguenta olentes, venerisquæ libidine flagrantés odio habeant acerrimo: oleosa item quævis, uti etiam fumum & simum accuratè vitant, resquæ talia olentes non attingunt. Deleterias item plantas, & amara, purgante, ingrata ac venenata qualitate præditas, haud gustant: ijsque nominibus, Absynthium, Rhabarbarum, senam, sabitam, tithymallos, helleboros, laureolam, coccognidium, thapsias, cucumeres agrestes, taxum, rhododendron, aconita, ne primoribus quidem labris delibant. Vbi toto die laboribus, intentæ atque lassatæ fuerint, noctu eas signo dato somnum capessere memoravimus; qui variis de causis interpellari solet, apesque hoc pacto in delirium & vigilias actæ commoriuntur. Nunc enim eas cæstris perturbat, nunc urfi clamor expavescit, nunc hostis adventus (nempe lacertæ, aranci, rubetæ, &c.) perterritat; quæ propter, classicum canunt corcicines, totumque simul examen ad arma noctu evocant. Fulgure item & tonitru nocturno non minùs tumultuantur; ac si inter castra seditio vel pugna aliqua fatalis nasceretur, tum propter luminis eâ tempestate insuetudinem, tum quia merito timent, ne alvearibus concussis favi loco excidant, vel cereis liquefactis vasculis mel defluat. Id experientia verissimum esse, nemo meipso & Pennio rectius dixerit: qui dum mense Augusto, anno 86. juxta Somersetiæ Ducissam, tum deploratæ ferè sanitatis viduam, cum inclytis filiabus Maria atque Elisabetha vigilias ageremus, subito (magno à tonitru) proximo sub lecto tabulato, murmur & quasi classicum tumultum audivimus, ipsamque nonnihil contignationem resonare putavimus: ignari (id quod res erat) apes intertignum incoluisse; ubi eas per triginta annos habitasse, & quotannis duas trefve colonias emisisse, postea ab oculatis testibus, ijsque summa nobilitate clarissimis, certo accepimus. Sequenti die, ob inopiam somni, streperæ, tremulæ, & quasi deliræ volitabant; res à natura ipsarum alienas tangebant; ad fenestras sese misellæ allidebant; amicos, curatores, domesticos pungebant, non sine observantium admiratione. Vnde quidem jure statuimus, apes laboris diurni patientissima esse animalcula, timoris vero nocturni & vigiliarum vicissim impatientissima.

Vnde *Solisæque* epitheton assequutæ videntur, quandoquidem cum eo simul & surgunt & quiescunt. Nulla enim earum somno indulgens die connivet, nulla noctu non arctè obdormiscit. Exercitatio apum duplex est, altera animi

animi causâ, evolutio; altera necessitatis gratiâ, mechanica in ædibus operatio. Si illa (crocodilo, hirundine; merope, lacerta, araneo, alijsue foris apibus struentibus) vel ob cœli inclementiam, aut perpetes pluvias denegatur, anhelosæ, obesæ, torpentes redditæ, cacochymiam incurrant salutis oppugnatricem, & superesse diu haud solent, præsertim æstivo tempore, quo solo externa sese aëris palestra libera exerceant. Vbi volatu non nihil recreata fuerint, balnea frequentant, sordes abluunt, & levi foliorum affricu sese detergunt, quinetiam aliquando lapillos vehunt, aquam portant, adversum ventum parvæ pusillæ penetrant, & cum maximis bestiis de gloriola imo quidem de vita concertant: Equos enim, elephantos; canes, imo quidem homines (sensit Archilochus rem ita habere atque scribo) offensiores vulnerant, aculeisque creberrimè & hostiliter infixis occidunt. Instituunt item non rarò monomachiam, ludicram illam sanè & umbratilem, exercitij & recreationis causâ, non lædendi animo susceptam. Colludunt item sapissimè, atque sese titillant invicem, & veluti columbantes deosculantur: postea coire eas certum est, sed quo tempore, loco, qua forma, Argus ille dixerit totus oculus, qui solus elephantis leno assidet, illorumque coitus cognoscit. Verùm ut animi causa, volatu, duello umbratili, lapillorum vecturâ, &c. sese exercent; ita magistra artium necessitas domesticis laboribus apes assuevit, mellificina nimirum, cui naviter non ductariè incumbunt, nullusque (si per cœlum liceat) ocio perit dies. Quamdiu autem operantur, id a soli cœlique constitutione potissimum pendet. Nam in frigidis regionibus ab occasu Vergiliarum ad vernum (plus minus) æquinoctium intus in alveis diletescunt; sed glirum more jejuna, torpentes, convolutæ manent, nec se levissimè loco movent. Vnde enim aliàs tantillis animalculis, ad pruinas, nives & aquilonum status perferendos vires? At si anni constitutio fuerit calidior & diutalis duraverit, tardius quiescunt apes; id quod Aethiopia clarissimè probat, ubi per continuos calores, & rara frigora apes fere perpetuo operantur. In Europa autem apiculæ raro ante egrediuntur, quam florere fabæ incipiunt, teste Plinio, quas ante reliquos omnes flores herbæque degustant. Servius apes appetente bruma succo & floribus ora explete somniat, iisque per hyemem in cellulis sedentes vivere. Aestate verò nullo feriuntur die, sed perpetuis sese negotijs omnes exercent; cum item adeo numerosam prolem generent, ut tot familijs una ædes non suffecerint, expeditionem faciunt solennem mense Maio, seque in varia examina *σπορὰς*, i. uvatim pendula distribuunt, & seniores postea, factis per aërem gyris atque ambagibus, ad cibum atque aluearia revertuntur: juniores autem Coloniae, nisi novis ædibus fuerint exceptæ, per sylvas vagantur, donec ædiles & hospitaræ apes, locum gregi aptum commodumque investigant. Nunc exercitatione ostensâ, ædes aggrediamur, quas Græci *κώλας, ἀμβλῆς, κυρτοὶ δῆς, κυρτοί, κηλῆς, κίβητες, ἀγρία, πελῆται, κίβητες, καλὶ ποτῆρες, καλὶ ποτῆραι, καλῆς*, appellant: Latini vero, aluorum, alveorum, alvearium, capfarum, mellariorum, loculamentorum, apiariorum nomine insigniunt: Circa hæc ad apum conservationem tria potissimum requiruntur: Forma, præparatio, positio, & loci ubi ponuntur aptitudo. Vasa optima ex cortibus, & præcipuè subere construuntur, quæ nec sole æstuant candent, & frigora in hyeme facilius arcent: confecerunt illa veteres ex ligno item cavato, vel tabulis ligneis arte junctis, ex ferulis item commodè aluearia extruebant, vel opere textorio ex Illice. Fictilia autem deterrima sunt, ut etiam lateribus & argilla, quia æstate nimium calent, & hyemè nimium rigent. Tamen (ut audio) in Hungaria pendulas habent ollas crassas, in arboribus suspensas, & ibi apes faviscant, & justo tempore ollas auferunt. Quidam ex fimo fabricant, sed suis item incommodis non carent. Angli stramineis

tectis apes includunt affabre textis, ut nec gelu offendantur, nec æstivo calore nimium feruecant. Solebant veteres ex lapide speculari, cornu, vitroq; alueos conficere; ut operantes intus spectarent. Sed prima, secundâ, tertiâq; crusta (ut diximus) per apes intus superinducta, sese operam oleumq; perdidisse satis viderunt. Forma alueorum talis sit, qualis est ovi rasi & amputati, quum edere ipsum velimus; nempe ex duodecim circulis stramineis alueus constare debet, hoc modo contextis. Tres primi inferiores sint unius magnitudinis, sesquipedem ex diametro lati: Quatuor proximè superiores paulo majores esse convenit, & capaciores, ut favi melius figantur, & tutius pendeant: reliqui quinque circuli paulatim ad centrum supremum coarctentur, ut pyramidem referant; totus autem alueus ea mensura esse debet, ut viginti penè libras totus contineat. Ora cavearum (id est, ostiola per quæ apes intrare & exire solent) sint tria vel quatuor: non majora quàm ut apes melle onustæ liberè immigrent: hac enim ratione, stellionibus, scarabeis, phalangijs, & blattis, mellis insidiatricibus, aditus negabitur, & alueus minus à frigore geluque brumali afficietur. Super hæc ostia quatuor, item faciunt fenestras pefulo obditas, ante atque retro duas, ut favos utrinque commodè eximant, nec tamen mellificium pecus nimium perturbent. Præparatio alueorum varia scribitur. Angli nova examina novis semper alucis excipiunt, nullâ re suffumigatis aut illitis. Veteres vasa diligenter priùs purgata mellisophyllo, thymo, faniculo intus fricabant, vel mellito, saccharato, aut mulso aspergebant; ut & citius intrarent, & diutius in ipsis remanerent. Palladius primogeniti vituli stercore parietes illorum intus oblevit, idque in apibus retinendis pro summo arcano habuit: Quinetiam circa medium alueare, tres vel quatuor ligneos bacillos transversum figere oportet, ad favorum tutelam: sic enim nec levi agitatione cadere possunt, & facilius usu ferente auferuntur. Cave item ne aliqua rimas agant, quibus a calore, frigore, pulvere, aut erucis affligantur. Situm atque positionem quod attinet, in scamnis five podijs collocari aluearia, æquum est; ne situm contrahant a terra, atque ut à bestiolis noxijs tutius degant ætatem. Scamna autem sint ex lapidibus, calce, ulmo, vel quercu facta; ternis alta pedibus, testaceo & albario opere, eoque levigato superinducta, ut mellivora atque apivora animalia, pedem ubi figant non habeant. Sint item antiùs declivia, ne stagnans a pluvijs aqua intus penetret: quam ab causam (teste Columella) in muris exciis urbiumque porticibus collocare alueos solebant: sit item bipalmaris aluearium distantia ab-invicem, ut vacillante mel moto uno, alterum non titubet; sicut in conjunctis usu solet venire. Porro ordines atque classes quod attinet; ne sint tribus plures: quorum primus junioribus, secundus mediæ ætatis, supremus veteranis concedatur. Tam Scamna autem quàm apiaria apto ad examenum conservationem loco ponenda sunt: in calidis regionibus versùs Boream, in frigidioribus verò contra Austrum. Imò in Aethiopia ob nimium feruentes soles, in ædibus aluearia servantur, ne calore liquecant favi, foramine satis magno (per quod egrediantur) in muro relicto. Sit etiam locus liber, æstate non feruidus, hyeme tepidus, à ventis tranquillus, nec arboribus refertus, nec altiore palo, muròve inclusus, nec resonanti Echo objectus, pabulo naturali & frequenti confusus, à coetu hominum & pecudum remotus, qui flores tondere roremque decutere possunt; nullis latrinis, fimeris, cloacis, stagnis, sterquilinijs, patibulis, sepulchretis vicinus; & in ima parte vallis constitutus, ut apes onerariæ per declivia ad aluearia promotius devolent. Denique si quis ventus alicui regioni præ alijs fuerit infestus, in ea aluearia collocare sic convenit, ut illius injurias minus sentiant, & ostia eum versùs aperta neutiquàm habeant. Verum hæc apibus circuribus diætâ convenit ad

vite

vita conservationem: fugitivæ verò & sylvestres aliter vivunt, sibi quæ ipsæ adesse & eligunt & exornant. In Abissinorum regione sub Presbytero Ioanne in cubiculis mechanicoz degunt Apes, ibidem quæ audacter volant favos suspendunt, trabibus affixis alvearibus, nec laborantium quempiam offendunt. Quinetiam multis in Anglia locis inter cubiculorum tabulata, in arborum truncis, hospitium ultroneum & diuturnum habuerunt, inde quæ veterana ternas quotannis acies emisunt. Et (quod dignum notatu est) hic foelicius vivunt & longius, quam illis artificiosæ contextis casulis, tantâ diligentia suffumigatis, tam curiose positis, ordinatis, digestis, collocatis. Laudo tamen illorum industriam, qui apibus hanc molestiam ademerunt, ædes quibus factæ rectæ servantur, non minus ingeniosè fabricaverunt. Omnium autem maxime laudem merentur, qui animi corporis quæ illarum morbis medicinâ adinvenerunt, illarum quæ recte applicandi scientiam noverunt. Animi quibus maxime laborant pathemata, sunt præcipue tria; ira, mæror, & timor. Difficulus enim concoquunt injurias, sibi quæ & splenem adesse atque bilem, frequenti pugna, atque ea quidæ civili, ostendunt. Nam in nimia prolis copia de cellis & ædibus tumultuantur, nec cõponi prius lis valet, donec vel mutua utrius quæ corde multæ perierint, vel partium studio divulsæ, alios sibi lares ultrò quæsiverint. Quin porro castratis alveis, unius ejusdemque coloniarum milites (privatas ob injurias vel Zelotypiam excandescentes) quando quæ bellum aliarum alijs inferunt: quod Apicola diligens pulvere interjecto, vel frigida per syphones aspersa, vel vola manuali stridula & terrificâ maturè extinguit. Si enim illarum rixis habenas concederet, furerent eous quæ atque favirent, ut nisi ad internecionem redactæ nunquâ quiescerent. Mæstitia atque melancholia ipsas item apes plurimû perturbat, nunc ex regum, nunc ex prolis, nunc ex custodis morte oriunda, nec conceptum mærorem adimit dies: sed imis medullis infixus corpus semper depascit, & ipsas vitæ capfulas tandem exedit. Imò nec æris tinnitus, nec quævis illas oblectat harmonia, (quæ tamen ipsas lymphaticas delirâ quæ redditæ solet curare) neque ulla pestis morbus quæ ipsis lathalior dici potest. Timent autem potissimum ab araneis, lacertis, crocodilis, rubetis, phaleinis, cestris, vespis, crabronibus, fucorum multitudine, upupâ, paro, hirundine, merope, noctuâ, alijs quæ alvearium depopulatoribus. Timent sibi item ab Echo, fulgure, tonitru, & fragore omni: quemadmodum contra, levi susurro, sibilo, murmure, tinnitu vehementer gaudent. Cum timor ipsas occupat, vagula oberrant, vertiginosæ dum exeunt atque ingrediuntur apparent; mel, prolem, agrotos parum curant, pedibus alijs tremulis nusquam quiescunt. Meliturgus igitur fucos (cibo deficiente) necare, vespas & crabrones (olla cum cruda carne imposita) capere & deinde cremare; araneos, papiliones, teredines, erucas, interimere; telas abstergere, muliones, culices, conopæo irretire; lacertas, crocodilos, scarabæos transfodere, phalainam & blattas candelâ noctu intus posita (quam ultro petunt) comburere; ranas per paludes venari; hirundinum, noctuarum, apiastrorum, meropum quæ nidos (præsertim in vicinia omni) diruere, paros inebriare; contra insidiatrices bestias & peregrinum quod quæ agmen pugnare debet. Quâ in pugna à suis apibus agnosci videtur, quæ post victoriam egressæ victum agmen adoriuntur, propugnatorem vero suum & vindicem non offendunt: Salvæ his modis atque liberæ a metu apes, solo tinnitu & quando quæ Sinnenocomi sive Mellarij ipsius voce corroborantur, & in suam quæ quæ provinciam alacres redeunt. Apes item nonnullæ alijs magis planeticæ & fugitivæ deprehenduntur, delectantur enim vagis amoribus atque complexibus, suarum quæ ædium amore nullo tenentur. Hanc animi quæ quæ aplarij plausu, ætis quæ sonitu (quo plurimum gaudere apes scribunt, illico emen-

dant, quamvis incertum sit an audiant & voluptate ducantur, an formidine & timore ob aëris reverberationem & tremorem (ut in tonitruum) ad aedes redeant, nec ullam video causam cur Plinius aut Niphus hic hæsitent. Alij, ne examen aufugiat, regi medias alas obtruncant, alij vituli recens nati stercore loculorum oscula oblinunt. Præterea oleæ utriusque folijs decoctis, & circa oculos stratis, non fugient: confert item aqua mulsæ, sed præsertim Melinæ herbæ inunctio, quâ (tanquam philtro quodam) fortissimè retinentur apes, ut Macer cecinit.

Quisquis apum his folijs contritis vasa perungit,

Non fugient, meliusq; facis si lac quoq; iungas:

Vnguine cultores retinent examinatali.

Corporei apum
morbi: eorum-
denque cu-
ratio.

Pulvere è vestigio anguium collecto, sparsas apes in alveos reverti Plinius testatur. Alij chrysocomme juxta ferere consulunt, ac si nullo magis flore gauderent, locosque eodem luxuriantes nunquam deferrent. Imò natura sylvestres & erraticas apes eodem mellectari, & curari, authores memorant. Corporis morbi varij sunt quoque apum, nempe, repletio, inanitio, siccitas, humiditas, frigus, calorque non naturalis. Repletio sive plethora fit, cum alvearia Meliturgus debitâ tempestate castrare neglexerit: tunc enim adeo se saturant atque implent, ut scabie sordibusque diffuentes, & strumosa item factæ agrotent; sequitur ignavia, febris, malacia, fastidium cibi, vigiliæ; quibus misera attrita apiculæ, nisi ocys subveniat, animam efflant; quare castrare eas oportet: quo in opere duo observanda sunt: nempe tempus, atque modus conveniens, quæ pro regionum qualitate & consuetudine varia sunt: Nam in Anglia quottannis semel tantum mel colligunt, præcipitante nimirum mense Julio, vel Augusto primura crescente. Calidioribus in locis melleæ hujus Vindemiæ tria tempora notant; orientibus scilicet, consistentibus, noviterque occidentibus Virgilijs. Didimus in Geopomicis optimum tempus esse Plejadum scribit. Romani Majo primum mense, deinde declinante æstate, tertio circa idus Octobris alveos exenterabant. Vnde mel Vernum, horæum, & autumnale dictum. Aristoteles florescente caprifico, primam mellationem facere jubet; Secundum verò sub autumnino factam commendat. Generatim verò castrare alveos oportet, quum melle turgent; id quod subtili apum murmure dignoscitur. Nam si vacua fuerint, voces clariores altioresque emittunt, utpote aëris quàm cibi pleniores: certissimè autem inspectione id noveris, inquit Columella scilicet per fenestras illas utrinque politas & apertas, de quibus antea in alveorum forma fecimus mentionem. Modus castrationis hujusmodi est: Matutino tempore, dum adhuc semifomnes torpent, castrare apes oportet atque favos auferre: non enim convenit medio æstu calentes exasperare. Columella duo ferramenta in hunc usum præscribit, sesquipedali longitudine, vel paulò productiora; quorum alterum sit culter oblongus, lata utrinque acie, sed hebescente; capite aduncò & acuto scalpro, quo favi eradantur; alterum planum, acutissimè & ancipiti acie, quo favi succidantur. His, aperto vase, rectè totum negotium conficitur. In Anglia, atque alijs vicissim regionibus (utpote Helvetia, Germania, Belgio) non ferro, sed igne, fumo, & aqua rem aggrediuntur, quibus adultas apes de alveo in alveum abigunt, & examen pro arbitratu integrum servant. Porro in eximendis favis, pro examinis quantitate, magnitudine, & numero, tenere modum oportet. Nam copia mellis ignaviam parit, atque tam heris quàm apibus fraudi est; eo siquidem affluente, non erithace pascuntur, sed ipsa mellis medullâ saginantur: contra si non satis relinquitur, præ inopia cibi languescunt, animum despondent, anxius vivunt; & pelluentes, famelicæ, marcescentes, misere pereunt.

veteres

veteres & virosos favos eximere oportet, non autem (quibus posteritati consulitur) schadoniteros & integros, nisi minus mellis reliquum videris, quam parentum sustentationi par fuerit: Eam scilicet proportionem serves, ut in melis abundantia, duabus demptis partibus, tertiam relinquant; si vero mediocriter exuberet, mediam sinas; si favi fere vacui, nihil auferas. Sed hic modus non est omnibus in locis certus, quia (pro florum multitudine, pabuli frequentia, atque præstantia, & regionis natura) plus minuscue tollere permittitur. Quandoquidem in Aethiopia, Syria, Palestina, sæpius totos alueos exhauriunt, qui ob pastus & roris bonitatem paucis iterum diebus adimplentur. Si verò inanitio atque fames fuerit oborta, non tam alueos castribus quam apes ipsas; magnamque partem omnes lino, quisquilis, galbano, vel sulphure suffito suffocabis, vel saltem aqua submerges; quo pacto item mel dulcius evadet atque purius. Inanitio autem duabus potissimum ex causis oritur, cibi nempe inopia, atque corruptelæ: inopia urgente, mel supponere, mullum aspergere, uvas & ficus tulas afferre convenit, & saccharata. Plinius item gallinarum carnes apponi jubet, quamvis apes nullas carnes attingere memorarit: Corruptelæ autem ciborum primum malaciam, deinde diarrhæam, blapsigoniam, & tabem affert apibus; unde ex stercoreum & cadaverum copia, fætor, pestis, putredo, aliæque id genus mala nascuntur. In malacia adeo delicatæ atque morosæ fiunt, ut stomachantes omnia, facillè aufugiant, nisi rerum gratissimi odoris suffitu, conquistissimo rinnitu, curiosæ item munditiæ retineantur. Diarrhæa autem supervenit, tum ob succi ipsius corruptelam, tum ob tithymalli, hellebori, ebuli, sambuci, foliorum herbarumque purgantium delibationem. Siquidem cibi per hyberna jejunia avidæ, primo vere cupidius quam tutius obvias herbas sine delectu gustantes, insalubri collecto melle cacochymia laborant, atque deinceps in alui solutionem subito incidunt.

Contra hunc morbum, Sorba cum melle (authore Plinio) apponenda, vel hominum aut boum urina conspersa: grana item mali punici vino Tamineo irrigata, conferunt. Palladius grana mali punici, & uvas passas cum rore Syriaco vel vino austero coctas & levigatas, in ligneis canalibus appositas varie commendat. Mel etiam cum Gallæ pulvere, vel siccæ rosæ, aut rosmarini in aqua mullâ decoctum infundi per syphonem jubet, vel acetabulis immitti. Quinetiam prohibere eas oportet, ne & sylvis cibum deportent, ubi plerunque aruginosi excreverunt flores, quorum acrimoniâ alui apibus moventur, nec nisi accuratâ custodis diligentia scientiaque sistuntur. Hinc *Ex. 15. 17.* illa sive fætus corruptio originem trahit, quippe quod sterilitate ex inopia feminis inductâ, non generant, vel (præ imbecillitate) alere fovereque partus, & continuò incubare, vel arancarum laqueos ante cellas obductos evitare, haud possunt. Accrescente deinceps tæbe atque marasmo, flores afferri iubet Higius, rore & mulso madidos, foribusque apponi: violas item & buglossi flores commendat defruto rigatos, postea defecatis alueis, vermicibus & cadaveribus amotis, fimo bovino vel vaccino suffiantur; quia tum putredinem arcet & pestem, tum demortuis penè apibus (nisi Columella nos fallit) animam instillat. Scatent item pediculis, narrante Florentio, quos curat ramentis mali arboris & caprifici incensis. Hebescentem apibus oculorum aciem, iidem origani suffitu sanant. Furfures ipsæ & scabiem, blando corporum ad chelidoniam & muros vrina infectos quasi affricu auferunt; siccitatem balneis, & thermo potantes gutturem emendant. Humiditatis morbi sunt struma, hydrocephaliæ, hydropes, quos siccis herbis & rore mane decusso curant veteres, nostrique aquæ cômunis prohibitione non nihil diminuant: cohibent enim illas per triduum intra alueos, quo pacto non

solunt

solum humiditas nimia absumitur, sed naturalis quoque comparatur. ^{K&g>g>} item familiarem apibus morbum scribit Hesichius, non describit; nec ab alijs, quis qualisue fuerit, addiscere potui. Frigoris morbi sunt congelatio, stupor, rigor, alique id genus: nam frigore adeo nonnunquam stupidas videbis, ut nec levissimè moveri videantur, nedum spirare. Caloris autem vehementia, in rabiem, sitim, vigilias, febres, vertiginem, & delirium aguntur, imo quidem in maniam, quo tempore vel custodes non agnoscunt, & amicos aculeo nonnihil venenato feriunt. Sic igitur utraque tempestate ædes locare oportet, ut ne hyeme frigoris vehementia, nec æstate arboribus nimium lædantur. Pereunt item ob defectum sobolis in florum ubertate, dum mellificandi studio ita omnes incumbunt, ut prolis venerisque curam abjiciant, atque sic omissa sobolis reparatione, populus labore confectus totus exringuitur. Cum verò præ indignatione & stomacho, vel per ædium factorem, aut ob pestem in alvearibus grassantem aufugerint; sequi eas oportet, & illa (quam Palladius docuit) arte inventas, purgatis alveis, novis item locis excipere. Præterea ad apum conservationem multum conferre dicit Plinius, ut legitime comparentur; dono nimirum aut emptione: nam furto ablatae minùs foeliciter succedunt, uti & ruta furtiva ægrius crescit. Nunc si animalia apibus infesta removerimus, quid amplius annexere opus erit ad ipsarum salutis ^{περὸν καὶ τὴν} & malorum medelam, non video. Primum igitur homines stupro inquinatos, menstruis vel gonorrhæa infectos, balnea, fumum, fimum, latrinam, culinamque olentes otiosè vel malitiosè pro alveorum foribus stantes, amoveto. Aërem sæpe busonum serpentumque halitu infectum, mellissâ, thymo vel fœniculo incensis purgato; ut nitidæ & molles vivant effcito; & perpectis prædatoria necaro; & perpectis morborum signis medicinam adhibeto. Signa autem invaletudinis apum, ut quoque reliquorum animalium, à tribus sumuntur, nempe à læsa actione, externo corporum affectu, & excrementis. Nam hilaritas amissa, tristitia torpens, vertiginosus incessus, frequens ante fores & otiosa statio, ab opere languor, florum mellisq; fastidium, vigilæ somnive profundior, murmura insueta, malè valere apes argumento sunt; uti etiam si horridulæ, non comptæ; asperæ, non molles; scabræ, non nitidæ; pellucentes non ^{ισχυρὰ} videantur. Quinetiam si favi odore minùs grato inficiantur, ipsæque apium olea liquecant, foeteant, vermibus use scateant, cadaveraque indies ædibus exportant, nec alveos curant; certissimum invaletudinis morbi que alicujus epidemici signum exhibet; quorum aliquam partem eleganter, sed consule tetigit Virgilius 4. Georg. his versibus,


*Si verò (quoniam lapsus apibus quoque nostras
Vita tulit) tristi languebunt corpora morbo,
Illud non dubijs poteris cognoscere signis,
Continuò est agris alius color, horrida vultum
Deformat macies: tum corpora luce carentum
Exportant tectis, & tristia funera ducunt.
Aut illa pedibus connexa ad limina pendent,
Aut intus clausis cunctantur in adibus omnes;
Ignavaq; fame, & contracto frigore pigra.
Tum sonus auditur gravior, tractimq; susurrant,
Frigidus ut quando sylvis immurmurat Austër,
Vt mare sollicitum stridet resluentibus undis,
Æstuat aut clausis rapidus fornacibus ignis.*

Atque ita perpectis morbis apicularibus, & curatis, ad summam usque vivent ætatem: quam Aristoteles, Theophrastus, Plinius, Virgilius, Varro, Columella,

Columella, Cardanus, omnes denique authores, raro ad novem annos, nunquam supra decem productam. Quamvis aliter Hanworthi in Ducissæ Sommerseusis examine magna cum voluptate ipsi vidimus, quod ultra tres annorum decadas (adsunt in præcinctu digni, quibus credatur testes) eodem in loco commorantur fuerat, & quatuor penè quottannis novas acies emiserrat. Quæ me sanè ratio inducit, ut apes esse credam naturâ longævus, & cum solo Alberto solus dubitem, an præ senio moriantur. Scio equidem illas morborum hostiumque impetu è medio tolli; sed si omnia pro vita & salute necessaria semper adessent, contrariaque abessent, equidem diuturnissimam vitam apibus concederem, si mortales illis vices non negarem. Solæ enim melle, immortalis illo nectare, vescuntur, eoque cælitus dimisso, & ex ore divino (omnium herbarum, arborum, plantarumque anima) collecto; de cuius nativitate, usu, & præstantia, subsequenti capite dicemus.

C A P. IIII.

De apum usu.

 Vùm cætera quæque in nostrum usum condidit Altissimus: tum præsertim apes non solum ut nobis politicæ atque œconomicæ virtutis (de qua ante diximus) veluti magistræ præbeant exemplar, animumque instruant, sed etiam ut divinam quandam doceant scientiam, & tanquam vates extraordinarii, successus & eventus rerum præmonstrent. Nam annis, 90. 98. 113. 208. ante Christum, cum magna apum examina in foro publico & boario, privatis civium ædibus, sacelloque Martis confiderent, hostiles Romæ insidiæ tendebantur, quibus ferè capta respublica: atque extincta. Severo imperante, apes in signis militaribus, & maxime in stativis Nigri, favos fixerunt. Varia deinceps bella inter Severianos & Nigrianos ancipites congressus fuerunt. Sed Severiani tandem rem obtinebant. Antonini item Pij statuas in omni Hæturia positas examina apum repleverunt; & postea in castris Cassij confederunt: quid quantumque turbarum postea sit ortum, Iulius Capitolinus recenset. Quo item tempore ingens Romanorum numerus per insidias Germanorum in Germania periit. P. Fabio, & Q. Elio Coff. in castris Drusi examen apum in tabernaculo Hostilij Rutili ita confedisce scribitur, ut funè prætendentem præfixamque tentorio lanceam amplecteretur, M. Lepidio, Munutio Planco coff. Item in consulatu L. Pauli & C. Metelli, apum aduolantia examina hostem imminentem, (ut non malè conjecterunt augures) præsignificaverunt. Pompeius item belligerans contra Cæsarem, cum amicis invitatis aciem instrueret, Dyrrhachium egredienti apes occurrebant, ipsaque signa præ multitudine nimia obscurabant. Philistus & Aelianus referunt, dum equum cæno inhaerentem Dionysius frustra pungeret, ibidemque commorantè relinqueret: equum tandè suo Marte liberatū, sequutū vestigia domini, examine apum jubæ inhaerente: eoque ostento tyrannidem in Galeotas a Dionysio affectatam. In Helvetiorum historiis legitur anno 1385. quando Leopoldus Austriacus Sempachum cum exercitu proficisci parabat, dum in itinere esset, convolasce ad oppidum apum examen, atque ibi in tiliis confedisce: unde vulgus peregrini populi adventum rectè prædixit. Sic etiam Virgilius 7. Aeneid: adventum Aeneæ in Italiam describitur loquitur:

Lauri

Hujus apes summum densè (mirabile dictu)
Stridore ingenti liquidum trans athera vultu,

obsedere

*Obsedere apicem, & pedibus per musta nexis,
Examen subito ramo frondente pependit:
Continuò Vates; exterrum cernimus (inquit)
Adventare virum.*

Id quod etiam Herodotus, Pausanias, Dion Cassius, Plutarchus, Iulius Cæsar, Iulius Capitolinus, alijque historici majore observatione quam ratione confirmarunt. Saon Acræphniensis cum Trophoni oraculum invenire nequiret, ab examine apum eò volantium perductum narrat Pausanias in Bæoticis. Quinetiam nutricibus absentibus Iovem Melitæum, Hieronem Syracusanum, Platonem, Pindarum, Apium comatum, Zenophontem, & novissimè Ambrosium, melle in labia ab apibus instillato enutritos fuisse Plutarchus, Pausanias, Aelianus, Alexander Alexandrinus, Theocritus, atque Textor authores sunt: Zenophon item in œconomicis mellificinam virtutum officinam vocat, atque ad eam matres familias erudiendas mittit. Poetæ se libenter cum apibus conferunt, quæ naturam tantum magistram sequentes, artem non adhibent. Sic poetas Plato affirmat arte nihil unquam egregium effecturos. Ideò Pindarus se gloriatur Bæchilide & Simonide superiorem à natura non arte doctum. Apes nisi irritentur innocuæ sunt, divexantibus verò aculeos, eosque acerbissimos, infligunt. Idem poetarum ingenium est: unde ista proflexerunt Archiloci:

*Qui me commovet, melius non tangere: clamo;
Flebit, & insignis toto cantabitur orbe.*

Quocirca Plato in Minoe præcipit, ut qui quietis studiosi sunt, diligenter caveant, ne cum poëtis & apibus bellum gerant. Tot denique earum sunt quas imitemur virtutes, ut Aegyptij, Chaldæi, Græci, varia ab ijs hieroglyphica acceperint; nam populum regi obedientem significantes, apem frugi pinxerunt: regem erga populum benevolum ostendentes, examen apum exprefserunt. Cætera id genus emblemata, a Pierio petas, nec laboris te tui poenitebit. Rustici item aëromantiam ab ipsis didicerunt. Nam ingruentis pluvix & ventorum adventum præsentunt, procellasque & imbres prædicunt; quibus appetentibus, non longè evolant ab ædibus, sed suo semet succo sustentant. Quæ cum ita sint omnia, haud mirum Aristæum, Philistrium, Aristomachum, Solensem, Menum Samnitæm, & sexcentos alios apum descriptors, missis civitatum delicijs, per duodecexaginta annos sylvas incoluisse, ut earum vitam & mores recte discerent, & posteritati in exemplum commendarent. Nec poenituit sanè Virgilium in earum historia *eiwas & Apes* 3^{as}, quam 4. Georg. eleganter descripsit. Quid verò ipsarum corpora & opera in nostris corporibus operantur, nunc operæ pretium est recensere, ut nihil inesse apibus sciamus, quod non nobis salutis & bono cedere queat. Primum igitur corpora ipsarum statim ab alveis accepta, & contula, & cum vino diuretico vel œnogala epota, hydropem potenter curant, calculos comminuant, Vrinæ fontes omnes aperiunt, ischuriam sanant. Apes item in melle mortuæ vomicas sanant, oculisque & auribus hebescentibus auxilio sunt. Tormina item ventris contusæ curant, atque appositæ & mel venenatum epotum, ipsæ deinceps epotæ expellunt; duriora in labijs ulcera emolliunt, carbunculum alligata sanant, dysenterix medentur, & mel ipsis imbutum cruditates stomachi, lentigines faciei emendat, ut ex Hollerio, Alexandro Bened. & præsertim Plinio videre est. Apes favis immortuas aridas tere (scribit Galenus in euporistis) misce cum melle in quo ipsa fuerint demortuæ, inunge capitis partes pilis denudatas, & renasci ipsos videbis. Plinius vicissim multas apes comburere docet, & cum oleo miscere cineres & inungere; sed cavendum ait,

Vsu Medici.

ne

ne partes adjacentes attingantur; imo mel mortuis apibus reſectum in omnibus morbis ſalutare & panchreſtum eſſe affirmat: cinerem ipſarum cum oleo tritum, ad capillorum dealbationem, Erotis variè Cap. 61. de morb. mulieb. commendat. Viles præterea ſunt apes, quia varijs animalibus in cibum cedunt: nempè taxo, urſo, laceris, ranis, ſerpentibus, meropi, hirundini, paro, upupæ, rubecula, araneis item & Vefpis, ut Bellonius animadvertit. Venari item eas cum voluptate homines ſolere, docet Palladius, earumque inveſtigandarum rationem narrat his verbis. Menſe Aprilis, locis apricis ſi apes frequentes, ad paſtum vel aquam veniunt, certum eſt eas in propinquo mellificinam habere: ſi vero pauca eò accedant, longius abeſſe ſignum eſt. Venari autem frequentes adſunt, hoc ingenio eorum examina invenies. Rubricâ liquida dorſa earum tangas, ibidemque mancas dum eâ notatâ fuerint reverſa; quod ſi citò fit propè habitant; ſi tardius, loco magis remoto ædes habent. Proximas deinde facile inveneris, ad longinque diſſitas hoc modo perducis. Cannæ unum internodium cum ſuis recides articulis, & in latere aperies; ibi mel exiguum vel defrutum immittas, & juxta fontem ponas. Cum ad ipſum convenierint apes, atque (odore mellis illeſtæ) ingreſſæ fuerint, appoſito pollice foramen claudes, & unam tantum apem exire permittes, eam conſequere quantum potes cætiſſime: & cum ulterius non poteris, aliam liberaſ, ea deinceps è conſpectu devolante, aliam emitte, tandem his ducibus locum examinis facile inveſtigabis, qui ſi in ſpelunca fuerit, fumo ejicietur omnis familia, & cum exierint, æris tinnitu terræ in ramulo ſeſilivæ modo ſuſpendent, unde admoto vaſculo recipiuntur. Si in arboris ramo nidificent, acutiſſimâ ſerrâ ſupra infraque abſcides, mundaque teſta rami pars illa cooperta, ad locum quem volueris deferatur, ac inter aluearia collocetur. Atque hac arte examina in ſylvis, cavernis, vel rupibus habitantia ſunt inveniendâ: maneat autem aucupium in incipere oportet, ne die demortuo quies eam perdas. Nec ſolum venatione apes homines delectant: ſed etiam ſi quis eas per ſomnia invenerit (niſi Fabritius atque Artemidorus nos fallunt) ſi pauper fuerit, ditatur; ſi rex aut dives, facilem ſibi populum habebit, atque morigerum. Qui verò habuiſſe ſe apes ſomnia, non autem habere, deſluentis fortunæ ſignum eſt, et infortunij iam propè imminentis. Tantiuſus ſunt apes: tam variè in ipſarum virtutibus luſit, vel potius operata eſt rerum omnium fictix natura. At quorſum ille (inquies) aculeus, contra cujus venenum nulla remedia novit Plinius? Equidem fateor & res ipſa docet, apum nonnunquam aculeos venenatos eſſe; ſed rabidarum tantum, & vel nimia febre, vel ira, vel fame exaſtuantiû. Alijs verò parum pungunt: ideoq; Dioſcorides iſtus apum ſymptomata, ſiccò pede præterijt; indignatum ratus ob unius apiculæ ſpiculû adeò conqueri: Poſteriores dolorem, ruborem, tumorem, comites obſervarunt; præſertim ſi aculeus etiamnum hæreat infixus, quo proſundius vulnerante, mortem aliquando ſuperveniffe ſcribit in Theſtaciis Nicander: Antiqui item (ut apum aculeos in bonum converti uſum probemus) ob ſtellionatus crimina hoc ſupplicio (author Suidas) fontes affecterunt. Reum veſtibus diſpoliarum, atque toto corpore melle perlitum, Soli expoſuerunt, manibus & pedibus ligatis, ut ab apibus & muſcis creberrime punctus, & Solis radijs afflictus, dignam vita necem ſubiret. Verum ſi ipſarum iſtus vitare, ſanareque iſtituas; primùm mente ignaviam, impietatem, furtum, malitiam exigit; his enim vitijſ ſædatus libenter impetunt. Tum ne ex veſtium colore ſanguineus videaris, vel per venerem immundus ſentiaris, oppidò caveas. Qui etiam arborei pici raſtrum geſtant; etiamſi examina perturbent, ab apibus non lædi, dicit Plinius. Nonnuſ, meliſſa trita aculeos innoxios reddi, author eſt. Florentius dendromalaches ſucco (mal-

vam

vam masculam appellant) vindemiatores mellis illini jubet, ut securus favos eximat. Sed cuiusvis malvæ succus idem præstat; & melius, si cum oleo teratur: nam & præservat ab ictu, atque ictis remedio est. Verum esto, illarum nobis aculeum morbos inferre: atqui illos apes melle demortuæ cito curant diligenter applicatæ, & venenum doloremque omnem ejiciunt. Quid dicam? Nullum animal æquè commodum, nullum minus sumptuosum Deus creavit. Curantur per exiguo ære, vivunt fere in omnibus locis, etiam sylvestribus & montanis: pauperes æque ac divites ipsarum cultu magnum vectigal colligunt: nec propterea vel ollam vel familiam augere necessum habent. Merula refert Varronem quinque millibus pondo mellis alvearia quotannis eloasse, & in Hispania è parva villa unicum jugerum non superante, ex melle ibidem collecto dena millia sestertia lucrari solitum. Habemus item ex earum officina, ceram, mityn, sandaracham, propolim, favos, quibus nulla bene caret respublica. ut virtutum exempla non repetam, quæ non minus animæ salutaria, quam hæc corpori vitæque rectius agendæ utilia videntur. Primum autem de Melle, succo illo immortali, nectareo, dulcissimo, saluberrimo, & omnium operum effectuumque principe, orationem instituemus.

CAP. V.

De mellis nomine, differentia, et usu.

Mellis nomen principio unum fuit, Hebraice מֶלֶךְ, Debasch dictum; verum ab horrenda illa & confusa *μελιμαλγία*, ab Arabiæ incolis Hel, Han; a Gallis miel, Hispanis Miel, Italis Mele, Belgis Honichzeem, Germanis Honig, Anglis Honny appellabatur. Græci *μέλι* dixerunt; ab insigni labore apum & cura in eo conficiendo, ut annotavit Eustachius: unde *μελισσος* melitellum, a *μέλι* apud Porphyrium. Verum quid illud tandem sit, inter doctos disputatur. Sunt qui salivam syderum, vel stellarum sputum esse somniant, alij æris purgamentum, vel coeli sudorem vocant, sed rectius meo iudicio Mel apum Chylum vocaveris, ex materia dulci collectum, sed in earum ventriculis consummatum, vomituque vel exspitione in cellas eiecitur. Aristoteles, Plinius, Avicenna, Seneca, apes mellis non opifices, sed collectrices tantum statuerunt: sic enim scribunt. Apes mella ex rore æris syderum quorundam ortu potissimum & arcus cœlestis concubitu colligunt; siquidem favos faciunt non mel. Galenus item lib. 3. de Alim. fac. hæc verba habet. Memini (inquit) aliquando, æstate super arborum folia mel quam plurimum a nobis collectum fuisse, & tum agricolas velut ludentes cecinisse, *Iuppiter melle pluit*. Præcesserat autem nox (ut per æstatem) valde frigida, cuius vi dulces halitus & vapores diurno calore Solis sublati concreverant. Apud nos verò id rarò accidit: in monte autem Libano quotannis. Itaque coria supra terram extendentes, & arbores excutientes, defluens mel aërium ollis excipiunt, & in fictilibus reponunt. Differt autem mel, ut cætera quælibet corpora, substantiâ & accidente. Respectu substantiæ sive materiæ, aliud mel aërium est, aliud terreum. Quippe mense Maio, Junio & Iulio, ambrosia quædam cælestis (melleum rorem vocant, ego melliginem appello) in plantarum folia delabitur, gustu suavisissima, liquida, pura, & ipsum contra saccharum non ingrata, hanc collectam & imbibitam apes maturare concedo, mutare constanter nego, nisi forte depurationem roris, speciei alterationem dicere velis. Gal. Lib. 3. de alim. facul: Mellis materiam, non ipsum rorem esse affirmat, sed rori congenere: quam apes collectam in cellas revolvunt, sed speciem succi non mutant, ut etiam Avicenna docuit. Ros autem ille aërius ex quo mel

Mellis definitio.

Mellis differentia.

melaërium colligitur, duplex est, coagulatus sive mænna; & liquidus, unde mel optimum conficitur: præsertim si quâ primò decedit naturâ, eandem semper obineat. Verum tam altè cadens, ipsoque lapsu inter cadendum ob aëris impuritatem sordescens, & terræ halitu foliorumque & florum quibus infidet succo infectus, plurimam cælestis naturæ vim amittit, licet nonnullam fervet; totiesque in apum ventriculis, cellis, favis, mutatus, peregrinam aliquam qualitatē habet adjunctam. Est autem initio mel, veluti aqua dilutum; & primis diebus musteum fervet, vigesimo crassescit, mox obducitur quasi tenui membrana, quæ feruoris ipsius spumâ concrevit. Mel terreum dicimus, quod fore abeunte, ex terrâ ipsius sudore, & plantarum dulci parte exugitur, densioris quidem substantiæ, & qualitatis cum subiecto convenientis. Hinc mel gramineum, fabaceum, sparticum, apianum; ficulneum uvaceum, cedrinum, arundineum, violaceum, ericæ, liliaceum, leucoides, narcissinum, serpillare, thymbrium, buxæ, taxites, absinthites, helleboratum, venenatum, &c. dicitur: habitâ scilicet ad res, à quibus colligitur, ratione. Optimum autem respectu substantiæ mel dicitur, consistentiæ pinguis & mediocris, quod spontè ex favis defluit, ^(ἀπὸ τῶν φάβων) vel potius ^(ἀπὸ τῶν φάβων) & fæcibus non abundat; & brevissimo tempore coquitur, minimumque inter ebulliendum spumæ evomit, sibi semper ita adhærens, ut si attollatur digito homogeneum ac continuum, nullo modo intercisum, ad terram defluit: & denique quod promptè igne admofo flammam concipit. Hæc nisi omnia vel plurima adfuerint; vilis, adulterati, impuriq; mellis substantiam videris, non probi. Accidentia mellis, alia bona sunt, alia vicissim mala, utraque autem sumuntur a tempore, loco & qualitate. Si tempus respicias; mel quo recentius, eo melius habetur, atque vernum, horumque autumnali longe præfertur. Primum de floribus tantum ijsque tenerulis admodum colligitur (unde Anthinum dicitur:) secundum vero ab herbis item ipsis & adultis floribus, ^(ἀπὸ τῶν φάβων) ultimum è tribus pessimum, post primos autumnii imbres; arenosum illud quidem & sylvestre ex erica duntaxat aut hedera (quæ tum solæ florent) collectum, ^(ἀπὸ τῶν φάβων) quæ omnia (ut dixi) ex novitate laudem habent amplissimam, quoniam vetustate, ceu coctione quadam longè amarescunt: unde proverbium, Mulsim quod probè feceris, inscendum esse novo Hymetto & Falerno vetulo. Pro ratione loci tam communis quàm proprii, varie item laudatur mel, atque etiam vituperatur. Si proprium locum, sive vas ipsum in quo continetur, respicias; in fundo optimum invenitur, fæces enim ex aëre inter cadendum vel ex situ herbarum contractas, ad summum quasi spumam projicit, atque in imo vase glutinosius, ponderosius, suavius & compactius sentitur. Communem autem locum sive regionem si videas ubi colligitur; pro illius item natura æstimationem acquirit. Primas inter bona mellia, Atticum, Atheniense, Hymeticum, præsertim in argentifodinis factum, omnium iudicio hætenus obtinuit, tum ob apum ipsarum meliorem indolem, tum terræ thymo & optimarum plantarum copiâ affluentis, tum loci in quo favi texuntur bonitatem. Cycladico secundas Dioscorides tribuit (quod plurimum urbanum est, & jucundum & æmulum Attico.) Hyblæo sive, Siculo tertias. Mel Atticum Iohannes Bauhinus medicus doctissimus, & simplicium cognitione nulli secundus, Veronæ in pharmacopolio se vidisse testatur: quod repositum invenit in vesica elephanti valde crassa, pondere librarum 21. longitudinis duorum cubitorum, latitudinis vero sesqui cubiti. Ego credo ex Africa allatum fuisse; nam quomodo vesica elephanti ex Atticis: Cardani iudicio quod ex Cephalenia insula in Ionio mari posita advehitur, præstantissimum omnium est, cui in Europæis proximum est Hispanicum, atque id non immerito: ros enim concoctior in calidioribus plerunque regionibus: & ubi purior aër est (in omni regione) virgineum mel, id est, pu-

Mel optimum:

Quibus in regionibus mel optimum invenitur.

rum putum, & ignis omnino expers elaboratur. Mel etiam Tarentinum laudatur, ut Strabo refert. Circa Tagodast, Melelam, Heam, Hascoram, Rhahonam Montem ferratum, Echebdevonam, mel Africanum optimum confici Ioannes Leo auctor est. Ludovicus Cadomustus Sinegenſe, Andreas Corſalius Mombazenſe, Edoradus Barboſa, Aethiopicum, Thomas Lopus Caraienſe. Franciſcus Aluēares Tigremahonenſe, Sebaſtianus Baro Samogithicum, Enricus Lituanicū, Eraſmus Stella Boruſſiacum, Thevetus Americanū, alijs præponunt. Paulus Iovius Moſcoviticum ſiſis laudibus proſequitur, ſed temerè, quandoquidem in toto Moſchoviæ Ducatu, nec apes nec mel eſſe, mercatores noſtri, & Sebaſtianns Baro, rerum ibidem viſitarum geſtarumq; ſinceruſ ſcriptor, ſerio affirmant. Albertuſ Campenſis in Myſiæ tractu, quem Britum vocant, uti etiam in Hercinia ſylva, mel examuſſum optimum inveniri dicit, adeo ut Cecropeo atque Attico non cedat. Aelianuſ in nivofa & glaciali Scythia vernaculum & laudabile mel gigni aſſeverat, atque venum ad Myſos (carè ubi venditur) exportari. Verum ſi regionis calor puritatem mellis addit, & bonitatem, quomodo in Scythia & Samogithia optimum haberi poſſit? An quia flores ibidem nati & rorem excipientes meliores ſunt, eoque ipſum meliorem reddunt & puriorem? An propter Borealeſ ventos eò loci frequentiffimoſ, qui aerem purgant. An quia ut homineſ, ſic apes illic vivunt robuſtiores, meliuſque propterea & diligentiuſ mel in ventriculiſ repurgant atque elaborant? quod verifiſimiliuſ eſt; quum in tam frigida regione non viverent niſi valentulæ, nec ad id ætatiſ (vivunt enim ibi quam diutiſſimè) unquam accederent. Quod verò in humidis regionibuſ mel exquisitum confici negat Cardanuſ: Hibernia illi litem intendat, atque Anglia vocet in juſ; quæ fatali inſulſi humiditati obnoxia, mel adeo purum putumque reddunt, ut nec venenati illi quidpiam admiſceatur, & diutiſſime maneat incorruptum. Vt taceam ſummam ejus albedinem, duritiem, dulcedinem, continuitatem, lentorem, gravitatem; aliaque bonitatiſ ejus maxima indicia. Sed *vidua* hujus modi *inchoſitata* noſtræque terræ lenocinia mittamuſ: & Mellis, ob regionem in qua legitur inſamiam explicemus. Per inſignem amaritudinem peſſime audivit Colchicū, Corſicum deinde, & nonnullis lociſ Hungaricum atque Sardum. Nam in Sardinia Aſinthium, in Corſica Nerium, in Colchide taxuſ, in Hungaria omneſ luxuriant. Mel item venenatuſ in Heraclea Ponti & ægolethri floribuſ vere aquoſo marceſcentibuſ: tunc enim noxiuſ viruſ floreſ concipiunt, & mel illapſum citò inſiciunt. Aliud ibidem genuſ pernicioſiſſimi mellis elaboratur, ab inſania quam gignit *unphætor* vocatuſ; quod Pliniuſ ex flore Rhododendri contrahi autumat, nulliſ ibi non ſyluiſ frequentiffimo. Dioſcorideſ & Aëtiuſ aconiti ibi luxuriantis copię venenum non malè inpingunt, quum iſdem remedijs occurratur ejus maleficio, quibuſ aconito. In Carina, Perſide, Mauritania, & Getulia Maſſæſuliſ contermina, vel ob terræ halituſ, vel plantaruſ virulentuſ ſuccoſ, venenati quoque ſavi gignuntur; Sed livore & nigredineſ deprehenduntur. In Trapezunte Pontica ex buxi floribuſ mel colligi à Plinio accepimuſ, quod ut gravi odore ſanoſ malè afficit, ita etiam inſanoſ menti reſtituit. Naſcitur in Heptocometarum arboribuſ mellis contagiouſ genuſ. Cuiuſ viruſ exhauſtuſ ſupidoſ facit, mentumq; exturbat. Hoc ab inimiciſ cum paciſ implorandæ ſymbolo, ad treſ Pompeij cohorteſ miſſo, largiuſque ab iſ epoto; de ſtatione mentiſ atque vitæ deſectæ (inquit Strabo.) Ovidiuſ Corſici mellis tanquam maximè inſamiſ mentionem facit ex cicutaſ floribuſ collecti, cum ait

Quibus in regionibus primum mel colligitur.

Quam putò de gelida collectam flore cicuta.

Melle ſub inſami Corſica miſit apu.

Atqui naturæ parum honorificum videatur, genuiſſe rem adeo ab omnibuſ expectatam, eiq; non rarò venenum admiſciſſe. Imo quidem non male iſtud, permiſit

permittit, ut cautiorem minusque avidum faceret hominem, & non solum ad delectum faciendum, sed etiam ad antidota quærenda excitarèt. Propterea quoque rosas spina obfepfit; ab apibus aculeum tribuit, Saluam bufoni sali-ya infecit; mellis, saccharo, & manne venenum aliquando (idque perlethiale) asperlit. Mellis venenati signa hæc sunt, favos livore inficit, non densatur, colore magis rutilo conspicitur, acre sentitur, & odore alieno: Innoxio longè ponderosius est, sternutamenta protinus sumptum movet, Ventrisque profusivum largissimo sudore concomitatum. Qui ipsum hauserunt, supini pronique humi sese provoluunt, refrigerationem quærentes. Heracleum eadem cum aconito movet symptomata, & eandem curationem sortitur. Ex mellis venenati portione admodum exigua degustata, duos medicos in foro Romano obijisse, memorat Galenus. Contra maniam ex melle, Dioscorides rutam devorata, & salamenta, & mulsum cum ruta epotum commendat. Sed resumpta, iterum vomitione sunt rejicienda. Quinctiam eadem huic morbo præscribit, quæ contra aconitum & nerium: cui assentitur Plinius. Addit etiam unum singulare antidotum, scilicet Auratam piscem in cibo exhibitam; quæ item sinceri mellis fastidium egregiè tollit. Guilielmus de Placentia cum syrupo violaceo, acetoso simplici, & aqua tepida, continuo vomitum provocare docet, piscibus salitis ante vomitum comestis. Postea exhibet Theriacham cum aceto calido. Christophorus de Honeftis vomitum suadet, & frigidam naribus subdere cum floribus violarum nenupharis & psyllis. Bezoar vero ejus sunt: grana cydoniorum trita & data cum aqua calida, ut sanctus Ardoinus refert. Avicenna nihil effatu dignum præscripsit, nisi quod ab alijs acceperat. Nam quod suum Aumeli attinet, prorsus quid sibi velit non intelligo. Verum quid si ego juvenis & Anglus, post tot patres conscriptos certissimum hujus veneni antidotum esse apes ipsas assererem devoratas? Lenocinatur conjectura verisimilitudo, & ratio nonnihil ablanditur. His enim nisi rerum domina natura insignem contra mel venenatum dynamin dedisset, (sicuti contra serpentes Psyllis, inter homines; ciconijs & pavonibus; inter alites) equidem ab ipso collecto, devorato, & aliquandiu retento, imo concocto, male afficerentur, & toxico per totum corpus corrente conficerentur. Terrestrium apum mel licet non semper venenatum sit, tamen ob nigredinem nimiumque lentorem non laudatur. Sæpe item serpentum, bufonum, rubetarumque halitibus obnoxium deprehenditur, & propterea caute fugiendum. Nunc ad qualitates mellis veniamus; quarum alie primariæ sunt, alie ex iisdem ortæ, alie formales atque specificæ, quas merito energéticas vocamus. Primæ craseos respectu, mel calidum & siccum censetur in secundo gradu: quæ de causâ uti Hæcticis, febrientibus, juvenibus, ictericis interdixit ipsum Galenus, ita frigidis in affectibus plurimè laudavit, & humido ventriculo præditis, præscripsit: quos modicè delinctum potenter nutrit, et bonè unâ colore habitumque; conciliat. Si secundas qualitates desideres (olfactiles, gustatiles, visibiles, tactiles) debet mel optimè nullius herbar, vel rei alterius eminentem qualitatem habere: & propterea mel thymum insigniter redolens, rejicit Galenus. est tamen ex se ipso suavissimi & fragrantissimi odoris, & spirituosæ cujusdam fragrantie (cujusmodi in aëre sub lucano medio vere sentitur) non expers. Si vero malè olet, ex custodia mala computruit: si graviter, contagium contraxit è cicuta: si nares odore pungat, letalis veneni sublatitantis, vel acrimoniæ nimie argumentum est. Si omnino non oleat, sub vappa vapulat: si thymum, ciliam, rorem marinum, buxum, absinthium, &c. in eorum naturam degeneravit. Similiter quoque de gustu statuendum, qui vel ex herbis, atate, locique colore ascititius & medicatus sentitur; vel naturalis: id est, magna quadam & vivida dulcedine linguam feriens & replens, adeo ut fabacæ nonnullis videatur. Colorem optimi mellis

Mellis venenati signa, p. 27, Antidota.

Mellu crasu.

quod attinet : in Tigremahonicâ & Tagodasticâ regione, lacteus præcellit, in calidioribus locis albus atque diaphanus. Maximam autem partem, fulvus & ex auro pollens princeps habetur. Secundas tenet albus translucens, cui ego non injuriâ cum Aristotele primas concederem. Quippe signum est puri mellis & *αἰσιν*, nullâ herbarum tinctura infecti. Ab eo rutilum laudatur nisi fuerit æstivum, tunc enim collectum mel (veluti cera & butyrum) vel ob florum flavescendum copiam, vel æris aduersionem, ad intensam & quasi saturatam flavedinem, imò ad ruborem ferè accedit. Si vero Erycæum vel Anthinum rutilum videatur, quasi noxium ab omnibus jure habetur, quia intempestivum. Suspecti & infames colores dicuntur, niger, fuscus, spadiceus, & præsertim lividus, qui sive in favis sive in melle apparentes, nunc corruptionis, nunc veneni manifestarij indicia sunt. Est item tactu mel optimum ; pingue, lentum glutinosum, grave *αὐτὸχρον*, clarissimi terebinthini liquoris æmulum, sui ubique simile, & vel nullis vel saltem paucissimis fæcibus impuratum : blandissimo calore liquefactum, & levissimo frigore quasi in lapillos concretum. Energetica qualitates in usu mellis apparent ; qui sanè multiplex videtur, sive ad medicinam sive ad culinam te vertas : Tam enim potenter nutrit, vitamque integram conservat, & longævam, ut Græci *Κυμαρὸς μακροβίους καὶ τρυφονοῖσιν* (Herodoti Athenæi, & Diodori Siculi testimonio) ex continuo ejus usu putarent. Sanè Pollio interrogatus, quomodo intantum ævum annos produxerat, respondisse fertur : quia intus mulso, extrâ oleo à teneris usus fuit. Præterea flores, fructus, singulæque simplicia, atque composita item medicamenta, ejus permixtione à putredine integra servantur, quæ sanè facultate ita excellit, ut Babylonij etiam nobilium mortuorum cadavera eodem sepelirent, ut Herodotus in Thalia testatur. Oenopolæ item quidam nebulones cum fugitivo vino & ferè exanimi vitam reddere instituunt, mel addunt : quo adulteratum vinum, purum videtur, & palato non parum arridet, etiam critico. Putredini non subjicitur. Servantur in eo fructus, omniæque corpora quàm diutissimè. Tactum tamen a suo inimico putrescit, id est, à pane. Ideo qui mel vendunt, diligenter cavent, ne pueri transcentes panem intingant ; ita enim facilè corrumpitur, & in formicas vel similia formicis animalcula transmutatur : si Paracelso credimus, philosopho quidem in rerum naturâ naturali quadam peritiâ insigni. Mellis item admixtione placentularum pravitatem corrigit Galenus. Mel cum alijs quibuldam mixtum, & nutrit, & bonum colorem exhibet. Per se ipsum autem attenuat, magis quàm reficit : nam & urinam & aluum plus justò expurgat. Hippocr. Si etiam cucumeris semina, vel alterius Plantæ in melle aliquandiu maceraveris, & postea severis, dulciores inde fructus certo proveniunt. Medicam quod attinet virtutem, calfacit, vulnera ulceræque optime detergit, attenuat, discutit quæ aliqua corporis parte coierunt ; ut Galenus, Avicenna, Celsus & Plinius notarunt. Alopecias & fæda capitis ulcera per sanat. Plin. Ad generationem capillorum in Alopecia ; vel febribus diuturnis, plurimum valet, si per se crudum illinatur, vel cum favo noviter extracto. Galenus. Potissimum autem oleum mellis distillatum id facit. Aqua stillaritia mellis cutem egregiè mundat, urinam provocat, febrium calores extinguit, obstructions viscerum expedit, sitim lenit : calx vero sive sal ejusdem, uti omnium corrosivorum, minime dolorificum est, ita etiam maxime energeticum & propterea in virgæ caruncula unicè a Chymicis & expertis aliquot chirurgis commendatur. Quot vero & quàm amplas virtutes Mellis, quinta illa (uti vocant) essentia contra omnium morborum vires obtinet, præclarè ab Isaaco Belga Paracelsi antecessore scriptum est. Næ si crudum & agreste mel Democrati, Pythagoræ, Pollioni, Baptistæ, Pythagoreis denique & Cymniji salutem cum vita longa attulerit :

*Medica mellis
virtutes.*

attulerit: quanto illud magis præstiterit depuratum, & in summum nutritionis gradum perductum? Epicurei verò, qui summam salutis & voluptatis rationem habebant, Ambrosiam continuo comederunt (ut Tzetzes refert) quæ ex decima mellis parte constabat. Ac si assiduo ejus usu dolores arcerent, et a morbis immunes sani viverent: Mirificè auribus exulceratis auxiliatur mel per se tepidè infusum, præsertim si factores simul adsint. Quinctiam ut in earum sibilis, sonitibus, inflammationibus, mel Atticum instilletur jubet Galenus; Mel, Butyrum & oleum rosaceum, ana tepidum, auriculæ dolenti infundit *Marcellus Empyricus*; Idem quoque mel cum infantis stercore subactum, in visus hebetudine & albugine valde laudat. Oculorum epiphoras, tum in hominibus, tum in equis, hoc modo tollit *Vigetius*. Primum infra oculum sanguinem detrahit, & cum usque ad sanitatem melle optimo inungit. Cavendum tamen (ut non malè meminit *Columella*) ut quotiescunq; melle oculi unguntur, circumlinantur prius pice liquida & oleo, ne a muscis, apibus & vespis infestentur. Audi etiam quæ ad claritatem visus narrat & commendat *Marcellus*. Mel in quo apes fuerant demortuæ, nitidum & purum oculis instilletur: vel capitum apum cinis cum melle, oculos claros reddit: & rursus; Mel Atticum cum primo infantis stercore & lacte nutricis commisceto, eoque hebetes ex quacunque causâ oculos inungito. Sed prius ægrum erectum ad scalam alligabis; quia tanta vis medicamenti est, ut eam aliàs patienter ferre nequeat. Cujus beneficium tam præsens, ut tertio die abstergâ omni maculâ visum acutissimum efficiat: Suffusionem oculorum curat fel vulturis cum marrubij succo, (qui duplo pondere fel superet) & mellis dupla. *Gal. in Empiricis*. Alibetiam, fellis testudinis marinæ partem unam, mellis quadruplo immiscet, & illinit. *Serenus* vero istiusmodi Oxyderti conprescribit.

*Hyblæ mellis succi cum felle caprino,
Subveniunt oculis dirâ caligine pressis.*

Infantibus butyrum cum melle exhibeto: nil enim utilius in dentitione & oris ulceribus. Galenus solo melle gingivas eorum confricari jubet: ad dentium enim generationem, conservationem, nitorem, absterfionem mirè conducit. Ad dolorem item faucium, Si Arabico melle jungas agreste papaver, sanat ipsum: imo aliquando *Simplicibus Lymphis confunditur æreum mel*: & egregie, teste *Sereno* atque *Plinio*, ærescenti in febris lingua, Cynancha, uvæ, cunctisque gutturis, faucium & tonsillarum vitij medetur. Ad spirandi difficultatem & spiritum promovendum, vel simplex, aut alijs immixtum optime (*Hippocratis* sententiâ) conducit; & in auricularum pulmonum convulsione (qui morbus esse solet lethalis) frigida potus, & in qua favus mellis maceratus est, plurimû conducit. Stomacho item non calido, non bilioso, non amaro, nec nauseanti, aut febrienti; vigorem, robur, alimentumque maximum conciliat, & eodem lac coagulari non sinit: renes expurgat; cum aqua & butyro coctum, calculosos juvat. *Avicenna*. Lienis dolorem sedat, sed demortuis apibus appositum: nam intus sumptum, & lieni & hepati nocet, inquit *Galenus*. Crudum, alium levat. Coctum cum apibus vel caseo recenti, ipsam adeo sistit; ut dysenteria & cæliacæ passionis arcanum a *Galeno*, *Celfo* & *Plinio* habeatur. *Hippocrates* omnibus mollitorijs uteri medicamentis mel admiscet: Mel cum refina mixtum; testibus medetur frigidis, teste *Plinio*: qui etiam corij bubuli cinerem cum melle, phagadænas & panos curare affirmat. Nitrum cum melle & lacte bubulo ulcera faciei sanat; & mellis spuma cum oleo juglandium, adustionem cutis emendat: senibus maximè conducit, & stomacho refrigeratis: coctumque status discutit, & potenter movet urinâs: *Galenus*. *Hollerius* mel inter diaphoretica recenset, quia aperit, & puros reddit.

reddit meatus : Galenus inter diuretica ponere non dubitat. Acrimoniam decoctione vel aquæ admixtione exuit, & propterea mel coctum ad sinu osorum ulcerum glutinationem fuit a Galeno præscriptum. Sal cum farina & melle, luxati articuli dolorem tollit, tumorem discutit, & repositioni meliori viam præmunit : Possent hic recensere Aetij & Aeginetæ Diamelleum emplastrum, Tapfemel Ardeni, & sirupos omnes ex melle antiquitus confectos : cui saccharum Neoterici vicarium, nescio quo rationis momento surrogarunt. Nam sanè si mel Atticum, vel aliud Attico bonitate æqui-parandum, in proximitate sit, & debitâ præparatione non careat ; næ cito oculum effoderit, saccharo, terrestri, arundineo, & nimium feculento ; melli, nec usu, nec origine, nec ullo modo, cum cælesti hac lachryma comparando. Sed hæc mittamus ; & potuum ciborumque mellitorum genera enumeremus. Potus mellis sex præsertim a veteribus recensentur. Hydromeli, Ocnomeli, Oxymeli, Apomeli, omphacomeli, Thalassomeli.

Hydromel *ambrosiæ* a Polluce et Nicandro vocatur, atq; etiam Hesychio : ejus Compositionem Galenus, Plinius, Aegineta & Dioscorides tradiderunt his verbis. *Hydromel Galeni.* R. aquæ font. dulcis & depuratæ lb. viij. mellis opt. lb. j. coquantur igne lento vase terreo, & spumam innatantem saepe exime ; coquito ad intentionem. Si mox bibendum sit, aquosius fiat : si reponendum, diutius coquatur, nam incrassatur, ut julepus, diu quidem servatum, sed in partes ægri remotas altius penetrat, & in bilem citius convertitur. Alias quoque varias facultates coctio ei acquirit, quia parum coctum inflat magis, aliumque subducit, & minus nutrit. Diutius coctum, inflationem dissipat, magis alit, minus purgat. Aromatizatur pro libitu, croco, Zingibere, gallia moscata, liguo aloes, &c. Fit etiam alio modo ex mellis lib. j. aquæ lib. octo, fermenti uncijis tribus. Omnia ligneo dolio tradanatur ; relicto trium vel quatuor digitorum spacio vacuo, ut liberius ferueat. Vbi vero deferbuerit, obturato vase & diligenter orbibus munito, tertio post mense sit potabile. *Hydromel Plinij.* R. imbris puri & per quinquennium servati lib. 12. coque ad tertias, cui adde tertiam mellis veteris partem, ac Syrio ardente per 40. dies Soli exponito, atque ita expositum decimo die obturato vas : hoc vocatur Hydromeli, vetustate saporem vini assequens, nusquam laudatius, quam in Phrigia compositum. Dabatur appetentibus vinum ægris, sed jam a multis annis damnatum. *Hydromel Aeginetæ.* R. succi malorum cydoniorum contusorum, lib. V. aquæ font. Sextar. x. coque donec flaccida fiunt ; ablata ab igne, refrigerant. Colajac expressa mala abjicito ; huic aquæ mellis dimidium addito, coquito, despumato, donec pars octava fuerit consumpta. Quidam è dulcibus malis pyrisve eodem modo conficiunt. *Hydromel Dioscoridis.* Fit duabus aquæ pluvie veteris ad unam mellis partem additis, & insolatis : sunt qui hydromeli appellant, quia è melle elutis aquâ favis confici solet. Sed meracius igni non convenit ; quia eo modo præparatum ex abundante ceragine ægros lædit. Hydromel, ubi diutius fuerit repositum, mediâ ætate vino oligophoro, aut lora, in reparandis viribus respondet. Quare in inflammationibus sedandis ijs etiam præfertur. Aquæ mulsæ inveteratæ usus damnamur in inflammatis & constrictis, sed laboranti stomacho, aut cibum fastidienti, aut agro sudoribus diffuenti, aut siticuloso, aut febre ardente exoluta, convenit. Aëtius clysterem è sola aqua mulsâ ad alium movendum describit, eodemque sinu osorum ulcerum saniem abstergit. Galenus melicraon (in quo sit decoctum aliquid hyssopi, vel origani, vel thymi, vel pulegij) ad preparandos crassos humores in acuto morbo purgandos vitur, & commendat : sed in supinitate stomachi non laudat. Nuper alia Hydromelis compositio ab Anglis inventa est (*varij vocant*) pro navibus melius inserviens, quam quodvis

vis vinum. Ejus præparatio hujusmodi est. R. *βύνη*, id est, hordei post debitam in aqua macerationem torrefacti, q. v. in aqua font. q. s. coque diu ad manifestum Bynes, sive Maltæ, saporem. Hujus lib. j. cum mellis. 8. & aquæ lib. 20. simul cocta, potum tum gustu suavissimum, tum usu saluberrimum præstat: optimè nutrit, ægrè corrumpitur, diutissimè servatur. *Hydromel Moscoviticum*. R. decoctionis lupulatæ sextar. 8. mellis despumatæ sextar. vnum. Paris tosti & cerevisiæ flore illiti frustum vnum. Pone in vas ligneum probe coopertum, & juxta hypocauftum colloca: spumam ortam quotidie bis aufereto, ligneo cochleari perforato: post 10. dies recondatur in cella. Post quatuordecem bibatur: eodè modo conficiunt pro astate cum aqua simplici. hoc enim modo paratum hyeme bibunt, & quando inebriari se cupiunt. Illorum & Anglorum lingua, *Mede* vocatur.

Oenomeli. vinum melitites dicitur. Pollux *μυρίσπασος*, Plautus mellinam vocat. alii Mulsam. Hoc Aristæus primus in Thraciam advexit; vini ac mellis mixti incredibili suavitate captus: imo mulsam ex melle Heracleotico factum & inveteratum, definit esse perniciosum. *Plinius*. Hanc potionem recentiores ita describunt. R. mellis opt. congiuntum j. vini antiqui vi. salis cyathum vnum: inter feruendum subindè despumare oportet, tunc salem addere, ac aniso condire, & helenij radicibus in sacculo in vas ipsum demissis. *Aegyptij aliter conficiunt*. nempe ex passis & melle, quod *ῥιανθὸν* nuncupant, quia gustu est valde suavi. *Oenomeli conditum*. R. piperis eloti & reficcati scrup. viii. mellis Attici sextar. vnum: vini veteris albi sextar. v. misce. Meminit ejus Celsus (ni fallor) & Cælius. Aurelianus in cùra Ischiadicorum. Genus est item mulsæ quod Græci *τὴ κύριος* appellant, quod & *κύριον* vocatur. ex. 36. rebus constans. *Goræus*. Fortè idem quod Athenæus vocat *μύβα κυκλῶν*. *Κυκλῶν* enim potio est, ex vino, melle, & varijs herbis commixtis. quale Camborum nostrorum Nectar Metheglin dictum. Hiberni cum melle, vino, & herbis quibusdam oenomeli destillatum parant, quod *uskebach* vocant, genti crudis vel saltè semicoctis carnibus vescenti haud ineptum. *Nectar*. Mulsam quod ex musto fit, Græci Nectar vocant. Defuncto decimam partem mellis addunt, sed hoc genus stomacho est adversum, & obnoxium inflationibus: datur alui ciendæ gratiâ: idem Hippocrates *μυρίσπασα καὶ μυρίσπασον* nominat, ut Galenus notat. Aliud, atque illud verissimum nectar, circa Olympum Lydiæ montem præparari Athenæus scribit: ex vino, favis & floribus maxime odoriferis. Alexandridam non potum Nectar, sed cibum deorum existimasse animaduerto. Dicit enim: *Nectar mandens edo, Iovi ministrans Ambrosiam bibo*. Homerus tamen, & major poetarum pars Nectar pro potu habuerunt. *Oenomeli Dioscoridis* sic paratur. R. vini veteris sextar. duos, mellis opt. sextar. j. Aliqui ut celerius præberi possit, cum vino mel coquunt, & transfundunt. Alij utilitatis gratia ad sextarios sex musti ferventis, vnum mellis adjiciunt; & ubi ferbuerit, vase recondunt; dulce enim permanet. Vfus vini *melitites* hic est: datur in longis febribus quæ stomachum cruditatibus collectis infirmant. Alium leniter emollit. Vrinam ciet. Ventriculorum expurgat; prodest morbo articulari, renum vitij, imbecillo capiti, & muliebribus abstemijs: odoratum siquidem est, et corpus alit. Vomitus provocat ex oleo propinatum, daturque utiliter ijs qui venena hauserunt: uti etiam languidis, pulsu imbecillo, peripneumoniâ & tussi laborantibus, & ijs qui immodico sudore exoluntur. sed tum Hydromelite dilui æquum est. Galenus melicratum etiam dilutum ijs præscribit, quibus non ultra primam septimanam rigor producitur, idque forti admodum existente naturâ. Sunt qui in febribus vinum hoc prorsus damnant: Sed hoc de quibusdam febris temporibus intelligendum. Interrogatus Romulus quidam Cæsaris hospes, supra centum

Vide nectar
Oenomeli in
Aristot. Spec.
Weckeri, fol.
192. & 195.

annos

annos natus, quam ratione corporis illum animique vigorem tamdiu retinisset; foris oleo, intus mulso (cum Pollione illo) respondit: ut magis demurmur mulsi usum, qui multus antiquis idè fuit, quoniam illis erat persuasum: omnem animi asperitatem dulcibus succis mitigari, spiritus leniri, meatus molliores reddi, atque per-flatiles, morumque etià medicinam esse.

Plinius

Oxymeli sive acetum melitites sic fit, ex *Plinij* sententia. R. mellis lib. vi. aceti veteris heminas quinque, salis marini lib. j. aquæ pluvie quam Galenus non probat, Sextar. v. Omnibus feruefactis decies, mox Soli expositis atque inveteratis, oxymel confit. Verùm ultra annum non durat. Omnia ista quemadmodum & vina factitia, a Themifone summo authore damnantur. Galenus sic parat. Melli optimo despumato tantum aceti vini addito, ut aegroti gustui ardeat: coquantur ad bonam unionem: & quando uti voles, aquam pro arbitrio miscebis: satis autem coctum est, cum spumam ampliùs non rejicit. Sunt qui has compositiones forte paulo aliter proponunt: & Dioscorides a Mesue, Nicolaus ab utroque dissentit. Apud Mesuem decem illius formas reperies. Apud Nicolaum, quantum vidi, septendecim: alias simplices, alias verò è squilla, thymo, iride, & alijs herbis radicibusque compositas.

Gesnerus item *Oxymel Helleboratum* introduxit, quod non parùm commendat in Græcâ suâ ad Adolphum Ottonidem epistola. *ἡ δὲ τὸ μέλι τὸν τὸν χεῖρος παχέτης τὴν γλῶσσαν τὸ ἀπορροῖαν ἵνα: μάλιστα δὲ ἰς τὴν μετανόησιν, ἀι δὲ πόν, τὸν τὸν ἀνελόντα ἐκ τῆς ἀγῶν χεῖρας.* Quas verò in melancholia, cachexia, hydropse, epilepsia, & febribus abigendis vires obtinet, passim in epistolarum ejus libro invenietis, ubi etià oxy mellis helleborati majoris & minoris descriptio vobis proponitur.

Apomeli Philagrij ex Aegineta. R. favorum melle repletorum alborum lib. j. aquæ font. lib. iij. & semis. con fracto favo & expresso, aquam cum melle unitam coquito, donec spuma ipsius & quod velut cerosum super natat, paulatim ablatum fuerit, refrigeratum vase accipito. Leviter refrigerat, asserente Galeno, ideoque in Phlegmone & lassitudine febrili multum conducit. Avicennæ syrupus de melle idem cum hoc videtur. Apud Nicolaum tres Apomelites species videris, apud Actium, Oribasium, Aetarium, adhuc plures. Variantur enim pro natura ægri & morbi; quæ nos ratio induxit, ut delibare eas magis vellemus quam plenius depromere. Bibitur tota æstate refrigerij nomine; quo tempore (præsertim ubi accesserit) cuilibet exhiberi potest. Mediæ naturæ inter mulsum & oxymel habetur. Galenus. Confert etià ad educendum spumam, vrinam movendam, aluum subducendam, & humores attenuandos. Aeginet. Ruclius

Omphacomeli (quod non rectè *Grapoldus mel acerbum* transtulit) fit ex succi uvæ immaturæ Sextarijs tribus, mellis sextario uno, simul coctis, vel ad dies 40. insolatis. Finito fervore, in vas probè coopertum ponatur, & usui servetur. Eodem fere modo paratur Melomeli ex cydonijs, Rhodomeli ex rosis, mel mirtites, Rhoites, Rhodostaçe, &c. quorum descriptiones & usus ex Aëtio petere licebit.

Thalassomeli constat æquis partibus maris, mellis, & pluvie defecatis, & in picato vase per Canis æstum insolatis. Sunt qui maris partibus duabus unam mellis adiciunt, ac vase condunt. Vtrumque vim purgandi habet, sed hoc multò imbecillior. *Corraus.* Sapore & odore gratum est, clementer purgat, sine omni stomachi vexatione. *Plinius*

Atque hætenus de potionibus mellitis.

Ciborum genera quæ ex melle & alijs mixtis in usu apud Antiquos fuisse, ante

ante oculos proponere, nimis mihi arduum esset, & lectoribus tædium afferret: Ideò illa recensere non erit opus, & fortassis impossibile. Nam diversæ & variæ gentes diversimodè mel cum alijs miscebant, nempe cum lacte, cibo, farina, tritico, casco, aut sesamo: unde *χρόμα, ελευρα, ἀμύγδαλα, σπασμίδι, μολίτικη*, bellaria, vel potius mellaria illa, & liba cum melle confecta, diversis pro re nata nominibus appellabantur. Athenæus. Hujusmodi quoq; *πρόβη ἰνδουαρίας*, Cereri quam immolabant: ut Nicandri scholiastes docet, atque *ἀπὸς ἀμύγδαλων*, quem panem dulciarium vocamus. Quinetiam & Soli & cælo, & cælorum reginæ placentas ex melle factas Gentes (teste Scripturâ) offerebant: qua de causâ, ne Deo Israëlita ex melle adolerent iussit Moyses; Levit. 2. fortè autem id Iudæis potius prohibuit, quia mel fermentandi vim habet. Confecerunt item cum adipe, casco recenti, oleo, & uvis passis: imò ad somnum conciliandum edulij genus ex melle & papavere gratissimum veteres composuerunt, quod Cocetum vocarunt; ut Festus refert. Denique deorum ille cibus habitus Ambrosia, ex melle dulcedinem illam & salubritatem insignem (quâ immortalitatem asserre credebatur) contraxit, de qua fuscè Athenæus atque Bellonius. Optima autem & saluberrima mellaria habent Indi, Barbari olim crediti; sed revera ingenio, arte, prudentia cum Europæis faciliè parandi, imò (quantum video) antecederendi.

Verùm antequam in usum trahatur mel, clarificatio eius necessariò requiritur: quæ sic fit. R. mellis et aquæ fontanæ distillatæ, ana lib. ij. vel q. v. coquantur, continuo despumando, quod supernataverit, usque ad aquæ consumptionem, postea cum 12. ovorum albuminibus clarifica, *Αβυγγοί*: Si vero etiam, durum, purum, atque tenax reddideris, libræ hujus mellis clarificati, vini optimi lib. semis, admisce: bulliant, despumando, ad duritiem, in phialam reponc, quam colloca in aqua bulliente, & lympidum evadet, & quasi saccharum Candia lapidescet. Mel verò si peioris notæ fuerit, coctione fit melius. An vero adulteratum, vel putum sit mel, ipso accenso cognosces. Quod verò adulteratum non est, pure ardebit. Author Geoponicôn. Si vero Quintam mellis essentiam, oleum, saleem, aquam, acetum superare velis, Isaacum Belgam, Euonymi thesaurum, aliosque Chymicos consulito. Neque enim tam ingens unquam iterabimus æquor, si in ipso jam amplius portu hæreamus. Tantùm nunc illius primos inventores recensēbimus.

Mellis inventor, ut Macrobius & Cyrenenses jactitant, Saturnus fuit. Cælius et Plinius tradunt Aristæum *μυλτιπύριος* omnium primum excogitasse, sed Diodorus Siculus scribit, Curetes cretenses mellis conficiendi rationem et usum primum monstrasse. Quidam inventionem Thessalis ascribunt. Alii Melisso Græcorum regi antiquissimo assignant. Nonnulli Baccho, Ovidio teste. *A Baccho mella reperta ferunt.* Ervicissim. *Liber & inventi præmia mellis habent.* Græci fingunt Nympham nomine Melissam mellis usum primum monstrasse, unde ab apibus ei nomen impositum. Quis invenit, vel quando, non multum refert. Donum certè cæleste est, & hominibus utilissimum, si eo rectè et cautè uterentur.

C A P. VI.

De cera, propoli, commosi, pissocera, erythace, earumq; natura & usu.



Era Hebraice *צֶרֶת*, donagh; Arabicè *mum*, ex amacha, Zamache, aberan; Græcè *κίεον, κίεον, & κίεον*; Germanicè *Wachs*; Anglice *Waxe*; Brabantice *Wass*; Gallice *cire*; Italice *Cera*; Hispanice *Ciera*. Est autem vel

vel naturalis, vel artificialis. Simplex & naturalis cera est crassior favorum pars, mel continens, estq; virginea & secundaria. Virginea est quam adolescentior apum populus (id est, primum examen alveari novo exceptum) & stirpium floribus confecerit. Sic enim (teste Aristotele & Hollerio) ab apiarijs dicitur, quam ceu naturâ perfectissimam à primis & novis favis diligenter separant. Secundariam licet non respuunt, tantumamen neque honoris est neq; usus. *Modus conficiendi ceram;* hujusmodi est: Perreptant flores primum primis pedibus, quos leviter affigunt, tum in medios sese absterunt, et affricant: tandem vero tincturam florum aquâ vel saliva suâ laboratam et compactam in cruscula posteriorum pedum dextrâ & celeriter deponunt, & magnitudine formaque lentis collectam, onustâ ad proprios lares ipsam deponent. Est autem illa materia pro florum natura varij coloris, nempe, flava, rubra, pallida, crocea, albicans, nigra: quæ ceræ illius *μαυροῦ καὶ λευκοῦ* causa est. Ceras (inquit Plinius) ex omnium arborum factorumque floribus confingunt, exceptâ rumice & choenopode. Artificialis dicitur, ad cujus perfectionem scientia nostra & manus adhibetur: illam variè varij vaseo faciunt. Palladius Iunio mense ceram naturalem eximit, quæ in vase aneo ferventi aqua plena, minutim concisis favis, molliter, & de inde in alijs vasculis sive aqua resoluta digeretur in formas. *Aliter Plinius.* Cera fit expressis favis, sed ante purificatis aqua (ut mellis reliquiæ omnino auferantur) & triduo in tenebris (vel umbra) reficcatis. Quarto die liquescent igne in novo fidili. Aqua ipsos tegente, & deinceps per sportam coquentur; rursus in eadem ollâ coquitur cera & in eadem aqua, excipiturq; aliâ frigidâ, quoties vascula melle circumlita perpexeris. *Columella* vero sic: postquam expressæ favorum reliquiæ diligenter aquâ dulci perlote sunt, in vas æneum conjiciuntur: adjectâ deinde aquâ ignibus liquantur, tum cera per stramenta vel junco diffusa, colatur, atque iterum similiter de integro coquitur, & in quas quisque velit formas, aquâ adjectâ, defunditur; eamque concretam facile est eximere, quoniam qui subest humor, formis inhzere ceram non patitur. Differt autem cera dupliciter, *Bonitate & usu.* Optima cera ex optimis apibus colligitur, & ab optimis artificibus adeo elaboratur, ut candida, tenera, formosa, homogenea, pura, subpinguis, odorata, sine nervis, pelliculis, pilis, atq; omni retrimento appareat. Qualem Nonius Marcellus ex Varone ceram tarentinam a Mileijs apibus collectam describit. Depravata eò magis est cera, quò magis ab his bonis notis recesserit. Vfus ceræ est duplex, Medicus, non medicus. Medicinam quod attinet: in medio est quodam modo calfacientium, refrigerantium, humectantium, siccantium, emollientium; habet aliquid crassarum item partium, & meatus obturantium ideò: non solum siccât, sed per accidens humectare videtur perspirationes prohibendo. Unde & materia est aliorum pharmacorum. Ipsa autem per se, ex leviter concoquentium numero fuerit, quæ foris apponuntur; habet enim parum ex discussoria et calida facultate, cujus quàm multum mel ipsum particeps existit. Sorbitione dysentericis medetur, milij magnitudine grana decem ceræ devorata, lac nutricibus in mammis coagulari non patiuntur. *Dioscorid.* Aëtius trium ervi granorum magnitudine exhiberi jubet. Anonymus quidam contra capitis dolorem & malignos humores ex febre aliâ sive ortum, hoc remedium præscribit. R. Ceræ virginæ, q. 5. eam ad ignem emolli ita ut pro libitu distendi possit. Cum ea caput ægroti rasum, tanquam pileolo contegat, illiq; pileum canabinum superinducat, ut non decadat. Attriduo abjiciatur, vel tandiu retineat ejus usum, donec senserit dolorem abijisse. Cerâ cavo et dolenti denti impostâ, specillum candens sæpe adhibeto. *Archigenes.* Cera denudatis nervis & tendonibus applicata, carne

eos

eos vestit & sanat. *Actius*. Ad dolorem juncturarum ex frigore. R. linxum cera liquida intinctum, & quàm calidissimè & arctissimè, æger ferre potest, noctu applicetur & sanabitur. *Galenus*. Præterea fauces extrinsecè ungere prodest *Vrsino* & *tauri sævo*, cerisque remissis. *Marcellus*. Crythasin palpebris ceræ albæ fomento discuties. *Gal. ex Archigine*. Oleum vero ceræ in podagrosis doloribus sedandis, duris apostematibus emolliendis, vulneribus ulceribusque curandis singularem habere vim, nemo non veritatis hostis negabit. Miscetur item, Galeno teste, medicamento Asclepiadis contra Ozenas ad certissimam Icteri curam. Heroïna quædam has pilulas beatissimæ memoriæ Gesnero mirificè commendavit. R. vitellum ovi ad duritiem coctum, & ceræ pondere, tantundem, cum granis aliquot croci & syrupo absinthij. Fiant pilulæ, mane & veperi sumendæ. Valde sitim excitant, sed paulisper sine potu continuatæ morbum extirpant. Fit etiam & cera globus ad cohibendam matricem prolapsui obnoxiam, atque eâ medicamentâ etiam involuta diutius ferunt a tatem. *Clodius Asclepiadis* sectator: Græci succum Cyrenaicum cerâ involutum propinare solent ad facilem deglutionem. *Calius Aurel.* Est denique omnium emplastrorum, ceratorumque fundamentum et basis: quamvis Myrepsus emplastrum unum *anacardij* primus confecit. Nec solum vivos præservat, sed etiam mortuos conservat a putredine quâ de causâ, ut nunc apud nostros ditioris fortunæ viros, ita (ut Strabo refert) apud Persas cadavera cerâ oblinire, mos fuit. Cereis item specillo cavitates ulcerum optime explorantur. Pro medicamentorum usu, optima est cera punica, proxima, quàm maxime fulva, odorisque mellei, pura, natione Pontica. Plinius. Quod equidem miror inter venenata mella. Tertium laudis locum habet Cretica, ex propoli abundante. Ultima Corsica, quoniam ex buxo fit, habere quandam vim medicaminis putatur.

Non medici ceræ usus sequuntur: Rectè à principibus, divitibus & ægris ob odoris fragrantiam desiderantur, ubi lucis copia negatur. Ceræ item usus est non exiguus in oblinendis vasorum, rimis, tentorijs, canabinis, in castris contra pluviarum impetum armandis, culcitris (ne plumæ exeant) obducendis, tibijs ex arundine factis conjungendis: Sicut Ovidius de antiquis illis cecinit pastoribus hoc versu. *Et bene ceratâ modulantur arundine carmen*. Sed & præstantissimi pictores, cerâ pingebant, ut Plinius asserit; eaq; naves condecorabant. Hæc pictura, licet nec sole, nec sale, nec ventis corrumpebatur, exolevit tamen quo nesciam modo, et unâ cum Apelle, Protogene, Zeuxide disparuit. Cerâ etiam veteres, ante chartam inventam, pugillares suas tabellas obducere solebant, ut Juvenalis insinuat:

Nonne licet medio ceras implere capaces,

Quadrivio?

Et Plinius Junior epistolâ ad Tacitum, Ad retia sedebam, erat in proximo non venabulum aut lancea, sed stilus & pugillares. Meditabar aliqua annotabamque ut si manus vacuas, plenas tamen ceras reportarem. Hinc illæ veterum loquendi formulæ profectæ: in prima, secunda, tertia, vel extrema cera. Romanos enim in tabulis ceratis testamenta scripsisse probat Suetonius in Cæs. his verbis. Q. pedium ex quadrante hæredem instituit, reliquos in ima cera, id est, in ultima parte testamenti. Nec sanè minimus ceræ sigillaris usus est, quâ literas & diplomata consignamus. Hujus quatuor potissimum sunt species, Punica, five alba, miniata five Inda, Nigra five Americana, lutea five Europæa. Punica fit hoc modo. Ventilatur sub dio sæpius cera fulva, deinde fervet in aqua marina, addito nitro. Inde ligulis hauriunt florem ceræ, transfunduntque in vas quod exiguum frigidæ habeat, rursus tum marina decoquant separatim, dein vas ipsum refrigerant. Hoc ter reiterato, juncea crate sub dio nocteq; siccant: hoc enim candor è facit, melle per solem attracto

&

& tincturâ flavâ evaporata; siccata liquefaciunt, liquefactam protegunt tenui linteo, Soliq; exponunt; post insolationē albissima evadit, etiamnum recocta. Alijs modis cera dealbatur, sed hic medicamentis utilissimâ. Plinius. Græcis authoribus non aliam esse video, quàm quæ a Plinio Punica vocatur. Aetius *κ.η. δ. ἰσχυρὴ λευκότητι* in unguento Martiato meminit; & Paulus *λευκὰ ποσυχάλια* habet. Nigra cera, vel est naturalis, qualis in Mollucis infusilis & Americæ plurimis locis ab apibus ipsis colligitur (uti in Theveto et Navigationum centurijs legimus) vel artificialis, addito chartarum cinere. Miniata sive Inda rubescit, Anchusæ admixtione vel etiam cinnabarii. Est & alia cera rubræ species, dura, et sublapidea, sed fractu facilis, quâ consignatas literas mercatores clausissimas esse autmant. Nebulonum tamen aliquot peritia ita resignantur, & sine noxa vicissim occluduntur, ut ne vestigium quidem fraudis ullum appareat; quam artem licet summus impostor Pennio, dum Lutetij esset, ostenderet, tamen ne illam malefico hoc seculo revelaret, pietas prohibuit. *Europæa* naturâ familiarem colorem imitatur: Flavum scilicet. Nunc autem rerum color & varietatis ita nos effascinauit, ut natiuis haud contenti coloribus, Punicam, Americanam, Indorumque imitemur ceram; imò his viridem, fulcam, spadiceam, cæruleam adjiciamus, ex ære viridi, alijsque pigmentis, & pauca terebinthina constatam.

Propolis Kur secundum Arabes expositores vocatur, à Græcis *πρόπολις, σέλιον*, *πρόπολις, σέλιον*. Germanicè *Vorstotz, neben Wachs, Wachs Winden, stop.* *Wachs.* Helvetice (ni fallor) *Bet, & Binnen trost.* Angli *Hive-drosse* appellant. Hispani *el octun de las colmenas.* Scribonius illam pro cera virginea accipit; tyliuaticus pro facie aluearium perperam interpretatur. Andreas Bellunenſis sorditiem parietum vocat, aliosque pro Bdellio eâ abuti affirmat. Quidam propolin stillare ab arboribus contendunt; alij primum favum esse concertant. Est autem revera crassior quædam materia flavescens, odorata, styracem referens, & in mastiches modum ductilis, ceræ finitima, nondum tamen cera; quâ omnis frigori pluvizque aditus obstruitur. Tertia scilicet illa est materia, nigra & acris odoris, *Mitys* ab Aristotele, Commosis, a Plinio & Gaza dicitur. Secunda *πρόπολις*, quasi materia ex pice atq; cerâ composita. Tertia Propolis, mediæ inter hæc duo stabilimenta atq; ceram naturæ, ad foramen aluearium densissimè constructa, maximè autem æstate. Itaque vocatur Propolis, quasi suburbanam dixeris: quoniam apes præ ipsis foribus ante alucem ædificant. Propolis (inquit Cordus, ex Plinio fortasse) lachryma est resinosa, arborum gemmantium oculis innascens, quam collectam circa vestibulum alueorum suspendunt apes, ut hyeme rimas omnes contra frigoris injurias obturent. Hujus quatuor sunt species. Prima è populo nigra tantum colligitur: quam Aegyrimam vocant, colore flavo aut fulvo: tractatu mollis est, & visci instar sequax, odorem habet suavem, jucundum, capiti gratum, somniferum, styracis æmulum: sapore populneis gemmis respondet. Secunda ex Betula collecta, betulam olet; colorem obtinet inter flavum cinereum & subviridem, medium: tractatu item mollis est & ductilis. Tertiam ex Alpina populi lachryma apes conficiunt, sed rarò, ijsque tantum locis, ubi nulla alia populus aut betula, præter Alpinam solum abundat. Quarta, sive mixta, ex his omnibus arboribus colligitur atque confunditur, adeo ut colorem, odorem, saporem, & consistentiam mixtam consecuta sit. *Hæc fere Cordus.* Nunc Plinium audiamus. Propolis est substantia quædam inter mel & ceram media: (potius inter ceram & pissoceron) atq; videtur esse gummi ab apibus collectum ad claudenda alucola. Densam habet substantiam (inquit Rondoletius) & odorem fermenti: Odore adeo gravi consistare dicit Plinius, ut eâ nonnulli pro galbano utantur. Sed mellatione verna separari potest hæc pars quæ cellas claudit, de qua Politianus.

*Lene susurrat apes, plenoque saporibus aluco,
Candida multiferæ ponunt Fundamina ceræ.*

Ergo videtur quasi ceræ fundamentum crassius: sed iam desitum est eâ uti, nec quis puram propolim invenerit. Nam apiarj pleriq; exemptis favis postquam mel omne defluxit, quicquid est in favis unâ confundunt, sincerumque nihil superesse permittunt. Nec cera illa, quam Avicenna, Mum nigrum vocat, aliud est quam sordes quædam favorum, vel potiùs sedimentum quoddam post excoctam ceram fundum aquæ petens, propolis modo; propolis nihilominus pura non est, sed quiddam mixtum: Propolis natura est, ut oleo resoluatur, veluti cera, sed ponderosior est et densior, in qua liquefacta fundum petit, cera quando supernat. Eligatur odoratissima, sincerissima, cera nulla adulterata, quam fusione in aquâ facile se junges. Optima propolis dicitur, sincera, odoratissima, ceræ expers. Efficacior est Cretica et passidica, cuius majorẽ partem a styracis & ladani pinguedine colligunt apes. Colligunt proculdubio ex alijs plantis: nam propolim faciunt, ubi nec populus, nec betula, nec ulla antedictarũ plantarum crescit. *Vsus.* Magna sinceræ propolis virtus est in spiritus crassos, & vitiosam materiam ex alto elicit. Hollerius. Cerosæ naturæ est, sed potentius evocat & educit. Diosc. Celsus inter anastomica recenset, eamque concoquere & pus movere in ulceribus affirmat. Calfacit (inquit Aëtius) discutit, maturat, extergit, & attrahit. Exterforia vis non valida, attractoria satis valens: tenuium est partium, calfacit secundo gradu completo, aut tertij initio. Hanc manibus præmollire oportet, antequam cum alijs medicamentis miscetur, atque ita reliquis ab igne ablatis injectam coquere; nullam enim super ignem cocturam bene fert. Evocat aculeos, et omnia corpori infixâ extrahit. Aëtius. Varro propter multiplicem usum, quem in emplastris exhibet, multo eam cariùs in sacra via, ac mel ipsum venditam memorat. Ideo autem factum puto, cur propolin quidam ceram sanctam vocarint, ut scribit Largus in strumarum curatione. Spinas & similia corpori infixâ extrahunt coagulo (maxime leporino) cum thuris polline et propoli: Plinius: veteri tussi suffitu prodest, Guttam rosaceam ex aqua tollit, impetigines illita extirpat. Dioscor. Ozænas emendat: Serapio. Plures ad medicinam usus habet, quos Plin. lib. 11. Capit. 7. enumerat.

Erithacam Aristoteles sandaracham vocat, alij Cerinthum, Smerion dicitur, lib. 2. de Plant. Aristoteli attributo. Doctiores, *Vernilaginem* vocant: quidam etiam ab anni tempestate, *Vernicem*. Hoc gluten (inquit Niphus) rustici Lombardi, *Carbinam* vocant; nostri verò *Taram*. Est apum (dum operantur cibos) in favorum inanitatibus seposita, amarulenti saporis: gignitur autem ex rore verno, & arborum succo, gummi modo. Africi statum minor, Austri nigror, Aquilonis melior & rubens, plurimùm in Græcis nubi- bus. Menecrates florem esse dicit, futuræ messis indicium. Plin. Varro, non cibum esse vult, sed gluten, quo favos extremos inter se compingunt apes. Mira illi vis est eliciendi examina. Quocirca examen, ubi volunt confidere, ibi ramum erithacæ, vel aliam rem oblinunt, addito apiastro. Vergilius (ni fallor) Varronem secutus, gluten appellat.

Mitys, commosis (καρύσι Stephanus appellat) uti etiam *μίστικη*, plagis et suppurationibus medentur. Aristotel. Quem vero in alvearibus usum ob- tinent, satis antea est dictum.

CAP. VII.
De Facis & Furibus.

Fcus, Græcè κηρὺς & θύραξ dicitur, *Illyricè* Czera, Anglice, a Drone, a *Nomen* *Dran*. Germanicè, *Traen*, Belgicè, *Belonder* *frael*, Hispanicè *Zunga- no*, Italicè *Ape che non fa mele*. Gallicè, *Bourdon* & *fullon*, Hunga-
E ricè

rice, *Here*. Polonice, *Czczew*. Dicitur autem Fucus ut nonnulli putant, quasi fur, quod furtim mella devoret: quanquam verisimilius est fucum dictum, quod apibus fucum fraudemque faciat, & prætextu calefaciendi alueos, illarum mellificia absumat. Propterea fucum latinum a *φύκος* Græco, nimia quadam audacia, nonnulli derivant; alij a fovendo derivant, quia incubando apum juvant faturas.

Descriptio.

Fucus quartum genus apum a multis statuitur, sed malè nonnullorum sententia, quia neque ipse mel colligit, neque ejus elaborationi infervit. Ape vulgari ferè duplo major est, major item fure; magnitudine enim regem æquat, inimo superat. Hanc autem magnitudinem non naturæ dono, sed ex vitæ instituto fuci consequuntur. Nam cum apes fuci procreandis cellas destinant, minores ipsis confingunt: nec eas ipsarum per alueum, sed extimis tantum & veluti ejectis castris. Vermiculi item fucorum, longè apum vermiculis (ex ducum apumque profapia oriundis) minores sunt primâ ipsâ saturâ: grandiores tandem futuri ipsis apibus, tùm quia laboribus nihil superfluitatum absumunt, tùm quòd nocte dieque (ceu ad præsepe boves) sese ingurgitant melleo liquore, id quod tandem in annonæ caritate atq; inopiâ haud impunè ferunt. Colore splendente nigricant magis quam apes, *αἰγιόχοι* *μυρμύριδες* *μέλιττα* *καταρτίζοντες* *δὲ τὴν τοῦ βου*. Arist. lib. 5. Cap. 22. Inter apes nascuntur & degunt, cumque foras se conferunt fuci, fusim in sublimi, quasi cum impetu feruntur; atque ita ad tempus sese exercentes, ad aluearia propria revertuntur, & melle avidè vescuntur: Cur autem fuci magnitudine ducibus, & apes item aculeo cum ijs comparantur, Aristotelis rationem audiamus: Nonnihil (inquit) discriminis adesse voluit natura, nisi semper idem genus ex quovis nasci oportret, quod impossibile est: ita enim genus totum aut duces aut fuci essent. Apes itaque viribus & pariendi facultate similes sunt ducibus, fuci verò duntaxat magnitudine: quibus si aculeum dederis, duces utiq; feceris. Lib. 3. De gener. anim. Cap. 10. Agracis *αἰγιόχοι* item dicuntur, quòd aculeum non exerant. Vnde Hesiod. *ὄρνις ἀγροῦ, καὶ καὶ ἀγροῦ καὶ βου* *ὄρνις* *ὄρνις* *ὄρνις* *ὄρνις*: aculeum sane aut non habent, aut non ad vindictam eo utuntur. Plinius eos aculeis plane destitui scribit, & tanquam apes imperfectas appellat; id Virgilius eos ignavum pecus vocavit.

Suidas *αἰγιόχοι* vocat *μετὰ τὴν καὶ τὴν αὐτῶν ἵπας*. Columella eos genus amplioris incrementi appellat; simillimum apum, atque inter gregalia animalcula non male collocat. Vapulant sæpissimè in repub: apum, non solum desidæ, gulæ, rapacitatis nomine; sed quia ex aculei defectu eviratos sese demonstrant. Plinius lib. 11. Cap. 17. eorum naturam ita exprimit. Fuci sunt sine aculeo imperfectæ apes, novissimæque a fessis & iam emeritis inchoatæ; serotinus fetus, & quasi servitia verarum apum. Sicut igitur emeriti senes ex provectioris ætatis sæminis imbecillos, steriles & sæpe eunuchorum æmulos liberos progignunt: ita etiam haud mirum videatur, languidum impotentemq; hoc genus ab exhaustis sive senio sive labore apibus produci; quod neque ad suæ speciei propagationem, nec ad operas communes aptum sit. Quamobrem imperant ijs, primosque in opera expellunt, & tardantes sine clementiâ puniunt. Nam mense Junio, duo vel tres (è junioribus præsertim) apes unum fucum foras extrahunt, alis verberant, aculeis pungunt, renitentem de scanno ejiciunt in terram, atque postea vitæ dolorisque saturum occidunt; id quod non sine maxima admiratione & voluptate sæpè conspeximus. Aliquando fuci ante fores quasi exales manent, nec audent intrare. Tres autem potissimum ob causas fucos apes exterminant: vel quando supra modum fuci multiplicantur, vel quando non satis loci operarijs relinquitur, vel si mellis inopia opprimantur. Atq; ut adversus fucos mortali usque odio conflagrant, ita homines non lædunt fucos nudis manibus tollentes ac projicientes, imò ne

ne in pugna quidem. Fuci seorsim gignuntur, si dux vivit (uti quidā affirmant:) Sed si rex obijt, in apum cellulis oriri ex ipsis apibus asserunt, & hos esse animosiores, quia de causa *καρτερῶ* dicuntur *θυμῶ*, quum corpus tamen obtineant expers aculei. Sic *Ælianus*, lib. 1. De animal. Histo. Cap. x. Fucus, qui inter apes nascitur, de die in mellarias cellas abditus manet, nocte verò, cum apes dormire observaverit, eorum opera invadit, vastatque alveos. Hoc illæ cum intellexerunt, (plurimæ enim apium dormiunt nempe defessæ, paucae vero excubant) cum viderint furem, verberant eum modice & leniter, expelluntque alis, & in exilium projiciunt. Iste verò non ob id corrigitur, suâ naturâ, piger & vorax, est duobus malis præditus, intra favos se abdit. Vt verò ad passionem apes profectæ sunt, ille rursus opus invadens, quod suum est facit, confertit se melle, & depopulatur thesauros dulces apium. Eæ è passione redeunt, cum ei occurrerint, non amplius leniter eum verberant, neque tantum essent in exilium eum eiectionis, sed aspersæ aculeis invadentes percutiunt latronem, nec amplius mulcatur increpationibus, sed voracitatis, & gulæ nimiae poenas vita persolvit. Apiarii hæc dicunt, ac mihi persuadent. Fucorum fetus, editur sine duce; apum nunquam. Illorum enim genus ortum habet à regibus. Sunt qui fucorum fetus aliunde portari affirmant, ex cerinthi, oleæ, vel arundinis floribus. Sed hæc opinio infirma est, et cum nulla ratione convenit. Aristoteles ex apibus longioribus ac porrectioribus copiam tum fucorum tum furum oriri affirmat, quod sine dubio vel ab antiquis philosophis, vel meliturgis sui temporis acceperat. Ex putredine etiam eos nasci nonnulli referunt; ex mulis putrescentibus *Isidorus*, ex afinis *Cardanus*, ex equis *Plutarchus* atque *Servius*. Alij fucos ex apibus degeneratione quadam factos existimant, postea quam aculeos perdiderunt, tunc enim fuci fiunt, nec mella colligere deprehenduntur, viribusque veluti castratis, pariter & nocere & prodesse desinunt. Quidam contrà, apes ex fucis originem ducere affirmant, quia longa nos experientia edocuit, eò majorem esse quotannis examinum numerum, quò major fucorum multitudo. Cæterum illa mihi conficta magis videtur quàm vera ratio: non enim quia (ut in prosperis sit annis) multi fuci nascuntur, plurà propterea prodent examina: sed contra, quia multitudo apum ex cæli clementia mellisfluq; roris ubertate crescit, ex humoris superflui abundantia, major perinde fucorum nascitur proventus, ut recte philosophus collegit. Vel si hoc illis donemus, Quo fuerit major fucorum multitudo, eo majorem quotannis fieri apum proventus: tamen haud exinde concludere debemus, debere apes fucis vitæ originem, sed illis, ob ejusdem conservationē obgratas esse atque obnoxias, dum multi in incubationis tempore multum vigoris subministrant apum faturæ, plurimum (ut *Plinij* verbis utar, lib. 11. cap. 11.) ad vegetantem illum calorem conferente turbâ. Sunt qui fucos in mares & feminas diuidunt, easque coitu propagare speciem contendunt, quamvis (ut *Athenæus* scribit) fucorum coitus, ut & apum, nunquam adhuc a quoquam fuit conspectus. Verum cum *Vespa*, *Bombyliones*, & reliqua favigena insecta aliquando (licet rarò) à nobis ipsis & *Aristotele* coire visa sint, equidem cur per nimiam apum & fucorum modestiam, qua scortationem veneremque publicant oderunt, Veneris usum illis eripiamus, nullam causam agnosco. Coeunt enim, ut pudica hominum gens, sine arbitris; illamq; prostibulorum in luce & oculis omnium turpissimè volitantium *ἀναγομένη* pudore suo infito condemnant, Diximus in apum generatione, quosdam apes mares, fucos feminas fecisse. Verum cum (instante mellificio) eos tam acriter puniunt a lucis ejectos, et morte etiâ afficiunt (qualem genitricibus inferre vim, reliquas offuscaret apum virtutes) vix eos feminas statuerim. Quem igitur in alvearibus usum obtinent?

Anne fucus plane ἀντιπληρὴς ἀντὶ τῆς ἀντιπληρῆς ἀντὶ τῆς ἀντιπληρῆς, ἡ δὲ οὐκ ἐστὶν
καὶ οὐκ ἐστὶν, ut & Græcis plurimi scripserunt: Quin & Vergilius sic cecinit,
Lib. 4. Georg.

Immunisq; sedens aliena ad pabula fucus:

Vbi immunem Feltus accipit, pro inerte, defidioso & inutili, qui munere om-
nino omni vacaret: nisi fortè improborum ritu illi rei det operam, ut vel
alienis sudoribus sese alat, vel rempob: totam perturbet. Tales item muli-
eres facit Hesiodus, dum eas cum fucis parat, ἡ δὲ οὐκ ἐστὶν μὲν οὐκ ἐστὶν οὐκ ἐστὶν
ἀλλ' οὐκ ἐστὶν ἡμῶν οὐκ ἐστὶν οὐκ ἐστὶν οὐκ ἐστὶν, id est, uti ego interpretor.

Qui segnes resident contestis adibus, atque

Sudorem alterius propriam furantur in alium.

Sed majoris fidei autores varios fucorum usus proponunt. Nam si pauci
fuerint inter apes, reddunt eas in opere magis diligentes, atque sollicitas, non
exemplo (vivunt enim perpetuo otiosæ) sed quia ad continuandam in adue-
nas liberalitatem studiosius in mellificina laborant. Præbent item signa ma-
turi mellis: nam cum mel perfectum est, magnam eorum copiam interfici-
unt apes, ne nocturnis (ut solent) deprædationibus ipsum exhauriant, nam (ut
rectè Aelianus lib. 1. de animal. Cap. 10.) fucus totum diem in mellarijs sese
cellulis latet quietus; nocte vero cum apes somno sepultas animadvertit, ip-
sarum opera invadit, vastatq; alueos. Verum (nisi Bartholomæus nobis im-
ponit) non usque ἀντιπληρὴς versantur: Sed regias mansiones extruunt, amplas,
magnificas, in apice & meditullio favi specioso cooperculo insignes. Sunt
igitur otiosi (ut cum Aristotele dicamus) si mellificium aut rorilegium spectes;
Sed si architecturam, opifices. Nam sicut apes fingunt fucorum favos juxta
regum aulas; ita fuci vicissim regias ædes extruunt, quæ de causâ ab apibus,
& ipsi & ipforum (si qui fuerint) pulli aluntur. Loculi fucorum jam adulto-
rum pro corporis ratione ampliores, favi autem minores: illi à semetipsis,
hi vero ab apibus fabrefacti, quia æquum non fuit tantam operarijs vilibus
& conductitijs cibi portionem, quantam filijs familias concedi. Tzetzes in
elegantissima sua poesi, & alij quidam Græci, fucos item apum promos con-
stituunt ὑποφύων, blandissimumq; calorem ijs insuper assignant, quo incubantes
apum fetus fovere, et vegetare perhibentur. Sic item Columella: ad procreatio-
nem sobolis apibus non nihil fuci conducunt, insidentes feminibus quibus apes
figurantur. Itaq; ad fovendam & educandam novam prolem, familiarius ad-
mittuntur: exclusis deinde pullis, extra tecta proturbantur. Et Plinius lib. 11.
Cap. 11. Non in opere tantum architectonico, sed in sætu quoque adjuvant
apes: multum ad calorem conferente turbâ, quæ quo major fuerit (nisi mel
interim defecerit) eò major fiet examinum proventus. Deniq; nisi magno
alicui usui apibus essent futuri, nunquam omnipotens unis utrosq; & adibus clau-
sisset, & eadem veluti civitate donasset. Nec sane in eos veluti reipub. hostes
apes unquam irruerent, nisi ubi servili auctâ multitudine vim offerrent, vel
annonæ caritas immineret; quæ sane rerum tempestate, quis non melius esse
dixerit architectos quam agricolas, tollit præsertim cum sine his ob defectum
alimenti in discrimen vitæ adducamur: illis autem ad tempus absque vitæ
jacturâ careamus, atq; ipsi (necessitate magistrâ) domos sibi quisq; ædifice-
mus? Verum ut certo numero utiles sunt apibus, ita eos, nimio plures, haud
immerito aluearij morbum Plato appellat. 8. de repub. libro. (ubi elegantissimâ
inter Acolastum et fucum comparationem videas) tum quia mellificis apibus pa-
bulum absument, tum quod nimio calore ipsas suffocant. Hunc morbum Geo-
ponicè anthor sic curat. Vasorū coopercula Vespertino tēpore intrinfecus aqua
irrorato, & summo mane vasis apertis fucos guttis operculorū insidentes inve-
nies; melle enim repleti valde sitiunt, & intolerabili aquæ desiderio cruciantur:

Tenaci-

tenaciterque propterea operculo irrorato adherent. Quare minimi negotij res est omnes ad interneccionem redigere, vel maximam (si mavis) partem auferre. Si vero fatus fucorum nondum pennatos unā abstuleris, & adempto capite ad reliquas apes projeceris, gratissimum ijs pabulum obtuleris. Quinteniam si fucum ademptis alis in alucarium rejeceris, cæteris (si Plinio fides) pennas abstrahit, lib. 1. cap. 11. vel potius, cæterorum fucorū intus relictorū alas ipsa a pe se comedit. Sicenim Aristotelis verba habent, *καὶ αὐτοὶ τὸ πτελὲν ἀναλαμβάνει ἀπὸ τῆς πτέρης τοῦ πύρου αὐτοῦ τὸ πτελὲν ἀναλαμβάνει*. Neque enim verisimile est apes sibi mutuo alas adimere velle, neque fucos apibus tantam vim audere vel posse inferre vim: quare ut Plinius erravit *ἡ* pro *αὐτῆς* legens, ita non parum hallucinantur, qui *πύρ* *καὶ πύρ* ad apes referunt non ad fucos. Quid vero de fucis fomina portentunt, quam in arte Hieroglyphica materiam ministrant, id Apomafaris ex Persiarum & Aegyptiorum Scholis aperiat. Abundè nos nostrō instituto & voto satisfecerimus, si veros eorum ulus, veram naturam, generationē, degenerationē, descriptionē, nomen ostenderimus. Hieroglyphica vero enblemata, morumq; præceptiones quod spectat, ingentem ipsorum sylvam vel mediocri quodvis ingenium ex ipsorum vitæ instituto facere sibi potest: neq; opus habebit ad abstrusiores illos Aegypti sacerdotes sese cōferre.

Proprium furibus genus esse aliqui existimavere inter apes grandissimis, sed nigris, aluoque quam apibus utilis ampliore, fucis minore; ita appellatis, quia furim devorant mella. Furorum praesentiam apes ferunt, eaque gaudent nonnunquam quasi salutari. Fures autem cum naturā invisi sint apibus, absentibus illis irrepunt, thesaurosque mellis divastant atque devorant. Imo quidem adeo sese interim replent, ut praereptione exire aut resistere nequeunt, facile ab apibus reversis & severè corrigantur, & pro meritis justè interficiantur. Nec solum apum cibum abligiunt, sed etiam in earum cellulis furim pariunt; quo saepe evenit, ut non minor furum furorumque provenus, ac legitimum apum quicquid. Hi autem neque mel colligunt, neque ad es erigunt, neque quicquam laboris mutui cum apibus suscipiunt, quā de causā custodes habent, qui diurno tempore defessas noctu observent, & a furibus tutas faciant & securas, qui si furem viderint ingressum, aggrediuntur ac verberant, & pro foribus exanimem vel saltē semianimum relinquant. Saepem ita fit, ut fur melle satiatum nequeat aufugere, sed ante alium volutetur, donec exeuntes vel redeuntes eum offenderint, ignominiaque & ludibrio notatum morte affecerint. Aristoteles nullum furi munus assignat: Verum ego in hunc finem natus cogito, ut injurijs offerendis apum acuat animos, & ad vigilantiam justitiamque majorem ipsas excitet. Nec enim in Christiana reprobū alium furum usum perspicio; famæ, bonique proximorum incredibili fraude insidiantium.

*Arist. lib. 9.
hiss. cap. 4c.
Plin. lib. 11.
cap. 17.
Fur. Aristoteli
cō dicitur,
φύρις, He-
schio: unde
arbitror lati-
num mansisse
nomen.*

Vfusi

CAP. VIII.

De Vespis.

Hebraicè *Tsirigna*.
Chaldaicè *Deibrane*.
Syriacè *Gnarnitha*.
Arabicè *Zamber*.
Anglicè *a Waspe*.
Germanice *erne Wefpe*.
Belgicè *Harsel*.
Italicè *Vespa, Vresspa, Moscone*.
Gallicè *Guespe*.
Hispanice *Vespa & abilpa*.

Notizen.

Vespa dicitur

E 3

Go²

Gothicè *Boolgetingh.*Slavonicè *Wols.*Illyricè *Osa.*Hungaricè *Daras.*Latinis, *Vespa* dici.

Calepinus notat, quia vesperi muscas venatur in cibum.

A Græcis varia item nomina sortiuntur Vespæ, vulgò σφήκα dicuntur: Eustathius, σφήκα ἀπὸ τῆς διασφάγας deducit, quoniam medio ita dissectas videamus, ut hiare appareant, quemodmodum in icone appositâ animadvertere licet. Nicandrischoliastæ λευκασπιδες, Suidæ δολιχὴ & δολιχὴ Hefichio δολιχὴ & πικροδολιχὴ, Gazæ (sed πεπρωγιστικῆς) ἀνθήρας: Hæ enim potiùs Crabrones dici debent.

Descriptio.

Aristoph. in
*Vespa.*Animi & in-
strij dotes.

Est autem Vespa Insectum volucre, gregale, annulosum, oblongum, quatuor alis membranis (quarum primæ majores) præditum, exangue, intus aculeatum, sex pedibus donatum, colore luteo deaurato super maculas nigras, triangulatim positas, corpore toto transuersim variegatum, unde fortè Pollioni δολιχὴ dicebatur. Aculeum omnes gerere existimo, (quicquid de Matricibus sive fæminis ipsarum δολιχῶν scribunt auctores) quod quum Hami (occidentalis villa) circa annum 1587. vespætum integrum offenderam, matricisque ibidem omnes calidæ affusione internecioni dederam, nullam tamen aculei vel prominentis vel reconditi expertè invenire poteram. Corpus Vespæ medio pectori tenuissimo quodam filo alligatur, ut veluti clumbes videantur atque hiatalæ: vnde Græcus ille Comicus in cinctura graces puellas (quas elegatîa Terentiana juncas appellat) σφήκας dixit, quasi vespeas vel vespiformes. Bombum quoque edunt, ut apes; sed stridulum magis atque horrissonum præsertim quum irritantur; unde illud in indoctum doctis obstreperum, factum a Theocrito in Hodæporis proverbium, σφῆζε βομβῶν τῆλε & ἰναρτῶν: Sianimi dotes describi velis, Vespa est politicum & gregale animal, Monarchiæ subditum, operosum, ἐκλεπτικόν, ἀλλοφιλόν, pugnacis admodum naturæ & ad iram proclivis. Politicæ vitæ signum est, quod solitariae non vivunt, sed civitatem sibi ædificant ædibus conspicuam, in qua statim legibus obtemperant, tamque in opere quam animo modum adhibent. Quare eas rectè Philosophus, in civilis generis Insectorum tribum accenset. Lib. 1. Histor. Cap. 1. Regno item non tyrannide reguntur (inquit Aelianus) quamvis naturâ pugnaces; argumento illo ductus, quod Vespæ ducem spiculo carent, vel potiùs habentes non extringunt ipsum aut feriunt. Et quamvis cæteris duplo majores durioresque sunt, mansuetudine tamen non carent, aut gratis moribus; quibus suum populum etiam aliquando rebellem retinent atque demulcent. Mutui vero amoris & ἀλλοφιλίας testimonium nemo non exhibebit, quisquis illarum uni juxta ædes proprias vim fecerit: nam illius bombo totum examen territum evolat in concivis auxilium, & molestos advenas etiam armatos (ut Phaselitas olim) fugabit: quos civitate vespærum multitudine & ferocia ejectos, narrat Aelianus. Ἀριστοτελείας atque ἀσπιδίας vitium ab illarum ingenio remotissimum esse, tum multa probant, tum illud in primis, quod plusquam heroicâ animi audaciâ, proli insidiantes adoriuntur, ipsarumque vel Neoptolemum, vel Hectorem, vel Achillem, vel Agamemnonem, omnium Græcorum ducem, non metuunt. Imò divinus ille vates Homerus, Iliados 13. quum generosos ducum Græcorum animos exprimere vellet, σφήκας ἀνέλοις, κρεσσίνων χαί τοι μὲν ἐχέουσιν ipsos assimilât, quando pro charissima progenie laribusque sive nidis, certare habent

habent necessum. Quin porro filiorum in gratiam ædes amplissimas (et quasi Mausolea) orbiculari ambitu, tabulatas, super alteras alteris aggestis extruunt. Hujusmodi fabrica mirificè constructa ad Pierium, cum Belluni esset, afferebatur ex cuiusdam sylvæ solitudine: Septem erant concamerationum ordines, duorum digitorum intervallo alter alteri impositi, pilarum, columellarumque interstitio disjuncti, ut cuique commodum sit spatium exeundi redeundique in domos suas. Diameter orbium, ad quintum usque, duodecim circiter digitorum: à quinto reliqui fastigiatim coarctantur, ut ultimus ad quinos senosve digitos porrigatur. Major orbis primum quidem tabulatum continebat, antiquæ arboris ramo appensus, crustâ superne ad omnes ventorum & pluviarum injurias satis munitus. Infra, sexangulares cellæ confertissimæ: medias verò concamerationes innumerabiles, vel parum multitudo compleverat, folliculo quodam tenuissimo pro tegumento uniuscujusque loculo superinducto; quorum aliquot quum iustulisset Pierius, animadvertit vespas capitibus innum adductis domos eas omnes complevisse. Quæ verò in inferioribus erant tabulatis Embryonum & Vermiculorum instar imperfecta, eo item tegumento prætenui tanquam hyberna cochlea munita, in benigniorem verni temporis horam asservabantur. Quæ sanè ædes licet gravis sequeretur hyems, integræ manserunt & incorruptæ. Tandem expectante Pierio, quid illis sub vere vermculis fieret, naturam nihil ulterius fecisse animadvertit. Fabrica tamen apud eum remansit, non sine magna spectantium admiratione, tantum artis & ingenij, tantumque in tam operoso ædificio perseverantia bestiolis his inesse obstupescientium. *Hæc Pierius.* Tales item nos multas vidimus, dispari omnes formâ; nunc lyram, nunc Charchesium, nunc Pyrum, nunc fungum, nunc utrem, sive obbam representantes. Materiam verò favorum, alij confusam, congestitiam, corticeam, & arancosam esse affirmant. Ego sævè levem semper vidi, & quasi chartaceam, aridam, translucentem, gummosam, et in tenuissimas laminas auri foliati instar redactam, vento facilè huc illuc agitatam, & plerumque à basi sursum turbinatim crescentem. Locum hujus ædificij quod attinet, diversus censetur. Nam duce amisso, in foraminibus arborum vel parietum sublimibus è luto nidos faciunt, & quorundam testimonio (licet ego nunquam repererim) in his ceras: Sed si duce[m] habeant, sub terra nidificant, cellis sexangularibus pro pedum numero atque apum more constructis. Favi ad modum fungi latoris, orbiculares formantur, è quorum centris exit quasi brevis pediculus quo favus fixus terræ arborive adhæret, vel alteri fortassis favo annectitur. Vxoribus vero sive Matricibus mariti ita indulgent, præsertim gravidis; ut nec laborare eas permittant, nec cibum quærere: sed ipsi advolantes cuncta advehunt, & fæminas intra vespertum quiescere, veluti jubent. Quæ qui animadvertit, singula, Vespæ item operam, diligentiam, artem, sudorem, laboremque, facerè necessum habet. Iracundiam verò atque *ἔθνη* Vespæ non solum galli ungibus & calcaribus eorum nidos turbantes sentiunt implacabilem; sed etiam omnes irritatores: unde natum proverbium *ἐσθλὴν ἑστὶν*: Cujusmodi etiam quid in Hippocratis tumulum scribebatur his verbis, *καὶ πικρὸν ὁπὸν καὶ τὸν καμὸν*. Quinetiam Aristophanes in Vespis, sævam, morosam, iracundam, pugnacem, gentem ubi uno verbo describere voluit, *ἀσθενεῖς* appellat. Clemens quoque Alexandrinus *Stromatôn* 2. quando vitiorum hominibus insidiantium acerbiterat declararet, *ἔσθλῳ γὰρ* (inquit) *ἢ ἀσθενεῖς πικρὸν καὶ ἔθνη*, *ἐσθλὸν αὖτ' ἔστιν ὁπὸν καὶ στυγερὸν, καὶ μάλιστα ἰδιὸν*. Id est: *Isti. n. obasi ad-versarij atque Olympici, vespis (ut ita dicam) sunt acerbiores, ac præcipue volup-tas.* Cui addamus Themistij orationem quandam, in voculas malevolòrum multorum hostium currentis; *ἔσθλῳ* (inquit) *ἢ ἰδιὸν ὁπὸν ἰδιὸν ἢ ἀσθενεῖς*.

Differentie.

Lib. 11. Cap. 10.

Albertus lib. 15. tracl. 1.

Aristot. 9. Hist. Cap. 41.

Lib. 11. Cap. 21.

μύον. Quod haud sine vitæ discrimine fieri solere, antea a Milesijs expertus fuerat Phrynichus, & Phaselitæ satis malo item suo maximo didicerant. Imò quicumque generosum hoc & audax animalculum (ut cum Nicandro loquar) in planitiem vocaverit, Cadmeam victoriam reportabit, quandoquidem non minus robore ac aculeis pugnant, & in pugna viribus pertinaciam insuper adjungunt. Differunt autem ortu, genere, sexu, ætate, loco, cibo, & opera. Vespas ex asinorum cadaveribus putridis oriri Isidorus testatur, quamvis forte minus recte, Scarabeos quippe ex illis procreatos omnes ferunt: potius ex equi pugnacis animalis corpore mortuo progigni cum Plinio & Græcis dicere, apud quos celebre illud & vulgare habetur carmen *ἵπποι μὲν σφαγῶν γένεσι, τὰν ἐξ αὐτῶν δὲ μύια γίνονται*. Sane ipsarum non vulgaris velocitas atque ardens ad pugnam animus, vix eas ab alio animali (atque ab asino, cervo, vel bove, multo minus) originem sumpsisse argumento sunt: quum nulli præterea animalium adeo indulserit natura, ut pernicitate atque magnanimitate juxta excellerent. Et profecto ut alium illi Aristotelico proverbio sensum afferam, *καί τις ἀλλοτρίου θύγατρός ἐστιν ἵππου* Saluete Volucripedium filia equorum: id ego mulieribus in fermento positis, & rixabundis vxoribus cum opprobrio & sale dictum putarim, Vespas iracundiam morumque acerbiter imitantibus. Aliæ ex putrido crocodili cadavere oriuntur, si Horo reliquisque Aegyptijs credendum: quocirca equum vel crocodilum pingunt, dum Vespam intelligunt. Nicander *ἀνθρώπου* item nomen vespis attribuit in Theriac. quia ex luporum cadavere ortum aliquando ducunt. Bellenacensis item Vincentius, ex annosi cerui capite putrefacto, prodixisse vespas affirmat, nunc ex oculis, nunc è naribus evolantes. lib. 2. Hinc Cardanus collegisse videtur, ex quovis animali corrupto aliud provenire; quod sane absurdum esset, Nam & generatio hoc pacto infinita foret, & quotidiana experientia contrarium probat. Nam bestiolam, quam Tatinum Alberti voco, naturâ nihil producere, millies sum expertus. Sunt item qui Vespam ex terræ fructuumque; nonnullorum putredine gigni affirmant; ut Albertus & Arabum scholiasfes. Plerumque autem per coitum oriuntur, mutuosque maris atque feminæ complexus: id quod licet Athenæus pro fabula habet (lib. 8. diphol.) tamen quum Philosophus id visum memorat, (ut lib. 1. de gen. anim. cap. 16. & 9. Hist. cap. 41. liquido constet) ejus in partes totus ab eo, illiusque sententiæ ambabus quod dicitur palmis lubens applaudo. Qualis verò à coitu Vespasum sit ortus & quomodo absolvitur, Aristotelem Pliniumque ejus interpretem audiamus. *Duces ubi locum sibi sub terra, saxorum rimis vel in telluris (ut sapius vidi) straminis opportunum delegerunt, favos ineunte æstate configunt: & Vespeta, sive cellulas parvas (σφαγῶν) vocant Græci) constituunt tetrapylas; id est, quatuor forniculis; in quibus vermes, non matrices nascuntur: quæ cum increverint, rursus alia ampliora effingunt, quorum item proles cum creverit, alia faciunt, ita ut senescente autumno, plurima amplissimaque vespeta condita habeantur, in quibus dux (quæ matrix vocata est) non insuper Vespas, sed sui sexus matrices jam procreat, quæ quidem supernè per summa vespeta, vermium speciem multâ grandiorum gignuntur, in cellulis continuatis quatuor numero, aut paulo pluribus, alioqui increndi ratio ducibus, eadem quæ Vespis. Faturam modo apum instillant ad latus cellularum favi, & parietibus admovent. Non in omnibus cellis simul inest, & aquabilis sætus, sed inæqualis & barbarus (inquit Plinius) & in alijs jam grandiusculis, ut vel queat volare. Alijs in nympha est, & membrana velatur (quasi Aurelia) alijs adhuc in vermiculo. Excrementum vermiculis tantum, ut & in apum genere, & manet sætus immobilis, cum in nympha est, & membrana obtegitur; eodemque anni tempore, & die inæqualem videtur: nam alius evolat, alius in Nympha hæret; alius se voluit, alius immobilis videtur, alius*

alius in Vermiculo: Autumno omnia ista, non vere. Plenitudo maxime excrescunt. Hic igitur advertendum, Vespis deesse examina, easque per astatem regibus subijci, hyeme autem *γυμνασιαίαι* prævalere. Deinde lobolis renouatâ multitudine, ad mares redire imperium, breve illud quidem & caducum, sed iustissimis legibus administratum. Sed fetus tamen non partu provenire videtur (inquit Aristoteles) quia statim auctior, quam partus Vespæ patiatur, existit. Sterilis illa quidem tanti philosophi & jejuna ratio. Quid n. n. Natura tam citò rem a legitimo partu absolvere & augere possit, quam in generatione ex putredine? Recordemur avium pullos; quam perexiguo tempore testa semel exelusi plumescunt, incedunt, vescuntur, augefcunt, adolefcunt; & tum Philosophum vix probabili ratione usum fuisse, tacile videbimus. Matrices maximo numero oriuntur; si anno proximo vesparum & imbrum copia præcesserat. *Aristot.* Vermiculi antequam in Nympham transeunt, oblongi sunt, vermiculis in carne (*ινναδ*; vocat Hippocrates) & in avellanis nascentibus non dissimiles, albicantes, incisuris notabiles, extremo corpore crassiore, Lineâ nigricante per dorsum transcurrente, sine pedibus, non repentes, sed huc illuc volutantes atque moventes. Deposito fætu tenui quadam pellicula cellas obvestiunt, quâ ubi ad perfectionem ducuntur perfractâ, egrediuntur in lucem, & à biduo volucres circumvolant. *Aristoteles* vesparum duo tantum genera facit, alterum ferum, alterum placidius. Ferum illud genus rarum est, nascens in montibus & sylvis, & pariens non sub terra, sed in quercu; grandius, porrectius, nigrius, varium etiam & longius, fortiùsque aculeatum, ita ut acerbius pungat quàm placidiores, aculeo. n. majore quàm ex portione suicorporis spicatur. *Αντιζον* juxta Aristotelis sententiam, & casâ arbore, hyeme avolare conspiciuntur. Exigit hyemem in latebra, & semper in materie arboribusue versatur. Hanc speciem semel tantùm in sylvâ Essexiensi observavi magnâ cum vitæ iacturâ, dum forte simplicium colligendorum gratiâ cum Pennio profectus temerè errarem, et unico stipatus famulo eorum nidos curiosule nimis spectarem: quo veluti irritamento totum examen magno cum impetu evolavit, & nisi (magnâ Dei providentiâ) in manibus genistæ aliquot ramos (quibus insecta comprehendere soliti fuimus) in tutelam & defensionem nostram portassemus, temeritatis poenâ dedissemus, ætutumque de salute, imo de vitâ quidem fuisset; nam ad intima sylvæ loca nos insequébantur, nec diu nobis aduolare non desistebant. Anno 1582. in summis Cartmeli montium jugis inter petras, duas Vesparum species inter se acerrimè pugnantés observavi, nihil inter se nisi magnitudine differentes. Majores viribus confidebant, factione & multitudine minores, sex. n. é minusculis contra unum majusculum pugnant, non aërio usæ certamine, sed in gramine pugnam ineuntes: Vnde colligo, majores minorum nidos melle fatûve spoliare solitas, vel alias ijs injurias fortè offerre. Diu multumque inter ipsas certatum est, nec post duas trêsvue horas integras, etiam sole ardentissimè micante, prælio finem fecerunt. Sunt enim ad vindictam paratissimæ, & in vindictâ sumenda tardissimæ: adeò audaciter & furiose hostem aggredientes, ut ipsis Mars haud dicere ausit neque æquiparare virtutes suas: tam miram audaciæ indolem tantillis bestiolis instillavit Deus, tam animosos spiritus natura insevit. Duas item vesparum species ex Hungaria & agro Viennensi acceperam, tali qualem vides figura, dorsis luteo atroque variè pictis, corniculis huic pilosis, illi glabris; utraq; vulgo vesparum tertia ferè parte majores. Vespæ Ichneumones nuncupatæ, cæteris sunt minores: phalangia perimunt, occisaque in parietinas secum advehunt, deinde luto illinunt, atq; ex ijs incubando summum procreant genus. *Aristot.* Ideo (inquit Niphus) dicuntur Ichneumo-



neumones, quoniam *ἰσχυραί*, sive exiles et graciles videntur. Hanc Vespam cum solitaria illa confunderem, in terreis muris & aggeribus congestis nidificante: quæ ante ostium foraminis lutosum porticum ædificat; Longitudo ejus fere duos digitos transversos æquat, interius quasi levigato luto emplastratur.



Ves.

9. Hist. cap. 11.

Pseudospheca Vespæ item species videtur sine aculeo: caput illi fuscum, duo illi in fronte breviter & gracilia cornicula, oculi magni, nigri, prominentes, os oblongum, bifurcum, pectus crassum, ac prominens, quibus tres utrinque pedes affixi; scapulae densae, gibbosae; corpus procerum, gracile, articulaturn, alae fulvae duae, pedes hirsuti, & colorem alarum affecturi. Sunt & vespæ laetæ dictæ, quia mortiferam plagam, ut formicæ laetæ infligunt. Parnopes, Vespæ genus, quæ uvas comedunt: noctuarum (ut Aristophanes memorat in avibus), stridularumq; præda. *Αελιανός*. Tam ferarum quam placidiorum Vespærum aliae carent aculeo, (vel potius eo non utuntur) aliae habent: minores imbecillioresq; sunt quæ carent, neq; se vindicant repugnantive. Contrà quæ aculeos habent, majores, robustæ, atque pugnaces. Has nonnulli mares appellant: fæminas vero eas, quæ carent. Pleræque ex ijs quæ aculeum gerunt, amittere eum putantur hyeme instante. Sed nobis hæcenus id videre non contigit, inquit Philosophus. Si Vespam ex pedibus ceperis, bombilareq; siveris, advolant quæ aculeo carent; quod non faciunt quæ aculeatæ sunt. Itaque argumento hoc utuntur quidam, ut alteræ mares sint, alteræ fæminæ. Ferarum & mitiorum nonnullæ coire visæ sunt, mulcarum modo. Item (ratione sexus) utrunque Vespærum genus, in Matrices sive duces dividitur, atque in operarias: illæ majores mitioresq; hæc minores atque morosiores. Aetas operariorum, sive masculorum, annum non complet; sed omnes hyeme invalescentes moriuntur: quod eâ re constat, quia prima hyeme stupefcunt, brumâ autem nullæ appareant. Duces verò qui Matrices vocantur, totâ hyeme sub terrâ latitantes visuntur. Plerique. n. quum per hyemem ararent aut foderent, Matrices viderunt; Operarias, nemo. Est autem Matrix latior, ponderosior, crassior, & major quam Vespæ mas, volatuq; haud plurimum valet. *Πρὸς τὸν ὄγκον* corporis sui volare longius nequit: quo fit, ut semper in Vespærijs sedeant, ex materia glutinosâ quadam per operarias allata, effingentes favos, & cellario munere fungentes. Senectutem in hoc genere longam nemo vidit, nam longissimæ vitæ Matrices bimatum non superant. Vespæ autem operariæ, *ἰδέσθαι*, mares, una cum Autumno finiunt ætatem. Imo utrum Matrices, sive duces anni superioris, novellis jam procreatis ducibus intereant una cum Vespis novellis, idque simili modo semper eveniat, an amplius etiam temporis possint vivere, multi dubium relinquunt. Feræ autem & *ἀγροὶ, ἀμφοτεροῖς* vivaciore habentur: hæc siquidem juxta vias semper & semitas nidificantes (unde *ἰσχυραί* dictæ Homero) varijs exponuntur injurijs, & vitæ brevitati majori subji-ciuntur. Vitæ. a. pusillæ brevitatis, vera ejusdem tenacitate compensatur. Nam si alius ipsarum à capite, atque hoc à pectore, sejunxeris, diu tamen postea semper erunt, aculeoq; exerto tangentem non levius ferient, quàm si adhuc individuae totæq; in vivis essent. *Guillerinus libro de conchis*, eas quotannis senectutem exuere audacter scribit; quæ tum sane (nisi vigilans, quod voluit somniavit) aliquando in Vespætis reperiretur.

Actus.

Videtur.

Lib. 11. cap. 53.

Ἀπολλόνιο ἀμφοτεροῖς, Ἀριστοτέλι μάλιστα dicuntur: quamvis non solum crudis carnibus, malisve maturis vescuntur; Sed etiam pyris, prunis, uvis, floribus fructibusq; varijs, nec non ulmorum succo, saccharo, etiam melle, & ferè quicquid

ferunt gente serpentum carnem exedunt, quo alimento mortiferos ictus faciunt. Mufcas item venantur grandiores, apibusque innocuis, & de Repub. humana, optime meritis non parcunt. Pro loci natura varia illis corporis animalium forma contingit: nam triviales commercio hominum atque animalium affluunt, mitiores videntur; eremitæ atque solitariae, asperiores, imo illas *inodas* vocat Nicander, *id est*, perniciosas. Sunt item Oviedo auctore, in calidis regionibus magis exitiales, ut in India occidentali: ubi ut magnitudine & forma nonnihil a nostris differunt, ita etiam veneno. Multo enim Anglicis, Gallicis, imo Hispanicis & Barbaricis letaliores feruntur: quales item in frigidissimis nonnullis locis abundare meminit Olaus magnus Lib. 22.

Multiplex Vesparum usus deprehenditur. Nam præterquam quod tinunculis, apodibus, hirundinibus, noctuis, taxo, chamæleonti, in cibum cedunt; varie item homines exercent, phalangia (venenatissimum araneorum genus) interimunt, suisque ipsæ plagis medentur. Pseudosphem, quam solitariam vocant, sinistra apprehensam atque annexam (præsertim quæ prima eo anno capitur) laudat, contra quartanam Plinius lib. 30. cap. 11. Vesparum vulgare stillatitiæ aquæ, vel item decoctioni vires attribuit Mizaldus, locum cui alluitur in tumorem attollendi, ut eâ circa ventrem utentes hydropes laborare credas: quo modo scorta uterum sese gerere amatorculis persuadent, cautique hac ratione & expertis obstetricibus imponunt. Mizaldus. Memor. Cent. 7. unde calidissimum atque inflativum earum esse venenum, nemini sit dubium. Vulpes item (animal versutum) vespis insidiari dicitur, hoc modo: caudam in vespertum inserit tandiu, donec pilos vespis plenos animadvertit, tum extractam caudam cum vespis proximo lapidi arborive allidit, donec eas mortuas viderit; hoc sæpius repetito, tandem favos invadit ac devorat. *Aelianus*. Homines autem alij velpas artibus venantur, atque enecant, Siquidem, dum Operariæ ulmos frequentant, quod plerunque solitio fit, ut gummosam inde materiam aliquam colligant: matrices domi resides, & sætui incubantes, sulphuris, alij, cauliumve aut rei alterius fetidæ fumis suffocant, aut dirutis favis tæne interimunt. Quum verò à vesparum insultu apes servare cupiant defensas, ollam cum carniū particulis aliquor, juxta alvearē collocant: Vespas præde spe ingressas cooperculo subito apposito perimunt, vel aqua calida per foramen superinfusa in olla elixant. Alij ante nidos vesparum exiguam manam appendunt, ac desuper nassam extendunt. Vespæ vero naturali & mirâ sympathiâ ad manam illectæ, (nullus enim ipsis gravior est cibus) nassis involuta comprehenduntur, & calidæ affusione interficiuntur. *Aelianus*. Quinetiam super uvas, fructus, saccharum, mel, oleum leviter spiritu ex ore efflant, quâ ratione vel fugantur vespæ, vel oleo gustato moriuntur; quinetiâ corrosiva cum melle miscent (utpote sublimatū, vitriolum, auripigmentū, &c.) Ut medicato melle sumpto exedantur simul intestina, & sic gula intemperans, justam voluptatis poenam perferat. Præterea cum ex harum ictu dolor, perturbatio, tumor, rubedo, calor, sudor, nausea, & sitis oriretur, & subinde etiam (quum toxicis herbis, vel serpentum carne aculeos venenatorum more infecerant) medicorum filij, prophylacticen, & pharmaceuticen invenerunt, quibus ictus vesparum arcere atque cominodè curare possunt. *Praeservantia*. Malux & althææ vis contra vesparum punctiones mira est. Bellicoso scilicet & damnisico animali, mollissima plantarum opponitur, cujus succus cum oleo illitus, vel iram vesparum mitigat, vel aculeum retrundit. *Plinius*. Sic Avicenna; non appropinquabunt (inquit) vespæ homini oleo atque malua peruncto, nam veluti responsio mollis frangit iram, atque *id est* *ut Græci ferunt*) ita etiam in rebus physicis

Loc.

Ves.

Præservantia à Vesparum morsus.

Lib. 21. Cap. 179.

*Tetrab. 4. ferm.
1. Cap. 11.*

physicis res durissimas mollissimis retundi conspiciamus, veluti ferrum plumâ. adamantem sanguine; aculeum vesparum, crabronum, apum, oleo & malua. Quid etiam erucâ mollius? quæ Aetio teste, cum oleo trita ac illita, à Vesparum quoque ictibus præservat: idem facit bruchus, & melissa herba cum oleo trita, si Græcis credendum. Lapis garatides, si verus sit, etiam si melle illitus fuerit, muscas Vespasq; omnes profugit gestatus, ut Sylvaticus ex Alberto imaginatur. Qualem virtutem Matthiolus ferro, in quo strombi conchylij imago exsculpta fuerit, superstitiosulè & nimis confidenter adscribit. Symptomata vesparum ictus concomitantia hæc perhibentur; eadem patiuntur, quàm quæ ab apum ictibus accidere solent, nempe dolorem, rubedinem, apostema: sed graviora multò & diutius perseverantia mala, quibus insuper, præsertim si à citrinis & majoribus in loco nervoso & sensili percutiuntur, spasmus, debilitas genuum, lypothymia accidit, & interdum mors.

*Vesparum
6. l. 1. curantia:*

Contra Vesparum ictus varia à medicis ponuntur: primum à nobis probata, tanquam verè à *Æliana* dicemus & longâ experientia firmata. Vespas ipsas factò à se vulneri, contusas ac appositas, mirè conferre vidimus; à Gilberto Anglo, ad earum usum persuasi. Eandem fortasse virtutem non solus scorpius, sed maxima Insectorum pars obtinet, si quis diligentius faceret periculum. Si vero à Vespis venenatis quis feriatur (quod loci lividitate, delirio, atque animi deliquio, extremitatumque frigore palam sit) propinatis alexipharmacis, locus affectus cultello aperiatur, vel cauterio potius uratur: dilatatus deinde & apertus, fortiter sugatur, & terræ rasurâ in qua vespæ ipsæ nidificant, cum aceto subactâ, cataplasmatis instar applicetur: emplastrum item ex salice & malua favoq; vesparum factum mirificè auxiliatur, veluti ex Halyabbatis consilio sumus experti. Angli boreales ex terra furnorum, & aceto, & capitibus muscarum, præstantissimum ad vesparum ictus emplastrum parant; aurum quodvis contra non carum. Succo citrulli fricetur locus & bibat seminis sampsuchi drachmas jj. vel R. succi sampsuci 3ij. boli armen. 3ij. cum succo aggregatæ 9. 5. fiat emplastrum. Aliud: ungatur locus cum succo portulacæ, vel betæ, vel cum vino dulci & oleo rosaceo, aut sanguine vacino, item cum feminibus cucumeris sylvestris in vino tritis. *Hæc Galenus.* Confert hordeacea farina cum aceto. Lac ficulneum vulnere instillatum. Muria aut aqua maris, si eâ vulnus foveatur. In potu verò foliorum teneriorum Lauri 3ij. cum vino austero exhibeantur, quæ etiam solâ illitione multum juvant. Althææ item decoctum ex posca bibatur, sal cum adipe vitulino applicetur. Malua ex posca primas obtinet. *Dioscor. lib. 2. cap. 42.* Actius cimoliam his adjungit, & lutum, sterces bubulum, sesamum; & reliqua fere omnia cum posca præscribit. Oleum laurinum venenum plagæ vesparum extrahit. Ibis folia contusa & illita vesparum ictibus medentur. Rutæ vel mellissophylli succus acetabuli mensurâ ex vino bibitur: & folia commanducata, imposita que cum melle & sale, vel cum aceto & pice decocta plurimum valent. Symsimbrium sylvestre, libanotis, cum hordeacea farina & posca; succus foliorum hederæ, Chrysocome, noctuæ sanguis, contra vesparum ictus præstantissima sunt. *Plinius lib. 31. cap. 9.* Galenus symsimbrium ejusque semen potatum, & centauream inprimis multum laudat; si unâ stercore boum vulnere emplastriloco fuerint apposita, lib. de simplicibus ad Paternianum, & libro de centaureâ ad Papiam. Germen palmæ sylvestris, endivia cum radice, serpillum, emplastri modo apposita, valde vesparum plagis medentur. Bibitur item serpillum, drachmarum duarum pondere, cum oxymelite. Primum suctione extracto veneno, teneantur partes affectæ in aqua calida per horam, deinde subito in aceto & muria mergantur; ita statim sedatur dolor, subsidet

subsidet tumor, & venenum corrigitur. Seminum sampfuci 3℔. applicatâ, sedat dolorem; aut pugilli tres coriandri sicci, aut succi infrigidantes intus assumpti. *Avicenna*. Solani folia, aut sedi superimposita juvant. Bolus item armen. cum aceto & camphora; nec non nuces cum modico aceto & castoreo tritæ: favi cum melle applicetur, & statim membrum affectum quam primum ad ignem colloca, vel suppositis cineribus obliga, atque è vestigio dolor sedabitur. Quinetiam conducet, virente coriandro locum emplastrare, vel cineribus cum oleo mixtis. *Rhasis*. Satureia, vel sisymbrium adhibitum, & semenejus potum, Centauræ item minoris succus vino admixtus, valde profunt: folia item basilici fluviatilis, mercurialis, & mandragoræ, cum aceto. *Serapio*. Globulus nivis ano impositus omnem dolorem sedat, præsertim ex ictu vesperæ procreatum. Vngatur locus cum aceto & camphora, vel aquâ nivis sæpè fomentetur. R. opij, seminis hyoscyami & camphoræ ana, partes æquales cum aqua rosarum vel succo salicis, incorpora, & loco applica, superposito panno in vino madesecto. *Ardoynus*. R. succi sisymbrij aureos ij, cum succo acetos. citri: fiat potus. Succus quoque spinæ Arabicæ, & sampfuci insignem præstat medelam. *Mesue*. Lens palustris ex aceto inuncta. *Aaron*. Frica bene locum cum folijs tenuioribus xylocarasteris, id est, filiquæ Plinij, & statim dolor cessabit. Succus lactucæ idem præstat, vel taraxacon epotum, limus in fundo vasis ubi aqua diu stetit, cum aceto inunctus, ictus item vesperæ perlsanar. *Simcon*: Locum ad stuporem usq; aqua nivis foveto. *Joannnes. Terra* quævis recens, maximè autem cimolia, prodest: polium illitum, ut etiam lac caprinum, vesparum ictus curat. *Arnoldus*. Alcanna cum farina hordei & aceto superalligata, nuces, frondes basiliconis, blitum valdè conducunt: item, calidè applicato vulneri aranei telam cum cepa alba, sale, & aceto, tritam, & sanabit. *Constantinus*. Fricetur locus cum salvia & aceto, & postea poscâ foveatur. *Guil. Placentinus*. Ferrum ponatur super locum, aut plumbum in aceto maceratum. *Gordonius*. Cretam applica in pulverem redactam, atque intus bibat semen malvæ ex vino, aquâ & modico aceto coctum. *Varignana*. *Besoar* ejus est coriandrum cum saccharo exhibitum. *Christophorus Probus*, vulgo de honestis dictus. *Nonius*. Folia ex poscâ trita, & melissophyllon cum oleo illitum plurimum commendat. *Nonius*. Asparagus tritus cum melle ac illitus, muscæ tritæ ac illitæ, thymbra, sisymbrium, momordicæ oleum inunctum, certissimo auxilio sunt. *Matthiolus*. Finum bubulum appositum non parum laudat. *Marcellus*. Hæc & multa alia exscribere cujus licet; naturæ medicorumque penu infinita remedia suppeditante, & ad manus quoquo te vertas, alexiteriorum sylum afferente. Apum denique & vesparum ictuum communis est medicina. Sed hic paulo fortiora remedia, illic imbecilliora conveniunt. Anno ante Christum natum 190, Capuæ ingens Vesparum multitudo, teste Iulio, in forum advolavit, & in Martis æde consedit, quæ cum magna cura collectæ & solenniter crematæ essent, hostis tamen adventum & urbis incendium præfagebant:

CAP. IX.

De Crabrone & Tenthredine.

- Hebræis Tîrîdâb.
Arabibus Zabor Zambor.
Germanis ein Hornauß horlitz fraisen pferetz wuble.
Barbantijs Horsele.
Gallis freslons, froisons, foulons.
Italîs Colabroni Crabrone Scaraffon, Galanron.
Hispanis tabarros o moscordos.

Nonen.

F

Slavoniis

Slavonijs *Sierlzen*.Illyricis *Trffen*.Anglis *Hornets, great Wasps*.Hungaris *Lo Daras*.

Raci *arbitrarij, arboris* appellant, quia icu carbunculum excitant. Crabrones Latinis dicuntur, forte a Crabra in agro Tusculano posita, (ubi perfrequentes sunt) vel a Caballo genitore: juxta illud Ovidij 15. metamorphos. *Pressus humo bellator equum, Crabronis origo est.* Albertus apem citrinam vocat. Cardanus eos ex mulis exanimatis oriri contendit. Plutarchus in vita Cleomedis ex equinis carnibus, ut apes ex ventre bubulo. Quum item magis melancholici & perversi sint vespis, quid ni cum Virgilio ex asinis oriundos faciam? quos caballos non petere tantum in pugna (ubi equae ardentes pruriunt) sed fugare item & vincere saepe vidimus. Ego ex duriore carniū equi parte productos censeo: Vespas ex teneriore.

Descriptio.

Aristot. lib. 9.
hiss. cap. 2.Arist. lib. 9.
hiss. cap. 2.
Sedes et habitatio.

Crabrones vespis vulgaribus duplò sunt majores, formà ad ipsas proximè accedentes, alas habent quatuor, internas externis duplo minores, humeris obscure fusci & castaneo colore tinctis affixas, quibus velocissimè volant. Sex pedes, ejusdem cum pectore & humeris coloris, caput oblongum, croceum: oculi propenduli, *maxillae* in lunatuli, inter quos antennae duae oriuntur, falcis aemula, ejusdem atque pedes coloris. Venter tenui quasi filo humeris annectitur, Cujus anterior pars media, fusco colore, & cingulo croceo notatur: posterior tota crocea videtur, octo fuscis punctulis notata, una cum triangulo parvo, incisuris praeterea quibusdam in utraq; parte existentibus, quibus se contrahere & extendere prohibitu possit. Iuxta ventrem maculas utrinque quatuor nigras habet, & in cauda aculeo longo rubusto & maxime venenato armatur. Sonum sive murmurantem stridorem, horridiorè inter evolandum edunt, quàm Vespae. Feroces & iracundae & quamvis gregales, semper tamen sylvestri sunt ingenio, nec (plantarum agrestium more) curationem admittunt: tantè item malignitatis, ut ter novenis icibus hominem, imo quidem equum interficiant, syrio praesertim orto, quo tempore ardentiorè obtinent naturam, hominesque inbecillitas major ob spirituum largam exhalationem tenet. Haud mirum igitur, si in sacrosancta scriptura saevissimis & crudelissimis hostibus assimilantur, Exod. 23. 28. Sic etiam Ovidius 11. Metamorph. *Spicula crabronum ardensia.* Virgilius 4. Georg. *asperrima* vocavit. Terentius in Phormione: Plautus in Amphitryone, proverbium illud *irritavi crabrones*, in mulieris ingenium dixerunt, cui si iratae repugnes, magis provocas, neque sine tuo malo maximo discedas. Cum in genere apum careant aculeo, & fuci & reges, atque etiam vesparum nonnullae inaculeatae sint, ut ante dixi; Crabrones ad unum omnes, tam majores arboricolae, quàm minores terricolae, aculeo armantur; nec deesse ipsi Duci videtur. Duces enim more apum vesparumque; crabrones habent, quicquid Plinius somniat. 11. c. 21. qui proportionè ad crabrones majores quàm vesparum ad vespas, vel apum ad apes sunt. Degunt hi quoque intus ut vesparum duces: sed duces non plures uno, (ne partium studio distracti crudelissima inter se concitantur *emphylii*) in singulis eorum alveariis oriuntur; verum ut hostibus atque praedonibus externis molestissimi & latiferi videntur: ita pacem intus alunt domesticam, mutuumque societatis et solis tuendae studio vel apibus ipsis praecellunt. Neque enim de officiorum & mun-

nerum dignitate rixantur, nec diversis operis distrahuntur, nec tumultuantur ob ducū electionē, sed cōmuni operā, cōmuni item mensā utuntur, & quodcūq; animalculum necaverint, partem ejus aliquam domum portatam socijs atque liberis impertiunt. Neque sobolem quotannis (id quod apibus *asprijs* vitio vertitur) ad alios sibi lares quærendos foras exigunt, sed novellā suam omnem profapiam suo usq; gremio & sinu totam retinent, majoresq; usu ferente ædes & contignationes plures ad illius conservationē substruunt, et perficiunt. Regem vero (quem impensē amant & colunt) talem obtinent, ut neq; carere neq; tamen uti imperio videatur. Magnitudine tantū animi & corporis (sicuti Heroes solent) præ reliquis eminet; est enim omnium dum contra externos hostes signa proferuntur, pugnacissimus, uti domi vicissim erga subditos, facillimus atque mitissimus. Faciunt sibi alveum sub terra crabrones, terrā egesta formicarum more: examinis enim emissio, ut apum, nulla earum aut Vesparum fieri solet, sed qui subindē oriantur novelli, ibidem manent, & alveum terrā egestā faciunt ampliorem: Amplificant majorem in modum favos, & jam ex valentiore quodam grege qualos tres aut quatuor favorum plenos excepmus. In cellis crabronū parum mellis, quantū gutta ē regione prolis paratur. Sed si qui crabrones suo alveo aberrarint, colligunt se in aliquam arborem, favosq; ibi conficiunt in sublimi, qui vel sæpē conspicui apparent; in quibus unum procreant ducem: qui cum adoleverit, agmen abducit, & secum in alveo collocat. Crabrones sylvestres, inquit Plinius, in arborum cavernis degunt, hyeme ut cætera insecta, conduntur, Vita bimatum non superat. Itus eorum haud temerē sine febre est, & carbunculum, tumore, doloremq; procreat insignē. Favos autem sine Anthrenia, majore quam vel apes vel Vesparum artificio, nunc in arborum truncis, nunc sub earum radicibus in terra ædificant: quos & pluribus tabulatis pro prolis copia adaugent, & lentā quadā saliva & gommosis folijs collecta eleganter poliunt. Neque cellularum oscula ulla sursum spectant, sed deorsum singula, fundus vero sursum ponitur, ne (quā sunt singulari mentis providentiā) vel perpluantur ab imbribus, vel capite sursum locato procellarum ventorumque ferociæ exponantur. Sunt autem eorum nidi examussim fere omnes sexangulares, quorum facies exterior candidis ferrugineisq; segmentis distincta: materia vero mēbranacea, & betulacei corticis per æstum in laminulas fatiscantis per æmula. Dum Petropoli Anglorum fuit Penninus, in publico urbis vico crabronē passerem insectantē vidit, quem tandem stimulo percussū ē vestigio exanimē terræ mandavit crabro, ac mortuæ sanguine sese explevit magna cum spectatorū omnium admiratione. De crabronū coitu nihil exploratū Aristoteles habuit, ut nec unde, nec quomodo factū deponeret. Sed cum eodem modo faturam in cellis ad latera certo emittant, ut Vespar & apes, eandem, simili ratione absolvere videantur. Si verò coeant, noctuid faciunt, ut seles, vel locis aliquibus abditis, quibus Argum fallant: cibum crabrones non ex floribus colligunt, sed carne magna ex parte vivunt: unde fit, ut versari vel in stercore sæpe soleant. Venantur etiam muscas majusculas, atque aves minutulas, quas ubi ceperint, accipitrum ritu, caput primum vulnerant, deinde abscindunt, reliquum corpus gestantes avolant. Hyeme verò plurimi moriuntur: quia non apum more cibos recondunt, sed de die in diem vivunt. Aristo. lib. 5. hist. Item ut Landius observat, juxta apum alvearia excubias agunt, earumque dorsis conscensis pro vehiculo aut curru utuntur, etenim dum misellæ avolare contendunt, crudelem sessorem vehunt, qui ubi succum ab ape universum elicit, ingratisissimus aligerorum, alumnium interficit atq; exedit. Dulcia item quæcūque alimento sunt crabronibus: quos bruchus etiam minore vesci, proprijs ipsi oculis didicimus. Indici verò crabrones tam immentē perhibentur gulæ, ut (Oviedo teste) in oleum, butyrum, cocos,

Lib. 11. Cap. 21.

embammata liquidaque omnia involent, ne linteaminibus quidem & mappis tabularijs parcentes, quas sædà alui eluvie viscoçoque ouorum partu turpiter conspurcant. Verùm ut latrocinij ex Marte aliorum partis vivunt, ita vicissim ipsis ultor non deest: Melis præcipuè qui plenilunio illorum antra ingreditur, totamq; familiam & ædes depopulatur. Nec solum huic polychresto & pingui animali victum aliquem suppeditant, sed rusticis tempestates etiam prædicunt; nam si vesperi numerosiores circumvolitent quàm solebant, signum est caloris & serenitatis futuræ proximo die. Si verò luce crepera sæpius intraverint nidos, quasi sese occulaturi; pluviam, ventos, vel tempora procellosa, expecta. Vnde Avienus: — 9 —

*Sic & crabronum rauca agmina si volitare,
Fine sub Autumni conspexeris, athere longo:
Iam vespertinos primos cum commovet oris
Virgilius, pelago dices instare procellam.*

Remedia contra crabronum iellus.

Præterea quàm quæ vesparum ictus sanant remedia, crabronum quoq; plagis medcantur: tamen ut Aggregator nos docuit, Zabor suæ plagæ Bezoar est, sæpe cum posca, oleo, vel boum fimo impositus. Laudantur item boli terræque omnes lutosæ atq; limosæ; quales caluo Sileno à crabronibus vulnerato, dum nidum eorum (apès fuisse ratus) concuteret mellis desiderio, Bacchus applicuit; de quo elegantissime Ovidius cecinit 3. fastorum.

*Millia crabronum coeunt, et vertice nudo,
Spicula desigunt, ora que prima notant:
Ille cadit præceps, & calce feritur aselli;
Inclamat socios, auxiliumque rogat.
Concurrunt Satyri, turgentiaque ora parentis,
Rident, percusso claudicat ille genu:
Ridet & ipse Deus, limumq; inducere monstrat,
Hic parat monitis, & linis ora luto.*

Qui plura vult medicamenta contra crabronum ictus, integram eorum syluam in Vespum historia reperiet: Communia enim videntur apud Authores, nisi quod hic maiore mensura dari, & diutius ipsorum usum continuari oportet. Nunc ad Tenthredinem veniamus.

In Alexiph.

Τενθρηδών, τενθρηδών, & τενθρήν Aristotelis, αν πμφρηδών Nicandri dici debeat, videant Phisici; soli mihi nomine & magnitudine differre apparent: Nam quod scholiastes Nicandri hanc, insectum ορηδών appellat, manum haud verterim, quum poetica licentia vespam, sæpius apem croceam vocarit. Quid nominis apud alias gentes obtinuit planè ignoro, atque ipsam (ut verum fatear) bestiolam. Tamen colore vespam (ut ab authoribus descriptam insecti) magnitudine apem, operis communicatione αμυδία quævis aligera insecta repræsentat. Cupedia est, ad culinam & pisces aduolat. Quidam igitur τενθρηδών pro τενθρηδών scribingendum censent, αὐτῶς τενθρας, quod liguritione delectetur. Hesichius ἀχλὺς μύλισσαν vocat. Hermolaus Arthredonas, vel Anthredonas, potiùs vocari censet, non τενθρηδών, quemadmodum corruptè legi dicit apud Aristotelem: nificat sub terra ut vespæ; tenthredinario πμφρης τυμα, multiplici, peramplø, & specioso utitur. Pennius nullo pacto Pemphredonem idem cum Tenthredone esse concedere voluit. Nam πμφρηδών (ut scholiastes Nicandri describit) ζῶν ἐκ πμφρηδών μύλισσαν, ἂν δὲ τενθρηδών σφάκε. Paurum tamen sui meminit scholiastes, qui etiam de Pemphredone sic scripserat, πμφρηδία τῶν ἐν ἔμψαν τῶν σφακεδῶν. ζῶν καρτέφορον, μῆζον μαν μύμπος, μλίσσης δὲ ἑλασσον. ἐν τῷ σφάκε δὲ, ἢ περικλιν ἐξαι ἐκ μύλας τῶν ἐν σφάκεταις. τῶτο πρὸς τῶν σφάκεταις ἐν μύμπος, ἀπὸ τῶν ἐν τῶν ἀρχαῖς θάμειον, ἔτα αἱ τὰς καρτέας ἐκδηλαται δὲ τῶν. Hæc


Hæc montes saltusque amat, è floribus melleos succos colligit, & in quercum veluti conclavia ad vitæ sustentationem reponit. Sed mel non facit. Quare vix alio, nisi magnitudine dissentiunt, ut *Parvula Pemphreda* à poëta merito dicatur; utpote eâ potissimum notâ à Tenthredine degenerans. De formicis alatis, Capite de Formicis loquemur. Atque hæcenus de insectis aligeris gregatim viventibus dici sufficiant, *reliquum dabit altior ætas*; nunc de aligeris solitarijs orationem instituemus.

Inter volatilia solitaria quædam sunt *Favigena*, ut *Sirenes*, *Bombyx*, *Bombylius*: non *Favigena*, ut *Mulca*, *Culex*, *Papilio*, *Tinea*, *Cincindela volans*.

Ex eorum genere quæ favos sibi extruunt aligerorum, est *Siren* uterque ita *Eustathio* dictus *ἡ σιρὴν* *ἡ σιρὴν* *ἡ σιρὴν*, vel forte ut monstrum illud *Neptunium* *ἡ σιρὴν* *ἡ σιρὴν*, quod gratissimo susurro & murmure aures quasi catenâ retinet atque demulcet, nec malè *ἡ σιρὴν* *ἡ σιρὴν*, quia ærem pennis diverberat & concutit. *Siren*um duæ sunt species, alter minor, qui totus fuscus; alter major, ex nigro varius. Hunc ad vesparum speciem *Pennius* refert, atque ita in *shedis* descripsit. Totum corpus nigrum, excepto dorso rubente à cinctura ad caudam fere, cujus extremitas nigra alas habet argenteas, quarum anteriores duplo fere majores sunt: nidificant in muris, & scrobium marginibus ac macerijs; an vero aculeum habeant nescio.

Bombyx *ἡ βομβὴν* dicitur, quia nunquam nisi per gyros & ambages volare conspicitur: unde *trochleam* & *trochum* Græci *βομβήνα* appellaverunt: est animal *εὐρυκέλευς*, colore nigro, aculeatum ut *Vespa*, homines lætaliter pungens, stimulumque adeo fortiter infligens, ut in vulnere relinquit. Contra harum icum pini lacrymam & tenthredonum mel pingue laudat *Nicander*. Hujus item animalis *Parmenio* meminit in *Iambis*, quæ vindemiæ tempore maturas uvas depopulatur. Aliud inter hæc genus est *Bombycum* in *Assyria* proveniens, magis quàm supradictæ: Nonnullæ earum nidos in acutum extruunt, è luto factos, vitri salisve specie, lapidi, aut alicui tali rei affixos, tam duros crafosque, ut spiculo perforari vix possint. Pariunt in ijs & vermiculos producunt candidos, membrana obvolutos nigra, seorsimque in membranâ, ceram in luto faciunt, multo pallidiorum & copiosiorum, quàm apes. *Aristot.* & *Plinius*. Qui sane in *Tenthredonum*, *Bombyliorum* & *Bembycum* historia parcissimi fuerunt, atque ideo obscuri: vel quia illarum natura Græcorum vulgo satis innotuit, vel potius quia ipfimet illarum fatis historiam nondum tenebant.

Bombylius, maximus favigenarum, utroque *Syrene* major est: nomen à murmure obtinuit, nam *βομβυλίζω* significat, murmur edere; qua item de causa Germanis



Hummel vel *Humlen*, Anglis *Humble Bee*, quasi apem sonoram dixeris; nomine nimirum ab imitatione soni derivato, unde etiam (ut doctissimus *Turnebus* notat) *Bombyces*, quæ longis tibjs in *Bombi* æmulatione imponuntur, originem appellationis duxerunt: has *πυρρὸν* *αὐλὸς* vocat *Pollux*. *Calamum* quoque huic tibiarum generi idoneum *Theophrastus*

ophraſtus βομβυξίας appellat. Paucis uſibus inſerviunt. Quare virum deſidem atque inutilem Græci βομβύλιον ἀνθρώπου dixerunt: eſt enim plane inutilis apis; in cuius tamen laudem Antiſocraticus quidam encomium magno ſtudio ad ingenij oſtentionem conſcripſit. Poculum Auguſtioris oris in τὴν πύλιν βομβύλιον magno priſcis in pretio fuit, ut ſcilicet non liquore tantum cerebrum, ſed & aures quoque tanto ſono inebriarentur. Sub ſaxis apud ipſam terram fatificant, biſores nidos ædificant, quandoque triſores: in quibus mellis cuiuſdam pravi inchoatio reperitur; neque illud non magna (ut Albertus meminit atque Pen-nius vidit) quantitate; qui tantum aliquando invenit, quantum tribus com-plecti manibus vix potuit. Bombylij Anglorum non omnes, imo pauci, ſtimulo armantur, qui verò aculeati, graviſſimè pungunt: mel faciunt ſubdulce & ſuba-quosum. Ceras poſterioribus cruribus, ut apes, aſſigunt: coeunt aduerſis cau-dis, plantæ interim aut arbori adhæreſcentes diù in venere permanent, & in-ter coeundum alis applaudentes, ſtridulum edunt ſonum, veluti Hymenæum canerent.

CAP. X.

De Muſcis.

Hebraicum	Zebub.
Arabicum	Dubene, Aldubel.
Illyricum	Muſcha.
Hiſpanicum	{ Muſca.
Italicum	
Gallicum	Mouſche.
Germanicum	Flieg m'uck.
Flandricum	Vliegh mugge.
Anglicum	Flye, a volando vel fugiendo, nam utrumq; ſignificat.
Scoticum	Flée.
Grecum	μύια ἀπὸ τῆς μύζης. i. altum ſugo, muſſito, quia utrumque fa- cit muſca.
Latinum	Muſca.

Non quaſi à muſco orta ut quidam ineptulè ſomniant, ſed à muſculo, nam detractis alis, caput nervoſum, corpus molle, cauda tendinoſa & cetera apparet. Hinc *Muſcula* diminutivum apud Boethium eleganter ex-
clamantem, *Quid homine imbecillius, quem morſus muſcularum necat?*

Deſcriptio.

Corporis verò animiq; muſcarum formam ex Luciano & alijs ita deſcri-
bimus. Muſca eſt volucrum minimum, ut poſſit cum muſcellis, & culicibus comparari: tanto autem illis eſt major, quantum ipſa ab ape relinquitur. Pen-nata eſt, non eo modo quo ceteræ volucres, ſed ex pelliculis ſunt illi pennæ, quemadmodum locuſtis, & cicadis, & apibus, ſed tanto molliores, quanto Græcæ veſte tenuior atque mollior eſt Indica. Si quis muſcam diligenter inſpiciat quando in ſole alas expandit, varijs eam pictam coloribus, ut pavo-nes, videbit. Eſt illi volatus non continuo pennarum remigio, ut veſpertili-onibus; neque ſaltu ut locuſtis; neque cum ſtridore, ut Veſpis: verum flexi-lis, ad quamcumque æris partem ſe moveat. Adde quod non volat quietè, & cum ſilentio, ſed cum cantu & melodia; non item immitte aut ſævum, quemadmodum culices & muſculæ; neque cum gravi fremitu apum aut veſparum, horribilem oſtentans ſonum & minacem, ſed tantò volat his ſuavius muſca,

musca, quanto sunt tuba & cymbalis tibiarū dulciores. Caput habet tenuissimum collo alligatum, versatule, non compactum & affixum humeris, ut est locustarum. Oculi verò prominent, multum, (quasi in cornu) lucentes. Pectus est benè compactum, iunt illi sex pedes innati, non ut Vespiis astricti valde & complexi; quatuor solis incedit, duobus anterioribus pro manibus utitur: videres igitur ipsam gradientem quatuor, atque edulium aliquid tenentem subline manibus, more valde humano, atque ut nos. Alius autem minuta & thoraci apaloga, Zonas latas & squamas habens. Vlciscitur non aculeo, ut apis & Vespa, sed ore & proboscide, quam cum elephantis habet communem, depalciturq; & assumit, & inhærens continet concavo vase in summitate promiscidis. Ex ipsa vero dens foras prominet, quo pungit: lac & sanguinem bibit, quem non magno dolore, sed titillante eorum quos pupugit exhaurit. Luce, ut veritas, plurimum gaudet, & in hac civiliter versatur; imo adeo lucipeta est musca, ut phalanx modo lucernam ejus gratia affectet, & cum vitæ jactura sæpe aduolet; nocte vero quiescit (ut probi solent) & silentium agit. In tenebris nihil operatur, neque dignum putat aliquid latens facere, neque quid turpe committere existimat, quod in luce patratum sit ipsi dedecori. Non parvam esse ejus intelligentiam queo dicere, cum insidiarorem & hostem suum araneum effugiat: insidiantem enim & observat & contra inuictur, declinans illius impetum ne capiatur irretita, & in bestiarū incidit casses. Fortitudinem & robur ejus non oportet dicere, ne videatur humano major. Sed poetarum princeps Homerus cum quæreretur quomodo laudaret Heroum optimum, non leonem pardove aut apro comparat robur illius, sed audaciæ vel fiducia potius muscæ, quæ quanquam est (inquit) repulsa, non desistit tamen, sed est appetens morsus. Sic autem fortis est, quod mordens vulnerat non hominis solum pellem, sed & boum & equi: elephantem quoque mærore afficit, in illius rugas ingressa, & pro magnitudine proboscidis vulnus infert: Quum mordet, non rusticitatis, vel cyoris causa id facit, sed amoris & humanitatis: & propterea maxime ex pulchris aliquid decerpit. Quam vero illud pulchrum est muscas huc illic aduersum volantes & inter se colludentes, & in filo propendulo neurobatas quodam modo repræsentantes videre? Quinetiam equorum purorum more, uno semper in loco excrementa ponunt, adeo ut superius ædium tabulatum, opusque testaceum magnis maculis inficiant, id quod nonnullæ ipsarum memoriæ argumentum est. Scribit etiam Tzetzes, muscas eam sui generis curam habere, ut defuncta cadavera sepeliant. Aelianus non minùs ipsas vituperat quàm laudat Lucianus: & in earum procacitatem invehitur, quod proteræ indetidem affiliunt quibus arcentur. Impudentiam vitio illis vertit, quod publicè quasi scortantur, neq; venereorum modum adhibent: neque enim (ut galli) cum infederit mas, statim residat; sed vehitur a femina diu, fertque illa sponsum; convolantque, nec acrium illum coitum volatu destitunt. Doctissimus Pennius duas muscas coeuntes pixidi includit, & subsequenti die eas adhuc in venere hærentes deprehendit: quod sane Aristoteli, Aeliano & Nipho afferentibus, Muscas in coitu diutissimè manere, fidem facit non levem. Indociles sunt (inquit Plutarchus) mus & musca, quæ licet quotidie hominum consortio utuntur, nullâ tamen arte mansuescunt, neque nobis tantillum officij, vel minimum grati animi significationem compensant: Vterque nimis naturâ suspicax, & semper timens insidiarum, prehensari perhorret. O ciosa item est, & remissa, vescitur ijs tantum, quæ elaborantur ab alijs, & plena ubique est ei mensa. Nam ipsi & capræ mulgentur, & apis non minus muscis laborat, quàm hominibus; atque huic coci obsonia, dulciarij tragemata, pharmacopolæ syrupos conficiunt, quos degustat atque reges, deambulantq; per mensas, unâ cum ipsis conviva-

Muscarum lauder.

Muscarum vituperatio.

tur,

tur, & simul vescitur omnibus. Plautus eam nullius boni usus esse existimavit, cum in Curculione sic diceret,

*Item genus estis leonum inter homines, meo quidem animo,
Vt muscæ, culices, pedesq; pulicesq;
Odio, & malo, & molestia, bono usui estis nulli.*

Probè igitur prævidit natura, ne hæc certis ædibus, ut probi solent, maneret, sed erronem constituit, & non nisi fortuitum lectum vagamq; habitationem concessit. Impudentia tamen superat mendicos atq; errone: quoniam illi negari sibi cibum permittunt, hæc vero vagula repulsam non fert, sed inutilem alium paratissimis convivijs, etiam nolente hospite, exsatiat. Aristaphon in Pythagorista apud Athenæum, impudentissimum parasitum introducit sic loquentem: *Cænis etiam non vocatus, ut musca, aduolo.*

Simile item quid Socrates Theodætæ exprobrat apud Xenophontem. Improbritatem igitur cum impudentia junctam Aegyptios significaturos, merito muscam pinxisse tradit Orus. Vnde & Cicero (ni fallor) meminit ridiculè dictum de molestissimo et impudente juvene, *Abige muscas puer*. Tam nefariæ bestiolæ natura (uti æquum fuit) longam vitam negavit. Nam hyeme adventante, maximam partem omnes expirant: quæ vero in rimis, muris, foraminibus, hypocaustis, frigus vitarunt, languidæ & infirmæ latitant, aliamque hyemem vix ferunt. Omnes ex immunditiâ nascuntur, immundis lubentissimè adhærent, & loca immunda potissimum frequentant. Inquietæ sunt, importunæ, audaces, infestæ, molestæ, tumultuosæ, impudentes. Homerus Iliad. f. inter prælia deorum ac heroum de muscæ improbitate eleganter cecinit, quæ semper, quasi mures, comedit alienum cibum.

*ἡ γὰρ ἀπὸ γαίης καὶ τῶν ἄλλων ἀνδρῶν
ἐσθίει τὸν σῶμα. Id est,*

*Quæ quamvis de pelle viri sit sæpe repulsa,
Assultat morsura tamen.*

Generatio.

Tam malam quoque illius naturæ vim esse Salomon putavit, ut unicam muscam narthecium totum corrumpere *μαρμαίρει* affirmaret. Hebræi deniq; muscam significare Bahalzebul dæmoniorum coryphæum dixerunt, qui eadem diligentia utitur, & malefaciendo nunquam desistit. Quâ forte de causâ exorcistæ & malefici omnes familiarem suum genium muscam faciunt, pessimi animalis corpore ad res longè pessimas urentes. Plura hic contra muscam asserere possem, si Antihucianus dici vellem, quocum sine labe certare Christiani nequeunt, imò quem ceu impurissimum cadaver attingere vix debent. Quinetiâ non minus mihi inglorium fuerit ex musca nihil, quam Luciano elephantem facere; utrumque scilicet cum fuerit τὸ γένην πᾶσι δόρυμα, & jactabundæ indolis ostentum. Tamen ne tanquam aquilæ muscis superbi videamur, & vel minimum Dei opus negligere, *Generationem, differentiam, & usum* muscarum diligenter notabimus. Generantur muscæ dupliciter; coitu & sua specie (qui æstivo tempore & hyeme clementiori, ventoque meridionali fit) putredine ex aliena. Coeunt enim muscæ, aliæq; diu, aliæ paulisper opus expediunt: modus coeundi (asserente Aristotele) a plurimis insectis alienus est. Nam mas, ubi feminam conscenderit, recipit feminæ membrum seminis querendi gratia exporrectum in corpus suum; atque ibi receptum materiâ atq; vi prolificâ adimplet. Reverendus Pennius in agro Heidelbergensi se duas muscas in venere volantes deprehendisse vidit, quæ (ceu Mercurij & Veneris filius) mixtæ videbantur naturæ, & vicissim conscendebant. Aliquanto post coitum intervallo, vermiculos excludunt, ut Gallinæ ova: qui mirâ metamorphosi in muscas rursus mutantur: Licet ex ijs nihil aliud oriri, Plinius præter experi-

experientiam temere affirmat. Rectissime Scaliger muscas generare primum infecta dissimilia sibi, sed potentiâ similia, *id est*. Vermiculos albos, qui Musciformes facti, oculos ad latera prominentes habent, quorum similitudine staphylomatis species quædam *μωμολα* vocatur. Muscæ item permultæ, si non plurimæ, ex fimo oriuntur; unde eas perfectas exire, ubi eas inchoatas dætere, sæpius conspeximus. Sed in hac generatione observandum est, muscas non immediate ex fimo, sed ex vermiculis fimi digesti procreari, ut Philosophus scribit his verbis, *ἡ δὲ μύα ἐκ τῆς σκαλίκης τῶν ἐν τῇ γαστρὶ οὖν κατὰ μέρος, &c.* Quæ Gaza hoc modo vertit. *Muscæ ex vermiculis fimi digesti in partes gignuntur, quomobrem qui eo funguntur officio, reliquum fimi promiscui discernere contendunt. Principium autem vermiculorum ipsorum exiguum est, quod primum rubescit, atque ex immobili quasi hærens adhuc fibræ moveri incipit, mox vermiculus immobilis redditur, qui cum postea motus est, rursus immobilis fit; denique generat muscam, statim aut solis beneficio moventem.* Aristoteles hic, ut videtur, ex aliorum observatione, non ex propriâ experientiâ locutus est. Nam nec ulli per coitum qui generantur vermiculi, nec qui ex putredine nascuntur, tot metamorphôses sentiunt, antequam in muscas transeunt. Solum enim ad justam magnitudinem crescunt, deinde quasi in Nympham mutantur, ac immobiles jacent; tunc ex naturæ præscripto ruptâ stato die Nymphâ, egreditur musca: nec solum ex fimo, sed alijs sordibus humidis calore putrescentibus, æstivo præsertim tempore hoc modo muscæ prodeunt, ut rectissime Grapaldus atque Lonicærus notarunt. Sed adhuc quærendum, an muscæ immediatè ex putredine oriantur, non ex vermiculis: nam experientia testimonium facit muscas quasdam in folliculis ulmi, terebinthi, absinthij, & aliarum fortè plantarum arborumque gigni, nullâ existente prius vermiculatione. Qua de causâ Dæmonium illud hominis, hujusque ætatis doctissimus mortalium Scaliger, de illarum ortu sic scribit: *Fortassis non ex putrefactione, sed ex principijs quibusdam immutatis, ex gummi nempe quodam liquido oriri videntur, vel forte ex alia materia à Natura hunc in finem concocta.* An vero concoctio sine putredine fieri possit, dubitandum. Singulæ corporis humani partes, sua habent loca, per quæ excrementa expurgant, à latinis emunctuaria dicta. An vero animal, rei animalis vitæ nunquam participis, excrementum censerî possit, statuunt alij; nos enim hic occupat caligo, imo cæcitas. Tertium muscarum generationis modum, Thomas Kniuetus Anglus, equestris ordinis & singularis doctrinæ vir, primus Penniadem docuit, estque hujusmodi: Corruptum erucæ corpus, vel parum contusum in aureliam imperfectam convertitur, tunc ex ea non papilio, sed tria oblonga ova nigricantia eiciuntur, ex quibus muscæ vulgares, vel aliæ ijs similes oriuntur. Quandoq; verò aurelia ipsa corrupta, nec papilio, nec ova, sed vermiculi albi per foramen (quandoq; unus, nonnunquam plures) egrediuntur, ex quibus postea muscæ valde exiles. Quas pulcherrimas physicæ historiæ observationes, ut prædicto equiti aurato feratis acceptas, veritas jubet; nam ab eo nullus notavit. Petrus Martyr, Decad. 3. lib. 6. refert, se vidisse sudoris guttas cadentes ex digitis laborantium, in muscas conversas, quemadmodum in Dariena regione maricosa, ob aëris contagionem & venenosam qualitatem, guttas è laborantium manibus cadentes bufones procreare scribunt. Sed an immediatè id fiat, an mediante aliquo vermiculo ex quo postea musca erumperet, non ostendit. Anno ante Christi nativitatem 766. Rivallo rebus Britannicis præfecto, sanguineus imber frequens & multus per triduum coelo decidit, unde muscæ fere innumeræ, atque adeo venenatæ, ut stimulus magnam hominum partem ad orcum agerent. *Historia Anglica.*

Nascitur autem musca plerumque non statim talis, sed vermis ab initio,

vel

vel ex hominibus mortuis, vel ex alijs animalibus, deinde sensim & pedes effert, & producit alas, fitque ex reptili volucris, & concipit parvum vermem, qui musca fit postea. Obruncata vero capite musca, plurimum vivit parte reliqua corporis; imo currit, salit, & respirare etiam videtur. Imo mortua atque submersa, solis calore, vel superfuso cinere reviviscit, & nova ei regeneratio quædam, atque ab integro alia fit vita, ut vere persuasum sit omnibus Luciani discipulis quòd illarum quoque immortalis sit anima. Siquidem & digressa revertitur iterum, & agnoscit & fuscitat corpus, muscamque & bibere, & edere, & caput oculosque detergere, proboscidem emungere, crura pedesque fricare, alas concutere & volare facit: & verificat Platonis sententiam de animæ immortalitate, & de Hermotimo Clazomenio fabulam, quòd sæpe cum reliquisset eum anima, per se ipsam ibat peregre, deinde reversa implebat iterum corpus & fuscitabat Hermotimum. Sunt qui submersas muscas in cineribus tepidis, vel tepida farina ponunt: & per quartam horæ partem inter manus halitu foveant, donec reviviscant.

CAP. XI.

De Muscarum differentijs.

Muscarum differentiæ variæ sunt, quæ materiam videas, quæ formam. Aliæ enim ex materia ipsis infusa oriuntur per coitum, ut diximus: aliæ ex ascititia sive externa; qualis est ea, quæ in fimo, pomis, quercu, tabis, napello, polenio, absinthio, terebintho, lentisco, ulmo, vite, in muscæ formam convertitur. Respectu formæ; quædam bipennes, quadripennes; antennatæ, exantennatæ; breves, oblongæ; caudis globosis, mucronatis; setosis, non setosis conspiciuntur; denique colore, formâ, magnitudine, pro regionis & materiæ putrescentis qualitate plurimum variant: quæ utinam tam ego vidissem singula, quam in ipsis pingendis vel Apellem sudaturum novissem atque hæsurum. Brevitatis autem gratia, duas tantum muscarum species con-

Musca Lupus.



Musca carnivora.



sistunt. Nam vel sunt ἀνθρωποφάγοι omnes, vel ἰσχυροφάγοι. Musca ἀνθρωποφάγη lupus dicta, magna, nigra, & μακροχέλιος describitur, id est pedo: atque muscis potissimum vescitur, quarum inopiâ alia item insecta vorare perhibetur. Heterophagæ dicuntur, quæ rebus à suâ specie diversis aluntur. Hæ autem vel ex animalibus vivunt ζωοφάγοι: vel rebus ab animalium natura alienis, ut αἰζωοφάγοι. Prioris generis sunt muscæ κρεοφάγοι Carnivoræ, ἰσχυροφάγοι equisugæ, διμαλτοφάγοι buccularum cfores, ἰσχυροφάγοι ovifuga, ἰσχυροφάγοι serpentivora, σαρκοφάγοι merdivora, βομβιλοφάγοι bombylivora.

Carnivora musca est ferè omnium, si corpus respicias, maxima, capite rubente, corpore punctulis ex fusco albicantibus variegato: ventre crasso, caruleo, pellucido, alis duabus nigris, hirta pilis, carnes avidè appetit. Solitaria plerumque volat, rarius multæ simul conspiciuntur, nisi fortè in Carnario, atque macello: ubi lanij lanistas agunt, muscario muscas continud cadentes aut abigentes, ne illarum vermibus (Hippocrates ἰσχυρὰς vocat) obsonia scamentia pervilescant. Proditum memoriæ est (Cælio Rhodigino narrante) apud Toleum in publico macello, unam muscam albedine nivea notabilem per integrum annum comparuisse. Quam hujus generis fuisse non dubito affirmare, quum in macello tam diu fuerit

fuerit conspecta. *Κυνυμία*, Musca canum *Anglice A dogge Flye. German. Musca canum. Hundz Fliege, Hunds Mucken.* Polon. *Psia mucha, ex Iphidori, Euthymij & Philonis sententiâ Musca est sylvestris*, catulorum auribus infesta, quam, etsi frequenter excutiant, importunè tamen revolat, ac diutius ubi inhælerit, erosione carnis ulcus excitat. De hac Homerus Iliad. *ἑτίπτε' αὖ κυνομυία θένει ἐπὶ δὲ θυλάδων;* Athenæus item eleganti cūdam scorto, ob singularem impudentiam mordacitatem atque molestiam, *κυνομυίας* nomen additum lib. quarto memorat. Est enim *κυνομυία* (utor Philonis verbis) *ἑπταμερὴς ἀναστὰς ἀπὸ τοῦ καὶ τριβόλου.* Videtur mihi in sacris literis. (Nempe, Exod. 8. Plal. 77. & 104.) insectorum nocentium generale hoc esse nomen, ut ex Chaldaica paraphrasi appareat. Quod ipeccatum aliquid significet, nulli generi muscarum magis conveniet, quàm nigris illis grandioribus, latioribus, compressioribus, vulgaribus, quæ impudenter involat jumentis, & non tantum ichorem, ut reliquæ, sed ex alto sanguinem maximo cum dolore eliciunt atque exugunt. Carent proboscide, verùm illius loco geminos dentes, ut vespa habent, quos altè infingunt cuti; potissimum verò pendulas canum aures infestant apud Germanos (asserente Camerario) atque sæpe excoriant. Has nobilis quidam Anglus se in Italia vidisse dixit, alis exceptis Ricino per omnia similes: quem ita compressis alis representant, ut utrunque doctissimus ille Barbarus confundat. Niphus illi, ut summam velocitatem, ita rotunditatem corporis assignat. Ovisuga ad *κυνομυίας* proximè accedit, dum volat horrendum quid stridet, & Asilo gravius & tardius volat. Duæ sunt ejus species, solum magnitudine distantes, major sylvicola, minor verò sepicola.

Ἰπποβόσκοι, Germanis *Roß Mucken*, sunt muscæ magnitudine vulgariæ, corpore compresso, duro, plano, ac tenaci adeo substantia, ut inter digitos vix rumpi possint: nigricant magis quàm vulgares; nunquam rectâ provolant, sed lateratim, uti dicam, & quasi per saltus, nec diu continuare volatum possunt, neque longè. Equos præcipuè apud Anglos vexant, eos circa aures, nares, testes, & emunctoria perpetim lancinantes; quorum sudore juxta cutem ad radices pilorum diffuente vivunt. Anglii *aside flye* vel a *horse flye* nomini imposuerunt, ut & Græci *αλασμοβόσκος* vocant. Quidam & Græcis *κυνοβόσκος* appellant, ac etiam in calidioribus regionibus easdem canibus quoque molestiam afferre maximam affirmant. Crotonis speciem alatam ac volatilem dicunt: sed hanc planè aliam speciem esse arbitror, ac solis equis infensam. *δαμαλποβόσκος* & *βουδοβόσκος* sive Buculariam muscam, Latini *Asilum*, Græci *ἰσιον* dixerunt a feriendo. Vnde non solum hoc insectum sed etiam aliud apes territans (de quo postea) atque tertiam piscibus quibusdam formidolosam, *Ocstri* nomen ceperunt. De nostra hac musca Vergil. 3. Georg. sic cecinit,

Musca equina.



Musca Bucularia Asilum.

*Est lucos Silari circa, ilicibusq; virentem,
Plurimum alburnum volitans, cui nomen Asilo
Romanum est. Ocstron Graij vertere vocantes.
Asper, acerba sonans, quo tota exterrita sylvis:
Diffugiunt armenta: furit mugitibus ather,
Concussus, sylvaque & sicci ripa Tanagri, &c.*

Calepinus, alijq; eum secuti lexicographi, præter nonnullos medicos, ipsumque adeo Plinium, Asilum cum Tabano confundunt: ut plusquàm conjectura sit, eos Aristotelem oscitantius legisse, vel mentem ejus affecutos non esse. Muscarum species Asilos Tabanósque esse omnes fatentur: in ore item aculeum uterque habet, quo tergora quadrupedum penetrant & sanguinem exugunt.

Asili & Tabani differentia.

exugunt. Sc enim Philosophus : οἱ μάλιστα ἐν τοῖς ὄρεσι τὰ δεινὰτα διασπν πῶς τὸν τετραπύδην
 ἐν τοῖς γὰρ ὄρεσι δὲ καὶ ἐν τῇ ἀγρῇ καὶ ἐν τοῖς πεδίοις ἐστὶ γὰρ ἀμύβητες ζῷα, &c. Differre eostamen
 multis modis Aristoteles Aelianusque disertè monstrant. Primum μύμης
 multo sunt frequentiores, præcipuè circa sylvas & vias regias, sepibus arbo-
 ribusque munitas, ut qui in equo iter faciunt, magnâ cum molestiâ experiun-
 tur. Nam sole exardescente, equos altissimè pungunt, & subinde numero-
 siores tantam quantitatē sanguinis aliquando eliciunt; ut præ languore sæpe
 deficiant vires, rusticique muscarijs, vel ramulis arcere ab equis Tabanos co-
 gantur. Asili vero multo rariores, & non nisi juxta aquas circumvolantes.
 Asili porro (Aristotele teste) ex latiusculis quibusdam bestiolis fluvijs oc-
 cupantibus oriuntur: Tabani verò ex vermibus in lignis nascentibus; quod
 Sottratus scripsit, & Pierius diligenter observavit. Quinetiam Asili solos bo-
 ves impetunt, juxta illud Hesichij : μύμη μάλιστα τῆς ἀρεθίστου τῆς βίας ἐν τῷ ζῶον ἐλάσσοντι
 οἷον & δὲ μόνον βῆν. Cui illud consonat Orphei Versu 47.

Nῦν δ' ἐπεὶ δὲ ἐξέρχεται ἀπὸ τῆς ἀγροῦ οἷον
 ἡμῶν δὲ μύμη ἐκαστοῦ τοῦ ἐν τῷ ζῶον ἐλάσσοντι, &c.

& Homerum Odys.

Ὅδ' ἐφίβορτο κατὰ μῆλαρ, βόας δ' ἀγλαΐας,
 τὰς μὲν δ' αἰολῶν ἐρομυθῶν ἀδόντων

ὅρῃ ἐν ἰσάνῃ, ὅτε τ' ἡμάτι μακρὸν πῆλόντα.

Vbi scholiastes sic Oestrum definit, οἷον ἐστὶ ζῶον ὑπὸ γαλῶν τὴν μορφήν, ὅπου ἔαν εἰς
 τὰ ἄτα τῶν βῶν ἐν τοῖς ὄρεσι διαγυγῇ τὰς βόας: quem Callimachus propterea pro
 bubulcorum more, βουβόν, id est, concitatore[m] boum vocavit. Myopes vero
 sive Tabani, homines, equos, & serpentes præterea (ut Nicander cecinit)
 affigunt. Diversam quoque esse horum formam philosophus ostendit, lib. 2.
 de part. his verbis. Linguae Asili & Tabani, eodem modo se habent, quo
 purpureæ: verum hic etiam homines, illi boves adorantur. Est autem Asilus
 καλοκαρπῆς, & reliquo toto corpore ὑπόλευρος sive subætatus; proboscidis mag-
 nitudine Tabanum superans, bombi verò stridore ab ipso victus. Durum, ro-
 bustum, ac bene compactum aculeum antè harentem gestat, quo tergora
 boum facile pertundit; maximæ muscæ similis est, bovesque in a quis ventre
 tenuis stare, vel ad sylvas & umbras frigidiores, locaque δάκτυλον aufugere
 præ solo stridoris metu compellit. Nam dum in aquis stant, frigida per cau-
 dam hinc inde per torum corpus aspersa Asilos abigunt. Nicandri scholia-
 stes, eos ex hirudinibus nasci author est. Ac si hirudines per laras illas besti-
 olas (de quibus supra ex Aristotele) nobis intelligere par esset; Nec sanè
 præter naturam fuerit aut morem, sanguisugas matres sanguivoram sobolem
 procreare. Velociter volat, et quam citissimè; magno cum dolore sanguinem
 exhaurit. Duas asilorum rariores species Pennius descripsit, quarum unam
 ex Virginia Indorum Candidus, alteram ex Russia Elmerus chirurgus dili-
 gens ad eum misit. Virginien[sis] maximam muscam capite subrubentem mag-
 nitudine æquat: & ad formam ejus proximè accedit, nisi quod caput nigrum,
 argenteam lineam à scapulis ad os pertractam, & oculos nigriores majore[sc]q[ue];
 obtrinet. Stimulus illi in ore longus & robustus, scapula ex fusco nigricantes,
 & duas argenteas alas emittentes. Ad caudam sex vel septem habet incifuras
 subalbidi coloris, reliquo copore subnigricante. Volatus celeritate neminem
 muscarum metuit, plurimas vincit; venter ex cinereo lutescente, dilutè vire-
 scit. Moscovitica illa Elmeri alas habuit argenteas, toto corpore longiores;
 oculos magnos oblongos, & maximam capitis partem replentes, rostrum
 nigrum, duriusculum, tripartitum, quo citissimè caligas triplici panno con-
 sutas penetrat, & cutem ipsam carnemque cum dolore exugit. Quod Asili ge-
 nerationem attinet, miror Philosophi summi opinionis inconstantiam. Nam
 ex latiusculis bestiolis in fluvijs natantibus (quas Nicandri scholiastes non teme-
 re βουβόειδὲς, hirudines esse affirmat) & histo. 8. eas culicum prospici facit his
 verbis: οἷον δὲ τῶν ζῶων ἀπὸ τῶν ζῶων ἐν τῷ ὄρει, ἐπὶ δὲ μεταβιβάσειν εἰς ἀλλήν μορφήν ἔχει, οἷον ἐπὶ τῶν ἐν
 τῆς

tristis morumque quidam, sicut dicitur in 1.º libro de 1.º libro. Verum quo tandem modo id fiat equidem nescio. Nam ex alatis animalibus, nullo modo diversæ formæ alata generari possint, ut diligens naturæ observator facile viderit. Atque de Afilo oculoario hactenus, quem Gothi *Heflabryni* vocarunt : Angli autem innominem reliquerunt.

Alter Tabanus sive Afilus, nascitur in extremis partibus fororum, amplioris magnitudinis quam sunt apes cæteræ ; & quoniam exagitat, nec patitur examina conquiescere (ut ne prædictus Oestrus armenta), Græci vocarunt. Caput huic muscæ spadicei coloris est, linea alba à fronte usque ad occiput intercurrente, scapulis et dorso subfuscis; reliquis omnibus à vulgarium muscarum forma non differt: haud florum duntaxat succo, & melle vescitur, sed etiam animalium sanguine, quem diu violentius exugit, acriter mordet. Est & alia musca Tabanides, sed corpore & capite magis virente. Scapulæ ex virore splendent, alas habet duas, extremis mediisque partibus albicantes, reliquæ ex fusco nigricant. Semel tantum eam Hanworthi vidit Pennius anno 86. mente Augusto. Anno 82. duas species muscarum culiciformes invenit in Anglia, quarum una corpus habuit crassiusculum, colore ex rubro flavescente, alas binas, caput oblongum, & sine rubens. Alteri caput erat etiam longum ; producta crura atque gracilia pernigri coloris, quorum posteriora prioribus multo longiora, inter volandum extensa ac pendula tenebat. Affirmavit pro certo rusticus quidam, ex earum ovibus (vidit. n. coeuntes,) erucas illas arborum foliorumque prædatrices originem habere.



Musca Tabanides.



Musca culiciformis.

Tabanus Græcis *μύμν* dicitur, fortassis a stimulando nam & *μύμν* calcar quo equi stimulantur significat. Galli *Tabon*, Itali *Tabano*, Hispani *Tavano*, Germani *braem*, *Kusflege*, *ross muck*, Brabantij *rochleghebreem*, Poloni *Kirowia muka* vocarunt; Anglis *Burrelflye*, *stom and breefe* dicitur: atque etiam ab adherendo *Clegg & clingex*. Huic Calepinus quatuor alas audacius multo quam verius ascribit. Rectius Ælianus & alij tantum duas, argento illitas. Totum corpus oblongum est, in tres præcipuas partes divisum, caput, scapulas & ventrem, quinque vel sex incisuris distinctum, totum corpus ex albo diluto nigricat, in ore proboscidem gerit valentulam, longam, torosam. Sex pedibus constat nigricantibus: reliquis maximam *μυμν* representat. Iulio & Augusto mensibus præ æstivum nimio ferociunt, atque boues, equos, vitulos miserrime habent, nisi muscarijs arborumve aut plantarum ramulis tegantur: quos per sudoris odorem consequuntur, quia longè videre nequeunt, unde lusciorum morbum *μυμν* vocamus. Proveniunt (inquit Plinius) ex vermibus ligni putrefactis, quos Magi aliquot antequam pennæ exrescunt, sinistro brachio alligabant contra quartanas. Magna abundantia & vi sanguinem exugunt, nam accipiam amico fide dignissimo, equum arbori in sylva alligatum Tabanorum multitudine intra sex horas fuisse occisum tantum quippe sanguinis extraxerant, ut collapsis subito spiritibus animam efflaret. Ex his (opinor) manifestum est Tabanos ab Afilis diversa esse animalcula, licet eos tam Græcorum quam Latinorum maxima natio confundit. Imo Gesnerus hoc ipso hallucinatus est, lib. de quadrupedibus; & excepto unico Pierio, nostroq; Pennio defuncto, nemo ipsos distinxit. Ardoinus hic merito taxandus, primò quod Afilo et Tabano caudas stimuligeras, uti Vespis ascribit: deinde quod osto item pedes attribuit, quum in rerum natura ultra sex pedes habens nullus reperitur. Denique in culicum classe eos recenset, quando tamen nulli culices sole effervescente mordeant, (ut Afilus & Tabanus) sed noctu sint maxime molesti.

G

His

His proximè accedit alia musca, bobus & jumentis interdiu sole feruido infesta, quam Pennius Curvicaudam sive *οκλαϊνός* jure appellat. Semper enim, cruribus aut ventri jumentii insidens, caudam versas ipsam recurvam tenet & spiculum exertum quo ad percutiendum cauda sit paratior. Hanc Angli a *Whame* & a *Burrell* flye propriè vocant, nec nisi in Anglia facile invenitur. Musca hæc api fere similis formâ & colore, sed corpore est crassiore. Non adhæret, nec sanguinem sugit, sed solummodo stimulo in cauda pungit, atque ut equos affligat, per longissima itinera ipsos, volando persequitur. Equi naturâ hanc muscam timent, et ad ejus solum contactum quasi horrent, cauda pedibusque & labijs tam cruentum hostem abigere sæpe cōnantes. Sunt qui putant hanc muscam non aculeo pungere, sed stercorea pilis equi affigere caudâ, unde postea molestissimæ lendes gignuntur. Sed hoc experientia dixerit; nam ratio in re tam minimè probanda fileat et obmutescit. Magno quidem impetu, sed cæco, ad prædâ Tabanus atque *οκλαϊνός* feruntur, quod quidem vim ijs administrare, suamque magis augere audaciam, & metum (qui semper securitatis custos est) excludere putatur. Præsertim autem Oestrus sive Asilus impetuosè fertur: unde egregios poetas Oestro percitos & furibundos *οκλαϊνός* vocat Plurarchus.

Rare aliquot muscarum species.

Prima est musca papilioni minori amula, alis quatuor argenteis, nigricantibus maculis corpus argenteæ lineæ transversim ornant, cauda rubens ex fusco, caput nigrum, scapulae ejusdem cum cauda coloris, antennæ tenues, nigrae; breves, pedes exigui, nigri; in sepibus versatur, præcipuè tempore matutino. *Secunda* parum à prima diversa est, nisi quòd una cum corpore antennis pedibusque & cruribus fusca sit. *Tertia* est item *τετρατίσις*. Sunt autem longiores illi alæ, maculis nigris distinctæ; caput majusculum, nigrum, punctulis luteis pauculis notatum, antennæ tenues, duæ, nigrae: pedes sex subalbicantes, pectori crassiusculo affixi: scapulae lutescentibus ex albo maculis variegatæ; dorsum quinque lineæ transversim ornant luteæ, ac punctulus unicus inter duas lineas conspicitur colore subluteo; in caudâ quinque vertebrae rubent, cujus extremitas bifurcata est. *Quarta* est non valde dissimilis, sed alas habet argenteas, sine maculis, antennas nigras longiores. Corpus septem lineis transversis albicantibus insignitur. Vidimus etiam duas muscas scorpiuros. *Prima*. Similes habet præcedenti, alas argenteas, sed paulo minores, & in extremitate ipsarum tribus transversis lineis nigris signatas, caput nigrum, pectus (ut & scapulae pedesque) albicat; reliquum corpus nigrum, cauda quinque quasi juncturas habet, quarum tres dilutè rubent, duæ nigricant; extrema cauda bifurca, furcæ autem nigrae, & scorpionum modo sursum curvatæ. *Secunda* fere similis, sed extremitas caudæ crassior, furcæ, obtusæ, caput luteum, oblongum os, alæ singulae, sex maculis nigris ornatae. Est & alia musca quadripennis corpore virescente, alis quatuor corpore longioribus, è liquido quasi argento factis, quarum nervi virescunt; antennæ huic tenues & nigrae, oculi aurei, (unde jure Chrysopis dicitur) volatus languidus, odor teterrimus, quem ut Blattæ, cum vita amittit. Hortorum hospes vivit sambuco insidens. An ex cruce oriatur, papilionum more, an verò



Verò ex vermibus arborum, equidem ignoro. Doctissimus ille, atque humanitate clarissimus Ioach. Camerarius, primus illam Pennio ostendit. Sunt item variae muscae a Græcis *μυγες*, a nobis *pilicauda* sive *Seticauda* dictae. Habent enim in cauda aliae unam, aliae duas, aliae tres quatuorve setas, de quibus ordine dicemus.

Henothrix sive *Vnifeta*, est musca caudata, toto corpore nigra, (medio dorso ventreque rubefcente excepto) alis duabus argenteis prædita, scapulis crassis, antennulis duabus nigellis facta, pilum unicum longum & cauda emittens. Hanc depictam ad Pennium idem Ioachimus transmisit, affirmans eam non nisi Amco prestantiori insidere, reliquas herbas non attingere. *Αρσίνεες* sunt muscae duas in cauda setas pilosue habentes. Quarum aliae sunt corpore fastigiato, aliae tuberoso. Prioris generis duas vidimus alis quatuor argenteis sine maculis, capitibus & scapulis nigricantibus, reliquo corpore fusco, nigris lineis transversis variato. Vtrique longae & exiles antennae, similesque in cauda pili duo, sed paulo longiores, Corpore tuberoso. Bipiles quinque habemus. *Prima* Henotrichi per omnia fere similis, nisi quod huic plusquam media corporis pars flavescit, duos in cauda pilos prælongos, quorum unus extensus canis leporarii currentis caudam refert: alter intus convolutus lineam spiralem. *Secunda* muscarum longarum species est, quatuor habens alas argenteas, pedes longos mediocriter flavescences, totum corpus nigrum, scapulas crassas, antennae duas longas & tennes, ventrem versus caudam protuberantem, & qua duae breves setulae sursum versus erumpunt, in sepibus degit. *Tertiam* Carolus Clusius Viennam misit: corpore ex fusco nigricante, alis duabus largis ex argenteo caeruleis donatam, corpore præditam acuminato. Ex quo duae setae (ut Pennius notavit) vel plumae potius excrescunt, perdicei coloris, maculis nigris fuscisque mixtim ornatae. *Quarta* globoso est corpore, quod unciam longitudine aequat; caput, scapulae, ac pectus nigerrima: antennae breves, pectori crasso sex pedes affixi nigerrimi, quorum priores omnium brevissimi, posteriores longissimi. Inter volandum pedes simul conjunctos pendulos dimittit; alae quatuor obscurae, argentei coloris; oculi nigri splendentes; caudae extremitas nigra, unde duae setulae paucillae longitudinis se monstrant: à scapulis ad medium usque caudam colore est fere subcroceo, cauda tenui quasi filo longo scapulis conjungitur. Velociter currit, quasi per saltus; interia nidificat;



muscis

muscis & crucis parvis famem extinguit. Quinta longè hac minor est, figura eadem, sed alas verè argenteas monstrat, totumque corpus ad caudam usque fuscam rubescit.



Tripilium muscarum quinque duntaxat observavimus. Prima oblongo est corpore &


nigro, cujus medium valdè ex nigro rubet: antennis habet duas, etiam nigras, alas argenteas, quarum supramam oram macula nigriuscula adornat. Crura rubent, cauda tres crines longos emittit. Velociter

volat. Altera similis sed minor, toto corpore nigra, priore multo longior, tenuior, atque exilior: alae item argenteae, antennae prioris similes, ac cauda tres longos pilos protrudens; volatus celeritudine a prima longè superatur. Est & musca tripilis toto corpore albicans, nisi quod alae quatuor maculis nigris distinctae videantur, quarum exteriores majores, interiores vero breviores; has dum quiescit semper erectas tenet. Sex habet pedes; quatuor minores corpori affixos, duos anteriores majores, nigros, è collo fere oriundos; inter duos oculos nigros prominentes globosos, duae antennae nigrae atque breves exeunt. Corpus gracile, teres, longum, transversum digitum: in cauda tres videntur setae, corpus longitudine aequantes, quas volando in veri trianguli modum expandit. Maio & Junio mensibus, ante et post pluvias potissimum apparet: circa fluvios, paucis comitibus stipata convolat, quibuscum in itinere saepe colludit. Anterioribus pedibus utitur quandoque ad palpandum, ecquid in via impedimenti sese objecerit; extendit enim illos corniculorum more. Talem anno 73. observavit Pennius. Sequitur quarta mirabilis structurae, alas



habet duas argenteas, totum corpus nigricat, os forcipatum et aquilinum; in fronte duo cornicula brevia erumpunt: quatuor illi tantum sunt pedes, sub pectore duo, graciles & breves; paulò inferius reliqui robustiores. Ex oblonga cauda primum duo brevissimi pili exeunt, atque sub his tertius multò longior: in extremo tuberosus oritur. Semel tantum se hanc muscam circa *Hinningham*, olim Comitatus Oxoniensis castrum vidisse memorat Pennius. Ultima toto corpore & caudà nigra est. Corpus habet oblongum, alas duas corpore nonnihil breviores, pedes ex croceo flavescents, caudam longitudine reliquum corpus aequantem, nisi semel in Cantio circa *Greenhirst* visa perhibetur a Pennio. Quadripilis musca corpore Tripilem primam repraesentat, sed magis versus caudam protuberat: pedes item nigri, ut antennae; alae item procerae, quarum externae, internis triplo majores, circa medium nigra macula distinctae. Quatuor è cauda pilos emittit.

Huc etiam spectant muscae Mullei, Pavones, & Libellae dictae: quas Graeci à piscis cognominis similitudine *ῥαβδωγες*, Angli *adders boulders*, *dragon flies*, & *water butterflies* appellant: quasi papilioes aquaticas dicas, quoniam interris rariùs; juxta aquas, fluvios & stagna crebriùs versantur. Itali *Cevettoni*, *Hollandi Romdonb* nominant: corporis formam parum aut nihil discrepant, sed tantum




tantum coloribus. Corpora enim habent duas nonnullæ uncias oblonga, & teretia tubarum instar: quæ in tres præcipuè partes dividuntur, caput, pectus, & reliquum corpus, quod caudæ vicem supplet. Caput cum oculis magnis emissitijs, ejusdè cum reliquo corpore coloris, collo est affixum brevissimo; cui priores duo pedes adherent, reliquis pectori annexis. Pedes item posteriores longissimi sunt, ut sese melius erigant atque sustentent. Omnibus bifurcæ caudæ, quibus aversis coeunt, ac in coitu diutissimè hærent. Maxima rusticorum pars has muscas ex majoris junciaquaticæ putrescentibus vermibus oriri autumant: quod ut verum esse concederem, coitum tamen non tollit, & Vermium ex seipsis depositionem; ut hoc modo & medio æternùm crescentes, sobolem propagarent. Tardè admodum volant minores, majores celeritè, æstate concalescente solum conspicuæ. Harum tres tantum species notavimus, maximas, mediocrimas, & minimas. *Libellæ maximæ* Angli quidam *Bristes* appellant, Cujus generis octo tantum vidimus. Primam virescentem; maculæ item in collo summisque lateribus ex fusco virides ornabant, alæ argenteæ, veloces & motu impetum







permagnum facientes. Septem illi nigrae lineae transversim in dorso erant protractae; muscis exilioribus inter volandum vescitur, hirundinum more. Secunda huic est similis, sed obscuro magis colore. Tertia oculos margaritis similes obtinet, alas item argenteas, quarum extremam fimbriam macula fusca inficit; corpus luteo, nigroque colore varium, cauda bifurca nigra, duabus quasi plumis ornata. Quarta luteo est colore, latera habens quasi divisa in sex partes; juxta alarum argentearum exortum macula lata nigra conspicitur, medio lincis luteis distincta: in caudae extremitate quatuor vel quinque spinulae apparent. Quinta corpore & capite casto, ore nigro, alis argenteis una macula notatis: in cauda ultima tres spinulae tridentem referentes conspiciuntur. Sextae alae adnascuntur argenteae, medio ipsarum nigra macula insignita: totum corpus nigrum, sed rarius, item in dorso atque ventre lutescens: Pectus scapulaeque ex nigro flavoque aequè mixtae. Subter caudam duas spinulas recurvas trahit; in fine ejus quinque apparent, sed admodum exiguae. Septimae caput, collum & scapulae, fusco sunt colore, reliquum corpus rubet: in musæo Pennij procreata fuit, ex vermiculo plane illi mihi què ignoto. Octava adhuc brevior, oculis margaritis similibus, toto corpore luteo, nisi ubi lineis transversim ductis notatur. Cauda illi quasi abscissa, in fine latiuscula & obtusa: argentearum alarum summities nigra macula infuscatur, inter segetes plerumque reperiuntur. *Libella media* maximam naturae elegantiam omni arte majorem commendant. Prima colore est elegantissimo.


Maxima Libella.




Corpore



Media.



Minima.



Corpore caeruleo, alis violaceo colore saturato: inter scapulare spacium gemmis quatuor aureis; ceu in nigricante pala fixis ornatur. Secunda corpore capiteque castio apparet; alae albescentes castijs item lineis in longum ductis ornantur, medio purpurascentes. Tertiae corpus atque caput subviride; alarum lineae sanguineis veluti strijs notatae, versus extremitates obscuram purpuram imitantes. Quarta ejusdem ubique coloris videtur, fusci nimirum fatiscente viriditate commixti. Quinta oculi caerulei in capite

capite virescenti: corpus totum viridi cæruleo mixtum, demptis alis argento nigrificato accuratissime laboratis, & medio obscuratâ purpurâ obfuscatâ. Sexta viridi est omnino corpore; imo & alæ illi virescunt, sed leviter. *Libellæ minimæ* quatuor vidimus. Prima corpore toto Cyaneo. Secunda rubro, alæ utrique pares, colore argenteo. Tertiæ corpus totum crocæum colorem amulat. Sed cauda magis protuberat, & sanguineâ maculâ alarum extremitates, uti & omnes fibræ, rubescunt. Quarta, quæ omnium minima, caudam longam habet exilem, caput magnum, oculos cæruleos prominentes, duabus antennulis præmunitos; corpus oblongum tenue, subrus virens, supra nigricans; in dorso duas lineas viuentes à capite ad alarum exortum protractas habet; caudam quinque juncturis colligatam, in cujus extremitate annulus subcæruleus. Ex harum numero una est, quæ quasdam ex majoribus citissime interficit. Corpore gracili & griseo, alis item parilibus; nam ne vestigium quidem foraminis ullius apparet, per quod intrare possit. Pomo ipso ac feminibus vescitur. Hanc muscam Guilielmus Bruerus vir doctissimus, et rerum naturalium indagator acerrimus, ad Pennium misit. Reperiuntur item subindè in novellis faniculi folijs muscæ minutissimæ, & præ corporis exilitate vix aliquando spectabiles; celerrimè currunt & volant, ut meritò mirari liceat, quo pacto in tantillis corporibus pedes atque alæ à natura figi possint. Aquaticæ muscæ Græcis *δαίρι* dictæ sive lacustres, illæ sunt quæ rebus aquis innatantibus cibantur, et super aquas potissimum degunt ut Phryganides, Macedonica, Tigurina, Aeschna, lutea, fæsa, &c. Phryganides ex Phrygiano vermiculo (quem Angli *Cados Worme* appellant) in aquis degente, & mense Augusto ad superficiem aquarum ascendente exit; quaternis alis, colore fusco, corpore oblongo, duas antennis breves habens, caudam verò bifurcatam, vel duas fetas è cauda excurrentes. Varia hujus muscæ est forma; quia phryganiorum ipsorum tanta varietas. Apud Macedonas circa fluvium Astræum, quinter Berocam et Theffalonice medium fluit, volitat muscarum genus, quæ non ubique reperiuntur, nec ad aliarum muscarum similitudinem quicquam accedunt, nec Apum Vesparumve aut crabronum faciem gerunt: harum tamen cujusque aliquid referunt: nam magnitudine crabrones; colore vespas; bombitatione apes, audaciâ, reliquas muscas repræsentant, *irriem* indigenæ vocant; Equiseles Latini; per summas aquas volitantes piscibus in escam cedunt. Musca aquatilis æstiva major, frequens circa Tigurinum conspicitur mense Maio (vulgo *tes glaffi* vocant) quam à generoso nominatam acepinus, & à Tigurinis describi optamus. *Aeschna*, muscæ sunt aquaticæ colore cinereo, alis quatuor, sex pedibus, juxta caudam multos quasi exiguos pilos lanuginosos habentes. Musca aquatilis lutea, ex fusco lutescit, alas habet longas, in capulis semper inter volandū erectas. Oculi illi magni prominentes, cauda longa articulata, cujus in extremitate duo pili longi exeunt; juxta flumina & paludes semper versatur, rarius alibi, præsertim à pluvijs. Fusca alia est quatuor alis longis, longisq; cruribus, corpore articulo; duas longas antennis in fronte gerit, parvū caput, oculos prominentes & nigricantes. Alæ fuscæ, sed dilutæ magis quam reliquum corpus. In sylvis juxta paludes & stagnantes aquas ferè semper reperitur. Denique inter rariores muscas, illam Cardani referam à semetipso descriptam his verbis: Animal (inquit) habeo, scarabeo simile, quod non fætet, molle, celerrimum omnium quæ noverim annulorum: colore est fulvo obscuro, non nigro, sex pedibus, duabus alis per brevibus atque tenuibus, quæ caudam minime tegunt; caudam habet ejusdem cum capite figuræ & formæ, ut bicipitem esse putares. Nam ut supina capitis parte os habet, duod; ibi cornicula sub mento brevia: Sic duo item alia in pronâ toto animali longiora, totidem

totidem quoque habet in cauda, sed his duobus, quæ in capite longissima sunt, breviora; ex his tamen superiora inferioribus longiora sunt & crassiora. Quam sane bestiolam non vulgarem, utinam cum Cardano vidissem, ut hic descriptioni iconem adiecissem. Musca item alia est aquatica, quam Tipalum, Ma-

cropedium, Pedonem; & Gruinam a pedum longitudine appellant. Ideo Anglicè *Crane fly* dicitur. Hujus generis quatuor reperimus differentias. Prima species est tibijs longissimis araneo sylvestri similis, corpore ferè ovali, cinereo albicante, alis argenteis, oculis nigerrimis prominentibus, antennulis duabus brevissimis, cauda mucronata; volat subinde (ut struthiocamelus) quasi gradiendo: aliquando tamen in aère volat, sed nec longè nec diu. Lucis adeo est appetens, ut lucernæ amore sæpe conflaret: autumnò in pascuis & pratis frequens cernitur. Sed hæc de mare. Fæmina conformis videtur, sed paulo nigrior, & caudæ mucronem quasi demorsum obtinet. Has Angli *Shepherds* vocant; *id est*, Opiliones: quia ubi oves vescuntur ibi sæpius apparent. Secunda Tipula caput majus habet, oculos prominentiores, antennas quatuor exiles, corpus luteo nigroque colore jucundè varium, alas obscuriores. Tertia fere similis, sed corpus totum luteum 6. vel. 7. maculæ nigræ magis adornant; habet item tam mas quam



fæmina caudam trifurcatam. Quarta species rara & perelegans videtur, capite & maxime ore furcato, scapulis turgidis, brevioribus pedibus, corpore duplo cæteris crassiore, dorso nigricante, Ventre & lateribus croceis, cauda mucronata & nigra. In sepibus versatur æstate, rarius in campis reperitur. Coeunt dictæ Tipulæ averlis caudis, atq; ita volant; recurvantur tamen quandoque, velut in complexus.

CAP. XII.

De muscarum usu.

Minuta ista animalcula, passim omnibus odiosa, non tamen omninò contemnenda sunt, in varios ab Omnipotente usus creata. Primum enim ex illis præfagia tempestatum discere possumus: deinde nobis medicinae sunt agrotantibus, varijsque tum avibus, tum piscibus alimentum præbent. Dei quoque omnipotentiam ostendunt, justitiam exequuntur, diligenti-

gentiam hominum & prophylacticam illam sapientiam acuunt atque adaugent. Quæ omnia suo quodque loco probabimus. *Præfagia quod attinet* : Muscæ atrocius quàm solebant mordentes, os & oculos hominum aliorumve animalium petentes, pluvias significant : unde Politianus,

Sittensis, ænuoris

Musca redit, summosque proboscide mordicas artus.

Fortè quia pluviam ingruente magis eluriunt, ideoque ad levandam famem victum diligentius quærunt. Hoc præterea animadvertendum est, pluvia vel tempestate appropinquante, muscas ex supremo aëre ad infimum descendere, & quasi in superficie terræ volare. Quinctiam si in aromatis frequentes appareant, pluvie imminenti signum exhibent. Si verò ubique multæ fuerint & numerosæ, atque ita diu duraverint (ex Alexandri Benedicti & Ioannis Damasceni testimonio) pestem prædicunt, quippe quòd totum ex parva putredine ortum, habuisse haud poterant. Variè item in Insomnijs per muscas ludit natura, si Apomafaris apotelesmatis fides habenda. Nam Indi, Persæ & Aegyptij, muscas in somno apparentes hostilem nuntium vel morbum significare docuerunt. Si Regi vel exercitus duci plurimæ muscæ inter dormiendum, quocunque ista loco affuisse videbantur, eodem in sollicitudinem incidet, atque maiorem ob casum militem, aciem deletam, & victoriam amissam. Si pauper vel plebeius idem somniaverit, in morbum incidet acutum & fere letalem. Si quis muscas os naræve suas ingredi putaverit per quietem, cum ærumna & dolore ruinam ab hostibus imminentem expectabit. Nec solum anni dierumve tempestates prædicunt, sed medicam nobis sylum adaugent, & morbos curant. Nam Galenus è Sarano, Asclepiade, Cleopatra, & alijs, medicamenta contra alopeciam exscripsit : iisdemque nunc solis nunc mixtis usus est. Sic enim in libro Cleopatrarum de ornatu scribitur : R. muscarum capita, g.v. contere et affrica capiti alopecia laboranti, & certò sanabitur. Asclepiades plurima muscarum capita recens avulsa nudis partibus affricuit in alopecia, præsertim exulcerata. Confert enim (inquit) muscarum sanguis partibus ex nitrosis medicamentis exulceratis, vel alijs erosifis. Soranus cyathum unum integrum muscarum ad extremam siccitatem torrefactum cum alcyonio, sulphure vivo, felle suillo ac alijs, ad alopecias commiscuit. Quidam ijs pilos urfinos, calami atque filicis radicem, & castanearum corticem adiungunt ; eoque medicamento non solum alopeciam, sed quodcunque pilorum defluvium, & ex quacunque causâ, raritatem emendant, loco affecto prius ad ruborem ulque folijs ficulneis perfricato. Alij sanguinem è capitibus muscarum fluentem solum adhibent : quidam per decem dies cinerem earum applicant, cum chartæ vel nucum cineribus, ita ut tertia pars sit muscarum cinis. Alij lacte mulierum vel cum brassica muscarum cinerem subigunt, quidam cum melle tantum.

Plinius. Eodem modo Haly & Marcellus capita muscarum comburunt ; ac pro linimento miscent cum melle. Brassavolus, in lib. de morbo Gallico, sanguine & cinere muscarum utitur ad alopecias. Ad palpebras gignendas huiusmodi medicamentum Plinius præscribit. R. Muscarum mortuas in potu clarent, infirmioribus verò pauciores. Muscas in varijs oculorum morbis non Haly tantum, Galenus, Plinius atque Archigenes, sed neoterici etiam laudaverunt, præsertim verò in suffusione, lippitudine, distorsione, & crithis palpebrarum. Ex muscis vulgaribus aqua per balneum destillata, si oculi vesperi

intus

itus laventur : maculis & pterygijs quatuor hebdomadarum spacio liberantur. Capilli si ea sæpius madent, in immensum crescunt. Vas autem autumnio sepeliendum, & materia sub hyeme destillanda. Hujus duabus guttis in aures infusus surditatem tolli narrat Gesnerus, medicamentumque istud Iudæo cuidam refert acceptum. Mutianus ter Consul, quadam observatione viventem muscam in linteolo albo collo subnectebat, quo remedio arceri lippitudinem affirmat Plinius. Muscæ impari numero confricatæ, medici digiti furunculis mederi dicuntur. Muscæ tabariæ cum aceto potæ hirudinem gutturi inhaerentem eiiciunt. *Haly Abbas*. Napellaris musca, non solum Napellivirus, sed cuiusque item veneni retundit; asserente Avicenna, atque Iulio Scaligero assentiente, ex quo ista Antidotus: R. aristol. rot. Mithridatij anna ʒij. terræ sigillatæ ʒss. muscas Napellicolas n. 18. succi citri. q. s. misce. fiat opiatum: nam (inquit Scaliger) adversus tarantulæ, vel cuiuscunque maleficæ bestię morsum vel napelli virus nulla cum hac est comparanda Theriaca. Idem quoque docent Gainerius & Petrus Apponenlis. Imo cum nulla non fere musca vomitum provocet (ut ex Arnoldo dicemus) cur non omnes alexiteriæ putentur? Cardanus muscam Absinthigenam æque commendat. *κωλλισα δὲ τὰς χερσὶ καὶ ὀφθαλμοῖς διδωκελίας*, ne ignota dum medicamenta affectamus, nota perdamus. Oleum de muscis sylvaticis in magno pretio fuisse memorat. Sed nec modum conficiendi, nec usum docet. Musca commans & deglutita vomitum violenter provocat. *Arnoldus*. Audivi quendam (inquit Gesnerus) solitum dare tres vel quatuor muscas intra corpus, atque alium inde optime solutam. R. florum genistæ, g. 5. ponantur in vase terreo cum butyro alternatim strato, quibus vas impleatur, ac optime clausum in fimo equino solem versus per annum sepeliatur: post annum muscas invenies ad unguenti formam redactas, quæ omnem dolorem, in quacunque corporis parte fuerit facile sedant, ut ab amico & authore fide dignissimo accepimus. Nonus, muscarum magnarum capite ablato, reliquo corpore digitis contrito, parvum abscessus tuberculum inungi jubet, & valetudinem promittit. Aegineta item pro murium stercore muscas pari mensura substituit in succedancis. Fortius Poeta puellam Germanicam triennalem in ediam muscarum esu tolerasse auctor est. Si jumentum urinam non reddit, vel si urina genitalia adusserit, musca viva naturalibus inserta opitulatur. *Columella*. Ad equi genitale prolapsum urinario meatui muscam imposito. *Pelagome*. Nec modo hominum jumentorumque salutis auxilio sunt, sed etiam in multorum animalium cibum creatæ videntur. Nam araneorum quadam genera muscas venantur, iisdemque vescuntur. Hirundines muscis, & fere solis vescuntur, adeo ut solum propter hirundines muscæ factæ putentur: & sanè absque ijs esset, vix viverent hirundines; eaque ratio est cur ipsas serena tempestate, in sublimi; pluviosa vero in infima aeris parte venentur. Himantopodi quoque aves præcipuum pabulum præbere narrat Plinius Est & anatis species major, quæ Tigurinis *Muggent* vocatur (quasi anatem muscariam dixeris) magnitudine & figurâ domesticam referens, quæ muscas supra aquam volantes citò rapit, et pro cibo utitur. Chamæleon, quem multi solo aëre cibari falso scripserunt, muscis vescitur, quas linguâ sex uncias longâ velocissime quasi vibrando exerta subito ferit, attrahitque & deglutit, ut ipsi proprijs oculis anno 1571. animadvertimus. Motacillæ (ni fallor) omnes muscis vivunt, sed præcipuè illa circa caudam albicans. Germanicè *toden 'vogel*, quidam melius muggentischer appellant, id est, *μυγαδίζον*, sive muscivorum; solis enim muscis vescitur, ut Bellonius scribit. *Zygaine* majores muscis item vescuntur, quas inter volandum hirundinum more capiunt, nunquam frustratæ, ut sæpius magna cum voluptate conspeximus. Carnivorarum muscarum vermes, Angli

gli *Magots* vocant, & *gentles*, mirum in modum piscibus arident: his hamis affixis ad capturam rochæ, perca, Cypriani, aliorumque piscium (præcipue si in melle servantur) piscatores non frustra utuntur. Truttæ humiperâ musca (Anglicè *the gay path fly*) & musca stercoraria imprimis alliciuntur, quare piscatores singulas aut binas hamo affigere solent, & lusoria, vel potius fraudulenta lineæ retractæ, ne truttas avidius invitare, ut escâ affatim deglutitâ cæritus pendcant. Alij hamos his muscis onerant quantum possunt, ac in fluminis fundo demergunt, præsertim ubi grandiores truttas versari in compertis habent, quæ escam humi delatam lubentius appetunt, avidiusque ad jacturam usque animæ devorant; ut a Gulielmo Bruero accepimus. Musca ex Phryganiâ orta idem facit (quam Angli *Cados fly* appellant) uti etiam quæ stercori humano solens insidet. Verùm alia alio mente grata est; id quod piscatores nostri optime noverunt, qui in naturalium muscarum penuriâ, artificiosas substituant, ex lana, plumis vel filo serico varijs coloribus tincto affabre factas, quibus pisces fallant, atque prolestant. Videndum tamen ut a primo statim morsu retrahas lineam, ne piscis insulfam escam respiciens evadat. In Astræo fluviò *πυρροχρως* pisces natant, muscis indigenis supra aquas volitantibus victitantés, quos cum piscatores adeo ipsis gratos perspexerant, capere illas muscas & affigere hamis coeperunt. Verùm primo quoquo tactu colorem nativum perdunt, & pennæ decidunt, ut piscaturæ inutiles profus reddantur. Quamobrem artificiosis muscis ad illarum similitudinem & colorem fabrefactis, (nisi nos Aelianus fallit) utuntur. Lana item purpurea, & versicolori, in muscæ formam compactæ gallinaceas duas cerei coloris pennulas adjungunt, atque ita naturalem illam muscam graphicè referunt. Ex quibus muscificam istam scientiam antiquam esse & à priscis usque temporibus ductam statuimus, utcunque audaculi jam quidam & arrogantes harricolaræ sibi illam ascribant. Nec miremur piscatores & pisces muscis adeo insidiari, quum id operis Domitianus Imperator vel Cæsare haud indignum putarit, qui in cubiculo ferreo stilo muscas parietibus adherentes, ad unam omnes, (Suetonio teste) transfixit; & ideo si quis interrogasset, *Quis est intus cum Cæsare*. Servi responderunt: *Ne musca quidem*. Deiverò virtutem quam validè animalcula ista, parum sane valida, demonstrant? Contemplare enim vel minimum muscilionem, & quomodo in tantillo corpore, pedes, alas, oculos, promuscicem aliâque membra omni filo minora concionè adaptavit altissimus ediffere. De volatu, quam sui nominis vel decuplo majorem meruit? Nonne omnes multis parafangis cursu præit? Nonne altius promuscide penetrat, & dolia vini integra exhaurit? Elephas, magnum illud monstrum animalis, sæpius à muscis molestat; atque illas leonem domare posse fabella elegantissima narrat Aesopos. Tantum abest, ut earum ferre morsum equi possint, aut ursi, multoque minus oviculæ, catelli, asini, nisi humana prudentia ipsis in auxilium venisset, & *πυρροχρως* illa virtus prævaluisset. Hinc *μυρτοεισ*, sive muscarij, coriacei, straminei, setosi, inventio promanavit, Anglicè, *as flye flappe*: nec non illud flabelum orbiculare longo bacillo affixum, & selectissimis pavonum plumis contextum, de quo ita olim Propertius,

Lambere quæ turpes prohibet tua prandia muscas;

Alitis eximia cauda superba fuit.

Indi ex boum, Germani ex vulpium caudis, quidam ex tenuibus salicum virgulis, alij aliter muscaria conficiunt; quorum formam Aelianus, Vegetius, Ovidius, Grapaldus, accuratè scribunt. Quum item Elephantro cancellata cutis, pro juba, pro villo est (ut Plinij verbis utar) nec serarum ullum tegumentum, nec in cauda quidem præsidium videatur, abigendo muscarum tædio illum lino vel serico totum vestiunt, atque ita servant immunem.

Ne boves, jumenta vel alia animalia a muscis petantur: ungantur oleo in sartagine fixo, vel adipe leonina, & muscæ ipsæ non insidebunt. Origanum tritum ad laeuorem & illuc idem præstat: succo foliorum cucurbitæ, si pilos inunxeris: non parua rei admiratione à muscarum viribus liberabuntur, hoc mihi saepe utili fuit. *Cardanus*. Baccæ lauri in pulverem tenuissimum redactæ, & cum oleo coctæ, eandem habent virtutem, si illinantur, uti etiam boum & equorum saliva. *Africanus*. Sape muscæ jumentorum vulnera & ulcera ingrediuntur, unde ex vermibus illarum scatentibus malignitas accedit. Primum igitur expurgatis ulceribus, confestim linimenta, ex pice, oleo veteri & axungia intus extraque, adhibet Columella, serumque lactis cum cinere postea applicat: Fere per ætatem sic muscis canum aures exulcerantur, sape ut totas amittant. Quod ne fiat, oleo inungi debent. *zoo. lib. 1. c. 10*, in Dryini præsertim serpentis squamis latibula habere dicitur Actio, quæ tandè ipsos serpentes exanimis reddit: hæc pennis areis donata *χαλκίμυρα* vocata àb Hesichio, *ἢ χαλκίμυρα τῆ χαλκίμυρα*, cum cantharis vescitur, & mori calore in serpentibus ingentem parit, deinde sitim inexplebilè & mortem. Horum pastæ cadaveribus si postea hominem momorderint, lethale insigunt vulnus & insanabile. Merdivora muscæ plurimæ sunt, alia est Creophago similis sed major, oculis obscurè rubentibus, scapulis atratis, in quibus circulus oblongus paucillum albicans; dorsum nigrum, ex lineis transversim ductis ornatum. Alæ argenteæ, corpore longiores, circa stercus humanum plurimum versantur; alias perrarò. Est et musca viridis toto corpore, splendore nimio quasi lanterna l' unica pellucens, capite fusco, alis argenteis, in sylvis frequens, circa stercora fere versatur, vulgaribus muscis magnitudine æqualis. An sit *Giacinal* sylvatici ignoro. Aliam *zoo. lib. 1. c. 11* deprehendimus, muscæ viridi minore, corpore fulco, capite rubro saturato, lineâ medium quasi caput secante. Aliam item vidimus, corpore hirsuto, subflavo, oculis nigris prominentibus, scapulis et dorso nigro pulcherrimè maculatis, caudâ sublutea. Alia item est cui scapulæ dilutæ rubent, ad croceum colorem parum accedentes. Duas habet Antennas cæteris longiores, alas argenteas, totum corpus tegentes, caput nigrum quadratum & exiguum; in stercore, potissimum equino, frequens affidet. Denique in sterquilinijs (unde eas gigni probabile est) muscæ quædam crocæ apparent, corpore reliquis magis oblongo ac gibboso de quarum generatione supra diximus. Muscam item raram, nec ubique obviā, murum ex aggesto fimo & materia putrescente factum depascantem vidi, omnino nigram, absque alis quatuor argenteis fuisset. In scapulis etiam quatuor puncta alba, in reliquo corpore octo, *id est*, utrinque quatuor. Oculi albi, frons candido veluti asterisco notata, ex qua duæ antennæ nigre & longæ emergant, habet item in supremo quoque femore album punctulum aspersum. Hanc muscam, etiamnum in pixide mortuam & conditam varietatis causâ custodio. Bombylophagus, musca est, montana, magna, nigerrima, corpore hirsuto, oculis oblongis, magnis, capite spadiceo, prædæ causâ acrem Bombylio pugnam init, & volatu superans dorsum agilis conscendit, ei que tenaciter inhaerens tam acriter mordet, ut hostem præcipitem in terram mittat, & melle qualicunque; absorpto, victrix abeat. In summis Cartmeli montibus, se hanc pugnam, donec acies staret, conspexisse memorat in schedis Pennius, sed fortuna muscis favente, Bombylios vita fuisse ejectos narrat. Atque de *Zoophagis muscus hactenus*. *zoo. lib. 1. c. 12* dicuntur quæ rebus ab animalium natura diversis victum quaritant, earumque alie terestres, alie vero aquaticæ. Terrestrium alie humo ipsa vescuntur; & sudore ejus; alie plantis, herbis, succis, & floribus ibidem exortis: Illas Humifugas (libet enim *ὀρεκτοφάγους*) has vero Herbivoras appello. Humifuga corpore est fusco, in capite juxta os albicante macula replendens. Venter & pedes nigri: secus alarum exortum macula utrinque

albam

albugerit, dorsum griseum. In scapulis secundum longitudinem quatuor lineas obscurius albicantes obtinet, alas argenteas, & (si in aquam positæ fuerint) noctilucas. In semitis & talparum tumulis recens egestis invenitur, amat enim humum pedibus complanatam & laxigatam; unde ab Anglis vocatur *The gray path fly*: floribus raro insidet, ea præsertim tempestate quando talpæ terram evertunt, cujus se humore sustentant. Herbivorarum variae sunt species; quarum tres apibus fere similes, Luciano *γυνήϊδος* dictæ, id est militares. Sunt enim aliis muscis grandiores, animosiores, magisque athleticæ, aspectu pulcherrimæ, alis argenteis duabus per insignes. Harum maxima et primaria caput nigricans habet, dorsum medium inter duas lineas transversas veluti decussatum, extrema cauda nigra. Alias corpore est luteo. Secunda non multum dissimilis, capite nigricante, scapulas quatuor lineæ flavæ & tres nigrae secundum longitudinem ductæ ornant, reliquum corpus eodem fere modo & ipsdem coloribus est distinctum. Tertiæ atque minimæ harum scapulæ flavent hirsutæ, caput rubet, reliquum corpus quatuor lineis nigris totidemque flavis per transversum actis distinguitur. Omnium corpora splendent, ac quasi inania translucent. In hortis versantur, & floribus assidentes succum eliciunt. Lucianus militares muscas ita describit: Nascuntur inquit) & maximæ quædam muscæ, quas militares multi appellant: nonnulli vero canes; sonitu asperissimæ et volatu velocissimæ. Hæ et longissimæ vitæ sunt, & totâ hyeme incubatæ perdurant: contractæ præsertim & connexæ tectis & culminibus. In quibus & illud est admiratione dignissimû, quod utrumq; & faminarum & marium faciunt, ut Mercurij et Veneris filius, qui mista natura fuit & duplici formâ. His forte *αργαῖος* est alia musca apiaria dicta, cum splendore nigra, bipennis, cerilega, collectos florum steccos posterioribus pedibus affigens apum more. Autumno apparet, rarissime alijs temporibus. An hæc Aristotelis sirenis? sanè alarum tantum numero dissenxit, quoniam illam *πτερόδελος* fecit, hæc vero duas tantum alas, à natura consecuta est. Aliæ item sunt muscæ herbivoræ atq; florilegæ, licet non apiformes, sed *σπιδιπτερος* atque *κεντράριος*, ipsamque hirundinem repræsentantes *χελιδόνιοι*. Struthiopterôn tres species vidimus. Prima tenera est & mollis, sepes, binis alis, aluo oblongâ, à capite paulo supra oculos duas veluti strathiorum pennas præmittens, ceu cornua, lanuginosa molliuè ne ipsis quidem plumis cedentia: scapulis utitur gibbosis, reliquo corpore albo, nigris suis alis longiore. Secunda est, ejusdem generis colore albicante, capite fusco: aliàs parum differt. Tertia est omnino similis, sed antenna s adeo molles, & plumosas non habet; cauda albicat, corpore oblongo, quatuor albis lincis transversis insignitur, pedes longiusculi, albo nigroq; colore distincti: dum gradus confert, caudam paulatim elevat, atq; alas binas translucentas veluti jactabunda diverberat. Hæ tres species verno tempore, cum primis apparent, in hortis, sepius atque umbrosis locis, post atq; ante pluvias frequentes. Erinopteros tota alba est musca vel potius argentea, exigua, & ubiq; plumosa; adeo ut dum folijs insidet, nisi penitus intuearis plumam diceret: alæ illi quasi dissectæ, separatis pennis avium ferè modo disjunctæ. Ab Edmundo Kniveto depictam accepit Pennius: deinde in sepius & linguâ rinis roparijs sæpius vidit. Musca *χελιδόν* dicta, volatu post se omnes relinquit, lateribus caudâ, capite, fusca & pilosa, oculos nigros habet propendulos, rostrum vel potius nasum mucronatum; & cujus apice antennæ duæ erumpunt, scapulæ summæ, ut & dorsum, nigra: alæ duæ argenteæ, quarum partes anteriores, pedum nigredini respondent. Quandoq; in uno loco residet, veluti immobilis, verum ubi propè accesseris incredibili celeritate oculos fallit, & ne hirundini quidem celeritatis palmam (unde dicta Hirundo) unquam concedit. Aliam muscam florilegam à doctissimo Carolo Clusio accepit Pennius, nigram, alis duabus argenteis præditâ, oculis albis conspicuam, in dorso septem

maculas luteas habentem, in quorum medio punctus niger cernitur. Muscæ item in fabis repertæ, varij coloris, sed potissimum ex purpura albescentes; quas ego ex Midis provenire conjicio. Hæ siquidem ubi deliverint (quod fit media ætate) subito harum muscarum ingens numerus excrescit, & in fabis triumphat. Napelli muscam non vidi, verum quæ in absinthio ex grana illis nigris stipiti adhærentibus, milio longe minoribus proveniunt, nigredine Mauros superant, parvitate tantum maximâ notabiles.

Εφμερα, mirabilis musca, sive formæ, sive vitæ brevitate spectemus. Nomina plura habet; ab Aeliano *ἰσημια* ab Hesichio, *μνημια*; ab alijs *μνημια* vocatur: Latini Diariam appellant; quatuor alis, totidemque pedibus movetur; quippe quod non solum vitæ suæ brevissimæ ratione proprium id meritò habeat (inquit Philosophus) sed etiam cum quadrupes sit, volucres quoque est; una cum sole oritur, adolescit, vigescit, languescit, moritur: plures verò non videt. Sub solstitio æstivo ex folliculis quibusdâ uvarû putrescentium diaria ista animalcula erumpunt. An vero folliculi isti (vel qui ceu folliculi videntur) sint chrysalides quædam aberucis peculiaribus, vel vermibus potius in aqua degentibus provenientes, non proclivè est ostendere; tacet enim illud Philosophus, ex quo hæc tota fere historia petenda est. Plinius tenues membranas vocat. Aristoteles utriculos, esseque in Hippæne fluvio apud Cymerium ponti Bosporum frequentes affirmant. Vitam agunt brevissimam, atque optimam; quippe naturalem diem non superant, & sub vespero, ut vitæ, ita miseris terminum imponunt. Suo interim succo animulam sustentant, neque aëri neque terræ quid debent. Hinc natalium *μνημια* conjectari licet, imò admirari atque optare. Horum insectorum Cicero primo Tusculan: meminit eaque (nisi me nomen fallit) Matthias Michoides libro secundo de Sarmatia Europæa describit, in hæc verba: Scias (inquit) in fluvio Russiæ & Lithuanæ, præcipuè in Boristhenæ & Boti, tempore æstivo ephemeras muscas multiplicari. Sunt enim vermes, & volucra alata, quaternis, interim senis alis, manè supra aquam currendo, circa meridiem juxta ripas volando sese exercent: sole verò occidente, quotquot eo die sunt natæ, eodem obeunt. Quæ sane descriptio ab Aristotelica historia multum differt; primo quod sub aurora vermis est repens: deinde instante & valescente meridie, solum volat; præterea quod alijs sex alas concefferit præter sententiam Aristotelis. Iulius Scaliger in suis doctissimis contra Cardanum exotericis exercitationibus Ephemerum describit hoc modo: Ad Sarcam & Bennacum Lacum frequentem vidimus vesperi muscam *ἰσημια* dictam, mane nullam conspeximus; capta, noctem tantum vixit; quatuor oblongas gerit alas; pedes quot: nescio: sin sex habet (non enim memini) de nostro Ephemero actum est. Caput quale muscæ; oculos grandissimos, promuscidem in se convolutam: ventriosum est caudam habet longissimam sectiunculis coaggestatam atque, coaptatam, in extremo bifidam etiam in quibusdâ trifurcatâ, colore subaureo in majoribus, subfusco in minoribus illustrè. Taurini *Μονιερὰ* vocant, quasi monachellam. Adriatici ad Meranum & Tergeste *Сухотинум*; à nostratibus, *Sitinola*, id est, Sagitella nominatur. Aelianus lib. 2. de animal. Cap. 4. alia insecta ephemera nobis proponit, & fece vini acedentis vitam & originem trahentia: quæ apertò dolio ut in lucem suscepta sunt, eodem die vitam amittunt: nam ingredi quidem in vitam natura illis dedit, malis verò eidem annexis celerim liberavit, priusquàm vel propriam vel alienam calamitatē sentiant. Nisi hic Bibiones intelligat Aelianus, quid per hæc insecta velit, equidem nescio: nostri quippe vitatores alia circa dolia animalcula nunquàm viderunt. Scaligeri vero Ephemerū ad *μνημια* retulisse, nisi ipse ad hanc classē relegasset. nec Pennij *μνημια* sive triduanā muscā, ob figuræ similitudinē in medium proponere pigebit, ut varietate & raritate animi studiosos tū explcantur. Corpore est

est oblongo, & papilionari: caput ei paruum, subluteum, oculi grandes, promi-
nentes, nigri, promuscis involuta, verbasci lutei coloris; quo rorem à floribus
fugit: Cornicula duo nigra, longiuscula, paulo supra oculos affixa: venter ac
dorsum sublividum, extrema cauda fere lutea. Pedes quatuor tantum, quorum
posteriores sublutei, priorum extemitates nigrae. Alas habet quot pedes, qua-
rum exteriores lividae, extremis fimbrijs ex fusco subluteis, interiores ex fusco
flavescentes. Alæ externæ, cum ad corpus tegendum conjunguntur, adeo sunt
contiguæ, ut vix aut ne vix illarū contactum videre queas. Tardivola est mus-
ca, nec diu in volatu durat: triduo à prima luce expirat: inter malas & vrtices
vitam agit: hanc Petropoli Anglorum invenimus anno 82. testefq; rei verita-
tis habemus perhonestos ac omni exceptione majores, hac Pennius. In floribus,
vel potius florum calicibus herbæ illius quæ *Ben album* à plurimis vocatur, la-
tent muscæ quædam florivoræ, exiguæ, nescio an ibidē ortæ, an aliundē trans-
volantes. Videntur ob loci teporem & pastum eò confidere; ut ab eruditissimo
suo amico Doctore Brouno Pennius se admonitū fatetur. Bibionem item hac
classē censere placuit, quia vino, id est, depurato uvæ succo unde & orta est nu-
tritrix. Illyricè *Vinis robale*. Germ. *Wein Worm*. Anglicè *Wine Fly* vocatur.
Cardanus muscilionem, Scaliger non male Volucellam atque vinulam appel-
lat: nam & abvolat in cellis frequens, & præter vinum nihil appetit. Explora
captam, & nullum ei rostellum inesse credes: aiunt tamen dolia unciali robore
confecta ab ijs ita pertundi, ut totum aliquando vinum effundatur. Forte has
intellexit Grapaludus, dum sic scriberet: *At muscille, muscula, musciones, in vi-
naceis per autumnum nascentes, & mustea pocula sedantes, in mensa ad brumam
merito non proveniunt*. In occidentalis Angliæ urbis cujusdam agro (*Tanton
vocat*) in fructu mali arboris, quem *Velin* appellant, æstate ad umbilicū mor-
tua, musca reperitur viridis ac splendens: malo enim dissecto musca evolat:
ex vermiculo quodam ibidem orto gigni videtur: Amygdalis amaris contusis
vel nucibus Græcis illinendæ sunt: ubi jam ulcera sunt facta, picem liquidam cū
suillâ adipe coctam affundi convenit. Quæ ricinos arcent & enecant maximâ
ex parte cynomias abigunt. *Columella*: Prophylacticâ verò hominum sapien-
tium, muscarum quoque auxit audacia: nā cum foris, domique essent mole-
stæ, nihilq; tam servari clam posset à cocis quin adessent hæ ibi confestim &
edulia corumperent; Melanthium, Sambucum, ebulum laurum, coriandrum,
helleborum, buglossum, borraginem, salviā, betā, lysimachiam, origanū,
basiliconem, hyoscyamum, staphidem agriam, melissophyllum, rhododaph-
nen, piper, spondylium, zizania, aconitum in ædibus straverunt, suffixerunt,
coxerunt, rebusq; muscis placentibus immiscuerunt. Quidam aut pigmentum
lacte, mulsâ vel sapâ tritum & aspersum obijciunt. Decoctum crocodili mus-
cas abigere scribit *Rhasis*: qui etiā arsenici citrini suffitum cum olibano com-
mendat. Dioscorides calchanti suffitum laudat. Atramentum librarium ex di-
luto absynthij temperatum, literas à musculis tuetur. Plin. Semen hyoscyami,
veratrum nigrum, & argenti spuma cū polenta trita & subacta, butyroq; aut
adipe nidoroso quasi in offulas redacta ac melle parū inuncta, muscisq; expo-
sita eas occidunt. *Actius*. Fel leporis cū lacte mixtū, vel cū aqua coctum, & in
ædibus aspersum, omnes muscas fugabit. *Anonymus*. odore vini cū melissâ di-
stillari, muscæ & vermes enecantur. *Lullus*. Si muscas unum in locū cogere ve-
lis, tritam rhododaphnem in foveam injice; succus etiā spondilij aspersus idem
præstat. *Actius*. Caudâ lupi in ædibus sepultâ, non intrabunt in eas muscæ. *Rha-
sis*, *Avicen*, *Albertus*. Axungia & resina liquidior implicat, oleum suffocat,
ærugo enecat muscas. Casia oleo intritâ si quid illeveris, à muscisturum erit.
In nostris regionibus (inquit Petrus Crescentius) fungus reperitur, latus &
crassus, in suprema parte parum rubens, ibidemq; multas bullas vel tubercula

emittens, quorum quædam rupta, quædam integra. Fungus muscarum dicitur: quia cum lacte in pulvem redactus muscas perimit. Si quis Heraclitem lapidem in manibus habuerit, etiamsi melle fuerit inunctus, muscæ tamen ad illum non advolabunt: hac ratione probatur num sit verus Heraclites, an vero non. *Actius*. Regis Cambajæ filium veneno enutritum scripserunt, qui ubi ex cythebis migrasset, adeo venenosus fuit totus, ut muscæ primo suctu cutis turgida interirent. *Scaliger*. Si musca in oculum involarit, alterum comprimere prodest. *Aphrodisæus in Problem.* Si Tabanus vel Asilus (muscæ species) Camelos, ut fit in Arabia, afflixerint, cetorum & omnium piscium adipe eas inunge, & statim avolabunt. *Plinius*. Solion in Geoponicis lauri baccarum decoctum jumentis aspergi jubet, & utrosque per naturalem quandam antipathiam subito abituros affirmat. Siverò ab Asilo jumenta fuerint jam percussa, cerussa ex aqua obline. Tabani moriuntur (inquit Ponzettus) quando proponitur ijs oleum decoctionis scyncorum tritorum cum axungia porci, & farina fuliginis. Quineriam noctu ad pastum ducantur boves, ducentibus astris, interdiu septis clauduntur, frondibus substratis, ut melius & mollius conquiescant. *Virgil*. Vel ad nemora condensâ ducantur, ubi propter visus hebetudinem liberè non volitent, Plura contra muscas Ruellius in Hippocratem, Apollonius & Brixtus. Nunc quomodo Dei quoque justitiam exequuntur, paucis scribamus. Insignem illum muscarum exercitum nulla conticecet atas, quo summus ille cœli terrarumque Polemarchus Pharaonis olim atque Aegyptiorum in Israëlitas furorem cum *adversus* junctum correxit. Sed nihilominus ad sanam mentem non redijt improbus hypocrita, sed peccatorum cœno, sine sensu omni volutatus, graviora deinde supplicia invitavit. Et superbum illum nepotulum alato quadrupede in cœlos usque volantem, invisum à Iove cœstro dissectum perhibent. Herculem item, quamvis fortissimum, à muscis ferè devictum narrant Poetæ. Tempore Regis Rivalli, quo morum corruptela & noxa Britanniam infecerat, sanguinei cælitus imbres defluerunt, ijsque exarescentibus è sanguineo veluti seminio muscas venenatas prodixisse Annales memorant, unico solo morsu lethiferas. Nicolaus Albanopolitanus Anglus, ad Cathedram Romani pontificis electus, anno 1154. Hadriani Quarti nomen obtinuit, advolante in os ejus muscâ, præcluso spiritu diem obiit. *Vrspergensis*. Alij haustu aque, in qua musca submergebatur enecatam tradunt, atque hoc justo Dei judicio dum fulmine Tarpeio Fredericum Cæsarem (cognomento Barbarossam, vel Aenobarbam) feriret, ac Italiæ contra cum Principes incenderet. *Naclerus ex Joanne Cremonensi*. Refert item vetus scriptor muscarum veluti colluviem Iuliani Apostata exercitum afflixisse, & Megareses à sedibus per illos pulsos author est Grillus. Anno 1348, muscæ numerosissimæ de cœlo lapsæ incredibilem factorem putredinemque in oriente concitarunt. Secuta pestis populum ita penè omnem exhaustit, ut vix decimus hominum superesset. Anno domini 1091. muscarum ignotarum maxima copia per multas regiones volitavit, atque herbas, arbores, jumenta, homines variè punivit. *Cranzius*. Anno 1143. Muscæ vulgaribus æquales sed corpore diductiore, infinito numero aërem sic occuparunt, ut per multa miliaria Solis lucem eriperent, omniaque turbarent. *Vrspergensis*. Anno 1285. Carolo Gallorum Rege exercitum in Hispaniam ducente, ac cum Petro Aragonum Rege bellum gerente, exercitus grandium muscarum, varij coloris in Gallos impetum faciens, promuscide non secus quàm gladijs eos occiderunt. Marineus Siculus lib. 11. de Hispa. reg. Anno 1578. circa medium Augustum in Brumbiensis templi fastidio ingens quasi examen muscarum quotannis etiamnum confidere atque maximo inter volandum fragore tecto minari, retulit Pennio Timotheus Brightus, medicus, doctrinæ, virtutisque

virtutisque nomine apud nos non incelebris. Huc quoque pertinet quod à Strabone lib. Geogr. 3. memoriæ mandatum est: Romanis læpe pestem ex multitudine muscarum contingere solere, adeò ut quosdam constituere cogerentur muscarum aucupes, qui secundum mensuram prædæ mercedem acciperent. Quantam verò Africa, Apulia, Hispania, Italia, atque India occidentalis incolis molestiam exhibent, quàm gravia Carthaginensibus, & Hispaniolæ civibus vulnera infligunt; præter Oviedum Angli dixerint, quotquot eò Equitum illum florem Franciscum Draquum, Hispanicæ superbæ malleum comitati sunt. Quæ vero de muscis Apollonius, Fulgofus & Plinius fabulosa superstitiofaque; narrant, hoc loco esse arbitror indigna: & propterea muscas Pisatides, Cyprias, Elidas, Actiadas & cæteras parvis figmenti transeo. Non abs re tamen fuerit, veterum Gentium insaniam paucis perstringere, ut ad Deum verè ^{amplius} oculos tollamus. Herculem ferunt rem divinam obeuntem, quum à muscis propemodum interficeretur, Iovi sacrificasse ^{amplius}, easque protinus in Alphæum amnem esse delatas, vnde Iupiter Muscarius dicebatur, sive abactor muscarum. Pausanias. Elei Myagram & Myadem deos invocabant, ne muscarum multitudo pestem gigneret. Plinius. Refert item Cyrenaicos solitos fuisse Achorem, deum muscarum venerari, ut ejus virtute ab earum molestiâ securi viverent. Fortè rectius Acaron vel Hbekron pro Achor legisset Plinius, si Acarontis oppidi nomen audivisset, quo Bahhal-zebub, id est, Muscarum dominus, insigne illud idolum, colebatur. Vrspergensis dicit Diabolum in specie Muscæ frequenter apparere, unde nonnulli genium (uti vocant) familiarem Muscam vocant: forte item ad illud alludit Plautus cum diceret,

*• Hic pol muscæ est mi pater,
Sive profanum, sive publicum, nil clam illum haberi potest,
Quin ad sit hic ibi illicò, & rem omnem tenet.*

Sed valeant isti larvati & fecibus peruncti Dij, quos Græci ^{τρυφω} *τρυφω* ^{salvatos} *salvatos* ideo vocarunt, quia forte pueris, indoctis, gentibus terrori sint. Christianos autem & verum rerum Creatorem fatentes, ne tantillum moveant. Alius item usus muscarum perhibetur. Nam apud quosdam cautum memorat in Artaxerxe Plutarchus, ut quisquis per audaciam legum placita risui & cachinno haberet, diebus viginri in Archivo vinctus cyphone perseveraret, ut nudus melle & lacte delibutus muscis apibusque pabulo esset: elapsis deinde dictis diebus, muliebri indutus veste, de monte præceps deturbabatur. Quo Plutarchi loco (pace interpretis dixerim) pro *vinctus cyphone*, *unctus cyphi* legissem, est enim thymiamatis compositio (ut idem Plutarchus ait, & Dioscorides docet) ex melle, vino, & uva passa, aliisque rebus muscarum genti gratissimis concinnata. Hujus supplicij quoque meminit Suidas in Epicuro. Erat etiam majoribus supplicij genus, quod scapharum supplicium appellabant. Læx enim legum majestatis convictus, intra duas scaphas claudebatur, capite, manibus, pedibusque extra propendulis: pro potu mel cum lacte infundebatur; quibus item caput & facies fuit aspersa; deinde ad solem conversus, muscarum instantium numerum allexit, atque ipse interim intus earum vermibus scaturiens tardè computruit. Quæ quidem severitatis exempla, ut veteres in noxios & improbos homines ostenderunt, ita contrà Hispani, in Indijs, infantes plurimos nudos pro gentis more melle inunctos ædibus arcent, & foris in muscarum longè atrocissimarum pabulum exponunt. Sed hæc Nemeſis responderit, quæ facinorosis à tergo imminet; imò singulismomentis adesse videtur. Vltimus denique muscarum usus (& is quidem non contemnendus) apparet, ut cum ipsa um nullæ hyemem tranſeant, imò quædam dieculam non superſint, fragilitatis nostræ sæpius recordemur, vitæque hujus caducæ incertitudinis;

itudinis, quæ licet exquisitissimis epulis, mollissimâ veste, modis medijsq; præstantissimis aliquandiu colitur; tamen cum spectatissimè floret, celeritè marcescat, & cum muscis autumnum, nedum quidem hyemem, vix ferat; *ἡρόμει* sumus Pindari iudicio, & umbræ somnium: & cum muscis ipsis, imo plusquam muscæ *μύσκα*: illarum enim caducissima diem vivit, nostri aliquot sætus vix quartam horulæ partem aliquando attingunt. Abi igitur Tyranne quisquis es; leges pro arbitrio condito; pios affligito, audaciam viribus adjicito; omnia turbato, scortis Genioque indulgeto: Tandem *ἡρόμει* ille Iupiter muscas arcebit, et te exanimem redditum varijs post mortem pœnis exercebit.

CAP. XIII.

De Culicibus.

Hebraicum.

Arabicum, *heagi*.

Italicum *zenzala, zinzala, sanzara, sanzala*.

Germanicum, *moche, m' u' ucke schnack, flinger, braem*.

Flandricum *Mesien*.

Polonicum *Komor, Welchikomor*.

Moscoviticum *Coomor*.

Hispanicum *Moxquite & mosquito*, unde à nautis nostratibus *muschite* dicitur.

Gallicum si minor sit *moncheron*, si grandior, *bordella*.

Anglicum, si major sit *gnat*; si minor, *midges*.

Latinum *Culex*, fortè ab aculeo, ut Isodor. Vel à culeo quod & corium significat. Verùm si ipse *ἰτρομόνης* esse auderem, *Cuticem* legerem non *Culicem*: quia ipsam potissimum affestat. Vnde hyeroglyphicè amatorem significat, quoniam ut *Culex* cutem maximè formosam appetit, & ad sanguinem usque percutit, ita & amatores: quod mihi Plautus innuere visus est, dum Parasitus (ni fallor) senem præter ætatem in amasio datum, & scortilli labijs affixum ita corripere, *Eho, tu nihili cans culex; vix teneor, quin quæ decens te dicam*.



Ræci generale, quo omnes culices comprehendant, nomen non habent; ut vicissim Latini, quibus Græci abundant, particularium culicum nomenclaturis carent. E' Græcis vocabulis *κύμα* amplissimum videtur, unde Oetæi Herculeum conopium venerati sunt, quia culices ex eorum provincia fugasse credebatur. Idem Apollinis Culicarij nomen in Atticis fuisse, Alexander Alexandrinus testatur. Boeotij Parnopionem Apollinem coluerunt, quoniam culices abegit, *ἰα ἐστ*, in eorum idiomate *παρνοπίων*. Pausanias. Verùm cum contra omnes culicum species unicam herbam *κυρίαν*, sive *culicariam* efferant Græci, *κύμα* generalissimum videri nomen merito debet. Monstrat id etiam reticulare illud velum lætis prætextum & à Græcis acceptum, quod illi *κανοπίον*, atque Angli etiam hodie vix parum alludente nomine, *Canopy* vocant, ad quoscunque culices illaqueandos aptissimum.

Culex muscarum species videtur; ut illæ dulcia, ita hic contrà acida affestat. Verùm muscæ coeunt; Culices non: illæ per diem molestissimæ sunt, culices per noctem; illæ obmurmurant, hi altum & jucundum canunt. *Ajas* habet

habet duas, pro analogiâ magnas, ex gibbosis scapulis orientes, sex illis crura valgia, vaccia, prælonga, è pectore prominente, & quadrato nascentia, cum ut melius ambulent; (Aristotele teste) facilius lese humo attollant: corpus oblongum, uti & proboscidem obtinuit culex, mulcarum proboscide triplo longiorem, cujus acuto mucrone pertundit cutem, tubi vero cavitate sanguinem exugit, quo etiam pro ore & lingua vitur. *Plinius*, Sonum edit truculentum, & pro corporis ratione maximum; unde Homerus in Batrachomyomachia culices signi datores facit his verbis

καὶ τότε κύματα μεγάλας θαλάσσης ἔχοντες
δαίον ἐσάπιον πολέμῳ κίπτον.

Aristophanes in Nubibus Socratem deridens, Chærephontem introducit quærentem: utrum putet culices per os an per podicem sonum emittere. Tamen in Avibus *ἰχθυίαι* vocat; ubi scholia exponunt *ἰχθυίαι*, videtur sane proboscis à natu rē data ad sanguinis per cutem sectionem & pastum, non ad cantum (inquit Pennius.) Verum ne illi hac in parte assentiar, sensus prohibet: etenim adversi culices acutiùs canunt, averse graviùs, id quod fieri siane haud possit, si posteriori parte sonarent. Mirabilem culicum structuram, haud quis sine causa cum Plinio mirari possit. Nam in his tam parvis, atque tam nullis insectulis, quæ ratio? quanta vis? quam inextricabilis perfectio? ubi tot natura sensus collocavit in culice? ubi visum in eo prætendit? ubi gustatum applicavit? ubi odoratum inseruit? ubi truculentam illam & poitione maximam vocem ingeneravit? quâ subtilitate pennas annexit? pedum crura? disposuit jejunam caveam quasi alvum, quæ sanguinis avidam & potissimum humani sitim accendit: telum verò profodiendo tergori quo spiculavit ingenio? atque ut in capacium cerni non possit exilitas, ita reciproca geminavit arte, ut fodiendo acuminatum pariter sorbendoque fistulosum esset. Mores illorum malè conciliati videntur & malè habiti, tum quod formosiores lubentiùs vulnerant, tum quod dormientes, infantes nihilq; mali cogitantes: unde natum proverbium de homine insigniter injusto, κύριος ἀδικῶν. Culex sane improba bestiola (ut *Æliani* verbis) dies noctesq; homini tum morsu tum strepitu inimica, præcipuè juxta aquas degenti, de quo ita Tertullianus contra Marcionem lib. primo; *sustine si potes culicis subam & lanceam: nam non solum sono arguto turbat, sed lancea cutem incidit, imo venam.*

Culicum distinctio perplexa & obscura, omnes quidem Philosophos exercuit: qui præ dubio verborum apud aucthores sensu, res ipsas propemodum confuderunt. Nobis vero magnitudine potissimum & malignitate differre videntur. Sunt enim majores, minores, medij, & minimi. Majores *ἰαίαι* dici debent, quia palustribus & maricosis locis, versantur, oriuntur, cibantur. Corpore sunt oblongo, gracili, duabus alis præditi, quas non supra corpus expandunt, mulcarum modo, sed rectà supra humeros, elimatas, politas, & quasi comatas. Abundant nemoribus ad mare & paludes confitis, non solum circa metam incognitam, Noruegiam, Russiam, aliisque frigidissimis regionibus (ut *Olaus* magnus notavit,) sed in India occidentali, Hispaniola, Peru, nec non in Italia ad Eridanum, Padum, Adriam, Argentam: ubi multi maximiq; visuntur, morsu crudeles & venenati, triplices caligas, imo ocreas item perforantes, & nunc venenata, dura, livida, tubercula, nunc item vesicas dolorificas, nunc punctula pruritus plena linquentes, qualia Hippocrates in Epidemicis in Cyri fullonis phrænetici corpore annotavit. Quandoq; verò terebrata vena sanguinem adeo exugunt, ut postea saturi abierint *ἀντομαίοντες* effluat per guttas, quemadmodum in equis à Tabani morsu videmus. Itali se vestibus coriaceis contra muniunt, sed vix aut ne vix quidem illorum stimulos quacunque ratione evitant. An hi sint æstyges inevitabiles, quarum Theophrastus

phrastus meminit lib. de caus. pl. f. cap. 4. non est mihi in promptu dicere (inquit Scaliger doctissimus:) neque tamen aliæ videntur, nam & illæ non gignuntur in loco dissilabili, neque tenui fruuntur aëre, sed in paludibus vespertur atque nascuntur, ut ad Adriam, Argentam &, Padi fauces. Verum si sicut sint, aptissimum ab odio nomen invenerunt. Qui autem in calidioribus regionibus ad fluvios & paludes degunt, maligniori sunt ingenio atque aculeo, ut Massarus Gesnerum docuit, & nostrates Angli in Hispaniola metropolis expugnatione sub Draquo imperatore animadvertunt. Sunt alij his paulo minores, colore, forma, compage, persimiles, morfu & moribus mitiores, locos æstate umbrosos, hyeme etiam nivosos colentes, juxta sepes & arbuta, mutuis quasi cursibus colludentes, & alius alium veluti a calce ad carceres provocantes. Rariùs mordent, & mordendo sanguinem non sugunt, sed potiùs serum salsum sudoris pabulum eliciunt, unde tuberculum tantum, durum, pruritus jucundi plenum excitant. Has duas species *καίματα* Græcis præcipue vocari puto, alias vero alijs nominibus fuisse donatas. Sunt adhuc in Anglia, præsertim aquilonari, duæ aliæ tertæ & quartæ magnitudinis culicum species, præcedentibus multo minores, sed quantitate inter semetipsas plurimum distantes. Hi, tanquam periti milites, certa figura (pyramidali nimirum) semper provolant, & quamvis infinitæ, figuræ tamen suæ aciei fines nemo transit. Sursum deorsum feruntur, noctu oculi, & dicto citius, in latera aciem deducunt, totumque subito exercitum in cornua dispersiunt; quæ sive muscario, sive pulvere, sive aquâ affusâ, sive spiritu violento fregeris, coeunt tamen confestum & ante digiti crepitum in pyramidalem sese formam omnes recolligunt. Facies oculosque itinerantium numerosi infestant, & subinde mordent: adeo multi sunt & frequentes, ut ex quibus vermiculis oriantur conjectura assequi nequeam. Rustici ex uligine putrescente provenire eos, forte non male autumant. Hi culiculi æstivi mense Maio frequentiores, vapore aqueo ali videntur: intestinum siquidem ijs tenuissimum, album, fere invisibile, spumeo albo tenuissimo, & nullius penè tenacitatis humore plenum est: longius ab aqua quandoque & circa ædificia agminatim volitant: hominum item capita circumfluunt juxta pontes, loca à flatibus libera amant, aërem turbulentum, quantum possunt, evitant; nam a flatibus huc illuc aguntur. Hos Angli proprio nomine *Midges* appellant. Nunc ad alias culicum species, prout à Græcis nominantur transeamus. Sunt autem præcipui, *ἐμπίδες*, & *χάρυδις*: de quibus ordine dicemus. *Εμπίς* ὁ δὲ καὶ καὶ σπονομασθίδμων, καὶ ὁ δὲ τῆς σποτροχῆς, κατὰ δὲ τὸ μέγεθος λευκὰ πηλοῦσμενος: unde apparet Empidem albo cingulo à natura esse ornatum, & locis aquosis natam. Sonum etiam argutum edit culicum modo: quare Chærephon a Socrate in Aristophanis nubibus quærit, An existimet *τῆς ἐμπίδος κατὰ τὸ σπῆν ἄδον*, ἢ κατὰ τοῦ σποτροχίου? Hefichius *ἐμπίς* quoque dicit *ἐμπίδα*, quia fallus Aristotelis autoritate, cæstros ex ipsis nasci putavit: quos antea ex hirundinibus procreari fusè probavimus. *χάρυδις* γάρ ἐστι ἐκ τῶν ἀκαρίδων, αἱ δὲ ἀκαρίδες γένονται ἐν τοῖς τοῖς ὀφθαλμοῖς, &c. Aristotelis Hist. 5. cap. 19. Quæ Theodorus Latina hoc modo fecit: Culices Muliones ex Alcaridibus gignuntur, hoc est Tipulis. Tipulæ fere in puteis, & ubicunque aqua se colligit, terrena subsidente concretionem, oriuntur: sex enim primum putrescens, colorem *candicantem trahit*, mox nigricantem, ultimo cruentum: talis cum fuerit, minutissima quædam & rubra specie algulæ prodeunt, quæ ad tempus hærentia, suam ad originem moventur, deinde absoluntur, itaque feruntur per aquam Tipulæ vocatæ, tum à paucis diebus erigunt se super aquam duræ & immobiles, mox disrumpo putamine Empis emergit ac insidit, donec vel flatu vel sole motus volare incipiat. *Hæc Gazæ*, Nihilominus (absit tanto viro injuria) eum variè hac interpretatione lapsum ostendere nullius negotij

negotij rem esse existimo. Cur enim Empides Muliones vertit, qui non amplius uno die vivere feruntur, & solo melle vescuntur: quod sanè è locis maritimis aut maricosis tam citò obtinere haud possent. Liceat enim mihi (salvo Plinij atque Pennij iudicio.) Muliones Melliones vocare; haud enim mulos curant, aut fagunt, sed mella, quorum item fragrantiam longè percipiunt: rostrum habent picij arborei intar, longum & acutum, quo mella liguntur, & crapulâ disrumpit statim expirant. Titubavit item *Γαζα*, ut mollissimè dicam, dum Ascaridas Tipulas verteret. Nam Ascarides (sive in aquis; terra; aut intestinis nascuntur) parvos significare vermiculos nemo dubitat. Præterea Tipulæ in superficie aquæ semper versantur, rarius aut nunquam fundum petunt. Denique cum ipsæmet Tipulæ ex Ascaridibus proveniunt, quis ipsas esse Ascaridas rectè putarit? *Ψύλλο* Culex ficarius dicitur, non quia ex vera ficu nascitur, sed ejus fructu alitur & sustentatur. Nascitur enim ex vermiculo Caprifici fructibus ingenito, quos ubi *παράγει* nequeat natura, & ad fici dulcedinem perfectionemq; producere; animaligena quadam virtute; (ne quid frustra fecisse videatur) ex granis ejus putrescentibus culices producit? Imo non est Culex *παράγει*, aut accessorium operæ quæ parabatur (ut Scaliger doctissime notavit;) vel si fit, videtur sanè, *τὸ παράγειν ἡ γλοσσίνη ἀξιώτην τῷ πύλλο*. Proposuit natura caprifici fructum perficiendum, rem vilem: non potest; vertit operam illam plebeiam ad operosiores functionem, quippe Culicem. De his Culicibus Plinius hæc verba habet: Caprificus (inquit) culices parit, hi fraudati alimento in matre, putri ejus tabe ad cognatam volant, morfuq; ficorum crebro, hoc est, avidiore pastu, intus solem secum primo inducunt, cerealesq; auras immitunt foribus apertis. Mox lacteum humorem, sive infantiam pomi absument; quod fit & iponte: ideoq; ficetis caprificus præmittitur ad rationem venti, ut status culices evolantes in ficus ferat, qui ubi ingressi fuerint, turgent fici, & celerrimè maturescentes altum tumescunt: unde mulierem paritadini proximam (imo & recensinitam) *ἡδωσιμύλην* Græci vocarunt. Compositos item & cinninnatos Pathicos caprificatos dici folere, Græcus ille Iambus testatur: *ἰδοὺς κομὴν τῆς θεῆς ὡς ψυλλῆς* ad Caprificationem alludere putat Turnebus Adrianum Imperatorem, dum Floro molli Poetæ pathicam fæditatem sub nomine culicum rotundorum bilioso satis joco exprobraret. Dixit enim Florus;

Ego, nolo Cæsare esse,
Ambulare per Britannos,
Scythicas pati pruinas:

{ Cui Cæsar }

Ego nolo Florus esse,
Ambulare per Tabernas,
Latitare per popinas,
Culices pati rotundos.

Quum vero ex Caprifici fructu ad ficum demigrant, tanta festinatione, rupto cortice, evolant, ut magna ex parte pedem vel pennam post se relinquunt. Ex granulis grossorum gigni eos ex eo argumentum peti potest, quod granorū illa expertia reperiantur. *κοιλ* (à nonnullis *καυτ*) *ἀπὸ τῶν κωίστην* dictus vellicat enim homines, & mordendo pruritus excitat, culicellus est, Conopi similis, qui licet fico insidendo *φύλλο* videatur, *γινώσκαι μάλιστα ἐν τῇ δρυὶ* (utor Theophrasti verbis) *καὶ δοκῶσι ἐκ τῆς γλυκύτης ὑγρότης* *τῆς ὑπὸ τῶν φλοιῶν σπυρμαίνον*. Quem locum Plinius sic quasi interpretatur. Sunt & culicum genera aliquibus arboribus molesta, ut glandibus, qui videntur ex humore dulci nati subdito corticibus. *Culices* item *κόπρη* Theophrastus vocat, quotquot *ζωοποιεῖ* natura in ulmo, nabo, rapis, polio, lentisco, Terebintho, alijsq; arboribus, vel cum vel sine putrefactione progignit. Hos vel similes, sed nonnihil majores, Cursus lib. 13. horrensum juglandium non minimam esse pestem affirmat, & a Lugdunenſibus *Bordellas* appellari. Galeni iudicio *τὸς ὀφθαλμοῖς τῶν ἀνθρώπων δυνάμις* *ταῖς*. Humor ulmi folijs aut potius vesicis prima germinatione inclusus, si auer-

rit in *κρίσις* mutatur. Alias in Autumno fert *Canchryes* vocatas, multas, minutas atque nigras. *Symphorianus*. Hortos præcipuè riguos incolunt & infestant, & plurimas ferè herbas tondent atque abradunt ex quercus pilula (malum vocant plebeij,) & gallæ foraminulentæ meditullio, ut Velarandus Insulanus Pharmacopœus Lugdunensis diligentissimus notavit, frequentes prodeunt, uti etiam ex herbis sane permultis, non tantum ratione putredinis, sed potius ex principiis quibuldam alteratis, & successivis operis ad meliorem quandam naturam digestis. Origines in Exodum, his animaculis Deum tertio Pharaonis pervaciâ correxisse author est: quæ (inquit) pennis per aëra suspenduntur, sed quasi invisibilia, atque stimulo tam subtiliter & cito cutem perforant, ut quam muscam volitantem non videas, pungentem sentias. Sic fere omnes reliqui antiqui interpretes Originē secuti *ορίσις* interpretantur. Vnicus Tremelius, (*Hebræica* linguæ & sacri codicis interpretæ fidelissimus) aliter sentit, qui colluviem animalium interpretatur, ac si culices atque muscæ omnimodæ venenatæ, & molestæ, veluti conjuratione facta, agminarim venissent, & per examina à Deo ad conterendam Aegyptij superbiam immisissæ fuissent. Trabis vel pyramidis instar in aëre sublimes videntur; præcipuè vesperi juxta sepēs sursum deorsum, imminente calore sub sole, appetente pluvîa, sub umbris volitantes. Forte eædem sunt cum Anglis *midge*s; & ab *Albertis schægen*, Itatorum *Zenzalis*. Barbarorum *Cinijes* non discrepant. Culicum genus quoddam est, quos Græcis *κρίσις* *κρίσις*; Latini Herculeos vocant, ignavia & malitia fucos referunt, & non nisi sui nominis & cognationis aliquem affligunt. Vbi enim alios culices sanguine & humore plenos viderint, ob cibi prædam illos post pugnam interficiunt, quum ipsi inertes vivant, nec quicquam nisi cibum aliorum opera quæsitum venentur. Observarunt item Majores nostri genus culicum acescentem naturam gignere è vini fecibus: quos cum ego buccinantes nunquam audiverim, potius Vinulas Scaligeri muscilliones statuerem. Nec me movet Niphis sententia, quod acida petunt, (Culicum more) dulcia aspernantur: quum ipse alibi eos succo stercoreis bovini (quo quid dulcius potissimum nutriri affirmet. Anglicani culices minus severi sunt, & gravia symptomata non excitant; minutuli verò illi crudeliores sunt; attamen à morsu maculas tantum prurientes, pulicum instar relinquunt. Culices Americani præsertim *Tetin* dictæ, adeo lancinant, ut gravius etiam indutos acerbè vulnerent. Iucundum deinde videre est, quàm ridiculè ab ipsorum morsu Barbari frigutiunt, manibusque cruzæ, nates, humeros, latera, brachiaque, ceu auriga flagello equos, stridulè diverberant. Culices circa metam incognitam, sed magna equitis nostratis Frobiseri operâ diligentiaque jam notam, & portum Nicolai, ac etiam variis alijs in locis septentrionalibus, miræ magnitudinis, & non pauci etiam visuntur; ut nautæ, ac etiam Olaus magnus affirmant: Causam multitudinis perpetuitati calor is ob diem prolixitatem attribuit Cardanus; magnitudinis verò humoris a quo illi & pingui, qui gelu diuturno concreverat. Verum cum in calidis India regionibus (Oviedo et experientia testibus) æque magni, multoque plures culicum species, & copiæ reperiantur; vix nobis, ut cunquē sibimet ipse, satisfacit Cardanus.

De culicum generatione variè disputant mystæ. Albertus aquosos vapores illorum materiam esse affirmat. Aristoteles culices è culicibus generari negat, nisi mediante vermiculo, ut muscæ. Verum cum omnino non coeant, quo tandem pacto id fiat, equidem non video. Culices ex cossis provenire primus docuit Pierius: è vermiculis autem in napo, ligustro, lentisco, terebintho, ficu, caprifisco, alijsque arboribus veluti seminum sparsis, & per non putrescentem, sed animantem naturam natis, culices prodire nemo non novit. Insectum longis

longis admodum pedibus, (inquit noster Bruerus) quod culicem majorem ob formam ei similitudinam merito dixeris, in lacuna valde fordida inveni, ex theca coriacea molli sese proripiens. Videbatur mihi ex verme aliquo eruce simili ibidem incluso ortum duxisse: casula enim talis intus fuit, in qualem se eruce transformant. Anculex, an *ancilex* dici debeat, dubitavit author. His (uti cunctis damnificis insectis) brevem valde vitam Deus noster misericors præscripsit, ut scilicet æstivi, hyemem; hyemales æstatem non attingerent.

Varios tamen in usus eos creavit Deus, sive ipsum, sive creaturas reliquas, sive nosmet intucamur. Neque enim solos Myntios, Mynsios, Aftabaranos, Arrhetenses, Guauicanos, iusto dei iudicio per culices civitatibus pulsos, & in solitudines actos, ex Paulania, Leone Atro, Aelianò, Indicisq; historijs legimus: sed etiam Aegyptiorum Tyrannum, omnium quos orbis peperit terrarum, illorum exercitu victum fuisse, sacri testes (Iove omni antiquiores) commemorant. Horum minimum Papa excolare gutture non potuit, sed vi ejus suffocatus miserè periit. Quanto cum impetu Iuliani Apostata exercitum adorti sunt? Quam eum terga vertere, & inanimem jacere coegerunt? Considerent ergo defectores à fide, & rem rectà supputent viā, de quæ creatoris viribus, potentiā, gloriā altius cogitent; cum in creaturæ abjectissimæ corpore non ferendum stimulum, & mucrone quovis acutiorem perpendant. Neque ijs solum ad homines malignos & malos puniendos, sed in humanam quoque salutem conservationemque utitur. Nam circa Neroen Aftabaras, tantam leonum copiam audaciamque narrat Strabo, ut nisi Culicibus maximis (totam regionem circumfluentibus) expellerentur, ne in munitis quidem urbibus tuti ab eorum insultu viverent cives. Idem in nonnullis Mesopotamiæ locis usu venire Ammianus Marcellinus commemorat, ubi leones a Culicibus iñ salutariq; remedio fraudati, in fluvios sese agunt præcipites, & à gurgitibus absopti suffocantur. Aegyptijs item olim letales (nunc auxiliares feruntur ab Herodoto) quod teneras & impennes axillas vulnerant, mortiferāque plagā interimunt. Quinetiam absque ijs fuisset, periisset forte vesperilionum, ranarum palustrium, & hirundinum ripariarum species, quæ culicibus insidiosi solisque vesci scribuntur. Quod vero Gaza *κατακλέπτει* (pici Martij speciem dorso cinereo) *Culicis legam* interpretatur, non consentit cum eorum natura. Nam illa coxis vescitur, non culicibus, quos rostro ex arboribus tabo marcescentibus evellit. Fraudi illi fuit nominis amphibologia; quippe tam illi vermes quàm Culices Græcis *κίττις* dicuntur. Si qua autem avis fuerit, *ρυτίλη* proculdubio esse contenderem, quæ *κατακλέπτει* Hefichio & Varino appellatur. Psenes dicti culices, ficibus maturitatem conciliant, lacteum humorem absumendo, Solisque radios secum unā insinuando: ideoque in ficetis caprifico aluntur, ut inde statu evolantes, in ficus ferantur. Plin. Ex quibus Plinij verbis constat, Caprificacionem nihil aliud esse, quàm rationem quandam perficiendi, ut culices è grossis nati ad ficus advolent, humoreque earum lacteo absumpto ad maturitatem perducant: id autem solet fieri duobus modis; aut enim circa ficeta ita solebant disponi caprifisci, ut ventorum statu culices è grossis prognati ad ficus ferrentur; aut grossi aliunde petiti, & colligati in arborem injiciebantur, & propterea bestiolam scarabeo similem, quam Græci *καρφαβον* appellant, voce sua culices abigentem, & deprehensis vescentem, ficitores arcere solent & enecare. Videntur etiam Culices è nobis vatium vulgo pluris esse debere, quòd dierum tempestates nullā quæstus causā prædicunt, idque certius multò & verius, quàm qui ex Apollinistripode natos sese jactitant, atque in Cumanæ nutritu diu habitos. Nam si *κατακλέπτει* divergente sole colluserint in Aprico, calores prælagiunt; si in

umbra, pluvias tepidas & mites; si vero una acriter prætereuntes pupug-
rint, frigidam tempestatem, & valde pluviosam expecta. Quando è Galla
vel pomo quercino circa testum Michaelis culex eruperit, bellum hostile
prænuntiat; si araneus, caritatem, si vermis, fertilitatem. *Mizald.* Si quis
aquam in monte vel valle invenire cupiat, observet (inquit Paxanus in Geo-
pon:) solem exorientem, & ubi culices (*ὡς περ ὄνιδας*) sese trabis instar con-
torquentes viderit, ibi subesse aquam portendunt. Imo nisi nos ludos facit
Apomafaris, de culicibus insomnia hostilem nuncium morbumve significant:
idque tanto gravius, quanto principaliores corporis partes magis appetere vi-
debuntur. Anno Domini inter Sionis & Shenæ Anglorum monasteria
tanta in aere *κλιμακία* visa est, ac si meridiei nox plane illunis supervenisset.
Duravit per horas quatuor pugna, donec acies steterunt: tandem magna
utrinque strage edita, tot culicum cadavera in sepibus atque semitis con-
specta sunt, ut scopis lata agrosque verrere necesse haberent. Subsequentum
Monachorum exilium. *Stom.* Sed hæc Oedipus curarit & Hortensij Sphing-
ges; ego ad certiora me confero. Magno quoque usui sunt nobis culices,
quum I hymallus piscis (Aeliano auctore) nullo alio cibo capitur aut inesca-
tur. Verum ut aliquando utiles, ita plerumque molesti esse solent: eamque ob
causam diviniior illa hominum pars ex naturæ, experientiaque adytis, reme-
dia contra adhibuit. Quare suffitus facti ex malicorio, chamæleonte, lupinis,
absinthio, melanthio, pinu, coniza, helenio, cedro, raphano, cumino, ruta,
canabe, fimo, galbano, castorio, cornu cervino, unguibus caprarum, stercore ele-
phantis, sulphure & vitriolo ad culices fugandos. Præscriperunt item hujus-
modi composita medicamenta. R. rad. helen. 3j. ammoniaci thymiam; sty-
racis. ana 3j., testarum ustarum 3ij. his omnibus igni injectis, vestes suffiantur,
ut fumum excipiant. *Aliud.* R. cedrinam linguam in pulverem redactam, &
cum atramento futorio suffito. *Aliud.* R. vini feces siccatas, & cerussam, ana,
cum calchantho & bubulo stercore suffiantur. *Actius.* *Aliud.* R. atramenti
sectorij, seminis melanthij sylvestris, cumini ana part. æquales, cum stercore
bubulo suffitum para: Vapore item aceti acerrimi & origani fugantur. *Aliud.*
spongia aceto imbuta & in ædibus combusta: Absinthium item cum oleo ra-
phanino inunctum præservat a Culicibus. *Novus.* Muriam recentem, vel
tuliginem in cubiculis aspergere jubet Palladius. Ruta madida decocto conizæ,
& in angulis ædium relicta, culices enecat. *Ruellius.* Si humentis canabis
floridam corollam vel circulum circa lectum locaveris, nullum tibi nego-
tium facient culices. *Geopon.* author. Si te oleo vel thuris manna illeveris,
illico aufugient. Hortis riguis arbores, plantasque a culicibus infestas accen-
so galbano liberari author est Plinius. Prodigiosum autem, ne dicam super-
stinosum videtur illud Rhasis remedium, nescio ex quo Democrito præsti-
giatore desumptum; ait enim pilo equino in medijs foribus suspensio & allig-
gato culices non ingredi. Cur item acetum Culices enecaret, quod natura
usque sitiunt atque appetunt: nisi forte vapor illius rei eos perdat anhelitum
auferens, (ut sæpe fit,) cujus non substantia enutrients alere possit. Apollo-
nius Tyaneus (ut Tzetzes chil. 2. scriptum reliquit) effecit, ne Antiochiam,
& Byzantium civitates ullus culex vivus intraret. Caterum cum non liquet
rei modus, liquecet fides. Græci tentorium quoddam & velum retiforme
excogitarunt, lincum, laneum bombycinum, sericumve; quo triclinijs lectis-
que circumfuso, culicum aditus vitabant. Nostrates palustrecola minoris
sumptus, sed paræ utilitatis conopæum primi omnium (quod legam) invene-
runt, & *Fencanapy*, id est, palustre conopæum vocant, sterces nempe bovi-
num patulum, planum, semiaridum & duriusculum, vel potius plura stercora
filo ad imum lectum suspendunt. Cujus odore illecti, atque succo, totam no-

tem

Item oppido repleti culices, homines mittunt illæ sos, somnumque dulcem, magni laboris mercedem, non interpellant. Misticario interdiu pavonino vel ex alijs rebus contexto abiguntur, nisi numerosi fuerint & valde pusilli, tum enim inuitis flabellis in oculos, aures, nares, atque os ipsum involant, majoresque animos fumentes acerbius affligunt.

C A P. XIII.

De Papilionibus.

Græcè, *ψαλῖον, πτερόν, ψαλῖον* dicuntur.

item *εὐρωδιδεύς, πτερίδης, πτεροδιδεύς, πτεροδιδεύς*.

sed generalius nomen est *ψαλῖον*.

Latine *Papilio*, *Ardoynus* campilonem vocat.

Isidorus *Auiciliam*.

Italicè *Farfalla*.

Gallicè *Papillon*, *Papilion*.

Hispanicè *Mari posa*.

Polonice *Motyl*.

Hungaricè *Lovoldék*.

Illyrice *Pupicla*, *meteyl*, *motyl*.

Germanicè *Pisnet*, *Mulk*, *Pfifsholter*, *Summer vucgel*, *zweifalter*.

Flandricè *Vleghebronsus*, *Botershyte*.

Brabanticè *Capelleken*, *Vlindere*, *pellerin*, *Boter vlieghe*.

Anglicè *Butterfly*.



ST autem Papilio insectum volatile, quatuor alis, non duabus, (ut *Descriptio*.

Constantinus Friburgensis somniavit) sex pedibus, oculis duobus prominentibus, totidemq; corniculis ignavis ante oculos enascentibus donatum: rostrum habent papiliones bifurcum, ac intra furcas rostellum longum absconditur, quo rorem aliæ diurnum, aliæ nocturnum sugunt. Coeunt averfis caudis, & quandoque reflexis, & in coitu non paulisper hærent sed diu. Ova non vermiculos (ut Aristoteles credidit) tam supra quam subtus, folijs affigunt & deponunt, magna, parva, flava, cærulea, nigricantia, alba, viridia, quædam quoque milij seminibus minora, alia duplo majora, alia æqualia; pro colore nimirum cujusque papilionis & magnitudine naturalis. Hæc ova, loco tepido reposita, vel radijs solaribus interdiu vegeta & fota, erucas excludunt sibimetipsis principio concolores, sed colorem postea mutant cum corporis augmento. Ex alijs ovis post quadriduum eruca repunt, aliæ non ante decimum quartum diem excluduntur, quæ paulatim vires acquirunt ac volant, sed languidiùs, imò nonnulla per hyemem ab injurijs frigoris servata integra perdurant, ut experientia in bombycibus satis confirmat. Post coitum omnes Papiliones non illic moriuntur, sed sensim tabescentes vivunt ad hyemem usque, & quædam ad solstitium hybernium. Tenuiorum brevia admodum sunt fata, duriores diutiùs supersunt: verno tempore apparent, ex erucarum aurelijs, Solis calore vegetantes, & aëris benignitate veluti obstericant exclusæ. Illarum adventus veris indicium plerumq; est: sed nec ubique nec semper. Nam licet infirmæ sunt nec, diu manent superstites: tamen hæc commentaremur (inquit Plinius) notatum est, proventum eorum ter repetito frigore extinctum, advenasq; volucres ad 6. Kalend. Februarii, spem veris attulisse, mox sævissimâ hyeme confictas occidisse. Haud mirari igitur debemus, fatuos illos & Icarios Astrologos tam sæpe nullâ ratione nixos falsa canere, quum & hic natura inconstans videatur nosq; ludat secundis causis additiores quàm oportet, & Motoris illius primi immemores. In

Anglia papilionum novum exortum etiam Autumno bis, memorat Pennius. Ego vero tamen non regem gelu diuturno atque intenso eas omnes occidere, attamen mediocriter perterunt, & locis tepidis frigidissimo quidem tempore supersunt. Quoties enim in ædibus per totam hyemem torpentes urforumque & serpentum more obdormiscentes in fenestris, rimis & angulis, conspiciuntur; ubi, nisi in arearum insidias se forte coniecerint, vitam ad ver usque sustinent. Omnes à sua eruca colore habere Aristoteles affirmat: verum (ut hoc concedam) præter illos colores alios obtinent, ut in particularibus historiis apparebit. Florentibus maluis maxime abundant, ex cujus floribus proboscide involuta rorem succumque, dulcem exugunt, ad corporis refectiorem, Liber de natura rerum de Papilionum coitu ortuque loquitur in hunc modum: *Papiliones post Augustum coeunt; à coitu statim masculus moritur: ex eorum siccitate vermes proveniunt.* Caterum horridiora hæc omnia sunt, quam ut imitentur veritatem. Nam mense Maio, Julio, potissimum coeunt; neque à coitu statim masculus ullus moritur, nisi ex eo Papilionum genere unde serifices illæ crucæ (Bombyces dictæ) proveniunt. Denique quæ stercore putavit, ova sunt, è quibus non vermes sed multiplices eruculæ oriuntur, è quarum vicissim capsulis papiliones. Species tot Papilionum videntur quot Erucarum: è quarum quæque aurelijs proficiuntur. Differunt autem hæc omnes, quod alia potissimum noctu volant, Phalænæ dictæ: alia vero interdum, vel diurnæ nominatæ. *Φαλανα* Rhodium atque Cyprium est vocabulum. Sic enim illi (ut Nicandri scholiastes testatur) animalculum (*περὶ τῆς αὐτῆς ἀναστροφῆς*) ad lucernas advolans appellant. Turnebus ex Nicolao, & Lycophrone, pro phalena accipit: à quibus quod candelas alarum motu atque impetu sæpe extinguit, *εὐφλανεσβίτης* dicitur: a scabritie & fursure ceæ polline quod diffuit, *Λαίνα* vocatur: & quia lucis amore in ignem sese earum aliquæ præcipitant, pyraustarum nomen obtinuerunt. Sunt qui Phalænam cicindelam interpretantur; sed minus rectè: cum cicindelæ lucernas neutrquam afficiant, sed nocte præferti illumi omnes gaudent. Germanicè *ein Leight mucken*, *ein liecht fliegen*, Helveticè *Flatterfchen* dicitur. Italicè *Farfalla*, Paviglione & Poveia. Angli Boreales nec non occidentales, *Saule*, id est, *Pfyschen*, *Animam*, appellant; quia (ut stultorum fuit vetus opinio) mortuorum animæ non nisi noctu volitant lumen quærentes. Nicander Phalænam his verbis describit,

*Φαλαίνα ἔσθ' ἵκεται πρὸς τὴν λύχνου,
Ἀκρόνυχος δ' αὖτις ἀπὸ λατῆς παρὰ σέθεν;
Σταγνὰ δ' εἰς αἴθερα καὶ ἔκ βυχλου, τοῖα κοίτης,
Ἢ δ' ἀπὸ σπληνός το φαίνεται εἰς ἑσπέρα.*

Quos versus Hieremias Martius Latinos fecit, hoc modo.

*Nunc animo perpende tuo quas barbara Memphis,
Bestiolas nutrit, volitantis imagine vermis:
Quem circum accensas petulantem nocte lucernas,
Sera cæna abigunt; angustæ cuius & alæ
Squalent, non viridi velut ipsa Comita colore,
Sed quandam veluti cinerem, dum prenderis, edunt.*

Ex his igitur colligere possumus, Phalænam esse Papilionis speciem noctivagam, luminis fruendi (unde nomen traxit) studiosissimam, hirsuto corpore & alis veluti cinere aut pulvere quodam levissimo conspersam; subter folia, vel obscuro quodam in loco interdum latitantem, noctu ad lucernas volantem, earumque desiderio semet ipsam in cineres redigentem. Rarè vel nunquam nisi erectis in dorsum alis provolat, ut Diurnæ contrà, semper juxta latera expansis. Antennas habent maxima ex parte vel hirtas & latiores, vel exiguas admodum & breves: Sed diurnæ longiores habent & in extremo tumerosas. Phalænæ ex erucarum thecis terra obrutis; Diurnæ ex aurelijs pendulis;

*Columnæ lib
9. cap. 11.
Isidorus lib.
12. cap. 8.*

*Papilionum
afficitur.*

pendulis; vel arborum ramis affixis proveniunt. Illæ scabræ fere omnes sunt, & pulverulentæ, noctivolæ, teneriunculæ; hæ contrâ planæ, læves, glabræ, nullo pulvere conspersæ; interdium volantes, duriusculæ. Diurno illæ tempore volant rarissimè ante appetentem vesperum, ne pulvis calore Solis, & siccitate arefactus, facile excutiat, qui pluvias non admittere solebat: hæ vero noctu volare nequeunt, ne ipsas medullas ros madefaciat nocturnus, volatumque simul, & salutem multum impedit: quare pluviosa tempestate & noctu sub folijs latitant; neque unquam nisi sudo cœlo serenoque evolant. Phalænæ non minus lumen amant ac lucem Papiliones: quare hæ astro diurno gaudent, sole nimirum; illæ vero nocturnis astris, lunâ nempe & stellis, candelarumque lumine, stellarum naturam splendorem & tonum imitantes. Phalænæ omnes sunt vel admodum magnæ, vel exiguæ. Maximæ Phalænæ venter arenosi admodum coloris est, uti & interna alarum pars.




Oculi cærulei videntur; caput vero lividum; inter oculos antennæ duæ emergunt subfuscæ, aquilinum referentes fucum, & nigris transversum lineis funem contortum imitantes. Scapulis veluti pannus quidam adhæret arenosus, surdus: aquo macula nigra decussatim tracta scapulas finit. Cæterum corpus, si dorsum spectes, cyaneum; si ventrem, arenosi coloris est. Alæ duæ exteriores permagnæ, aquilinas colore æmulantur; maculis albisque orbibus variè distinctæ; internæ multo sunt minores, atque mellinæ, intus furuis strijs, & maculis quibusdam insignes; crura habet lacertosa & valida, furui singula coloris, & in extremo duobus nigris digitis forcipata. Volat magno cum strepitu, & nocte exoculata, quemcumque splendorem ex ligno putrido, squamis piscium alijue rebus ortum avidè consequitur. Sicut magni Tyranni minorum gentium nobiles devorant & exhaustiunt: ita hæ nocturnæ diurnas Papiliones sub folijs latitantes alis diverberant atque occidunt.

Secunda primæ magnitudinis Phalæna, ut mole corporis nonnihil superatur: ita primam colorum harmagoge, tono & elegantia longe vincit: ac si natura in hac ornanda, pigmentariam suam omnem officinam exhausisset; atque illam primam, Regem Papilionum, id est, fortem, strenuum, nigellum, lentiginosum: hanc vero Reginam, mollem, tenellam, comptam, Vnioni-



bus,

bus, gemmisque confitam, opere plumato & Phrygio superbientem fecisset. Corpus lana quasi anserina, nonnihil levigatum & hirtum, Martes, vel fabellionis potius pellem mentitur; capite est parvo, oculis magnis prominentibus, antennis plumiformibus duabus, buxeum colorem referentibus. Alas habet quatuor magnas, singulas, multicolore oculo donatas, quorum pupilla nigra, iris ~~in alba~~, circulus & semicirculus mellinis, flammeis, albis, & nigris, pulcherrimè distincta. Externæ alæ ab exortu ad oras albicant, nigris quibusdam venulis punctulisque insignes. Oram ipsam peniculantum cum limbo ornat, exortu surdè fuscum; siue subflavum. Internæ alæ fuscæ videntur, uno quoque oculo superioribus conformi præditæ, tribusque institis ornatæ: harum prima plana est, media opere dentato excurrente (ignei utraque coloris;) extrema vero subalbida, & veluti à pellionibus assuta; cruribus incedit validis, hirsutis, lacertosis, ejusdem cum reliquo corpore coloris. Hanc Carolus Clusius Viennâ misit, tam eleganti forma notabilem, ut suspicere potius admirarique eam, quàm verbis aptis describere facilius sit.




Tertia est corpore magno, hirsuto, nigricante; singulæ alæ uno oculo notantur, cujus pupilla nigra, circulus fuscus, semicirculus albus. Varij quasi panni in alis conspiciuntur dilutè amethystini: fimbriæ vero alarû extremæ primum cinerei, deinde aquilini coloris videntur. Caput valde breve & exiguum, unum utrinque oculum coracinum emittit; pupillâ albiſſimâ insignem inter hos duæ antennæ valde breves, & exiles, fusci coloris erumpunt. Ex pilosâ enuca oritur, non glabra.

Quarta

Quarta caput habet magnum fusci coloris, é quo duæ antennæ rectæ & subnigræ surgunt. Collum miniatâ maculâ ornatur. pectus hirsutum, quadratum, fuscum, Scapularum pars anthracina, venter amethystinus, 5. vel 6. orbibus nigris dividitur. Pedes picei videntur, alæ leuiter fuscæ, subnigris in longum venulis satis conspersæ.



Quinta caput albescit, oculi nigrescant, cornicula aliquantû flavescunt, alæ exteriores longæ ex fusco atque albo surdescent, interiores leviter & quasi obiter pictæ rubescunt. Scapulæ nigerrimæ conspiciuntur, reliquû verò corpus subroscum, septem nigris circulis lineâ albescente per medium totum ventrem currente alligatis ornatum.



Sexta caput scapulæ quæ hirsutæ, atque exteriores alæ, sanguineis venulis lineatæ ex fusco albescent: Capitis oculi propenduli, hyacinthini videntur, vel potius cyanei. Internæ alæ nonnihil incarnatæ, oculû mediâ suâ parte representant, pupillâ corvinâ, circulo Iacynthino lucentem; corpus carnem arefcentem & leviter infumatam refert, sex quidem orbiculis ex nigro atratis notatum.



Septima alas habet exteriores albas, fuscis quibusdam maculis undulatis variegatis insignes; collum miniatâ quasi pellis circumcingit, ad totas deinde scapulas capucij instar decurrens: caput rubrum, oculi margaritei, antennæ flammæ videntur. Alæ internæ rutilæ, tribus nigris maculis lentiginosæ; pedes rubri, ventræque totus concolor, incisuris septem plenius miniatis & transversim ductis conspicuus.




Octava tota fere Bærtici coloris est, nisi quod omnium alarum extremitates buxæ videantur, uti etiam media antennarum pars.



Nona



Nona illi fere est similis, sed extima alarum pars arenam nigriorem refert. Cornicula verò lata habet & repanda, ex fusco albicantia: mediam exteriarum alarum partem candida rotunda macula adornat.



Decima parilem præ se fert magnitudinem, ex albo tota furvescens, nisi quod media alarum extremarum pars puncto admodum albo, oculus vero pupillâ valde nigrâ conspicitur.



Vndecimæ caput tuberosum, cornicula exilia, corpus atq; extima alarum pars lurum subactum æmulantur. Aliâs verò alæ totæ obscuræ argenteæ fuissent.



Duodecima videtur subcinerea, alis nigris quibusdam maculis infectis; oculos item habet nigerrimos, pupilla candida lucentes.



Decima tertia antennulas vix ostendit exiguas, toto corpore flavescit, præter oculos (qui exigui & nigri) atque alas quæ albidæ videntur.



Decima quarta varij coloris videtur, cornicula tuberosa nigra habet, uti & ocellos & pedes. Scapulæ albis quinque veluti plumis ornantur, quarum utramque mediam tres nigræ maculæ occupant. Alæ niveæ nigris luteis & cæruleis hic illic maculis pinguntur. Corpus illi nigro-cæruleum, articulatum, & juxta latera albicans; caudam pro arbitrio exerit vel recondit, mucronatam, subluteam, articulatam: totum corpus pulvere quasi conspersum; aliâs enim corniculorum tuberantium gratiâ in papilionum classem venisset. Ova numerosa ponit, sublutea, ac inter excludendum caudam exilem exerit, ac deinde pro libitu recondit.


Decima



Decima quinta cornicula duo habet, nigra, exilia; caput atque scapula hirsuta, fusci coloris; collum miniato torque decoratur, femora rubescunt. Alae extremae ex fusco & albo scutulatae vel undantes potius. Intima vero exactè rubent, maculis piceis infecta. Corpus leviter miniatum instat, sex nigrae orbiculatim circumeunt.



Decima sexta mira admodum videtur: si supinam videris ubique, xerampelinam dixeris; si pronam ex viridi lutescentem. Scapulas autem pronas quinque ruberrimae lineae deductae ornant. Sicuti & septem medio dorso puncta affixa reliquum corpus. Alae item xerampelinis transversim maculis vel umbris potius visuntur, quarum exortus à capite ad pectus usque infimum, albescente linea terminatur.



Decima septima. Hanc si compressis alis incedentem videris, fusca videtur; si verò expansis volitantem, alas interiores explicat coloris incarnati, sed nigricante limbo juxta oras distinctas. Corniculis donatur oblongis, & involuta quasi promulcide; canescentes scapulas macula arenosa rotunda inficit, latera item & corporis omnes articuli, ceu canis confiti & fimbriati videntur.



Decima octava. Clusius misit perpulchram: Antennae illi albonigrae, caput piceum, nasus aduncus, oculi circulus candicans, collum coccineum, scapulae hirsutae nigro quasi pallio vestitae. Alae exteriores nigris albisque institis interpolatae, interiores rubrae, nigris hic illic maculis ornatae. Corpus habet piceum, sicut & pedes: sed latera corporis septem utrinque maculae ornant sanguineae.

Huic etiam aliam misit affinem, sed antennis omnino coracinis, mediisque scapulis instita candidissimâ, ceu margaritarum lineâ ornatam.

Istarum omnium corpora magna admodum apparent.



Nunc de mediâ molis Phalanis orationem instituemus. Quarum *Prima* ferè albescit tota, nisi quod alæ exteriores nigris nonnullis maculis & lentiginibus; interiores vero quasi variolis & morbillis ruberrimis medio albescentibus fardantur: oculos item nigerrimos; pedes, antennis, subluteas habet. Nisi loco capillus provenit hirsutus, veluti in spiram sæpius involutus.



2. Corpus, totum hirsutum atque spadicum, cujusmodi alæ exteriores (absque maculis limbis fimbriisque albicantibus, & ocello luteo fuisset.) Antennas flavas nigra punctula adornant; internæ alæ calendulem colorem referunt, sed ocellis quibusdam & fimbrijs, uti exteriores nitent.



3. Alas habet quatuor albas; exteriores autem cæuleæ quædam venulæ affluentius sparsæ infuscant, duæque in medio, rotundæ, nigricantes, maculæ, adornant; linea circum alas ducta mellina videtur, qualis antennarum color; corpus, caputque nigricant; oculos habet albissimos, scapularumq; latera quatuor utrinque lineæ albissimæ obliquæ decorant.

4. Cor-



4. Cornua gerit repanda gruini coloris, corporis nigri latera canescunt. Alæ subluteæ nigris multis maculis serpentariam æmulantibus, inficiuntur, superius latis, inferius orbicularibus: fimbria alarum Vespertilionum more dentata & vixit spinosa, nigerrima est tota, quam intus sex utrinque inargarita posita commendant.



5. Tota est anthracina, nisi quod macula ex albo rubescentes alarum faciem adornant.



6. Corpore & antennis nigerrima, oculos albos obtinuit. Alæ illi subtus coracinæ; extrâ aureis villis, atque maculis conspicuæ, quibus vicissim lati clavi, nigri coloris, & argenteo quasi filo transfixi, adhærescunt: extimas quoque alas, mæander quidam ornat nigerrimus, auro subtus fuso, & quasi striatim acupicto.



7. Laticornis corpus nigrum canescens, nescio an dedecori sit magis quam decori. Alarum primordia, rubent; reliqua flavescit pars: utramque vero partem nigra tessera laminatim posita inficiunt, quarum extremitas lineâ unâ aureâ splendet.




8. Quatuor cornicula habet racemosa, cinerea; duo autem prælonga, & extremitate latiora: corpus cili quale septimæ alas subcinereas obtinet, nigro tessellatas, & circa extimam oram guttis ejusdem coloris æqualiter pictas.

9. Caput



9. Caput, oculi, antennæ, corpus, interneq; alæ, arenam illam auriferam repræsentant: scapulæ externæque alæ nigrescunt, nisi quod instita quædam nigerrima lineis utrinque cinereis decorata ornantur.



10. Corpus habet luteum, nigris quibusdam guttis à collo ad caudam usque lateribus & dorso insignitum; oculi, antennæ, pedes nigerrimi; alæ exteriores cæcidæ, sed limbis flavis, clavis angustis nigris, maculis quoque nigris distinctæ.



11. Alas si videris, niveam dixeris vel lacteam; nisi illam minimæ hic illic nigerrimæque maculæ inficerent vel ornarent potius: scapulæ item papposæ albicant: dorsum corpusque luteum, & articulatæ, octo nigra punctula commendant: oculi prominent magni, inter quos antennæ emergunt nigrae atque hirsutæ. Noctu in pratis & pascuis volant.

12. Hæc alas habet adeo productas, ut volare commodè non possit; brevissimas antennas gerit, oculos parvos nigerrimos, totum alioquin corpus albescit, lutescentibus quibusdam venulis, atque villulis rariùs conspersum.



13. Corpus totum (oculis demptis nigerrimis) gruinum colore subnigricantem æmulatur: antennas habet productiores, corpus hirsutum, alas corpori concolores, sed juxta oras tono quodam virescente & vitreo coruscantes.



14. Pulchra quidem est hæc, quamvis tota propemodum arenosa: cornua gestat, pro mole corporis, valida, nigra, & taurorum more curvata; oculi nigri, & magni; caput breve, collum crassum. Alas externas nigri quidam clavilligratiores reddunt. Spinam veluti supremam, quinque nigra ceu garyophyllorum capita trifurcata insigniunt.



15. Alæ fere sunt subcinereæ totæ: antennis sola ex omnibus destituta est; oculos habet subnigros: dorsum subluteum & quinque fuscis punctulis distinctum.

16. Eiusdem



16. Eiusdem penè coloris videtur, nisi quod illius exteriores ala macula pulla transversim ducta ornabantur; hæc verò ubique unius coloris, (oculos nigellos dempseris) conspicitur: corpus habet longum, articulatum; alas quatuor longas, atque angustas; pedes sex, quorum postremi prioribus duplo longiores sunt: cornicula necn habet exilia, sed longè excrescentia.

17. Hæc ex eruca bombycina originem ducit; tota albescens præter oculos nigricantes, & venulas quasdam subluteas, rectà per alas, & transversim per corporis articulos currentes: à nobis Bombycina Phalæna nominatur. De qua in Bombycum historia fusiùs dicam.



Minimarum in classem unam primam faciemus mirabilem, quatuor tantum pedibus piceis incedentem; externas quoque alas cæruleas habet, internas luteas & externis (præter morem) minores; corpus item luteum adeo magnum est, ut ab alis tegi vix possit: cornicula punctis plena, atque oculi (dempta pupilla albida) nigrescunt: caput atque promuscis (longa, exilis, inuoluta) flavescent.



2. Ex cæruleo viridis videtur: corpus exiguum habet; pedes, & antennis nigricantes.



3: Scapulas atque alas habet porraceas, corpus ex subluto fuscum apparet: alas extimas limbus ornat albis sufficis; maculis notatus: caput perpusillum habet, pedes & antennis cineri similes.

Quinetiam in ædibus parvæ aliquot Phalænæ argenteæ nigris maculis notatæ (Angli *Moths* vocant) ad lucernas advolant, quæ laneas & lineas vestes depascunt, & ova deponunt, è quibus tineæ, & ex tineis vicissim hæ Phalænæ oriuntur: feruntur autem primum ex rosarum folijs, alijsque herbis putrescentibus originem cepisse.



Tres alias minores in pascuis & pratis observavi. Quarum Prima alas externas nigras obtinet, singulas quinque maculis, quasi sanguine perfusis notatas: alæ interiores totæ rubent, corpus fuscum videtur; caput, antennæ, breviusculæ, & pedes nigricant.

2. Similis videtur, nisi quod quatuor tantum sanguineas maculas in alis exterioribus habet, corporeq; constat graciliore.

K

3. Ferè

3. Ferè parilis est formæ, absque antennis esset multo longioribus, & sanguineis maculis alio modo aspersis, nam circa extremitatem alarum guttæ sanguineæ duæ tantum apparent; ab exortu verò maculæ duæ longiùs tractæ conspiciuntur.

Atque de nocturnis Papilionibus sive Phalanis hæcenus sit dictum: Nunc ad diurnas sive diurnas transceamus.




Diurnæ Papilioes eo modo sunt describendæ, ut quisq; facunditatem elegantiamq; naturæ hac in parte videre possit atque suspicere. Neque enim minus lusus vel potius sedulo operata est in earum varietate, coloribus, vestibus, patagijs, orbiculis, globulis, clavis, meandris, tesserijs, lacinijisque ormandis, pingendis, confiendijs, atque in Phalanis fecerât.

Diurna Papilio Prima, omnium maxima, maximam partem flavescit, ijs locis partibusq; exceptis, quæ hic attractio denigrantur. Quinetiam extremi illi internarum alarum globuli coelicolorem spirant: ut genuinis saphyris confutum putares. Oculi chrysolithum referunt, magnitudinem formamq; adeo ad normam exculptam hic exhibemus, ut plura de ijs attexere non sit necessum.

2. Præter

2. Præter magnitudinem parum differt à prima, oculos habet nihilominus nigerrimos atque porre ctiores antennis: ubi album colorem vides, ibi melinum sufficito, exceptis illis quasi oculis majoribus juxta finem alarum interiorum positis, quorum pupillam flammeam, semicirculum vero xerampelinum reddere oportet.



3. Non multum colore abludit, nisi quod internarum alarum exphyses, totaque ipsarum extrema lacinia glastiva sit; uti & tres illi spintheres, quos sub concava illarum parterides depictos.



4. Omnium Regina dici potest; nam extremis alis, veluti adamantes quatuor in pala Hyacinthina radiantes, miras opulentias ostendunt, imò fere adamanti & Hyacintho oculum effodiunt. Lucent enim pulcherrimè (ut Stellæ) Scintillæque iricolores circumfundunt: his noris ita dignoscitur, ut reliquum corpus describere (licet varijs pictum coloribus) supervacaneum esset.


K 2

5. Caput



5. Caput, pedes, cornicula xerampelini coloris obtinet: oculos vero hyacinthinos; dorsum atrocaruleum videtur, venter subflavus; alæ juxta basim luteo hilar, deinde tristiori nitent: extimas verò partes rubiginosas & inamænâ fuscedine nigrescentes, tres luteolâ maculâ adornant: internis rubigine conspersis duæ primæ luteæ, deinde tres ex luteo pallentes maculâ adherent. Si autem supinam faciem consideres, alæ superiores ex luteo in viridem languescunt, senis octonifve maculis insignes: internæ autem leuiter herbidæ & virentes, duabus quasi lenticulis albis insciuntur. Venter vultûsq; totus subflavus, ex aurelia prodit albicante; fuscis spinulis notatâ.

6. Alæ superiores extra nigrescunt, per mediam partem limbo quodam obsoletius rubido currente; extremitates ipsarum panno, guttifque niuem micant, obscuris per ambitum crenulis asperatæ; intus autem limbus ille puriorem atque saturiorem exprimit colorem, & juxta radicem caruleæ videntur. Inferiores alæ alteram intus, alteram foris faciem ostendunt, foris fuscæ sunt totæ, excepto, spinosâ institâ, subrubente limbo perpusillis nigris: quatuor punctulis, & opalis duobus polychrois simul positis notata, intus autem nihil tale monstrant, sed ex nigro purpureo ver miculato in xerampelinum tristius languentes desinunt; corpus illi nigrû, oculi, antennæ, pedes, concolores fusci.



7. Corpore tota picea, in singulis dorsti tamen incisuris punctulos duos gerit albißimos; alas ex flavo rubescentes maculæ nigræ, candidæque albæ adornant. Verum munificarum parens natura extremam alarum oram potissimum decoravit, quæ nonnullis denticellis ferratim æquo intervallo distantibus donatur, in quarum fimbria viginti clavi carulei filo nigro transfixi mirificum edunt splendorem.



8. Vc-

8. Veste undulatâ et mixtâ peperit natura; sed vegetis coloribus destitutam: constant enim alę ex nigro, minio, flavo & fusco fatifcente, magisquę vel-
lere mollicula quam ornatu splendida videtur.



9. Maximam ferè partem, cinerea conspicitur; si vero internam interiorum alarum faciẽm intuearis, vix aliquid Indici galli alas signantiũs exprimit: nam pennas remiges, alię quasi vestitricẽ & squameę tegunt; oculus coracinus est, cujusmodi & tuberosę typhamque æmulantes antennę.

10. Corpus piceum, scapulę flava quadam lanugine (utĩ & totum caput) vestitę: antennę item flavescunt, caput tenus; quod maculã ex sanguineo arrata tristius occurrit: externam omnium alarum fimbriam circinatam, plurimę ovales margaritę æquis distinctę intervallis, gratiorem reddunt; intus verò maculis nigerrimis, lentis effigiem imitantibus fœdantur. Verum sicut foris minus speciosa, ita interior internarum alarum pars, albõ virore nitens, guttulis verò argenteis superinductis resplendet: & quę extra ovales margaritę videbantur, intus argentum purum putum non mentiuntur.



11. Speciosam radiantium incæru-
lo margaritarũ in-
stitam ostentat; alę
superiores ex flam-
meo flavescentes
ignem referunt, sex
nigerrimis pannis
infectę: internarum
radix anthracina,
deinde flavo in ig-
nẽ coruscant: cor-
pus fuscis capilla-
mentis hirsutum,
quem colorem cornicula cum pedibus
imitantur.



12. Eximie est pulcritudinis, alę le-
viter cruentę & maculis nigris tinctę,
radiolis micant auratis filatim ad laci-
nię usque ambitum dispersis. Hęc ve-
ro xerampelina ferratim desinens, in-
tus aureis lineis lunatim ductis orna-
tur. Corpus ex nigro purpurascit, oculi
aurei videntur, pedes & cornicula ni-
gricant.

K3

13. Cor-



13. Corpus & alæ nigredinem referunt; alis autem nigris, & ambitu pinna-
tis, primum capilli, deinde panni, ultimo
clavi aurei medio atri inducuntur: oculi
item exigui piceo in capite auro illiti; an-
tennæ vero punctulis nigrocandidis ex-
crescunt, & in tuberculum nigerrimum
finiunt.

14. Culturæ lenocinijs mirè arridet;
corpus habet hirtum, ex albo nigricans,
oculus niger, pupilla albicante: circa o-
culum glabrum circulum videas fere ni-
veum, antennæ cum priore communes;
extera majoris alæ facies ex flammeo au-
reis lineis productis dignoscitur, quas ni-
gri quatuor Limbi dentatim ducti infici-
unt, circa finem vero tres numuli argen-
tei fere triangulariter positi commen-
dant. Interna autem facies pulcherrima
videtur, varijs auratis squamulis & clavis
loricatis & imbricatis positis insignis. Ex-
tremam alarum partem aurea quoque linea
adornat. Pavonem nonnihil alis refert, ejus-
que ritu corpus gloriosum & elegans: pedem
autem & tibia aliquantum nigricantes (ne
forma superbiâ aleret) obtinuit. Promusci
helicam refert lineam, veluti in labyrinthos
convoluta.

15. Hæc quoque proboscidem habet ca-
pillare, viminei instar viticelli sese torquen-
tem. Est cinerea intus, forisque dilute cæsia
videtur: alas habet spiniformes, Vespertilio-
num more crenatas, has extra fuscæ aliquot
lineæ interfecant, intus sex clavi nigricantes
multum commendant.


16. Alis superioribus exterius obscurius
virescit, quas maculæ pannique albescences
flavæque aliquot adornant: interiores
exactè rubidæ, maculis decem scatent ni-
gerrimis. Venter octo flavis squamis splen-
descit: dorsum ex rubro in flavum vergens
caudæ hordeolum ostendit quasi venetum.
Hirtas scapulas citrina lunula deorsum ducta
commendat; oculos rubentes pupilla acuti-
ores reddit argentea.



1. Oculi

1. Oculi sufflavi videntur, cornua obsoletè pulla, alæ reliquumq; torum corpus, ex pallido flavescent, interiores alæ extrà unâ tantum maculâ saturiore luteâ notantur: intus autem caducæ herbidaë fusca quadam variolâ inficiuntur, dorsum ex cæruleo nigricat; venter subflavet. Ex chrysalide oritur auro illita.

*Diurnæ Papi-
liones medie.*




2. Minus grati coloris videtur: alæ interiores tristi in gruinum fatiscunt cæruleo, & quasi in plumbeum desinunt; externas nigriores habet, fuscis hic illic maculis notatas, tale item corpus videtur. Serratis alis summaq; ora crenatis, & veluti aculeatis horridiuscula volitat, & quasi suæ

gentis præfica, nunquam nisi funerali habitu tristius incedit.



3. Depinximus rigidulam, erectis alis sese veluti tollentem; est etiam spinosis crenis, sed exterior ala ex pallidiore flavo tribus pannis nigris maculatur: interior vero proxima à radice pars furvescit, media pallescit, ultima rectis transversisq; fibris cancellata subalbescit. Corpus fuscum videtur, oculus picem refert, typhæ nigricant.



4. Duplici modo distinguitur. Nam quando passis alis se librat, corpus nigrum ostentat, atq; fuscas quatuor alas nigricante peniculo veluti liras, & in rubiginosum fulgentem desinentes eidem affixas. Quam autem floribus insidens alas attollit, prima ala luteola eleganti clypeo ornata conspicitur, cujus centrum pallidum, umbo piceus, circulus exterior citrinus. Venter atque thorax, nec non totus vultus, albicant; antennæ nigricantes in flavum divergunt.



5. Intus forisque sui similis videtur: caput alæque pallorem monstrant: corpus livefcit, veluti etiâ antennæ oculi ex flâmæ orulant; scapulæ pallenti quadâ lanugine hispidaë.



6. Dum adversas alas expandit, arenosum æmulatur splendorem, nigricantibus maculis modo dracontij varium: corpus item si dorsum videas, aquilinæ nigredinis videtur; venter nonnihil fuscior

cidior : oculus niger, albidâ vel potius candidâ pupilla clarus ; antennæ coracinae ; alæ averſæ ingrati bætici coloris, & obſoletioris muſtellini.



7. Crenulatæ alæ pyriten imitantur, æreis micantes venulis, & fimbria maculisq; nigris conſperſæ : corpus totum nigro colore ſplendefcente, niſi quod antennarum punctuli albi interfecant, & in picca fronte aureoli quodam modo oculi ſcintillant.



8. Ejusmodi corpus obtinuit, ſed ex luteo rubefcunt antennæ ; alæ polymitæ conſpiciuntur, varijs plicis, liris, fimbrijs, limbisq; multicoloribus inſignes : ſurdi illi autem omnes colores, atque hebetes videntur ; vacui ſpēdore omni & tono, ſolâq; mixtionē, poſitione & numero amāni ; alicubi flammam fuliginofam, alibi ingratum fulcum, languentem rubidum præ ſe ferunt, rubinique ultimâ fimbria albis ſemicirculis incluſi, nihil vividi ſpirant.



9. Alæ exteriores ſordidis luteolis maculis affectæ atque infectæ, ultima ſerè parte clypeolo nigro (quem mediû punctus ornat eburneus) ornantur. Internæ verò quatuor ejusmodi geſtant clypeolos, ſed circulo inſuper flavefcente auctos, quorum duo medijs juſtâ magnitudinis, laterales puſilli admodum videntur. Corpus huic ex fulco candicat, oculi prominentes nigricant. Si verò internam interioris alæ partem inſpicias, fuliginofæ videntur, & è ſex pulcherrimis bractæolis affabrè collocatis elegantiam habent.




10. Caput intaminato flore candore. Lacteolas vero alas maculæ quædam fulcæ & nigricantes ornant; dorſum lateraque ex flavo ſubrubentia, novem decemve nigræ labes ſub incifuris poſitæ decorant.



11. Proportione, & ſerè colore formaq; corporis niſum reſert avicularum prædatricum. Alas habet ac reliquæ Papilioes artiores ; caudam latam & quaſi pluſoſam ; internæ alę non ut reliquum corpus aquilinæ, ſed ex luteo rubentes & ſerè flammeę : naſuſilli aquilarum more aduncus, venter veluti incanis ; antennæ validæ, magnæ, ejuſdem cum alis ſuperioribus coloris, oculi ſatis exerti, nigri, pupillâ niveſcente.

12. Forma



12. Forma eadem est, differt tantum colore; corpus cinerem refert, cauda nigrescit, atque dorsū nonnihil argentū mentitur: productiores alæ fuscæ, labeculis nigris polluantur; interiores, subluteæ, surdæ videntur. Miræ velocitatis sunt hæ ambæ papilionum species, & pernicitate nifum provocant.



13. Omnium velocissima; scapulis flavomuscidis apparet: alæ quidem lacteæ, in extremitatibus fuscis quinque sexve pennis notatæ, medium dorsum subflavescentis macula ornata nigerrima, ex lateribus tubercula utrinque duo papposa prominent: uropygium nigrâ quadam lanugine circumscibitur: de volatu hirundinem non metuit, atque omnes revera alites superat.



Minimarum octo tantum vidimus.

Primæ alæ internæ, vegeto nitidoq; coccino saturatæ, suave rubent; exteriores verò luculentam purpuram ex rubro nigroq; mixtam, & niveis quibusdam nervulis obductam representant; reliquum corpus nigrescit, etiam racemosæ antennæ.

Diurna Papilio Mica.



2. Iuxta alarum basim deargentata conspiciuntur: quæ deinceps ex cæruleo purpurascens finiunt, superiores interius clavi duo albonigri adornant; corpus fuscis plenum punctulis, purpureolos pedes emitit utrinque tres: rostrum habet aduncum: è capite quatuor antennulæ, præter duas longas, erumpunt.



3. Si volentem videris, alas purpurei exoleti coloris in cæruleum vivaceum abeuntes esse dixeris, varijs plicis donatas: intus autem anulis oculis præditæ, cæsiæ magis videntur atque ruginosæ. Caput ex viridi cæruleum splendet; corpus fuscis albisque institis ornatur, oculi nigerrimi, pupillæ albisimæ videntur.



4. Latiore aspectu prodit, alis oculatis, cyanum cælestem atque incomparabilem spirantibus. Fecit illam Dedala rerum artifex natura totam oculæam, adeo ut *Mythologia* illum in Mythologia Arctoris filium, non pavonis caudæ insertum, sed in hujus alis habitantem haud ineptè fingeres: quas quidem non minori superbia adverso sole expandit, atque illa avis Iunonia, quam (præ cælesti quo excellit colore) fere in ruborem dat.



5. Cor-



5. Corpus gruinum; alæ superiores in caule albovirentes, medio luteæ cineritiæ; inferiores exortu atrovirente sunt, reliquum albidæ: intus autem maculis inamæno virore pictis frequentius conspersæ: oculi nigricant, veluti & capita antennarum.



6. Globosis scapulis atque gibbosis planis cernitur: quæ cinerem atramento mixtum imitantur; corpus incisuris plenum, subcinereum: alas item angustas, & grui coloris extimas stillicidijs quibusdam sanguineis intensè rutilantes habet: pedes, capirulum, antennæ, corpori concolores sunt.



7. Ex filiquastro natam illi affinem dixeris, et præter molem corporis minorem, & majorem nigredinem, primarumque alarum deargenturam, vix discrepat.



8. Alæ omnes languideæ luteæ, vel potius pallescente flavo nitentes, punctulis quibusdam fuscis, & alijs annosam æruginem referentibus inficiuntur ocelli huic nigerrimi; aliàs flavescit tota.



9. Alæ omnes conchis marinis ex albo fuscis pictæ videntur: extremitatibus circinatæ, & in medio albis quibusdam lineis crenulatum currentibus ornata.



10. Item conchatis & clavatis alis donata, ex albo & obscuro rubente variè miscetur: nobisque inenarrabilem magis Dæi potentiam, quam narrabiles suo nomine colores ostendit.



De usu Papilionum.


Papilionum formas, apparatus, elegantiam, & opulentas qui vestes intue-
tur; quo modo munificum illum Deum opulentiae tantae auctorem non agno-
scit? Quid enim, formae studio & pulchritudinis admiratione superbis? Breve
tuum caducumque bonum tibi sine invidia habeto: nulla tamen est papilio
non aequè delectabilis & blanda; imo pro vitae curriculo, stabiliorem omnes
formam consecratae sunt. Adest tibi incredibilis corporis agilitas & in cursu
velocitas: eia, mi homo, cum omnes homines excesseris, papilionem non
aequabis. At egregie vestiris (inquies;) ac de Perlis textentibus, deque Sere,
Tyrio, murice, & purpura tibi natante gloriaris? Certè si trabeam papilionis
cujusdam vestem, ac ulterius mureculam, lineasque margaritarum, fimbrias
adamante, rubino, pyropo, opalo, smaragdo confitas conficeres: si futurarum
commissurarumque elaboratam synthesin, & opus hic illic vermiculatum, po-
lymitum, ocellatum, clavatum, altius perpenderes; nae conchatam caudam
demitteres pavonum more & terram quae te genuit respiciens, rectè scaperes.
Tibi fortè figlina domus, aut crudo fortè lapide constructa, lucis dedit prin-
cipium: papiliones autem nonnullae in areolis natae ad oculis, aureae totae vi-
dentur; & vestis ortusque elegantia & sumptu Artalum superant. Disceas igitur
mortalis, quisquis es, Papilionem in eum a Deo opt. maximo usum con-
ditum fuisse, ut tuam tibi superbiam conspectu minuat, & vitae brevitate (quae
illi non adest parva) caduci te tui status commonefaciat. Habeas Milonis yre-
res, Herculis robur, & in acie militum fortissimorum gigante fortitudine in-
signium mufiaris. At recorderis talem aciem a papilionibus turmatim per
cælum volitantibus Anno 1104. turbatam fuisse, lucem quae Soli quasi interje-
cta nube ademptam. Tertio item Augustidie; (narrate Lycosthene) 1543. quae
herbaab illarum impetu immunis: omnem quippe rorem melleumq; succum
absorperant, gramenque ipsum arido stercore ubique torrefactum exusse-
rant. Quinetiam 1553. (ut Sleidanus refert) paulo ante Mauricij Ducis Sa-
xoniae obitum, ingens papilionum multitudo per magnam Germaniae par-
tem volitabat, cruentisq; guttis herbas, frondes, recta, vestes & homines
(quasi sanguinem pluisset) aspergebat. Verum fortassis puellarum affectas gra-
tiam, & Venerem ambis, deperisq; ejusq; pullum te vocari cum primis expe-
tis. O stulte! recorderis Phalaenae papilionis fatum: quae candela lumine, cen-
Amasij oculis allecta, quam concupivit flammam, hac interit: pyrausteq; gau-
dens gaudium, de momentanea fluxaque voluptate statim decidit. Tu item,
magne Astrologe, qui Arietem Veris nuncium constituis: Papilionem potius
venerare Veris praeivium, multoque tuo cornigero certiore vatem. Vis item
piscis inescare, & ad hamum allicere? audi ex Geopon. Tarentino morsulos
nobilissimos: R. siluri virosi 3j. papilionum volantium, seminis anisi, caesi ca-
prini, sanguinis porc. Galbani ana 3. ss. opopanacis 3. ij. singulis diligenter
trititis, vinum sincerum austerum affundito, & trochiscos in umbra ficcatos,
usui servato. Tinnunculi item atque omnes fere aves praedipetæ papilionum
esufabe liberantur, & in habitum satis pinguem excrescunt. Nicolaus item
in pulveris cujusdam compositione ^{φάντος λαγουμάντι} mentionem facit, quibus
verbis papiliones lucernis advolantes intelligit Turnebus. Vrinas egregie mo-
vent, uti omnia ferè insecta, sed minore cum periculo. Denique cum solo ro-
re vescuntur (cochlearum ritu) atque à rebus acribus urentibus scitidis, ma-
lignave qualitate praeditis abhorrent; nimia sane vecordia occupavit medi-
corum familiam, qui cantharidem intus præbere ausi, quid papilio intus vi-
rium habuerit, nondum tentarint. Profecto non inscite Plinius: *Maxima*

pars

pars eorum qua scimus; minima est eorum qua ignoramus. Despiciuntur enim in terra nonnulla animalcula, quorum si vires scivissemus, ad astra usque suprema extulissemus. Vos igitur Asclepiadei, Papilionum virescunt intus extraque corpus indagate, quæ si inutiles fuissent, nunquam tantam in ijs tamque raram munificentiam Deus monstrasset. Verum quum non usui solum sint nobis, sed etiam impedimento; (nam nimia quantitate intus sumptæ veneno sunt;) quo pacto caveri arcerique possint dicamus (nisi Ardoynus fingit.) Phalænas sive noctivolas papiliones vespertino tempore lumen petetes, Antiquitas eo forte nomine inter mala pharunaca recensuit, quo bufones, Vesperationes, bubones, ululas, culicesque expunxit: die enim laborantia animalia fausta habuerunt, nocturna vero est contra infelicia atque sacerrima. His abigendis jecur caprinum laudat Plinius, sed utendi modum non exprimit. Si vero Phalæne alveare ingressæ apum: examen noctu perturbent; simum cum medulla bubula mixtum accende, nidoreque molestæ illæ perturbatrices statim decidunt.

Columella. Palladius mense Aprili (tunc enim plerumque nocet) vas æneum altum & angustum, inter aluearia collocat, in cujus fundo lucerna ponitur accensa, illuc luminis studio amoreque ingressæ, vel semiustulatae remanent, vel fumo ob oris vasis angustiam suffocantur. Ferunt etiam inter olera contra Papiliones multum valere: alij eos Nigellæ & cicutæ fumo profligant, ut Rhafis, alij caudam equi avulsam in porta suspendunt, Phalænasque eo pacto arceri lepide somniant. Hæc habui quæ de Papilionum vario usu dicerem; quæ quidem animalcula licet nonnullis contemnendæ sortis videantur, omnibus tamen magno usu & admiratione longè lateque patent.

C A P. XV.
De Cicindela:

 *R*aci huic insecto multa nomina attribuerunt: nam λαμπροί, πηλαμπίς, κωσλαμπίς, à clunium caudarumque fulgore dicitur. Suidæ, πηλαμπίς, Aristoteli βόρυξ, Hesichio πηρολαμπίς, vocatur: cui etiam λαμπρόν & σπινθήρ metaphoricè forte, à scintilla. Vallaen quoque ab eodem nominatur mas, quia κολύσθησθαι: fæminæ siquidem hoc nomen non aptè attribuitur: φάλανα à multis cicindela perperam vocatur, quandoquidem aliud est lumen appetere, aliud portare. μέλισσας Aristophanis, Cicindelas quidam interpretantur, ut Camerarius annotavit, quam rectè ipsi viderint. Latini Cicindelam, Nocticulam, nitedulam, lucionem, luculam, luciolam, flämidem, venerem, lucernutam, incendulam, dixerunt: ut ex Cicerone, Plinio, Scoppa, Agricola, Varrone, Festo, Plauto, Scaligero, Turnebo, Alberto & Sylvatico videre est. Arabicè *Allachatichi* dicuntur, quasi volucres noctu lucentes. Gallis *Ver luisant*, *mouche claire*. Germanis alicubi *Zinduezele*, alibi, *Liegth mugk*, quasi musca splendens, & *zindwurmle* marem intelligentibus. Nam quibusdam Germaniæ locis mas Cicindela, id est volucris, non licet sed fæmina; *Grasswurm*, *gugle* & *seurcaeser* appellata. Circa Francofurtum ad Mænum Sr. Iohannis Kæfer, & Sti. Iohannis Fliegen; a tempore videlicet quo præcipue apparet. Brabantice *Ein light ost nacht mugge*. Italis *Luciola*, *Lucio*, *Farfalla*, quamvis hoc nomen etiam alijs muscis lucernas appetentibus concedunt. Vincentiæ *Bistola*, *fuogola*, quasi serpens ignitus. In agro Cremonensi *Lucervola*. Lombardis *Luiserola*. Hispanis *Luziergana*, & *luciernega*. Polonis *Zknotnike*, *chrzazekzik*, *wnocy*, *szwieccacy*. Hungaris *eyel twn doekto*, *bogoratska vilantsfo*. Anglis *Gloworme*, *shine worme*, *glassworme*, quasi splendentem vermem vocares. Mares enim siue volucres Cicindela hic,

hic, (uti & in Vafconia) non lucent, fed fæminæ; quæ vermes funt. Contra vero in Italia atque agro Heidelbergensi fæminæ omnes αλαμπτοι. mares lucigerrividentur. Causam Philofophis difputandam relinquo.

Sunt autem Cicindalæ mares *παρατι*, & fæminæ *απιτε*; idque vel Europæi. Europæus Cicindela mafculus, puſillum eſt animalculum, volucre, quatuor

Deſcriptio.



alis, quarum exteriores coriaceæ, interiores membranæ, colore argenteo, tranſlucidæ. Corpore eſt oblongo, parum compreſſo & latiuſculo, quinque inciſuris prædito: ut pro libitu. extendi & contrahi poſſit. Corpus extenſum, alis longius videtur; contractum brevis: Caput latum, ſulcum, compreſſum ad cuculli formam fabricatum. Cornicula duo è media fronte tanquam ex uno centro exeunt, juxta quæ antè caput parum extuberat. Non

procul ab antennarum, exortu miniſſimus utrinque globulus niger apparet, Gagatis ſplendore nitidus, qui oculorum vicem ſupplet. Caput collo corporique breviffimo conjunctum eſt; colore ex fuſco nigricante: pedes ſex pectori juxta caput affixi, quorum poſteriores & crura, juxta ſubluteo ſunt colore, reliquæ pedum partes nigricant. Tardius & grefſu quaſi compoſito prorepat; pectus parum extuberat; Corpus juxta inciſuras albicat, juxta caudam duas habet maculas; utrinque unam, ad lunæ creſcentis formam: ex quibus noctu ſplendor emicat pellucidus, Sulphuris accenſi æmulus, ut ſcintillas lucidiſſimas per aerem volare crederes: hic nunquam in Anglia apparet, vel ſaltem ſi hic degat, non tamen lucet. Cicindela Europæa fæmina, tardigradum eſt animalculum, alis carens, duos plerumque digitos tranſverſos longa, (licet in Vafconia longè majores longioresſque, *luſtarbas* ibidem dictas vidit Joſephus Scaliger:) erucæ magnitudine mediocriſ, cui ferè eſt ſimilis. Caput illi parvum, compreſſum, durum, nigrum, oblongum, & os verſus acuminatum: è cujus extremitate duæ exeunt antennæ, breves nigræ. Sex habet pedes, parvos, nigros, tribus articulis diſtinctos, juxta caput, erucarum ferè modo. Corpus oblongum, craſſiſſiculum, tæniæ inſtar compreſſum, duodecim inciſuris profundioribus præditiſ, præter colulum quod pro arbitrio nunc exerit, nunc laceſſita retrahit & abſcondit; partes intermediæ nigricantium laminarum ſeſe ingreſſu elevantium faciem obtinent. Per dorſum linea admodum exilis & parum candicans à capite ad caudam uſque decurrit. Latera ventris ex xerampelino ſuave rubent. Cauda atque venter juxta caudam albicant. Vropygium tamen ipſum nigrum eſt. Cuius beneficio & niſu ſeſe attollens arenatim repit, & furculis inde enatis ſeſe pendulam affigit. Sub hoc uropygio excrementum ab alio reddit ſubuiſcendum & filoſum, mellis æmulum, quod caudæ furculis ad os reductum, denuo abſorbet, ſtaminaque exinde retrocedens fingere videtur lentoris prodiga, quæ ſecundò devorat, eorumque revomitioe & reſorbitione ſeſe ſuſtentat. Partes albæ in tenebris mirabili ſplendore fulgent, & ſtellas quaſdam terreſtres repræſentant: adeò ut cum lucernis lunaque de lumine certare videantur. Hoc obſervatione dignum; clariffimum iſtum ſplendorem unà cum ſpiritu vitali prorfus euaneſcere, ubi ergo perpetua illa lux, de qua nonnulli putidi Paraphyſici tam ineptè impudenterque garrunt? In arvis ſæpiùs pennatas, quandoque verò intra opidorum mænia per plateas volitantes vidimus. Vincentiæ Italiæ, ut audio, ſunt corpore noſtris paulo grandiores, & toto corpore nigricantes; aliàs nihil differunt. Gramine veſcuntur, in coitu diu hærent, ut Julius Scaligerus, (noſtri temporis ſummus Philoſophus & cum optimis ex antiquorum numero merito comparandus) diligentiffimè obſervavit: cujus verba ſubjicere non pigebit: Cicindelam (inquit) volentem cum ſuo mari in coitu deprehendi: mas contactus non abſtitit. In pixide pertuſa conditi fue-



veniat. Non ante crepusculum vespertinum conspicuæ, ut eleganter Politianus cecinit.

*Inde opus integrant, donec, sub nocte coruscant,
Flammigeræ parvæ stellantis luce volucres.*


Has Plinius stellantes volatus appellat, ac etiam terrestres stellas. Natura (inquit) vociferante & rusticos in hæc verba alloquente, Cur cœlum intueris agricola? Cur lydera quæris rustice? Iam te breviori somno fessum premunt noctes. Ecce tibi inter herbas tuas spargo peculiare stellas, easque vespere & ab opere disjungenti ostendo; ac ne possis præterire miraculo sollicito: Vides ne ut fulgor igni similis alarum compressu tegatur, secumque lucem habet & noctem? Hæc Plinius. Hinc etiam apparet, quod non semper inter volandum fulgor appareat, quamvis utrinque a lateribus & clunibus exeat, tamen nisi hiantibus & elatis non emicat, nam compressis tota lux obscuratur. Hanc cicindellam volantem Antonius Thylefius Bonsentinus haud ineleganti carmine depinxit in hæc verba.

*Tantula nocte volans, volucris micat aëre tantum,
Ardenti similis scintilla, quam puer olim
Aequales inter metuebant tangere, ne me
Vreret; infirma est ætas cum nescia rerum.
Qua quoniam sic nocte lucet, cognomen adepta est;
Aut incensa nitet quoniam, velut ignea lampas,
Causa sit una licet, nomen non est tamen unum.
Hæc modo summa petens, commotis emicat alis,
Rursus & adductis solum decus aurea condit,
Ardenti, procul fugiens levis igne coruscat,
Et quocunque volat secum sua lumina portat:
Lumina quæ tenebras arcent, quæ flamina temunt.
Nunc velut obsequiosa videntibus advolat, atque
Fit magis atque propinqua magis, scintillat, & ante
Ora; minuta velut candentis frustula ferri,
Verbere quæ assiduo fornacibus excutiantur
Ex quo rapta Iovi Stygio Proserpina; Namque
Vna fuit comitum: veterem mutata figuram
Quærit adhuc domina vestigia, & omnia lustrat.*

Impennes, eodem modo quo pennatæ, noctu splendorem adeo clarum emittunt, ut ad illius literæ majusculæ legi possint. Hoc etiam uno lunam superant & stellas; quod illarum splendorem nubes tenebræque auferant; harum verò fulgorem ne cimmerica quidem caligo diminuat, uno augeat. Atque hæc tenus de Cicindelæ in Europa cognitis.

Inter Exeuropeos ille ab Hispaniolæ incolis *Cocnias* appellatus, primum locum occupare debet, quia lumen magis insigne & quasi faciem majusculam hominibus noctu præfert, Græcè *Κισσαλαμπής* vocabitur; quia lumen non ex cauda sed capite emittit. Ex scarabeorum genere videtur, nostrâ cicindelâ volante sextuplo major: non unam duntaxat nuce avellanam adæquans (ut Maiolus habet,) sed aliquando duas superans, digitum minimum ferè crassitudine æquat, duas uncias longa. Imo quidam (ut rectissime Cardanus) nonnulli ipsarum cervinis scarabeis non sunt minores. Caput habet oblongum corpori conjunctum, cujus anterior pars nigram superius quasi in medio maculam habet fere triangulari: breves antennis præterdit. Oculi valde grandes

grandes juxta cornicula prominuli item & nigri, propè os locantur; reliquum caput coloris est fere spadicei, exceptis duobus clavis prope collum aureis, è quibus radij item splendentes præsertim in volatu atque alis expansis fulgore insigni exeunt. Pedes sex nigri a pectore emergunt; Elytra, quibus alæ argenteæ teguntur, colore fere castanei videntur. Corpus duodecim incisuris ornatur, ex cinereo parum nigricans. Hanc cicindelam una cum iconè à Candido pictore peritissimo, qui diligentissime eam tam in Hispaniola quàm in Virginia observavit, accepi. Fere quovis anni tempore in Hispaniola apparent, rarius siquidem hyemem sentiunt. In Navigationum Commentarijs hanc cicindelam hoc modo de-



scriptam invenio: *Cocius*, nostrâ volanti quadruplo major, ex scarabeorum genere est: cujus oculi splendent ut candela, quorum splendore aer adeo illustratur; ut quisvis in cubiculo, legere, scribere, ac alia necessaria peragere possit. Plures conjunctæ lucem multò clariorem ostendunt, adeo ut facile per noctem tenebrosam integræ cohortes quocunque velint solo hoc, quod nec venti auferre, nec tenebræ obscurare, nec nebulae pluviae extinguere valeant lumine, iter suscipere possint. Elatis alis, item clunes versus magno splendore emicant. Incolæ alio lumine neq; in ædibus, neq; in foris ante Hispanorum adventū utebantur. Hispani autem (quia hunc splendore una cum vita lucigeræ istius bestiolæ paulatim perdunt) lampadum vel lucernarum lumine ad negotia necessaria intus obeunda jam utuntur. Si verò noctu foras eundum sit, aut cum hoste recens appulso conspiciendum, hisce tantum indicibus viam præterant, atque dum unus miles quatuor gestat *Cocius*, inimicis variè imponunt. Quin enim nobilis ille Thomas Candisus (Orbis totius mensor) atque Robertus Dudleius Eques, inelyti Roberti Comitis Leicestrensis filius, Indorum litus primum conscenderent, atque ea ipsa quæ appulerant nocte in vicina sylva infinitas quasi lucernas faculaeque ardentes præter expectationem moventes conspicerent: Hispanos cum sclopetis & fomitibus ignitis ex improvviso haud longè abesse rati, ad naves celeres redire. Plura insecta hujus generis ibidem reperiuntur. Sed quia *Cocius*, inter omnia principatum tenet, reliqua indefcripta Oviedus reliquit. Indi faciem & pectus fricare solent cum pasta quadam ex isto animalculo composita; ut tanquam ignitæ personæ alijs appareant. Hoc quomodo fieri possit, non video quandoquidem (ut prius dixit author) cum vita lux evanescit, nisi fortè paululum temporis post mortem splendor duraverit; sed diu perdurare non posse manifestum est.

Tanto cum Indis usui essent, ut neque à culicibus nocturnis (quos non mi-

pus

nus avidè & cautè Cocuij domi aliti venantur, quàm hirundines muscas) tuti dormirent, neque (ante Hispanorum adventum) nocturnas operas sine hac natura ipsius lanternæ obire possent; varias capiendi ipsos rationes excogitarunt, quas partim ex Petro Martyre; partim ex alijs traditas, ipsiq; ocularibus testibus, lectoribus aperiam. Quùm per luminis inopiam totis noctibus inertes jacere coguntur, Indi cum titione ignito foras exeunt, atque altis vocibus *Cucuruc cucuruc* inelamitantes, aerem sic verberant, ut vel luminis amore advolent, vel frigoris formidine perculsi concidant in terram, quos alij frondibus & linteis detinent, alij reticulis eam in rem factis operiunt, donec manibus capi sese permiserint.

Sunt & alix ibidem bestiolæ volantes quæ noctu lucent, sed nostris multò majores, & lucem etiam majorem emittentes. Lucent enim adeò clarè, ut qui itinera instituunt, capitibus & pedibus, has cicindelas arte quadam pendulas vivas figant. Sic enim de longinquo oculis facilè percipiuntur, & ideo rei veritatem ignorantes attonitos reddunt. Mulieres non alia luce ad negotia sua peragenda in ædibus noctu utuntur. Ovidius.

Sunt adhuc vermes alterius formæ qui nocte lucent, ut in navigationum commentarijs legimus. In insula Hispaniola dicta duæ vermium species nocte lucem præbentes reperiuntur. Quidam medij digiti longitudinis, graciles, multipedes, noctu adeò claro coruscantes fulgore, ut ad quinquaginta aut centum passus quivis undique facilè possit oculis omnia per lustrare. Lux ista clarissima solum ex incisuris, vel si mavis corporis juncturis, juxta pedes emicat. Alij sunt prioribus similes magnitudine, neque lucem minorem emittunt: sed in hoc differunt, quod lux è capitibus exit. Hæc in navigationum historijs. An vero istæ cicindelæ sint ex Iulorum genere (ut credo;) an nostris similes, non ostendit. Sed ex pedum multitudine Iulos omnino esse arbitror: Nam author cum scolopendris conjungit. Valerius Cordus in Dioscori mentionem facit scolopendræ (ut ipse interpretatur) cum tamen sit Iuli species, quæ in locis udis pluvioso tempore resplendet. Talem etiam Bruerus noster doctissimus in Angliæ Ericetis repperit, & vermem exsiccatum ad Pennium misit; Sed ejus verba, ut quisque clariùs intelligat, subscribere non pigebit. Scolopendram noctilucam (cum tamen ut dixi ex Iulorum specie sit) æstivis noctibus in Ericetis muscosis bis lucentem & igneam repperi: Lucet totum corpus, cicindela paulo obscurius. *Hæc præterea adiungit*: Accidit mihi aliquando sudanti, & domum noctu ingresso propriam, cum sudariolo caput in tenebris extegerem, totum innox sudariolum flammeum & ignitum mihi visum fuisse. Quare aliquantisper admirabundus, contueor novum quasi miraculum; totus fulgor ad unum locum se colligere videbatur; tum complicato sudariolo, lucernam mihi adferri jussi; apertoque linteo talem scolopendram reperi, quæ capiti meo affricata, nescio quid vaporis flammei per totum sudariolum sparsit. *Hæcenus Bruerus*. Similem scolopendris vulgò dictis in hortis & sub lapidibus ac vasis terreis, in quibus utiliores plantas mulierculæ nutrire solent, fuisse affirmat. Vermes etiam pilosos (inquit Gandentius Merula) per æstatem & autumnum in fossis herbidis & aquis carentibus, cum essem in foro Lebetiorum (qui hodie Burgus Iamzarius appellatur) per noctem splendidulos collegi. Eosdem etiam vidi per lacunas circa *Viglevianum* (quod veteres *Vergerminum* appellabant) cum captandæ auræ gratia cum Simone Puteo vespere deambularem. Quales vero sint isti vermes pilosi, nisi ex Iulorum sint genere, prorsus ignoro. Alius omnino est vermis, de quo in libro de natura rerum legimus: Stellæ figuræ vermis est (inquit) qui noctu ut stella lucret, nunquam nisi in magnis imbribus apparet, & serenitatem adesse significat. Hujus tantus est rigor, ut ignem non minus ac glacies extinguat. Hujus etiam sanie si caro hominis fuerit contracta, capilli desunt; & quicquid ea

Lib. 3. memm.
Cap. 61.

fanie contactum fuerit, colorem in virorem mutat. Sed omnia hæc perpetram agit; nam stellionem (quem hic vocat stellam) cum Salamandra ac Cincidela confundit, ac ex his tribus historiam valdè confusam ac imperfectissimam componit. Nec Guillerinus de conchis, nec Vincentius, (qui ferè omnia ex Guillerino transcriptis) in suo obfuscatò & obscurissimo speculo historiam repetentes corrigunt. Sed ista nihil ad Cincidelam, & quæ præterea de Salamandra scribunt, alio loco castigantur. Atque hactenus de insectis noctu lucentibus.

An splendor Cincidelæ mortuæ remaneat, quæri solet. Massarius, vir doctissimus, in nonum Plinij scribens manere affirmat; scribitque pueros cincidelas capientes, partes lucentes hinc inde capiti circumponere; quos si manus vel aliæ corporis partes illinantur, illæ quoque in tenebris splendent. Sed pace tanti viri dixerim, experientia contrariū docet. Nam bestiolam mortuam, quamvis non statim, tamen post aliquot horas pars illa alba ac in tenebris splendens, lucem omnem amittit: videtur enim cum vitali spiritu fulgor penitus evanescere, quod usus ipse clarissime demonstrat, & ego sæpius expertus sum. Hoc ipsis concedo: si multæ impennes (nam pennatæ nisi inter volandum non lucent) vitro claro ac lucido una cum gramine includerentur, sic ut libero aëre frui possint, forte per dies aliquot duodecim lucem præberent, si gramen quotidie recensijs apponatur, tamen illis languentibus lux paulatim remittitur; ac tandem morientibus (ut prius dixi) prorsus aboletur. Ineptè ergo quidam ex his compositiones venditant, quibus lucem peregrinam conservari posse credunt (inter quos est Cardanus) quasi lucem de cælo possint deducere. Quidam non solum docti sed etiam indocti hæc compositiones scriptis etiam mandarunt, quo suam inscitiam magis proderent. Hujus perpetuæ lucis Albertus mentionem facit, qui in suis scriptis magnum mendaciorum fasciculum, quasi in unum corpus colligit. Sed hic vanas quasdam compositiones illorum subijciam, ut lectoribus cautioni sint, & scriptorum vanitas ingenijque ipsorum levitas manifestetur. Quidam noctilucas quamplurimas accipiunt, conterunt, vitrea ampulla includunt, ac fimo equino per dies 15. sepeliunt. Postea per alembicum distillant, aquam vitro claro coarctavit, hæc verba subjecit. Ex ijs (inquit) cincidelis putrescentibus in vase aqua fit, sive liquor potius, qui mirè luceat in tenebris. Tam magnam lucem hunc liquorem sive aquam exhibere aiunt, ut quilibet vel in profundissimis tenebris legere & scribere possit, & alia negotia necessaria pro libitu peragere. Alij ne nihil inventis addidisse viderentur (nam fecunda ingenia, nisi quid novi pariant ærotant) una cum cincidelis, fel testudinis, mustellæ, & canis marini, in fimo digerunt, ac tandem distillant. Hanc aquam alias omnes fulgore superare affirmant. Alij cincidelas integras in fimo digerunt per novem dies. Alij per tres hebdomadas; tum vermibus abjectis pinguedinem colligunt, & ad usum vitro claro reponunt. Alij adhuc stultius, lampyrides accipiunt, quibus (capitibus abjectis) addunt piscium squamas, & lignum putre nocte lucens, ac fella canum marinorum & per alembicum distillant. Alij stellas & literas noctu lucentes audacter promittunt, si exempto per patentes in à cincidelis humore citrino chartæ illinantur, vel in forma stellarum humore illo pingantur. Alij cincidelas cum oleo lini terunt supra marmor, & quicquid hoc liquore pinxeris vel scripseris, facile in densissimis tenebris legi posse sibi persuadent, sed quâ fide viderint nepotes. Alij post novem dierum in fimo equino digestionem, humorem in fundo vitri inventum colligunt, ac cum eo scribunt vel pingunt, ac ita sese votici compotes esse pro certo confidunt. Horum vestigijs insistens Io. Ardenus

Angius,

Anglus, chirurgus non indoctus, ante trecentos annos talem perpetuæ lucis descriptionem in scripto reliquit: Cicindelarum magnam numerum colligit, ac vas vitreo bene obturato includit, digerit in fimo per 15. dies, tunc humorem in fundo vasis repertum in phiala vitrea clara ponit: cui tantundem argenti vivi a fœcibus purgati addit, phialamque optime claudi suspendique jubet, ubicunque volueris: & pro certo (ut ipse affirmat) voti compos eris. Hoc verissimum esse quidam mihi retulerunt, quibus tamen sine experientia & oculata (quod dicitur) fide fidem non adhibeo. Hæc & ejulinodi multa inter legendum facile est invenire, quibus quantum assentimur, ex præcedentibus facile est colligere. Hinc igitur facillimè intelligere possumus, quàm stultè, quàm inaniter sese venditat humana sapientia, quove ferantur nostra ingenia, nisi recta ratione experientiaque (scientiarum omnium magistra) nitantur; & opinionis salebras accurate vitent.

Quam admiranda sint Dei opera, etiam in oculis nostris, nullus nescire potest, qui hæc parvam bestiolam diligentius viderit, atque ejus naturam lucemque; divinæ illius indicem perpenderit. Nam sanè, quis caducæ hujus lucis spectator ad Christum (perennem, veram, primamque mundi lucem) mentis quasi oculos non dirigit; vel spiritum illum sacrosanctum piorum corda cæcissimis tenebris illuminantem, in memoriam non revocat? Hanc autem Cicindelarum lucem & lumen potius dum alij extrahere, alij imitari condescenderent (verbi gratia, Albertus, Cardanus, Merula, Vitalis, Mizaldus,) viros sese moros dederunt meâ quidem sententiâ, stellasque mentiendo, terrestres Stellionatus crimen non effugerunt. Neque enim Salmonei vel Alladij eos fata revocant, qui Iovis fulgur imitati, tristi emulationis eventu impietatis pœnas lucunt, cœlestem ignem experti, quem non minus stultè quàm impie vano strepitu imitabantur. Ita etiam & illi & quidem hoc ætatis scoli, dum hoc lumen extrahere conantur, audaci cœpto numen violant, suumque istud opus (ut verbo dicam quod sentio) dum poliunt, polluunt. Verum hos ad Ixionis rotam mittamus; divinamque potius majestatem, sapientiam, lucem piè in hoc animalculo modestèque intueamur. Nam qui in minimis creaturis. Conditoris plenam majestatem scrutatur, subito à gloria ipsius obruetur. Quantò autem in itinere nocturnis peragendis negotijs ului fuerint Americanis, antequam Hispani fustulium lampadamque usum docuerant, antea est dictum. Nobis verò Europæis illæ nocte iter ingressis, maximo (sac memini) in Italia alijsque locis fuerunt oblectamento: non solum quia tenebras dispulerunt splendoris radio, sed quia terram illustrarunt cœlesti lumine, Solem Lunamque contra non vili. Neque solum oculos pascunt mentemque instruunt, sed etiam varijs morbis medentur. Nam Cicindela scœmina intra mulæ matricem posita, mulierem semper cum periculo prægnantem sterilem reddit, inquit *Kiraniæ*. Cicindela ex vino potæ, tedium vel fastidium potius veneris adferunt, Benedicto autore: id quod etiam Gilbertus Anglicus, Albertus, Nicolaus Florentinus & Rhafis valde affirmant. Atque ideo merito quis lutulentum Mœchorum genus frequenti illarum potu castrari optaret; qui neque nuptiæ abstinent, neque puellâ neque pueris liberis, sed haud dicendâ turpitudine sese polluant. Rhafis in cura calculi Lampyrides valere scribit, si cum oleo conterantur, eoque locus pilis nudatus ungatur, non sinit eas postea renasci. *Bairus*. Si post aures apponantur contusæ, humores ad oculos dentefve diabentes divertunt, atque evacuant. *Anonymus*. Insulæ Soridaniæ incolæ ex vermium nocte lucentium numero sufficiente & cerâ nigrâ recente commixtis massam faciunt, ac subter arenas calidissimas coquant ad medicatæ consumptionem. Hujus massæ quantum nux avellana æquat, juvenes senesque veneris ciendæ cupidiores, duas ante & post cibum horas

horas comedunt; atque ita non calorem solummodo partibus obscenis, sed vigorem quoque infundunt. *Thevetus*. Cæterum hic non vulgò notas Cicindelas sterilitatis (ut diximus) *effetrices*; sed vermes illos igniferos in Iulorum genere habitos intellexit *Thevetus*, quos in potu acceptos (cantharidum ritu) venerem urinamque provocare scribit *Merula*. Quinetiam ad piscium capturam hamis affigit eos *Alexius*, & ad eorum illectamentum variè commendat.

Weckerus vero ex lenta ipsarum in cucurbita vitrea decoctione, aquam effici memorat, eundem in finem non ineptam: Sed *Alexij* magis mihi placet opinio, cui experientia fidem fecit.

CAP. XVI.

De Locustis.

Locusta appellata
ab

Arabibus *Gieat*, *Gierad*, *Gerad*.

Illyricis *Kobilka*, *Bruck*.

Sclavonibus *Knonick*.

Gallis *Sauterelle*, *Sautercan*, *Languosle*.

Hispanis *Lagoussa*, *Gafanhote*, *Gaphantoles*.

Italibus *Cavalerto*, *Soliotta*, *Saltello*.

Germanis *Henschreck*, *Sprinckhaen*, *Sprinkell*.

Belgis *Hupperlinck*.

Anglis *Grashopper*, quasi Fœni sultorem dixeris.

Latinis *Locusta*, ut quidam putant, a locis uestis. Loca enim urunt quæcunque tetigerint, morsuque omnia erodunt.


Hebræis *Arbeth*, ארבה.

Polonis *Konick*, *Szarancza*.


Hungaris, *Saska*.

Græcis ἀγρίη, ἀπὸ τοῦ ἀγρίου τὴν ἀσχυρίαν καὶ τὴν φωνὴν τῆς ἀγρίας, inde diminutivum ἀγρίδιον. *Locustula* vel *Locustella*.

Quia omnes Locustas à numero pènnarum *Tetrapleuridas* vocat: Alij *Cornopas*, *Parnopas*, & *Pornopas*: unde *Hercules* & *Apollo* *Parnopij*, quod locustas eorum agro abegerant, *Atheniensibus* dicti, ut *Pausanias*, *Hermol. Calius Rhodoginus*, *Lilius*, *Gyraldus*, *Camerfius*, *Strabo*, *Helichius*, &c. annotarunt. *Parnops* tamen (nisi *Aristophanis* interpres non ludit) eam tantum locustarum speciem significat, quæ se manui facile tractandam præbet. Antequam earum descriptionem differentiamque aggredior, nequeo non cum Marcello *Virgilio* admirari naturæ artem, quæ nescio ubi feris lussit, vel ludibundiùs (uti dicam) laboravit. Quis enim tot primum in eodem corpore colores descripserit: quis tam diversas corporum formas, ingressus, saltus, volatus, dignè ostenderit. Sunt enim quæ virides, quæ nigrae, quæ liventes, quæ aliqua parte hunc, aliqua illum ostendunt colorem. Sunt quæ volantes tantum, latentem antea colorem proferunt. Sunt quæ simplicibus; quæ pluribus alis volant, quæ alis carentes saltant: quæ utroque hic motu privata: ingrediuntur tantum. Sunt quæ longioribus, quæ brevioribus cruribus sunt; & in his pluribus brevioribusque & paucioribus longioribusque internodijs. Sunt quæ canunt, quæ mutæ sunt, ut *Seriphia*. Sunt quæ nihil homini in re rustica nocent, innocentisque se à pueris capi permittunt. Sunt contra quæ pestem & calamitatem satiorum omnium totis regionibus afferant. Utque plura sunt in natræ genera, sic etiam penè infinita earum




earum nomina fuerunt, quæ jam per l'hylicorum ignaviam usu excidunt. Sunt autem omnes Locustæ vel alata, vel non alata. Alatarum alia vulgares sunt, alia rariores: vulgarium sex majores vidimus, (omnes virides) atque minores multicolores. Prima majorum cucullo veluti herbaceo caput, collum, mediumque fere corpus contegit: alia à collo subitus oriuntur, virentes, parvis paucisque nigris maculis insignita, dorso item virenti venter fuscus subjicitur, caulis extremo nigricante; magnum illos, & dentes validi la-



tique, ad fruges absumendasegregiè nati. Secunda huic similis videtur, sed epomis collo annectitur; natus item & os ipsū magis rubescunt, punctaq; in alis habet majora.

Tertiæ viridis omnino vultus; crura albicant,

cauda nigricat, alas maculosiores obtinet, & circa extremitates ex albo rubescentes.




Hæ autem sex sunt, à quibus tres itidem mares hoc discrepant, quod vel extremâ caudâ, vel supra caudam, duos tresve gestant aculeos, medioq; item caputio magis rubent. Prima minorum species, *Holt'sche* Tigu-

Tigurinis dicta, corpore nigro, externis alis maculosis; internis minio illitis conspicitur; crura obsoletius fusca, lineisque nigerrimis fusque deque productis accurate picta. Secundæ antennæ oculi tibiæque suave rubent; crura lineis item nigris variegata, alæ lentiginosæ; venter surdè rubens ex flavo, scitam nobis bestiolam & pulchram exhibent. Tertia ex nigro cinerea videtur, antennas habens brevissimas, atque alas præter morem corpore longiores.




Quarta undique obsoletè viret, nisi quod capitium nigris duabus lineis ornatur, tibiæque postremæ vivida quadam rubedine resplendent. Quinta nonnihil minor cæteris, sed colorum situ, & varietate gratior. Corpus illi nec non facies & pedes xerampelini, alis virentibus gestit, caputioque aureâ quadam institit per medium ducta splendente. Omnibus istis minoribus alæ longitudine corpori æquales, vel longiores; nullum item caulem, nullum in cauda spiculum gestant, prætisque & in pascuis (raro inter segetes) luxuriant; ut in Gallijs nostraque patria Britannia sæpe vidimus. Rariores tres tantummodo species vidimus, Italicam, Græcam, & Africanam. Illæ mantis dicuntur, vel quia suo adventu, (primæ enim omnium apparent) ver præfagiunt, ut Anacreon cecinit; vel famem prædicunt (ut Cælius & Scholiastes Theoc. annotarunt.) Vel quia anteriores pedes, veluti manus, supplices semper tenent atque elatas, vatum more; qui eo gestu orationes ad Deos fundere solebant. Mantis Italicæ (Cujus hic iconem repræsentamus) mentionem facit Rondeletius, lib. de Piscib. ferè in hæc verba: Pectus habet longum, tenue, cucullo tectum, caput simplex: oculos sanguineos, satis magnos, antennis breves, pedes sex, locustarum more, sed anteriores multò crassiores longioresque cæteris, quos quia junctos plerumque elevar (precantium ritu) à nostratibus Preque Dieu dici solet: totum corpus macilentum est.



Tam divina censetur Bestiola, ut puero interroganti de via, altero pede extento rectam monstrat, atque raro vel nunquam fallat. Cauda illi bifurca, setaceis duobus aculeis prædita: atque ut manuum elevatione vates refert, ita etiam & motus similitudine; neque enim ludit ut alij, neque saltat, neque gestit; sed lentè obambulans modestiam retinet, & maturam quandam ostendit gravitatem. Hanc quamvis in agro Monspeulano sæpe se vidisse Penpius

nus affirmat; tamen Iconem ejus ab ornatissimo Antonio Saraceno. Gene-
vensi medico missam fuisse, in schedis memorat. Alteram Mantis speciem
arboris habitans, Viennâ misit Carolus Clusius é Græcia allatam, quæ magni-
tudine & forma priori similis, alium tamen colorem ex naturæ lociûe dono
accepit, habet enim cornicula saturatè lutea, hyacinthinum ocellum; alas
ex luteo fatiscientes; corpus reliquum amethystinum, nisi quod tibiæ prio-
res pilosioresque suffragines albescerent, & recurvæ digitorum chelæ nigres-
cerent. Africanâ é Barbaria nostris aliquot sumptibus accersivimus, gra-
cilem, quinque uncias longam, cucullatam, capite pyramidali, (ut Macro-
cephalum putares) é cujus penè vertice duo corniculâ latiuscula, unciam



ferè longa se erigunt, galearumque illum Turcicum, biplumem, (quali Ianifi-
rij utuntur) superbièntem repræsentant: paulo infra summitatem ejus oculus
utrinque emergit satis prominens, grandis, obscurè rubens. Corpus illi ob-
longum, purpureo cruentum; cauda hyrundinâ, bifurca; alæ quatuor sub-
cinereæ maculis quibusdam fuscis ornata. Priores quatuor pedes tibiæque
pergraciles; posteriores robustæ, lacertosa, longæ, & ex maculis transver-
sum per femora ductis subnigræ. Atque hæcenus de vulgaribus locustis ali-
geris, atque etiam rarioribus satis dictum sit: nisi forte alias differentias adi-
cere necessarium mecum una existimaveritis. Nam vulgarium facies torua,
oblonga, rugosa, velut squamis munita, quæ os fere contegunt: dentes illis su-
perna parte affixi, lati nigricantes, durissimi, quibus aristas faciliè mandunt,
maximoque cum stridore fortiter conterunt. Græca vero & Africana locu-
sta breviori apparet vultu, dentibusque adeò est languidis, ut mollissima tan-
tùm gramina & summitates herbæ depascant. Vulgaribus antennæ longæ ad-
modum; Manti vero perbreves: thorax illis durus, cartilaginofus, validus;
huic ferè nullus, inanis, languidus. Illis item alius mollis, longa acumina-
ta: his contra, durior, plena & torosa. Vtriusque quatuor alæ membranæ,
quasi ex nervorum filis contextæ; nam licet interna complicata duplex vi-
detur, ubi tamen extenditur simplex apparet: Id quod Iodoco Willichio
fraudi fuit, dum oculorum errore lapsus, sex locustis alas imprudèntius ascri-
beret. Iucundum sane fuerit in nonnullis utriusque generis locustis animad-
vertere quorundam femora sexangularia, affabre in suis arcibus levigata p' exum;
retiformi artificiosè picta. Vulgares locustæ oculos habent magnos & pro-
minentes: unde *αἰετοcephalus* nomen Ebulo cuidam inditum ab Athenæo. lib.
10. cap. ult. Locustis visum denegavit Nigidius multis verbis, uti refert Pli-
nius lib. 11. cap. 37. tamen oculos habent claros & quasi vitreos, cornæ
quamvis membrana vallatos. Natura mendacij Nigidium arguit, quæ ocu-
lum integrum visus quoque participem esse voluit. Quod vero colores atti-
net, nullibi copiosius lustrum pictrix natura. Nam licet plerumque viri-
des videntur apud nos, vidimus tamen variè item rubentes, flavescentes,
phæniceæ,

in suo de locu-
stis Lib. 10.

Color.

6. ovis, genera-
talis.

phæniceas, purpurascens, & ex Morochia albiſſimas: atque Arabiam deauratas parere ab Aeliano accepimus, 10. & 13. de Animal. De Locustarum coitu Valeriola, (qui diligenter earum naturam conspexit) quam Aristoteli ipsi subscribam. Coeunt inquit (quod vidimus) mare tæminam superveniente. Mas vero in concubitu duos illos aculeos dorſo ultimo eminentes per caudæ reflexionem in fæmellæ uterum immittit, arctiſſimè verò diutiſſimèque conjunguntur, ut vix avelli ſemel copulatae queant, neque ſaltu aut motu, imo quidem vix manibus avulſæ diſcluduntur: Fæmina ſubagitata aliam intente movet, & ſe ima parte mari applicans illum diutius continet; modo vulvæ hiatu, modo ejuſdem coarctatione venerem ſibi parans jucundiorẽ. Nam dum hiat vulva, mas ſeſe penitus inimum uſque uterum inſinuat; dum vero contrahitur, blanda meatuum & uteri affriccione ſeſe delectat. Viſum etiam meatus duo in fæminæ pudendo, interſtitio quodam diſjuncti, & craſſiuſculo operimento contacti: quod externa ſui parte nigricat, durumque eſt & cartilagineum; intus autem leviter hirsutum, rugiſque; quibuſdam quaſi ſcabrũ videtur. Ad hujus operimenti fundum uterus albicans inſtar muliebris pudendi cernitur. Pariunt autem fæminæ (Authore Ariſtotele) in terra fixo cauliculo illo qui caudæ adnaſcitur: ac univerſim, ac loco eodem, factum ſimul, non ſparſim deponunt; ita ut quaſi ſavus eſſe videatur. Hinc vermiculi ſpeciem ovi gerentes oriuntur, qui terrena quadam prætenui tanquam membranula ambiuntur: quæ diſſectâ, emergunt locuſtæ, ac evolant. At (pace tanti Philoſophi dixerim) ova ineunte Autumno revera pariunt, non oviformia: ſicuti & oculis et manibus comperimus. Tam mollis ſatura hæc eſt, ut ad tactum leviſſimum conteratur. Non ſumina telluri partus comittitur, ſed paulo altius; duratque hyeme ſub terra: Hic concoctione hyeme peracta, ſubſequenti anno, ultimo penè vere exeunt ex illo terreno amiculo parvæ locuſtæ nigricantes, ac ſine cruribus penniſque reptantes; deinde majores ſtatim efficiuntur. Pariunt exitu æſtatis, & ſtatim à partu moriuntur, pediculis circa collum naſcentibus (veluti ſcarabeis accidit) tempore partus, qui eas ſtrangulant. Tam frivola ratione morientes, ſerpentem cum libuit necant, ſingula, faucibus ejus apprehenſis mordicus. Vernis aquis intereunt ova; in ſiccò vere magnus provenus. Alij duplicem earum factum geminumque exitum tradunt (in quorum numero Willichius.) Vergiliarum exortu parere, deinde ad Canis ortum obire, & alias renaſci. Quidam Arcturi occaſu. Locis montanis aut tenuibus locuſtæ non ſiunt, ſed planis rimoliſque, nec in ſuperficie, ſed rimis & cavernis ova deponunt: cum ut melius concoquantur, tum ut ab imbris & frigore melius conſerventur. Quod ex mulivel aſinorum cadavere per putrefactionem (ut Plutarches in vita Cleonidis refert) oriantur, nequeo cum Philoſophis ſtatuerẽ. Tum quia illi veſci Judæis permittebatur; tum quod oculis nemo putridam illam & ignobilem locuſtarum generationem deprehendit. Obitus illarum varij videntur. Mas enim a coitu (quo eum diutiſſimè hærerẽ, humidumque radicale prolixiore venere, ſpirituſque unâ omnes exigere veriſimile eſt) ſtatim expirat: Vti fæminæ omnes à partu; neſcio an doloris vehementia, an ſaturæ numero, qui ſane maximus cum ſit, matris exhaurire & abſumere vires non nequit. Sæpe item gregatim ſublata vento, in maria aut ſtagna per ætemum decidunt. Longinqua quoque maria ab ijs trajici feruntur, continuata plurium dierum profectione. Namque & grandiores cernuntur, & tanto volant pennarum ſtridore, ut aliæ eſſe alites credantur, ſolemque obumbrent: Italiam ex Africa magna ſæpe cohorte infeſtant, omnia morſu erodentes, & fores quoque teſtorum. Nec ſolum morſu ſegetibus, paſcuis, pratis, hortis, pomarijſue nocent, ſed ſtercore item, nigro, urido, mordace, gravi, bilioſa; inprimis atque acri ſaliva, quam (Valleriola teſte) multâ ex ore inter

Interitus ſive
mors.

Dauna ab ipſi
ſalata.

inter rodendū fundunt, tamen veneno carent, Parthisque & Aethiopibus nonnullis victū suppeditant, & in delicijs habentur. In India ternū pedū longitudinis esse traduntur, cruribus & femoribus serrarū usum præbētes cum aruerint. Locustæ suis gubernaculis vel pennis atterentes sonant, (inquit Aristoteles; Verū Plinio stridor ille proficisci ab occipio videtur. Ego tribus id modis fieri existimo, dentiū stridore dum herbas rodunt, alarum converberatione dum illas vibrant, scapularum & colli durioris contritione dum se movent & saltant; veluti militibus accidit lorica & thorace armatis. Nunc ad locustas

Sonus quomodo a locustis fit.

ἀπὸ τῆς ὁρατικῆς convertam. Illæ autem potissimum sunt Bruchus, Attelabus, atque Afellus. Bruchus ἀπὸ τῆς βρῦχης, id est, a mōdendo & vorando dictus, impennis locusta dici potest, herbas devorans. Bruchorum quatuor species exhibeo: Primam maris, tres reliquas fæminarum. Mas collare gestat subcrurentum, sub quo duplex pendet cucullus leviter ex flavo virens; dorsum ad caudam usque sex portæ laminæ transversim ad latera ductæ adornant. Ventris (quisatis magnus) caudæque tres illi parvi aculei ad recens natæ herbæ colorem accedunt flavoviridem, veluti etiam & femora, facies atque antennæ; sed tibiæ rubidæ videntur. Prima fæminarum æruginosa tota est, absque linea esset xerampelina a caputio ad caulem per dorsum ducta: caret item aculeo in caule nascente; videtur etiam plicis vel potius quasi orbibus 10. viridibus circumcincta. Secunda ferè omnino spadicea atque fusca: ventre tamen parū flavescit, aculeumque geminum gerit principio caulis infixum. Tertix vultus, caput porcinum vel vitulum marinum refert: antenarū loco barbellam quasi juxta nasum utrinque sitam obtinet; duo in suprema fronte tubercula, utriusque aures representant, duosque in caule habet aculeos, fusci (ut totum corpus) coloris neque parū acutos. Hos depinxit nobilis ille Eques Edmundus Knivet Anglus (ut genere, ita virtute & naturalium rerum indagatione inter paucos illustres) & ad Pennium in hujus operis amplificationem, quæ est singulari in doctos humanitate dono misit. Bruchi Illyricè *Chrast*, Polonicè *Knonick*, Germanicè *Ranp*, Anglicè *Field Cricket* vocatur. Attelabus sive



ἡ ἑξήχιο parva quædam locusta dicitur. Plinio vero è minimarum genere videtur. Hieronimus in tertium caput Naum. Prophetæ, parvos locustarum satus *Attelabos* vocat: quos significantius *comessores* interpretatus est Aquila. Parva locusta dicitur inter locustam et Bruchum mediæ naturæ: tam modicis donata pennis, ut impennis habita, reptare potius quàm volare videatur. Hanc ob causam ubicunq; oritur, omnia ibi quasi in pollinem sive rubiginem conterit atque absūmit. Alijs videtur species esse Bruchi, donec pennæ excrescant; postea vero in locustarum classē venire. Stephano ἀττὲλαβος dicitur *med. in d. d. d.*; quoniam adeo minutis pennis conspicitur, ut carere omnino alis judicetur. Attelabi (ut Aristoteles prodidit) in arvis cessantibus pariunt, quomodo & cicadæ. Pariunt autem, & quum pepererint moriuntur, uti reliquæ locustæ. Intereunt ova eorum aquis autumnalibus, cum nimis

M

mis

mis increverint, ac sicco autumno largior proventus Attelabonum est, quoniam minus ova intereunt. Asellus, sive *asellus* Dioscoridi dictus, à tarditate in motu nomen habet, sine alis, crassioribus cruribus, sed unà brevibus præter aliarum morem (unde reperere potius videtur quam salire) ventre propendulo & magno, acsi ad fruges devorandas natus fuisset. Hæc forte locusta in sacris litteris *אפלים* dicitur, à Nicandro *μαυρὴ* atque *σπηβός*: quamvis (Clitarcho referente) Ambraciatarum dialecto omnes locustæ *μαυρὴ* dici possint, quia frumentum mandunt cum stridore. Franciscus Stancarus tractatiunculam de septem generibus locustarum scripsit, secundum Scripturas & Rabbinos: verum quatuor illas inter volucres mundas numeratas, quibus ludæis vesci licebat, non descripsit. Erant autem Arbeth, Salaam, Chargol & Chagab; Quas Chaldæi *Gebab*, Raschon, Chargola, Chorgeba, Græci vero *ἀσείδης*, *ἀσέλας*, *ἰρίμαχος* & *ἀπὲλας* nominarunt. *Arbeth* est Locustæ species fecundissima, à multiplicatione dicta, ut Kimhi, Munsterus, & Broughton observarunt. *Salaam* *ἀπלים* 70. Interpretes verterunt, Hieronimus *Scarabæum* non rectè vocat, est enim volucre animal quatuor prioribus pedibus gradiens, duobusque posterioribus alijs longioribus dissiliens. Kimhi speciem locustæ facit à Rabbinis Raschon dictam. Abenezra *Salaam* eam dici existimat, quod insideat saxis: cui sententiæ Himski etiam subscribit. *Chargol* prædicti Interpretes *ἰρίμαχος* vocarunt; pugnat enim cum serpente, ejusque fauces præcludens animam eripit. *τὸν οἶον* (inquit Arist. Histor. 9. Cap. 6.) *τὴν ἀσείδα ἰερέμην*, ὅη δὲ τὰν μάρχαι τῆς ὄρεος, καὶ μὲν ἀντὶ τοῦ τρεχέλου, &c. Nec Nipho opus erat Ophiomachum illum, Scolopendram interpretari vel aspidem: quàm Philosophus disertè *αἰτίδα* vocet, virique 70. doctissimi Locustam fecerint. Sanè utcunque cæcipienti Nipho impossibile videbatur, tam pusillum animal serpenti necem inferre, nobis tamen tot tantorumque virorum testimonijs niti consultius fuerit (quibus locustarum rerumque; fere omnium natura fuit perspecta) quàm tantum frivoli cōmentatoris conjecturis. *Hagab* vel *Chagab* Attelabus dicitur; Hieronymus *Attacen* vocat. Inter locustas numeratas ultima censetur, & postremo loco, quasi gravissima futura, ascribitur: hæc siquidem non delibat tantum fruges aut tondet, sed caulem ipsum confringit atque conterit. In terra frugum sæcula nascitur ex ovis, quæ parens ibi deposuit postquàm fruges fuerant consumptæ.

Bruchorum
species.

Ioëlis primo, Amos 4. Deuteronomij 28. & Psalm. 78. quinque aliæ locustarum species recensentur: Nempe Gazam à tondendo, Ielak à lambendo, Chasit à percendo, Thelatsal à rubigine quam infert frumentis, & Chenamal à manendo, quia stationem semel positam non deserit. Rhodulphus Modius in Levit. & Ioëlem Prophetam, varias Bruchorum species recenset, alios fulvi, alios flavi, alios grisei coloris. Quinetiam ex vermiculo albicante in rore spumoso (qui Maio mense herbis inhæret) volucre quoddam & viride animalculum progignitur; quia locustam referens omnium minimam. Saltat & à saltu volat, ideoque locustellam dicere non timeo. Angli spumicam illam materiam *Wood-scare* vocant; quasi diceres, silvarum tabem: Germani cuculi salivam esse autumant. Quæ vero forma fuerit *μαλκὴς* Suidæ, *μυλακρί*, Cœlij, *μαλκρὴς* Nicandri, *ῥιζήνας*, *ἄχνης*, *πταλὶ*, *ἄρπης*, *δρακοντῶ* Hesychij, *πταλὶ* Aristophanis, *μυλῆς* Eustathij, *ἄλκρης* & *πυλῆς* Phavorini, Ludolochra Iridori, equidem ignoro, atque illum Oedipum audirem, qui earum naturas & usus enuclearet. Quod autem Marcellus affirmat esse locustas quæ duabus tantum alis utuntur, & Willichius nonnullis 6. tribuit; sanè vel illas describisse oportuisset, vel rem fide majorem tacuisse. Eò etiam turpiter est lapsus, quòd Regem ipsis assignat & Monarchiam. Fortè inter minorum turmas unam è majoribus invenit, & ex magnitudine præcellenti regem salutavit. Sed negat Salomon (Philosophorum, imò quidem sophorum faciliè princeps)

ceps) eas Monarchiæ patientes esse, & populari tantum statui formicarum more subiectas memorat. Quo modo Deus per hæc levia animalcula Par-^{Damnaque in-} rthonis live Pharaonis Regis contumaciam atque ^{serunt a lo-} castigavit, ex decimo Exodi satis patet; & in Templis, imo quidem trivijis decantatum est. Anno ante Christum natū 170. pascua ferè omnia veluti nubibus locustarum cooperta, & centum ab eo annis circa Capuam ingens earum vis totum agrum implevit. *Iulius Obsequens*. Anno post Christū 181. bello diu per Illyricum, Galliam Italianque grassante, & utcumq; postea sedato, ne quid pravarum gentium pœnæ deesse videretur, Locustæ numero infinitæ & cæteris longè majores, herbam ubique omnem absumpserunt. Anno Domini 591. regnan- te apud Longobardos Agilulfo, maxima locustarum copia Tridentinum ter- ritosium graviter afflixit; quæ ex Africa vi ventorum delatæ perhibentur. Maxima tamen earum pars procellis dejectæ submergebantur. Sed non mi- nus Italis damnosæ atque lætales: nam fluitibus ad Cyrenis littora volutæ, pestifero vapore odoréque ejusmodi mortalibus luem intulerunt, ut homi- num pecudumq; 800000. tabe periisse scribat *Iulius*. Venetijs item & in agro Brixiano ex frugum inopia (locustæ enim omnia vastarunt) tam miseranda infecuta fames, ut anno 1478. (quo hæc fiebant) supra 30000. hominum millia occubuerint. Annis item 593. 693. & 811. Locustæ ex Africa post sic- citatem maximam volantes, plantas herbasque & cortices arborum devo- rabant, unde fames secuta ingens, & qualem Naumachiæ author eleganter describit his versibus.

*Et mortis alumna
Concomitante fame, vacui jejunia venit,
Et locus peragant, mendicij offia pulsant.
Non jam bellenum, non panis suppetit ater,
Perq; avidas fauces, jejunaq; viscera ferunt,
Oras, vana movet, dentemq; in dente fatigat*

*Dra famem; miseris vix fieri offibus horret
Hirta entis, per quam spectari viscera possunt.
Ventre hinc pro ventre locus, pendere videtur
Vellus, & assina rigida modocrate tenet:
Labra incana siccæ, cava lumina, in idus ora
Inscit pallor, sateat rubigine dentes*

Neque Gallia ab illarum dentibus & ingluvie libera fuit, sed annis à partu virgineo 455. 874. 1337. 1353. 1374. miserè depopulata, cives suos inedia undique absumptos, pesteq; sequente ablatos plurimos, imo tertiam aliquan- do virorum partem amisit. Erant autem illæ plerumque senis alis, & ab orien- te eò delatæ, Tandem verò in mare Britannicum sublata ventorum vi, flucti- bus obruebantur. Sed æstu Oceani in litus rejectæ aërem infecerunt, pe- stemque antea cta fame non minus sævam intulerunt. *Otho Frisingensis*. Quinetiam anno 1476. totam ferè Poloniam vastarunt. Anno 1536. in eam Sarmatiæ partem quam recentiores Podoliam vocant, ventorum impetu ex Ponto Euxino, innumerabilia locustarum agmina ferebantur: quæ militari or- dine castra mutantes, omnem agrum in quo stationes diurnas nocturnasve fa- cerent, excederunt. Hæc infusæ magnitudinis primum alis carebant, deinde alis exrescentibus pro arbitrio volabant, atque arbores ipsas, quid dicam? folijs & floribus; imò ferè corticibus denudabant. Postea per Germaniam erian- tes, ad Mediolanensem usque agrum iter caperunt, eoque depasto, in Polo- niam & Silesiam revertebantur. Tandem mense Novembri (tam diu enim vixerant) ut frigoris vi tabefactæ maximum factorem excitarunt, & nisi subius apri&que sylvestribus pabulo fuissent, non minùs peste gravissimâ, quàm fame tam Germanos quàm Italos affecissent. Anno 1543. Locustæ Misniæ & Marchiæ provincijs maximo damno fuerunt: quo tempore in Lucano agro tam frequentes convenerant, ut glomeratæ cubiti altitudinem excederent. *Jacobus Eckelius*. Anno 1553. quantam locustarum agmina agris Arelaten- sibus ja&uram inferrent, cuique notum est. Dum item hæc scriberemus; ac- cepimus Hispanos ingenti Locustarum numero ex Africa delatarum densis- afflicto. Volabant enim cohortium instar per nubes, atque aërem densa-

bant. Populus vero illis conspectis campanas pulsare, bombardis intonare, buccinis terrere, æneis nalis tinnire, arenas projicere, omnia denique tentare, quibus abigi possent. Sed eventus voto non respondit: tandemque inutili labori superfluentes, præ fame & putredine passim intereunt: ut ipsi nobis nautæ & gubernatores (qui vix illam calamitatem effugerant) auctores sunt. Eutropius libro 4. mentionem facit grandissimarum locustarum, quæ non procul ab agro Romanorum maxima cum intuentium admiratione & stupore fuerant conspectæ, inquilinis adeo formidabiles & voraces, ut illarum solo contuitu inhorrescerent. Hinc igitur colligere debemus, hæc animalcula non minimū inter Deī copias & exercitus locum tenere; edita esse, quum peccata hominum puniret, legisque suæ contemptum vindicaret. Cæterum ut iustitia ipsius admirabilis, ita in summa severitate misericordiam deesse non patitur. Nam cum varias gentes locustæ ad inopiam & famem adegerant, & quo vescerentur non haberent, subito illæ omnes occiderunt, & genti quam afflixerant cibo fuerunt. Etenim calidiorum regionum incolæ (quos potissimum frugibus spoliant) ut Æthiopes, Tagetenses, Parthi, Arabes, Lybij, Mellenes, Zemenes, Darienses, Atrii, præterea qui Leptin incolunt, Azanughi, Senegenses, & Mauritani aliquot, maximā ex parte ijs vescuntur, earumque ova in delicijs habent. Alij autem sic parant: Primum in loco concavo & spacioso fumum magnum excitant, quo inter volandum locustæ impeditæ cadere coguntur; tum captas sale & sole & etiam fumo exsiccant, ac in massulas formatas pro annuo alimento (quemadmodum nos pisces) servant: non illas tantum quæ longa habent crura, sed etiam Antelabos, Asellos, Asiracos, omniaque fere locustarum genera: ut ex Dioscoride, Strabone, Plinio, Solino, Agatharide, Plutarcho, Avicenna, Posidonio, Leone & Dionysio Afris, Eliano, Diodoro Siculo, Aloysio, Cadmus, Agricola, & navigationum centurijs legere possimus; unde ἀντιπρόγιοι. Verum ut unque illas in gratissimis cibus isti haberent, Græci tamen inter viliora edulia numerabant. Si Aristophani, & Plutarcho in Sympol. credendum, ubi agricolarum mensæ columen, locustas appellat. Ioannem Baptistam ijs sylvestri melle commixtis vitam sustentasse, D. Matheus 3. capite recenset: atque quatuor ipsarum genera Deus munda esse voluit, populoque Israelitico ijs vesci permisit. Qui plura cupit de locustarum in cibus usu, venerandi Bezzæ doctissimas annotationes in Matthæum legat. Veneno carent: Attramen qui ijs cibantur, non sunt longævi & quadragesimum annum raro attingunt, imo juvenes frequenter pereunt, ut Diodorus Siculus. Agatharhis atque Strabo notarunt. Non nocent (inquit D. Ambrosius) locustæ vel hominibus vel frugibus per se, sed illos alunt, & frugibus non vescuntur nisi signum acceperint divinæ præceptionis. Eo vero dato enecant homines, depopulantur terras iræque cælestis ultionem exequentur. Mantis (quod diximus) iter monstrat errantis; Ophiomachus serpentes jugulat; omnes locustæ ver indicant quo quid nobis acceptius?) & si nimia multitudine famem præstent, ea ipso nos ad poenitentiam & preces suaviter invitant. Eâ inter sese vivunt concordia ut Rege vel Imperatore opus non sit: volitant enim (ut Salomon 30. Proverbiorum scribit) conjunctim sine rege, & concordiam invicem observant; unde & illud de Ecclesia dictum: *Custodes tui quasi locustæ, & parvuli tui quasi locustæ*. Locustarum: id est, non numero solum permulti, sed animorum consensu conspirantes & confirmati. Quod vero medicos usus attinet, neque ijs destituntur locustæ. Nam sufficit stragulari, præsertim mulierum, medentur. Dioscorid. panis cum locustarum carne comesus calculosos adjuvat: ungulum scabriciem tollunt Locustæ fixæ. Crura locustarum cum sevo hircino trita, lepras sanant. Plinius. Mantis strumis auxiliantur. Aselli exsiccati, & ex vino poti,

P. 124.

Levitic. 11.

P. 124 in m. d. c. i. n. a.

poti, contra scorpij ictum maxime profunt. Attelabi apum, vesprium, crabronumque ictus & sanguifugarum vulnera percurant. *Dioscorid. Eupor. 1. & Plinius 29. 4.* Ad oculorum albuginem, caliginem & nebulam hanc compositionem præscribit Arnoldus, Breviarij lib. 1. capite 16. Locustæ nec omnino virentes, nec omnino nigrae, filo trajiciantur, & pauco vino albo suffocentur: deinde eas in umbra exiccato: tunc accipe radices primulae veris & foeniculi exiccatas ac puluerifatas: ac cum locustarum pulvere incorpores: tum pulveres in Linteo ligati cum vino prædicto servantur in vase æreo, de quo vino (linteo leviter prius expresso) guttulas duas vel tres oculis infundito. Qualitatem atque temperaturam ipsarum si videas, non salitæ parum calfaciunt, inflant, semen adaugent, venere m fuscitant. Salitæ vero pejoris succi videntur, sitimque excitant, & sanguinem adurunt. Hydropicis tamen & leucophlegmaticis non adversantur. *Silvaticus*: Præterea ut alios earum usus attingam: Locustæ pedibus aliisque spoliatae, cibandis pavonum pullis utiles habentur. *Columella*. Ranas palustres piscesque plurimos locustis vescitam cuique est notum, ut Bellonij testimonio non egeat. Est etiam Seleucis ὀφειον ἀκρίδων, ut Hesychius meminit. Monedulae etiam eas devorant, quo nomine apud Thessalios, Illyricos, & Lemnios publici ararum sumptibus aluntur: neque enim locustas adventantes solum perdunt, sed etiam sobolem devorant, unde fruges integre servantur atque illasæ. Alimento item sunt comicibus, graculis, gallinis, anseribus, anatibus, alaudis, porcis etiam & ovibus, ut præter historiam longamque experientiam Plutarchus lib. de Iside & Osiride testatur. Denique (si Apomafari, Indorum, Persarum, Aegyptiorumque disciplina viro instructissimo, credendum,) somnari de locustarum adventu adventantis hostilis exercitus signum est, quantumque illæ nocere vel non nocere videbuntur, tantum quoque & hostis. Nunc quomodo nimia illarum copia arceri possit per prophylacticam hominum prudentiam, dicere tempestivum erit, atque ita huic capiti finem imponere. In Cyrenaica regione lege cautum fuisse memorat Plinius, ut ter quotannis locustas debellarent: primum ova atterendo, deinde fetus destruendo, postea adultas Locustas interficiendo: si qui officio deessent, defectorum poenas luebant. Magnesium & Ephesij ordine militari in eos procedunt. Nec verò mirum est varias gentes ad tam diram aciem domandam rationes injisse, quum varijs Africæ & Mauritaniae locis, adeo numerosæ damnificæque superent, ut incolas novos sibi lares parere compellant. Ovorum confringendorum destruendorumque varios ex Plinio, Valeriola, & Peucero modos adinadvertimus. Primò verno tempore torrentes in ovorum locis deriventur, sic ut totam terræ superficiem, vel maximam ejus partem abundè humectent. Hoc si per loci iniquitatem & situm fieri nequeat, terra multorum pedibus conculcetur, adeo ut nullus relinquatur locus, qui vel reliquis altior vel profundior sit. Si pedibus nihil profeceris, trahâ, pectine, & cylindro rusticorum uti oportet ponderosius factis, ut conterere eas facilius, & terram rectius complanare possit. Curruum quoque militarium hic copia non obesset, frequenti enim & perpeti rotatione citissime ova attererent: laudarem quoque aratri usum, quo terra effossa subverteretur, & locustarum veluti nidi proscinderentur. Sunt quicampagnarum, tubarum, tympanorum, & bombardarum sonitu illo Salmoneo atque terrifico adultiores locustas attonitas reddere consulant: quidam magnis à multitudine hominum clamoribus posse fugari autumant, ac si vel aëris fragore concuti possent, vel horrendos illos clamores (quod quidem absurdè somniant) audirent. Alij in pratis fossas profundiores faciunt, & crepitaculis quibusdam aërem vibrantibus locustas meticulosiores redditas sensim eò abigunt; in quas ubi sese contulerint, subito vel terra obruantur, vel ruderibus

Quo pacto interfici & arceri possunt.

inje^{ctis} cooperiuntur atque exanimantur: alij garo ex locustis facto ita captas afferunt, quo statum somno gravissimo sepulta, postea sponte intereunt. His artibus Valeriola locustas agrum Arelatensem vexantes viginti dierum spacio interfectas fuisse author est. In Syria militari ordine eas expugnant: in Lemno insula singuli milites certam locustarum mensuram magistratui per singulos dies afferre tenentur. Quædam gentes (ut dixi) monedulas alunt fisco publico, ut usu ferente locustas devorent. Præterea Seleucides aves vocantur, quarum adventum à Iove olim impetrarunt Cassij montis incolæ, fruges eorum locustis vastantibus. Hæ quotannis veniunt ipsis auxilio; sed unde advolant, vel quo tandem recedunt, nemini in compertis fuit. Statim quoque ab interceptis locustis montem relinquunt, domumque se recipiunt. Pulveris tormentarij sulphurisque suffitum neoterici multum commendant, & teterrimo odore locustas interficere existimant. Sivero locustarum ^{vires}, sive colluvies turmatim locum aliquem invaserit, incolæ omnes sub tectis delitescant, nam nemo in itinere conspicuo, transibunt regionem illam; aliàs vero facillimè ibidem acquiescunt. Sin priusquam id perspectum fuerit, influxerint; nihil segetis, herbarum vel eorum continget, quæ lupinorum amaricantium & cucumerum sylvestrium injuria conditorum decocto fuerint conspersa; confectum siquidem ab eorum tactu dispareunt. Fortasse Centaurei minoris, absinthij, vel juglandis decoctum idem præstaret. Similiter sicco pede transcurrere illas regiones creduntur, ubi Vespertiliones in arboribus factæ sint sublimes. Præterea si locustas in fossa (câ quâ diximus ratione captas) concremaveris, fumus ille vicinas reliquas vel suffocabit, vel demittere alas compellet, ita ut vel in venatorum manus nullo negotio veniant, vel à fole deinceps labefactæ ultro occidant. Si vites ab illarum injuria tueri velis, prope radicem tria sinapeos grana ferito, quæ deinceps germinantia odore acri bruchum locustamque omnem appropinquantem vita exigent: uti Geoponica Cassij & Dionysij Vticensis (malè Constantino Cæsari ascripta) nobis persuadent. Aristoteles 4. Histo. 8. odore sulphuris & cornu cervini, aut styracis suffitu locustas abigi tradit. Palladius ex Democriti præceptis nec satis nec arboribus locustas damno futuras scribit, lib. 1. tit. 35. si fluviatiles vel marini cancri plurimi fictili vasi cum aqua immixti tegantur & sub dio statuantur, ut decem diebus in Sole vaporentur: postea quæcunque illæ volueris, illa aqua perfundito per quodque ostiduum, donec sara perfectè adoleverint. Arnaldus fumo stercoris vaccini vel bovini, vel cornu sinistri fumo, arceri locustas author est. Sed quare superstitiosè dextrum excludit: nam ratio & natura, dextra sinistris meliora esse voluerunt. Magi suis nugis & Epodis plurimum hac in re fidunt atque attribuunt, quos cum Plinius lib. 37. cap. 9. dementiæ insignis & vanitatis infandæ redarguerit, non vos illis morabor. Peucerus lib. de divinationum generibus prodidit Romanos veri Dei cognitione nondum eruditos, quotiescunque locustarum agmina conspicerent, jejunijs, mœrore, sacrificijs, omnibusque modis ad placandas Deorum iras usos fuisse, & Iovem Apotropæum paulo diligentius coluisse. Eudoxus ait, Galatas orientales simili tempestate continuis precibus Avium ad Deum accedere, eumque sapius rogare, ut agros suos locustis inundantes servare velint immunes. Quæ nos Christianos monere debent veri Dei Orgijs initiatos, vero illo lumine instructos, certissimum locustarum nocentium abigendarum remedium esse Numinis invocationem, cum vera poenitentia & pietate simulationis nesciâ conjunctam. Absque quibus fuerit, næ vires, virtutesque nostri ingenij omnes concidunt, neque instrumenta contra ipsas omnia quicquam valebunt: valdè enim probò illam sententiam: *Deo destituta remedia similia sunt hominum otiosorum: ipso verò placato, & remedium animante, revera tum remedia dici debent.*


CAP.

CAP. XVII.

De Cicadâ & Gryllû.




Mnium Insectorum quæ sonum stridulum emittunt, *Cicada* primum sibi locum vendicat, & magno quidem jure. Nam sonum & argutum & musicum sole exæstuante edit, & rore vitam sustentans fatigatis arboribusque non nocet. Apud Græcos pro regionum varietate diversa fortitur nomina. Passim & generaliter *τίγρις*, Eleis *βελβας*, Sidelis *ζεργέρ*, Cretenfisibus (Bellonio teste) *πέμφορον*. Suidæ popularibus *εἰσι* dicebatur, quia rorem exugendo vivit: varias item appellationes, sexus, ætas, magnitudo, atque cantio illis attribuit. Nam fæmina non vocalis Aliano *καρκάνα*, quæ & *καλαμύνα*. Stephano *μυρωτέρα*. Eustathius non cicadâ sed cicadæ simile animal credit. Sic etiam Athenæus lib. 4. ex Speusippo: *καρκάνα* ζώον ὁμοίον τῇ τῖγρι καὶ τρυγόνῃ, simile cicadæ aut parvo turturi. Sanè Lyæ verba illa ex Alexide in Thrasone Athenæi citata, (*εἰ δὲ ἴσῳ ἢ πῶτα τ' ὅσον ἢ τε καρκάνα ἢ τρυγόν, ἢ κέρσαν, ἢ αἰδόν, ἢ τῖγριν αἰ τρυγόν*) fidem faciunt amplissimâ, & vocalem fuisse Cercopam, & à Cidarum gente alienam; nisi forte ut marem fæminamque turturum voluptatis gratiâ caveis includerent Græci, ita etiam masculo Cicadæ cercopam fæminam adjunctam fuisse statuemus; neque enim tantum cântus gratiâ eas cum picis atque philomelis alebant, sed etiam ut mutuas maris fæminæque amplexus, amores, veneres conspicerent. Adde etiam Cercopam Athenæum *καλέσθαι* vocare; tantum abest, ut viro suo omnes canendi obstrependique vices, præter fæminarum morem, attribuat. Dicitur ætate provectiore cicadâ *τίγρις*, novitia vero & tenella *κίκκος* & *κίκκος* ut Hefychius notat. Parvæ cicadæ (quas Gaza Cicadastræ, nos Cicadulas vocamus) a Græcis *καλαμύνας* atque *καρυίνας* dicuntur; ut mirer hanc significationem à Stephano prætermisissimam. *καλαμύνας* substantivè positum, cicadam minimam significat, autore Eustathio. *καρυίνας* cicadastræ item significant, ut apud Coelium legimus, Quamvis Eustathius animalcula ea esse contendit cicadis similia, atque alibi fæminas cicadarum vocat. Has Ælius Dyonisius à *τίγρι* nuncupatas voluit: *εὐκάλαντες* five vocales & obstreperæ Cicadæ sunt *εὐκάλαντες*, five mares: dulcisoni illi quidem, & pleetro quasi Thebaico modulantes. Mutæ autem & agreffiores cicadæ *αὐλάροι* appellantur a silentio, atque *ἀκρόβιοι*. Arabicè *Githnole* & *Cicuale*, & *Velderetrich*, & *Robiche*. Sylvat. *Cicara* barbarorum nomen est, à Latino vel Hispanico corrupto. Italicè *Ligallo*, *Cicara*, & alicubi *Lænzala*. Hispanice *Cignatregas* & *Cigarre*. In Germania atque Anglia Cicadas reperiri non audio: tamen si quæ ibi fuerint, utraque gens ipsas *Bowc Krickells* vel baulme *Krickets* appellant. Flandris *Fieldidrefin*. Wallensibus (ni fallor) *Straffen*. Polonis *Konick Zyemnyco*, *Spiewa*, dicuntur. Aliquando cum Gryllo confunditur Cicada, sed perperam nisi forte Gryllo cicadam esse dixerimus non alatum. Cicadam Latinos vocasse, autumant sonorum ancupes, quasi *cito cadentem*. Est enim illud Epitheton Cicadæ apud Philosophorum principem *αὐτοκαρπὸν τίγρις*, & revera brevissimi fati videtur. Cicadarum alia vulgariore sunt, alia rariore. Vulgarium caput pronum, magnum videtur; & pentagonum imitatur lateribus inæqualibus finitum. Colore est viridigricante; utrinque tumulos duos obtinens ejusdem coloris, sed ovalis figuræ & margine quadam fuscâ circumseptas, fusca item linea tumulos secat medios, mediumque caput littera nigerrima rectâ dividit: oculos habet ex fusco non multum viridantes, prominentes quidem, & magnas pro corporis ratione, ut mirer Nigidium (qui cicadis oculos negavit) eos non vidisse: Vifu




Visu autem revera sunt hebetiore, ut Aristoteles meminit; si enim digitum contraxeris & paulatim versus ipsarum oculos remiseris, accedunt eò magis quam recedunt, atque umbra digitalis citius eum conscendunt. Supinum caput, sive facies, dilute ex albo viridiusculum apparet. Cicada inter insecta & omnino in hoc animalium genere una, ore caret; habet tamen prolixum quid compactum indivisumque, intus plerumque conditum, quod veluti promuscis tum oris, tum linguæ usum supplet, denis strijs transversis affabre canaliculatum, eoque ipso rorem haurit, alimentum unicum & peculiare: ut Virgilius cecinit. *Pascuntur dum rore cicada*: unde Apud Athenæum primum disputatum, deinde conclusum fuit, solam aquam nutrire posse, quoniam ea sola cicada famem tolerant. Hinc etiam illud alibi apud

eundem parafiti cujusdam dictum *αἱ τρεῖς ἰδίαι καχλῖαι*, quasi diceret, nec rore vivo, nec herbis vescor. Cui etiam affine illud Theocriti: *ὡς ἀρούρης ὀπίσσω ἰσμεν τρεῖς*, id est, *aerive sovetur ut rore cicada*. Valeat igitur illa Æsopi quæ circumfertur fabula; Cicadas à formicis cibos petijssæ, quum ex Platone didicisse potuisset, Cicadas Apollini sacras id doni musarum benignitate assecutas, ut solo cantu, ne dicam rore, famem levarent. Fabulosa quoque *Τρετζίς* & ommenta proborum auribus indigna prætermitteremus, qui nescio quantum ijs ciborum delectum adesse memorat. Proditum tamen est ab Antonio Altomirino lib. de Manna, Cicadas ex fraxini & Orni præcipuè ramis corticibusque lacrymam exugere, quam nos Mannam arborem vocamus. Eas rorem duntaxat de herbis vel ex herbis papilionum more exugere, probabile magis est, tum quòd jejuna semper & inanes intrus reperiuntur, tum quòd nihil excernere conspiciuntur, nisi fortè ubi plusculum roris absorperint, superfluum ejus partem, ut rustici notarunt, removendo ejiciant. Corpus capiti brevissimo collo, vel potius nullo, annectitur: scapula ex viridi & nigro maculata, pectus dilute viride magis albicat, è quo tres utrinque pedes tibiaeque erumpunt prassini coloris. Venter in majoribus duos digitos transversos longitudine æquat, latitudine unum: interna ventris pars peltam refert in apicem desinentem, & limbo duodecim tredecimve articulis constante cingitur: intus incisura aliquot apparent concolores ventri, caudamque extremam mares (id est minores) fissam habent, femina contra integram: dorsum nigricat, 7. vel 8. lineis & incisuris virentibus transversim ductis ornatum. Alæ pulcherrimæ, argento illitæ, nævisque fuscis & maculis cum ornatu pictæ, externæ internis duplo longiores sunt, magisque variegatæ. Fusca rarior videtur, quam ex Guinea delatam Ludovicus Atmarus Chirurgus diligentissimus Pennio dedit. Dedit illi aliam ex Virginia portatam Candidus, pictor non incelebris, cinerei omnino coloris, (forte Græcorum *τρίφλο*) sed proportionem cum primis simili; alas utrasque habet argenteas, sed neutiquam (ut primæ illæ virides) maculatas. Surculariæ potissimum virides & magnæ sunt; avenariæ, frumentariæ, gramineæ, varios varijs in locis colores exprimiunt, longæque minores apparent. Si verò Cicadarum naturas cum



cum humana parare licet, servi nostri quæ sint, virtutibus dominos antecellunt; & nobis morum magistræ esse possint. Etenim eam vitæ ostendunt innocentiam, ut nullam creaturam lædant, nullâ abutantur: nos contra rectum rerum usum pervertimus, & ne à parentibus cædendis temperamus. Quis conviva jam perfert cicadarum pastum? simplicem illum quidem, & frugalem, nulla artis ciborumque varietate, & curiosula mixtura inquinatum? Imo eousque stultitiæ curiositas

foeda pervenit apud homines, ut nisi contrariæ miscantur naturæ carnes, unaque fructus, folia, aromata, carnes, liquores, concoquantur, æctum de gula cogitent, purasque & salubres illas mentes majorum fastidio habeant. Hæ sitim suam roscidâ extinguunt aquâ; nos sitim mixtis poculis seu lenocinio quodâ allicere potius, quàm lenire aut tollere laboramus. Illæ arbutis ad terram dejectæ (in quibus lubentius canunt,) nihilominus hilarem degunt ætatem, humilemque; fortunam altis ad cœlam cantibus leviores faciunt. Nos vero homunculi altioribus locis depulsi, animum amittimus, & ad quamque fortunæ rotam graviter timemus.



Cicada ab incallescere primum sole ad vespertum inspiratam concionem non intermittit, sed *ἡλικίῃ καὶ ἡλικίῃ* perseverat; concionatorum verò permulti, nec suaviter sermones instituunt apud populum, & vix quater quotannis concionantur. Pudeat sanè ipsos civilius educatos *ἀγαθὸν μὲν καὶ ἀγαθόν* admonitricem habere, neque suum officium rectius exequi. Harum si ventrem scabas (ut poeta laudat) acrius cantant: illos quantum quantum verbis demulces vel præmio invitas, tamen (ut Argonautæ Martialis) neque temum adhibent, nec ad vela oculos manumve conjiciunt. Quinetiam in cantu singulæ conveniunt; mutuamque rebus operam impendunt: Illi verò utinam non serendis lictibus, alendisque controversiis toti incumbere: utinam non de lana & lino, de figuris & formis, de decoro indecore & turpiter concertarent. Verum est

nec suaviter sermones instituunt apud populum, & vix quater quotannis concionantur. Pudeat sanè ipsos civilius educatos *ἀγαθὸν μὲν καὶ ἀγαθόν* admonitricem habere, neque suum officium rectius exequi. Harum si ventrem scabas (ut poeta laudat) acrius cantant: illos quantum quantum verbis demulces vel præmio invitas, tamen (ut Argonautæ Martialis) neque temum adhibent, nec ad vela oculos manumve conjiciunt. Quinetiam in cantu singulæ conveniunt; mutuamque rebus operam impendunt: Illi verò utinam non serendis lictibus, alendisque controversiis toti incumbere: utinam non de lana & lino, de figuris & formis, de decoro indecore & turpiter concertarent. Verum est

est illud Theocriti proverbium *ἄνθρωπος ὡς φίδιον* : sed homo, qui homini Deus esse debet, idem se potius lupum præbet ac diabolus, suæque in viscera faviscens hominem exiit. Inter cicadas, mulieres silent; viriter venerem averfantur, nec nisi multis fæminarum blanditijs eò trahuntur : nostræ autem mulieres verba viris præripiunt, viri verò mulieribus longè intemperantiùs se gerunt. Quid addam? solæ cicadæ inter insecta *ἀπὸ τῶν* videntur, nos vero animi perturbationes ita agunt præcipientes, ut levi, imo nulla de causâ ira exarsimus, dolore contabescamus, invidia et Zelotypiâ conflagramus. Musicam vero Cicadarum quod attinet : primas tenet inter *ἡρώδια* tam dulcis apud veteres habita, ut eundem sonum & cicadæ & citharæ *τὴν ἡρώδιαν* nomine vocarent, teste Polluce : unde fortè Lucretius cicadas *Teretes* dixit. Platonis eloquentiam cum Timon Sillographus commendaret, cum cantilenis cicadarum comparavit. Verba ejus apud Laërtium hæc sunt : *ἡρώδιος Πλάτων ἐν τῇ περὶ τῶν ἡρώδιων. Sole effervescente canere incipiunt, ea scilicet tempestate, qua alioquin melfores ab opere desisterent, quare laboriosi cantores arbores concidunt, ibique operantium atque itinerantium aures cantu Appollineo demulcent. Nam ut musica animo languenti, & fatigato cerebro quasi quoddam *ὡς ἀλκίη* exhibet; sic rusticis cicadarum cantus non affectatus, stridoris contentione ad laborem perferendum tanquam *ἡρώδιος* quidam stimuli est loco, & melfores ad fruges colligendas non modo invitat, sed etiam detinet. De certamine inter Eunomum Locrensem & Aristonem Rheginensem citharædos, ac de victoria Eunomi ob cicadam advolantem ac citharæ insidentem, fragæque chordæ vices suppletem, legatis Antigonum mirabilium narrationum lib. 1. & Strabonem lib. 6. Geograph. Cujus quoque certaminis Solinus meminit. Imo prisci per cicadam musicam intelligunt; & ideo cicadam Eunomi citharæ insidentem tanquam notam musarû hieroglyphicam pinxerunt: utia Strabone, Phlegeton, & Pausania accepimus. Apud Athenienses antiquitatis & nobilitatis symbolum fuit, eoque nomine aureas cicadas, (ut nunc aureum vellus Hispani) cincinnis intertextas gerebant, atque inde *τῶν ἡρώδιων* appellabantur. Dicit etiam Anthologij author lib. 3. veteres cicadam tanta in admiratione & amore habuisse, ut in Tencro Laconicæ regionis promontorio monumentum illi ponerent, ac epicedium in laudem ejus perelegans exararent : Cuietiam Orus Apollo Hieroglyph. a. subscribit. Nemini denique cicadarum cantus insuavis videtur, nisi qui ab animo vel corpore ipsius ægrotat, & propterea sanæ musicæ sanus esse arbiter non potest. Græci eò illas pretio habebant, ut caveis inclusas retinerent, & ad aures oblectandas foverent. Nunc pauca de sono addam, & deinceps ad earum ortum interitumque orationem flectam. Sonum illum stridulum atque obsterperum alij aliter edicunt, Pierius eum in Promuscide formari autumat; Proclus Diadochus alarum contritione fieri putat : Cujus hæc sunt verba : *ἡ τῶν ἀδελφῶν τῶν ἡρώδιων ἀνταρῶν ἡρὸν ἀποδίδωκεν*. Id est, *Canit cicada frequenti alarum in semet ipsam applausu, atque sonum ita emittit*; veluti etiam sentit Hesiodus. Verum eos ore non canere omnes vident, ut nec alarum attritu locustarum more, sed membranulæ reverberatione sub flabellis (sic enim vocant operimenta illa duo post postrema crura ventri adhærentia) vel ut Aristoteles brevissime scribit: sonant alliso spiritu ad membranam septo transverso subditam : nam dum illa eo pacto distenditur atque remittitur, sursumque ac deorsum impellitur, sonus erumpit stridulus non secus quam in puerorum arundineis fistulis pellicula tenui constantibus; qua depressa, intentâ, vel vibrata, sonitum fieri necesse est. Atque hæc ratio est, cur fæmellæ cicadæ non canunt; integræ nimirum & orbata illo spacio intercrurali, ubi maribus tenuis nascens membrana strepitum sonumque emittit. Alij fæminas maribus multo frigidiore faciant, atque id*

in

in causa ponunt silentij. Verum cum eunuchi, senes, atque mulieres vetulæ præcipue (atque magis quàm Invenes calidiores) stridunt, frigiditas in causa esse non potest. Adde etiam mulieres (si Hippocratis iudicio steterimus) calore viros superare; vel si aliter se habeant; tamen femellas cicadas maribus calidiores esse fateri oportet, quia sub septo transverso non sunt dividuæ; mares autem in illo loco (nisi membranula illa de qua diximus obest) omnino perflatiles videntur. Voluit sanè natura per vocem cicadarum feminis negatam, nostras illud docere: *ἡσυχία γυναικὶ ἐκὸς ἄνδρα ἢ σὺν φέρει.* Canere primum incipiunt sub finem veris, sole meridiem prætervecto, & fortassis in calidis regionibus citius, ubi arbuscula rariùs confita, ibi & feliciùs degunt, & lubentius concinunt. Sunt enim omnium animalium minus melancholica, & propterea non solum viridem hilaremque locum, sed apricum etiam affectant. Imo non omnino inveniuntur ijs locis, quibus vel omnino arbores defunt, vel nimia & umbrosæ conspiciuntur. Hinc fit ut (Aristotele auctore) apud Cyrenem nullis in campis cicadas inveneris, cum tamen circa oppidum frequentes audiantur. Loca item frigida vitant, imo ijs vivere non possunt. Oleas amant, quia ob raritatem ramorum foliorumque angustias minus sunt umbrosæ. Loca non mutant, ut nec ciconiæ, vel saltem petarò; si verò mutaverint, perpetuùm sileat: tantum valet patriæ amor. In Milesia regione (inquit Plinius) rarò videntur. In Cephalenia insula amnis currit, in cujus altera parte copiosæ sunt, in altera plane nullæ: id quod ego vel nimia arborum copiar, vel inopia, vel naturali cuidam soli antipathia ferrem acceptum: Quemadmodum Hyberniam nullum animal nutrit vel generat venenatum. Regnum Neapolitanum iisdem de causis averfantur; quamvis Maronis magia factum id fuisse meminit Niphus. Timæus ille Siculæ historiæ scriptor cicadas in Locrensi agro ex citiore parte fluvij Helicis *Ἀλκίονος* memorat: ex altera vero parte Rheginis *ὑπὸ δὲ τῇ ἀγρῷ* facit: non quia Herculis precibus ob somnum impeditum stupent, ut Solinus finxit: sed quia domi lubentius gaudent & canunt, more Galli: unde fit, ut Locrenses apud Rheginos non stridant, nec Rheginenses vicissim apud Locrenses; distant tamen fluvij duntaxat interlapsu, quem lapidis uno jactu trajicere possis. Multum sane ipsas (quæ una omnes in se charitates complectitur) movet patria: quum ludæorum exemplo aliena terra, patriam loqui linquam reculent, patriaque ejecti moriendi potiùs vias, quàm vivendi rationes cogitent atque incant; usque adeo brevis animæ prodigæ videntur, natalisque soli studiosæ. Hominum ita gaudent consortio, ut nisi agros messorum, itinerantiumve conventu repletos viderint, submissius canant & rariùs; vel potiùs tacite tantum in sinu sibi applaudant. Si vero messores compotantes, congarrientes & concinentes (quod meridie plerumque fit) audiverint, tum veluti de lauro certantes vocem elevant, & maximo laterum conatu *παύσασθαι τὸ ἐξ ἑσπέρας* adstrident. Quare non immeritò Parasitus ille apud Athenarum *πρὸς τὸν Πλάτωνα* dicebatur, quia natura abstemius, garrulus adeo ferebatur inter prandium, & inter confabulantes vocalissimus esse contendebat. Lepidè cicadarum historiam in Phædrone Platonis narrat Socrates, struens à meridie non dormiendum ne nos Cicadæ derideant: nam diligentiam ipsarum magno præmio affectam ferunt Poëtæ. Dicunt enim Cicadas adeo ferebatur inter fuisse, qui natis postea Musis cantum monstrarant; quosdam vero ex ijs musices & cantandi studio adeo delectatos fuisse, ut cibi potulque negligentes imprudenter interirent: quibus Musæ in Cicadas transmutatis id (mercedis loco) donarunt; cibi potulque vacuos (etiam sole exaltante) vivere posse, neque ullo succo nec sanguine indigere. Coeunt & generantur ex ejusdem generis animalibus, ut Aristoteles tradidit: masque inserit in feminam; quæ genitalem recipit quod à mare injicitur: pariunt in arvis cessantibus, terram

Costum et generatio.

ram excavantes particulâ illâ caudâ cavâ asperâ præcurâ, eodem modo quo Bruchi. Quapropter magna Cicadarum in agro Cyrenensi copia est. Quinetiam in arundinibus, quibus vites eriguntur, nidum fæturæ excavant, & in caulibus squillæ herbæ interdum pariunt. Sed hic fætus facillimè in terram dilabitur. Hoc etiam notatu dignum, quod Hugo Solerius in Actium scribens affirmat. Cicadas in partu mori, discisso in fætus exitu parentis ventre, (quod nonnulli maximo cum errore de vipera fabulantur: id quod certè plurimum demiror. Nam ova alba excludunt, non vivum animal, nisi (ut in nitedulis) ob imbecilitatem id contingat: ex ovo crescit primum vermiculus, deinde fit ex eo theca, aureliæ papilionum similis; quæ Tettigometra dicitur (quo tempore esu suavissimæ sunt antequam cortex rumpatur,) postmodum circa solstitia noctu exeunt cicadæ, ex matrice illa; nigrae protinus, duriusculæ, & majusculæ. Vbi verò eruperunt, Surculariæ surculis, frumentariæ frumentis insidunt; & in exitu parum quiddam relinquunt humoris, nec multò post volant, & incipiunt canere. Quod igitur de matris ventre discisso fingit Solerius, id ego de matricibus intelligi debere contenderem. Cicadas cum mulier quædam teneras aleret, cantus & voluptatis gratiâ: sponte sine maris opera gravidas invenit, si Arist. 1. de hist. anim. fides habenda: verum cum feminas omnes natura mutas dixerit, & spontanea hæc impregnatio veritatem superet, vel feminam verba Aristoteli dedisse suspicor, vel ipsum nobis. Alia est Cicadarum generatio, ut apud authores legimus. Nam lutum si non debito tempore effodiat, Cicadas progignere testatur Paracelsus, atque antecum Hesichius. Ob hanc causam Plato cicadas homines olim fuisse affirmat ex terra ortos, Musarum verò beneficio in cicadas (*μελισσοειδεις*) versos. Etiam nunc non alio cibi genere quàm rore vitam sustentantes, & assiduo cantu sese pascentes vivunt. Hanc etiam ob causam Athenienses sunt *μελισσοειδεις* vocati, quia crinibus aureas cicadas gestabant pro ornamento, atque etiam nobilitatis atque antiquitatis symbolo; ut Thucydides in primo Singraphiæ testatur, atque Heraclides Ponticus de priscis Atheniensibus. Hujus consuetudinis argumentum præbuit Erythæus ex terra ut ferunt editus, qui Atheniensium rempub. primus gubernavit, eosq; Platónis judicio *μελισσοειδεις*: deinde mos obtinuit, ut nemo nisi Atticus esset, & Aborigo diceretur, auream cicadam capillis annexere auderet. Huic opinioni Aristophanes, & ejus etiam Scholiastes assentiuntur. Isidorus cutuli salivam cicadas gignere non rectè affirmat, verum Locustellas gignere manifestum est. Cicadas veterem pellem sive senectutem per æstatem exuere Lucretius lib. 4. testatur his verbis: *Cum veteres ponunt tunicas æstate cicada*: eamque ob causam ab Hesichio *μελισσοειδεις* vocatur: quibus quidem minimè fidem dedissem, nisi hujus pelles ejectam iconem in procinctu habuissem. Ante coitum mares gustu suaviorum sunt; post coitum vero feminae; quippe quæ ova candida & gustu gratissima habeant. Parthi, ut Plinius scribit, & reliquæ ad orientem gentes, cicadis vescuntur; non solum nutritionis gratiâ, verum etiam ut venas aperiant, languentemque appetitum citius excitent: id quod Athæneus lib. 4. & Natalis de Comitiis disertè affirmant. Hinc Aristophanes in Anagyro deositem Cicadis vesci ex Theocrito scripsit, ubi eos per iram appetitui caruisse somniaret. Vidi ego (inquit Ælianus lib. 12. cap. 6.) qui connexas cicadas ad cibum venderent hominibus; animalium scilicet voracissima jejunissima vendebant, ne quid exquisitissimis ipsorum epulis deesset. Dioscor. assatas cicadas mandendas præbuit & vesiçæ doloribus prodesse scribit. Quidam (inquit Galenus) cicadis siccis ad colicos affectus utuntur; dant cum paribus numero pipæris granis tres, quinque aut septem; tam videlicet remittente quàm etiam urgente paroxysmo. Trallianus in calculo, exiccatas, contritas, alis,

Vfus Medici.

ac

ac pedibus prius abjectis, in balneo exhibere cum mulso aut condito jubet. Ægineta etiam exiccatas nephriticis exhibet, atque in morbo renali compositionem diatettigon vocatam instituit: similem omnino antidotum Myrepsus præscripsit, sed omnes pedes capitaque tanquam supervacanea membra rejecerunt. Luminaris authorelectuarium ex Nicolao transcripsit hujusmodi. R. Cicadarum pedibus capiteque abstractis unc. 2. millij folis, sem. faxitrag. ana. unc. unam, pipëris, galangæ, cinamomi, ana drach. 2. ligni aloes drach. semis, mellis, q. s. Nicolaus Cicadas alis, pedibus, capitibusque abjectis, urit, terit, atque excipit melle attico, datque ad fabæ magnitudinem cum vini mensura. Aëtius cicadas tres tritas ex vino exhibet. Quidam ad urinam provocandam pro cantharidibus cicadas substituant, nec meo judicio sine ratione; nam & securius exhibentur, & citius tam hoc in morbo quam in languida venere operantur. Antidotus ex cicadis ἡ τὴν ζιζυφύλλαν ad renum calculum à Nono medico præscribitur. Aretæus de vesicæ remedijs hæc verba de cicadis habet: Vtilissimum vesicæ remedium cicadæ suo tempore pro cibo exhibitæ. i. mares ante coitum, fæminæ post, ut ex Arist. patet: extra tempus verò aridæ & tritæ cum aqua & radicis nardi paxillo elixentur: in istdem quoque loco balnei ad vesicæ laxamentum æger desideat. Nec desunt in recentioribus qui cicadas oleo impositas Soli exponunt, & cum Scorpio-nium oleo commilcent, ac pubem, interfæminium, testiculos, aliasque vicinas partes, ad dolores vesicæ inungunt. Arnaldus in Breviarij lib. 2 cap. 20. & 32. in Coli dolore & Ileo pulverem Cicadarum commendat, atque etiam ad calculum ejiciendum; Si mediæ cicadæ pulvis cum sanguine hircino vel cum vino diuretico propinetur. Lanfrancus ad frangendum calculum cicadarum spodium ex aqua raphani vel cicerum decocto sumptum magni facit. Quinetiam segnes torpentesque jam ocio pueros ad venatum proyocant. Cujus meminit Theocritus Idyllio primo his verbis,

ἀνταρ βῆ' ἀνθρίκας καὶ πλεῖς ἀκισθίνας
χρῖνον ἱερῶν δ' αὖν.

Neque solum gratæ sunt in cibo atque in medicinis utiles hominibus, sed aves pascunt nonnullas atque inescant. Pueri enim Cretenses (teste Bellonio) hamum in Cicada sepe liunt; eam filo alligatam in ærem projiciunt. Cicadæ gratiæ Merops advolat, & cum esca hamum unâ deglutit, quo conspecto filum attrahunt pueri, atque ita ac riam piscaturam non absque lucro exercent. Cicadæ item in fine veris multiplicatæ annum morbiferum significant, non quod ipsæ putredinem excitant, sed quia illarum copia putridæ materiæ abundantiam planè demonstrat. Sæpius enim illarum adventus cantusque bonum rerum statum portendit, uti Theocritus cecinit; καὶ τῆς γὰρ αὐτῆς ἀλλοτρίου. Niphus anno cicadarum parco annonæ caritatem præfagit, rerumque omnium inopiam. Quod vero Io. Langius, (multæ lectionis doctrinæque philosophus, & medicus unâ celeberrimus) Cicadas lib. 2. Epist. instar Bruchi fruges & pabula per Germaniam exedisse memorat, Idemque Stunsius in Helvetia factum, & Lycosthenes lib. prodig. Græcæque Epigrammata affirmant: sanè (nisi locustam pro cicada intelligerent,) merum mirum ostendunt, & quod (salvâ virorum tantorum æstimatione) credere nolumus, carent quippe dentibus & excrementum (ut diximus) non emittunt, sed rore tantum vescuntur & intumescunt. Præterea licet omnem perreptavi Helvetiam, eaque diligentia cicadam quæ sivi, quâ acum solent, nullibatamen eam vidi, ut nec in Anglia vel in Germania. Ideo tam ipsos, quàm Albertum Vincentium, & Guillerinum de Conchis, per Locustas vel Bruchos deceptos fuisse autumo, dum illos Cicadas esse vulgari quidem errore temerè crederent. Qui plura de ipsarum natura vel usu cupiunt, consulant Græcorum Latinorumque Epigrammatum

grammaticum auctores, partim earum laudes, partim vituperia pro suo quemque Marte & arte plurimis canentes. Aegyptij per Cicadam pictam hominem mysticum & sacris initiatum notarunt. Novi Hieroglyphi eas nonnunquam muscos, nonnunquam garrulos significare frivole contendunt. Vtunque fuerit, recte de semet ipsa Cicada cecinit meo iudicio.

Sic licet insecti genus exiguum atque minutum,

Magna tamen parvis gratia rebus inest.

Grylli nomen

Post Cicadam *Gryllus* proximum locum vendicat, tum quod eam forma, demptis alis, nonnihil refert, tum quod cantu proximè accedit. Calepinus Graece γρύλλος dictum affirmat, sed auctorem non citat, imo nequit. Alij a clamore arguto, & procellarum æmulo, sic eum vocari putant (in quorum numero est Isidorus) qui gryllismus dicitur. Ab Hadriano Junio propter soni stridorem γρύλλος dicitur. Sed minus recte; cum hanc Locustam esse majorem ex Aristotele probaverim. Freigius natural. quæst. lib. ex Plinio Tryxalidem vocat. Verum quum τρυξάλλος sit insectum imperine, utcumque sono conveniunt, formam tamen & speciem Grylli non habet. Latine item *Gryllus* dicitur. Gallice un *Gryllon*, *Crinon*. Arabice *Sarsir* (si Bellunensi credimus.) Barbaris *Gerad*. Avicennæ *Algiedgied*. Polonis *Swiere*. Hungaris *Ofzifereg*. Germanis *cin grill*, *cin Heyme*. In agro Argentinenfi (à menie quo cantillat) *Brachugle*. Illyricè *Swiertz*, *Czwrczick*. Italicè & Hispanicè *Gryllo*. Anglis *Cricket*. Belgis *Crekkel*, *Nachterkel*. *Gryllus* autem vel campestris est, vel




domesticus: utrosque Plinius ad Scarabeorum genera retulit ininus propriè, quum alas elytro rectas non habeant, sed omnino membranas; licet exteriores densiores longè quàm quæ subtus latent. Calepinus postremo natus, genus locustarum facit, parili errore.

Niphus in Arist. hist. 5. 28. & 29. locustas terrestres, & Bruchos, *Gryllos* vocat; ut etiam Albertus per imperitiam cicadas. Campestrium alij sunt mares, alij fæminæ. Mas cicadæ magnitudinem propè attingit, sed corpore paulo longiore, colore subnigricante; caput pro corporis ratione magnum; oculi grandes exerti, frons antennata, sed articulis carent antennæ, & huc illuc tamen facilè, moventur. Sex item pedes obtinuit corpori concolores, & postremos longissimos ad saltum vegetiorem: antrorsum & retrorsum (quod singulis commune est *Gryllis*) incedit. Alæ quasi leviter insculptæ & incurvæ, totum pœnè corpus tegentes; cauda illi bifurca, moles corporis minor atque fæminæ. Hæc vero ventriosior, inamænum quandam exprimit virentem: oculis herbaceis, antennis rubentibus, cauda tridentis æmula, & magnitudine corporis à mare diffita. Per æstatem in campis reperiuntur, ibique terram excavantes manent atque nidificant. Hyeme vero leniore latrant, sæviore pereunt in cavernis, quos sine cuniculariorum arte fodisse videntur.

Alarum attritu sonum illum edunt perstridulum, teste Plinio: & sane alis eorum avulsis attritisque Iacobus noster Garretus Pharmacopœus diligentissimus eundem sonum rectè imitando affectus est: ut mirer doctissimum Scalligerum id cui nescio folliculo & fistulæ in cava alui parte collocatis; Sabium verò, dentium collisioni acceptum tulisse: quod Plinius etiam non rectè de

de locustis scripsit. Quum leviter alas per antri sui angustias tam aruenses quam domesticæ atterunt, parvum sonum efficiunt; cum vero pro foribus fortius has vibrant: valde argutum, nec omnino sine alarum motu agitationeque strident: has enim amputaveris, vel avulseris, stridorem illum omnem perire citò videris. Sole incalescente (quo plurimum gaudent,) ac etiam noctu, pro foribus cavernæ cantant. In palcuis & pratis frequentiores, in umbrosis opacisque locis illubentius manent, rarius ad hyemem vivunt, ut Georg. Agricola scribit: magnam auctoritatem illis perhibet Nigidius, majorem Magi, quoniam retrò ambulant, terramque terebrant & stridunt noctibus. Quo magis a nobis sunt dissiti, eo acutius stridunt, proximi verò silent, & præ dysopia vel formidine se in antra citi recipiunt. Gryllus (inquit Albertus) lib. 4. cap. 7. exercit. 273. si medius dividatur vel capite plectatur, adhuc canit & vivit longum tempus. Quod sane si verum sit, acutum planè erit de alui illa fistula, cui stridoris Gryllorum causam Scaliger tulit acceptum. Venantur eum pueri formica circumligata capillo in cavernæ, us conjectæ, efflato prius pulvere ne se recondat, & ita formicæ complexu extrahitur. Plinius lib. 29. cap. ult. Sed citius & minore labore capitur, hoc modo; ramulo gracili & longo, vel stipula cavernæ inserta, & per vices extracta, ante cavernæ vestibulum illico erumpit; quasi interrogatura, qui foribus facit injuriam? Vnde incum natum proverbium, qui levi de causa sese hostibus ostentat, & insidias ultro incurrit, *Stultior Gryllo*. Panico recenti, maturo frumento & pomis vescuntur. Gryllus domesticus à Græcis (si Alberto credendum) *ουζέρις* dicitur, cujus nominis ne vestigium quidem reperio apud Græcos: forte Barbarum pro Græco supposuit. Angli eos *Hous-crickets*; Germani *Heimgryll* appellant.

Plinius de scarabeis scribens (inter quos Gryllos malè retulit) hæc verba subiungit: Alij prata crebris foraminibus effodiunt, alij nocturno stridore vocales aridam terram inter focos & furnos excavant. Sunt item domestici mares & feminae. Maritorum ferè corpus fusco colore est imbutum, dorsum ex fusco varium magis nigricat: oblongo est corpore, & campestri longe minori; caput ei ferè orbiculare, oculis nigris præditum, & antennis in omnem partem mobilibus, forma & compage omnino est campestri: juxta mediorum pedum exortum, duæ lineæ transversæ niuis instar albicantes dorsum adornant. Iulio & Augusto mensibus volat, nec tamen longè nec diu; sed



volatu undoso, (pici Martij instar) nunc ascendendo alis dilatatis, nunc complicatis vicissim descendendo. Caudam habet bifurcatam. Femina major est & longiori aluo, alis 4. volat, quarum externæ breviores, internæ arctiores simul & longiores. Caudæ extremitas in tres quoque sive setas, sive spinas mavis, dividitur. Volant utriusque sexus, saltantque & celeriter satis currunt: spumam juris Zythique avidè liguriunt, vescunturque sanie & liquore carniū. De hoc insecto Albertus lib. 4. cap. 7. sic scribit: Gryllus qui noctu cantat, non videtur os habere; (ut arvenses) sed invenitur in capite ejus longum membrum linguæ simile, & nascitur super anteriorem

capitis ipsius partem, & pars illa non est fissâ, sicut finduntur ora animalium: nec invenitur aliqua superfluitas in ventre ejus omnino, licet vescitur humiditatibus carniū & brodiorum pingui, ad quæ sive effusa sive reservata, noctu accurrit. Imò licet panem quoque depascit, superfluitatum tamen expers, &

N 2

ventre

Vfus.

Exerc. 186.

Lw. 50. 4.
CP. 9. 12.

ventre semper jejuno perhibetur. Grylli non solum homines labore fessos cantu recreant, sed etiam medicam sylvam adaugent, morbosque abigunt. Veteres (ut Iulius Scaliger notavit, remque ipsam experimento veram expertus est) loco cantharidum ijs utebantur, simili successu. Purulentis auribus Gryllus cum terra sua effossus prodest. Gryllus manibus contritus sacro igni medetur; tonsillasque curat. Oportet autem cum ferro eum & cavernæ suæ terram tolli, atque deinde in manibus fricari; quo pacto non solum à præsentī malo æger liberabitur, quin etiam per annum à recidiuo erit immunis. Plinius. Curant quoque Grylli parotides sive illiti sive alligati: strumis illinuntur cum terra sua. Cinis eorum cum oleo, putrida ulcera ad cicatricē perducit. Contra calculum & dysuriam Gryllum aqua dilutum sumere prodest. Bellunensis eorū oleum auribus dolentibus instillat; eoq; modo dolorē ijs omnem pulsationemque adimit. Marcellus in faucium tumoribus tactum illorum & simplicem alligationem multis effert: Halyque iudicio in collo suspensi quartanam arcant. Tonsillarum tumores ijs sedari Serenus indicat his versibus:

*Quos autem vocitant. Tolles, attingere dextrā
Debebis, quā Gryllus erit pressante peremptus.*

Pueri glicubi nocturni cantus gratiā (ut Cicadas in Italia) gryllos pyxide pertusā, vel fiscellis includunt; herbarum folijs appositis quibus vescantur ac totam æstatem servant. Aluntur & in Africa caveis ferreis, magnoque venduntur, ut à quibusdam mercatoribus accepi, ad somnum conciliandum. Delectantur enim Fessani arguto ipsorum sono, non secus atq; Hiberni & Walli plectri harmoniā. Quo item doctissimus Scaliger non parum affici videbatur, quum cantus ipsorum gratiā in pyxide clausos servaret: quā si cribro crebrius pertusam reddidisset, tertio post die non mortuos sed diu quidem superstitēs reperisset. lib. de plant. Seclusa enim ab aëre vivere nequeunt hæc animalcula, quæ præter vocem & aëra fere nihil in se aliud habere vel esse videntur. Aestate præteritā marem & femellam subdito pabulo servavi; sed die octavo marem reperi feminae latus erosisse, qui etiam post bidduum expiravit. Lanio item avis (ut doctissimus noster Bruerus observavit) Gryllis vescitur; eosq; supinos spinis transfixos juxta pullorū nidos collocant, ne quando cibi penuriā tabescant. Verum ubi numero insensiores fuerint, his eos artibus fugabis, vel intercipies. Discū satis profundū, & aqua repletū ante eorum stabula colles, farina avenacea crassiore cinctā. Sic Grylli saltu ascendentes in discum, aqua suffocati pereunt. Si quoq; aquam vitriolo mixtam in eorum antra injicias, certò fugabis. Restat adhuc una bestiola alata, quā an ad cicadas an ad locustarū classem referam plane ignoro. Quā enim catervatim volat ac fegetes erodit, locusta videatur; forma tamen ad cicadam proximè accedit. Mira sane hujus bestiolar, & quasi in fantis facies. Caput galero triangulari tegitur; in cuius superiore parte quatuor sunt maculæ nigrae, duæ oblongæ, & aliæ duæ fere orbiculatæ, inter quas, duo etiam minutissima puncta nigra observabis. Alas habet quatuor, quarum internæ duplicantur quum quiescit, ita ut iædii videantur. Atque hi forte erant illæ locustæ, de quibus Culpianus & Siegberto sic scripsit: *Mense Augusto, anno 874. Immensa locustarum vis senis alarum remigis volitabat ab oriente & cum senis pedibus, &c. à quibus tota fere Gallia devastata est.* Dixeris primo aspectu caputium scapulas ornare, sed propius inveni, partes sunt superiorum alarum veluti semicirculo inclusæ. Totum corpus valdè crassum, nigro fuscoque est colore: posteriorum alarum partes infinitis nigris maculis notantur. Petrus Quickelbergius Antuerpianus hanc ex Africa portatam ad Pennium transmisit, quam nos etiamnum exanimem in thesaurario ipsis servamus, & Cicadastrum nominamus. Nec minùs in Tryxalide (de qua antea dictum) hæretus. A rodendo nomen forte obtinuit:

nuit: verum ut vel tryxalides Bruchos esse censeant, vel olerum locustellas, vel cicadas, vel Gryllos, nequeo quidem induci: Non solum quia Athenæus, Plinius, alijque eo ipso philosophi sibi non constant; verumetiam vel quòd forma vel natura longe discrepent. Et quare obsecro *πυρρὸς ἀπὸ πυρρῶς, id est*, stridor, non male non derivetur? quòd si verum sit, sanè Gryllis maxime conveniet, quas tum alias tum per stridorem à Blattis Peucerus merito distinguit: id quod Ioachimus noster Camerarius (magni illius filius, & virtutum ex asse hæres) primus notavit. Plinius ex his viginti torreret jubeat ac bibi è mulla contra orthnopnæas atque hæmoptoicam passionem. Cinis illitus cum



melle margines duros ulcerum complanat, & mulierum purgationes retentas præclare adjuvat. Huc etiam Cicadam Rondoletij aquaticam referre visum est, cujus caput pentangulum imitatur; oculi exerti atque globosi, non magni, & nigri: antennæ ore extimo erumpunt per breves; pedes utrinque ternos habet, postremos longissimos: in dorso vel alas, vel earum rudimenta gerit. Cauda illi bifurca, venter sæpe veluti incisus; corporis color subfuscus vel potius ex albo nigricans. In aquis limosis stagnantibusque reperi, sed naturam ejus nondum habeo perceptam: hoc à terrestri differt cicada, tum quòd capite sit magis exerto, & cervicis aliquid habere videatur; tum quòd alas habeat inutiles ad volandum, licet ad sui erectionem non ineptas.

Hæc in folijs nymphææ, potamogeti, aliarumque aquaticarum herbarum insidens, jucundum quid (more Cicadarum terrestrium) stridere dicitur: Sed à nobis hæcenus non est audita.

C A P. XVIII.

De Blattis.

Multi multa de Blattis blaterant, sed pauci blattas propriè dictas rectè describunt, imò ne vel minimam earum notam ferè ostendunt: Sed hinc inde varia corradentes, in acervum omnia conjiciunt atque confundunt. Nisi Plinius huic lucem aliquam historiæ attulisset, oppido periissent Blattæ, vel potius interiissent. Primum ergò quibus Insectis Blattæ nomen ab authoribus attribuitur ostendam; deinde veras ac propriè dictas Blattas describam. Blattarum verò nomine comprehenduntur, tum vermes in auribus nascentes, tum quæ a lvearibus nocent Phalænæ. Verum cum hæ lucipetæ, illæ lucifugæ sint; cur pro Phalænis habeantur, equidem non video. Blattæ etiam vermiculus est libros & vestes erodens; ut Horatij sermones innuunt his verbis: *Blattarum & tinearum çpula, cui stragula vestis*. Martialis tamen blattas à tineis distinguit, diversaque esse animalia plane ostendit. Capitur etiam à recentioribus pro vermiculo *cip* dicto, è cujus tela fericæ vestes conficiuntur. Alij vermes grani in elice humili crescentis blattas vocant, unde Blatteus color. Turnebo advers. lib. 18. cap. 17. & lib. 28. cap. 23. ubi hæc habet verba: Blatteus color vermiculatus est, *id est*, a vermiculis qui in cocci grano rubentes erumpunt, quorumque cruore floridissimus elicitur color, non niger, ut quidam putant, sed ex rubro purpureus: Cui liber de natura rerum, & Guillerinus de conchis assentiuntur. Lumbrici Intestinorum blattæ à quibusdam vocantur. Cardanus alicubi vermes farinarios Blattas appellat. *Kanibbas* ut etiam *çpamnovidas* Gaza Blattas interpretatus est. Dicitur autem rectissime *çip* apud Polucem *çip* legitur, uti etiam apud Lucianum, quando

Nomen.

quando deridet indoctum liberos multos ementem. Italis *Blatta* & *Tarma*. Hetruscis *Piatrela*; Germanis *Wibel*; *brottworme*, *brottkacser*, *Malkasac*, *springwibel*. Norimbergenses quandam speciem *Schwanben* jocose vocant, quia frigoris est impatiens, ut Cordus scribit. Illyricis *Sinime*. Polonis, *Molulowy*. Hungaris *Moly*. Hispanis, *Rapana polilla*. Est autem *Blatta* Insectum lucifugum, scarabæo simile, sed elytro carens. Blattarum tres sunt species, Mollis, molendinaria, & Fætida. Freigius pessimè divisit Blattas, molles cum fætidis confundens, ac



Blatta Petropolitana.

bet. Alæ adfunt corpori concolores, rariùs tamen volat, sed earum auxilio (struthiocameli instar) celerius currit: caudam habet bifurcam & forpiculatam; sex pedes obtinet. Circa ora larrinarum, & in balneis locisque uliginosis plurimum degit. Gryllos campestres nonnihil referunt, sed corpore sunt compressiore, & cruribus longè gracilioribus. In Philippo navi quam nobilissimus ille alter Neptunus (Dracum equitem intelligo) aromatibus onustam vi cepit, ingens blattarum alatarum multitudo inveniebatur. Sed hæ nostris paulo majores, molliores, & colorem magis fusco. A multis fide dignis accepi, Blattam mollem vulgari sextuplo majore in summo templo Petropoli nostrâ captâ fuisse, quæ morfu non cutem tantû eam venantiâ vulnerabat, sed & sanguinem altius copiosiusque eliciebat: erat digiti majoris magnitudine, longitudineque, atque loco muris sepro inclusa, evasit tamen post triduum; sed quæ ratione aut via, nemo perspexit. Molendinariam siue pistrinariam vidi (Græcè *ἐν τοῖς μύλοις καὶ ἐν τοῖς πλινθίοις* dicitur) feminam mi fallor, quia alis caruit: vulgari illa molli longiorem, crassio rem, & cum majore splendore nigriorem, os forcipatum illi, parvum, quasi sub ventre positum, antennis habet primæ similes, oculos item exiguos concavos, vel



potius ocularum signa atque vestigia. Pectore penè quadrangulati quatuor primi pedes affiguntur, posteriores ventri: supra scapulas alarum quasi rudimenta conspiciuntur, alæ tamen dici non debent; corpus reliquum crassiusculum, variè orbiculis incisum, quos si à latere intuearis serram referunt. Caudæ apex & furca utrinque una innascens, ad tridentis formam accedunt. Stabulantur istæ Blattæ in locis tepidioribus, pistrinis & vaporarijs. Vix magna in fame lucem ferunt: vel si victus querendi gratia in apricum procedere coguntur, celeri cursu ad tenebras recurrunt, vel pulvere sese te-

gentes, venatores fallunt. Tertium genus odore adeo invisum, ut à Græcis *ἀσπιδία*, à Latinis *Fætida Blatta* vocabatur: à Plinio describitur acuta clune; quam notam nisi expressisset, fortassis in tenebris jacuisset semper hæc species,



species, nec in oculos nostros venisset. Sunt enim scarabei omnino præsertim pilulares) ad eam faciem, quos cauda abscissa graphicè representat, nigerrimo colore splendet, tardigradum est animalculum, si quod aliud; corpus ita formatum de lineatumque ut alata jurares elytroque tectum; carent tamen omnes alis, nec sane marem hoc in genere alatum (quicquid Plinius somniat) inveneris: gracilia habet crura & longiuscula: profundis in cellis habitat, & latrinarum hospes: nocte lentissimo gradu proreptat; sed ad signum lucis sermonisive levissimum, ad latebras redit: pudendum sane animal, lucisque (non propter dysopiam, sed mali odoris maleque rei gestæ conscientiam) impatientissimum; sordida siquidem amat hospitia, parietesque perfodit alienas: teterimoque odore non astantes solum, sed universam quoque viciniam inficit atque offendit; osilli bifurcum, dorsum quasi elytro tegitur, solitaria est, vix duas simul reperies. An vero hæc ex putri materia oriatur, vel mutua commistione maris & feminæ generetur, ignoramus.

Francofurti ad Mœnum frequens videtur: Londini apud nos in cellis vinarijs, locisque tenebrarum plenis subinde reperitur: reliquæ species in pistrinis frequentiores. Fætidam ob tetrum odorem quidam cum Cimice confundunt, non rectè. Peru incolæ bestiolas quasdam alatas *Arancers* vocant, quas Serius Papiliones credit. Gryllorum magnitudine & gregatim noctu prodeunt, omnem ferè mollem suppellectilem ambedentes, lib. navig. Papiliones esse non dixerim, quia rodunt, non autem promulscide exugunt; vel ergo Gryllos facerem, vel novum Blattarum genus, vel quid ab utroque mixtum & confusum. Ex Epistola doctissimi cujusdam viri ad Gesnerum missæ, alteram Blattam fætidam describam. Est (inquit) insectum quoddam volatile fætidissimum in Hungaria, supra quam dici potest fastidiendum. Cicadam fætentem dicerem, nisi Gryllo esset similis. Hyemis tempore lucem appetit, æstate fugit: quum volat, dirum quid strepit & horrendum, fætore mox omnia replens. Quidam peste per aërem sævientem hoc animalculum ceu arcantum gestant adorantque: imo nonnulli, id quod sues sine nausea haud facerent, eam deglutiunt; usque adeo pestis metu tenentur, ipsamque arcere tentant. In muris generantur: ubi frequentiores inveniuntur, ibi vina generosissima nasci ferunt, atque ego experientiâ didici. *Hucusque Epistola.* Blattæ juniores omnes leviter albicant, sed adultiores ex spadiceo nigrant. Fætidx vero de nigredine ne carbonem quidem metuunt. Authores item varij quatuor alias Blattarum species recensent, nempe venerem in humanis pudendis genitam; Apiariam, vestivoram; & quæ codices exedit, librariam: verum nulla harum præter apiariam cum Blattarum quadrat descriptione. Ea vero neque adeo fætida, ut *Blatta* dicta: neq; tam mollis, ut quæ antea describebantur: Sed mediæ cujusdam naturæ, & polline potius conspersa quam pinguedine inuncta. Reliquas suis in locis, ubi de pediculis, tineisque dicemus, adjuvante Deo suffius compluribus dabimus ornatas. De colore blatteæ magna opinionum varietas inter doctos videtur. Nam si hæc insecta (de quibus egimus) veræ blatte dici deberent, cur non potius nigrum spadiceumque colorem blatteum dicimus, quam muricatum illum atque purpureum? Certum est Blattæ Bizantinæ succo (est enim purpuræ species) purpureum colorem elici, perinde ac ex Cimicibus (Coccionili vocatis) vermiculatum; veligitur omnes colores blattei rectè vocari possint, vel hic noster novissimus non est Blatteus. Equidem miror Turnebi Thylesisque perucaciam, quod illum vermiculorum Blatteum esse contenderent, cum a nullo autore Blattæ dicantur, sed potius propriè vermiculatus haberi debeat. Blatteus igitur color, vera

I'fus.

Lib. 2. cap. 36.

Lib. 3. o. cap.
ult. quomodo
fugantur.

vera est purpuratus. Nostræ vero Blattæ hujusmodi nihil succi emittunt : sed lucifugæ, sordidæ, truces, fætida, furaces, nocturnisq; deprædationibus infames vivunt, unde Servius *Pyratas noctu navigantes* Blattas dixit. Hæ licet bestiolæ naturæ ipsi, hominibusq; & apibus exosæ sunt, varias illis tamen virtutes Deus ipdidit, & quam Bizantina illæ præstantiores. Nam si concham illius unguemve dempseris, quid inter caput (papaver dictum) & colulum totus venter continet, quam florem illum tingendis expetitur vestibus solisq; oculis delectandis natum? Sane licet illum colorem Principes magnatesq; Primarij nullo auro non emunt, & pretij magnitudine regum faciunt : ubi tamen contemptibilem harum blattarum vires audiveris, purpuram supra omnem caras dixeris. Etenim ad aurium colores & surditatem mirifice profunt hoc modo acceptæ : R. blattas alis abjectis xij. vini veteris & mellis ana ʒj. ss. malicorium unum, succi pomi, sesquicyathum. Coquantur in olla nova, donec malicorium flaccidum fiat. Tum simul terantur omnia : tritis adde unguenti Syriaci ʒj. picis liquidæ ʒj. ss. Succus est 4. cepis expressi ʒj. 5. conterantur & ad usum reponantur : decoctum lana succidâ & tepida infillitur. Gal. sec. loc. lib 3. Molles in oleo decoctæ verrucis efficaciter illini experientia testatur. Molendinarias capite detractis, attritis, lepras sanare, Musa & Python in exemplis reliquerunt. Fætida pinguitudinem, si caput avellatur, tritam una cum rosaceo auribus mirè prodesse scribit Galenus ex Archigene. Sed lanam quæ incluserint, paulo post extrahendam : celerrimè enim id pingue transire in animal, fierive vermiculum. Alij binas ternasve in oleo decoctas efficacissimè auribus mederi scribunt, & tritas in linteolo imponi. Hujus item intestina trita cum oleo aut decocta, aurium dolores instillata mitigant, Dioscoride auctore. A prioribus duabus speciebus capita detrahenda, antequàm in usum medicum veniant, Plinius docet : à fætida pedes & pennas etiam detrahit, vel potius coriaceum illud dorsum penniforme, durius illud quidem & magis venenatum : alas enim non habet. Fætida præterea cum pisselleo sanare ulcera traduntur, aliàs insanabilia ; strumas item & panos diebus 21. impositæ ; sanant quoque concussa, convulsa, cacoethæ ulcera, scabiem furunculofque detractis pedibus & pennis. Nos hæc auditu fastidimus at hercule Diodorus (inquit Plinius) eos morbo regio orthopnoicis restitisse tradit, cum resinâ & melle : humanissimi eorum cinerem crematarum reservandum ad hos usus in cornea pyxide censuere, aut tritas clysteribus infundendâs orthopnoicis aut rheumaticis. Infixa item corpori, illitas extrahere constat. Blattas dolores tollere narrat Cardanus ; sed quos dolores, vel quod blattæ genus, non memorat. Phryges & Lycæones Blattas illinunt his, quæ vulvâ strangulantur. Plinius. Denique Castorei loco inserviunt in Antibalomeno, atque eas pro Buprestis substituit Galenus. Siverò Antisylyphium, sive contra blattas medicamentum velis ; Cunilæ manipulum (quæ à Græcis mascula, à nostris cunilago dicitur,) projicias, atque omnes è tota domo Blattas convenire ad eam videres : ideoque Romæ Blattariam vocant. Hirundinibus adversus blattas defensionem Natura largita est. Nam cum Blattæ earum ovīs perniciosæ sint, matres apij folia ante pullos projiciunt, quibus a nido arcentur. Quod sane solius Eliani figmentum citò dixissem, nisi Zoroastes in Geoponicis idem asseveraret. Vpupæ amiantò gramine nidos præsumunt. Cornix verbenacam prostruit ne accedat blattæ. Si quoque oleo spicæ inungantur, blattæ statim pereunt, veluti Ioach. Camerarius refert. Ut fugantur ab hortis blattæ, audiamus Diophanis consilium : ventriculum vervecis recentem maciati, & suis adhuc fæcibus impleti diligenter tibi comparato, cumque ubi blattis scatet hortus, terra leviter obruito ; peracto biduo, blattas eò omnes convenire videbis ; quas vel aliò deportabis, vel ibidem altissimè

altissimè sepelies ne resurgant. Si verò apes ab ipsis tutas servare velis, suffumigijs acribus arceto, vel noctu lucernas juxta ponito, vel alucarium fulcimina unguine illinito, ne facilis fiat ascensus.

C A P. XIX.

De Buprestis & Cantharide.

Phyfici permulti Buprestis mentionem fecerunt, sed adeo exiliem, ut neque formam, nec mores, imo nec verum nomen tetigisse videantur. Nam Ardoinus Buprestem vocat, Vegetius (veterinaria lib. 3. cap. 15.) Vulpestrem atque Bulpestrem: etiam cap. 78. Buprestem corruptissimè legit. Apud Sylvaticum Barbarisimi (si quis alius) principem, Buprestis, Buprestis item vocatur; usque adeo ijs ex oculatis temporibus linguæ Latinæ vitium fuit illatam, & Barbaries omni loco inundans omnia confuderat.

Græcè βύπρεστις, παρὰ τὸ βύπρεστις, quia boves rumpit. Nicander in Alexipharmacis etymone ejus in hunc modum deducit, ἡ κηρ δὲ μολὴ ἐπιβόρεται, ἀλλ' οὐ μὲν πάλιν ἀποπύει, ἀλλὰ νομίζονται δατίονται. τὸν τὸ βύπρεστιν ἐκκλίνει νομίζε, id est, ab incendendis bovis. Primum enim per summam acrimoniam pecorum intestina inflammant, deinde tumor sequitur & febris, & tympanites species calidissimas; postea membranis ruptis crepunt mediæ. Dicitur alijs, item Hefychio, βύπρεστις, ἢ βύπρεστις. Sed hæc rectius pro araneola illa ruberrima boves mordente sumitur, in pascuis oberantes. (Angli Blainc-worme. Troings vocant) quæ devorata à pecude eadem parit symptomata. Latini Græcum nomen retinuerunt. Germanis dicitur Gouch, Gach, Knoelster, Gualster, die grunen, Stinckhenden Wilden wende: Renkacser, Hidelbergensibus, à celeri cursu, atque alibi ein Holzbuck. Italicè vocatur Buprestis. Hispanicè Arebenta buci, si Matthiolo credimus; nos vero Burncove vel Burscove Anglicè dicere, audaculè fortè sed non malè, prima audebimus.

In agro Heidelbergensi veram Buprestem sese invenisse scribit Pennius, atque descriptionem dedit hujusmodi: Ex Cantharidum genere βύπρεστις (si Galeno, Æginetæ, Phavorino, Aëtio, Plinio, atque Avicennæ credendum sit) videtur, sed oblongiore copore; elytrum exterius ex viridi flavescit, vel potius aurum imitatur. Longiora item crura habet, & crassiuscula; oculi globosi, prominentes; ex fronte juxta oculos duo cornua oblonga articulatæ; caput parvum, os patulum, durum, robustum, forcipatum, dentatum, quo crudeliter vulnerat & mordet: venter non rotundus, sed in longum productus; acriter cum scarabeis & lacertis pugnam init, ventres semper petens, (utpote molliores partes) quos citissimè erodit, & ubi vim metuit aut dolos, è vestigio quàm celerimè recurrit, seque subducit. In gustu (inquit Aëtius) quiddam graveolens repræsentat. Aëtius eam nitrosi





nitrosi cum gustus tum odoris facit. Cornarius, Lonicerus, & Cordus, fætoris magnitudine subdûcti, Cimicem sylvestrem Buprestem dicere non abstinerunt, ac propterea *Knolster*, & *Quelster* appellant. Vescitur quoque muscis, erucis, lacertis, lumbricis, ac alijs itidem insectis, dummodo ea pugnando superarit, morticina enim, vel aliorum opera ene catas bestiolas non tangit; ubi intersectorum se se carne explevit, reliquam stragis partem ad cavernam trahit, eaque postquam fames redierit ventrem

satiat. Alios hujus bestiolarum crudeles mores, Petrus Turnerus & Guilielmus Bruerus dixerint, (Medici eruditione paucis, vitæ integritate nullis secundi) quia una cum Pennio in agro Heidelbergensi Buprestis vitam & vitia observarant. Buprestam veram Bellonius, in descriptione montis Athos exprimit hoc modo: Bestiola est (inquit) aligera, volans, longè fætidißima, Cantharidi similis, sed major, colore flavo vel luteo, tam exquisiti veneni, ut boves eo loci ubi aliquandiu manserit pascentes, ob infectam contagio herbam moriantur. Inter Cichoraceas herbas (*ronces*) urticaeque & conizas sæpius reperitur; ab incolis montis Athos Voupristis dicitur, *Hæc Bellonius*; unde rectè colligere quis possit, convenire utramque descriptionem de fætoze, magnitudine, naturâ, genere & colore tantum paulum differre. Nos enim flavas non vidimus; nisi ex viridi (ut dicam) aureßcentes, flavas dixeris. Neque sane extimis formis aut coloribus adeo pertinaciter insistere æquum est, quin pro regionum diversitate, utrumque (ut in hominibus fit) salvâ rei specie alterari nonnihil posse confiteamur. Alteram quoque veram Buprestem vidimus, corpore paulo breviori, & circa ventrem latiore; caudâ magis acutâ, capite parvo, oculis prominentibus, ore hiatulo, & forcipito, elytrâ secundum longitudinem striatâ, colore saturatâ, gramineo ex auro splendente. Crura tantum sex (Matthioli & Grevini icones, præter rei naturam suorumque oculorum fidem, octo exprimunt) pro corporis mole longiuscula, (sed tenuiora quàm in prima Bupresti) & nigricantia; cornua item duplo minora & subtiliora; celeritate primum æquat, fætoze superat, imo hoc ipso cimicibus, atque sylvestribus palmam eripit. Muscas & erucas venatur ijs, vescitur: tam non ferendâ violentiæ videtur, ut lætalissimum araneum interficiat. Rarò in Italia reperiri Buprestes scripsit Plinius, nunc verò (quid ni enim Marcello Virgilio credamus) frequentiores, quàm agrestis fortuna & res patitur. Esse autem eas venenatæ admodum naturæ, & tum pecudi & tum hominibus adversissimâ, quos à tota substantia tollunt, Aëtio teste; vel ex eo satis apparet,

Hanc iconem
videas in Al-
dyonando 488.



quod earum Propinatores lege capiti teneri, narrat in Pandectis Budæus, ita enim lex loquitur. *Qui Buprestem, vel pyrocampen, tanti facinoris conscij, aut mortiferi quid veneni ad necem accelerandam dederit; iudicio capitali, & pæna Legis Cornelia afficiatur.* Vidimus quoque in agro Heidelbergensi Buprestes duas Scaraboides, alteram ex auro virescentem, alteram ex flavo nigricantem. Illa priori à nobis descriptæ omnino similis, sed aliquantum major; alæ externæ auro saturato lineatim ducto illitæ, & paucillo viridi adumbratæ, inter lineas tinctiores concavi assurgunt, eleganter sculpti. Celericursu pravalet, communem Buprestium naturam viresque obtrinsens. Quæ verò ex flava nigricat, eam ad me misit ex agro Viennensi Jacobus Quickelbergius Antuerpianus, qui nobis in hac historia

historia locupletanda maximo fuit auxilio. Colore excepto, et quod major non nihil fuerat, quatuorque antennis prædita; novissimè descriptam per omnia representabat.

Quamvis perniciofa hæc animalia, acrimonia erodunt, erodendo inflammant, atque inflammatione venenata inexplabilem situm, horrendumque tympanitem & membranas ipsas rumpentem inducunt; tamen & illas hominibus salutaris fecit rerum parens natura; atque ars deinde in medicanam raptas præparavit, antequam in usum trahuntur. Plinius & Aegineta eodem modo præparandas disputant, quo Cantharidas. Dioscorides super cribrum suspensum ferventi cinere illas paulisper torret, & deinde reponit. Galenus aceto macerat. Hippocrates capita, alas pedesque abjicere jubet. Erodunt, exulcerant, inflant, & calorem ad partes erosas potenter attrahunt. Diosc. lib. 2. cap. 59. id circo non temere idoneis rebus immixta, ad lepras, carcinomata ferinosque lichenas adhibentur. Pro Cantharide majore jure (mea quidem sententiâ) substitui possunt, quam (Pauli venia dixerim) Blattarum aliqua, non solum quia facie ad eam proximè accedit, sed etiam, ut Galenus loquitur, virtute. Cum sevo hircino Buprestes, septica vi, lichenas in facie tollere, Plinius asserit. Hippocrates in varijs vteri morbis sanandis magnam ijs laudem attribuit. Sic enim libro de nat. mul. & lib. de morbis mul. & lib. de sterilibus scriptum reliquit: *Ad uteri duritiem. Succis & pinguedinibus emollientibus buprestem adice & vtere. ad mensis & secundinas pellendas.* Corpus buprestis unius (parvæ vel majoris) dimidium præparatum, cum duplo ficus pulpæ, commisce & suppone: purgat enim uterum & inflat, & desperatis mensibus, optimum est remedium. Aliquando solum Buprestem apponit (si satis magna sit) aliquando mollius reddens pessarium, decem accipit, atque illis olei acetabulum, vini, cumini, Aethiopici, scfeleos & anisi, ana partes æquales admisceat; fervescentia deinde format in pessum, & vtero adhibet. In vteri suffocatione, cessante paraxysmo, corpore prius purgato, medicamentum quoddam cum Bupreste componit Hippocrates, & naturæ mulierum apponit. In uteri schirro utitur quoque Bupreste, sed cautè & cum diligenti consideratione; apponit enim in glandis forma per diem, atque ubi multum ægram mordendo vexat, glandem extrahi præscribit. Quinetiam Buprestem, myrrham & elaterium cum melle componit, coquit, & subdit. Subdit quoque ad molem ejiciendam lib. 1. Gal. *capite primo, ex Archigene, Buprestium medicamentum describit, cum aceto, ranunculo atque Ari radice; ad alopecias, lepras, elephantiasin, &c. quorum ibidem curam faciliè videris.* Ceterum ut utiles ejus virtutes hæcenus recensui, ita nunc, (ne historia leges transgrediar) non minùs horrenda illa symptomata aperiam, quæ venenatum hoc animal tum generi humano, tum belluino item infligit. Si quis Buprestem intus hauserit, eadem fere patitur quæ a Cantharide: corpus in tumorem attollitur, ac si tympanite laboraret, flatuum copia inter cutem & carnem valde multiplicata; quod ob humores veneno colliquatos, & vapores sursum elevatos, proculdubio accidit. Labra alieno colore tinguntur, nempe obsoleto violaceo. Ori non dissimilis intrò sapor oboritur virosus. Ventriculus, alvus, intestina, extremè dolent, urina supprimitur; anxietas toto corpore, tota item mente persequitur. Quorum symptomatum Nicander maximam partem descripsit his verbis: *ὁ δὲ βύστρος ὡς ἐπὶ τοῦ ζῆτος γαστρίδου, &c.* His auxiliatur aphronitrum, cum aqua vel felle bovino sumptum. Confert item lac muliebre è mammis affatim & assiduè extractum, atque ejus penuria bubulum, & caprinum atque ovile. Urina quoque muliebris, epota, ac vomitu reddita; ante autem vomitum dari non debent, quia sic febrem exasperarent. Dioscor. Primum igitur vomitus ex passo multo vel oleo myrrino, vel

Vfus.

Sigæa Buprestis spots.

Curatio.

Lib. 2. de An-
tidia Alexi.

larido lacteo, vel pingui carnis suillæ juscule, vel oleo olivarum multo, vel fa-
pa provocandus. Mustum largius epotum, peculiare contra buprestem re-
medium censetur. *Galenus & Ardoynus*. Nitrum ex aqua laudat Plinius,
vel è lasere, assa dulce, Oenomelite, vel Benzoin dissoluto in aqua tepida. Vel
accipe nitri rubri ʒiij. & ex aqua vel posca tepida vomitum promoue. A vo-
mitione sæpius facta, statim alvi quoque tentandæ sunt evacuationes, deinde
figus aridæ exhibendæ (ut docet Gal.) vel earum decoctum ex vino veteri
generoso. Postremo ubi accidentia remiserint, Thebaicarum simplex pal-
mularum esus præscribitur, aut cum mulso lacte uel muliebri trita exhiben-
tur. Pyrorum omnia genera, oleum etiam melinum, Plurimum hac in re
laudentur. Nicander pyrasylvestria (sic enim ἀχιδνός significare puto, Dio-
scoridis auctoritate fretus) præcipuè commendat, & myrti baccas. Refri-
gerant enim & astringunt, & ideo Buprestis calidam naturam mitigant, &
ventriculi imbecillitate tollunt. Cavendum tamen ne corpore adhuc tu-
mido comedantur, ne morbum retento intus veneno magis adaugeant. Qui-
dam non sine ratione 31. ex baccis solani vesicariæ, & amygdalis, lac amy-
gdalatum extrahunt una cum decocto lactucæ. viol. borrag. buglo. solani horten-
sis, plantag. passul. & semin. infrigid. major. Aëtius scorpij radicem ex
passo in potu exhibet. Cantharidum alas pedesque contra buprestim multi
loco antidoti commendant, vetum aut antipathetica virtus illi opinioni fidem
servat illæsam, ant mendacij suspicione non caret. Si bos equusve bupre-
stem devoraverit, inflatur, concitatur rabie, ac paulo post crepans medius
spiritum efflat; ut Aelianus. 6. de animal. cap. 35. & Herocles Græcus scriptor
testatur his fere verbis: ἔδο βύσσινον εὐεργασίαν ἰσχυρὸν ἐν τῷ χέρτι, πικρὰ δὲ αὐτῷ ἡ κατὰ
τὴν ἀπὸ τῆς ζῆταις, τὰς τὰς δὲ ἑλθὼν τὸ ἐπὶ τῇ ἐκείνῃ φέρει ἐν τῇ ἐκείνῃ ἀναπνεύσει κατὰ τὴν
Idem pænè Vegetius. Si Buprestim bos vel equus in herba comederit,
venter statim inflatur, totus distenditur, cibum averfatur, stercorea mi-
nutim & frequenter reddit, &c. His ita Absyrus mederi jubet, δισμύον
ἀνάλλα τῷ κερατὶ, καὶ δὲ τὰς φλέβας ἐπὶ τῷ κερατὶ, τὰ δὲ αἵμα τῶν ροῶν διὰ τὸ σπῆμα καὶ
ἐν τῷ κερατὶ κατὰ τὴν ἑλθόν, καὶ τὰς φλέβας, καὶ τὰς φλέβας διὰ τὸ σπῆμα. Pari ferè modo Vi-
getius. Statim (inquit) sternendus est equus, & cogendus ad cursum; post ei
vena aperienda in palato leviter, ut sanguinem effluentem transglutiat, tum
assidue deambulet; sit ei cibus Triticum passo infusum cum porris; ex cor-
nu vero bibat vinum tepescitum cum uva passa diligenter contritum. Qui-
dam (authore Praxano) oleum in boum nares effundunt, lib. 17. cap. 17. Ca-
pris qui Bupreste instantur laridum dato, vel pingue ejus juscule infun-
dito. *Idem*.

signa peculium
lesarum ab equo
Buprestis.

Lib. 3. cap. 78.
Idem.

Κυνόκερος idem mihi videtur cum Bupreste; eadem quippe infert canibus
symptomata, quæ hæc bobus. Si vero aliud sit animal, mihi in compertis non
esse ingenue fateor.

CAP. XX.

De Cantharide.




Esio quid in causa Pentio & Gesnero fuerat, cur Cantharidas de-
cantatissimas & in officina medica neutiquam desiderandas præ-
terierint. Verum hanc mihi relictam provinciam libens suscipio,
atque illarum historiam sic bonis avibus incipio. *Cantharis* Græcè
dicta, apud Latinos nomen non mutat.



Gallis *Cantharide*; Italis *Catarella*; Hi-
spanis

spanis Cubillo: Germanis grune kefer goldkafer. Belgis Spaensche vlieghe: Anglis *Cantharides* or *Spanish fly* vocatur, quasi muscam Hispanicam dixeris. *Cantharidum* duo genera vidimus, alterum magnum, alterum verò exiguum. Majorum alia sunt oblongo corpore crassa, ex tritico collecta, ac Blattarum more pingues, varia aureis Lineis, quas in pennis transversas obtinent (atque hæc in medicina potissimæ habentur;) alia minutiores, macilentæ, lata, pilosæ, interiores dictæ, & ad medicos usus inutiliores. Majorum quoque non omnes ex viridi radiantes videris, sed alias item ex xerampelino; inexplicabilis omnes splendoris, & colore oculis gratissimo donatæ.



Parvum genus *Cantharidum* Thomas Decateus primus mihi communicavit; formâ nonnihil & mole dispares videntur, sed virtute *Cantharidea* & ortu consentiunt. Harum (scilicet minorum) prima corpore, & capite ob-



longo est et forcipato, oculis nigerrimis prominentibus, antennis longis atque nigris, alis circa medios lumbos extuberantibus, quæ duobus punctis argenteis, & maculis paucis albis notantur: in *Cicutaria* herba per æstatem plerumque reperitur, pedes habet & crura, gracilia admodum atque longa, purpurascente minio ornata. Secunda ejusdem cum prima coloris est, nisi quod antennæ oculique virides videntur. Caput huic exiguum, scapulæ globosæ, atque gibbosæ. Tertiæ caput & scapulæ confunduntur, coloris æruginosi, sed ocululi picem referunt nigerrimam: alas habet capiti concolores, sed striis quibusdam aureis micantes: pedes item piceos & breves. Quarta tertiam æmularur, sed herbaceo potius colore est, quàm æruginoso; aliàs præter magnitudinem (quippe omnium minima est) non differt. Tam majores quàm minores istæ *Cantharides*, non ex animalibus oriuntur, sed ex putrescente humido & sicco. *Τιδίταια γὰρ ἐν τοῖς τῶν πυρῶν λυμοῖς καὶ ταῖς ἀγέλαις, καὶ ταῖς σίγαις περιστὰς τὸν καυθασίνον σῆλον*, ut *Aelianus* lib. 9. cap. 39. (Verbatim ex *Aristotele*) recenset. Nascuntur ite ex vermiculo in spongia dentis caninæ, atq; ex erucis fici, populi, pyri, fraxini, oliuæ, & rosæ: generantur enim in his omnibus vermes *Cantharidum* parentes, sed in alba rosa magis efficaces. Coeunt quidem *Cantharides* & generant. Verùm non sui generis animal, sed vermiculum tantum. Legumine vescuntur & frumento, præsertim tritico, quo pasta, ad medicinam aptissimæ habentur. Olfactu picem liquidam referunt, gustu cedrum, ut *Nicander* prodidit. Vis earum adurere corpus, & crustas obducere, vel (ut *Dioscoridi* placet) erodere, exulcerareque, & calorem incitare; quâ de causâ admiscentur medicamentis quæ lepras ferasque lichenas, & canceri naturam habentia sanant. Ad ungues itaque psorodeis cum ceratis aut emplastris idoneis impostæ, ita illos auferunt, ut toti cadant. Admiscuntur quoque ijs quæ clavos auferunt. Aliqui alopecias *Cantharide* trita illinunt cum pice liquida, nitro præparata cute. Caustica vis earum; cavendumque ne exulcerent alte; postea ad ulcera illa facta, capita, fel, aut sinum murium cum elleboro & pipere illini jubent. *Cantharides* mixta calce, panos scalpelli vice eradicant: nonnulli paululum quiddam earum injicere solent in medicamenta, quæ urinam cient: Verum in ijs magna questio, quoniam ipsæ venena sunt potæ, vesicæ cum cruciatu perpetuo. Verum illitas prodesse non dubium est cum succo tamineæ

tamineæ uva, & sebo ovis vel capræ. In medicamenta quæ urinam ciant, nonnulli præceptorum meorum solas alas cum pedibus injiciunt. Nos (inquit Galenus) totas Cantharidas injicere solemus, & aptiores eas judicamus, quæ inventæ in frumento, luteo transversim in alis cingulo ornantur. Lib. 3. & Lib. 11. de simpl. fac. Menses quoque potentissime eliciunt subditæ; & antidotis impositæ, hydropicis auxiliari creduntur: ut non solum Hippocrates & Dioscorides, sed Galenus, Avicenna, Rhasis, Plinius, alijque optimæ notæ medici testantur. Nequeo hic satis laudare probatissimum ipsarum usum, cum fermento, sale, & gummi ammoniaco, ad catarrhi diversiones, podagræ & Ischiatici doloris amputationes; dum materiam altius centro impactam, ad superficiem extrahunt atque absumunt. Salamandræ item veneno conferunt, ut docet Plinius Lib. 29. Cap. 4. Conferunt item certis rebus & certa mixtione ad penis impotentiam sive ætioriar tollendam, veneremque plurimum promovent. Ceterum ut debitâ mixtione & pondere exhibitæ saluti sunt, ita non rectè propinata, applicatæve, gravissima symptomata, & quandoque mortem inducunt. Dum Basilæ circa annum 1579. hæcerem, sponsus quidam (ænobarbus ille nempe in Pharmacopæo habitans Apothecarius) de pessuli infirmitate timens, quo sponsa primâ nocte pudicitiam esset pulsus: Archiatrum quandam celeberrimum consuluit, ut medicamentum rigescens prævaleretur, destinatumque iter citius conficeret. Verum appetente diluculo; perpetua penis distentio sine veneris desiderio insequabatur, & cruenta postea urina cum vesicæ inflammatione accessit, ægerque (nihil diu proficientibus antidotis) penè elanguit. Idem quoque nobilicui-dam Francofurtensi accidisse memini, cui dum Chirurgus quidam indoctus hydropem per urinas cum Cantharide intus sumpta evacuari tentaret, doloribus cruciatum perpetuis exanimavit. Habeo ego singulare quoddam contra penis languorem remedium, quo cum promiscuè uteretur, utcumque multis Nobilibus (qui veneris vulgo studiosiores videntur) animos & vires adauxit absque noxa; uni tamen inter cæteros sic obsuit, ut à venere (cui nimium litarat) sanguinem continuo mingeret, & lypothymia frequenti laboraret; Sane nisi lactis copia in procinctu fuisset, omnino interiisset veneris pullus & meritis salacitatis cupidinisque poenas luisset. Atque hæc de medica ipsarum vi, nunc ad lætiferam illam & infamem veniamus. Inter venena maximè deleteria censentur, non solum quia erodunt, atque inflammant, sed ob vim quoque septicam, quæ præpollent. Succus eorum in venas sive à stomacho, sive a cute ingressus, ut venenum interimit. Vnde Ovidius cum hosti male precareretur, lib. Trist. sic cecinit. *Cantharidum succos dante parente bibas.* Cicero ad Petum lib. 9. Epist. famil. *Cajus accusante L. Crasso, Cantharidas sumpsisse dicitur*: Ac si eo pacto sibi necem consciscere statuisset. Gal. lib. 3. de simpl. fac. ita scripsit: Si vel minima quantitate & rebus mixta idoneis intus sumantur, urinam potenter provocant, & aliquando rodunt vesicam. Ex quibus patet, quæcumque ex frigidityte interrimunt, si exigua quantitate sumantur, nutrire corpus posse; at quæ putrefaciendo (ut Cantharides) nequaquam, cum naturæ humanæ adversentur. Cossitem Equitem Romanum amicitia Neronis principis notum, cum in lichene correptus esset, vocatus ex Aegypto medicus ad hanc valetudinem ejus à Cæsare, cum Cantharidum potum daret, interemit. *Plinius.* Cantharides item (ut idem lib. 29. cap. 4. testatur) Catoni uticensi objectæ sunt, ceu venenum vendidisset in auctione regia, quod eas sesterijs Lx. addixerat. Largius autem epota, vel diutius foras & aliis applicata, symptomata hujusmodi solent producere. Accidit punctura & dolor in visceribus, qui etiam ab ore usque ad pectinem extenditur, & renes & anchas, & hypochondria, & ulcerant vesicam ulceratione dolorosa, penemque inflammant, & vicinas illi partes,

Signa & Curi-
tis Canthari-
dum epotarum.

partes, apostemate vehementi: postea mingunt sanguinem, & frustum deinde carnis. Quandoque diarrhæa sequitur & dysenteria, & syncope, & torpor, & mentis alienatio, & nausea, & gravitas, & frequens mingendi aluiq; exoneranda, sed ferè irrita, cupiditas. Invenit eas sumens in ore suo saporem picis: quæ omnia symptomata ex Dioscoride, lib. 6. cap. 1. Gal. lib. de Ther. ad Pil. cap. 4. & lib. 3. de temper. cap. 3. & ex Rhase tit. 8. cap. 17. collegimus. Hoc modo affectis atque infectis Dioscorides lib. & cap. citatis, primum continuum & frequentem vomitum imperat, deinde frequentem alui lotionem, per clysteres ex nitro factos; postea ad vesicæ conservationem lac intus præbet & psyllium. Clysterum quoq; materiam aliam tum esse vult, atq; in Principio: nempe ex aqua hordei, althea, albumine ovi, muscilagine, sem. Lini, aquâ orizæ, decoctione fenugræci, hydromelite, juribus pinguibus, oleo amygdalino, & adipe anseris, & vitellis ovorum. Intus item exhiberi jubet lac acetosum vaccinum, hydromel, grana piceæ majora & minora, defrutum, pinguedinem anatis, decoctionem cum seminibus diureticis (nempe sem. 4. infrig. major.) et decoctionem ficuum cum syr. violaceo. Oleum vero de Cydonijs veluti certissima hujus morbi Theriaca unice laudatur, veluti & oleum liliorum, & luteum Samium. Rhasis, postquam clysteres ex jure pingui infusi fuerint, virgam quoque oleum rosaceum injici vult, agrumq; in tina tepida balnari, tit. 8. cap. 17. Ipsarum Cantharidum venenum in qua parte sit, non constat inter authores. Alij in capite & pedibus existimant esse, alij negant. Convenit tamen pennas earum auxiliari in quacunque parte sit venenum, quibus demptis lætate est: adeo ut hoc venenum suum in se contineat remedium. Plinius lib. 11. cap. 35. Portulacam Cantharidum antidotum esse, Lycus Neapolitanus tradidit: quod de sylvestri ocymo narrat Plin. lib. 20. cap. 13. Qui etiam acetum scylliticum, oleum oenanthinum, lac bubulum, & jus caprinum variè commendat, lib. 23. cap. 2. & 4. lib. 28. cap. 10. Atque de Cantharidum historia hæc dici sufficiant, quam miror ab eruditissimo Gesnero, ipsoque imprimis Pennio fuisse omisam.

C A P. XXI.

De Scarabeis.

Scarabeus est insectum ^{maximè} ~~maximè~~, quasi vagini penam dixeris, è rebus putridis, & stercore nascens, eoque sese potissimum alens atque oblectans. Hunc Græci ^{καρβες} ~~καρβες~~, Tyrrheni ^{buipar} ~~buipar~~, Germani ^{Kaefer} ~~Kaefer~~, Itali ^{Esca} ~~Esca~~ ^{polotero} ~~polotero~~, Galli ^{esca} ~~esca~~ ^{bot} ~~bot, Poloni ^{Krowka} ~~Krowka~~, Illyrici ^{Krabak} ~~Krabak~~, Angli ^{Bee} ~~Bee ^{tle vel bug} ~~tle vel bug, Angli Boreales ^{Clock} ~~Clock~~ vocant. Occidentales vero ^{Starkenbeken} ~~Starkenbeken~~, Arabicè ^{Canafis} ~~Canafis~~, & ^{Canafes} ~~Canafes~~ dicitur Avicennæ. Cantharos omnes mares esse Græci singuli uno ore fatentur, unde facile erit Ausonij Epigrammatis sensum in Marcum emasculatum intelligere, quem Rhodiginus reddit lib. 8. cap. 5. Antiq. lect. Propterea item Aegyptij Heroum suorum statuis hoc animalculum appingi fecerunt, insinuantes virilem solam virtutem, muliebri nullâ molitie commixtam, viris verè fortibus atque illustribus competere, effemina- tam verò eos & languidam dedecere. Canthari omnes senectutem exuunt, carentque aculeo. Quum tanguntur metuunt, motuque cessant, & corpore indurescunt. Perperam 4. alas ijs ascripsit Albertus sub vagina crustacea conditas; nam experientia vidit tantum duas, teneras illas quidem & valdè fragiles, quapropter superveniente crustâ inclusas gerunt, tutelæ gratiâ, ne à duriusculis corporibus offendantur; Nam eorum maxima pars, vel terram fodit,~~~~~~

fodit, vel ligna putrida dentibus atterit, ibidemque domicilia & nidos fabricat; adeo ut, nisi optimè muniti essent, nunquam ab externis injuriis sese fartos testos fervarent. Dum volant, tanto stridore vel murmure & mugitu potius aërem replent, ut per eos Deorum cum hominibus fieri colloquia Laërtius scriberet. Rosas inter omnes plantas, non redamant; imò ceu sui generis perniciem averfantur: earum quippe odore intereunt (ut in Geoponic. legimus); Sicut fatidis contra & *καυδομοις* unice lætantur.

Memini quendam cloacas expurgare solitum, cum in officinam cujusdam aromatarij Antuerpiensis se ceteret, statim *Lypothymia* correptum recidisse; quod cum quidam ex astantibus vidisset, in platea collecto fimo equino, illum ægrinaribus adhibuit; atque ita faculento odore homo facibus affu- factus ad se redijt, & convaluit. Haud mirum igitur *καυδομοις* (post sterco- re natos eodemque pastos meminimus) *τοδὴν γὰρ διότις μύρρον ταιούτων λήγουσι*: ne recedam à Clementis Alexandrini verbis, 2. pedagog. Quod etiam Plutar- chus alibi, nec non Ælianus affirmat. Fumum *Aldub* & maxime foliorum ab- horrent, veluti *Pulsami*, *acegi*, stercoris vaccini, ac nigellæ seminis. *Rhafis* 88. *Hemerocallis* Dioscoridis à quibusdam *ἡμεροκαλλίς* vocatur, ob inlig- nem quâ Scarabeos necat virtutem. Verùm ut has plantas summo opere vitant, ita umbram hederæ maxime affectant, eamque naturali quadam propensione subire gestiunt, ubi cum in acervum fuerint collecti, nullo ipsos ne- gotio tollere procline fuerit, difficulter enim aufugiunt. Scarabeorum autem alij majores, sunt alij minores. Majores sunt vel cornuti, *καρπιδίς*, vel exper- tes cornuum, *ἀκάρπιδις*. Cornutorum alij cervi cornua imitantur, ut *καρπιδίς*, alij capri, ut *ἀκάρπιδις*; alij tauri, ut *βόκρος*; alij arietis, ut *κρίον*; alij naricor- nes, ut *ῥινόκερος*; de quibus ordine dicemus. *πλάτταρος* à Nigidio *Lucanus* dicitur, teste Plinio. Alij taurum vocant; alij Cervum volantem. Hefichio, *καρπιδίς*, quia cornubus spinosis obvia comprehendit. Comico & Eustathio *καρπιδίς*, quia omnium maximus. Cardano *καρπιδίς*, Græco & Latino nomine conficto. Giza *καρπιδίς* appellat. Italis *Cretti* dicitur, & vulgo *Pota- peso*. Gallis *Cerfvolant*. Anglis *Stag-flie*, vel *Flyng-flie*. Belgis *Vlieghende hert*. Illyricis *Gelin*. Polonis & Sclavonibus *Krowka*, *Wielka*. Inter gentem omnem cornigeram, ob corporis formam, proceritatem, & magnitudinem primas meretur, maximeque est notabilis. Colore ex obscuro spadiceo nigricat, præcipuè circa elytra & pectus. Cornua illi duo integra, sine articulis, ramosa cervi instar; minimi digiti longitudinis in adultioribus, in minoribus minora ac breviora, vel (ut Plinius loquitur) prælonga cornua & mobilia obtinet, bifidulis dentata forcipibus, cum liberet ad morsum vel compressionem coeuntia: stringit enim mi- rum in modum; atque cornubus utitur eum in finem, in quem chelis cancri atque astaci oculi duri prominentes, albiduli, juxta quos utrinque antennas habet, unas in radice inter cornua & oculos racemosas, quarum articulus rectum fere angulum facit; alteras verò media fronte erumpentes, rectas atque



planas, in tuberculum leve desinens. Pedibus incedit sex, prioribus reli- quis

quis longioribus atque maioribus. Hunc marẽm *Lonicerus* facit; ego (si qua generis inter *Cantharos* fuerit distinctio) fœminam dicere non vereor : tum quia reliquæ *Cantharorum* species minores sunt (Mares enim inter insecta; ut *Aristoteles* notat, fœminis longè minores ;) tum quòd in coitu suscipere eas à minore, experientia confirmat. Mas illi omnino simills, sed minor; tum corpore, tum cornubus: quæ licet utrinque non racemantur, acriùs tamen (compressa) pungunt digitum, quàm fœmina jam descripta. Tertius priori triplo vel quadruplo minor, colore piceo, cornua admodum parva & bifurca, juxta quæ duæ antennæ plurimis articulis distinctæ oriuntur. Oculos habet prominulos, & pro corporis ratione magnos. Scapulæ utrinque in angulum acutum desinunt. Vescitur maximam partem succo tenaci atque pingui



è quercu exudante, nec facilè extra querceta conspicitur.

Quarta species rara admodum est, cui cornua exilia duo, ter intus racemata, ex nigro candidula videntur, dorsum nigris albis, venter argenteis ceruleisque maculis segmentatur: pedibus sex graditur, qui non minus nigricant atque antennulæ. Capite præciso, reliquæ corporis partes vivunt diù; caput verò (contra vulgarem insectorum morem) reliquo toto corpore diutius. Hic lunæ sacer esse dicitur; caputque illi & cornua cum Luna crescere atque diminui tradunt mendacissimi astrologi. Cornua medicarum virium non sunt expertia;

nam infantum morbis medentur, ex cervice suspensa, magna si fuerint, & valdè facemosa, alligata amuleti naturam obtinent. Strumis appositi cõferunt & podagræ, præsertim si cum terra ab ipsis egesta commisceantur. *Plinius*. Si cornu *Scarabei* (quos *Cervos* vocant) in oleo decoquantur, atque eo brachialis arteria inungatur, tollit febres. *Mizaldus*. Parum sapuit (ut hoc obiter notem) *Guillerinus de conchis*, qui *Librum de natura rerum* sequutus toto cœlo arravit, dum *Cervum* istum volantem inter *Cicadas* poneret. Est etiam quando locustæ ascribit, est quando *Bruchus*, imò alibi cum *Cicindela* confundit; usque omnia conjiciens, nil docet. Gigni cervos istostantum ex vermicibus putrido ligno innatis *Philosophus* memorat. Cæterum quum experientia illorum quoque originem è stercore ducendam clamat, huic potiùs applaudo. *ἐγχευοντες, τραχέουσι, καὶ σφύβουσι, καὶ σφύβουσι* (sunt enim synonyma) Latinis *Capricornus*. Germanis *Holz back*. Anglis *Goat-chaffer* dicitur; magnitudine coloreque *Platycerotem* refert. Caput habet latiusculum, oculos bovinos & grandes, tres ferè transversos digitos longos: os illi forcipatum, hians, aduncis duobus dentibus durissimis horrendum; quibus dum ligna



rodit, (experti scribimus) argutulum porcellorum grunitum disertè exprimit. Hoc forte in causa fuit, cur eas arbori alligatas, culices ficarios abigere tradidit *Hesichius*. Scapulæ ejus curiosulè a natura sculptæ, manubrium ebene factum & perpolitum, oculis obijciunt. Pedes sex habet, tribus quoque geniculis distinctum; sed imbecilles admodum & languidos, tantoque oneri sustinendo longè impares. His ferunt auxilium cornua duo, supra oculos nascentia, toto corpore longiora, novem decemque articulis flexibilia, non exatè teretia, sed asperitatem capri imitantia; quæ licet in quamcunquẽ partem movere possit, tamen dum volat, directè ea tantum protendit, atque volatu fessus pro pedibus utitur.


Conscius quippe horum imbecillitatis, cornubus arboris ramulum circumplicat, atque ita pendulus quiescit, ut in agro *Heidelbergensi* vidit noster *Brue-*

rus; avem paradisi eò referens, quæ pedibus destituta pendulis illis nervis ramos illaqueat, atque ita laboris satur quieti consulit. Gerras enim Germanas nobis obtrudunt, quotquot unicum illi tantum volatum attribuant; quo defatigata tandem, simul & terram tangere perhibetur, & diem obire. Fabularum mancepia hujus rei causam sic narrant. Terambus Satyricus Cerambycem meritò transformatus duplicem subivit pœnam, nam tum enervatis cruribus claudus ambular, & latronum more in ligno pendet. Antonius Liberalis, lib.

μεταμορφωσις 1. rem perstringit his verbis μέμνημι δὲ μητίβαλον κατ' ὄργην τὴν τρυφήν ὅτι αὐτὸς ἐλοιδέρσθη, καὶ ἔχρητο ξυλοφάγος καὶ ἄμβουξ, φαίνεται δ' ἐπὶ τῶν ξύλων καὶ ἐπὶ τῶν ἀγρῶν ἕως τοῦ ὀδοῦν καὶ σπυλῶς τὰ γένεα κινεῖν, μάλιστα περὶ μύκης τὴν γῆρας σπέρει χροῖ, ὅπως οἱ μήκοι καὶ βαρεῖ. ὅτις ξυλοφάγος βίος καλεῖται, περὶ δ' ὁπῶλοισι καὶ ἄμβουξ. τὸν καὶ οἱ πῦδις παύσιον ἔχουσιν, καὶ τὴν κατὰ τὴν ἀποταμωσὶν ἐφύρουν. ἢ δ' ὅπως τὸ τῶν καὶ σπυλῶς τὰ γένεα κινεῖν. Quæ dum Xylander Latinæ facere tentavit (vir alioquin Græce Linguæ peritus:) bis turpiter impig-

git. Primum quod Cerambycem avem verteret, quum volucrem dixisset. Secunda quod caput una cum alis lyram formare diceret, quum Græcus liber sic loquitur, οὐ τοῖς ἐγχοῖ. An vero hoc Scarabei genus, id sit, quod in caule eriphiz herba sursum deorsumque currit sonum hædi clementis, (quo Magi ad vocem emendandam nihil esse præstantius affirmant) equidem nescio: minorem tamen Scarabeum esse autumo; quia ferula caulis vix hunc jam grandem caperet. Cerambyces præter hunc memoratum varios vidimus, unum primo huic similem, sed magnitudine & colore varium; nam & paulo minor, & colore fuit ferè cin-

neræo; Venter, crura, & cornua, dilutè cærulea; scapulæ, cauda & elytra, nigris quibusdam maculis variegata. Cornuum quoque articuli nigricabant; postrema crura reliquis longiora crescebant. Hos a Quickelbergio obtinimus, Antuerpia transmissos. Alterum habemus, extra viridem, supinè fuscum; caput, scapulæ, elytra obscurè virentia, & auro itidem mæcantia; corpore est paulo porrectiore, priori similis videtur, sed paulo minor; cornua purpurea obtinet, crura, pedesque Hyacinthinus. Tertium huic concolorem ipse primus Pennio dedi, nucem moschatam & cynamum verè spirantem. Verum fragrantia illa dulcis (stacten contra non cara) cum vita in auras statim effluit, & cadavere exulans, sese in pyxidem (qua fuerit servatus) tota insinuat. Cardanus mentionem facit hujus Scarabei; sed qui ante me invenit neminem novi. Est quoque alter cum splendore nigricans, ventriosus, crassus, corpore, cornuque breviori reliquis; cornuum junctura non sunt (ut in alijs) globosæ, sed utrinque leviter ferratæ. Hunc Carolo Clusio Pennius se debere fatetur. Quintus capite ore & dentibus primo omnino similis, oculis nigerrimis, colore per totum corpus fusco, ore paulo dentato, capite





pite, collo, & alis, minutulis punctis nigris dense confertis; corporis magnitudine ferè secundum æquat Cerambycem: rarior conspicitur; in arboribus vivit & lignis aridis. Sexto cinerascens caput valde exiguum, oculi albiduli, cornua longiuscula, articulata, candescentibus maculis distincta: elytris, imo toto ferè corpore, varius est; in arboribus item versatur, sed an etiam in lignis habitet, ignoro. Septimum ex Russia ab Edoardo Elmero allatum vidi, toto corpore infuscatum, juncturas habuit

in cornubus globosas, septem vel octo; facile ex forma cognoscitur. Ab hoc octavus magnitudine & forma parum abludivit, nisi quod capite, scapulis & alis subcarnuleis præditus videtur.



Nonum misit ad Pennium Ioachimus Camerarius (de literaria repub. optimè cum primis meritis) cui alæ pedesque arenosi erant coloris; caput cornua venterque subnigricabant: cornubus repandis videbatur, ex pluribus verticillis nodulisve compositis, quæ in utramvis partem nictu citius versabat. In plantis, (& potissimum Cithyso) repitat. Hujus generis esse puto Scarabeum, quem Ioannes du Choul. (lib. de varia quercus historia, cap. 26.) ita describit: *Dedit in quercu animal de scarabaeorum tribu (quantum conjectura ducimur) colore nigricante, proceris eruvibus, geminis capite gerens aculeos, modice inflexos: quibus acerrimè stringit adversantia. Hanc besiolam fabri lignarii quercus dolantes, in ipsis visceribus vivam invenere. Rustici Lugdunenses Thurro nominant. In laquearibus feliciter diutiusque vivit, seque hypocausta colentibus levi cum strepitu prodire conspicendum subinde præbet.* Eundem vel illi similem quendam piæ memoriæ Gesnerus Epist. Lib. 3. ab anu pleuritini passâ dejectum fuisse testatur in hæc verba: Per aluum (inquit) à portione ex Oxytelite nostro cum decocto fenugræci exhibitâ, prodijt vetulæ pleuritide laboranti, scarabei genus nigrum, longis pedibus, longis item cornubus flexibilibus articulatisque, rudi plenum pure, vivum; longitudine duorum articulorum erant digiti. Decimus totus ex nigro purpurans, os forcipatum habet. Undecimus ubique atrescit. Duodecimo cornua minus articulata, caput scapulaque cyaneæ, reliquum corpus totum spadiceum videtur. Horum omnium in iconibus, utcumque cornua aliâ directâ, aliâ curvata cernitis (explanationis gratiâ) tamen plerumque non nisi




V. 10.

nisi (caprorum more) ad humeros reflexa gerunt, veluti primus Cerambyx : eoque nomine in eorum classem referendos esse æquum duximus. Atque hæcenus de Cerambyce sive Capricorno, ejusque generibus : quorum non alium in medicina usum didici, nisi quòd sinistra manu capta quartanas abigunt. Plinius lib. 30. cap. 11. Fortè postea, quos meliori luto finxerit Apollo, alios ab ijs ulus deprompserint, nec persuaderi sibi siverint, tam affabre pictum fictumque à Deo animal, raris admodum in medicina virtutibus posse destitui, quas rebus longè vilioribus (pro suâ erga homines beneficentiâ) impartit. Vespertilioes hoc in primis habent delicijs, & culicibus præferunt, præsertim si vivos ceperint atque compresserint.



Buxepus vel Taurus potius, cornubus duobus semper Taurorum more rectis & directis cernitur; ex spadiceo circumquaque nigricat, & ferè à pupa videtur: habet autem exiguum caput brevibus crassisque scapulis immersum, mediâque fronte spinula exit (defensionis gratiâ) peracuta. Nasicornium quatuor species vidimus. Prima omnium maxima atque rarissima apud Indos vivit, colore nigerrimo : nasum habet ad faciem rostri navalis cornutum & extra curvum, circa cujus umbilicum aliud cornu intus reflexum è tuberculo nascitur, quale etiam è scapulæ tumulo. Torum corpus, ab ultimis cornubus ad caudam, longitudinem quatuor unciarum continet, latitudo fere duarum est.




Cantharorum lege fæminam non habet, sed ipse suæ sibi faber est formæ ; fætum solo sibi genitum producit, quod Ioch. Camerarius F. non inscite expressit, cum ad Pennium hujus insecti iconem è Ducis Saxoniz rerum naturalium penu mitteret, his versibus :

*Me neque mas gignit, neque semina concipit, author
Ipse mihi solus, seminumq; mihi.*

Moritur enim semel quotannis, suaque ipse ex putrilagine Solis beneficio (Phænicis instar) renascitur, quæ (testante Monino)

*Quando millenas ætates, frigora mille
Vidit, & aeterno labentia secula mundo;
Annis jam gravior, post longa tædia vita,
Optat ut ossa rogo tepido rediviva quiescant,
Inq; suo condi fœtetro cupit; & sua longè
Corpora sarcophago rediens potiora resumat.*

Secundum



feliformē appellaris. Germanicè *Roskafer*, *Kaat*, *Oder mistkafer*. Anglicè, *Dungbeetle*, *sharnbugg*.



Secundam Nasicornium speciem raram atq; pulcherrimam, Mercurio sacram, Carolus Clusius Viennæ depictam mult; in cuius agro frequens est. Formam illi, qualem vides; absque ventre saturatè rubro fuisset, totus videretur piceus: narium cornu illud recurvum adeo acutum est, ut (quod de præliaturo barro fertur) aciem illi rupis tenacis affriccione addi putares. Tertius nasicornis & quartus, pariformes penè videntur, nisi quod illi alæ longiores elytris excrescunt, huic vero breviores apparent. Splendente atramento perfusus diceris, ut que adeo undique nigricant. Aries sive *ἡρίον* cornubus nodosis hyacinthū æmulantibus, capite ex auro viridante, scapulis miniatis, purpureo ventre, elytris capiti concoloribus, pedibus, cruribusque spadiceis incedit; alæ vero vagina inclusa albicantem arundinis membranulam scite exprimunt. Canthari majores *ἐκάνγλοι* sive exornes plurimi sunt. Nempe pilularius, Melolonthes, Purpureus, Atratus, Arboreus atque Fullo. Pilularem alij Stercorarium vocant, atque fimarium, quia tum ex fimo & stercore nascitur, tum in illis lubentissimè versatur. Græcis *νοσφητὴν* dicitur atq; *ῥινογύα* nec non (à forma illud) *ἀλυστρίτης*, quasi

Germanicè *Roskafer*, *Kaat*, *Oder mistkafer*. Anglicè, *Dungbeetle*, *sharnbugg*. Gallicè *soûlle merde*, quasi *fodi-merda* dicere velimus. Pilulariū vocant Latini, quia è stercore pilulas voluit globosas, quas posterioribus pedibus retro voluendo format. Porphyrius hoc modo illius naturam pingit: Pilularij omnes fæminas non habent, genitura in cœlum emissâ, pilulas magnas posterioribus pedibus fingunt, & in contrarium agunt; ut sol cœlum circui-

tumque octo & viginti dierum observat. Penè idem *Aelianus*. Cantharus nullus fæmina, Semen in globulum fimarium emittit, quem viginæ atque octo dierum spatio volutat & calefacit, deinde factum procreat. Hoc dicere voluerunt. Scarabeum pilulariū è stercore pilulam ad cœli formam conficere, quam ab ortu ad occasum tamdiu versat, dum ad mundi figuram perduxerit: postea eandem in terra subter sterco (ubi nidificat) reponit, repositam permanere sinit ad mensem lunarem; quo exacto pilulas figillatim singulas caverna ejcit, quibus in aqua dissolutis, prodit scarabeus vermiformis, impennis, qui à paucis diebus absolutus, in volucrem mutatur. Hac de causâ hunc Aegyptij Apollini sacrum fecerunt, & pro numine non parvo coluerunt, curiosa Apionis interpretatione, quâ collegit, folis operum similitudinem huic animali collatam ad excusandos gentis suæ ritus. Plin. & Plutarch. sympos. 4. Rosas veluti suæ familiæ pestem, valde averfantur. Stercora verò (præcipuè vaccarum) & fimeta sic diligunt, ut eorum odore quàm longissimè naribus hausto, frequentes & citi advolent. Theoph. *πρὸς οἰκιστὰς*. Verum gressus eorum tardior, labor contrà continuus atque improbus; amorque

amorque in prolem exuscitandam ferè proprius. Sæpe enim pilulæ quas formarunt, præ loci ventorumque iniquitate relabuntur, & de summo loco ad imum sese præcipitant; perpeti nihilominus cura (propagationis studio) volucella vigilat, pilulamque sisyphiam ad fossam varijs excidentibus, tandem reducit. Et sane nisi quasi cælestis anime (*μυσαι γὰρ Διὸς πνεῦμα ἔχουσι*) huic adesset, perpetuis coctus, imo decoctus laboribus deficeret, nec ad opus tam incertum tamque arduum unquam rediret. Solis calore excæcatus, mori eos tradunt nonnulli; plerumque autem non nisi à pediculis (quibus undique sca- tent) suffocantur. Hyemem vix ant ne vix quidem sustinent. *Hedera umbra imprimis gaudent, veluti quàm maximè salutaris.* *Praxanthes in Geopon.* Formam ejus ita graphice cælatam, suisque coloribus, notam (totus enim nigrescit) exhibemus, ut plura adjicere, salva patientiâ vestrà, non liceat. Ex fimo primum proveniunt Scarabei (inquit Ioan Langius) ut ex ligno putrescente cossi: deinde vero, semine in globulum effuso, eodemque vivificato sobolè propagant: nulli non satis noti, nisi sicubi nulla omnino sunt stercora; alibi enim passim se cuique præbent obvios. Varijs quidem usibus inserviunt hi scarabei, nam & animis nostris profunt, & corporis nonnullas tollunt infirmitates. Etenim cum hoc animal (aut vix quidem animal, quippe cui sensus aliquot defunt) ex infimo insectorum genere nihil sit nisi crustum, varijs tamen virtutibus nos vincit, & ad inodestiam, temperantiam, laborem, magnanimitatem, justitiam, prædilectamque incitat atque impellit. Nam licet ædes habet stercoreas, tamen ipsædem vivit contentus, versatur, oblectatur, deliciatur, nec lubentiùs in rosis potat prædètur, quàm in fimo caprino, quod amaricinium olere illi videtur. Vivit enim naturæ scripto, ejusque leges transire scelus ducit. Præcipuum huic stûdium, pilas quàm maximè potest ingentes componere, seu pastillos, quas miro conamine volvit adversus; quod si contingat ut adversus molem aliquam onus protrudat, elapsis subinde pilis ac deorsum recurrentibus, putes te Aeolidem videre, recurrentem scopulum ad verticem montis semper voluentem; nec defatigatur, nec conquiescit tamen (tantus operis ardor) donec in antrum suum devexerit. Nos vero homunculi pro dignitate aut viribus nil agimus, imo in ipso arduæ virtutis vestibulo deficimus, solemque & pulverem omnem, otiosi, malè conciliati, male habiti, malè item perditii subterfugimus. Magnanimitatem ejus quis non videt, si (quod Indorum Canthari facere perhibentur) vel cum aquila pugnare audeat? Imo opinor (utor Erasmi verbis) futurum, ut aliquis Romanis ducibus impensè favens, aquilæ vicem deploret, cui cum tam humili plebeioque hoste res inciderit avi tam regali: quem vincere gloriosum non sit, à quo vinci turpissimum; & cui abunde multum laudis contingat, quod cum aquila concertarit, etiamsi victus discesserit. Apud poëtas enim puduit Ajacem Vlyssis adversarij tam imbellis, fortisque duces cum militibus configere dedignantur. Rursum alius magis etiam demirabitur, unde huic insecto vilissimo tantum annorum, tantum audaciæ, ut non sit veritum cum ave multum pugnacissima bellum suscipere: tum unde opes, vires, facultates, avocilia, ut tot jam annos bella ducere potuerit verè *ἀνδρῶν ἔκ*.

Verùm si quis hunc explicet Silenum, & contemptum hoc animalculum propius ac veluti domici contempletur, tam multas in eo dotes haud vulgares animadverteret, ut omnibus diligenter pensitatis, promodum Scarabeum se malit esse quam Aquilam. Ne vero mihi reclamet aut obrurbet quispiam prius atque rem cognoverit; Primum in hoc Aquilæ præstat, imò homini, quod senectam quotannis exuit, ac subindè repubescit. Tam hoc ipsum tanti est, ut existimem humanos quoscunque Ioves, ubi perventum est ad inamabilem illam senectutem, qua ætas peculium & res abdicat, malle cum Scarabeis

Vix ab animi
animus & ex-
emplo.

rabeis ^{καρβες} abjicere, quàm coronam septemPLICEM accipere. Deinde in tanto corpore, quantum animi robur? quàm heroica mentis vis? quantus ad invadendum impetus? ut nihil jam sit ad scarabeum Homericam mulca. Iam vero nec ingenium vulgare, nisi quis temerè natum olim, vel ubique celebratum existimet. Græcum illud proverbium, ^{καρβες σπουδης}: quo nimirum lingularis quadam & incomparabilis tribui videtur sapientia. Neque mea refert, si quis cavilletur; cum parum bene habitare in domicilio deformi: sed potius illorum ^{καρβες} iuste damno, qui deformes ipsi cum sint & cænotis moribus, ædes politè, speciosè, ex amussim factas, Attalicis usque sumptibus ædificant, atque incolunt. Porro quod animantium excrementis ad luam commoditatem abutitur, ingenij laus est, non crimen. Quali vero non idem nos medici faceremus, quoties multorum animantium cruorem, carnem, urinam, imo oleta quidem & stercora ægris applicamus, & in potione nonnunquam exhibemus. Nec pudet Alchymistas, viros plane divinos, & non amplius, (si quod cuperent, caperent) mortales, ad quintam illam essentiam eliciendam uti fimo; nec agricolas (quo quidem hominum genere nullum fuit olim honorarius, nullum jam sanctus) stercorebus arua saginare. Id quod quidem eas à pilulario primum didicisse, non abhorret à veri similitudine. Cur enim fimo potissimum semen includeret, nisi illi vegetantis illius caloris humorisque (quo perficiuntur generationes) plurimum inesse Deus voluit? Hinc evenit ut fimi beneficio agros redderet prægnantiores, horridamque illam maciem, famem, sterilitatem prudentiores villici abigerent. Sed Scarabeis istis Pilularijs (inquis) res tam putida bene olet. Stultum vero sit nasum hominis in Scarabeo desiderare: siquidem id homini peculiare, odore sui fimi offendi: nec idem accidit in ullo cæterorum animalum. Felicior ergo nobis Scarabeus, non immundior. Quamquam homines quoque non tam res offendit, quam opinio: nam priscis illis temporibus res ipsa perinde atque nobis, non visa est abhominanda; quam auspaticissimo vocabulo, *Latham* appellarunt, nec dubitarunt Saturno deo *sterculei* cognomen addere: nimirum honoris causa, si Macrobio credimus. Nam prodidit Plinius, Sterculo Fauni filio hinc non nomen solum, verum etiam immortalitatem contigisse in Italia. Porro in Græcia res eadem duobus regibus summam peperit gloriam. Augeæ qui excogitarit, Herculi qui divulgavit. Denique nunquam abolebitur regis senis memoria, quem Homerus (ut in Catone tradit Cicero) manibus suis lætificantem agros, nec alia re quam quâ deletatur Scarabeus, posteritati consecravit. Imperatorem Romanum nihil offendeat lotij putor, cum emolumento conjunctus. Cur Pilularium igitur à tantis commoditatibus leve deterreat incommodum? ut jam demus incommodum esse, quod suis fovendis satubus est commodissimum. Denique cum videmus, Scarabeum in stercore semper purum esse, semperque crustâ nitidâ; contrâ homines in lupanari inquinatos atque pollutos: quæso uter altero mundior? Equidem hinc etiam nomen inditum arbitror, ut ^{καρβες} veluti ^{καρβες} sit appellatus. Quod si quis forte dotes has leves ac vulgares existimet, illud certè nemo non magnificum fatebitur, & ingenti crista dignum, quod antiquitus inter sacras imagines, & in vatum mysterijs cum primis habitus est Scarabeus, egregij bellatoris aptissimum symbolum. Siquidem (ut refert Plutarchus in commentario de Iside & Osiride) in Hieroglyphicis Ægyptiorum picturis, Regis simulacrum erat oculus, addito Sceptro: cum recta iusta que rerum administratione conjuncta significabatur. At Thebis (ait) imagines quædam reponebantur, quæ manibus carerent; eæ judices representabant, quos oportet ab omni munerum corruptela maximè esse sejunctos: atque inter has unam oculis quoque carentem, quæ iudicij præsidem referebat, quod hunc oporteat

oporteat omni prorsus affectu vacare, tantumque rem ipsam non personam respicere aut audire. Aderat non Corchorus inter olera (quod proverbio dicunt.) Sed inter sacras imagines Scarabeus, sigillo insculptus. Et quid tandem per hoc novum symbolum innuebant nobis sapientissimi Theologi? rem videlicet haud quaquam vulgarem; nempe belli ducem egregium & invictum. Nam hoc quoque Plutharchus indicat, ne quis sic à me confictum existimet: quemadmodum allegorias persæpè comminisci solent è vulgo nati Theologi. At dixerit imperitior aliquis, quid Scarabeo cum duce belli? Per multa sanè congruunt. Principio vides ut totus armis luceat, nullaque pars corporis sit non diligenter crustis ac laminis communita, ut non melius armatus videatur Mayors Homericus cum illum maxime sua instruit panoplia. Adde nunc militarem assultum cum horrendo ac Panico bombo, cantuque vere militari. Quid enim insuavius classicorum sonitu! quid *ἀκυστότης* tympanorum strepitu? nam turbarum vocem, quæ nunc reges tantopere delectantur, olim Bufridæ non ferebant, quod asino rudenti videatur assimilis; at ei generi inter abhominata habebatur asinus. Adde laboris in voluendis oneribus patientiam, invictum animi robur, ac vitæ contemptum. Ad hæc negant in Scarabeorum genere faminam inveniri, sed omnes esse mares. Quæso quid magis congruere potest in fortem Imperatorem, qui nec ipse faminam in castris habere debet, nec alijs permittere. Quin & illud ad rem aptè quadrat, quod in delicatis illis pilis de quibus dictum est, fætus suos edunt, fovent, alunt, educant: nec alius est locus nascendi quam vescendi. Verum hoc mysterij mihi non faciliè sit interpretari. Rectius exponent Imperatorij milites, qui norint quid sit, *ἐν ἀνδρὶ ἐνὶ σπλάγχνῳ*, qui norint *ἀσυνείκητος*; qui in obsidione nuda, duras hyemes, duriorem famem sæpenumero pertulerunt; qui vitam agram non jam herbarum radicibus, sed fædo victu produxerunt; qui menses aliquot in navibus exegerunt. Si quis hujus vitæ sordes perpendat, mundus erit Scarabeus: si quis miseriam, est quod Scarabeo invideat. At hæc est Imperatorum fors & conditio: ne quis forte contemnat. Sed illud obiter demirari libet, quid acciderit nostris Pyrgopolinicijs, ut in suis insignibus, quibus totam nobilitatem sitam esse putant, pardos malint, aut leones, aut canes, aut dracones, aut lupos, aut aliud animal (quod vel casus objecit, aut ipsi sibi adoptarunt) quum proprium ipsorum symbolum sit Scarabeus, atque id quidem cum accommodatissimum, tum vero à prima ipsa usque antiquitate, unicâ nobilitatis parente, comprobatum dicatumque. Ad corporis formam quod attinet (absit modo vulgaris, & judicium præoccupans imaginatio) non est quod contemni possit vel debeat pilularius. Etenim si verè proditum est à Philosophis, sphericam figuram pulcherrimam esse, atque omnibus modis optimam; cur non et formolus videatur Scarabeus hic qui ex Demiurgi sententia, ad illius speciem propius accedit, quam aquila, quam homo ipse? Clem. Alexand. lib. 5. stromat. Facie vero licet catum, bestiam nobis familiarè, & magis utilem quam gratam, repræsentat; tamen eo etiam nomine ab Aegyptijs colitur, atque longè alijs insectis præfertur. *Calceagninus*. Denique si equus in suo genere formosus, est si canis in suo, qui minus in suo placeat Scarabeus? Nisi omnes omnium formas nostrâ metimur; ut quicquid ab hominis forma discesserit, id continuo deforme iudicetur. Color è ejus nemo sanæ mentis calumniabitur, ut qui gemmas etiam nonnullas, adamantem nempe ipsum omnium gemmarum Principem, commendat. Denique non usquequaque contemnendum existimabit Scarabeum, quisquis secum reputarit, Magos ac Medicos maximis hominum malis ab hoc animante remedia petere. Siquidem non modo gestantur in crumena, verum etiam de collo suspenduntur, non nunquam & auro inclusa contra omnes infantium morbos. Quid quod in efficacissimis vixque credendis remedijs, (ni Plin. author esset) parem cum antidotis


antidotis vim obtinebunt? Siquidem; Scarabeus Smaragdogen-
mæ insculptis, adversus omnia veneficia præsentaneum adfert remedium,
nec omnino minus efficax, quam Moly quod Vlyssi quondã dedit Mercurius.
Nec solum contra hæc valet, verumetiam haud vulgariter prodest, si quis
quocunque modo regem adire paret, ut hujus modi annulus imprimis gestan-
dus sit ijs, qui constituerunt a magnatibus beneficium aliquod non jejunum,
aut provinciam præpinguem emendicare. Item capitis gravedinem avertit,
non mediocriter profecto malum, præsertim potatoribus. Proinde quis ipsum
Scarabeum despiciat, cujus & imago lapillis insculpta tantam habet vim?
Admonet me gemmarum mentio, ut illud etiam adjiciam: Si quid Aquila si-
bi placet cognomine gemma *Actite*, ne hac laudis portione cedere Scarab-
eum: Nani huic quoque nomen debet *Cantharis* lapis, totam animantis
speciem mirè referens, ut non effigiem expressam, sed vivum ac verum Scarab-
eum intra gemmam conditum dicas. Quinetiam immundum hoc sordid-
umque (si velis) animal, oleo rosaceo cum terræ intestinis coctum, optime
doloribus aurium medetur. *Plinius*. Avicenna solos pilularios contulos co-
qui jubet sine vermibus. Quod etiam approbat author libri ad Pissonem, cap.
12. *Silvaticus* cap. 94. ex Avicenna sic scribit: Scarabei pilularij conferunt
matricis doloribus, provocant urinam & menses, abortum faciunt; cum *Cór-
dumeni*: valent ad hæmorrhoidas sanandas; conferunt item rigori, venenis
per animalia infusis; & oleum (in quo franguntur) aurium tollit dolorem. Re-
centiores inter calculi remedia Scarabeos hos exsiccatos celebrant præsertim
Alexand. Benedic. Lanfrancus ad calculi curationem pulverem hujusmodi
conficit, haud ignobilem: Pilularios Scarabeos vel quoscunque alios eodem
modo combure, quo cicadas aut Scorpiones. R. Spodij illorum gran. 5.
condisi 5j. stercoris columbini 5j. ff. siccentur, & fiat pulvis. Dosis ʒj. cum
aqua decoctionis raphani, tribulorum, vel ciccerum nigrorum. Ad hæmor-
rhoidas hoc unguentum haud parum laudatur. R. ungt. populei 5j. olei ros.
in quo diu bullierunt Scarabei viginti, totidemque aselli 5j. si. croci grana 4.
Incorporentur & fiat unguentum. Arnoldus de Villanova Breviarij lib. 1.
cap. 25. contra spasum se singulare natum fuisse à magistro suo unguentum
memorat, & Scarabeis confectum hoc modo. R. piperis, euphorbij, pyre-
thri, ana, Scarabeorum ad reliquorum omnium pondus, pulverisata omnia
& commixta in Balneo cum succo flammulæ, q. s. macerentur & fiant ad ino-
dum unguenti, ex quo pulsatiles venæ brachiorum, pedum, temporum cum
umbilico & spina inungantur. Quinetiam lib. 4. cap. 11. ad comatosos & le-
thargicos suscitandos (ubi nihil profuerunt cantharides & cauteria) Scarab-
eos pilularios vivos, duos vel tres sub mediæ juglandis cortice conclusos
circa occipitium bene rasum prius & super musculos brachiorum anteriores
(in unoquoque unum) & sub plantas cujusque pedis unum alligari jubet, quia
mirabiliter excitat lethargicos. Imo Magister Iohannes de Florentia (inquit
Arnoldus) hoc remedio, cæteris frustra omnibus tentatis, per septem dies le-
thargicum detentum expergefecit, & postea cum cantharidibus vesicatorijs
in occipitio positus sanavit. Præstant in hoc casu pilularij: secunda ijs debent
qui sub lapidibus, tertia ijs qui in Balneo reperiri solent. *ὁ μὲν ὑπὸ τοῖς λίθοις
δεστυνὸν τὸν τὸν ὄντα*, inquit *Ælianus*. *Plinius* & *Trallianus* modum utendi
monstrant; nempe si vivus fulvoque linteolo inclusus appendatur collo, id-
que se multiplici experientiâ certum vidisse testantur. Tamen vix fidem ha-
bebunt magi, quum Chelonitidem gemmam aureis guttis insignem, cū Scarab-
eo in aquam ferventem missam, tempestates ciere insipienter magis quam
verè narrant, & aurumant, *Plin.* lib. 37. cap. 10. Taceo Aquilam, Gallina-
ginem, aves lanios dictas Gesnero; in quarum nidis Scarabei spinis affixi
(quod observavit noster primum Bruerus) argumento sint, quod huic quo-

que usui inferviant, ut aves alant. Imo multa alia animalia, præsertim ranas palustres his vesci, author est Bellonius. Et sane quamvis Aquila, superbus crudelitque hostis, tam infimæ sortis animal non minus affligit atque devorat, quàm Ciconiæ nostræ magnates plebem solent ranariam: tamen opportunitatem nactus, par pari refert, exclusumque illum prædonem satis punit. In nidum enim cum commilitonibus suis Scarabeis citus convolat, & absente matre, aquilæ ova profert ex nido, aliud post aliud, donec nullum reliquum fecerit: quibus lapsis minutisque, pulli informes adhuc, miserabiliter in saxa elisi, prius orbi vitæ sunt, quàm vitæ sensum acceperunt. Nec sanè video quò gravius excrucietur, Aquilam quàm in liberis. Nam qui sui corporis gravissimos negligunt cruciatus, levissima filiorum tormenta non ferunt. Videmus alinos (tarda & sensus penè exortia animalia) perigens obiectos, miro vitæ contemptu, pullis suis succurrere: adeo ut insitam Scarabeo in vindicta eligenda prudentiam nequeam non admirari atque laudare. Sed de hoc satis, ne non quidem elephantum è musca; Sed è Scarabeo Gigantem reddidisse videar. Dicam equidem, ut immensum de re parva volumeningere nolui, ita subicere, quæ legeram, scelus habui. Mjror Pennij hic brevitatè & jejunitatem, cum in Luciano, Plinio, Homero, Aristophane, Theocrito, Alexandrino, Erasmo, aliisque innumeris authoribus, mira de Scarabeo Pilulario memorantur præfatu digna. Est alius omnino similis Pilulario, sed melanocyaneus, cum illustri quodam splendore. Hic Augusto mense pediculis inter crura herentibus vexatur, & tandem interficitur. Eum ego Feliformem potius existimarem, quia non plus ovum ovi faciem, quam hic cati. Vbique occurrit, sed in agro Colcestrienti sæpius vidi. Pergamus porro.




Quem ego *Smaragdum* vel *Viridulum* dicerem, Græci Comicique omnes *μυλάρθω*, Attici *μυλάρθω*, qui etiam *χρυσόμυλα* vocant. *Eustathius*. dicitur item nonnullis *χρυσόμυλα*, & *χρυσόμυλα*, sed nullo jure. Accipitur à quibusdam pro Scarabeo Arboreo, sed locus abusus dicit. Rustici Lombardi Gallerucas, quasi Gallicas erucas vocant (ut Niphus interpretatur) quum tamen nihil cum erucis commune habeant. Germanicè *Gruenen*, *Oder*, *Gould kaser*. Italicè *Mariola*. Polonicè *Zielonakrówka*, Anglicè *Greene-chaffer* appellatur. Variæ sunt scriptorum de isto animalculo opiniones; tum quia non ubique hic obvius Scarabeus, tum quod Cantharidi propior videtur. Alij Cantharidem esse volunt, sed caustica vis ferè abest. Aristophanis Scholiastes *χρίσιον χρυσίζον* vocat, *χρυσόμυλα*; *χρίσιον*. *Eustathius* Vespam majorem dicit. Pollux animalculum volucre affirmat, sed non genus notat. *Gaza* gallerucam vertit, sed nihil simile obtinet, qui verò scarabeum arboreum esse contendunt, vel oculis privantur, vel colorum varietates non dispiciunt. Hefichius eum Scarabeum facit, sed coloris aurei; ut Aristophanis Scholiastes flavum: recentiores viridulum vocant & *Smaragdinum*, sed auro radiantem. Sic Marcellus Empe-

ricus innuit his verbis: Scarabeus viridis (Melolonthen vocant Græci) colore Smaragdino & vivido est: ob cuius amœnitatem, oculis usque adeo gratus & beneficus, ut satiri eo non possint: nam quo diutius eum intuearis, eo magis discupias. Idem quoque Plin. lib. 30 cap. 70. & 29. ca. 9. Mas totus undique viret, oculos si exceperis



exceperis rubicundos : elytra fæminæ (quæ major est) castanei coloris videntur, grato atque illustri splendore micantia, alias mari similis. Pectus utriusque mucronatum prominet, quod in alijs scarabeis haud observavi. M.arem fæminamque quasi manu Apollinis pictos misit ad Pennium P. Quickelbergius, Apothecarius Antuerpianus; sed rerum naturalium studio plurimis medicis anteponendus. Aristoteles 9. de respiratione, stridulum illi sonum ascribit, quod fortè argumentum præbuit nonnullis, cur hunc Scarabeum Arbo-
reum esse dicerent. Generantur (inquit Philosophus) τῶν σκαλίων τῶν ἐν τοῖς βάλ-
τοις, τῶν ὀρίδων : id est, é vermibus fimi bovini, aut jumentorum. Alter Stepha-
nus ex Thephrasto, γένεται ἢ μαλακίδι ἢ ἐν τοῖς ἀνθρώποις τῶν μελῶν ὅτι ἀρρομίσαις ἀνθρώπων
πύλασι. Aliam speciem hujus Scarabei Carolo Clusio ferimus acceptam, cui



pedes nigricant, uti caput, scapulaeque, sed é cæruleo; Antennas habet figurâ, non tactu, corneas; (quare inter αἰετῶνες censemus) elytra striata videntur : sed in circumferentia nonnihil rubent. Alium non ignobilem Melolonthen Thilesius nobis proponit (atque ego vobis pictum exhibui) his verbis : Totus præter oculos viridis (hi enim impense nigricant;) venter ex auro parum rubescit, uti & crucula: medium dorsum luna elytris concolor adornat; quare non invenustè à Latinis, *Equus luna* vocatur. Hujus Aristotelem meminisse scribit Thilesius, sed quo loco Philosophus id facit, nondum assequor. Thilesius dum hunc, inter pilulares recenset (quare & ego attexui) hujusmodi cum versibus describit.

Quas figura ipsas facit, fertque refertque pilas,
Pars nigra ut Aethiopum, manus usta coloribus horret;
Regia pars viridi picta colore nitet.
Parva nitet cujus dorso nota, magna minutis
Si conferre licet, Luna pusilla velut.
Dixit equum Luna hinc cognomine Brutia tellus:
Quod si bellator sic nituisset equus,
Illo capta foret non una Semiramis; essent
Centauri & plures quàm genus est hominum.



Et profecto plerique pilulares tetro nigrore horrent; esse tamen nondubito, quin aliorum nigriore virore lucet crusta, aliorum peramæno. Sunt item rutili, & iidem prægrandes, qui terram fodiunt, ac illic nidos ponunt. Sunt qui parvo, sunt qui metuendo bombo formidabiliq; strepitu provolant, ut imprudentem non mediocriter strepitu provolant, ut imprudentem non mediocriter territent. Sunt & alia formarum discrimina. Verùm id commune est omnibus; in stercore ortus, in eodem victus, vita atque deliciæ. *Alius Cantharus purpureus* Constantinopoli ad nos delatus fuit, qui (nisi oculi, venter, ac pedes picem referrent) totus esset purpureus ac violaceus. *Atratus* in lignis aridis habitans, hunc in modum formatur; seu lugubri indutus veste totus nigrescit, vel pullescit por-
us



us: os forcipatum illi, scapulae fere quadratae, tibiae atque antennae breviusculae; raro volat, frequentius graditur, atque inter gressum maleficorum ter-




vorum more obmurmurat. *Arboreus* vulgaris admodum & ubique obuius, praecipue Iulio & Augusto mensibus, à sole conspiciro tum: enim magno murmurare & mugitu caecoque impetu, in hominum faciem involat, iumenta; lacessit. *Arborem* folia corrumpunt hi Scarabei, quae inlita malitia dilacerant potius quam mandunt. Vescuntur enim culicibus. Anglicos, *Dorrs*. Ger-

mani, *Baumkafer*, *Lonbkafer*: à Ioanne Agric. lib. De Subterr. anim. *Senkafer*; à Gallis *Hanneton* nuncupatur. Vaginae alarum puniceae sunt, & tenuissimo quasi polline conspersae: alias leviter splendent; idem quoque tibi-arum, pedum, ac caudae spinosae color, reliquae partes insulcantur totae, nisi quod oculorum circulus, antennulaeque parvae & supra caudae ortum flavescent, juncturaeque ventris albescunt. In Normannia tertio quoque anno multo frequentiores, atque ideo, *L'andes hannetons* ab illis vocatur. Primum est in Anglorum annalibus, Anno Chr. 1574. Vicesimo quarto Februarii, tantam eorum multitudinem in Sabrinam fluvium delapsam, ut aquaticis molendinis rotas sisterent atque obruerent: & sane nisi una cum hominum industria, gallinae, apates, caprimulga, rinnunculi, vespertilioes, aliaeque praedatrices aves, (quae hos in primarijs habere cibis videntur) auxilio fuissent, suffocatae abijs molendinae etiamnum hodie obmutuissent.



Huic alter affinis creditur, colore totus ex fusco albicante, glauco ventre & quodammodo canescente. Quem in medicinis usum obtinet equidem me nescire fateor. Accipies vero cum anates venantur, scarabei duob. tribusve arboreis caudatim junctis hamum, contegunt, filoque gladiolis aquaticis subdito (ne dispalescant technae) lapidem ponderosum alligant. Statim anas praecibi aviditate hamum devoraret, ejusque dentibus inhaerens poenas luit. His cucurbitae inclusis, quomodo grues capiuntur, qui scire velit, Gesneri legat de grue.

Scarabeus quem Plinius Fullonem vocat, rarior est, nec ubique obuius. In Anglia, quantum audiverim aut legerim, nusquam apparet. Gaza *καρκαρ* ab Aristotele dictum, aliquando Fullonem transtulit; quum tamen ille semper Pilularem solum eo nomine notum voluit, atque reliquis Scarabeis proprias nomenclaturas contulit. Neque Fullo Scarabeus rubeus dici



potest (ut Freigius conjicit) nec est animalculum cauda forcipata, quod Hadrianus Iunius nobis per Fullonem obtrudit; non est enim Forpicula *καρκαρ* generis, ut fusi in historia ejus palam fiet: Sanè Scarabeus hic pulcher est, Arboreo major, sed Cervo volante Famina nonnihil minor: caput illi adest fere corneum, antennulis duabus non inveniuntur, oculi peraeque hirsuti

tum ex albo flavescent primulum, pedes anthracinos habet. Venter caudaque plumas referunt ruinas. Scapulae atque elytra albis nigrisque maculis

lis tam pulchrè variegantur, ut vestem Damascenam esse Phrygia manu intertextam facillè jures. Hoc insectum utrique lacerto alligatum, Magi contra quartanas singulare esse dicunt remedium; nisi non Plinio credendum lib. 30. cap. 11. Iconem Primum à Carolo Clusio habuit Pennius: bestiolam vero ipsam Quicquelbergius postea transmisit.

CAP. XXII.

De Scarabeis minoribus.

Scarabei omnes minores vel maculati sunt corpore, vel immaculati: illos *αμαρνεοι* hos verò *καροχραιοι* Græci appellant. Maculæ aliorum ex nigro albicant: alij flavescunt, alij rubescunt. Albicantium è nigro septem, Flavescentium tredecim, Rubescentium duodecim; quos hic sua quemque classe donavimus.

Immaculatarum color corporis idem deprehenditur: atque inter eos sex nigricantes, duos spadiceos, globosum unum ex ærulo nigrum, alterum ex luteo vidimus. Quidam quoque nuperrimè à nobis deprehensus est fuce puniceo; alter muricis succo inebriatus comparuit. Aurecentes quinque habemus, parvulos illos quidem, sed clarè micanteque auro undiq; suffusos, quos etiam ne invidisse nepotibus videamur, sculpi appingique curavimus. Quis verò singulorum usus sit, ubi generaliter de Scarabeis diximus, explicatum est.




CAP. XXIII.

De Proscarabeo & Scarabeo Aquatico.




Proscarabeus Latine, Paracelfo Meloe; Agricolaë pinguiulus; à melleo pinguique sudore affatim extillante dicitur. Græci *αλιγιδάειος* & *ελασικάρθαρος* appellant. Germanis à mense quo potissimum conspicitur *Mayen Wurmlein* & *meyen Käfer* dicitur. Heidelbergenses, *Schmalis*



voghel, Ditmarienses *Ever* & *Kadden* (ut Wierus lib. de morb. incognitis testatur) nomini imposuerunt, Anglicè *Osle Beetle* sive *Osle Clock* non ineptè vocari possit. Cur vero *Proscarabeus* potius quàm *Scarabeus* contra Gesneri Pennijque institutum dicitur, cum multa afferre possim, tum illud imprimis, quòd sexu distinguuntur & coeunt. Fæminæ magnitudinem hic vides, atque Maris maiorem cernis, & aliam plerumque formam; huic enim os minime forcipatum, veluti Fæminæ; hæc item vel levissimo motu aut tactu, oleo (mellis liquidi instar) diffuit, mas semper quasi exuucus deprehenditur. Coeunt, ut sæpius in agro Heidelbergensi vidimus, averfis caudis: fæmina inter venterem marem trahente (canum more) ita ut hic retro reptare cogatur. Corpus utrique molle, è cæculo obsoleto cum splendore nigricans: cujus scapulis alæ duræ, vel alarum potius primordia innascuntur, sicut *Struthiocamelo*: non tam ad volatus quàm gressus celeritatem juvandam. Circuli illi ventrem dorsumque circumcingentes, in junioribus viriduli, in adultioribus cærulei magis apparent. Contriti fragrantiam reddunt gratissimam ut *Toxites* in *Onomasticho* suo affirmat.

Folij violarū præcipuè vescitur, deinde graminis tenelli. Rarò extra mensem Maium conspiciuntur; reliquum anni tempus latebras colunt, vel semine pilulis infuso moriuntur. Heidelbergæ Francofurtiq; in agris, pascuis, segete, ipsiq; adeo hortis & trivijs multos cospeximus. Sed in Anglia adhuc vivos, ibidemq; natos non reperi. Solus Agricola eos quadrupes fecit, quùm revera sint omnes sepedes: eo fortè errore vel casu, quod in *Proscarabeum* incidit, cui antea duo pedes fuerant avulsi. Wieri *Proscarabeus*, si supinum videris, ad humanam faciem (nisi hic senex luserit) factus apparet; alas longiores obtinet quàm reliqui, orbibusque sive cingulis pluribus corpus ambientibus distinguitur. Aliàs à prædicto non differt Nobilissimus. Edmundus Knivettus Eques primam in Anglia *Proscarabei* speciem se vidisse asserit, ejusque ad nos misit iconem; sed oleosum illum humorem quo Germanicus abundat, nunquam invenire potuit. Omnibus item dimensionibus superatur, vel quòd cælo, vel quòd solo utitur ad crescendum ineptiore. Ioannes Wierus de illorum usu sic scribit: In Ditmaria versus meridiem vermem maiorem (sic enim *Proscarabeum* appellat,) filo circa collum appendunt, potissimum mense Maio, quando liquor ille melleus (venenatus creditus) copiosissimè extillat: hunc (vel

(vel aliquando duos aut tres) exiccatum & in pulverem contritum cum cervisia propinant, ægrumque vel labore, vel multis in lecto stragulis, vel in furno (à panibus extractis) citò multumque sudare compellunt. Deinde



gravia insequuntur symptomata; nempe cordis dolor, virium omnium defectio, totius corporis debilitas, quæ dimidium ferè diem non superant. Hoc alternis, vel subalternis (ut res exiget) diebus iterant, usque ad novum. Hunc potum Anticantharinum sive *Kadden tranck* appellant; quia ex Proscarabeis componitur. Et sanè in dolore illo capitis Epidemico (quem Placentinus in Chirurgiæ fine, & Berptalia capite de vapore, & forsitan Avicenna 4. Lib. 3. Fen. Tract. 2. Cap. 9. definiunt) singulare dicitur remedium. Saxones hunc morbum. *Finren* sive *Kadden* vocant. Paracelsus Lib. 3. Cap. 6. de morb. Tartareis, medicamento ex istis Meloibus & se-

mine raphani composito curatum à se hydropem commemorat: ejus confectio hujus modi est: R. meloum 3x. seminis raphani 5j. reduc in liquorem: dosis ab 5j. usque ad tres, efflagitante necessitate. Vfus est etiam Oppodeltoch Meloum contra Syrones, lib. de vit. longa. Cap. 12. quod post alia medicamenta per duodecim horarum spatium applicari voluit. Si colligantur ante Solis ortum & distillantur (inquit Agricola), ad tumorem sub oculis multum valent, ubi loci affecti ter quaterve quotidie loti fuerint. Pinguedo item illa oleosa manuum fissuras sanat, ut à rusticis Heidelbergensibus accepimus, qui eorum mirificas virtutes non semel tantum nobis inculcarunt. Urinam potenter pellunt, sed una sanguinem; Venas nervosque ac vulnera glutinant. Equorum scabiem contusionésque in dorso, sellarum iniquitate factas, percurant.

Casparus Reglerus lib. de peste, viginti Proscarabeos colligere consulit: non tamen manibus sed duabus virgulis. Deinde ubi in ollam fictilem vel vitrum inditi fuerint, in oleo olivarum dulcissimo. q. s. suffocentur, atque usui serventur. Hoc oleo inuncto, Bubones, carbunculos, exanthemata pestilentialia, vulnúsque à cane rabido inflictum curari affirmat. Alio loco Saphiro bubonem circumscribere jubet, locumque deinceps oleo Meloum vel juniperino perungere, quippe quo mirum in modum venenum extrahitur, atque pars affecta in naturalem temperiem citò redigitur. Marcus Empiricus Scarabei cujusdam pilosi meminit colore leonino, vero aliàs per omnia similis præter hirsutiem. Cunionem dici proprio nomine contendit; in sepibus senioribus, fossisque & aggeribus derelictis invenitur. Hunc ad oculos scabros & palpebras ab humore falso & acri diu perforatas, vel pedicellis exesas mirabiliter valere scribit. Utendi viam sic docet: Primum folium caulis rore nocturno madidum primo mane colligito & sic compilato, ut ros ad fundum folij omnis confluat. Tum ubi primoribus digitis & pollice pilosum hunc Scarabeum apprehenderis, confectum intra folium concludito, ut urinam (quam statim à compressione reddit) cum rore ipsius commisceat; aliàs enim excidet lotium, in quo totum inest arcanum.

Hoc

Hoc rore Scarabei lotio veluti impragnato, si cum specillo palpebras tegeris, & loca scabra exscaque perunxeris, miras & stupendas ejus dixeris virtutes. Verum quis vel qualis iste Scarabeus, plane ignoro: nec alios auctores qui ejus mentionem ullam facerent, meminisse possim.

Scarabei aquatici jam sibi locum aliquem dari contendunt; quos Græci *ἰσχυροὶ*, Germani *Wasser käfers*, Angli, *Waterclocks* appellant. Horum omnium ventres spadice infecti, dorſaq; carbone notata, præter Anglicanum, in cujus icone si limbum ſcapulis totoque corpore ovali circumcurrentem leviter infuscaveris, atque oculos argenteos feceris, non est quod ampliùs expectas ad illius descriptionē. Sex quibulq; pedes obtinuit, posteriores longitudine latitudineq; ceteros vincentes, quibus pro remis inter natandum utuntur. Seb elytris nigerrimis, membranae latent alae argento tinctae, quibus noctu aques egressi, celeriter convolant per aerem, quem interdum perraro (forte nunquam) diverberant. Omnium vero minimi sunt illi, qui irrequieto motu huc illuc in aquae superficie multi nullo ordine transcurrunt & quasi collidunt, & aqua turbata vel se fundo immergunt, vell in riparum foraminibus abscondunt: Deinde vero mutis & tranquillis fluctibus iterum gestiunt. Christophorus Leustnerus se Scarabeum in loco quodam invenisse scripsit ad Gesnerum, vaginaria (ut solent) crustula, cui quasi formicae caput subluteum, atque alae multae erant affixae; ventre inferiore pinnae spargebantur, caudis astacorum similes: quibus (ceu in aquis remiges) divagabantur. Cauda prominabat profua munitione exigua, sed in longissimas setas divisa. Ex aqua palustri in fontanam conjectus, paucis interiectis diebus vitā excessit. Atque hæcenus de Scarabeis: quos inter regiones solus Olynthius ager, inter plantas Hemerocallis non profert. unde ille à Plinio, Theopompo, & Antigono, *Cantharolethrus*: hæc à Dioscoride *Anticantharos* appellatur.

CAP. XXIII. De Gryllotalpa.

Liceat hic quæſo nobis præ nominum inopia *ἰσχυροὶ*. Bestiolam quam expressimus, Cordi Sphondylis, Dodonæi vera Buprestis est: perperam uterque nominant & nullo jure. Sphondylis enim alas non habet, hoc Insectum vides alatum. Buprestis Cantharidi similis apud omnes dicitur; hoc vero animal nec figura, nec colore, nec magnitudine quicquam



eò accedit; ut taceam elytrorum hic absentiam, quibus Cantharides carere nemo sanus contenderit. Gryllum dicimus, quia eundem cum Gryllo stridorem nocte appetente facit. Talpam, quia terram continuo fodit. Belgis *Weemol*, Anglis *fen cricket*, *ev-churre*, atq; etiam *Churrowme*

Churrworme dicitur. Insectum visu horridum ac monstrosum, quadruplo maximam superans Cantharidem : præcipuè ætate ubi fuerit proveciore. Formam ob oculos videtis : ego colores addam. Fæmina levius, Mas saturare fuscus. Illi præter duas longas antennas fibulæ quatuor, quasi é naribus labijsque propendent : oculos item habet majores, & alarum radix miniata macula ornatur. Mas vero fibulis illis nudus, earum loco fetas duas fibulis duplo longiores obtinuit; concolor sibi undique videtur, & sine macula. Vtriusque ungues coracini sunt. Anterioribus pedibus robustis admodum, & varis tumulos perfodit uterque & cuniculos agit : medijs insistit; ultimis quando opus est, saltat. Cauda illis bifurca; alæ corpore longiores, membranæ: corpus incisis varijs insignitum. Iuniores terè toti nigricant, adulescentes implumati videntur. Sub terra palustri & humida maximam ætatis partem vivit, noctu tamen egreditur. Tardigradum valdè est animal, volatusque ejus saltum refert : unde in locustarum numerum à nonnullis ponitur. Sole occiduo primum prodit, Gryllorum more, suæque cantilenâ, sonora quidem fatis & supra mille passus stridente, sibi applaudit; quam ubi audiunt agricolæ, oppido exhilarantur : acsi ejus adventu terram humore gravidam & calore Solis veluti maturatam scirent. Grana tritici, hordei & avenæ colligit, ac in cavernam asportat, inde forte hyemè victurus. Quidam sterconibus eum equinis vesci affirmant. Dodoneus hanc bestiolam boves morfu interimere author est; eo lapsus quòd Buprestim esse arbitraretur. Intus ne sumptus noceat, e quidem ignoro : Sæpius autem nudum nudis saluisque manibus tractavit Pennius, nec ullum ad mordendum animum in eo perspexit. Bruerus noster idem Pennio significavit, qui rusticos suo ære conduxit, ut mores ejus sæpissimè observarent, nobisque exscriberent.

C A P. XXV.

De Pyrigono.

Pyrigonum Aeliano dictum, alij Græci πυριγον, Hermolaus πυριγον, quidam πυριγών vocant. Aristoteles lib. 5. Hist. Cap. 19. has be- Nomen.
stiolas proprio nomine non donat, sed *thæta* esse dicit πᾶσι τῶ πυρί: Quæ Gaza bestiolas fornacum vertit. Strabo eas inter *καυώνας* recenset, à Suida *πυρίστια* dicuntur, ut apud Laërtium legimus lib. 9. Solinus *Caryssiam* lib. de mund. mir. Julius Scaligerus *Ignigenam* vocat Latine, Gaza *Furnariam & bestiolam fornacum* Aristotelis : quam muscis grandioribus majorem facit atque aligeram: idem Plinius affirmat: lib. 11. cap. 36. Antigonus lib. 10. *πυριγον*.) Pyrigonos non muscis sed muribus grandiores dicit, ex Aristotele; ubi cum sædo lapsu *μύριον* pro *καυώνας* accepisse planum est: quod Xylander ejus interpretes non animadvertit. Anglis a *Fyre-flye* vocatur. Forma nonnihil Descriptio.
Culicem refert maximum, colore flammeo, splendente: radijs quibusdam pyritis illuminatus; in flamma salit, ambulat, volitat, & vivit, ut Aristoteles refert lib. 5. Hist. Cap. 19. Vix enim Aeliano lib. 2. Hist. Cap. 2. fidem habere possim, cum dicit Pyrigonum natali loco ubi pastus gratiâ excefferit, & in aërem volarit, statim vitam cum morte commutare : non enim credo in igne natum, extra suum elementum victum quærere; nec verisimile est naturam benignissimam rerum omnium parentem, alicui animali talem victus quærendi rationem præscripsisse, unde statim vitam amitteret. Causa præterea (quam Aelianus alijs investigandam committit) non est aded difficilis disquisitionis, ut mihi videtur : nam in excessu genita, intemperato quomodo viverent? Siquidem

Siquidem quotidianâ experientiâ constat, pisces quosdam statim atque ex aqua in aërem sublari fuerint, animâ efflare; multò minus in igne genita aërem sustinebunt, quò is tantum ab aëre differt, (& magis quidem) quantum aër ab aqua.

Generantur istæ volucres in Cypri insulæ ærarijs fornacibus, ubi Chalceitis, (sive ærarius lapis) plurimis diebus crematur: fortasse fuliginosi vapores dum lapis continuo uritur una cum flamma ascendentes, hujus generationis materia & causa existunt. Strabo. lib. 12. de vermibus in nive genitis loquens, hæc quæ sequuntur subjungit: *Τῶν γὰρ ζῴων τῶν ὀρίων τοιαῦται ἐκείων, ὡς τῶν τῶν κρυφῶν ὡς τὰς ἐν τοῖς μεταλλοῖς ἐκείων* & *ἐν τῇ περὶ αὐτῶν*: ubi interpretem male interpretis officio functum esse quis facile animadverteret: Sic enim vertit: *Horum animalium generationem talem putant, ut culicem ex flamma & bractea metallorum.* In flamma enim generantur, (ut Scaligerus inquit) non in massa, hoc est (ut ego interpretor) in igne condensato: nihilque prohibet in siccissimo elemento generari siccissima animalia (nam ibi quoque permistio est), ut in humidissimo humidissima; non enim purus ignis apud nos. Sed quid prohibet ex subiecta materia generari animalia? vel quæ ratio naturalis contradicit? *Respondent*, ignem omnia consumere, omnia corrumpere. At qui secretioris Philosophiæ penetralia vel à limine salutarunt, illud manifesta demonstratione & experientia falsum ostendunt. Tantum enim abest, ut ignis noster omnia consumat, aut corrumpat, ut quædam etiam perficiat. Non corrumpit nec consumit aurum, nec salis quædam genera, non cineres, non Amiantum lapidem, alumini scissili simillimum; non alia, quæ nunc ob istos morosos non recensebo. Ignem igitur generationis facultatem habere, sed in materia apta & convenienti, quid prohibebit? ne siccitas impedire potest, quo minus generatio fiat; quia fit à forma: ignis autem materia est, & formæ ad certa opera instrumentum. Præterea humiditas cum nostro igne semper conjungitur; aliàs enim flammam non conciperet, nec arderet, nisi humido pingui fo-veretur; siquidem terra & aqua non carent, quæ in nostro terreno igne generantur. *G. Agricola.* Si vero hoc non esset, quia ignis non putrescit: ab igne tamen, tanquam à forma, in materia propria fieri generationem posse, non est cur dubitemus. Nam in metallis nisi esset humor, non fluere; quid ergo naturam impedit, quo minus ei formam det? Quærit Aristoteles: An in Sphæra ignis (scilicet sub luna) generantur animalia? ac videtur dubitare, quæstionemque in aliud tempus rejicit: sed cum Pyrigonum in hoc nostro igne generari affirmet, quare dubitarent aliqui, non video. Sunt tamen quidam doctissimi viri, ac nostri temporis scriptores egregij (qui tamen plus ingenio, lectione, ac verbis, quàm rerum naturalium solidâ cognitione valere videntur) qui tam harum bestiarum generationem in igne, quàm totam hanc historiam (ut frivolam, fictam & philosopho indignam) condemnant atque rejiciunt. Horum argumentis ut respondeam, lectores expectant.

Obijciunt Aristotelem apertis verbis affirmantem, Ignem nullum animal generare. Philosophus ibi calorem feminis cum ignis calore comparat, affirmans calorem igneum non esse in femine: si enim esset (inquit) nihil prodiceret. Hoc tamen non impedit, quo minus animal in igne generetur, sine femine: sed ex alia materia apta & conveniente, ut postea videbimus. Præterea Philosophus hic (quemadmodum & alibi) videtur, vel tantum de igne sub Sphæra Lunæ loqui, ac illum ignem nullum animal producere; non de nostro, ubi & mistio est, nec ignis purus. Sed adhuc urgent: Noster ignis est substantia *ἀσπόμεναι*, in cuncta & objecta grassatur, & depascit, & in suam substantiam convertit. Huic prius responsum est; ubi quædam in medium attulimus, quæ potius in igne perficiuntur, quæque ignis nullo modo consumere potest, nec

nec in suam substantiam convertere. Io. Langius; (homo multæ lætionis & Philosophus doctissimus) & ab eo Cardanus, concedunt; quædam animalia in igne vivere posse, sed non in eo generari. Hoc enim Philosopho condonant. At quam absurda sit hæc condonatio, quis non videt? Quomodo enim in temperato genita in excessu viverent, non video. Nam quod de Salamandra dicunt, nihil est. Salamandra (ut recte Dioscor. observavit) non diu in igne vivit. Nam consumpto illo humore, qui hinc inde ex luteis (ut arbitror) maculis dum in igne versatur, manat (quod brevi fit) statim in cineres redigitur; ut aliquoties in agro Heidelbergensi unâ cum nostro Bruero expertus est Pennius. Erastus Medicus doctissimus de febribus putridis disputans, totam hanc historiam subvertere his argumentis conatur. Primum quia Aristoteles historiam texit (inquit Erastus) quem ex auditu multa scribere in confesso est: fateor; sed tunc addit (ut aunt) vel aliud vocabulum ejusdem significationis: (ut recte Niphus observavit;) quemadmodum de Salamandra loquens eodem loco, *scilicet*, adjungit. Hoc Philosopho in more positum observabimus, quando ex aliorum opinione vel relatione loquitur. Sed sit ita: ex aliorum loquatur relatione; Decepti sunt (inquit Erastus) qui ei narrarunt, ut in igne putarunt nata, quæ in ipsum forte inciderunt. At loci circumstantiæ hoc non esse verum ostendunt. Si in ignem incidissent aliunde, utique sua confessione ab igne consumerentur. Et nisi ibidem fuissent nata (ut antea dixi,) quomodo in tanto flammæ excessu viverent. Præterea observarunt spectatores, motum pedum, alarumque numerum, volatum, mortem præterea & mortis causam, *id est*, cum extra ignem paulo remotius volarent. Hæc & similia, eos narratores non omnino decipi, sed vera & indubitata narrasse convincunt. Verum author nullus vel ante vel post Aristotelem hoc affirmat, nisi ex ipso forte aliquis transcripserit. Hoc tibi Eraste ignotum est, omnium auctorum libros non legisti: maxima pars librorum perijt, ut ex Athenæo manifestè apparet; & historiæ testatur. Sed unde quæso Plinio constabat, Pyrigonos quatuor pedes habere? Hoc ab Aristotele non didicit, nec in ejus scriptis quæ extant, tale quid reperitur. Igitur vel ab alijs didicit, vel Plinij tempore nota erat historia. Hoc ergo Plinius adjecit, ut historiam perficeret. Quinetiam si Ciceronem legisses 1. de nat. Deorum, bestiolas in medio igne nasci pennatas, certò affirmantem vidisses. Neque Theologiæ tam te expertem antea putassem, ut Beati Augustini (lib. de Civit. Dei 21. cap. 2.) illa te late- rent, quæ de Pyribijs notavit: Sunt, inquit, quæ medijs ignibus vivunt; atque nonnulli vermes in aquarum calidarum scaturigine reperiuntur, quarum fervorem nemo impune contrectat. Illi autem non solum innocuè ibi sunt, sed etiam extra esse non possunt. Et Vincentius hist. nat. lib. 20. cap. 68. Quibusdam in aquis naturaliter ferventibus, haud aliter vivunt vermes nonnulli, quam in frigida pisces: imo extra eas aquas in frigidam migrantes moriuntur. Accedit & Solinus cap. 17. qui hujusmodi volucres Carystias nuncupat, & in Creta impunè involare in fornaces ignitas tradit. Sed & Seneca (quæst. nat. lib. 2.) affirmat animalia quædam ex igne generari; atque ideo hos item Pyrigonos; uti recens longa disceptatione tradit Marsilius cognatus, variar. obs. lib. 1. cap. 23. 24. Noli igitur amplius contendere nullum post vel ante Aristotelem auctorem hoc affirmare; quum præter jam dictos viros pios & graves, alios item afferre possem, qui te vel aperti mendacij vel non obscuræ levitatis certo arguerent. At Theophrastus, libro de igne, hujus non meminit. Quid inde concludis Eraste? Historiæ falsitatem? Egregiè. Forte non credidit, non tamen idcirco historia falsa. Attamen probabile est. Concedo: Multa probabilia, tamen falsa, ut experientia docet. Erastus multa probabilia contra Paracelsum scripsit, non tamen omnia vera; nisi vera sint, quæ non intellexit.

intellexit. Conatus est sanè multa confutare quæ scio illum nunquam intellexisse. Ad particularia jam non descendam. Sed ignis caliditas non est *πυρρὸς*. Hoc te later Erasme; sed prius dixi, si in semine esset, quemadmodum Philosophus intellexit. Est enim *φωσφῆρις* ut Aristoteli placet. Respondi tamen prius, ignem non omnia corrumpere. Restringenda igitur est ista ignis sterilitas, vel (si mavis) corruptio. Nec sanè miraculose fieri puto, sed naturæ vi; nec fabulam puto, sed historiam cum natura consentientem. Quod vero de Salamandra scribit, *ὡς φάσιν* adjungit, ut ante dixi: non opus erat illud adicere. Sed obsecro istos qui nihil credunt, nisi quæ oculis percipiunt: Num aliquis ex antiquis hanc historiam reprehendit, vel eam confutavit? De Græcis loquor. Imo ne Galenus quidem, qui alioquin est acerrimus Philosophorum reprehensor, ansam quæ hic dicto citius artipuisset, si tale aliquid cogitasset: verisimile est igitur historiam veram esse, quia nullus ex veteribus illam castigavit. Sed jam ad Matthiolum veniamus, qui omnium infelicissimè hanc historiam oppugnavit. In margine siquidem vanas Philosophi opiniones (ut ipse sibi persuadet) insectatur, cum ipse in nonnullis ipsa vanitate vanior inveniat. Sed ad rem redeam. Naturæ (inquit) operibus repugnat. Satis est Matthiolo id dixisse; non tamen probare? Si vera (inquit) fuisset historia, nunquam eam reliquisset Galenus, qui diligenter omnia investigavit; fornaces, metalla: & quid non? Respondebit Iulius Scaligerus, quamobrem proditum repeteret? Citiùs ille (ut erat tanti viri gloriæ infensus obtrektor) id quod aliquot locis etiam ridiculum facit, si non reperisset, redargueret. Qui paucos ita dies fuerit, non rem omnem vidit; non erant, non semper sunt in procinctu, non rogavit fornicarios. Sed si istis objicerem pullum feminam eque, recenter in lucem editam, lac abundanter, ex uberibus præbuisse, quid dicerent? hoc tamen nos ante sexennium vidimus Londini, plurimique alij testes omni exceptione majores, qui proprijs manibus lactis magnam quantitatem ex pulli uberibus expresserunt. Sed forte respondebunt, *non credimus*: maneant ergo increduli, non multum refert. Multæ sunt in mundo generationes, quarum causas impossibile est cuivis mortalium cognoscere, & multo minus alijs ostendere. Nec certè sine magna causa, tam ut Dei infinitam potentiam admiremur, quàm ut nostram cæcam ignorantiam agnoscamus. Ista enim & ejusmodi multa, ob suam solummodo gloriam condidit Creator, tum ut nostram umbratilem sapientiam confundat, tum etiam ut discamus, in ejus solummodo sapientia conquirere, dum causas rerum naturalium scrutando, ulterius progredi sit omnino impossibile: hoc enim est ex Dei operibus, quod nostram superbiam retundit, nostraque ingenia ad sacram afinorum anchoram, occultam scilicet proprietatem, ac totam substantiam recurrere cogit. Istiusmodi enim opera ejus Majestatem & omnipotentiam, nostram verò ignominiam, confusionem, cecitatem & tenebras manifestant. Quid igitur nobis faciendum? Scilicet ad illum recurramus, a quo omnis sapientia, scientia & perfectio dimanat. Nam dum nos nostro freti cerebro, Dei scrutamur Majestatem, à gloria ipsius (ut Paroimiographus Salomon scripsit) obruemur. Quid ergo restat? Quibus hæc impossibilia videntur, fruantur suis opinionibus, & alijs qui contra sentiunt non obstrepant.

Author Geoponicorum hanc bestiolam (ni fallor) Salamandram vocat, non rectè. Hæc sunt ejus verba, *Σαλαμάνδρα τὸ ἐλάττωτον ὄντιν ἐν τῇ γῆτι καὶ τῇ ὕδατι πρὸς πυρὶ βίει οὐ καὶ μόνον ὑπὸ τῆς φλογὸς*, id est, Salamandra minimum animalculum ex igne habet generationem, & in igne vivens non comburitur à flamma. Ter hic ad mendacij scopulos impiegit. Nam neque animalculum est minimum, sed incerta magnitudine; neque generatur ab igne, nec in igne, nec diu

diu in igne vivit; ut prius ex Dioscoride dixi. Hæc adjicere volui, ne Iuniores Geoponica legentes cum Zoroaste tam turpiter errarent. Quibus usibus interserviat, neque constanter dicere: tamen ex loci principiorumque ratione potenter exicare mundificareque videtur. Est quoque tenuium admodum partium, corporisque; vel remotissimus locos pervadit, & sanè si Cicada aëre pasta tam adurentis sit facultatis, quid de Pyrigono putabimus flammam potante atque vespente? Mentibus vero nostris hunc usum præbet Pyrigoni: Primum admirandam Dei potentiam intellectui nostro proponunt, qui maximum omnium elementorum ignem tam pusillam, tam siccam creaturam subditum fecit: dignatum ab illis se vinci, dedignatum ab hominibus aut majoribus animalibus se, ne dicam, vinci, (ut Majoli verbis, in dier. Canic. Colloq. 5.) sed nec attingi quidem.

CAP. XXVI.

De Tipula.



Equitur Tipula levissima bestiola, cujus historiam tam leviter Authores tractarunt, ut nihil ferè alicujus momenti aut ponderis ex illorum scriptis ad hanc historiam illustrandam eruere possimus: tamen quod possumus præstabimus.

Alex. apud Aristotelis, Tipulam Plautinam significare (ut Gaza interpretatur) omnino pernego; non enim mihi persuadeo, culices muliones ex istis provenire posse.

Latine Tipula dicitur. Plautus, Festus, & Nonnius Marcellus Tipulam ^{Nomen.} scribunt: alij Tipullam. Guillerinus de conchis, Tapulam legit. Albertus & Vincentius in Speculo Tappulam vocant: nullus eorum rectè, à Plauto Tipula dicitur. Græcè (ut in schedis Gesneri repperi) *πιπύλη*, cujus vocabuli ne vestigium quidem ullibi invenio, nec quid propriè significat cognosco. Germanis quibuscumdam *Wasser gems*, quasi capra aquatilis, alijs *Wasser spin*, quasi araneus aquatilis. Belgis *Wasser spinne*. Anglis *Water-spider*, ut Germanis & Belgis ob quandam similitudinem. Hispanicè *Gusano que corre sopra el agua*; vermis supra aquas currens. Italicè *Capra di aqua*. Polonicè *Wood ny cic-luch*.

Tipula duplex est. Major & minor. Magnitudine solum differunt & fortassis ætate: majores in frigidioribus aquis frequentiores; minores paulo magis nigricant, & corpore sunt compactiore.

Major ad cinereum colorem magis declinat; corpore magis exporrecto. Quamvis varij varia scribant, nec certas notas quibus cognoscatur ostendant, neque in pedum numero conveniant; spero tamen nos adeo Tipulæ historiam clarè & perspicuè explicaturos, ut nullus posthac dubitandi locus relinquatur.

Tipula est bestiola araneum ferè formam referens, corpore oblongo & gracili, pedes quatuor habet pectori affixos: antennis juxta os duo brachiola externa antennarum forte loco; quæ si pedibus annumeres, sex habebit pedes. Quibus tamen inter currendum, (quantum observare potuimus) non utitur; reliquis pedibus sunt duplo breviores, nec articulos vel juncturas ut reliqui pedes habent. Ideo Albertus & Alij Tipulæ tantum pedes quatuor concedunt. Festus vero sex, brachiola una cum pedibus annumerans. Alas habet quatuor languidas valde, quæ ad volatum fabricatæ non videntur, sed ad saltum


saltum : corpore sunt breviores, quarum supremæ paulo reliquis sunt crassiores & largiores, nontamen coriaceæ (ut elytra) colore ex fulco nigricantes; internæ minores, tenuiores, coloris argentei. Annoctuvolitant hydrocantharorum modo nobis est incertum ; saltant interdum supra aquas adeo leviter ut quæ superficiem vix quidem moveant. Hinc natum pricis proverbium, *Tipula levior*. Sic Picrius hominum, & Maro Camillæ levitatem expressuri, Tipulam ijs obijciunt. *Plautus item in Persa : Tipula levius est pondus, quam fides lenonia*. Sic enim omnibus codicibus, etiam Nonij, invitis, legit Lambinus. Non continuo cursu utitur, sed intermisso. Non subit aquas, nisi vi eò impulsæ; corpus nullo modo madescit. In aquis stagnantibus lacubusque imperflatis & tranquillis per totam ætatem reperiuntur. In fluvijis etiam quandoque, præcipue juxta ripas fluminum, & maximè sub arborum umbris (utpote salicis vel alterius arboris) non nimis proceræ inveniuntur : manent maximè ex parte multæ simul congregatæ; videntur aliquando coire supra dorsum insiliendo, sed citissimè venerem absoluunt. Hyeme vix eas invenies. An usum aliquem in medicina habeant, præter communem illum muscarum, alijs experiendum relinquimus; nullum siquidem novimus; sine causa tamen à natura productas has bestiolas, omninò negamus. Quam vero pascendis saginandisque piscibus conferunt, fundulus, rubellus, gobius, percula, alijque Naidum cives satis loquuntur. Hanc Tipulam jam descriptam sine dubio Festus Nonius, Marcellus Sipontinus & alij intellexerunt; ut ex illorum verbis erit manifestum. Tipula bestiolæ genus est (inquit Festus) sex habens pedes, sed tantæ levitatis, ut supra aquas currens pedem non figere videatur. Idem ferè Perottus. Tipula (inquit Nonnus Marcellus) animal est levissimum, quod aquas non nando sed gradiendo transeat. Varro hoc modo : *Levis Tipula levissimè frigidos transit lacus* : sic enim locus corruptus, legendus est, & restituendus. Albertus Guillerinus de Conchis, & Vincentius, araneum aquaticum vocant, nomen Germanicum interpretantes; (habet enim quandam cum araneo similitudinem) : quatuor Tipulis solum pedes ascribentes, anteriora brachiola pedibus non annumerantes, utpote quibus inter gradiendum non utatur. Alij (ut dixi) brachiola pedibus annumerantes, sex pedes Tipulis attribuunt. Hinc constat certissimè, nos veram Plauti Tipulam descripsisse, adeo ut nullus posthac dubitandi locus cuiquam relinquatur. Sed antequam ulterius progrediamur, duos insignes errores Guillerini de Conchis ut refellam, veritas jubet. Primus error est cum dicit, Tipulam in aqua & terra æqualiter vivere. Secundus, cum dicit eam super terram velocissimè currere; quorum uterque experientiæ manifeste repugnat; in terra siquidem non diu vivit, nec currit omnino, sed lentissimo gradu movetur, & quandoque saltat; sed immodicè.

Ansit Tipula *Catrab* Avicennæ (ut Wierus arbitrat) quod vocatur à Silvatico *Cutubus*, & *Eckentubus*, pro certo affirmare non possum : quamvis reverè ex circumstantiarum vi *Catrab* Avicennæ non esse Tipulam, facile inducor ut credam. Sed Avicennæ descriptionem audiamus : *Catrab*, (inquit Avic.) est bestiola existens in superficie aquæ, quæ super eam diversis motibus sine ordine movetur, & qualibet hora sese in fundum demergit : deinde iterum apparet. Silvaticus eadem ferè ad verbum habet; sed addit, quod quacunque hora ei aliquid accadat adversi, fugit, & iterum apparet. Ab ista bestiola ob irrequietum & inordinatum motum huc illuc sine ordine discurrentem Melancholiæ species (à Græcis *Λαγροβρωτία* dicta) Latinis *Infantia Lupina*, *Catrab* & *Alcatrab*, ab Avicenna vocatur; quæ correpti vivos abhorrent, & nocte exeunt, ac inter sepulchra versantur (ut Paulus scribit,) putantque

putantque revera se in Lupos conversos, ut Agricola cuidam in Germania Anno 1541. accidisse scribit Wierus. Antiqui (inquit Wierus) Tipulam vocant muscam in palustribus frequentem. Hujus & Manardum alibi in Epistolis mentionem fecisse arbitramur: unde Chatrab non esse Tipulam planè mihi persuadeo, sed aliam bestiolam ex Cantharorum aquaticorum specie minimam, quæ fere semper irrequieto motu (ut in eorum historia diximus) huc illuc absque ordine super aquæ superficiem movetur, ad levissimam fere aquæ turbationem vel agitationem, fundum petens: Limo subinde sese abscondit, sed paulo post, pacatis fluctibus ad aquæ superficiem iterum ascendit. Rarò solitaria est hæc bestiola, sed multæ simul eodem in loco varie discurrendo collidunt. Solebam aliquando magna cum animi delectatione istos parvos nigerimos cum splendore Scarabeolos se mutuo vellicantes & quasi palestricam exercentes contemplari: Sed de his inter hydrocantharos pluribus egimus. De Gazæ item Tipulis inter vermes aquaticos considerabimus. *Ascaris* vocabulum, quod Tipulam interpretantur, nihil ad nostram historiam illustrandam facit.

C A P. XXVII.

De Forficula, sive Auricularia.

 Rnoldi Forficula, Latinis recentioribus Auricularia, Priscis Mor-della dicitur. Niphus Velliculam appellat, à vellicando. Gallis *Aureilliez*, vel *Perceureille*. Germanis *Orenwurm*. Belgis *Orenme*. Nomen.
tel. Anglis Eare-wig. Hadrianus Junius, Fullonem esse existimat, quum tamen à Scarabei forma multum differt. An hæc Græcorum *ἰσχυρίων*? Sanè & ortus ratio, & morsus conspirant; nam & hæc generatur in caulibus herbarum fistulosis (utpote pastinacæ sylvestris, Angelicæ, Ferulæ) & in Brassica frequens conspicitur. Boreales Angli obscuro nomine *Twitch-balloek* nominant, quasi Scortimordium vocaveris, vel *ἰσχυρίων*; nam ubicunque rugosam plicatamque cutem invenerit, vel ore mordendo, vel cauda bifurca stringendo, maximum dolorem excitat; quod semel nobis pueris accidit (inquit Pennius.) In duas auriculariæ species incidimus; utraque volucris erat, contra multorum opinionem. Nam si eas in loco aliquo tabulæve inclusas, scyrpo huc & illuc repuleris (quod illustrissimus Knivertus Pennium docuit) expansis continuo alis, quæ sub elytris conduntur, avolat. Sed diligenter cavendū, ne festuca aut Scyrpo durius prematur, aut vulneretur; tunc enim si velit maximè, avolare minimè possit. Vulgari corpore spadiceo cernitur. Antennæ, pedes, caudæque forficularia, flavescunt. Alteri (quæ in Anglia rarior, & semel atque iterum duntaxat à nobis visa) vulgatiore major est, corpore nigricantiore! collum, argenteus quidam torques adornat: extrema elytra subpunicem referunt colorem; os forcipatum habet & flavum. In dōrso utrinque juxta latera quinque maculæ subflavæ oriuntur, caudæ furca brevis est & nigra, quæ versus caput sublatà, per aërem irata provolat.

*Differentia.
& descriptio.*

. Reperiuntur sæpe in brassicis & ferulaceis arboribus, ulmique foliorum tuberculis. Ex vermibus in caulibus ortis generantur: pellem quotannis veterem exuunt, qua spoliata nivea videntur. Sed cum ætate renascitur pristinoque

stinoque colore imbitur. Anglicæ mulieres maximo eas odio habent ob garyophyllati flores depastos, arque exesos, insidiasque struunt hoc modo: extimis areis bacillo in terram defixo ungulas bovinas, suillas, vel veteramenta cava supponunt, pannis vel stramine leviter infarcta: quæ dum per noctem (pluviae vitandæ animo & tegumenti causa) Forficulæ intraverint, mane veteramentis subito ablatis atque excussis, magnus earum numerus excidit, atque ita pedibus contritæ diem obeunt. Arnoldus (Breviar. 1. capite 25.) eas in oleo communi vel flammulæ coqui consulit: coque convulsorum arterias, tam in temporibus quam carpo inungi, ut febris (convulsionis medela) inducatur. Iosephus Michaelis Italus, Medicus non incelebris, magnum earum numerum colligere solet, ac in vitro arctissime clauso per balneum in pulverem tenuissimum redigere. Tunc urinæ leporis tantum puteris admiscet, ut in aurem infundi mane vesperique possit. Arcanum hoc esse in surditate pellenda sæpius Pennio protestabatur. Alij pulverem cum oleo garyophyll. miscent, atque adhibent ut supra. Gallinago minor (Sniteab Anglis dicitur) & gallinæ, auricularijs vescuntur: maximumque harum numerum in ventriculis earum reperisse me, sat memini.

CAP. XXVIII.

De Scorpio Formica & Pediculis Alatis.



Li. 11. cap. 25.

Ristoteles 4. de part. cap. 6. Scorpijs alas negavit. Moventur (inquit) Scorpij, non volatu sed gressu. Verum senior ab eo ætas etiam alatos vidit atque agnovit. Appollodorus (teste Plinio) plane quibusdam pennas adesse tradit, quod & Nicander prodidit. Pausanias in Bœoticis de Serpentibus alatis loquens, hæc verba habet: Neque ad assentiendum proclivior quisquam esse debet, neque se omnino incredulum ad ea præbere, quæ rarius offert natura: volucres ego serpentes nusquam spectavi: ut reperiri tamen credam eò facile adducor, quod homo Phryx Scorpionum Locustarum modò alatum in Ioniam attulit. Paramenes quoque lib. De bestijs venenatis in Ægypto, Scorpio alatas ac duplici spiculo in cauda armatos, non solum alienis, sed suis semet oculis vidisse meminit. Cui Ælianus lib. 16. cap. 42. 43. suffragium affert. In India apud Prasios, pennatos & omnes aliosque serpentes prodidit Megasthenes. In Africa item & pennati sunt, & alij impennes; septenis in cauda internodijs, inquit Strabo lib. 15. Geogr. & lib. 17. Sæpe Pfyly (inquit Plinius lib. 11. cap. 15.) hos in Italiam importare conati sunt: sed vivere intra Siculi cœli regionem non potuerunt. Visuntur tamen aliquando in Italia, sed innocui, multisque alijs in locis, ut circa Pharum in Ægypto. Legimus etiam in Navigationum historia Iambolum Lusitanum, dum Palimbroræ hæreret, (ea civitas est versus Orientem ad Gangem sita, & ab Hercule, Diodoro Siculo teste, olim condita) magnam ibi Scorpionum alatorum vim esse conspectam. Latinis, *Nepales*, dici possit; quasi *Nepa alata*. Sic enim Plautus Scorpionem vocat in Cassina, quum dicit. *Recessim cedam ad parietem, imitabor nepam*. Sic vicissim Cic. 5. de Finibus. *Nepas aculeis uti videas*. Varro etiam & Columella eo sæpius verbo Scorpionum appellant: quamvis Festus cancrum intelligit. Nonius id nomen ab Afris mutuatum scribit, à quibus primum dicti Scorpiones Nepæ, & in Latium portati. Magnitudinem atque formam vulgarem

Nomen.



garem hic vides; colore est admodum melleo, unde ^{μαλίσχνα} ^{sc} dicitur. Summæ caudæ nodus in hoc genere niger est, duplici præditus aculeo, quasi non unus sufficeret ad nocendum. Alas habet Locustæ Mastaci similes; obliquus huic inceffus & cancriformis: hominibus præsertim adolescentibus & pueris, infestissimus est. *Ælianus* flammeum colorem ei attribuit, & Flammeum appellat. Hujus venenum calidum, calorem infert extremum; quod in *Scorpijs* impennibus secus accidit. Lacertas, aspidēs, araneos & verticillos & omne serpentum genus enecat. *Ælianus* lib. 8. cap. 13. Hic *Scorpius* applicatus item suo vulneri medetur, ut cæteri: et si exusti nidor ad alios *Scorpios* pervenerit, ædibus exigit. Generationem habet cum impennibus communem, de quibus secundo libro fusè agemus.

Formica Latinis dicitur à ferendis micis; inquit *Isidorus*. Græci ^{μύρμηκας} ^{μύρμηκας}, ^{μύρμηκας}, ^{μύρμηκας}, ^{μύρμηκας} vocant; *Hesichius* atque *Varinus*. Hebraice *Nemelab* dicitur. Gallis *Fourmis*. Anglicè, *Ant*, *Emit*, *Pisse-mire*. Hispanicè *Hormiga*. Italice *Formica*. Sclavonicè & Polonicè *Atrawencz*. Illyricè, *Mrowka*. Belgicè *Miere*. Flandricè *Labnets*. Germanicè *Omay*, *Omnes*, *eims*. Est autem formicarum pars pennata, pars vero impennis. Pennatas (de quibus duntaxat agimus hoc in libro) Græcorum non nemo ^{νύμφας} ^{νύμφας}, alius ^{πυρρὴς} ^{πυρρὴς} appellat. Aristoteli ^{πυρρὴς} ^{πυρρὴς} simpliciter lib. 1. De animalium partibus dicuntur. Equites Latinis, à summa (qua cæteras vincunt) celeritate. Sunt autem gradarijs & impennibus, corpore, lacertisque majoribus, unde eas ni fallor, *Plinius* *Herculanus* dixit,) inter nigrum furemque mediæ: quatuor habent alas argento perlitas, externas majores & longiores toto corpore: internas autem duplo minores. De Indicis Equitibus quod scribam certi equidem nihil habeo. Fluctuant enim ipsi auctores, & Recentiorum plurimi totam Indiam fere pedibus permenſi, auríferas illas atque carnivoras non invenerunt; de quibus *Megasthenes* hæc prodidit: Apud *Dardas* (inquit) formicæ quadam alatae reperiuntur vulpibus non minores: quas cum Auricleptæ carnibus ferinis vesci intelligant, frustulatim eas sternunt secus itinera, atque ita dum formicæ in cibos sunt attentiores, quicquid auri interim eripuerint, illæsi auferunt. *Onesicritus* scribit se pelles earum vidisse quasi pantherinas. Liber *De natura rerum* inscriptus, hamatis unguibus, alato corpore, rostro adunco, ita alitem describit, ut *Gryphum* non *Formicam* esse putares. *Æthiopiam* tales etiam alere legimus, apud *Philostратum*, qui formicas & in India *Gryphos* collocat; forma non omnino similes, sed fideles utrosque auri custodes & effossores. Indicæ formicæ cornua *Erythris* in æde *Herculis* fixa miraculo fuere, ut *Plin.* testatur, vel mentitur potius. Qui plura de ijs somnia voluerit, *Herodotum*, *Arrianum*, *Tzetzen*, *Strabonem*, *Ælianum*, *Plinium*que legat, qui mendacijs ultro citroque acceptis & creditis, tantam habuerunt fidem, ut etiam pro veris ponere non erubescerent. Sed Indicis omiſſis, de Europæis tantum agamus; quarum vitæ institutum, pugnas, victorias, politiam, prudentiam, sagacitatem, parsimoniam, technas, frugalitatem, industriam, oeconomiam, charitatem, fidem, civilitatem, fortitudinem, ^{ελεος} ^{ελεος} hic ad hominum ruborem proponerem; nisi eadem in secundo libro, quando de *Gradarijs* agemus, quibuscumque naturam & *Rempub.* habent communem, repetere necessum esset. Formicis *Herculanis* tritis adjecto sale & pipere, pſora, lepra & lentigo sanatur. *Plin.* Oleum ex formicis alatis factum venerem stimulat ac auget. *Weckerus*. Denique quibuscumque morbis aliæ formicæ profunt (profunt autem, ut leges, permultis) in ijs sanandis æquas vel majores vires obtinent alatae.

Vſus medicus.
Modus conficiendi olei legitur in *Rhaſi*, & *Barthol. monrag. lib. 5. cap. 18.*

Agatharcides author est, à maris rubri incolis non multum distare Acridophagos, sive locustarum efiores : quæ quidem gens staturæ alijs brevioris, aspectu macilens, ac supra modum nigra. Sub æquinoctium vernum, quando apud Italos Africi & Zephyri spirant, ex loco quodam incognito, ineffabilis magnarum locustarum multitudo vnâ cum illis ventis ad ipsos provchitur, quæ ab avibus volandi facultate parum, at corpore longè differunt. Ab hoc animalium genere toto tempore nutriuntur, ijs salitis atque alio modo paratis vescentes. Venantur. a. ipsas, fumo ex aere in terram dejicientes atque hi agilitate quidem & velocitate pedum pollere dicuntur. Sed quum valdè siccum nutrimentum capiant, ultra quadragesimum annum vitam minimè producunt, imò vitâ sanè miseriorem mortem obeunt. Siquidem appropinquante senectute, eorum corporibus alata quadam pediculorum genera innascuntur, figurâ quidem caninis muscis similia, sed alioquin minorum. Incipiunt à pectore ac ventre, brevique universam faciem cutem depascuntur. Atque horum alijs scabiosorum instar afficiuntur, deinde semetipsos graviter dilacerant, tandemque morbo consistente, nec non cum bestiolarum exortu tenuibus effusis humoribus, intolerabiles cruciatus subire miseri coguntur : sicque vel ob succos, vel ob alimentum, vel ob aëris puritatem intereunt. Hieron. Mercurial. de morb. crit. Ex Diosdoro Siculo. 4. antiq. l. bro.

CAP. XXIX.

De Cimice Sylvestri Alato.

QUum de hac Alatorum tabula manum tollere statuerem, Cimices tres Sylvestres *ix τῶν καλοῦσθαι* genere ad nos delati sunt, quos hic supinos & pronos representamus. Primæ dorsum, collum, antennulæ, atque elytra porrum referunt ; alæ elytris longiores ex viridi flavescunt, uti etiam oculi & pedes. Secundus undique infuscatur. Tertio corpus nigro rubroque varium, antennæ pedesque anthracini : Omnes aureo quodam fulgore hic illic micant : quod Pennius non notavit, & corpore valdè pressò videntur & molli. In malvis sæpius, in alijs plantis arboribusque coniferis, uti etiam in ulmo & salice, quandoque reperiuntur infidentes. Coeunt mense Maio aversis caudis, & finem veneri per diem integrum vix faciunt. Mas minor, femina major & latior. Volant sole exarsuante satis celeriter, sed nec diu nec longè : Apud nos (inquit Cardanus) inter herbas dup gignuntur animalia cimicibus similia : unum odore, non forma ; alterum forma, non odore. Neutrum tamen è Cimicum specie est, quia utrunque volat. lib. de var. rer. Verùm qui horum fatorem formæque corporis externam animadvertit, eos è Cimicum familia alarum causa non exigit :

quamvis revera sylvestres, sextuplo lactarium superant. Iacobus Quickelbergius ex agro Viennensi duas alias eorum species ad Pennium miserat, aureo nigroque undulatas. Matthiolus Plinium neutiquam intelligens, negat

cos

eos viribus ullis valere. Plinius autem hortenses Cimices in cinerem factos *Vfus Medicus.* & cum oleo rosaceo infusos, contra dolores aurium variè commendat. Palladius eos cum amurca, felle bubulo, folijs hederæ & oleo inungit ad sanguifugarum virulentarum vulnera. Caput virgæ mittatur in oleum Camomillæ fatis calidum, in quo bullierunt Cimices: deinde liniatur caput virgæ cum ab ipso oleo fuerit extractum, cum allio pistato, et certò urinam reddet. Arnold. de villa nova lib. 2. Breviarij. Cap. de stranguria & dysuria. An hi pro illis Cimicibus accipiendi, quos Germani *Knelsters & Qualsters* vocant? Atque de *Insectis alatis* quæ novimus hætenus sunt dicta: Vos Plateri, Camerarij, Clusij, Quickelbergij, serique magis & serij Asclepiadei (*Petiora quævis luto meliori finxit Apollo*) si quæ hic desiderantur habeatis, pro candore atque humanitate solita adjicite, illudque Poetæ veteris recolite: *Καὶ δὲ τὸ ἐγχαλθεῖν τὸ ἀπὸ τοῦ τοῦ αἵματος ἐν θυγῇ.*



DE SECVNDI

LIBRI


DIVISIONE.

Praefatio.



Adaleo qualicunque remigio evadimus jam tandem ex Equitum Alatorum castris; ubi si dicerem quot me aculeis Minorum gentium Insecta impetiverint, quàm ægrè cerebrum, dextram, oculos (dum singula accuratiùs secarem perpenderemque membra) affecerint, sane vulnèra recensendo vel ipse deficerem, vel quod absolvere cum animo institui meo, non efficerem. Quare quod strenui bellatores solent, calente adhuc ignotoque vulnere perrumpamus aciem utramq; & melioribus ausis quantum per vires liceat superemus. Tu magne Deus qui felicissima ingenia in hac minimarum creaturarum synopsi attonita & perplexa reddis, vires concede: ut qua tua benignitate Equitatum instruxi, eadem pedestres & impennes has copias sic educam, ut tibi gloriam, reipub: literariæ fructum, mihi vero nihil aliud quæsisse videar, nisi ut operibus his tuis te invenirem. Agè igitur Cunicula impudens, qui Deum divinamque nescis virtutem: perfer, si potes, Phalangij aut Scorpij morsum; sustine sudorem scolopendræ: Erucam pineam deglutito: cum vermicibus & lumbricis contendito: pediculos Herodes quantum quantum vales, feros negligito: Tandem senseris ne levissimæ armaturæ peditem hic merere, qui non tuas corporis animiq; copias dicto citiùs imminuat, Deique agnitionem ex ore tuo satis usque impuro, per ministerium horum eliciat. Sic igitur aciem educo; sic militem nomino.

Impenni





CAPVT. I.

De Erucis earumque differentijs & nominatim De Seribus & Bombycibus.



LN prima acie Erucas, Aegypti quondam depopulatrices, collocare visum est: tum quod specie diversissimæ, tum quod dignitate et usu illarum nonnullæ excellentissimæ. Has ab erodendo Erucæ nomen habuisse, non ineptum est affirmare; erodunt enim folia, frondes, flores; & fructus etiam, quod in malo Perfico animadvertimus. Has Ovidius Nomen.


Tineas agrestes vocavit.

Quæque solent canis frondes intexere filis;


Agrestes Tinea, res observata colonis,

Feraci mutant cuin Papilionis figuram.

Græci erucam *εργυλιον* appellant, ab undoso & arcuato gressu, quo se rependo curuat atque attollit. Hebræis, *Ghazam*, quia detonder fructus terræ, ut dicit Kimhi Ioelis primo. Italis *Rugaverme* & *Bruchio*. Sic enim Marcellus Virgilius in Dioscoridem; Nostra (inquit) ætas & gens totum Erucarum genus *Bruchi* nominant. Hispanis *Oruga* Gallis *Chenille*, *Chattepeleuse*. Angli communi nomine *Caterpillers* vocant, sed Boreales pilosas erucas *Oubutts*; Meridionales *Palmerwormes* nominant. Polonicè dicitur Eruca, *Rup hausenka*; Germanicè *Ein raup*; Belgicè *Ruype*; Illyricè *gassenica*; silvatico *Certris* & *Cedebras*. Si omnes erucarum differentias attexere vellem, infinitus essem; Differentia. aliæ enim ad tactum rigidæ, aliæ molles; aliæ cornutæ: (idque vel in capite, vel in cauda;) aliæ exornatæ: quibusdam plures pedes, quibusdam pauciores, ultrâ sedecim nullis. Undoso motu & celeri plurimæ gaudent, aliæ tamen plane & lentè incedunt; quædam leberidem quotannis mutant, quædam non mutant; Quædam in Chrysalidas supra terram fixas transformantur, unde Papilioes diurni: quædam subter terram, unde phalænæ exeunt. Quarundam item aureliæ læves sunt & æquabiles; aliarum hispida, rugosæ, acuminatæ, asperæ: quarundam (nempe duriorum) nudæ; aliarum (nempe teneiorum) musco vel capillis sericis obductæ. Plurimæ ex ovis Papilionum nascuntur, & in aurelias abeunt; quædam in arborum folijs generantur ex semine proprio ibidem in tela per autumnum derelicto, vel rore aëreæ illi incluso & putrescente, ut convolvuli. Præterea quædam folijs vescuntur, quædam floribus: sunt etiam quæ fructus comedunt. Nos vero ut geminas illarum differentias exprimamus; Omnes Erucas vel *εργυλιον* dicimus sive affines; à Papilionibus & Aurelijs satas: vel *αυλογυγιον* & consanguineas ex sua tantum tribu profectas facimus. *εργυλιον* vicissim, sunt vel glabræ vel hirsutæ: uticetiam *αυλογυγιον*. Inter Glabras, primas Erucæ illi serici filii textrici dari oportet,




Edward: Mo-
nimus Beresfth
lib. 5.



*Qua Tinea ex volucri fit, ab hac tineaq, resūmit
Mox speciem. Qua bis vitales suscipis aurās,
Bis tetricas Acherontis aquas, amnemq, severum
Aspicit; & latho mediam, vitāq, relinquit
Posthumicam sobolem, cana qua tegmine maūri
Nere soles tēnero bombycina carbasā, clarum
Id stamen, tenuemque agilis deducere lanam.
Quam non ipsa sibi, nobis sed texti avaris,
Olim sceptrigeri tantum diademate dignum
Vellus. At hac diris ardens furialibus atas,
Prodigia, fetosa sic fundit regia lanae
Munera, ut e vilis Picellus sece popelli
Rabula, causscrepus, gens hispida Bambalionum,
Prorsus Orontea radiet bombyce coruscans.
Tritior haud Scythici populo stat cannabis usus
Non satis id: neq, fila pudet textare metello,
Quod nostra aeterno praecordia concoquit igne.*

Quibus verbis quamvis Seres nonnihil tangit depingitque divinus noster & antiquis purior poëta, haud eos ita tamen describit, ut Historiæ satisfactum putemus. Sunt enim Seres Erucæ glabræ, lacteæ fere, ocellis piceis, ore (ut vides) forcipato præditæ. Ex ovīs Papilionis niveæ ortum ducunt, quæ sensim in vermiculos crescentia, Seres Papiloni concolores proferunt: hoc enim (ne repetam) semel dici sufficiat, eundem esse fere semper Papilionis cum eruca sua colorem. Papilio ille Aureliam deferens quotquot ova posuerit, vel semina (si velis) oviformia: tot sunt deinceps Seres, quas si calore fotas morique folijs saturatas charè habueris, mercedem esca & amore dignam, Sericum nempe vellus, repensuræ sunt, Maio primum nascuntur; quo mense, alijsque insequentibus duobus, magnum foliorum vim devorant, atque inter edendum veluti fugentes labiant. Quum jam alimenti copia adoleverint, habitiores faciæ telam ex se fingunt tenuissimam, aranei æmulam. Deinde frigorū impatiētia, villis inhorrescere, & adversus hyemem tunicas sibi iastaurare densas, pedum asperitare radentes foliorum lanuginem in vellera: hanc postea cogunt subiguntque unguium carminatione, mox trahunt inter ramos; remant ceu pectine. Denique apprehensa hac tela corpus suum involuunt nido volubili. Tunc ab homine tolluntur, fistilibusque vasis & furfurum, esca nutriuntur; atque ita subnascuntur sui generis plumæ, quibus vestiti ad alia pensa dimittuntur. Quæ vero cæpta sunt lanificia, humore lentescunt; mox in fila tenuantur junceo fuso; hæc mulieres nonnullæ torquendo in filum deducunt, deinde texunt. Prima texisse in Co insula Pamphila Latoi filia dicitur. Bombycas & in Co insula nasci tradit Plin. lib. 11. Cap. 23. cupressi, terebinthi, fraxini; quercus florem imbris decussum terræ halitu animante. Hoc licet primum fuit mulierum inventum opus, non puduit nihilominus hæc vestes viros levitate usurpare, propter onera æstiva: in tantum à logica gerenda discessere mores, ut oneri sint etiam vestes. Quò folia, quibus vescuntur, tenuia magis fuerint & mollia; eò filum Bombyces subtilius ducunt. Quare apud Seres Scythiæ populum, vestimenta conficiuntur mollissima, quæ serica puncupantur, ut testatur Marcellinus lib. Hist. 23. In India item atque Aethiopia magnus eorum numerus & usus; unde ad Hispanos & Italos ad summum mortalium luxum delatæ. Sane quoties myriadas aliquot Bombycum noctu diūque perpetim operantes & veluti sudantes, vix ad tres uncias Sericæ vestis conficiendas sufficere videram, toties immortalium talium profusionem et luxum damnaram, qui vesti-
menta



R

menta Serica & holoserica (regum olim insignia) coeno polluant, & non pluris ac penulam laciniatam aut laceram faciunt: Ac si puderet eos rei honoratæ quàm vilis esse observantiores, omnemque in profusionem animum collocarent. Græcis hæc Eruca *σιν* dicitur, & *Βόμυξ*: quod nomen ad Latinos usu manavit. Itali *Bigatto*. Hispani *guisano della seda*, Galli *ver à soye*, Germani *einsseyde Worm*; Angli *Silke worms* appellant. Apud quos eo amore & pretio Serica vestis, ut lanam suam (Seres ipsos contra non vilem) regni que amplissimas & utilissimas merces despiciatui habeant. Sed hanc illis malaciam ætas eripiet, ubi viderint suas in Italia pecunias ea tempestate coaceruari, cum ijs vel ad proprios vel ad publicos usus per-opus habuerint. Illud pulchrum & observatione dignum; caput Bombycis caudam Papilionis in metamorphosi illa Aureliana constituere; caudam vero capite, quod in reliquis item Erucis omnibus in Aureliam versis contingit.

CAP. II.

De reliquis glabris Erucis.

Reliquæ omnes glabræ vel virescunt, vel flavescunt, vel rubescunt, vel infuscatæ, vel variæ apparent. Viridium nobilissima est ligustro insidens Eruca, cui vultum ambiens circulus, pedesque omnes, & recurvum in cauda cornu, ex rubro nigrescunt; maculæ lateribus transversim inductæ dimidio purpurascentes albicant: rubescunt punctula: cæterum vero corpus undique virens videtur.



Non multum ab ea differt Sambucina, nisi quod undique virescit, transversis illis maculis albissimis, & punctulis quibusdam lacteis exceptis. Sambuco roscâ in primis vescitur.



Tertia ubiq; viridis in thecam sese fuscâ appetente autumnò vertit; olera comedit molliora, lactucas præferim, unde lactucariam vocamus.

Quarta



Quarta Mespilaria minor est, undique virescens, in thecam cineream maculis nigerrimis conspersam sese recipiens.



Quinta omnium minima, in arboribus (quercu præsertim) fila ducit, per quæ descendit in itinerantium capita, vestesque & galeros illaqueat; notissimum æstate animalculum, & ubique obvium: rudi telâ sese implicat autumnò ingruente, & rubro-viridi theca inclusa, moritur hyeme: decem duntaxat pedibus donatur, ut superæ omnes.




Flavescentes dicimus, quæ maximam partem flavent. *Flave 3.* Tales hæ figuræ representant; quibus servatur quicquid à nigro liberum: id si pallidiori flavo infeceris, Icones habes depictas. Vivunt mollioribus folijs, præsertim tilia.



Vinula sequitur: elegans mehercules Eruca, & supra fidem speciosa: in salice eam invenimus avidè pascentem: labra atque os illi subflava, oculi anthracini, frons purpurea, pedes extremumque corpus herbacei: cauda bifurcata ex vinaceo nigricans. Corpus univèrsum veluti crassiore rubicundiorèque vino intinctum; quod a collo per scapulas decussatim transiens ad caudam usque linea albissima, mirificè adornat. *Vinula.*



Porcellus Eruca dictus, ex fusco nigricat, major præsertim; in minore quos vides orbiculos, albicant: trifolij palustris folijs frequenter insident, eaque mirâ celeritate devorant. *Fusca 3.*



Varia tres potissimum conspiciuntur. Primæ facies cærulea, oculi nigerrimi; corporis cuticula cæsia, nigris flavisq; punctulis multum conspersa: in aureliam convertitur spadiceam, alba membranula vestita, brassicas amat & genus univèrsum naporum. *Varia 10.*



Secunda caput pedes caudamque nigerrima obtinuit, cancelli quadrati flavi

R 2

flavi sunt: intus quæ pinguntur tessellæ, strijs nigris glaucisq; alternatim in longum ductis distinguuntur. Feniculum amat, anisumque atque cuminum.



Tertia ex albo viridis gibbosa in incessu graditur; est enim utrinq; sepes duntaxat, sicuti omnes *Umeu*. In aureliam echinatham mutatur, colore furvum: oleas absumit.



Quarta, draconitium depascens, viperam maculosam refert: incedit semper capite erecto, & pectore potissimum se sistit; amat juncos, & fluvij inscenscentes plantas pappiferas.



Quintæ descendentes costas si obsoleto mimio infecris, pauca in Icone habes quæ desideres.



In sexta quod album vides, ochra impleas: gaudet utraque populo nigra, cæque sese ingurgitat.



Striæ in septima ductæ ex flavo albescere debent: reliquum totum corpus fusci coloris in aureliam spadiceam se vertit.



Octava, cinerea videtur, ex nigricante undulata: thecam facit nigropuniceam, & qua pulverulenta Phalena



Nona, varia quidem, & merito, censeri debet: incisurarum orbes virent; cornu caudæ reflexum, cyaneum: sub qua miniata macula ad ornatum facit. Media incisurarum pars cinetem emulatur: aurelia demum includitur xerampelina, hanc in via publica invenimus: gaudet ranunculo pratensi.



Decima glauconigra: quod enim hic album est, id glauco superinducto bestiam exprimet. In thecam spiralem transmutatur diluxæ ærulam, spiris

spiris subrubentibus, quæ ad buccini conchæ formam proximè accedit.

In solano Sylvestri (quam Itali *Belladonnæ* vocant) glabra eruca provenit, crocei viridisque coloris, cornu in fronte gerit, digiti longitudine; quam se sæpius vidisse memorat Cardanus.

CAP. III.

De Erucis hirsutis atque pilosis.

Pilosa, omnium maxime maleficæ, vel densiore sunt pilo, vel rare: quarum has vobis species exhibeo. Inter densius pilosas, Ambulones, Corilarias, Pityocampen, Antennatas, Neustrias, Pyriperdas, Vrticarias, Brallicarias, Sepiarias, Popliuoras, Cutiperdas, Calendulares, Mælenochlorum, &c. Rarioris pili sunt Echini, Fanicularia, Rubicola, Mesoleuca; de quibus ordine dicemus.



Pityocampes, id est, pineæ picæve Erucæ, digitum minimum crassitie æquant, tres digitos transversos longæ. Undecim incisuris inter caput & caudam constant, sedecimque (more reliquarum) pedes habent: nempe juxta caput utrinque tres, medio corpore utrinque quatuor, & ad caudam extremam utrinque unum. Priores vero sunt adunci & exiles, quibus viam tenant; reliqui latiores, & multis crenulis serrati, ut folijs firmiter insistant. Caput formicæ; reliquum corpus Erucis vulgaribus simile. Hirtæ sunt pilis, villisq; rectis undique obseptæ: pili in lateribus nati albicant; in dorso fulgent, cujus pars media maculis veluti oculis ornatur. Villis abrasis, cutis subest nigricans; pili valde exiles: pungunt tamen quàm urtica acrius, maximumque dolorem, ardorem, febrem, pruritus, inquietudinem adducunt: veneno scilicet subito sine sensu vulneris infuso, & ad partes visceribus proximæ delato. Telas subtiles quales aranei texunt, prioribus pedibus filaducentes ac disponentes: has, veluti tentorium, nocte ingruente subeunt; tum ut frigoris, tum ut procellarum vitent incommoda: tentorii hujus tam tenax & subtilis materia est, ut nec ventos curet furentes, nec imbribus inundet. Amplitudo item tanta, ut vel millia plura erucarum facillè ferat. In ramulis Pini & Picæ supremis nidificant, ubi non solitaria (ut aliæ,) sed gregales vivunt. Quacumq; iter fecerint, nentes fila ducunt telaria: primaque luce (favate modo serenitas) cætervatim minores majores comitantur, ac viduatis fronde arboribus (omnes enim absument) strenuè textrinam colunt. Solæ pinipicæque pestes, ad alias coniferas arbores non accedunt. In Atho monte; nemoribus Tridentinis, atque tranfalpinis convallibus (ubi frondis nutritiæ copiâ) admodum abundant, ut Matthiolus testatur. Virulentissimæ protectio bestiarum, sive extra premantur manibus, sive intus exhibeantur: tam certissimi veneni olim habebantur, ut Vlpianus legem Corneliam interpretans de Sicarijs, in eorum numerum & penam, Pityocampæ propinatorem vocaret: §. Alium. ff. ad leg. Corn. de sic. Haustus Pityocampis dolor os & palatum graviter affligit; lingua, alvus, ventriculus ab erodente veneno valde inflammantur: etiam ingens dolor excruciat, licet initio pruritus quendam jucundum passum videntur: insequitur æstus, cibi fastidium, & perpetua, sed irrita vomendi dejectionumque cupiditas. Tandem nisi occurratur, adurunt corpus, & ventriculo crustas inducunt, Arsenici fere modo. *Diosc. Act. Plin. Celsus. Gal. item 11. simpl. cap. 5. & Avic. sos. Cap. 25.* Hac de causa Aetius & Aegineta mentas sub pino sternere vel commorari, noxium dixerunt, ne forte cibi nidore, jusculorum vapore, vel clamore hominum Pityocampæ suis sedibus motæ, in

Signa Pityocampæ haustus & remedia.

escas decidant; vel semina saltem æquè læthifera demittant. Qui ab his læsi fuerint, ad Cantharidum antipharmaca respiciant: liberabuntur enim ijsdem remedijs: propriè tamen melinum oleum (quod è Coroneis & oleo temperatur) ad vomitum usque bis terve hauriendum est, et Diosc. ex Aetij præscripto. Generantur vel potius regenerantur (convolvulorum more) è semine Autumnali in tela certis vesiculis relicto, vel ex ipsis Volvocibus putrefactis, vt Scaligero sentire visum est. Nunc ad Ambulones venimus.

Ambulones dicimus, quibus incerta domus & esca: unde superstitiosè peregrinantium modo vagantur, & (ut mures) semper comedunt alienum cibum. Quare Angli etiam eos *Palmerwormes* appellant, ab erratica nimirum vita (nusquam enim consistunt:) quamvis ratione hirsutiei, *Bearwormes* dicuntur. Certis folijs aut floribus non astringi se sinunt, sed audacè percurrunt delibantque omnes plantas ac arbores, & pro arbitrio vescuntur.

Primò, quas vides in latere maculas albas, tales revera esse debent: corpus universum nigrescit, pili inferiores omnes subrocellere oportet; superiores vero omnes in dorso positos canescere; tribus ijs ordinibus exceptis, qui in collo juxta caput nascuntur: ij enim eundem cum ventris pilis tenent colorem. Ex hujus aurelia exit, quem hic vides, papilio; cujus iconem coloresque & naturam superiori libro descripsimus.




Siscundi collum ventremque atque ibi nascentes pilos flavos taceris, non est quod plura expectas. Theca ejus fusca videtur; ova pallida, papiliorem inde nascentem superiori libro expressimus.




Tertius toto corpore pilisq; è fusco flavus, nisi quòd macula lateratim in unaquaq; incisura obliquata latefcunt, caputq; puniceum sur-

cà quadam nivèa ornatur.



Quarto venter atque inferiores pili infuscantur, dorsum atque superiores ex fusco flavent. Linea in facie bifurca feri colorem vel lac dilutum refert.


Quinto



Quinto vultus spadiceus, ventris latera canescentia; corpus pusillis varium guttulis subluteis, atque hæc supra, piceis: pili quasi radioli exeunt flavi, arguti illi quidem, & medio acuminatius crescentes: multum vicinas herbas & segetem lædit.



Sextus colore est leucophæo, nisi incisuræ nigris lacteis: quæ hic illic maculis essent intermixtæ. Setae infra supraque; natæ, & tanquam ferratim positæ, hispidæ valde sunt & rigidæ, sed à colore corporis non recedunt.



Septimum cute nigra, pilis autem nonnihil lutescentibus donatum, Peniculum vocare soleo; quia utrinque ex fronte, atque etiam in vropygio peniculus erumpit mollis, colore coracino. Quas vero cuneiformes in dorso eminentias conspicias, radice lacteæ; cæterum, nigellæ videntur.

Octavus murinum colorem exprimit, cujus in dorso cunei septimi illius respondent.



Nonus coloris peregrini & rari; singulæ enim incisuræ varijs ab invicem coloribus, sed mixtis invicem omnibus pinguntur; quas clavus quamque argenteus pulchrè adornat.



Decimus inter naturæ luxuriantis lusus, non minùs elegans quàm rarus; nigris, cæruleis, viridibus, atque luteis liris, & nervis scabris striatus: quos guttulæ quædam aureæ mirè effecerunt. Pilos admodum molliculos gerit, miræ gratissimæque viriditatis, thecam habet purpuream, membranulâ munitam.



Vndecimi incisuras albicantes, prasinæ imaginare; vellusque & pilos medio virentes facito.



Corilaria




Corilaria undiquocum virore pallet, tribus inter cuneolos maculis nigris exceptis, & cornu illo in ultimo dorso, & quasi ouropygio crescente, quod rosaceum ruborem late suscipit. Corili præcipue folijs insidet, unde Corilariam dicimus. Duas illarum species vidimus; alteram saturatè; alteram pallidiùs viridem.



Multiplex natura venustas in his resplendet: quibus licet faciem Aethiopis Mauriue tribuit, vestem tan en concessit polymitam; vario opere, vero artificio fulgentem. In fronte pili veluti in cirros nexi nedolos, antennis referunt; quales item in ultimo dorso: cutis iridis a mula, orbiculis splendet murice inebriatis, quos veluti latos clavos costis affixit natura. Vellere enati pili fulgorem Solis repræsentant, oculosque oculato die perstringunt.



ti. Minor convolutus, echinum exprimit. Caput illi nigerrimum, corpus glastinis quibusdam guttulis variè perfusum; pili croceum fulgorem imitantur.



Neustrias è Normania duas accepimus. Majori vultus caeruleus, albis rubris castrisque furculis corpus liraturn; pili aureo splendore coloreq; grati.

Hac pyri germina corumpit, capite atrato, corpore nigris rubentibus & lacteis quibusdam liris ornato; medijs quasi humeris, & ad finem ferè dorsis,

tumuli sive tubercula affurgunt livida, albis punctulis conspersa. Ova, è quibus nascitur, spadicea sunt; qui est etiam aurelia & pilorum color. Aliam vidimus congenerem, sed duntaxat tumulo gibbosam.



Mesolevecm dicimus, quia hanc à capite ad dimidiatum dorsum obsolete luteam, deinde de liliaceam peperit natura.

2a. Venter luteocinereus clav is medio tesserato fixis ornatur.




Viticariæ pedes si satifcente luteo leviter tegeris, partim à naturali icon differet: rigidules & erectos pilos habet spiratim crescentes. Levi taqu vulnerant; primumque blardum, sed venenatum pruritum, deinde vix ferendum dolo-

rem

rem superinducunt. Haud defunt qui eam Pityocampes malitiam malignitatemque vincere asseverant.




In brassica, eruca oritur capite cyaneo, corpore flavis furculis duobus utrinque lineato: inter quos subcæcia quasi area nigris quibusdam seminibus confita videtur: pili aureliæ (quæ cinerascit) colorem obtinent.



Sepiarias hic binas offerimus. Majori crocesceret vultus, nisi quem nasi loco triangulum videtis lilliasceret. Corpus albis flavis rubrique & nigris (quas expressimus) maculis, nullo ordine locatis, variatur: pilis sublutis horret. Sepes populatur, & nudat frondibus: ubi tandem serici rudioris relicto glomo, in thecam spadiceam,

quasi in Sarcophagum, se recipit. Minori facies subcærulea, uti & totum corpus, absque maculis quibusdam nigris albicantibusque esset: pilos cum prima concolores fortita est.

Rarioris pili sunt: Geraniavora, Iacobæa, Antennula, Echinus, Rubicula, & Cornuta illa bestiola, quam Germani Hornworm appellant.



Geranicolæ magnitudinem formamque ritè hic dedimus, & affabrè explicatam. Albas maculas cingulos nigros ornantes, ferrugineas facere oportet; ventremque pedesque & album

inter cingulos spatium porraceo viridi ornare. Camerarius ad Pennium hanc misit, cum hac hypographe: *Eruca grandis, herbis tantum agrestibus victans, & potissimum Geranio palustri Barzantiæ infesta.*



Antennulæ corpus varium: à capite ad tertiam incisuram creta illitam dices; quinque alijs sequentibus nigrocineræam; tribus iterum postremis cerussatam: Antennulæ ex pilis veluti colligatis constant; quales item ultimo dorso, cristæ instar, se erigunt. Quatuor illi erecti in dorso cirri, è pilis quoque fiunt dentatim ordine crescentibus.



Iacobæa, five Senecionem majorem depascens eruca, capite pedibusque obsoletius purpurantibus, ventre pallidiusculè virente; corpus habet iniamano viridi tatescens, & nigris flavis flammeisque maculis ornatum. Pilorum color ventri consonans.

Echinorum

Echinorum duas animadverti species; unam ē cæruleo virentem, alteram Mesoleucen.



Primus Echinorum tessellato prodit corpore, ex nigro flavoque varius: spinæ luteæ videntur; incunte autumno in aureliam cineritiam vertitur.





Secundus reverā Echinum præ se fert; dorsi dimidia pars, prior nempe, ex flavo nigricat; posterior cum flavedine albescit; spinas gerit argutas valde & crassas, colore cæcio.



Rubicolam nigrocineream liris utriusque tribus pallide flavescentibus pinxit natura: pilos rariores gerit, planè nigros.

Est & cerastes cujus varia loca ē luteo virent, pili medio dorso nati canescunt; cornu vero crenatum rubescit.




Varia item in verbasco, lupulo, Scrophularia, Glycypicra, Solano, Alno, ulmo, ocymo & Tithymallo nascuntur: imò quævis pæne herba peculiarem habet erucam vastatricem: quas, ne infinitus videar, quasi satis notas pertranseo. Erucam Gesneri fatidam nunquam contigit ut viderem, his ab eo verbis descriptam, ut in schedis habeo: Erucæ (inquit) cornutæ simillima est, sed et cornis, & colore aliquantum discrepans. In muro repentem cepi exeunte Augusto, Anno 1550. Gravem spirat odorem, ut plane venenatam crederes. Iracunda perrexit capite cum anterioribus duobus pedibus semper erecto; cæcam puro: digitum longa & crassa, paucis sparsim pilis per dorsum & latera horrescens, dorsum nigricat. Ventris laterumque color ex flavo subrufus: internodijs quatuordecim totum corpus distinguitur. Singula internodia sulcum insuper quandam ceurugam per dorsum habent: caput illi nigrum, duriusculum; os forcipatum denticulatumque vel ferratum; his forcipibus, quicquid comprehendit, mordet: pedibus 16. gradiatur, ut maximā partem omnis Erucarum natio. Proculdubio venenosa est. Vergerus Pityocampem putavit, alij scolopendram:

dram: Sed pedum numerus non patitur scolopendram dici. Vix ferebam odorē, dum vivam describerem: duo hypocaula nimio & abhominabili fœtore adeo infecti, ut manendo ferendoque non essem. Hæc Gesnerus.

CAP. III.

De ortu, generatione, alimento, & Metamorphosi Erucarum.


 Hæc liber, nostrum testis benefide laborum,
Ne tua purpureo suffuderis ora rubore:
Agrestes abacis tineas si expressero nostris,
Vermiculōsque lenem qui in Thecam vellera mutant.
Hi siquidem artificis prudenti pollice Dii
Finguntur; tenui qui non tenuatur opella,
Et qui vermiculis dextra miganda potentis
Signa sua prodit, potius quam corpore vasti,
Molifero Barri, tumido vel robore Ceti,
Squamatisq; alijs, qui lata per aquora tentant,
Fulmineas sine mente minas, & nostra profundo,
Linteæ quò mergant, largo mare gutture rulant.

Sic enim ordiri libet cum Poeta nostro, qui divinam in Erucis potentiam ex ipsarum ortu perspexit; quem dum varij authores variè exprimerent, nescio quas nobis tenebras obrudunt. Arist. 5. Histor. 19. eas è virentibus herbarum folijs, brassicæ sinitrum aut raphani oriri tradit; semine scilicet miliiformi, sub autumno ibidem relicto; unde vermiculi nascuntur. Ex his vermiculis trium dierum spatio erucæ fiunt; morituro vere; quæ auctæ satisque alitæ motu cessant, ac ineunte autumno cum Chrysalide formam vitamque mutant. Plinius rorem calore Solis densatum in folijs relinqui tradit; unde Erucarum genus speciemque omnem deducit; cui suffragatur Arnoldus. Alij earum originem papilionibus ferunt acceptam; quæ simul ac aurelijs exiverint, supra vel subius vicina folia, ova quædam (stercora vocant Barbari) excludunt, pro ratione sui corporis majora vel minora: (horum aliquot testæ carulæ; aliorum flavæ, albæ, nigricantes, virides, rubentes;) quatuordecim fere dies foras Solis calore, rupto cortice Eruculas excludunt, parvulis lumbicis similes, sed coloratas; quæ primo ortu famelicæ, folijs floribusque devorandis totæ incumbunt, præcipuè illarum arborum atque plantarum, quibus olim in ovo fuerant. Ego vero non unâ tantum ratione, sed his singulis vijs & modis oriri eas contenderim. Nam licet Aristotelis doctrina insulsiore quibusdam videatur, brassicarum illum vermiculum in Erucam cedere: non abhorret tamen à ratione. Etenim natura ut ex ovo, ita ex verme parit animal perfectius; quasi perficiens, non quasi corruptens. Nam tamec si vermis postea non est id quod prius erat (quod ad sensum apparet) at quantum quæ percipi, & est hoc quod erat, & hoc amplius nunc existit; neque enim vermis moritur, ut nascatur eruca: quin corpori pristino addit magnitudinem majorem, pedes, colores, alas. Ita manente vita, alias partes, alia officia adipiscitur. Sic fœtus humanus (utor Scaligeri verbis) post certos primores dies ex homine potenciali, homo actualis fit, generationem enim intelligas, quo tempore anima nondum agit intellectiva, gerere proportionem talem ad futurum hominem, qualem vermis ad Erucam aut apem. Sic etiam Pennius Plinij opinionem derisit, quum Erucas è rore natas scriberet. Verum ex rore imperfectiora animalcula gigni omnes unò philosophi fassi sunt.

sunt. Nec sanè temere. Nam sol calefaciendo agit, ut sit quasi forma: humor patitur, quasi materia. Solis quippe calor alius ab igne; animat enim, aut animas sua conservat similitudine *ἔχει δὲ ὁ ὁρῶν τὸ αἶμα συμμετρίαν ἐμμετακίαν*, ubi mollitie affectus a Theophrasto adducitur (lib. *περὶ φῶτος*) ad genitalis aeris commendationem. Nihil item rore magis alimentosum, quo solo quædam vivunt bestiolæ: quod & divinus poeta dixit; *Quantum vos nocte reponis*. Quâ igitur ratione humor est, materia est, qua tenuis, subit; qua attractus à sole & percoctus, ad generationem aptior, apparatus enim formæ vehit sociam materiam, quibus coeuntibus progigni animal contingit. Neque solum roris proles est, sed & papilionum filia; ut dictum est, atque ut ipsa experientia testatur: imò maxima Erucarum pars ijs debent profapiam, præterque Brassicariam & convolvulos, paucæ alias nascuntur. Hi enim (*ἵμεν* à Græcis dicti) ex rore vel humore in telis concluso atque putrescente fiunt; præcipuè statu orientali aërisque tepore corruptionem accelerante. Tunc enim tam immensa illarum nostris regionibus acies prorumpit, ut tot nisi ex putredine provenisse, neque vere dicere neque cogitare possis. Magni omnes helluones herbarum atque arborum: unde Philippus Parasitus de se jactitat apud Athenæum in Pythagorista, *ἐπὶ λαοὺς θύμων λαχέται τὴν χήματι*: *vescens thymo olereis, Eruca sum*. In hunc etiam sensum Martialis: *Erucam malè pascis hortus unam*. Vbi devorandi tempus præterit, vagulæ huc illuc & jejuna migrant, sensimque marcescentes fame, aliæ intra, quædam supra terram locum idoneum quærunt, ubi sese vel filo appensæ in aureliam membrana tectam, vel in nudam thecam transformant: hoc media si æstate contigerit, post 24. dies rupto cortice evolat statim papilio: sin adultiore autumnno, per totam hyemem durat aurelia, nihilque ante calorem vernalem excludit. Nec tamen omnes Erucæ in aurelias convertuntur, sed aliæ contractæ (volvoce nempè) putrescunt, & quibus nonnunquam tria quasi ova nigricantia excidunt, muscarum vel Cantharidum matrices. Quando papilioes serò coiverint, ova depromunt ad ver usque proximum, (si diligens eorum cura habeatur,) vitalia; ut in Bombycibus usu venit, quorum ova per uncias librasque vendi apud Hispanos, haud nova res. Has erucarum transmutationes Theophrastus rectè distinxit his verbis. 2. *περὶ φύλων, ἀπὸ τῶν μὲν ἐκ χήματος, χυμωδὺς ἔστι ἐκ τῶν δὲ φύλων, ἐκ φύλων ἢ πάλιν χήματι*. An vero Chryfallis Aurelianæ animal sit necne, ubi ad Apoda Insecta ventum fuerit, disputabitur.

CAP. V.

De Qualitate & usu Erucarum earumque Antipharmacis.

 Mnes Erucæ uridam vim habent, cutique deglubendæ & vesicis excitandis aptam. Pityocampe longè est perniciosissima, sed maligna singulæ, minus tamen depiles & glabræ. Cælij Secundi filia, Basileæ degens (inquit Gelsnerus) cum aliquot in horro brassicarias Erucas devorasset, à largo vomitu ventre intumuit; qui tumor, jam multis annis molestus, curam adhuc non invenit. Guilielmus Turnerus Theologus ac medicus doctissimus, Petri nostri ad Medicinæ ipsius medicinam nati scælix pater, nobili cuidam Anglæ medicamentum Catharticum propinavit, cujus ope Erucam hirtam evomuit, quæ per incuriam devorata diu miseram affligerat sævis doloribus. Meminisse tamen volumus (inquit Marcellus Virgilius) cognomines in mari bestias, & erucas dictas, à veneno longè abesse; imò à maritimis incolis inter ultimæ mensæ fercula censerì. Contra vero

vero maleficas & venenatas, supra, tum in Cantharidum & Buprestis, tum in Pityocampes historia dictum est: parem enim curam postulant atque admittunt. Si hortos arborésque ab ijs illasos velis, quicquid telarum denu-
datis ramis adhærescere videris, per hyemem auferito; si enim ad ver per-
manserint citius natas conspexeris, quam remotas. Brevi quippe spatio om-
nia devorant, virentia, & flosculos absumunt. Alij lacerti viridis, alij Tauri
felle arbores illinunt, quod non ferri ab ipsis posse fama percerebuit. Rustici
eas sulphure paucum cum stramine sub arbore accenso suffocant. Terra subas-
culi arboris radice effossa si in horto spargatur, erucas profugatur Hildegardo
autore. Columellæ contra eas remedium (ceu impudicum Democriti præ-
stigium) omittent, nisi Plinius & reliqui ferè omnes rusticam disciplinam
colentes eidem applauderent. Verba sic habent:

*At si nulla valet medicina repellere pestem;
Dardania veniant artes, nudatq; plantas
Famina, quæ iustis tum demum operata juventa
(Sed resoluta sinu, resoluta mæsta capillo)
Legibus obscana: vivat pudibunda cruore;
Ter circum areolas & septem ducitur horti,
Quæ cum lustravit gradiens (mirabile visu)
Non aliter decussa pluit, quam ex arbore nimbus,
Vel teretes mali, vel teicta cortice glandes,
Voluitur ad terram distorto corpore campè.*

Plantas vino irroratas non tangunt. Theoph. Fumo psoræ herbæ illic
moriuntur. Aetius. Vnde apparet (inquit Silius) scabiosam vulgo dictam,
non esse psoram. Orob præsidio tuta est ab Erucis brassica. Erucæ brassica-
riæ contactu vermes in Diplaco inventi cadunt. Plinius. Brassicam dum tria
tantum folia remittit, nitro, terra fuliginosa, vel cinere aspergito, & felledi-
nis ratione erucas arcebit. Geopon. Palladius ea in re cinerem fici præfert. Si
anci vel Paguri fluviales per decem dies Soli fuerint expositi & suspensi,
Erucas ab oleribus fugabunt. Cardanus ex Palladio. Alij femina jam terræ
committenda, leviter succo majoris vel Erucarum sanie madefaciunt, ut ab
Erucis sint libera. Scilla in hortis sata aut suspensa Erucarum generationem
impedit. Alij mentam, alij eruum, alij absinthium in hortorum ambitu serunt
ut Erucas tollant; quidam non temerè caules & folia alij in hortis includunt,
quo fumo undique diffuso concidunt Erucæ. Pallad. apud quem plura an-
tipharmaca legere cuique facile. Si vero equus eos devoraverit, tumores
surgunt, arescit induraturque cutis, oculique excavantur, inquit Heracles.
Medicamentum vero præscribit huiusmodi: *χρὴν εἶναι λάβοντα δριμύτατον, καὶ πικρὸν
ἡμικροτὸν, καὶ ἐν ὁσίοις ἰσχυρὰν μὲν ὄντα, συγχρίνειν τὸ σῶμα, φυλάσσειν αὐτὸν μὴ εἰς τὴν οὐδελιαν ἐκπίπτειν.*
Nunc earum in Medicina & repub: usum dicemus. Erucarum tela & invo-
lucrum (Sericiæ mulum) eorum, muliebrem fluorem statim sistit, *Math.*
Vista item & naribus indita hæmorrhagiam cohibet. Ligustrum depascens
eruca, non solum Cyprium piscem mirè allicit hamo obducta, sed etiam ejus
simus naribus inditus, Epilepticis ab utero mulieribus statim succurrit: ut ab
obstetrice quadam expertissima & fide digna accepimus.

Erucæ esulares sive tithymallides ad purulentos uteros (Hippocratis sen-
tentia) valde sunt utiles, præcipuè si in sole exiccantur, cum duplo vermium
stercoriorum pondere, modico deinceps aniso addito tenuissimum pulve-
rem redactæ, & cum vino albo fragrantissimo diluæ exhibeantur: gravitate
vero accedente in ventre cum torpore, aquam mulsam modicam superbibat.
Hippocrat. lib. de superfat. vulgares illas & gregarias erucas contra anginam
in potu exhibet. Diosc. lib. 1. cap. 90. Verum nisi occulta proprietate pro-
sint,

sint, propter manifestam damnandas, eo præsertim in morbo, censemus.

Eruca hirsutam exiccatam in pulverem, fluxum ventris sistere, norunt Germani. Nicander ad somnum item conciliandum ijs utitur: sic enim scribit,

ὡς οἷα τῆρας ὀλίγω ἐν βότρυσι κρύπτει
καυτὸν δ' ἐρῶσεν ἐπὶ χλαυήδιν πύλον δ' αἶ:

Quæ Hieremias Martius sic vertis:

Quod si rodentes olus & frondentia vermes

(Curva quibus virides depingunt terga colores)

In medio sacra de Palladis arbore succo

Triveris, hincque tuum colleveris undique corpus,

Tuta dabis dulci securus membra quieti.

Sunt in spinosis hirtisque herbis (quales in urtica vidimus) asperæ & lanuginosæ quædam erucæ, quas alligatas protinus mederi tradunt infantibus, quum ijs cibus faucium isthmus non transeat. Eruca oleracea trita illitaque super venenato serpentum morsu, confert. *Avic.* Si Brassicaria eruca dentem vitiosum sapius fricaveris, intra paucos dies ultro excidet. *Idem.* Erucæ oleo mixtæ Serpentes fugant. *Diosc.* Si ejusmodi oleo manus, aliæve partes linantur; ne quis ab apibus, vespijs vel crabronibus lædatur efficiet. Actius. Plinius superstitionis multa ex magorum sententia citat, de virtutibus erucarum; quæ cum Theologorum scholâ ejecta viderim, & tacita mente damnarim, nolo hic commemorare. Varijs item avibus nostro usui & victui necessarijs, cibo sunt; nempe monedulis, sturnis, pavonibus, gallinis, turdis; ut taceam trutam, rubeculam, tincam, Cyprium, Scorpionum, Luciumque pisces, qui erucato hamo faciliè falluntur; cujus fraudis modos si scire velis, Tarentinum in Geopon. consulito. Quis item (ne animæ medicinam per erucas datam præteream) Dei misericordias inter palantes Israelitas non cecinit, quum Erucarum quasi diluvio inundantem Aegyptum viderent? Quomodo item Romanos duplex una æstate nimbus erucarum anno 1570. expavescit, cum nihil in eorum agro virescens ab illarum prædatrice gula liberum superesset? Sane licet hujus tam gravis poenæ memoriam insequentis anni fertilitas absterferit, multos tamen poenitentia ductos de emendatione vitæ cogitasse, non est quod dubitemus. Faxit Deus ut aliorum vapulantes supplicijs, nos immunes servemus; ne quam levissimam creaturam esse putamus, eandem longè gravissimam (potest id enim Deus) sentiamus.

Prodigia.

CAP. VI.

De Sphondyle.

Nomen.

Σφονδύλη Græcis, Verticillus Gazæ dicitur. Plinius Græcum nomen non mutat, sed Sphondylam appellat. Germanis *Engerle*, ut Georg. Agricola docet. Gesnerus *Twaer* etiam vocari memorat, quia Serratis pedibus in diversum vadit. Angli Boreales *andever* appellant, Meridionales *Whurworme*, id est, verticillum, sive convolvulum. Vincentio, *Zuvarola* dicitur; quia cucurbitas infestat. Errat Plinius qui hanc serpentem fecit, cum inter insecta, vitæ institutum & ratio ipsam annumerat. Si hic Gazæ, Plinij, Theophrasti, Absyrti, Phavorini, Aristophanisque Scholiastes, & Erasmi dissidia, de natura & forma Sphondylæ attexerem; videar revera quod dicitur *ἀνὴρ ἀνθρώπου*, titiōnemque potius ad hoc ingeniorum incendium, quàm aequulam afferre. Quin potius ex illorum dissensionibus id colligo; Duas esse Sphondylarum species:

species: aliam nempe domesticam, aliam sylvestrem. Sic enim Aristoteles & Abfyrus. Σφαυλὴν ἐστὶ μακρὰ σφονδύλην, ταῖς κατὰ οἰκίαν. Coeunt (inquit) Sphondylæ domesticæ averſæ, etiam in nostro conspectu (ut Scarabei) mari superveniente fæminam, diuque in coitu hærent. Apage igitur Plinianas nugæ, qui has serpentes esse voluit, qui nullo modo averſi coeunt. Hocychius & cum sequutus Favorinus, hoc modo describunt: Σφονδύλην οὐκ αὖτε γὰρ φανερὸν ἔχει, ἀλλὰ σφονδύλην ποικίλην, οἷς ἀρετὰς αὐτῆς. Aristophanes vero & ejus Scholiastes hoc modo: σφονδύλην οὐκ αὖτε γὰρ ἐστὶ βέλεια σφονδύλην. Camerſius ex Aristophane, σφονδύλην οὐκ αὖτε βέλεια σφονδύλην ποικίλην οὐκ αὖτε. Ex quibus statuo, Domesticam illam Sphondylam, & Silphio similem, graviter olentem; quam si tetigeris fugitat, & præ metu male pedit. Sic enim Aristophanes ἐν ἐπιγνῶν. ὅς ἐστι σφονδύλην ποικίλην ποικίλην ποικίλην. Quo in versu Erasmus (per quem nescio Atticismum), Sphondylen *Telem* interpretatum esse, Chil. adag. 3. cent. 7. nequeo satis mirari. Est autem exiguo corpore & subnigro (inquit Plinius) quæ & tacta dum vivit, & post mortem teterrimum odorem emittit. Hanc me nondum vidisse ingenue fateor, sive per cœli nostri sive per folii antipathiam fiat. De Sylvestri Spondyle hæc apud Theophrastum legimus, τὸν μὲν ἔξω θηρίων ἄλλο μὲν ἔστιν ἀπὸ τοῦ ριζῆς ὑψηλῆς: ἡ δὲ σφονδύλη παρὰ τὸν μὲν ἐν ἰδίῳ τῆς γῆς οὐκ ἔστι. Quæ verba Gaza reddidit latine: E bestiolis externis (*id est*, quæ non ipsis radicibus innascuntur, sed extra eveniunt) nulla radicem aliquam tangit, excepta Sphondyla; quæ intactam nullam relinquit; eaque est propria hujus Insecti natura. Georgius Agricola, philosophus doctissimus, de Sphondylis rhizophagis sic scribit: Sphondyle Vermis infra terram reperitur, circa radices convolutus (quod certè nunquam observare potuimus) ut Verticilli, (quem Græci σφονδύλην vocant,) speciem præ se ferat, unde nomen invenit. Ei longitudo & Crassitudo minimi digiti, caput rubrum, reliquum corpus album, nisi quod supernè nigricat, ubi cibo hærente turget. Hæc hortorum pestis cum nec careat pedibus (sex enim habet) nec serpat, tamen fruticum cortices quibus radices obducuntur exedit, nec quicquid à radice cucumeris affini, chamæleontis nigri, centaurei, pancedani, aristolochiæ, vel vitis silvestris temperat: quas aliud quodcunque insectum ne attingit quidem. Illud insectum est procul dubio ille vermis, quem Malleolus ille in libro suo de spurcissimis exorcismis introducit his verbis: Vocatur (inquit) quidam vermis Germanicè Engar vel Ingar, sub terra vivens, longitudine medij digiti, coloris al-bicantis, capite nigro, sepes; qui gyrando, sulcando, evertendoque terram, & corticem erodendo plantis sterilitatem inducit.

Tertio suæ generationis anno instar formicarum volantium prorumpit, quæ parentum similes arboribus inhærent, ac fructus absumunt: tum vulgò vocantur *Lambkaeser*. In diœcesi Moguntinensi tanta illorum multitudo fuit, ut frustra excogitatis omnibus remedijs, solo exorcismo fugatæ (sic enim ludit Malleolus) abjerint. De his item Cordus: Sphondylæ subterraneæ sunt vermes Inger vel Enger à Germanis; quasi ἰγγερί dicti.

Anno suum ortum sequente semper in Scarabeos Maiales vertuntur: radicibus vim inferunt, & quaslibet (etiam amaras, venenatas) tam fruticum quàm arbusculorum radices erodunt, ita ut subito herbæ totæ, vel saltem folia flaccescant. Quod cum olivores vident, terra circa radices effossa vermes extrahunt atque interimunt. Aprili, Mai-que mensibus plurimum nobis nocent, Julio & Augusto reperuntur multi apud nos locis maricosis; sed Vermes Maiales nulli, nisi in Devonia & Cornubia Angliaque occidentali. Hoc advertendum diligenter, haud secus Insectis accidere, quàm plantis; ut scilicet

colorem semper cum regione & terra mutant. Vidi enim & habeo penes me sphondylam cruciformem, colore ex cinereo albicante, capite nigricante; tacta veluti sese in sphaeram colligit, & Verticillum feminarum fuso nentium scitè exprimit: unde nomen. Extra terram torpet, aëris impatiens. Vulnerata liquorem emittit dilutius atrum, quo tanquam encausto literas scribere

quis possit. Habeo & rubram sphondylam intra terram ad duorum pedum profunditatem viventem: cui caput nigrum, os forcipatum, collum ex luteo rubescens, dorsum coco infectum, sex pedes anteriores miniatuli, venter reliquumque corpus omnino flavum; nisi lateri utrique juxta ventrem, octo rubescencia punctula, ornatus nomine addita fuissent. Medium digitum longitudine æquat, & vergente æstate in muscam transmutata abit. Vidimus quoque lucidam, corpore crassiore, satis à medio dorso ad caudam carulescentem: à collo autem cæsi magis coloris videbatur, caput illi flavescens, uti & pedes: os forcipatum atque rubeculum. Dum juvenis est, toto candicat corpore: Livor ætatem sequitur, incipitque à cauda. Mirum quo modo corpus in latum longumque undoso quodam motu sine loci permutacione agit, ac inter movendum colores sæpius mutat. Nam dum in terra quiescit, albicat tota; dum vero agitur, quasi per iracundiam, livescit. Omnino Cossis majoribus simillimum Insectum, quod ad corporis formam attinet;

sed illi sese in verticillum agere & torquere nequeunt. Ex isto vermi magnum muscæ genus natum conspeximus, quatuor alis donatum. Aliam denique habemus juxta cæpæ radices inventam, ejusque fere cum livida magnitudinis, capite viridi, quatuordecim pedibus, cornuta, & ex albo viridante cauda: toto corpore viridi, albo, Xerampelino, coloribus mixtis notato: nos Capariam vocamus; quarum hic omnium Icones representamus. Nunc insuper Ioach. Camerarij de sphondylis sententiam addere placet, cujus mihi judicium semper integrum. Sphondyli (inquit) forte sunt isti vermes qui in terra inveniuntur, initio Veris, planè candidi, aut potius nonnihil lividi; qui autumno fiunt obscure virides; & pellucente è cute, pullo quodam succo colorantur: Caput ijs spadiceum, nigricans, & satis durum, ut faciliè radices arrodere possit, Erucæ statim conglobantur, & moriuntur, aliasque resumunt formas, muscarum aut erucarum. Crassitie sunt digiti unius & longitudine sesquiunciali; pedes

habet octo in medio corporis, quod caput spectat: nostri vocant, *Erdsworme*. Guilandinus dicit Sphondylos esse vermes, sic dictos, quod instar Verticilli radicibus herbarum circumvolvuntur. Alij etiam vermes, nigri, subrubentes, testaceoque cortice, multis pedibus instar scolopendræ præditi (cui etiam

cognati videntur, nisi quod rotundiores, nec ita lati) reperiuntur in terra eruta prima æstate, eo quo dixi modo, (si quis eos tetigerit) convoluti. *Engerlin* quoque



Vide Ioach.
niam Camerarij
de Sphondylis.

quoque vocant. Germani vermes subterraneos, flavos, nigro capite; juxta quod pedes tenues; in reliqua corporis parte nulli. Hi cum eruti fuerint, in globum se formant, atque soli expositi statim tabescunt. Vivunt enim tantum intra terram, & plantarum radices arrodunt. Omnes hi sese conglobantes vermes, quis non inter Sphondylas censeret? *Haellenus Camerarius*. Niphus in Aristotelem, verticulum dicit esse aranei speciem globosam, in cujus medio corpore concavitas quædam conspicitur verticilli formam referens. Sed hoc contra philosophi mentem somniavit, & nos lusit. Sphondylarum in medicina quis usus fuerit, nondum legimus aut scimus. Illud constat ex Philosophorum principe, noctuas & nocticoraces eas venari; uti fortè & Talpæ. Cordus venenatas sentit. In Aethiopia Scorpiorum, quos Sibyras dicunt, Sphondylis item vescuntur (Aeliano teste:) à quibus ad Staphylinos transimus.

CAP. VII.

De Staphylino.

Σταφυλίνος, Gaza pastinacæ vertit herbam, oscitante quadam incuriâ vel potius imperitiâ. Sed ut in Scholijs Nicandri apparet, neque antiquis medicis fatis cognitus. Nam Scholiastes scribit staphylinum Sphondylæ similem bestiolam: alij Cantharidi similem affirmant. Hippocrates semel ejus meminit, sed non describit.

Aristoteles de Equorum morbis orationem instituens, irremediabile malum esse dicit, *ἡ στὰφυλίνος ποιεῖ χάλαρα, τὸ δὲ ἐστὶν ἡλικὸν σφονδύλην*. Absyrtus autem sic scribit: *ἡ στὰφυλίνος ὁ κραιπνὸς τῆς σφονδύλης, τῆς ἐστὶν οὐκίαν, μὲλλον δὲ ἔσθαι, ὅτε τῆς ἀρχῆς περὶ τὴν χεῖρα περιέρχεται ὁ πρὸς τὴν ἐξῆς*. Staphylinus (inquit) similis est Sphondylis, quæ in ædibus versantur, sed maior; ubique in agris gignitur, & graditur elevata cauda. Vnde sane verum Staphylinum dignoscere nullius negotij rem fore perpicimus, si domestica nobis Sphondyla non esset ignota. Tamen ut meo officio & lectoribus fiat fatis, duo Insecta suis cum Iconibus depromam, quæ an Staphalini dici debeant, equidem nescio; sed non longè differre, plusquam conjectura est: prima (ut videtis) tota cum splendore nigricat



Blattis non multum dissimilis; sed corpore magis gracili ac longiore. Totum corpus duos digitos transversos vel minus longum, cauda bifurca; quam dum aufugit, (fugit autem atque currit valde velociter) quasi in sui defensionem elevat, ac duos veluti aculeos candidissimos, breves, extrudit: verum nec pungere eum vidimus, nec ferire; minoresque & molliores aculei sunt, quam ut penetrare possint. Hos dum per iram exerit, effundit cum ijs albam & crassam quandam substantiam, sed humido unguento molliorem. Vit

maxima ex parte subter terram; sæpius tamen inter segetes supra terram conspicitur. An vero Sphondyle Aristotelis vel Absyrti sit similis, ignoramus. Rustici Cantiani animal venenatum credunt, bovesque ejus veneno non secus quam Buprestis inflari. Sane venenatam bestiolâ Staphylinum esse apparet, non

solum ex ipso relatione, verum etiam ex Aristotelis & Nicandri auctoritate. Secundû staphylinum vermem forma mirabili, à Nobili viro Edmundo Kaiet sua ipsius manu graphicè pictum accepi, in Norfolciâ Anglorum satis frequentem.



frequentem. Caput illi parvum
é puniceo fuscum, ferè globo-
sum; os forcipatum atque exi-
guum. Proximè à capite tres
utrinque pedes; quorum duo

priores breves sunt, (Erucarum more :) quatuor reliqui colore fere sangui-
neo, quadruplo longiores. In medio corpore sub ventre octo habet pedes
obtusos, veluti etiam Eruca. Cauda tuberosa, & duabus fetis bifurca. Vene-
natam utriusque naturam ex eo didicimus, quòd equi duo, dum cum feno eas
devorarent, toto corpore inflati interierunt. Quo in morbo Absyrti remedia
nosse non erit inutile, ut simili deinceps in casu habeamus in procinctu, quo
equis mederi possimus.

Σταφύλιος βοσκόμενος ἐν τῷ σῳ, ἀπὸ τοῦ χόρτου ἐν τῷ χόρτῳ, &c. id est, Staphylinum si equus
ore prehensum manderit, dum granum vel fenum depascit, ejicit eum illico,
propter spiritus acrimoniam & cruores quasi viperinos. Intumescit autem
postea tumoribus max. mis.

Primum igitur tumores copiose fomentato, ablue, & frica mari calido. Tum
acceptis fecibus aceti, linum tenue concisū ipsis injice, quæ coquito cum aqua,
& perunge totum : Vbi vero capit medicamentum, consistat in tecto calido,
& molliq; stabulo, pannis indutus, & ignis perpetuus proximè accendatur.
Vnctio autem copiosa fiat & matutina; dehinc tertio die multum eluatur
aqua calida, & sudorem exicca; tum tectum fricato, fricatum nitro perun-
gito. Neque timeas si labijs & oculis tumescat (solet enim ita contingere;)
nam certò convalescet citissimè hoc pacto equus, & in pristinam sanitatem
restituatur. An vero hi cum Cordi staphylino vel Gallorum *Coursilles* con-
veniant, videant æqui rerum æstimatores. Inveniuntur in hortis parvi digiti
quandoque longitudine, tumulosque elevant, more talparum, in quibus dor-
miunt. Thymum potissimum & sambucum infestant; sed non ita, quin alijs
quibuscunque herbis plantisque vim inferant. Si quid vero alijs de Staphy-
lino certius habuerint, per Philosophiam & Physicam rogandi, ut hic suum
quoque collocare talentum non graventur. Sicut tandem Naturalis Insectorum
historia, ipsorum operâ locuples facta, non grates solum gratissimè sed & sor-
tem quoque cum fœnore amplissimo benefica rependet.

CAP. VIII.

De Scolopendris & Iulis.

Scolopendra, Iuli, atque Aselli ultima hic acle positi, pedum numero
Erucas Staphylinosque & Sphondylas, imò omne insectorum ge-
nus longè superant, unde Multipedæ nomen maximo & veluti pecu-
liari jure ijs competere videatur. Hæc Aristoteli *αὐλὸς τετραπόδος*, Theophrasto
αὐλοδρία, Dioscoridi (à serpentum interitu) *ἐρεμνίστην*, Varino & Helichio
ἀμυδρόπαρον; alijs *ὀδὸν*, nonnullis *μυδόντος* & *μυδόντος*, vulgo Græcorum *αὐλονίστρα*
dicitur. Latini item Scolopendram vocant, & sepam, & porcum lutosum,
& Centipedam, millepedam, Multipedam; quæ tria ultima nomina Iulis
item attribuunt. Hebraicè *Ghazam*, Arabicè *Alcamptia* & *alamula*, ut Sylva-
ticus testatur. Alberto *Almuga*, *alsapua*; Polonicè *Stonogrobak* *gaflanka*;
Hungaricè *Zonos*, *hiragopap*, *matzkaia*. Germanicè *Ein nassel*; Italicè *Cent-
topede Vermi*. Gallicè *Chenille*, *milleped*; Anglice *Scolopender* & *Manyfoot*
appellatur. Tantum à Iulo differt (mea sententia) quantum locusta marina ab
Aftaco; pariformes enim sunt, sed hi semper minores, neque adeo morsu in-
festi, nec venenati.

Maxima

Maxima terrestris Scolopendra, ea quam vides crassitie & longitudine est, color totius corporis ex fulco nigricante splendens. Singulis incisuris pedunculus appendet luteus, *id est*, in singulis lateribus sexaginta prorsum & retrorsum æqua facilitate promovet. Num et caput versus ingreditur, & in caudam; ideoque à Nicandro & Rhodigino biceps dicitur. Partem inter caput & alium non simplicem sed multiplicem habet: quo fit, ut præcisum hoc genus vivere possit. Irritatus hic Scolopendra tam acriter mordet, ut Ludovicus Atmarus (qui nobis eum è Libya dono dedit) quamvis chirothecis duplicique linteo munitus, vix eum manum petentem ferre potuerit; altè enim in linteum os forcipatum adegere, diuque pendulus vix tandem excuti permisit.



Horum alium ex nova Hispaniola allatum linea quædam flammea medium per dorsum ornat, atque æneus later pilorumque color commendat: habet enim capillares pedes, atque armatum se tollens celerrimè currit. Hoc summa admiratione dignum est, quum natura huic animalculo caput minimum dededit, memoriam tamen, vimque rationis æmulam, neque congio, nec urceo, sed amplissima quædam mensura tribuisse: cum enim innumeri adsint pedes quasi remiges, & à capite veluti clavo alij perinultum distant; novit tamen quisque officium suum, & pro imperantis capitis mandato in hanc vel illam partem se conferunt.



Alius item ad nos ab Augustini promontorio ex India perlatu, corpore nonnihil atque pedibus major, qui septuaginta livescentibus incisuris, & bis totidem spadicis pedibus constabat.



Plures Scolopendras reperiri non dubito, omnium ferè colorum, præter viridem: quamvis etiam Ardoynus de viridi mentionem facit. Inlita singulis proprietates (ex Theophrasti sententiâ) ad Gladioli herbæ radices sese conferre. Bubulas autem exuvias meretur Robertus Constantinus, eumque secutus Stephanus, nec non Ardoynus ipse; qui Scolopendram primum serpentem, deinde octipedem, tum in cauda cornigerum, ultimò tardigradum esse comminiscuntur. Taxandi Rhodoginus, Albertus & Avicenna, quòd nullum Insectum supra viginti pedes habere temerè affirmant, illique numero Scolopendram alligant. Quamvis etiam Nicandro biceps dicatur his verbis:

ἡ δὲ ἀμφοτέρωθεν ὁππότε ἀνδρῶν καὶ γυναικῶν
τῆς δὲ ὡς ὑπάρχοντα ὁποῖα καὶ θηρίων

Tamen pace tanti auctoris dixerim, unicum illi, duntaxat caput, licet pari facilitate prorsum capite, retrorsumque ducente caudâ incedat : quod Nicandro alijsque imposuisse minime dubito. Verum (inquit) utraque item parte morsum infert. Quod sanè æquè à veritate abhorret. Ore enim duntaxat forcipato mordet, cauda vero non aliter la dit, quam venenato contactu & virulenti cruoris exudatione.

Terrestres Marinâ savior habetur, Oppiani iudicio, & revera est. Cui opinioni Grevinum Parisensem nullâ authoritate fretum in lib. de venenis repugnare, maximè admiror.

Nequam hanc bestiolum ac venenatam esse omnes historiæ testantur, ac eò magis quo sunt hirsutiores. Rhytienses horum multitudine sua civitate ejectos apud Aelianum, atque Obterictes apud Plinium, ex Theophrasto legimus : unde quamvis nos Scolopendras ultimâ statione locavimus, tamen eos in divina militia & ultione exequenda primos aliquando fuisse colligere possumus. Rustici ex Scolopendrarum exitu frequenti, serenitatem aëris præfagiunt : vbi verò se abscondunt, pluvias prædicunt ; Marcellus Virgilius in Dioscor notavit. *In medicina hos usus obtinent.* In oleo decocti capillos auferunt levi cum pruritu. Gal. 11. Simpl. & Aet. lib. 7. adversantur cimicibus fetidissimis animalibus, atque eos suffitu necant, vivosque devorant. Rursus moribus, interius sumpti vel illiti medicinam afferunt Cimices, reciproca quadam & quasi æmulante Antipathia, ut ex Plin. & Ardoyno lib. 6. de venenis, manifestum est. A morfu Scolopendræ terrestres, locus undique liuescit, putrescit, intumescit, & vini rubri fecibus similis videtur, ipso primo morfu exulceratus. Aegineta. Aetius dolorem addit intolerabilem.

Dioscorides totius etiam corporis pruritus. Omnes insanabilem tradunt morbum, omniaque fere remedia respicientem. Symptomata habet, (inquit Anazarbæus) uti & præservationem & curam, cum viperæ morfu communia lib. 6. Cap. 23. Contra hunc morbum alia intus sumuntur, alia foris applicantur. *Inter interna,* Aegineta commendat trifolium asphaltites cum vino haustum. Dioscor. rutam sylvestrem, dracunculi radicem tritam, asphodeli, radicem, semen & flores, serpylli ramos ac folia, calamintham, feniculi & aristolochiæ radices, ex mero vel ex vino & oleo multum effert. Actarius nepitam cum vino exhibet. Plinius salem ex aceto, vel potius spumam salis, quasi utiliore laudat. Plurimi etiam facit mentastrum, vel pulegium sylvestre, cum vino exhibita. Aetius absinthium & mentham cum vino propinare jubet. *Externa* quod spectat, locum vulneratum primùm scarificato, profundè incidito, ac venenum per cucurbitas extrahito. Tum succi centaurij minoris cum tertia parte vini dulcis ad mellis consistentiam coctum imposito, & corium superligato, per. 8. aut 14. dies : locum deinde cum spongiâ vino calido intinctâ foveto, & Scolopendræ morsum certo curabis. *Anonymus.* Plinius varia ad id medicamenta etiam præscripsit ; nempe acetifeces ; ablutionem cum aceto factam ; milij farinam cum pice liquida, butyrum cum melle ; caprifici grossos cum eruo & vino ; læsi ipsius atque veruecis urinam ; salem combustum ex aceto & melle illitum ; pulegium sylvestre cum sale ; salem cum pice cedria & melle ; cuminum sylvestre cum oleo, atque omnia adianthi genera. Dioscorides laudat allium, cum folijs ficus & cumino, & cum farina crui & vino ; calamenthæ item folia, & hordeum ustum cum aceto ; laudat item fomentum ex acida muria factum. Archigenes aqua Aluminatâ ; Aegineta oleo multo calido locum foveri jubent. Nonus oleum rutaceum calidum præscribit.

Quidam

Quidam intus atque extra ea plurimum efferunt, quæ ad Muris araneis morium dari solent. Aristoteles Scolopendras liquidæ styrcis fumo elici, atque deludi scribit, cuius dum inhæret visco, facile capitur.

De Iulis.

Sequitur Iulorum genus: quos ^{ἰῦλοι} Græci, mea quidem sententiâ non à Slanugine, sed à nucum iuglandium atque avellanarum veluti caudis, quarum villi callo compactili infixi, Iulos hos repræsentant: unde & ipsi ^{ἰῦλοι} nomen sortiti. Ego latine Iulum dici non nescio, sed Triremem quoque dicere aude- rem: Quandoquidem Lycophron Paridis triremes numerosis utrinque scal- misceleres ^{Σκαλμιζέρες} vocat. Eandem similitudinem Nicander Scolopendris applicat, unde pariformes esse Iulum ac Scolopendram facile apparet. Hos Hispani, *Centopæas*, Itali *Cento gambi*: Angli (ex me forsan) *Gally worme* dictu- ri. Numerius Lumbricos terrestres nigros Iulos item vocavit, Athenæo teste lib. 7.

^{ἰῦλοι}
Καλὸν τὸν ἰῦλον καλεῖται τὸν ἰῦλον καλεῖται:

Nihilominus nisi fuerint etiam multipedæ, in Iulorum numerum nomenque non venient. Sunt autem Iuli breves (ut dixi) Scolopendræ, pedum numero non Asellum tantum atque Erucarum gentem, sed omnia alia Insecta vincen- tes. Iulorum alij glabri cernuntur, alij hirsuti. *Gladium* unum vidi in lactuca



capitata, parvi junci fluvialis crassitie, atque ea quam videtis magnitudine: caput illi nigerrimum, dorsum aurea tinctum flavedine. Venter ex casto argentatus; incisuræ pedesque capillares totidem ut oculos & memoriam facile fugerent. Secundus totus nigrescebat, alba lineâ exceptâ, quæ à capite ad caudam usq; rectâ per dorsum ducitur. Tertius

obsoletius flavescit; caput illi rubescit, uti & pedes; antennæ autem & na- scentes juxta caudam setæ livescunt. Quartum si corpore nigrius punicantem feceritis, pedibus autem & antennis levius, facile rem expedietis. Horum alios è musco arborum corticibus innascente prodeuntes, alios sub ollis truncis- que putridis latitantes cepimus. In *hirsutos* non plures incidi quam duos.



Primus hac figura & forma albicans, in muro repsit; pili brevissimi innascentes nigri fuerunt. Secundus ventre sublivido dorsoque inamæna flavedine maculato: est il- li os punicatum, ocellus niger, pili canescentes. In arboribus effatis atque an- nosis inter corticem & lignum latitat, atque etiam inter saxa musco villosa ac denso obducta. Omnes Iuli tactu se in gyrum colligunt & convoluunt. An sint venenati equidem ignoro: sed si fuerint, sane perbeatum Pennium! qui varie ipsis nuda manu irritatis ac læsis, immorsus sanusque evasit. Georgius Agricola ænei coloris Iulum (sed is Scolopendram vocat:) his verbis recen- set; Scolopendra admodum exigua, in truncis arborum, aut in palis ferræ infixis, (unde nomen invenit) gignitur & vivit; quibus amotis vel com- moris egreditur, aliàs omnino latitura. Pennis caret, sed plurimos ha- bet pedes. Si quando repit, corporis partem mediam, veluti areum in- tendit: si bacillo aliave re tangatur, se contrahit: color illi æneus; cor- pus tenue, nec latum, tres transversos digitos longum; ad summum qua- tuor.

Alia item specie, iisdem ferè locis reperitur, corpore exili & terete, fili- fere crassitie, spadiceï coloris dilutè: pedibus adeò numerosis atque exiguis,

ut



ut eos numero complecti *ex tñr adinatur* sit: quatuor digitos transversos longa est: sub ollis degit & asseribus putridis. Avicennæ Scolopendra (qui etiam Iulus) solummodo 44. pedes habet, palmam longus, tam exilis ac tenuis, aures ut intrare possit, lib. 4. Fen. 6. tract. 3. cap. 19. Hujus (inquit) aut nullum aut languidum venenum est, nec magnum dolorem excitat: qui floribus Asphodeli, vel sale cum aceto mixto statim sedatur. Iuli nostrates (inquit Gesnerus) si in ædibus fuerint, ad Saccharum Thomæ, *id est*, purissimum (cui ad optimum caseum mures;) congregantur. Bruerus noster (peritus ac industrius naturæ explorator) Scolopendras se hic in Anglia vidisse, & habere refert noctilucas, in ericetis muscosis toto corpore fulgentes. Cui licet, mentiendi nescio, ultrò credam: eò tamen magis, quod Ovidius idem in nova Hispaniola per agros; & Cordus in Germania in cellis humidis observasse se scribunt. Mirum videtur quod Plutarchus refert, Bestiolam asperam multis pedibus celeriter ambulantiem, multo cum semine ab Ephebo Athenis ejectam. lib. 8. Sympos. problem. 9. Iulus cellarius in pulverem crematus, mirifice urinam provocat. *Merula*. Iulorum cruor cum humore ex Asellis expresso, ad albuginem oculorum tollendam divinum & efficax remedium. Arnold. Brev. 1. cap. 18. Atque hæcenus de Iulis, de quorum natura Hesichij, Aristotelis, Nicandri, Lycophronis, & Ardoyni varias opiniones prætereo, quia variæ, non veræ.

CAP. IX.

De Asellis.

Aristotelis *ἰντ*, Medicis Græcis *ἰντ*, Theophrasto *ἰντ*, Dioscoridi *κυσβας*, Absyrto *ἰντ*, Asiaticis (Galeno teste) *κυσβας*, à forma fabæ, cui similis videtur dum se in globum contrahit. Vel quod (secundum doctissimum illum nostrum Staffordium Minoritarum Wigorniensium sub Ricard. reg. 2. præsidem) è fabarum folliculis culmifque solent prodire atque oriri: *τῶν* Plinius vocat, à callo cutifque duritie. Alijs *τῶν*; quamvis & pedum paucitate (ultra enim 14. non habet) & quod arcuare se nequit, longe alius à Scolopendra vel Iulo videatur. Valcant igitur Guillerini, Vincentij, Plinijque hac in parte insomnia, Iulorumque ijs nomen liberè negemus. *ἰντ* autem vocatur, non ab asini forma aut tarditate, sed quòd ad colorem ejus accedit, ut Pennius notavit. Est enim bestiola multiplex, coloris asinini, nascens in locis humectis. Dioscorid. lib. 2. cap. 37. Galenus 3. de loc. affect. & 11. de simp. fac. cap. *κυσβας*. Latini Asellum, Cutionem, & Porcellionem vocant. Centipedem Plinius male dixit, quum 14. tantum pedes obtineat. Angli à forma *Sowes*, *id est*, Porculas: à loco ubi stabulantur, *Tylers-lowse*, *id est*, Tegulares pediculos appellant: Vocantur item *Thurse lowse*, sive Ioviales pediculi, à spiritu quodam non malefico, cui eos majores nostri superstitiosè ferebant acceptos. Alijs item in locis *Chesbug* & *Chestip* dicuntur; sed nominis rationem nescio. Germanicè *Esel*, *Eselgen*, *Holtzwentle*, *id est*, arborum pediculus, quia inter corticem & truncum sæpius invenitur: dicitur etiam *Shefflein* Georgio Agricola, & vulgò *Keller esel*, quasi asinum cellarium dixeris. Saxonice *Eselchan*, à colore asinino, ut Græci *ἰντ*, Italicè, Porcelletto. Gallicè *Cloporte*. Hispanicè, *Galmilha*. Arabicè *Harna Haura*, *Gauda schachalochada*, *Kiren*, *Grix*, Sylvatico auctore. Brabanti *Pisse de suege* appellant. Parvum quidem Insectum est, digitum transversum vix longum, semidigitum fere la-

tum




tum (de grandioribus loquor) colore livido nigricante; præcipue ille qui in sterquilinijs & terra reperitur; qui vero sub tegulis & hydrijs, plane alfininum colorem refert; quatuordecim illi pedes, utrinque septem; singulis pedibus unica est junctura, vix percep-^{Descriptio} tibilis; duas habet breves antennis, ut viam tenter: tactus se in globum colligit; vel (ut Galenus loquitur) ad fabæ similitudinem, unde ^{αυμ} nomen indidit: latera circa pedes ferræ modo dentata: sub tegulis, vasis aquarum, in medulla arborum excelsa, inter corticem & caudicem putrescentem nascitur; ut etiam sub petris, ex humido putrescente nati. Deinde coeunt, & à coitu ovâ deponunt (unde vermis) candida, splendentia, margaritulis similia, multa, & eodem loco coacervata, ut anno 1583. observavimus: tepido humore vivunt, in rimis parietum aut adium latebris hyemem transigunt. Ex ovis primum vermes duriusculi excluduntur, qui aliquantisper ferè immobiles hærent & albicantes; tandem parentum more, liquorem atque rorem sugunt. In calidis regionibus & siccis etiam reperiuntur; sed ubi nocturno rore & vaporeque refarciunt, quicquid per diem humoris fuerat exhaustum. Galenus hoc Asellum pacto describit, *οἷον αὐτὸ κατὰ διὰ τὸ ὡς ἔστι πλάσσειν ἐν τοῖς εὐδαιμονοῦσι ἀγχοῖς, καὶ ἐν τοῖς κατὰ τὰς γῆρας, κατὰ τὴν δὲ τῶν δακτυλῶν ἐν τῇ σφαίρῃ.* Aristoteli fuisse eum cognitum id probat, quod pediculum marinum huic similitum dixerit, dempta cauda. Aselli attenuant, aperiunt & discutiunt, ut Galenus ex Asclepiade nos docet. Ad oculum contemptiles videntur, sed in oculorum remedijs præstantes. Intus item (carent quippe omni veneno) magno sunt usui; nam ex vino contriti & poti, *Urina difficultati auxiliantur. Diocorides*; cui medicamento hæc adjicit: R. asellos (inquit) duos vel tres, coque eos in modico garo, ipsumque garum ex aqua cyathis duobus bibito. Plinius ad calculum & Dysuriam ijs utitur hoc modo: R. stercoris murium & columbarum, ana ʒ. ss. porcellionum sive asellorum tritorum duorum corpora contrita bibe, & sedato dolore vel calculum vel areulas plurimas excernes. Idem Marianum Barolitanum affirmare, ex Gesneri schedis acceperimus. Galenus ex mulso eos propinat, & a regio morbo hoc pacto multos liberavit. Asclepiades hujusmodi ad dysuriam & asthma medicamento felicissime est usus: R. Elaterij ob. dimidium, asellos ex sterquilinio petitos, ac diligentissime tritos n. 3. ex aquæ cyatho propina. Gal. *κατὰ τὸν*. Asclepiades item antiquorum medicorum autoritate fretus, asellos vivos & igne combustos & cum cochlearis mensum melle sumptos plurimum commendat: asthma enim à proprietate curant: cui sententiæ Hollerij & Ioannis Agricolæ praxis fidem facit. Quidam torrent in patina sextarium illorum in cinerem albißimum, deinde cum melle exhibent. *Suspiriosis* medentur (inquit Plinius) ter septeni cum melle Attico triti, & pauca calida per arundinem hausti, scilicet ne os & dentes nigrescant. *Ætius ad idem* quinque vel sex cum hydromelite exhibet; & præter opinionem *anhelosis*, *suspiriosis*, *suffocatis*, etiam *elephantiasis* Asellos 21. cum melle optimo tritos, & ex aqua bibitos. *Paralyticis* mederi prodit Marcellus Empiricus cap. 35. In potu *Phthisicis* conferre auctor est Plinius; qui etiam eos ad denarij pondus ex vini cyathis duobus in potu exhibitos, lumborum atque coxæ doloribus prodesse affirmat: huic Alexius Pedemontanus ascribit. Cælius Aurelianus hæc & similia tamen ab Insectis remedia improbat, rei potius insuetudine, quam vilitate aut incommodo eò mētis perductus. Experientia constat asellos recentes multos bene contritos, ex vino, cervisia, Ala vel liquore convenienti haustos, vel extrinsecus adhibitos, *Omnes fere oculorum morbos ab adnatis vel innatis ortos (catarrhastæ excepta)* curare posse: quod superiori capite ex Arnoldi Breviario notavimus. In *Angina* cum melle lingendi sunt, inquit Gal. *κατὰ τὸν*: & partes gutturis externæ ipsidem

ijsdem inungendæ, Afelli cum rosaceo triti, & in malicorio calfacti, ac Auribus dolentibus infusi medentur. *Dioscorides*. Gal. lib. sec. loc. & eupor. 2. tres. vel 4. in oleo coqui iussit, atque expressum deinde oleum auribus *sardis, tinnientibus, dolentibus* infundi. Oleum afellorum in propinquam *denti dolenti* aurem infusum, dolorem à calida causa factum certo tollit. *Aetius*. 24. 27. Quidam cum unguento aliquo conveniente mixtum auribus instillant. Severus (inquit Galenus) *ulceratis auribus* cum fructu infudit. Faventinus *ad frigidos aurium dolores*, 21. Asellos in oleo omphacino coctos præscribit, quo loco circa aures ungendæ, & parum etiam instillare præcipit. Cardanus idem medicamentum experientiæ calculo ratum facit. *Ad strumas* Plinius accipit resinæ terebinthinæ quartam ad Asellos sterquilinarios partem: quo (inquit) medicamento parotides, Strumæ, atque omnes ejusmodi tumores curantur. Eadem habet Marcellus Empiricus. Avicenna, 2. 2. capite 729. idem docet, & ex aliorum autoritate adjungit, Asellos in potu sumptos sanare *Spasmodum & Alucem*, quod à nemine proditum meminimus. *Capiti dolenti* si oleum vel butyrum Afellorum sæpe adhibueris, dolorem tolles. Gal. Eupor. 2. 91. & Apfyrtus de quadrup. *Tonsillas fauciumq; mala* triti percurant. *Dioscor.* Vivus Afellus paronychæ appositus medetur. *Panos* item tollit cum resinæ terebinthinæ 3. parte applicatus. *Plinius*, R. unguenti popul. 3j. olei rosacei in quo decocti sunt Afelli 3j. fl. croci grana iij. misce, fiat unguentum, *ad hæmorrhoidas dolentes atque tumentes*, nobilissimum. Alij (inquit Alex. Benedictus) porcelliones cum adipe aut butyro coquant, deinde ovi luteum addunt, atque hoc, dolorem illum sævum sedant. *Duritia item* (Plinio narrante,) *Ulcera & carcinomata, atque vulnerum verminationes* curant, terebinthinæ admixti. Ne vos autem nihil cælatum sinam, subjicere illud placuit; ipsum Pennium asthmate laborantem diu Afellis vino maceratis usum fuisse: sed cum semper sine fructu id faceret, meo tandem consilio fumum sulphuris per infundibulum bis terve hausit, & à Symptomate illo tam diro plenè convaluit. *U. olei violacei 3iij. in quibus bulliant 4. Afelli ad 3. partis consumptionem. Salsum humorem repprimit extra inunctum. Incertus.* Gallinæ item, lacerti aquatici, ranaque terrestres, & Serpentes (ut Theophrastus refert) Afellis vescuntur. Bestiolam quandam Afello simillimam per vomitum ejectam scribit Ambros. Paræus Chirurgus Parisiensis; quale quid de muliere Solerius scripsit in secundum librum *Ætij*.

CAP. X.

De Scorpijs terrestribus.



Σκorpion Græcis dicitur παρά τοσκούριον τεινιον: vel ut alij παρά τοσκαυσις τεινιος. ὡς item Scorpion significat, vel Scorpij speciem, de quo Nicander in Theriacis.

— ἀβελιον ὡς
κίλιντος παρὶν ἰσχυρὸς τοσκούριον. Καρδαίου ὡς an Scorpij sit species dubitari potest; brachia sanè habet sive chelas, & in cauda spiculum gerit. Latine *Scorpius* & *Scorpio* à Plinio vocatur. Cicero, Plautus, Varro & Nonius *Nepam* appellant, quo nomine Columella sæpe utitur. Hebraicè *Arab* & *Cancrab*, quod pede calcantes pungit. Arabice, *Natarab*,



rab, Achrab, Necharab, Hacharab, Acrob, Rhafis Conches; Pandatiarius fatocollon vocant. Hispanicè, *Eſcorpion vel alacram.* Italicè *Scorpione, Scurificio;* Germanicè, Anglicè, Gallicè, Brabantice, *Scorpion.* Sclavonicè *Niedwiadeck.* Illyricè *Iſtir.* Danicè *Wolkeow,* in nova Hispaniola *Alacran.* Qui verò gibbosus caudam poſt ſe trahit convolutam, *Al-*

gararat dicitur Sylvatico. Eſt autem Inſectum corpus oviforme obtinens, fuligine veluti obductum; è cujus imo cauda producit globulis multis coagmentata, quorum ultimus cæteris uti longior videtur, ita ſolus præfixo vel ſimplici vel duplicato aculeo, & non nihil reflexo ad ipſius extremitatem, armatur. Pedes octo illi, atque chelis & forcipibus ſolidis furcata brachia. Caput, ut cæteris latens in pectoris ſummitate gerit, in quo tam exigui & pene nulli ocelli conſpiciuntur, ut ipſorum apud authores haud fiat mentio. Sunt autem omnes Scorpii vel caudati, vel excaudes. Caudatorum alij unico muniuntur aculeo; alij verò duplici, ſed ſpecie & natura non differunt. Scorpionum terreſtrium ſeptem à Nicandro ſpecies deſcribuntur. Primus albicat & minime eſt lætalis. Secundus ore eſt (inquit) ruſcente: ex cujus ictu vehemens ardor, febricitatio, & ſitis intolerabilis: cui conſentit *Ælianus.* Tertius luridus & nigricans, cujus ictus inſtantem efficit motum membrorum, cachinnumque Sardonicum & vanum inducit, qualis eſſe ſolet ſtultorum. Quartus eſt colore ad viride inclinante. Hic ſimul ac quempiam percuſſerit,

frigus atque horror invadunt, adeò ut vel in calidiſſimo tempore grandine ſe obrui percuffus exiſtimit. Plura habet hoc genus internodia, ſeptena ſcilicet aut novena; quod item in cauſa eſt, cur propter caudæ longitudinem profundius vulneret. Quintus livido pallidove colore eſt, amplo ventre diſtentoque; herba namque veſcitur & inexplibilis eſt. Non ſolum cauda pereunt, ſed etiam mordet venenato dente. Ejus virus *Nicander* ^{ſubpoſiti} vocat, quoniam ab ipſo vulnerato homini bubo intumeſcit. Sextus cancro marino littorali ſimilis eſt, non tamen abſque cauda, ſed corpore grandiori & fere orbiculari, adeo ut cancerum referat caudatum. *Matthiolus* ſe hujus generis nigros, ferrugineos, virideſque vidiffe dicit in comitatu Arcinonenſi, non longe à Sarcu flumine. Septimus ad Paguri formam accedit. Chelas quoque habet ut ille grandiores: gigniturque hoc genus ex paguris in ſicco, cavernam aliquam (piſcatorum inſidiantium vitandi conſilio) ingreſſis: quibus in locis ſi forte moriantur & putreſcant, oriuntur inde hujus generis Scorpiones, ut elegantiffime de hac re *Ovidius.*

*Concava liſtorco ſi demas brachio cancro,
Cætera ſupponas terra: de parte ſepulta
Scorpius exiſit, caudaque minabitur uncâ.*

Ælianus hunc flammeum vocat; nam pagurus coctione ruſcentem æmulatur. Eſt & alia Scorpii ſpecies, quem *Rhafis* dicimus & Arabum: *Nicander* enim & Græci illam nõ viderant: gibboſus admodum eſt, & omnium celerrime currens: cauda pro corporis puſilli ratione vâldè magna: pallidus videtur, ſed aculeus admodum productus albefeſcit. *Rhafis* eum vocat *Iarareti*, *Albuchafis Grati*, *Avicenna Algeraſie*: reperit in regionibus Orientis, præſertim in *Coz*, & in *Haſcari*; ut notat *Gordonius.* Cæterorum Scorpionum ictus frigidum venenum infundere tradunt philoſophi: hunc unicū calidum remittere tradunt Arabes. Nos è *Barbaria* allatum vidimus,



& imaginem hic exhibemus. Omnium caudatorum aculeus cavus est, quo per vulnus venenum infundit, ut *Ælianus* refert, lib. 9. cap. 4. Cui item *Plinius* lib. 11. cap. 37. & *Nicander* in *Theriacis* subscribunt. Quamvis *Galenus* nos teraliter sentit, lib. 6. de loc. aff. cap. 5. ubi in hæc fere verba eos alloquitur, qui specificam lædendi Juvandive qualitatem humoribus vel vaporibus ferrent acceptam. Sed longe majorem admirationem meretur *Scorpionis* ictus, qui brevi admodum spatio ingentia adfert symptomata, & id quod injicitur dum ipse pungit, aut perquam exiguum est, aut nihil omnino, nullo apparente foramine in ipsius aculeo: & sane quum certis animalium piscium plantarumque dentibus spinis atque a culeis solidissimum venenum vulnere ab ipsis illato videamus inferri, quid ad reconditas & forte nunquam vias vesiculas, sub aculei radice latitantes confugere opus habemus, quas feracia magis quam certa verique studiosa ingenia excogitarunt? Oportet ut dixi singulis pedes, præter primos chelates cancrorum more (quos ego lubentius brachia dicerem) alij verò (si penitus introspexeris) bifiduli. Cauda ipsorum constat è sex, septem, & quandoque novem internodijs: in extrema cauda unus fistulosus aculeus; aliquando (sed rarius) duo. Si alibi quàm in cauda aculeum habuisset (inquit *Aristoteles* lib. 4. hist.) quia gradiendo se moveret, ad feriendum fuisset inutilis. *Ælianus* aculeum ejus exilem admodum & oculis ferè fugientem facit, è cujus invisibili fistula (si qua talis fuerit) venenatus spiritus vel humor quidam liquidior, vulnere vix perceptibilis vel sensibili factò, instillat. Laterorsum incedit cancrorum more, caudam, perpetuò movens ad feriendum promptam, ne opportunitatem elabi permittat: Matres faviores, graciliores, longiores, ventre, chelis, & spiculo maculatiore.

Lib. 11. ca. 25.

Femina contra (ut recte *Avicenna* notat) majores, pinguiore, ventricosiores, placabiliore. Mas item venenum habet infestius, *Plinij* judicio; femina mitius: omnes candidum, nisi nos ludos facit *Apollodorus*. Constat eos quibus septem vel novem caudæ internodia, faviores esse: pluribus enim sena sunt: ferit obliquo ictu & inflexu. Venenum omnibus medio die, summa item æstate exasperatur, cum incanduerit Solis ardoribus: itemque cum sitiunt inexplebiles potu. Pestis ejus importuna videtur, & quæ gravi supplicio lenta per triduum morte conficit. Virginibus lætales semper ipsorum ictus, fa minis item maximam partem, omnibus: viris autem, mane quando exeunt cavis, priusquam aliquo fortuito ictu legerunt venenum. Proprium *Scorpionum*,

Lib. 19. cap. 4.

quod manus palmam glabraque non feriunt membra, nec nisi pilos tetigere. *Scorpiones* in totum nulli animalium nocere putat *Plinius*, quibus non sit sanguis. Quod falsum esse Doctor *Wolphius Tigrinus*, medicus doctissimus testatur: vidit enim (ut *Pennio* retulit) *Viperam* vase cum *Scorpione* conclusam, quæ se mutuis moribus ictibusve interemerunt. Imo conspungere ipsos escæ causa cum viperis atque omni virulentorum insectorum genere, narrat *Ælianus*, lib. 8. cap. 13. *Scorpionum* à vipera devorari certum est, inquit *Gesnerus*: imo inde gravior sit ejus morsus. *Scorpionum* item ictu serpentes mori *Theophrastus* asserit, non homines: *Galenus* autem id dogmatis, experienciâ fretus, mendacij alligat atque convincit. Mirabilem *Scorpionum* fraudem *Ælianus*, lib. 6. cap. 23. narranti *Pennius* fraudi vertit: verum cum idem in Italia ipse animadverterim, asseram authoris fidem, & caput redimam. Scimus enim quicquid eo loci artium homines habent, id omne ad fugiendos *Scorpiones* depromere: quare foccis se muniant, lectos in sublimi suspendunt, procul à pariete lecti *Atlantes* sive fulcra in vasis aqua plenis collocant, aliasque multas vias excogitant, quibus *Scorpionibus* fraudi vel exitio esse possint. Verum tum illi lectum ædium conscendunt; confractam (si qua talis fuerit) tegulam seponunt; per rimam unus è ducibus robustissimis (che-

larum

larum virtute fretus) dependet , cauda item pendulâ ; tunc alius perejus dorsum veluti per scalam ascendens , prioris caudam apprehendit ; sic tertius secundi caudam ; quartus vicissim tertij , &c. donec concatenati lectum attingerint. Tunc postremus descendit , dormientem spiculo vulnerat , & per catenam lociorum recurrit , postea reliqui eodem ordine sese subducunt (catenam veluti solventes ,) donec sese omnes alter per alterius dorsum sursum receperint. Hujus proprietatis meminit etiam *Clem. Alex. 1. Stromat.* Ceterum neque omnibus in locis venenati sunt , neque cunctos ex aequo vulnerant vel afficiunt. Nam neque in Sicilia vivunt ; vel si vivant , non lædunt tamen : operamque propterea & oleum perdiderunt Psylli , quin peregrino hoc malo (quasi sua causa) Italiam implere essent conati. *Plin. lib. 11. cap. 25.* Idem de Pharo Aristoteles memorat , lib. 8. hist. cap. 29. de Melita insula , *Diodorus lib. 4. cap. 3. de Tractu Norico Iosephus Scaliger exerc. 189. 5.* ubi licet nullum non movebis saxum sub quo non offensas plurimos , tamen aut non omnino ; aut nullo cum salutis periculo homines feriunt. Contra in Ægypto , Scythia , Africa , atque Albania , lethale infligit vulnus , ut in Alexandria ab Alexandro , *Plinij , Dioscoridis , atque Strabonis libris* videre est. Anglia , Scotia , Hibernia , Vasconia , Scorpionum familiam ferre nequit ; ut neque frigidiores illæ insulæ Aquilonem magis spectantes. Licet enim diurni Solis calorem iniquius tolerant. Atque latitant propterea sub faxis totum diem : noctu tamen haud minus caloris indigi videntur , cujus desiderio non cubilia tantum sed & lectos item affectant plumosos , seque dormientibus ibidem applicant atque accumbunt : varia de Agro Tridentino , Sancti Vigiliij precibus ab ictu Scorpionum lethali liberato affirmant , sed penes lectorem fiat electio , utrum pro re gesta id an fabula velit agnoscere. In Scythia contra fit , ubi si hominem vel suem , vel quamvis bestiam aut alitem percusserint , certo interimunt. In Italia Cardanus raro nasci prædicat lethales. Sed *Matthiolus ibidem* , præsertim in Hetruria , à Scorpionum ictibus horrendam Symptomatum Syndromen recenset , aliquando cum morte junctam ; traditque *Ælianus , lib. 8. cap. 13.* non solum per ictus Scorpionum vitam periclitari in Æthiopia , sed eorum item excrementa calcantes , exulcerari pedibus , atque ægre vix iterum convalescere : hos autem Scorpiones *Sibiricas* nominat , aspidibus , lacertis , Phalangijs , alijsque virofi generis insectulis vefcentes : unde illis tanta veneni vis & veluti graduatio (ut cum Paracelfo loquar) contingere videtur.

Aristoteles item quosdam in Caria Scorpiones memorat valde *venenatos* (circa Latium Carie montem id fieri narrat *Ælianus*) qui Iovi hospitali sacri , advenas & peregrinos non feriunt , vel feriendo non multum lædunt : indigenas vero si percusserint , statim occidunt. Leo ubicunque Scorpionem videt , ut vitæ hostem fugit , Physiologo teste , cui fidem facit Ambrosius. Ferunt à vespis apibus & Crabronibus nunquam vulnerari ; quem Scorpis percutit. *Plinius.* Generatio eorum duplex est ; communis per coitum ; rarior , (quo ad nos) per putrefactionem. Sunt qui eos non coitu producere contendunt , sed nimio Solis calore procreari. *Ælianus lib. 6. de ani. cap. 22.* inter quos Galenus primum taxandus , qui lib. de fæt. form. non naturam sed casum , Scorpionum muscarum araneorum vermium lumbricorumque facere videtur parentem , atque illorum ortum fortuitis cœli loci materię calorifque constitutionibus ascribit : verum coeunt procul dubio , vermiculosque (quod vidimus) vivos , albos , ovorum specie pariunt , & incubant : mox ut prolem perfecerunt , pelluntur ab ea ipsâ , sicut & araneis , (Phalangijs præsertim) accidit , & interimuntur à suis liberis magno quidem numero. Fæcunda animalia Scorpiones ; sæpius enim undenos pariunt. Quidam & ab ip-

Generatio;

Natura.

Vitalis.

sis fatum devorari arbitratur (nempe Antigonus) unum modo relinqui solertissimum; qui ipse matris clunibus imponendo, tutus & à cauda & à morsu, loco fiat; hunc esse reliquorum ultorem, qui postremo genitores conficiat superne. Vere & autumnò, bis scilicet in anno, pariunt. Rarior per putrefactionem Scorpionum ortus varijs fit modis: nam ex paguris putridis nascuntur, teste Plinio, lib. 11. cap. 25. & ex Crocodilicadavere, afferente Antigono, lib. domirab. hist. cong. 24. Extat enim ex Archelao Ægyptij cujusdam ibidem Epigramma, in hæc verba:

ὅς τις ὕμῳ κροκόδειον ἀποβίβωντος διαχέον

σκόριον, ἢ πύρρα ζυζυγέον εὐνῇ. id est,

In vos dissolvit morte, & redigit Crocodilum

Natura extinctum (Scorpioli) omniparens.

lib. 10. ad. 12.

Addit præterea Aristoteles, ex Silymbrijs putrescentibus Scorpiones nasci. Ex ocymo item ortum habere, præter Plinium Kiramides auctor est. Dum Italus quidam Ocymi odore multum delectaretur, Scorpions illi in cerebro natus est, qui post vehementes longosque cruciatus, tandem mortem intulit. *Hollerius*, lib. 1. cap. 1. praxeos. Idem de puella quadam Gallica audivit Gesnerus, ut ipse suo Chirographo testatur. Doctor Bauchinus, in Anatomicis nulli secundus, Doctori Pennio retulit, se basilicon sive Ocymum in muro quodam Parisiensis abscondisse, & post certum tempus duos ibidem Scorpiones invenisse. Non immerito igitur Chrysippus ocymum multis vituperavit. Non desunt qui affirmant, si quo die quispiam a Scorpione vulneretur, eodem ocymum ederit, mortem cum effugere non posse. Tradunt alij, si manipulus Ocymi cum decem cancris marinis vel fluvatilibus teratur, & simul in loco Scorpis obnoxio relinquantur, omnes Scorpiones eo conventuros. Plin. lib. 20. cap. 12. Dioscorides autem lib. 2. 135. & lib. 32. cap. 5. tradit Scorpiones à cancris interfici, si cum Ocymo admoveantur. Alb. Magn. lib. 19. anim. cap. 18. nec desunt qui cum Avicenna ex putrefactis quibusdam lignis generari illos autumant, & pro libitu componi.

Plurimum quoque ad ipsorum generationem & ortum locus facit. Si quidem in Hispaniola, Canarijs, Numidia, Scythia, Perscara, Barbaria, Æthiopia, tanta Scorpionum copia, ut cives aliquando agros, solumque vertere necesse haberent. *Oviedus, Thevetus, Leo Afer, Plinius*. Regio circa lacum Arrhatam in India Orientali prope flumen Estamenum adeo scorpis facunda & infecta, ut incolæ consilij melioris inopes, sedibus relictis, solitariam illam reliquerint. *Ælianus*, lib. 17. cap. 40. Quum quis bidui iter è Persicijs Sufis in Median fecerit, infinitæ scorpionum multitudinì obujus fit. Quare Persarum Rex equo eò iter facturus, triduo ante civibus imperat scorpiones venari, plurimosque capientibus maximam statuit mercedem. Id ni fieret, per scorpionum copiam, nullo non sub saxo latentium, transeundi venia & facultas non esset. *Ælian*, lib. 15. cap. 26. India Orientalis, Agatharide teste, nec non Africa, scorpiones gignit permultos & magnos, qui etiam aculeis vulnerant, ut Europæi. Americani scorpis omnium minimi, sed maxime virulenti, si Africanos dempseris: quorum tam presentaneum venenum, ut principe viscere statim petito, quam citissime perimat. Norictorum subalpinorum regione scatent admodum scorpis, sed (ad naturæ admirationem) omnes innoxij, ut *Scaliger* affirmat. In Pharo item & Avaniensiterritorio scorpis (quod antea diximus) non lædunt.

In quibusdam Helvetiæ agris (ut circa *Rappiswil*) Scorpis minimi reperiuntur, & innocui. *Gesn*. Sic etiam in quibusdam Germaniæ regionibus. In nova Hispaniola magna Scorpionum vis, sed parum venenati ictus eorum. Sequitur dolor, sed nec gravis nec diuturnus; imò a Vespe punctura vel api-

bus

bus magis læduntur; nisi forte jejunos fuerit Scorpius, vel nuperimè vulneratus. *Manardus*. Scorpij autem ex insula Ferrata (quæ est una è fortunatis) & Copto Aegyptiaca, maximum dolorem cum veneno læthali inferunt. In Castella Hispaniæ regione, sæpius agricolæ dum terramaratro scindunt, Scorpios innumeros Formicarum more congregatos inveniunt, ubi per hyemem delitescunt. *Matthiolus*. Loca frigidiora Scorpijs carent ut Vasconia, Anglia, Scotia, Hibernia, Dania, & maxima Germaniæ pars; vel si qui ibidem fuerint, veneno haud pollent. Mirum de Isidis Sacerdotibus narrat Aelianus; quæ in Copto, urbe Aegyptiaca, ubi multi pestilentissimique abundant, scorpios calcare & humi projicere tuto solent. Psylli item gens Africa, a Scorpijs lædi, imo peti non possunt; quum enim ad venenatâ aliquâ bestiam accesserint, stupet illico, & veluti incantata vel syderata, nō movet. Porci quoq; omnes non nigri (hi enim percussi omnino mori untur) liberi sunt ab eorum ictu. Deniq; *Stellionem*, *Alcalaboten*, *Cancrum*, accipitrem, Scorpius aliave venenata bestiola non lædit, ut Gal. ad Pisonē, & Geinerus noster notarunt. Terrā vivunt, & aliquibus in locis, herbas, lacertas, aspidas, verticillos, blattasque atq; omnem venenatam bestiam comedunt. Aelia. Qui vero corū excrementa calcaverit, ulceribus scatebit. Gallinis, Ibidi, Viperisq; magno esui, usuique sunt, unde Viperam Aristot. *σκορπιονφάγος* dixit. Nec tam illis cibo quam nobis remedio. Nam suo ipsorū vulneri appositos succurrere cuiq; notissimum est. Scorpius itē tritus, *Stellionum veneno* resistit. Pli. Quidam cum vino tritum bibunt, cauda abjecta; alij super prunas posito vulnus suffumigant, & deinde cinere scorpij aspergunt. Normulli tritum cum sale, lini semine & althea, vulneri alligant. Ad calculum pulvis Lanfranci, Rk. scorpios viginti vivos, claudantur in olla angustī oris, & lento igne spodium confice, quod ad calculum pellendum mirabile. Scorpius tostus ustulve, ac cum pane devoratus, *vesica calculos* frangit. Author ad Pisonem. Scorpij tres nova olla inclusi, ac operculo optime lutato impositi, igne ex sarmentis vitium in clibano redigantur in cineres, dosis ad gran. 6. cum syrupo 5. radicum, Renum calculos mirabiliter pellit. Sylvaticus. Recentiores scorpionum spodium inter calculi remedia celebrant, & eorum oleum in vesicam infusum, supraque inunctum. Alex. Benedict. Aggregator, & Leonellus Faventinus ex Galeno (Eupor. 3.) tres exiguos scorpiones comburere docent, & eorum cineres ē syrupo, vel decocto, vel condito appropriato exhibere *ad calculos atterendos*, & lib. 2. cum adipe mistos tostosq; dare ijs jubet, qui aliās abhorrent ab eorum esui, ut citra suspicionem sumatur. Medicamentum item illud Abolai, quod tam multum laudat Arnoldus, ex cinere scorpionum constat, ut in 2. Breviarij, cap. 18. videre est; uti etiam syrupus mirabilis Regis Francorum ad calculum, qui eodem libro & capite describitur. Rondeletius (capite de calculo) in sua Praxi scorpionum frigidum esse asserit, & ideo ad *Calculum pellendum* oleo ejus composito non simplici, utendum. Compositum illud oleum Matthiolus docet, commentar. pag. 1407. 20. Sed ante cum Luminare Maius id confecerat, hoc modo; ʒ. Aristolochiæ rot. rad. gentianæ, cyperi, cort. capparum, ana ʒj. olei amygd. amar. Kist. j. stent in Sole triginta diebus. Tum adde scorpiones xv. & arctissimè clauso vase, iterum tandiu ac antea dictum est Soli exponas. Coletur deinde oleum & servetur usui. *Alij hoc modo præparant*, Rk. ol. antiq. q. v. pone in eo Scorpiones quot nancisci potes mense Julio (tum enim maxime venenati, & huic remedio aptissimi) atque adde dyctamni albi, fol. absinthij, betonici, verbenæ, roris marini, ana, m. j. insolentur per longū tempus, deinde per alembicum in balneo destillantur. S. Bernardi oleum vocatur: urinam potenter provocat. peccini inunctum valet *contra morfus quoscumque venenatos*; vermes ad miraculum usque expellit. *Brassavolus*.

Villus;

Vism.

Vjus medicat.

V

.

Ex oleo Scorpionum & linguis aspidum fit medicamentum præstantissimum contra pestem, ut Crinitus testatur. 1. 7. Paratur nunc oleum (inquit Manardus) Scorpionum cum oleo antiquo, additis multis medicamentis ad venena laudatis; estque mirabile in peste & venenis omnibus. Scivi enim hominem qui hoc solo munitus, sævissimam quamvis pestem nihili fecerat, nec solum femetipsum, sed etiam famulos ad ægros invadendos venientes, incolumes servarat. Novi item solâ inunctione permultos evalisse, à sævissimis haustis venenis. *Hæc Manardus.* Linimentum Scorpionum, contra pestem & venena universa, Fumanellus quoque describit lib. de cur. pestis, cap. 12. Confert quoque Scorpius a Vipera percussis, inquit Gal. lib. 11. de simpl. Samonicus ad dolorem oculorum mitigandum valde eos laudat, his versibus;

*Sed dolor immeritum lumen si forte laceffit,
Lana madens oleo noctu connectitur apte,
Virventissq; nepa lumen gestatur amicum;
Ex folio & caulis cineres, confractaque thura,
Et laticem Bacchi seta cum lacte capella
Desuper induces, atque una nocte probabis.*

Si quis scorpiones attritos ex vino mulso capiat Ictero affectus, quam primum Galeni sententiâ, curabitur. Kiranides ad quartanam quotidianam & tertianam pellendam, Scorpium in corylam olei circa Lunæ diminutionem mitti, ac servari præcipit: atque hoc oleo totum corpus, qua articuli conspiciuntur; quinetiâ extremitates pedum manuumque; frontem item & caput, ante horam paroxysmi bene inungi. Quatuor postremos articulos caudæ scorpionis unâ cum auricula panno nigro sic involutos, ut nec scorpium dimissum, nec eum qui alligaverat, æger perentiscat, triduo. Quartanam tollere author est ex Magorum sententia Plinius Secundus. *Sed hæc mittamus,* & ad Antiscorpionia dicenda orationem flectamus. Primum igitur de Prophylacticis. Si locus heliotropij surculo circumscribatur, negant Magi scorpionem egredi posse: herba vero imposita, omnino mori affirmant. *Plinius.* Fumigatio facta cum sulphure, galbano & ungula asini, scorpiones fugat. *Rhasis.* R. Styracis, arsenici, stercoris ovium, adipis Zirbi ovium, anapartes æquales; dissolvantur cum vino, & fiat suffitus juxta scorpionum cavernas. Si raphanus incisus cavernæ imponatur, non egrediuntur. Confert item scorpio ustus, asini jecur, sandaracha, cum butyro vel adipe capri in suffumigijs. *Varignana, & Diophanes in Geopon.* Rhasis radicem enulæ gestatam laudat: Macer de semper-vivo sic scribit,

*Affirmant istam, qui secum gesserit herbam,
Hunc non affectat letali Scorpions ictu.*

Si quis manum herbâ, Paris dictâ, vel radicis ejus succo inunxerit, scorpium impuneteneat. *Flaminius.* Vvæ præservant homines à scorpionis ictu, uti etiam nuces Ponticæ in zonis gestatæ. Etius. Fugat etiam eas, vel ictus non letales facit, Lapathi sylvestris semen, vel radix epota cum vino. *Dioscorides;* qui etiam ex Afrorum relatione ocymum idem facere narrat. Delphinium herba substrata, uti & lychnis sylvestris, ignavos reddit & torpidos: *idem.* Imo aiunt (inquit) quandiu quis Attractylidem herbam manû retinuerit, tandiu vel à scorpione immunis erit, vel saltem ab ictu non dolebit. Semen acetosæ sylvestris bibitum à scorpionibus præservat.

Avicenna. Genicularis herbæ substratu vim Scorpionum repelli, *Isidorus* affirmat.

Prophylactica
contra scorpio-
rum ictu.

affirmat. Qui raphanum comedit, heliotropium gerit, vel stellionem aridum secum portat, eum Scorpj non vulnerant, ut ex Atricæ incolis didicit Plinius. Dyptramus item suffitus, mentastrum substratum, oleum Scorpionum cavernarum foribus illitum, ne in cubiculum veniant, optimè faciunt. *Rhaphis*. Necant vero eos Imposita; raphanus commansus, Basilicon latifolium juxta aquas nascens, folia malvæ, aconitum, helleborus niger (albus contra eos morituros vivificat, si Plinius meretur fidem,) telephium, rhodia radix, ocy-mum rubro flore, saliva jejuni & biliosi hominibus. *Bhasis, Plinius, Avicenna, Democritus in Geopon.* Ad curam vero ictus atque vulneris, Guilielmus de Placentijs hoc generaliter præscribit; nempe, ut Theriaca intus atque extra per 12. horas vel plures statim detur. Deinde cauterio actuali adhibito, secandus locus affectus, & venenum cucurbitulis extrahendum. Galenus vincula superius injicienda monet, & partes infectas abscindendas. 5. de loc. aff. Cap. 3. Verum cum illud ægris difficile, ne dicam crudele subsidium videatur; placuit è veteribus ea describere, quæ huic vulneri medentur. Primum autem factum ab ijs vulnus ita dignoscas: Locus statim rubet inflammatus, alternus vicibus (ut in feбри intermittente accidit) frigescens; quandoque melius se habet æger, quandoque pejus. Plenus sudore mader, pili eriguntur, totum corpus pallefcit, inguina intumescunt, status per aluum erumpunt, viscosis lachrimis & sordibus oculi disfluunt, junctura indurefcunt, & ani procidentia laborat; spumat ore, convulsionibus opisthonicis corripitur; etiam singultu, & quandoque largo vomitu. Labore subito fatigatur, horrois sensu vexatur & tremore; extremitates corporis partes frigescunt, dolor pungens totam curem perturbat; nonnunquam sibi grandine percussus videtur. Galenus enim (3. de loc. aff. Cap. 7.) percontatus à Scorpione percussus, quid sentiret: videor (inquit) mihi grandine coopertus & in frigidatus. *mus musianus*, addit Aetius, sive verucarum formicantium in ano eruptionem. Tandem lypothymia; ab hac syncope; deinde mors. Si infernis partibus vulneratur, (scribit Aetius;) inguinum tumor sequitur; si supernis, axillarum. Cognito jam & perspecto vulnere, ac per sectionem dilatato, generalique cura (quam recensuimus) adhibita, specialia deinde applicare convenit, quorum immensa apud autores sylva. Galenus inter exteriora hæc numerat; *Balsamum, absinthium verum, vel succum baccarum myrti nigri inunctum; Sputum* item jejuni hominis variè commendat, & veluti incantamentum adhibet. 10. lib. simpl. Intus vero exhibere jubet, *Balsamum verum cum lacte muliebri, saphirum lapidem trium, assam fatidam, scordium, centaurium minus, ruscum, castoreum*. Ex Cassione Medico hoc laudat: R. *Assa fetida, galbani, ana. p. aq. Confice cum decocto Scordij & Aristol. rot. Dosis avellana quantitas cum calida*. Ex *Andromacho* istud commendat lib. de Theriac. R. *Theriac. ʒij. vini ʒiij. misce & propina*.

Dioscorid. externa.

Cyperus contusus & impositus
Amomum ex Ocymo illitum
Lacteus ficus, vel salviæ succus
instillatus. Scorpius ipse tritus.

Delphinum.

Mullus piscis dissectus.
Smaridis piscis caro.
Salita lacerta dissecta.
Mures domestici dissecti.

} apposita.

Souchus contusus.

Intybus.

Hieracia.

Melissa.

Rubiflos.

Mori fructus.

Interna ex Dioscoride.

Cardomonum.

Myrti succus.

Lauri baccæ.

Fimus asini vel equi.

Seimen Lychnidis.

Verbascus.

Verbascus.
 Chamæpitys.
 Scorpoides.
 Heliotropium.
 Calamentha { apposita.
 Trifolium.
 Scordium.
 Lotus rustica.
 Ocymum cum polenta.
 Farina triticea cum
 aceto & vino.
 Sampfuchum cum aceto & sale.
 Lacer oleo dilutum.
 Aqua marina.
 Sulphur vivum cum resina & Tere-
 binthina.
 Sal cum semine lini.
 Galbanum splenij modo
 inductum.

Oxylapathi semen.
 Phalangium herba.
 Abrotanum.
 Asphodeli semen & flores.
 Rubi flos { ex vino pota.
 Pastinace semen.
 Heliotropium.
 Cupressi ramuli.
 Ruta.
 Origanum.
 Olusatrum.
 Peucedani { succus epotus.
 Souchi {
 Decoctum Gentianæ rad.
 Aristolochiæ cort.
 Pulegij.
 Scorpis tostus devoratus.
 Cancris fluviatiles crudi tritici, cum
 Lacte asinino poti.
 Urina humana pota.

Externa alia ex Avicenna.

Majorana cum aceto imposita.
 Radix colocynthidis confusa.
 Arundinis confusa.
 Cortex avellanæ Indicæ.
 Caro arietum adusta.
 Mummia 4. gr. cum butyro ex lacte
 vaccino.
 Decoctum ameos.
 Furfur Emplastri modo.
 Sapa.
 Cortex thuris.
 Bedeguar.
 Spina alba.
 Grana pini.
 Dactyli.
 Ficus.
 Polium montanum.
 Anacardus.
 Cinis alkali.
 Furfur tritici decoctum cum fimo co-
 lumbino.
 Sal urinæ.
 Oleum absinthij.
 Decoctio urticæ, vel Chamæmeli.

Sed præcipue valet Naptha alba
 calfacta & applicata. Ore item vene-
 num exugere confert, nisi sit antea ul-
 ceratū: atq; tum inflammantia appli-
 care, qualia sunt pyrethrum & Alli-
 um.

Interna ejusdem.

Absinthij succus cum aceto.
 Doronicum.
 Cynamomum.
 Myrrha.
 Carthami sylvestris fol. & fruct.
 Citri semen.
 Mummia.
 Galbanum.
 Rad. colocynth. & Gentianæ.
 Avellana indica, comesta est ejus
 Theriaca.
 Scyllæ radix comesta, mirabile con-
 tra Scorpionum ictus.
 Bruchi tosti & devorati.
 Caprarum & absinthij succus.
 Centauri minoris succus.
 Sapa item bibita valde prodest.

*Antidota Anderam, aliàs Braz.
regis Sicilia.*

R. Castorei ʒj. Scordij ʒij. casti
 amar i ʒj. ʒ. afflæ fetidæ ʒij. ʒ. confice
 cum melle. Dosis ʒiſſ. vel. ʒij. cum
 vino.

Aliud Ejusdem.

R. Aristol. long. & rot. ana. aureum
 j. Cymini ʒij. afflæ fetidæ ʒij. ʒ. fem.
 rutæ ana ʒij. Castorei ʒiij. cum melle
 confice. Dosis Drach. ij. cum decocto
 calido radices Gentianæ vel Aristol.
 &

& mero. Dabat etiam Drach. ij. assæ fatidæ & aliquando Drach. iij. Laurcolæ cum aceto.

Medicamentum Andro. Philosophi Græci.

R. Semen rutæ, sulphuris yini, ana aur. vj. Castorei aur. j. assæ fatidæ aureum cum semisse; Pyrethri styracis liquida, ana aur. j. confice cum melle. Dosis ʒss. cum aceto vel vino optimo.

Aliud optimum.

R. sem. rutæ, aur. j. Cast. aur. semissem. Aristol. long. & rot. ana aur. ij. rad. Gent. assæ fat. ana drach. 8. (alias aur. 8.) confice cum melle. Dosis Drach. j. ss. cum vino puro. *Electuarium Zenonis sive Diaruta.* R. assæ fat. Costiamari & dulcis, ana aur. v. Aristol. rot. agari, ana aur. ij. Castorei Cinamon, Aloes, ana Drach. iij. rad. Ireos, Sarcocollæ, ana Drach. j. ss. Aristol. long. Gent. ana Drach. vj. confice cum melle. Dosis Drach. iij.

Laudat item Theriacam magnam, Andromachi, Theriac. Esdra. Mithridasium & theriac. diateseron. Cujus descriptio. R. Gent. baccarum lauri. Aristol. long. Myrrhæ ana part. æquales; confice cum melle despumato. Dosis aur. j. cum calida. *Aliud contra Scorpionum ictus.* R. sem. rut. agrestis, cymini Aethiopici, sem. trifolij minianth. ana cum aceto q. s. fiat confectio. Dosis aur. j. *Aliud.* R. alliorum, nucum, ana part. j. fol. rutæ sicca, assæ fat. myrrh. ana partem semis confice cum lacte. Dosis Drach. iij. *Aliud.* R. Castor. piper. albi, myrrhæ, oppij, ana, conficiantur in trochiscos. Dosis oboli iij. cum vini ʒiiij. *Aliud.* R. opopan. myrrhæ, galb. Castor. piper. albi, ana; conficiantur cum Stryace liquida & melle. *Aliud.* R. rad. colocynth. cappar. absynth. aristol. long. cichorij sylu. ana. Dosis pro pueris scrup. j. pro viris Drach. j. mirabilis in hoc morbo virtutis. *Aliud.* R. Kali virentis succum cum butyro vaccino. Coque ad formam Elect. Dosis aur. ij. hoc maxime juvare affirmant. *Aliud.* R. opij, sem. hyosc. albi. Confice cum

melle: & cum calidioribus parum attempera. *Plura ex Avicenna* qui velit, cum ad Can. 4. Fen. 6. Tract. 3. relegamus.

Externa Rhafis.

Anacardi oleum calidum in putamine ovi manens infricatum, ligetur primum vulnerata pars, deinde solvatur, & oleo jasminto inungatur. Tertia die aperiatur vena, sed post cibum & somnum. Locus item Castoreo unguatur, vel melle Anacardino & alio, cum plumbo argento vivo superinducto.

Sagapenumi extra applicatum vulnus sanat, & mustelæ caro superposita.

Lapide topazio confricatus locus sanabitur.

Muscâ confricatâ vulnus juvatur.

Aquâ e folijs raphani, & oleo sinapis & Majoranæ vulnus curatur.

Butyrum coctum prodesse scribit Serapio.

Interna Rhafis.

Sudor quovis modo eliciendus tam externis quam internis medicamentis.

R. nucum, alliorum mundatorum ana; pistentur.

Dosis ʒj. & post horam merum bibant. alij his rutæ sicca, myrrhæ, & assæ, ana addunt. Dosis ʒiij. cum vino puro.

Aliud. R. sem. nigellæ partem. j. assæ part. 3. Dosis trochisc. j. cum vini ʒj.

Aliud. Bibat vinum forte ad ebrietatem usque & mane venam aperiat.

Aliud. R. rad. colocynth. corticum rad. cappar. absinthij, Aristol. long. seminis endyviæ, ana fiat pulvis. Dosis Drach. j. pueris scrup. j.

Alia Theriaca contra Scorpionum ictus. R. arist. longæ, rad. Gent; baccar. lauri, rad. capp. colocynth. absynth. cheled: vitis albæ ana; confice cum melle.

Aliud. R. myrrh. opopan. apij ana Drach. j. ss. vitis albæ, Aristol. longæ, pyreth. ana. Drach. vj. sem. rutæ, nigellæ, trifolij, ana Drach. iij. gummi arab.

arab. q. f. cum aceto fiant trochisc. Dosis Drach. j. ad Drach. jss. *Aliud.* R. alliorum mundat. Drach. v. nucum. Drach. x. assæ Drach. j. incorporentur optime. Dos. Drach. ij. *Aliud.* R. Gent. Arist. myrrh. costi amari, rutæ, castorei, mentastri sicci, pyrethri, piperis, sem. nigellæ, assæ fatid. ana. confice cum melle: Dosis aureum j. cum vino. Confert etiam rad. eryngij pulvis cum calida, & cuscute pulvis. Napelli item aur. j. cum aqua. Iua & polium cum aqua, valde profunt. Si febris supervenerit, venam incide; stercus alini siccum & cum vino bibitum, multum conducit. *hæc ex Rhafi*

Externa ex Albucasi.

Vngatur locus oleo de Ben. pluribus diebus, vel oleo Iasinino, cum quo teratur euphorbium & Castorium, vel castoreum, & alia terantur cum oleo veteri, & fiat emplastrum.

Rana scissa & superposita valde prodest. R. olei vet. lb. j. ceræ ʒiij. euphorbij ʒj. liquefiat in oleo, & eo unguatur locus.

Interna Albucasis.

Bibat butyrum vaccinum calidum cum vino vel melle. Pentaphylli semen, & feces vini, Theriaca sunt in hoc malo: uti & erucæ semen.

Hiera Anacardina contra Scorpionum ictus. R. Pyrethri sem. nigellæ, costi amari, piper. nigri, acori, ana ʒx. fol. rutæ, assæ fat. rad. Gent. Aristol. long. baccar. laur. castorei, cassiæ lign. Sinapis, mellis Anacardini. ana drach. v. pulveres cum oleo nucum malaxentur; & cum succo radicis conficiantur. Dos. drach. j. quotidie, provocat sudorem. Cerebrum Gallinæ porum valde confert.

Haly Abbas nova non adfert, sed solum recipit quæ ab alijs sunt perscripta. De sigillis quibusdam (in Centiloquium Ptolomei) & incantationum formulis, tum ipse, tum Kirandes mentionem facit; sed quæ ab homine Christiano credantur, imo quidem recenseantur, indignis.

Ioannitius Emplastrum cum allio & butyro, valde laudat. Vel si unguatur

locus cum petroleo, aut succo porrorum puro.

Intus dari vult Cataputij majoris medullæ scrup. iij. cum aqua tepida. *Rabbi Moyses* hexagium unum præscribit, thuris cum vino q. f. Exhibet etiam stercus columbinū exiccatum, & subtilissime tritum, cum butyro & melle. Dosis: duo hexagia.

Gul. de Placentia majoranam siccam vel viridem intus cum urina humana propinandam & foris applicandam suadet.

Constantinus 4. Pantechni lib. foris stercus Gallinæ vel cor commendat; intus pimpinellam: cum pulvere Gent. Cinamomi, centaurei in vino sumptam.

Averrhois lapidem Bezoar supra omnia extollit. Dosis quarta pars aurei.

Aristoteles τρι θαυμασιον λεουματιον Locustæ speciem *καρπομελον* describit, quæ statim comesta Scorpionum ictibus medetur.

Serapio radicem colocyn: masculi tritam & vulnere appositam, dolorem tollere affirmat. Intus commendat Absynthium, lactucæ semen cum alio, Mumia gr. ij. cum decocto tribuli marini, & foliorum Silphij.

Oribasio probantur lilij radices & folia trita & imposita, & emplastrum verbenæ, quod ita habet. R. Verbenæ ʒiij. resinæ ʒvj. Ceræ, picis, ana ʒij. ss. olei ʒ. ss. Fiat emplastrum.

Intus laudat cancerorum fluviatilium spodium cum lacte caprino vel agrimonie succi ʒij. cum haustu vini vel Dracontij radicem tritam cum vino.

Actius Calamentham aquaticam laudat, & Neperam, quam ita dictam putant nonnulli, quod Neparum, *id est*, Scorpionum ictibus medetur: cochlea horrulana (inquit) trita & imposita extrahit venenum. Laudat item verbenam rectam & virentem, si cataplasmatibus forma applicetur. Nec non ovillum stercus cum vino impositum. Conficit quoque huiusmodi emplastrum: R. rut. sylvest. cum aceto tritæ drach. j.

drach.j. ccræ ðj. refinæ pini quadrantem, fiat s.a. emplastrum, quod contra Scorpionum vulnera mirabile est.

Insus, Elephoboscum præter opinionem auxiliari scribit, siue viridis edatur, siue sicca cum vino bibatur. R. calthorei succi cyreniaci, piperis, ana drach.iiij. Costi amari, Spicæ Nardi, croci, succi centaurei minoris: ana drach.ij. mellis despumati. q. s. misce. Dosis nucis Ponticæ magnitudo cum vino diluto, venenum Scorpionum è quavis parte pellit, ut *Aetius in semetipso probavit*. *Aegineta* sulphur vivum cum Cancro tritum ex vino propinat.

Nonus argenti spumam ictui statim superponi iussit, atque sulphur laudat, si ad pondus tabæ Aegyptiacæ cum octo piperis granis ex vino sumatur.

Arasolus hoc laudat *zōger* nupitæ *zōger* nupitæ *zōger* nupitæ.

Sylvaticus ex Haly talpam, vel Soricem domesticum majorem, superpositum commendat: & ex Serapione, stannum tritum ac potum.

Orphanus Corallium potum laudat, & lapidem *zōger* dictum, cum allii capite impositum.

Octavius, *Arctæus*, *Horatinus*, *Zoroastres*, *Florentinus*, *Apuleius*, *Democritus*, alijque Geoponicorum authores, pauca addunt veterum medicamentis præter aniles quasdam Epodas, & sigilla incantatoria, Deo hominibusque invisâ. Tale quoddam fig-

Ami cum semine lini.
Cuminum sylvestre.
Cunilæ tertium genus.
Semen feniculi.
Radix cyperi.
Crocus major.
Nasturtium.
Chrysocome.
Cauliculi grossi.
Lauri bacca.

ex vino pota.

mentum narrat Plinius; sed qua ratione aut fide nemo dixerit. Si percussus (inquit) à Scorpio asinum conscenderit facie candam respiciente, sanabitur homo, & asinus torquebitur.

Atyropsus iridem bene tritam cum vino sufficiente vel aceto, ac deinde bibitam extollit.

Quintus Serenus sic scribit & consult: *Sunt minima species sed dira vulnera pestis, Quæ magis in tenui latitantes corpore fullunt. Scorpium, & gravis est araneus; hac mala semper Capiant securus multa jam nocte sopores: Et documenta dabit magnus profiratus Orion; Magna quod exiguis perimantur saepe venenis. Est cum vulnus atrox incussit Scorpium ardens, Continuo capitur tunc digna sede rectus, Vulneribusque apertus fertur revocare venenum; Aut calidis pelagi lymphis loca læsa fovetur: Sive meri potu dissolvitur improba pestis.*

Plinius inter exteriora hæc adjicit: Sinapitritum, corcorum herbam, Camælæontis radices, Algâ, cæpas sylvestres, leporis coagululum, fel testudinum, fimi gallinarum cinerem, tussilaginem, & verbasci folia. *Intus autem plurimi facit, corpus optime purgare, cucumis agrestis semine & elaterio, deinde succum lactucæ propinare, & folia tosta ac thyrso ex aceto bibere.*

Hyacinthi semen.
cum abrotano.
Semina trifolij & erucæ.
Agarici oboli quatuor.
Vetonicæ et plâtaginis succus
Ranæ fluvialis spodium.
Camæpytis.
Nodia herba.
Paliuri semen.
Lychnis flammea.

Arnoldus Villanovanus hæc habet: Herba trinitatis vulnera Scorpionum curat, & Scorpiones ipsos occidit. Bibat æger cochlear unum succi radices Ebuli cum vino, & est infallibile remedium. R. rad. cappar. colocynth. absinth. aristol. long. Gentianæ; baccarum lauri, Ben. citrini, vitis albæ, ana confice cum melle. Dosis nucis quantitas cum vino. *Aliud*, R. Sem. rutæ agrest.

agrest: cumini, alliorum, nucum & avellanarum, ana, 5j. fol. ruta sic. gran. j. fl. myrrhæ, thuris, ana, gr. j. piper. albi, oppij 3ij. opopanax, galbani, ana 5. fl. confice cum melle. Dosis, fabæ quantitas ex vino. *Ioannes Ardenus Anglus* (Chirurgus omnium Britannorum longe suis temporibus peritissimus,) post longam hic & in Gallis praxim, nihil magis à Scorpio vulneratis salutare vidisse sese affirmat, quàm si tres quatuorve sanguinis guttæ extrahuntur juxta vulnus, eodemque vulnus sanguine statim linatur. Celsus tale quid fecisse illos medicos insinuat, qui sanguinem è percussorum brachijs extractum servare soliti sunt. *Atque hac de medicamentis contra Scorpionum ictus sufficiant*; Si quis à Rhafis (Scorpione illo, quem gibbosum diximus,) morsus fuerit, à primo die parvus dolor sentitur; sed sequenti, angustia, gravitas, tristitia occupant: color corporis in horas fere singulas varius, & ex viridi, flavo, albo, rubidoque alterans: unde appareat omnes humores esse infectos; locus ex dolore & humoris confluxu ardet. Sequitur syncope, & cordistremor; acuta febris, & linguæ tumor, ob humores in cerebro putrescentes colligatos, & ad radices musculosque linguæ diffuentes. Quapropter & urina sanguinea ob materiæ venenosæ acrimoniam, bilisque porracea per vomitum ejecta; intestina etiam dolore acuto & vehementi torquentur. Nervis omnia fere accidunt symptomata, quæ malè ipsos afficere possunt. *Hos Rhafis hoc modo curari jubet.* Primum à læsione loci facta & cucurbitulis adhibitis, forti cauterio actuali inuratur; tum vulnus ungatur succo endyviæ sylvestris, vel cum oleo rosaceo, aqua hordei, succo pomorum, & cum omnibus rebus frigidis. Si alvus non sit lenita, leniente clystere aliquo, & succo blitæ, nitro, & oleo violaceo solvatur; & hanc Theriacam capiat. R. opopân; myrrhæ, galbani, castorei, piperis albi, ana: confice cum styrace liquida & melle. Dosis jujubæ quantitas; lapide molari calfacto, & cum aceto irrorato membrum affectum suffumigetur. Foveatur item aqua lactucæ sylu. *Theriacæ exercitialis.* R. cortic. rad. cappar: rad. colocynth, absynth. aristol. rot. hepaticæ, taraxacon, sylu. ficcæ, ana, fiat pulvis. Dosis drach. ij. Poma acetosa item comedenda. *Pro ventris dolore.* Bibant oleum rosaceum cum aqua hordei, citrullis, cucurbitam, & lac acetosum etiam exhibent. *Pro cordis tremore,* Accipiant succum Endyviæ, vel syrupum acetosæ, vel syrupum de pomis cum trochiscis de Camphora, vel lac acetosum eodem modo. *Si vulnus dolore acri crucietur,* Vicina loca cum bolo & aceto emplastrantur, ad defensionem, & medicinam acutam mordentemque ex Euphorbio, vel castorio superposito; Radix polij hausta cum aqua, & caro arietis combusta confert. *Theriacæ Hascarina, in Hascari Provincia primum inventa.* R. fol. ros. rub. drach. iij. spod. drach. ij. santal. citrin. drach. ij. fl. croci drach. j. glycyrrisæ drach. ij. sem. citrulli, melonis, cucum. cucurb. gummitragac. spicæ, ana, drach. j. ligni aloes, cardamomi, amyli, caphuræ, ana drach. j. sacchari albißimi, mannæ, ana drach. iij. cum mulcilagine Pfyllij, & aqua ros. q. s. confice. Gens Hascarina ægrorum sanguinem solebant extrahere, (inquit Haly Abbas) fere ad animi deliquium: deinde lac dulce propinabant, & aquam è pomis acidioribus destillatam; lac acetosum item exhibebant magna quantitate: hæc Arabes de pestilentissimo hoc genere Scorpionum: *Nicandro* omnibusque Græcis ignoto, & in Hascari regione nimis familiari. *Nunc de Araneis dicemus.*

CAP. XI.

De Araneorum nomine differentiisq.



Araneus, five aranea, Græcis ἀράχνη, ἡ ἀράχνη, μετὰ τὸ ἀράχνη ἔχον ἵναι. Nomen. *μετὰ τὸ ἀράχνη ἔχον ἀράχνη τὸ ἵναι.* Quidam dictum putavit *μετὰ τὸ ἀράχνη ἔχον:* quasi laxa, rara, aut spongiosa texens. Alij *μυρμαῖς* five muscatri-
cen; Karamides *δρακον;* Hesichius *ἀράχνη* vocat. Hebræi *Acabitha*, *acbar*, *aca-*
bish, *Semamith*. Arabicè *Sibih* & *phibit*; *Aldebah*, & *Aldebani* Bellunenſis
vocat. Germanicè *Spinn* & *banker*. Anglicè *Attercop*, *spider*, *spinner*. Bra-
banticè *Spinn*; & Gallicè *Araigne*. Italicè *Ragno*; *ragna*. Hispanicè *Arana*,
vel *Tarranna*. Illyricè *Spawanck*. Polonicè *Pauck*. Barbaricè *Koatan*, *Ker-*
fenati. Iſidorus lib. 12. Araneam dici affirmat, quasi ab aëre nutritam &
natam; duplici quidem errore. Nam si aëre viverent, quare tam sollicitè
muscis capiendis casses conficiunt atque tendunt? Si vero exinde nasceren-
tur, quare coeunt? cur vermiculos atque ova excludunt? Verùm arrogan-
tiori Etymologo veniam dabimus, cui familiaris ludendi in nominibus consue-
tudo ferè pro lege est. Plura autem horum sunt genera; omnibus internodia
terna in cruribus;

Estque caput minimum, toto quoque corpore parvum est,

In latere exiles digiti pro cruribus hærent;

Cætera venter habet, de quo tamen illa remittit

Stamina.

Sunt autem omnes aranei, *Differentia.*

vel innoxij morſus, vel venenati. Innoxiorum, alij Cicures & domestici, om-
nium maximi; alij verò subdiales, qui à rapacitate venatorum & lupi nomen
invenere: horum minimi non texunt; qui verò major est, asperam parvam-
que telam apud terram aut sepes orditur. Cavernarum exigua vestibula præ-
pendens, & primordijs telarum intus positus observat, dum aliquid in tela of-
fendens commoverit; mox accurrit ut capiat. Noxij five Phalangia dicti ara-
nei, morſu ita infesti sunt venenato, ut attractum locum statim in tumorem
adigant. Hæc in duo distinguuntur genera: Sunt enim alij minores, alij ma-
jores. Varij minores, procaces, cacuminati, salacesque & assultim inceden-
tes; quos *Aranei* five pulices, & Pithecos simioſve nuncupatos lego. Oribates
alij dicuntur, quod in arboribus præſertim montanis reperiuntur. Hypodro-
mi etiam, quoniam sub folijs degunt. *Gefnerus*. Animal est pilosum; in arbo-
ribus majoribus nascitur. Venter eileniter incisus, ut sectio notata filo videri
possit. *Alianus*.

CAP. XII.

De Araneis noxijs five Phalangijs.



Phalangium est Italiæ ignotum (inquit Plinius); plurimorum gene-
rum. Vnum prægrandi simile formicæ, sed multo majus; rufo capi-
te, reliquâ corporis parte nigrâ; albis intercurrentibus respersum
gurtis. Actij Formicarius corpore fuliginoso describitur, cervice cinerea, dor-
so veluti astris insigni: *ἀράχνη* Nicandri, *ἄραχνη* vocat Actius: Latini venato-
rem dicunt; imbellam plagam infert & doloris expertem, sed nonnihil unâ
venenatam. Inter Araneorum telas invenitur, ubi (venatorum more) mus-
cas, culices, apes, asilos, tabanos, imo quidem vespas; & (nisi Lonicerò
diffiditis) æstros, & quicquid casses capiant te neantque, deprædatur. Idem
hoc

*Phalangiorum
descriptio &
differentia.*

hoc esse cum Aristotelis pulice nemo sanæ mentis inficias iverit; corpus illi latum, volubile, rotundum; quæ circa collum partes sunt, incisuram habent. Et circa os eminentiæ tres enascuntur. Aliud quoque Phalangium, Nicandro *ῥαῖς*, Actio *εἰς*, Æliano *εἰς* dictum (ab acini uvræ nigræ similitudine) figura rotundâ, colore nigro, splendente corpore & globoso, pedibus brevissimis tanquam imperfectis; incessu tamen velocissimo: os autem habet, sed dentatum, sub aluo natum; accumulatis pedibus movetur. An sit mordax illud Aristotelis, penes lectorem esto iudicium: Sane haud multum abludivit, ut Crevinus rectè conjecerat. In hujus descriptione Actius, Ælianus, Plinius, fere cum Nicandro consentiunt: male tamen Ælianus *πύλας μακρὰς* pro *μακρὰς* posuit, & Lybicum duntaxat animalculum esse asseveravit. Idem esset *αἰετός*, nisi stellulis, & virgulis quibusdam niveis, pinguibus illis & lucidis, distingueretur. Hujus post Nicandrum solus Plinius mentionem fecit; ac si Aristoteli, Galenq, Actio, Æliano, Avicennæ fuisset ignotum. Pejor istis omnibus Cyaneus, sive cæruleus *πυλὶς*, ut Nicandri verbis utar; sublimibus utrinq; & longissimis pedibus incedens. Scholiastes addit *ἀπὸ τοῦ μετακίτου, ἵδεν*, lanuginosum & sublime, non sublime lanuginosum, ut Lonicerus vertit; lanugine nigrâ hirsutus inquit Plinius, quamvis ego vix inducor ut credam phalangium cæruleum nigra esse lanugine villosum. *Δυσδινες* Nicander vocat illud Phalangium, quod alij *σφαῖρην* dicunt: à crabrone rubicundo penna tantum differens, & vehementer rufescens. Cæruleo longè pejus habetur, quamvis ipsum solo tactu venenum ingerit, & speculum crystallinum levi transcurso (Scaligero testè) confregit. Tetragnathij duo genera habentur; Pejor cui caput medium linea una alba, & transversa altera distinguit. Mitior, sive cinereus, posteriore parte candicans, eodem colore, ac qui telas muscis in parietibus latissimè pandit. *Plin. & Hermolaus*. Vñ vero Aetius tradit, Tetragnathus Phalangij species est, corpore latiore & subalbulo, pedibus scabris: duo illi in capite prominent tubercula; alterum rectum, alterum latum; ut videatur quidem ora habere duo, & maxillas quatuor. Circa fluvium Arrhatam in India magnus illorum & quandoque civibus exitialis numerus; ut Ælianus narrat. Inveniuntur messis tempore in leguminibus (cum manibus colliguntur.) Phalangia quædam parva *καρφαλαῖον ἰσχυρά*, specie cantharidi similia, colore flammeo ruberrimo quales *Τρυνες* Anglorum nostrorum esse, quorum esu pereunt sæpenumero jumenta, meritò contendam. Nascitur item Phalangium in eruo, & in Persica arbore, cui nomen *καρφοβλάστης* Nicandro & Actio, *καρφοβλήτης* Dioscoridi; quia prætereuntium capita audaculus ferit, cum vel per filum descendit, vel absque filo sese præcipitat. Animalculum est Phalænæ Papilionis specie: capite semper nutabundo horribilis incedit, & ventre gravi; corpore oblongus est; & colore viridante; aculeum in summo collo gestat, quod si in quem inciderit, ferit eas maxime quæ circa caput sunt partes, Actio auctore; in *ταῖς ἐσθλαῖς τῆς κεφαλῆς ἡρώται, καὶ τὰ σπέρμα ἔχει ὡς αἰμα τὰς ἐν ταῖς κόρταις ἰσχυαῖς*, unde Scholiastes insinuat nobis videtur, esse hoc genus Phalangij alatum, quod nemo hæctenus animadvertit. Ponserus & Ardoynus, Cranocalapten, Tarantulam esse arbitrantur, à Rabbi Mose decepti: hunc errorem secutus est Gilbertus Anglicus, cap. de Tarantula. Sclerocephalus, formâ a priori parum differt: caput habet saxi duritie, & totius corporis lineamenta illis animalculis quæ lucernas circumvolitant similia, Scolecion longiusculum est, & maculis quibusdam, præsertim circa caput, variegatum. Est & quoddam genus Phalangij, Plinio *Lanuginosus* dictus, grandissimo capite: quo dissecto, inveniri dicuntur duo vermiculi, qui mulieribus còrvina pelle ante sobolis ortum adalligati, præstant ne concipiant; estque hæc vis eorum annua, ut *Cæcilius*

in

in Commentarijs reliquit. Vltimum appulum vocamus, vulgo Tarentulæ nomine, non incelebrem, à Tarentino agro in Appulia (ubi frequentiores vivunt) cognominatam. Ejus hic Iconem à mercatore quodam Italo pia



memoriæ Pennio datam exhibemus, ubi si albicantia loca, fuscédine leviorè; adumbrata verò, saturiore infeceritis: ecce vobis lentiginosum & verum Tarantulam, à nemine (quod sciam) hactenus verè descriptum. Ferdinandus Ponssetus sepedem duntaxat comminiscitur, & Ardoynus idem sentit, caudamque extensam præterea affingit. Rhafis, *Tarantulam*, *Syp-tam*; Albucasis Alfari; Rabbi Moses, *Aggon sarpa*; Avicenna, *Schigi*; Gilbertus Anglus *Taranta*, *Ar-*

doynum secutus; qui duo Tarantularum genera constituit, alterum fulcum, quale dedimus; alterum croceum, clarumque, quale Ægyptus parit.

Phalangium Italiæ ignotum, ex Plinio diximus; at nunc in ora meridionali penè tota reperiuntur, magno cum messorum venatorumque incommodo, ut diurna experientia liquidum fecit. Valde hallucinatus Ponssetus, qui 3. lib. cap. 15. de Scorpione, Phalangiam muscam venenatam appellarat. Dirum est animal (inquit Alex. ab Alexandro) tactu pestilens; æstate sole exæstuantè morsus eorum venenatus, alio tempore non item. In frigidissimis regionibus multi aranei, nulla autem phalangia; vel si quæ fuerint, veneni atque malignitatis omnis exortia. In sulcorum rimis æstu dehiscentibus latitant Tarantulæ, ac imprudentes menses vel venatores dentibus lacefcunt ac pun-gunt. Quam ob causam indigenæ pedibus manibusque se muniant, quoties ad messum vel aucupium proficiscuntur. Telam quasi nassam textit magno silentio, & quodcunque è minutis quibuscunque bestiis inescare potest, illud in cœnam parat & destinat. Singula phalangia in reti (quod crassum confecerint) pariunt, atque incubant magno numero; cumque ipsa proles increverit, matrem amplexa interficit & ejicit sæpe etiam & patrem, si ceperit: adjuvat enim fœminam incubatu, pariunt autem & trecentos. Bellonius, lib. sing. obs. cap. 68. in sabulosis locis phalangia parva per eorum tibiaf ascendentia observavit (quæ forte Germanorum *Stein spinnen*) quorum frequenti morsu subito languescabant, & continuo titubantes intabescabant. Bassilius decem phalangiorum genera esse dicit, sed non describit. Avicenna (ex quo nescio Galeni libro) in Ægyptiacum, Nigrum, Rutilum, Rachen, Albū, Citrinum, uveum, Formicarium, Cantharadeum, Vesparium &



Orobaten, Phalangia dividit. Sed tam ineptè (ne quid gravius dicam) tam ipse, quam universa Arabum familia illa describit, ut nihil de re tanta tam enormiter vide-ris confusum. Denique ut omnes (quas vidimus legimusve) phalangiorum species addamus, placuit etiam Cretense adicere, cujus hic imaginem accuratè sculptam habetis. Est autem ex colore fusco cinerascen-te, corpore glabro, tibijs hirsutis, juxta os duobus quasi uncatis stimulis munitum, quibus mordet & pungit. Vivit Araneorum more ex muscis & papilionibus, quibus illaqueandis telas conficit. Ova ponit fovet-

que sub pectore, unde Paraphalangia excluduntur, quæ sub ventre hærent materno, donec adultiora facta matrem occidunt. Foramen excavant pro corporis

corporis magnitudine aptum; nam ut non ubique unius coloris, ita nec ejusdem magnitudinis. Habitant in caverna duos pedes profunda, quam extra stramine operiunt, ne pulvere repleatur. Aranei hi omnes venenosi ex insita natura venenum obtinent; non enim illud ex herbis fugunt (ut similitudinum corrosiores nonnulli autumant;) quas ne gustant quidem, nec est cibi malignitate. Vescuntur enim potissimum muscis, culicibus, apibusque, nihilque cacochymia ex eorum corporibus exugunt.

*Signa morbus
Phalangiorum.*

Formicarij morsum gravia insequuntur symptomata: nam vulneri tumorem infert ingentem, genua labefaciat, cordis tremorem excitat, virium dejectionem inducit, quandoque & mortem. Nicander ægros adeo profundè dormire author est, ut in sempiternum ^{παραίσιον} demum incidant; patiuntur enim ea quæ ab Aspide; quam Cleopatram pectori adhibuisse referunt historiarum, ut sine dolore à Pompeij manibus evaderet. Agrostis imbellem plagam infert, & doloris fere expertem, nec ullo modo letalem, nisi plane neglectum habeatur. Rhagij valde exiguum est vulnus, & oculos fallens; ab eo infecto oculorum inferiores partes, uti & genarum, rubescunt. Lumbos deinde horrore languorque, & genua imbecillitas corripit; totum corpus caloris experti inhorrescit, & veneni malignitate nervi convelluntur. Partes generationi inservientes adeo sunt enervatæ, ut semen retinere hâud possint; urinam emittunt, similem araneis textis; dolorem sentiunt qualem à Scorpione. Asterij ab lètu, enervati atque elumbes videntur, genua concidunt, sopor hominem corripit pariter ac horror. Pejor hisce omnibus cæruleus, caliginem concitans, & vomitus araneosus; deinde lypothimiam, genuum imbecillitatem, coma & mortem. *Dysderi sive Vespi forme Phalangium* eadem cum Cæruleo, sed mitiora infert symptomata, & lento quodam veneno talem inducit. A Tetragnathij locus percussus subalbicans est, vehemensque in eo & continuus dolor. membrum verò ipsum ad articulos usque gracilescit. Corpus denique totum ex alimento nullum sentit commodum, & post adeptam quoque sanitatem immodicè in festant hominem vigiliarum. *Actius.* Nicander Cinereum Tetragnathum morfu venenum infundere diserte negat. Cantharideum sive leguminare pustulas excitat, quæ Græci ^{κακτὴν} vocant, mens perturbatur, oculi distorquentur, lingua balbutiens & vacillans incondita profert, cor furore quasi exagitatum oberrat. Eruestris eadem producit mala, & equos devorantes, jumenta quoque siti exardescere, mediæque crepere causatur. Cranocalaptes si quem percusserit (inquit Plinius) non longo post tempore mors sequitur. Actius & Nicander contra affirmant, ipsius vulnus nullo fere negotio persanari. Sequitur capitis dolor, frigus, vertigo, corporis inquierudo, jactatio, ac ventriculi pungentes dolores: sed idoneis medicamentis (Nicandro affirmante) singula sedantur. Huic Sclerocephalus, ut formâ, sic viribus similis, eademque efficit; veluti etiam solecium. Lanuginosum sterilitatem arcere, vel gestatum, diximus; an sit vero vehementer virulentum, nullus, quod sciam, determinavit. Lentiginosus sive Appulus phalangius, pro vulnerati complexione & præsentis dispositione varia contrariæque parit symptomata. Nam ridet alij, alij flent, quidam blaterant, alij omnino silent; hic dormit, ille perpetes agens vigilias discurnit: hunc gaudium, alacritudo, motus, illum tristitia, desidia, torpor afficit. Sunt qui reges se esse arbitrantur, & cunctis imperant: sunt qui captivitaris imaginatione contristantur, & in nervo jacere se fingunt. Denique ut non una hominum ebrietas, ita nec horum insania: sed nonnulli pavidi, taciturni, tremuli, nonnulli audaciores, clamosi, constantes fiunt. Hoc solum omnibus commune, muscis instrumentis delectari, eorumque sono ad gesticulationem, choreas, tripudia, animum corpusque ducere. Imo cum præ morbi mora &

vehementia jam morti proximi videntur, Musica tamen audita animos recolligunt, maioreque indies cum alacritate choreas agunt. Quibus noctu atque interdiu continuatis, tandem agitatissimis spiritibus & veneno per insensibilem transpirationem evaporato, convalescunt. Si vero quacunque de causa Tibicines musicam intermiserint, priusquam mali fomes fuerit exhaustus; in eisdem recidunt ægri affectus, quibus primum opprimebantur. Hoc inter alia mirari possumus, omnes Tarantulos (Italia peperit, & jam usus triviti hoc verbum; tam recte saltare, ac si choreas nossent; tam eleganter canere, ac si symphonias assuevissent. Cardanus præter fidem & experientiam eos musica sanitati restitui posse negat; tamen & nos id ipsum Basilæ accidisse, à Felice Platero & Theodoro Zuingero præceptoribus nostris charissimis clarissimisque accepimus: & in Matthiolo, Bellunenfi, Ponsetto, atque Paracelsio legimus. Et sanè si suave tibarum melos equis lymphatis, & coxendicum dolori auxilio fuerit (ut Asclepiades scriptum reliquit:) Quidni etiam Tarantula percussis opem ferat? Sunt qui nescio quem minorum gentium Divulium huic morbo præficiunt: Vitum nomine, canendi olim peritia non incelebrem, quo invocato & tibarum modulamine placato, Musices Patrono per superstitionem id imputant, quod musica & motui debuissent. Cretensæ Phalangium non dissimilia mala inferre, author est Bellonius: dolorque & vulnus ejus musicâ item curatur. Hæc duo phalangia cum veteribus essent ignota, haud mirum si nec ipsa descripserint, nec eorum morfus remedijs persequendi viam monstrarint. Dioscorides de communibus phalangiorum moribus, sic scribit: Symptomata quæ eorum morum comitantur, plerumque hujusmodi sunt: locus vulneratus rubet, nec intumescit, nec calescit; parum autem humescit; quo frigescit totum intremiscit corpus, poplites & inguina distenduntur, in lumbis fit collectio, ad urinam reddendam sæpius urgentur, ac in excrementis alui ejiciendis maximo cum labore & dolore sudant: undique frigido sudore disfluunt, ab oculis caligantibus lacrymæ destillant.

Actius hæc addit: Vigilijs detinentur, aliquoties virga erigitur, caput prurit, quandoque oculi & suræ cavi fiunt. Venter inæqualiter flatibus distenditur, totum corpus intumescit, præcipue facies; gingivæ, lingua, tonsillæ, ineptius & oscitanter verba proferunt; aliquando dysuria laborant, pudendis dolent, urinam aquosam & veluti telis plenam emittunt. Pars affecta pungitur, intumescit (quod Dioscorides antea negavit,) & modicè rubet. Hæc Ætius; à quo Paulus, Actuarius, Ardoynus & alij parum discrepant. Gal. lib. 3. loc. aff. Cap. 7. hæc habet. Morfus, inquit, Phalangiorum ob vulneris exiguitatem vix conspicitur: solummodo cutem primum afficit, unde ab ejus superficie per villorum continuitatem in cerebrum totumque corpus defertur: cutis enim est membranis, hæc à nervis & cerebro. Hoc manifestum est, quia vinculis statim injectis partibus remotioribus, ab infectione veneni in vicinia existentis integræ servantur. In Zacyntho quos Phalangium momorderit aliter afficiuntur, & gravius atque alijs in locis. Corpus obtorpescit, debilitatur, tremor, valdeque frigescit: sequitur vomitus cum spasmo, ac virgæ inflatio; aures acerbissimo dolore affliguntur & pedum volæ. Balneis ad salutem recuperandam utuntur: in quas si postea sanus sese ultro immerferit, vel fortuito per insidias eo ductus fuerit, per calidam veneni diffusentis contagionem suscipit, & eadem quæ curatus mala toto corpore persentit. Simile quid scribit Diosc. Cap. de Trifolio asphaltite in hæc verba: Totius, inquit, plantæ decoctum fori dolores eorum finit, quos Serpentes percusserint. Eodem balneo quisquis se ulcerosus laverit, perinde afficitur, atque ille à Serpente morfus. Galenus miraculo id fieri credit, lib. de Theriaca ad Pisonem, si modo illum scripserit Galenus. Verum magis miraculose Aelianus, ubi id sanis contingere affirmat, nulla facta ulceris men-

Hic est sensus
verbum Galeni,
non ipsius
ma verba.

Curatio.

tionem. Atque hæc de Symptomatis. *Nunc ad curam*: Curatio alia particularis, alia generalis. Particulares paucæ à Medicis recensentur, quia Generalis plerunque efficax.

Plinius tamen contra Formicarij Phalangij morsum, quod rufo est capite, in remedio ponit; Si quis ejusdem generis alterum vulnerato ostendat. Et ad hoc fervantur, cum mortui inveniuntur. Valde item conducit catulus mustelæ, cujus ventriculus fartus fuerit coriandro, inveteratusque, ac in vino potus. Vesparij Phalangij venenum vespa (Ichneumon dictus) contusus & applicatus retundit (inquit Bellonius) non secus atque vivus vivum perimit. Etenim Ichneumon, auctore Aristotele, animalculum phalangij infestum. Ingressus sæpe eorum cavernas & vicissim egreditur, operam perdit. Magni enim laboris res est tam pusillo animali, hostem sese majorem vi extrahere: si vero toris deprædantem hostem invenerit, non aliter phalangium secum trahit & rapit, ac formica granum: & quo pertinacius ipsum se retrahit, eo protrahit vespa ardentius, nullisque parcens laboribus, omnes corporis atque mentis nervos intendit: quandoque nimio labore fessus, evolat paulisper & respirat, recollectoque deinceps anhelitu quærit suum phalangium, & spiculo, cribro crebrius perfossum, tandem enecat; enecatum in proprium hospitium sublimem rapit, atque ubi incubando genus revocat. Tarantula quos percusserit, motus violentior & incontinuis adjuvat, ubi à cæteris Phalangijscitis hominibus quietem contra imperat Celsus & parcum motum. Est autem vera ipsorum Antidotus, Musca & cantilena. Christophorus de hostis statim dare jubet Theriacam Andromachii. Exhibet item butyrum cum melle, & radicem croci cum vino. Ejus Bezoar (inquit) sunt viridia lentisci grana. Ponssetus lib. de venen. Decem grana lentisci cum lacte danda consulit, vel succi sol. mori. 3j. 6. In augmento curat cum agarico aut viti alba, post multum sudorem, refocillandi frigidis & humidis, qualis est papaveris aqua. Merula eos curari dicit sono, saltu, cantu & coloribus. De tribus equidem primis non contenderim; sed quomodo coloribus curari possint, haud satis video; præsertim cum vulneratorum oculi vel non videant, vel obscure hallucinentur. Ait etiam, inquilinos civesque proprios ab ijs lædi, peregrinos autem salvos & liberos; quod nemo non maximæ vel levissimæ potius fidei crediderit. Generalem curam ita Dioscorid. instituit. Primum scarificatione iteranda, & cucurbitulæ sæpius cum forti admodum igne affigendæ. Absyrtus consulit locum affectum suffumigare, testis ovorum gallinæ primum in aceto maceratis, & tum cum cornu cervi vel galbano accensis.

Deinde scarificationem adhibendam, & sanguinem vel suctione, vel cucurbitis eliciendum, vel (quod tutius fiet) cauterio actuali comburendum locum affectum, nisi nervosus fuerit; tum enim cauterio vicinas partes potius inurendum; Tum sudor provocandus stragulis, vel lentâ magis & longâ deambulatione. Denique curam ut perficias tentare oportet, tum internis tum externis medicamentis, qualia hic ob oculos proponimus, & laudatissima meliorisque notæ singula asterisco notamus.

*Medicamenta interna; Ex
Dioscoride.*

R. sem. abrotani, anisi, cumini, anethi, aristol. rot. ciceris syl. fructus cedri, plantag. trifolij, minianthes semen, ana. terantur sigillatim. Dosis singulorum 3j. ex vino. si vero plura conjungas, potes 3iij. vel quatuor in-

tus cum vino præbere. Conducit item myricæ fructus 5j. cum vino. Chamæpit. & viridium nucum Cupressi decoctum, vino adjecto. Sunt qui Cancrorum fluviatilium succum laudant cum lacte asinino ac semine apij; ac statim ab omnibus doloribus liberare promittunt. Lixivium quoque ficul-
neum

neum contra omnium Phalangiorum morfus bibitur. Confert item Terebinthina fructum, baccas lauri, Melissophylli folia, daucorum omnium & coriemen, succum baccarum myrti, hederæ, mori, caulis, & foliorum aparines, cum vino vel aceto bibere. Anagyridis foliorum 3j. cum vino hausta.

Decoct. rad. asparagi, succus semperivi, succus aparines cum vino. Laudat quoque cochleam tritam crudam & cum lacte asini bibitam. Folia item melissæ cum nigro, & maluum cum radicibus coctam, & frequenter haustam. Phalangij herba folia flores semenque, & semen nigellæ: decoctum asparagij myrrhis, morique succum.

Ex Galeno.

R. Aristol. opij. ana aur. iiij. rad. pyrethri aur. iiij. fiant trochisci ad fabæ quantitatem. dosis trochisci duo, cum vini puri 3iij. Cinis ungulæ arietis cum melle & vino potus. *Diophrastis remedia ad phalangiorum morsum.* R. Aristol. 3iij. pyrethri tantundem, piperis: 3ij. opij 3j. fiant pastilli ad fabæ molem, fumantur duo, cum vini meracioris cyathis duobus.

Aliud præstantius R. sem. rutæ sylu. sem. cruce, pyrethri, styracis, sulphuris vivi, ana 3vj. castorei 3ij. misce. fiant trochisci, ut supra, cum sanguine testudinis. Dos is oboli iij. ex vino.

Aliud. R. myrrhæ, castorij, styr. ana 3j. opij. drach. ij. galbani drach. iij. sem. apij. anisi; ana acetab. j. piperis gr. xxx. confice cum vino. *Aliud.* myrrhæ drach. v. nardi syriacæ drach. vj. floris junci rotundi drach. ijs. Cassæ drach. iiij. Cinamom. drach. iij. piper. albi drach. j. ss. thuris. drach. j. & obulus. costi, drach. j. Attico melle confice. dos. nucis avellanæ quantitas cum mulso vel aqua. *Appollodori remedia.* R. Cumini sylu. acetab. j. sanguinis testudinis marinæ drach. iiij. coaguli hinnuli, vel leporis drach. iij. sanguinis hædi drach. iiij. conficiantur cum vino optimo, ac reponantur. Dos is olivæ quantitas, ex optimi

vini cyatho dimidio. *Aliud.* R. sem. trifolij butuminosi, Aristol. rot. sem. rutæ sylu. sem. erui in sole exiccata ana drach. vj. vino excipiantur, & fiant pastilli quatuor drachmarum pondere. Dos is pastillus unus. Gal. 2. de antid. ubi plurima ex autoribus congestit.

Ex Actio & Aegineta.

R. Sulph. vivi, galbani ana, drach. iiij. amygd. amar. excortic. succi cyren. drach. ij. vel laseris drach. iiij. in vino diluantur, & melle excepta bibantur: foris item hoc pacto imponentur.

Aliud. R. Ameos. drach. ij. irid. drach. j. aut. hyperici, aut trifol. bitum. bibe ex vino. *Vel.* R. anisi, dauci, cumini, melanthij, piperis, agaric. ana drach. j. bibant. *Vel.* R. cupressi folia, aut nuces tritas, cum vino, & olei hemina una, detur bibendum.

In hunc etiam finem præscribit baccas lauri, scorpiodem herbam, serpillum, silphium, calamentham, chamæpitym per se, & cum ruta ac pipere. *Aliud.* Menthæ fasciculus ex posca recentiore coquatur, ac cyathos duos bibat. chamædryos item, chamæpityos, spinæ albæ & pulegij decocta profunt. Lixivium quoque & succus hederæ cum aceto.

Asclepiades his usus erat. R. sem. sphondylii sicci, calamenthæ ana, terantur, & ex vini cyathis duobus sæpius in die bibantur. *Aliud.* R. succi cyren. sem. dauci, menthæ siccæ, spinæ nardi, ana: confice cum aceto. Dos is drach. j. cum posca meraca ad cyathos quatuor: hoc accepto, statim in balneum calidum ducatur. Succo cyreniaco deficiente, duplum puri laseris substituitur.

Aliud præstantius. R. cenchryos, sem. rutæ sylu. piperis, myrrhæ, staphidis sylu: ana Drach. j. ss. rad. cyperi, Drach. fiat confectio. Dos is Drach. j. cum vini cyathis quatuor, & cyatho uno mellis. Alii quoque; esus confert, uti balneum & vinum, & quæ viperarum moribus medentur. Eadem Paulus repetit, & cuminum Thebaciū,

Thebacium, vel semen viticis, aut folia populi albæ in potu valde effert.

Ex Nicanaro. Resina terebinthi, pinus, vel picæ, devorata vel pota, valde conducit; quod Gesnerus & Bellonius, se experimento verum didicisse contefrantur.

Ex Avicenna. Myrtus, myrti fructus, doricum, mastix, assa fatida, culcuta ejusque radix, avellana Indica, (quæ est hujus mali Theriaca) bdellium album, cum vino pota. R. rad. aristol. iridis, spicæ Celticæ, pyreth. dauc. helleb. nigri, cumini. rad. asphodeli. fol. siligæ ceratiæ, fol. dactyli, summitatum granatorum, coagulep. cinamomi, succi cancerum fluviatilium, styracis, opij, carpobalsami ana ꝑ. omnibus tritis, fiant trochisci ponderis aur. qui est eorum dos. Accipiat item in vino decoctionem sem. trifolij bituminosi, nucis cupressi, & sem. apij. Præterea bibat grana pini, cumin. Aethiop. fol. & cort. platani, semen oxytriphylly, ciceres nigros & sylvestres, sem. nigellæ, abrotani, anethi, Aristolochiam, tamarisci fructum; nam hæc omnia plurimum conferunt. Succus quoque lactucæ sylvestris & sempervivi perutilis.

Decoctionem nucum cupressi præcipue cum cinamomo, & jus cancerorum, anferis: & decoctionem rad. asparagi cum vino & aqua.

Aliud. R. Aristol. cumin. ana. drach. iij. cum aqua calida: *Theriaca experta.* R. sem. nigellæ drach. x. Dauci, cummini. ana drach. v. rad. & nuc. cupressi, ana drach. iij. spicæ nardi, baccarum Lauri. aristol. rot. carpo. bals. cinamomi, gentianæ, sem. oxytriphylly, & apij ana drach. ij. fiat confectio cum melle. Dos in nucis quantitas cum vino antiquo. *Confectio ex Assa.* R. assa fat. myrrrh. fol. rutæ ana, confice cum melle. Dos drach. j. vel drach. ij. cum vino. *Ex Absyrto, Lullo, Albucafi, Rhafi, Ponsetto.* R. piperis albi grana. xxx. cum haustu vini veteris: sa pesumat. Datur etiam Thymum in vino. *Absyrto.* Super-

bibat cochlear vini cum melissa destillati. *Lullus.* R. rutæ siccae, costi, mentastri, pyrethri, cardumeni ana: assa fat. quartam partem, mellis, q. f. misce & confice. Dos is ad avellanæ magnitudinem in potu. *Albucafi.* Gallinæ cerebrum cum paucis pipere ex vino dulci, vel posca epotum. Decoctionem nucum cupressi cum vino. *Theriaca contra Phalangiorum Morbum.* R. tartari drach. vj. sulphuris citrini drach. viij. sem. rut. drach. iij. castorei, sem. erucæ, ana drach. ij. cum sanguine testudinis mar. fiat opiata. Dos drach. ij. cum vino. *Alia.* R. pyreth. Arist. rot. ana partem j. piperis albi partem semissem. marrubij partes quatuor: confice cum melle. Dos drach. j. *Alia.* rad. cappar. aristol. longæ, baccarum lauri, rad. gentianæ, ana bibat cum vino. vel diassa bibatur cum mero forti, & cumino, & viticis semine. *Alia.* R. sem. nigellæ, drach. x. dauci, cumuni. ana, drach. v. sem. rutæ sylu: nucum cupressi, ana drach. iij. spicæ Indicæ. baccarum lauri, arist. rotundæ, carpo. bals. cinamomi. rad. gentianæ, sem. trifolij bituminosi. sem. apij. ana drach. ij. fiat confectio cum melle. Dos in nucis quantitas cum vino veteri. *Rhafi.*

Ex Plinio, Celso, Scaligero.

Propinare confert a Phalangio percussis, formicas quinq. vel sem. nigellæ Romanæ drach. j. vel mora rubi cum hypocistide & melle. Helioselino item & rutæ sylu. radici peculiaris & efficax contra Phalangium vis est. valent item sanguis testudinis terrestris, origani succus, Polymonia radix, verbenaca, pentaphyllum, stivorum bulborum semen, sempervivi genera omnia, cupressi radix, heliotropium tricoccum, succus rad. hederæ, ex mero aut posca, Castorei item drach. ij. ex mulio ut evomat, vel ex rutæ succo, ut retineat. ita etiam & seminum viticis drach. ij. Apollodoros, Democratis sectator, herbam quandam Crociden nominat, cujus tactu phalangia moriuntur & ipsorum hebescit

hebescit virus. *Holofchani* folia radici proxima, cōmanducata profunt. *Plinius*. R. myrrhæ, uvæ tamineæ ana. ex passi hãmna bibantur. Item radiculæ semen, aut lolij radix ex vino bibenda. * *Celsus*. Præcipua autem Antidotus, inter multa alia certissima remedia, *Scaligero* debetur, nosri orbis & seculi ornamento; cuius hæc forma est: R. * *Aristol.* veræ & rotundæ, *Mithridatij* ana ʒij. terræ sigillatæ ʒ. ss. mufcas in Napelli floribus victitantes duo deviginti; succi citri q. s. misce. Nam (inquit) contra hoc maleficium, vel contra quemvis alium serpentum morsum, Ars tam efficacem *Theriacam* nondum habuit. *Scaliger*. Succus Pomorum potus & endivia, sunt Bezoar contra ietum *Phalangij*. *Petrus de Albano*. *Exteriora Laudatissima hæc habentur*. Aranei quinq; oleo putrefacti & impositi * Cineres ex fimo jumentorū ex aceto illiti, vel posca. R. aceti sextarios. iij. sulphuris sextantē. misce. foveatur locus cū spongia, vel à balneo, dolore nonnihil sedato, locum mari multo foveo. Putant *Achatengemmam* omnino *Phalangiorum* morsus sanare, eoque nomine ex India allata carere venditur. *Plin.* Cinis ficulneus, addito sale & vino, rad. sylu. panacis trita. *Aristolochia* & farina hordei cum aceto subacta, aqua cum melle & sale fotu adhibita. Melissæ decoctum vel folia ejus in pultem redacta & apposita. Balneis calidis continûe utendum est. *Plinius*. Lingux venas incidito, & loca tumefacta sale & aceto multo perficcat. Deinde diligenter & cautè sudorem elcito. *Vegetius*. Panacis *Chironiæ* radicem valde commendant practici. *Theophrastus*. Vulus oleo irrigetur, allia confusa vel bulbum, aut polygonum, vel hordeaceam farinam cum lauri folijs, & vino, vel cum vini fece, vel rutæ sylu. ex aceto ad modum cataplasmatiss apponito. *Nonius*. R. Sulphuris vii, galbani, ana, denar. iij. liquoris lybici (an. euphorbij;) nucum avellana-
narum excorticatarū ana ʒij. vino dis-

solvantur, & cum vino fiat cataplasma; intus etiam magno est auxilio. Mufcæ contritæ & super locum affectum posite. Mullus quoque venenosaranei morsibus medetur, si crudus dissecetur & applicetur. *Galenus*. Torum corpus cerao liquidissimo inungatur. Locus affectus oleo (in quo *Trifolium bituminosum* maduerat) vel calido aceto cum spongijs, diu & sæpe foveatur, tum ex sequentibus cataplasmata fiant; nempe bulbo, sanguinaria, polygonato, porro, furfuribus aceto incoctis, hordeacea farina, & folijs lauri cum vino & melle coctis, fiant item ex ruta, caprino stercore cum vino, cypero, lampucho, & ruta sylvestri cum aceto. *Asclepiadis emplastrum*. R. sem. rutæ sylu. sem. crucæ, staphidis agriæ, cenchryos, viticis, pomorum nucum, aut foliorum cupressi, ana. terantur omnia cum aceto, & cum melle fiat emplastrum. *Actius*. Decoctum lupinorum supra locum affectum ponatur, eschæra prius sublata; tum adipe anserinum cum coagulo caprino, ruta sylvestri, & oleo, sub dio sole calente, vel ad ignem inungito, vel ex hordei pulte, & lupinorum jure fiat Cataplasma. *Oribasius*. *Avellana Indica* illita sanat *Phalangiorum* morsus. Oleum Absynthij, & lac ficuum inunctum valde prodest. *Avicenna*. Ex cinere calido, ficubus, & sale cum vino fiat emplastrum. Confert item cinam sepelire in arena vel cinere calido, & ibi ex antidotis sudare. *Rhasis*. Stercus Caprillum cū pulitibus dissolvi debet, & loco affecto applicari *Kirranides*. Apponatur sæpe ferrum frigidum. *Petrus de Albano*. Foveatur locus cum succo Plantaginis affidue. *Hildegardis*. Oleum Balsami artificiale mire confert. *Evonymus*. Fortus ex tibijs & caulibus * Imperatorix continuatus; vel verbenam ex vino bibat, confusam quoque foris applicet. *Turmeiser*. Rutam cum allio & oleo tritam impone. *Celsus*. Varia denique hujusmodi remedia apud *Plinium* & *Dioscoridem* invenies ordine

ordine ita digesta, ut nostrum hic potius silentium, quam curiosam & in-

utilem repetitionem exposulare videatur: atque hac hactenus:

Nunc imus ad illam

*Artificem, mens nostracui est conformis, Arachnem,
Qua mediotaepera residens in flamine tela
Qua ferit Eurys atrox, trepidat volitantibus auris,
Tangitur ut resono vagus illi byssus ab astro.*

CAP. XIII.

De Araneo Cicure sive domestico.

Inter Insecta ipsa etsi multa inveniri possint, (ut rectissime Plinius atque Carlius Curio secundus, ex quibus horum plurima desumimus) quæ exercere magna ingenia possint; Araneorum tamen naturam, vel præcipuâ admiratione dignam, eruditæque operâ conspicuam quisquis sani luminis dijudicat. Aristoteles, naturæ maximus indagator, Animal hoc lautissimum & sapientissimum dixit. Salomon vero ipse, cujus sapientia toti orbi miraculo fuit, inter quatuor illa minutissima animalia, quæ prudentiâ ipsos vincunt Philosophos, Araneam connumerat, habitantem (ut refert) in Regum aulis, telasque inimitabiles texentem. Hanc puellam quandam Lydiam olim fuisse Poëtæ fingunt, à Minerva omni acupingendi texendique artificio instructam; quibus dotibus illa (mulier enim fuit) superbiens, negabat se a Pallade doctam, ac eò processit arrogantia, ut magistram Deam de textrina non metuens in certamen lacefferet. Quare indignata Pallas venit, puellaque acriter objurgata, opus miris imaginibus intertextum ac varium radio perfregit. Quod virgo ægerimè ferens laqueo vitam finire decreverat. Sed Dea illius vices miserata, non statim eam mori voluit, verum tenuissimo funiculo pendentem in Araneam transformavit.

*Atque ita vive quidem, pende tamen, improba, dixit,
Lexque eadem pœna, ne sis secura futuri,
Disctus quo generi, scripsit, nepotibus esto.*

Verum enimvero qui, seu fabulam, seu historiam hanc interpretati sunt; aiunt, Arachnem linum nendi, suendi, texendique artificium invenisse, sumpto ab araneis argumento & exemplari. Quod minime cuiquam absurdum videri debeat, quum Plasticam & Oculariam hirundines; Architecturam aquilæ; Phlebotomiam Hippopotamus; Enematicam Ibis; Antidotarium capræ, testudines, mustelæ, ciconiæ docuerint. Hanc igitur ut verè laudem; Primum corporis, tum fortunæ, animi deinde divitias vobis aperiam. Sima-teriam spectes, levis est, aëris ignisque (nobilissimorum scilicet & maxime energeticorum elementorum) multum; terrestriis verò gravitatis & fecis parum particeps. Si figuram desideres; vel omnino sphericam habent atque caelestem, vel saltem huic proximam ovalem. Substantia item ejus tenuis, pellucida, subtilis; imo quamvis nonnunquam prædæ ubertate, veluti sagina facta ad juglandis (imo, nisi errat Cardanus, ad passeris) magnitudinem excreverit; tamen si in tela pendulam adverso lumine conspexeris, instar chrysolithi pellucet tota, radiosque oculo gratissimos reflectit. Color huic, qualem Ovidius amantibus ascribit, pallidus; & quum diffusis undique pedibus sublimis hæret, stellæ pictæ effigiem graphicè exprimit. Ac si natura insi-

*Laudes Aranei
domestici a
corpore sumptæ;*

tuisset non cælitantum, sed & syderum ibi viventium imaginem huic conferre: curis illi adeo mollis, lævis, polita, tersaque est, ut malacæ puellas, & formæ observantissima Scortilla facile superet; tantæque perspicuitatis, ut speculorum more, inventium imagines repræsentet. Dignos habet, quales formosæ virgines discipuliunt, longos, teretes, graciles, subtilissimi tactus, quo & neminem non tæmant, & omnibus creaturis antecellit. Pedes habet neque innumeros, ut scolopendri; neque nullos, ut infima insecta; neque sex tantum, ut impennium vulgus, sed octo, quem numerum perfectissimo proximè esse nemo ignorat. Hi etiam proportionem constant sesquitercia illa mirabili & veneranda, ita ut licet posteriora primis semper breviora sint, tamen inter se mutuam qualitatem non amittunt. Visum illis negatum multi statuerunt philosophi, ipsi cæci. Nam ex oculatæ si essent, quo modo loca venationi aptiora eligerent, quo ductore filum filo, suo quoque ordine annexerent, aut disruptas casu telas cognoscerent, & resarcirent. Quum etiam Cicuræ & familiares ad porrectam à latere staminis muscâ longe accedunt, audacius appetunt, & veluti de manu in manum (quod sæpe vidimus) accipiunt: sane cæcutiunt illi summo meridie, qui videre ipsas non vident neque intelligunt. Nihil in isto araneo noxii est, nihil venenati; morsus quamvis infert inanes, & titillationi quàm dolori propiores. Imo quidem ipsarum corpora, cadavera, ova & excrementa, ad profligandos nonnullos morbos prodesse, quando de earum usu dixerimus, satis constabit. Nescio sane cur Pennio horrorem pararet, dum de illarum usu cogitaret: quum & Nobilem Anglam, & Phaërum medicum cognosceret, id ipsum omni sine noxa sæpius fecisse. Sunt igitur Aranæ a veneni labe immunes, salutare quidem. Quod vero nonnullis horrendum animal & ipso aspectu fugiendum videtur, id ego non formæ vitio, sed illorum melancholiæ, maliciæ & acrasie ferrem acceptum. Haud enim minor in illis naturæ elegantia & bonitas, quàm in papillione & musca apparet; morbusque mentis non levis est, fastidire tam bellum opus, & filatricis tam solertis præsentia inhorrescere. Denique mirabili corpori mirabilem curis dispositionem naturamque attribuit Deus. Nam non semel duntaxat anni (viperae more) sed mensis cuiusque curriculo (si bene pasta fuerit) hanc mutat, aliamque subinde novam atque unâ politiorem induit. Tantæ item temperaturæ per *idion, γρηναίαν*; vitæque frugalitatem perhibetur; ut salubri in loco prædæque omnis non inopi immortalis vivat. Inter fortunæ vel fati potius bona, illud præstantissimum esse duco; quod materiem telarum ventre inhaustum gerunt; Cujus tanta ijs suppetit vis, ut innumera stamina producere texereque, & captas vel centum muscas quasi latioribus fascijs implicare possint. Quinetiam quamvis nec horreo congestum cibum habeant ut formicæ; nec appositum vel confusum, ut apes; sed fortuitâ tantum prædâ & venatione victitent: tamen advolante per Dei providentiam præda inediâ sublevant, & aliquando optimis ex hostico ferculis pingues fiunt. Ad hæc non minimam bonæ fortunæ partem Aranæ tum datam crederem, quum aulicæ molestiæ satuta, ædes cum podagra commutaret. Audistis enim jam antea Solomonem illi locum in aula olim tribuisse, ut suis aulicis, laboris, ingenij, sapientie, parsimonie & virtutis esset exemplar. Ibi telas exorsa, textrix manibus pedibusque incubuit, aucupio vacavit, nullas insidias, nullos tum formidans insultus; & (ut dicam breviter) sapientissimum animal sapientissimi regis larga dominabatur in aula. Postea mali insecti principes, male conciliati, feriari, perditii, dictu difficile est, quam duriter eam acceperint, atque illicet scopis & sudibus, tanquam nocturnum furem, expelli, pessundari, occidique mandarent. Adhuc protinus furie quædam convergentes, & quicquid erudita operatione texebat lacerantes, adeo ut vix oculatis trigodæmonum scopas possit effugere.

*L'aulx Aranei
domestici à bonis
Fortunæ.*

fugere. Misera planè, quæ in tanta rerum affluentia, sola egebat; & in tam spaciolis ædibus, ne angulum quidem unum inveniebat. Regis item exemplo ducti nobiles & divites, virtutis laborisquæ magistram foras exigunt, & ne telam quidem (magnæ sapientiæ indicem & anathema,) superesse permittunt. Hæc cum olim proficisceretur (ut non male fingit Apologus;) forte se illi Podagra comitem adjunxit, tametsi passibus ambiguis admodum ægrè illam sequeretur. Iam unius diei itinere confecto, appetente vespero, consilium fuit diversum hospitem experiri. Ac Aranea oppidum ingressa, opulenti cujusdā civis domum nocturna est, apud quem dum telas coeperat tapetaque præparare, (Regis mali exemplo) pessimis modis habitam pellunt, & illā nocte citantē pluvij exponunt. Podagra vero pedibus capta, cum nequiret ultra progredi, in primas se ejus oppidi casās dedit, ubi vix tandē pauperis cuiuspiam tuguriolum impetravit, quam ibi decubuisset, nihil non miseriarum experiebatur; Apponi carnaturienti vel stomachanti potius ater panis, cum olusculo vix tale condito, & è proximo stagno, aquula famulo poterio peti, unde sitim extingueret. Sic igitur excepta, sibi pollicitū lectum interni, Torus illi palea-
ris, vel fortè roboreus datur, in quo suspirans & gemens membra componit. Sed o quam male membris mollibus & *assiat*, (ut Hippocratis verbo:) cum tam duris culcitris pulvinaribusquæ convenit? Primo igitur sole, convenire iterum aranea pariter & Podagra. Et prior illa, magnopere de divitis civis incivilitate conquesta est: Podagra contra, de hospitis sui tenuitate asperoquæ victu: commonstrans lividas vibices, quas lignea scuticofaque fulcratenellæ cuticulæ impresserant. Quæ de re posteaquam aliquandiu deliberatum inter eas fuit, in hanc pedibus sententiam venerunt, ut sequenti subinde nocte hospitem mutarent, videlicet, ut Aranea deinceps pauperum tabernas & tuguria; Podagra vero divitiū aulas, Regumquæ turres incolerent. Itaque podagra promissi nequaquam immemor, pedetentim tacitisquæ vestigijs pecuniosi cujusdam domum ingressa, ad obesuli heri pedes procubuit. Quam ubi conspexit hospes humanissimus, quæ lenitate, quibus nominibus, quantis prothymijs viscerationibusquæ excepit? Substernuntur olorinæ culcitrix; pulvinis toralibusquæ milesijs cubilium fulcra replentur; fervet culina, omnia sunt in parato officia. Iam dapibus mensas onerant, & pocula ponunt. Huc capi præpingues atque altiles; Phasiani, perdices, pavones, coturnices, turtures, ficedulæ atque aves illæ binis cordibus superbientes convolant. Rhombos, Scaros, silurosquæ prætereo. Lucrina item conchyliæ, Abydena ostrea, & quicquid mare superum inferumve lautemittit. Hic vinum, candidum, nigrum, rubellum, purpureum, dulce, tenerum, austerum, Cecubum, Falernum, Chium, plenis crateris infunditur. Taceo mensas secundas à Tarentinis allatas, & exquisitissimis bellarijs in rosa violisquæ & Hyacintho instructas. Denique nihil deliciarum, cupediarum, lenocinij, ac voluptatum non exhauritur, ut Diva Podagra (est enim Bacchi venerisquæ filia) cum sororibus suis Chiragra atque Gonagra, suavis modis & molli-
ter acquiescat. At Aranea, fato item benigno ducta, pauperis ædículas jam
regijs vicarias subit

atque ibi miro

Dogmate, quidve marem deceat, deceatq; maritam

Addocet, atque suo sese sudore saginat.

Verum opponit aliquis, Nihil hic bonæ Fortunæ conspici, quam propter laudem Aranæ vices in hac hospitis hospitijquæ commutatione. Imo quidem permulctum, non solum quia tutius & quietius vitam transigit; verum quia de specula non amplius adulteria, epulationes, comotationes, profusiones, ludos, choreas, aleationes, tesserationes; vanitates denique & turpitudines illas in pauperum casulis prospicit, quarum sese, dum in aulis cæ-
naculisquæ

naclisq̃ue divitum viveret, consciam cognovit. Qui sane cum primùm araneam (laboris atque frugalitatis magistram) eliminassent, illicò, sola Podagra? imo quidem omnis Luxuria, supparasitatio, dissimulatio, superbia in eorum aulas, vel potius in aures oculos mentesq̃ue intimas irrepsit, atque eos omniscelere sceleratorum consortio coinquinavit. Næ, quantum præstaret regibus, pio, frugali, sapienti, & innoxio animalculo auram concedere: quàm his aurem & aurum; qui pessimis consilijs atque exemplis rectissima quæque ingenia citò pervertunt. Ex animi Araneorum dotibus, nescio an prudentiam, justitiam, fortitudinem, temperantiam, φιλασθεσίαν, φιλοπρίαν, φιλοπονίαν, ἀντιφρίαν, solertiam, munditiem, aliasq̃ue ejus virtutes; an artem vero ipsam mirabilem, peritiãq̃ue texendi laudem. Prudentiæ exemplar in eo apparet, quod incremento amnium ædibus minaturò, telas suas altius attollunt; quod sereno, quando volitant muscæ, non texunt, ut aucupio vacent; ruinis quoque imminentibus, cum telis primi cadunt, & ad alios se lares sedemque certiozem conferunt: ad molestæ rei contactum crura contrahit, caputque in centro (uti viperæ solet) abscondit, tum ut minus doloris persentiscat, tum ut corpore læso (cui facile medetur) capi is tamen, totius gubernatoris, saluti sit prospectum. Quis hoc illis indicavit? an Caldæus aliquis ex situ positique syderum prædixit; non certè: sed prudentia quædam divina in Araneum diffusa; & ut verè ille vates cecinit,

*Spiritus intus alis, totosq̃, infusa per artus
Mens agitat molem.*

*Laudes Aranei
domestici ab
animi dotibus.*

Quinetiam quam primùm hostem in casses incidentem viderint, non statim eum pungunt aut mordent hostili modo, sed basijs quibuscumq̃ & titillationibus demulcent, donec viscida tela è podice postremis pedibus educta eum perleverint, & quasi fascijs perplexo impeditoque, avolandi, resistendi, movendiq̃ue omnem copiam ademerint. Eo tum filo reti appenso, ad centrum se conferunt; observaturian nova se objiciat præda. Sic aliquando decem, imo viginti muscæ, filo sublimes factas animadvertes, quas sigillatim singulas rupto filo quo pendebant, & postremarum tibiarum alteri annexas, ad centrum sui operis perducunt; depascuntque. Vescitur autem solo succo muscarum, reliquumque cadaver exangue & exuccum redditum, ceu inutile staminis pondus demittit. Præterea quia fæmina major aliquanto quam mas est, idcirco subter pendens observat, ne bestiolæ sibi caveant, sed incautæ in plagæ superiorem partem incurrant, ineptior enim propter corporis magnitudinem est ad venatica munia obeunda. Mas vero (ut pote agilior) quasi aliud simulans, supernè incubat, aut in quodam exiguo luzæ telæ specu omnia videns, atque à nemine visus delitescit. Cumque captura incidit, quàm vigilans & attentus ad cursum? elabi enim prædam non sinir, sed à suprema plaga ad infimam dicto ocyùs discurret; ubi etiam saturatus abundè fuerit, reliquos reponit hostes, ac alio tempore devorandos filo suspendet. Quum item per ætatem, telæ viscositatem suam tenacem amiserint; aut retexit eas Araneus, aut novo quodam glutine confirmat. Finito opere, aut se in centro continet, aut superius invigilans filum à centro deductum quasi manibus retinet, per quod ei accessus ad retia & recessus, simulque (si quid prædæ irretiat) extelæ moritacione persentiscit. Sed ut certior fiat priusquam descendit, filum aliquoties retrahit, ut ex motu & pondere rem videat. Tum primum ad centrum properat; quod irretitæ bestiolæ aut sentientes aut divinantes, quiescunt, ne se motu prodant, atque amplius involvantur. Cæterum araneas non fallunt, qui oculis pedibusq̃ue indicibus prædam sentiunt, & concitatis gradibus numero accurrunt. Verùm (Deus bone) quæ, quanta inter Araneos justitia atque æquitas conspicitur? Nemo inter eos alterius conjugem eripit,

X

nemo

nemo alterius subit telam : quisque suo victitat labore atque peculio , vicinamque sepe infringere nefas ducunt :

*Non ista mortales , quos (proh dolor) urget habendi
Tantus amor ; domibus domus , arvis additur arum ,
Monticulus monti ; maribus mare ; si que potesint
Addiderint mundum mundo , suaque omnia dixint.*

Adhæc, non probis animalculis insidias collocant & retia ; sed crabronibus, Aulis, tabanis, Vespis, fucis, æstris, culicibus & muscis ; quæ nobis tanquam lenones, fures, paratiti (ut Comicus loquitur) multa pariunt incommoda, bono verò usui sunt nulli. Audet etiam (quæ est singulari fortitudine roboreque præditus) vel lacertorum catulos venari, quos primum plaga reluctantes celeriter involuit: mox labra utraque diro morfucorripiens, adeo tenaciter stringit, ut eos effari animam cogat, ac demum velut alter Cacus, in latibula exanimis retrorsum ductos deportat. Quod si forte in tanto certamine retia rupta aut implicata conspiciatur; illico reficit, explicat, & ad pristinam polituram ingeniosissimè sarcit. Quid quod Araneo atrox sempiternaque simulata cum Serpentina est ? Nam si quando ille umbras, & frigora captans sub arborem Araneis plenam inciderit, filo se suo aliquis eorum in caput serpentis librat, tantaque vi rostro eius cerebrum arietat, ut stridens subinde ac vertigine rotata sibilans, nec filum quidem superne imminenti rumpere, adeo nec fugere miserrimus queat. Neque tanti spectaculi finis est, donec ariete crebro noster athleta illius animam Plutoni muneri transiferit. Sileant hic amphitheatrales Romanorum pugnae, & Elephantum sæva certamina ; quando Araneolus cum atro luridoque serpente audet in arenam descendere : neque descendere solum, sed etiam de hoste triumphum & opima spolia reportare. Quis in tam exiguo & pæne nullo corpusculo, quod nec ossa, nec nervos, nec carnem, imo vix cutem habet, tantam non miratur vim, tantum pondus, tam acres durosque morsus, & incredibilem sanè fortitudinem, non à corpore, sed animo, vel Deo ipso potius profectam ? Eadem ratione cum bufonibus & rubetis pugnam committunt, & singulari certamine hostem perimunt. Quod non solum Plinius & Physilogus Albertus memorant, sed Erasmus etiam in Dialogo amicitia monachum quandam, à cuius dum dormiret ore, bufo pendebat, hoc pacto liberatum recenset. Imo in palæstram pæne cum crabrone descendunt aligero, spiculigero, duro, & ferè corneæ fibræ colluatore, qui licet ingenti vicorum telas, ut diuites auro legès perrumpit, tandem tamen tenaciori colla implicitus, violatarum ædium pænas dependit, & monomachia victus Araneo subjacet. Nolo temperantiam omittere, hominibus olim propriam, nunc vero Araneis quodammodo peculiarem. Quis nunc (si per ætatem liceat), vnus sese satiat amoribus, & in vagos concubitus animum corpusque totum non tradit ? Verum aranei simulatque adoleuerint, matrimonia contrahunt, nunquam nisi morte interitura. Porro sicuti rivalium impatientissimi, machos in tuguria sua ausos irrepere, primum morfibus, deinde exilio, nec rarò nece affectos iuste puniunt : ita nec ipsorum aliquis alterius coniugi vim facere, vel pudicitiam pellicere attentat. Tanti est inter eos cupiditatem cohibito, conjugij fides, tanta probitasque, & quasi turturalis amor. Præterea si economiam spectes, quid araneis frugalius, laboriosius, vel mundius mundus ostendet ? nam ne minimum filum disperdi, vel frustra poni permittunt, vicariisque operis sese subleuant. Nam cum femina texit, Mas venatur, si alterutri agrotant, vnus ambo explet officia, ut paria fiant merita. Sic venatur etiam mulier interdum, & vir texit, si quando alter alterius indiget opera ; nec tam expertes τῆς ἀλληλοπικίας eos arbitremur, vt in tanto amore conjugij vicarias nolint pro necessitate subire operas, & benevolentiam mutuis subinde

subinde officijs tueri. Coniux domi iam & nendi & texendi rationem à paren-
tibus edocta (veluti apud nos etiam fieri consuevit,) telas orditur, tantique
operis materia vterus eius sufficit : siue ita corrupta statò tempore alui natura
(ut Democrito placet ;), siue est intus quædam lanigera fertilitas, ut in Bom-
bycibus. Aristoteles tamen materiem foris esse vult, veluti corticem ; eam-
que nendo texendoque explicari : seu more eorum quæ suis villis iaculantur,
ut histrices. Vt cunque fuerit, ne tantilli filii iacturam faciunt, sed providen-
tia Duce quæque attentant. *Quartus* ipsorum solus is recte dixerit ; qui ipse
prolis fouendæ atque educandæ viam tenuit. Etenim mutua incubatione ova
conseruant, caloremque eorum suscitant & augent, & quamvis fætus trecentos
sepe pariunt, omnes tamen ad laborem, parsimoniam, disciplinam, textrinam
æque assuefaciunt, parillique amore & animo complectuntur. Munditiem illa-
rum sepe admiratus sum, quum vel macilentos & morbosos ad imam telam è
specu descendere, atque aluum exonerare viderem, ne forte excrementorum
fordibus ædes, vel textrina & tela inquinarentur. Atque hæc de ciuilibus do-
mesticisque virtutibus dici sufficiat. Nunc ad artem illam telariam veni-
mus, Palladi inuentrici adeo infestam ; superauit enim ea discipula magistræ suam,
& subtilitate operis anteiuit. Primum autem materiam illam lentam sequacem
& glutinosam consideremus, quæ nec siccitate, nec humore tenacitatem amit-
tit. Hanc ex vtero duci ex Plinio diximus ; tamen quum & mares etiam te-
xunt, ex podice potius proferri cum Bruero nostro charissimo, jure contende-
rim. Inexhausta item cum sit, infinitam hic Dei atque inexhaustam potentiam
veneremur ; nam corporeis illud aut physicis causis ascribere, dementia pro-
ximum videtur. Qui vero aranei artificiosissimi creduntur, veluti Autumnales
& Holci, filum ducunt omni pilo, vel bysso potius longè exilius, tenuius,
levius, atque eâ (teste Æliano) subtilitate, vt tota tela complicata vix vnum
filum lineum, quamvis tenuissimum adæquet. Hos tam mares quam fæminas
Edoardus Monimius eleganter descripsit, Heptam lib. 7. his verbis :

— Ille domum venatu pascit, at ista
Maonio graciles orditur tegmine telas.
Stanniparus venter, vomifilus, lanifer, ipsi
Palladiam cumulatque colum ; calathosque ministrat.
Ipsius est fufum pondus ; quod fila trahendo
Nectit & intorquet parili sub tegmine ducta
Illa suam à medijs orditur Dadala telam ;
Et gracili tenues intendit flamine tractus.
Tela iugo iuncta est, flamen cecernit arundo,
Inferitur medium radijs subtegmen acutis,
Atque oram à centro pannum sibi staminat illum.
Peruisa tela patet gemina de parte, feroci
Ne concussa Euro frangantur stamina, quòque
Musca volax tenui streetur sinuamine cassis,
Reticuli primam vix muscula contigit oram.
Mas abit in tela centrum, ut discrimine paruo
Vinciat ipse suo peregrinam casse volucrem.

Horum reticulorum tanta varietas, vt eorum artifex mille operum Dea non
male dicatur. Nam quædam laxiora, quædam densiora ; alia triangularia, alia
quadrata, quædam Rhomboidea, pro loci venationisque commoditate. Or-
biculari vero illud inter duas arbores, vel arundines, & sæpe in senestris varijs
antennis funiculisque appensum, Ius bone ; quantam rationem, iudicium,
artem, quàm mirabilem sapientiam pulchritudinemque ostendit ? Sanè non

male hinc Euclides figuras: piscatores reticularia, didicerunt; unde enim aliâ tam peritâ, tam industriâ magistrâ peterent exemplar? Tam moderato unguine, tam tereti opere, tam æquali stamine rem absolvit, ita fusi ponderisque loco felibrat, ut conferri cum Minerva posse, nisi me exemplum terreret, facile dicerem. Sed & operis firmitas etiam mira videtur, quum rerum infirmissima apparet, crabones teneat, venti perferat furores, pulvereque injecto distenditur potius quam frangitur aut violatur. Reticulariæ suæ modus hic est. Primum quinque semidiametris ad circumambientia loca pro suo instituto aptissima circumductis, deinde nullo circino, sed tatali pedum scientia 44. circulos, a centro ad superficiem certis semper partibus ab invicem distantes filo posito delineat. Quin porro illud nobis scitu jucundum, ut & visu doctissimo Turnero & Bruero mirabile videbatur, Araneos istos quando filum rectâ lineâ à summa trabe ad terram figere cupiunt, lapillum pedibus complecti, sequetur sensum per triplicatum filum demittere, ut terrestris angulus trabali examussim respondeat. Sed illud ante omnia speciem meretur, quomodo primum filum in citiore parte amniculi, secum in ulteriore ligant, cum nec eis volandi, nec natandi scientiam docuit natura; an vero saltu eum trajiciunt, equidem dubito. Secundas in textrina occupant & merentur domestici in contignationibus tectorum ædificantes; alijque agrestes, qui in herba latam, spissam, planamque telam, & revera telam concinnant, veli linticque instar expansam. Horum in opere si tramas, foraginem, infile, radium, pectinem, subtegmen, stamen atque vefcas propius inspexeris; sanè aut nihil, aut Deum ibi planissimè videris insensibiliter (tamen re ipsa) hæc omnia administrantem. Et profecto hoc ipso Ægyptios, Lydos, Penelopen, Tanaquillida, Amestrim, Claudianam Romanam, Sabinam, Iuliam, & reginas Macedonum textrina peritissimas longè superant, quod (præter vulgarem rationem & artem) nullis filis per transversum actis ex arctissima quadam villorum in longum continuitatē solidam tenacemque telam componunt. Confectum jam opus saliva quadam viscidâ & glutinosa obducunt, cujus solo contactu inviscata præda, cæcitatibus imprudentiæque penas persolvit. Color telæ ærius &que pellucidus, vel potius nullus; id quod imponit incautis muscis, & vel oculatis fraudi sit. Nam si quem manifestum colorem repræsentaret, præcauto opus esse existimantes, longius vitarent. Ignobiliores aranei (desides nimirum, obesuli & speluncarij) telam rudem admodum conficiunt, & longè crassioris filii, quam cavernistantum muralibus præpandunt. His corpus ponderosius, pedes breviores, carminationique & stamini ineptiores, prædam apprehendunt potius casu, quam quærunt, quoniam foramen extra magnum, peropportunitate muscis latibulum videtur. Verum primo limine implicati ab Araneo arripiuntur, & quo morituri solent, in carnificinam intus deportantur: altè enim in muris excubant, tum ut aves sibi insidiantes (passeres, erythacos, Philomelas, troglodytas) fallant, tum ut muscis nihil inesse mali arbitrantibus citius imponant. Atque de Araneis innoxij eorumque telis generaliter hæc dicta sint. Iam de illarum speciebus à nobis observatis pauca adjiciemus.

CAP. XIII.

De certis quibusdam Araneorum speciebus ab authoribus observatis.




Raneos ita divisos à nobis esse meministis, ut Alij noxij Phalangia dicti essent, alij vero innoxij Phalangiorum pauci (forte nulli) textrinam exercent; Alij vero omnes vel retibus, vel telis conficiendis operam navant. Retiarii alij domestici, alij agrestes; veluti

luti etiam telarij. *Inter Retiarios unum* vidimus omnium maximum : Cujus hic iconem. Autumno inter rosarum ramulos rete artificiosissimum expandit,




& transcurrentem alium araneum, vel culices & muscas advolantes mira dexteritate attracto fune illaqueat, atque ita suspensas in futuram famem relinquit. Corpus illi spumeum, & ovali penè figura; caput sub ventre exiguum atque forcipatum; dorsum varijs maculis candicantibus ornatum. Est ex Autumnalium Holcorum genere, brevique temporis spacio, a pisi magnitudine ad eam quam videtis crassitiem increscit. *Inter Telarios quosdam vidimus subtilem telam texentes, alios mediocrem; quosdam vilem, crassam, rudem atque deformem. Subtiliores artifices sunt domestici, quorum hic unum fulci coloris, depictæ magnitudinis, & inter oculos solemque positum, nonnulla (uti*

dicam) pelluciditatis. Hic ille est cujus Encomium Caelius Secundus Curio; Cujus naturam Plinius curiosulè descripsit; qui Hebam, Penelopem, Ægyptios, Lydos, Macedones, aliosque telariæ deditos erudit. Mediocre[m] telam & fortem texit hic Araneus sylvestris in sepibus lintheamen expandens cum sago, ubi habitat observans prædam. Crassior est ejus tela, ne pluvij



perpluat, & ut ventorum vires melius sustineat: corpus fuscum obtinet, sed pedes veluti polymitos nigris albisque maculis seriatis variis. Os illi forcipatum acetabulis munitum, supra quod in capite duo parva albicantia puncta cernuntur, nescio an oculorum officio defungentia; totum corpus leniter hirsutum. Longè latèque telam expandit, ut prædam plurimam

(cui rei deditissimus videtur) capere queat. *Vilem atque incomptam telam ducit, & quasi in fasciculum colligit hic campestris, quem in agro Colcestriensi primum observavit Pennius inter Origanum sylvestrem muscis infidiantem, nec aliàs conspexit unquam. Pedes habet proxime descripto similes: corpus globi æmulum; dorsum quidecim albis maculis nota-*



tum: anum quoque habet quadrangularem & nigrum. Huc etiam tres luporum species referimus, in murorum rimis, macerij, lapidumque ruderibus visitantes. Sordidam telam & parvam in cavernis texunt; extra speluncam interdum spe prædæ longius vagantur, quam magno impetu adorti, in antrum trahunt. Maximus fusco est colore, caput illi quasi ovale, corpus globosæ fere rotunditatis, utrumque latus duæ parvæ ac brevès lineæ albæ exornant,

X 3

circa



circa medium dorsum colore est magis albicante: pedes habet ex nigris fulcisque maculis pulchre varios. Medius minor est, tinctura grisea. Spinam albae tres quasi margaritae illustrent, quarum quae collo proxima, major & longior. Tertius nigrior videtur, dorso crucem gerens transversam, rectangularem albiissimam, ideoque a quibusdam, *Sarclum* vocatur. E luporum hos esse genere conjicio, quia currunt cum saltu quodam, & voracitatem miram produunt,

nihil enim in crastinam reponunt, sed omnes uno die praeda absumunt. Cinnereum hujus generis vidit Gesnerus. Sunt praeterea aranei longipedes, inordinatae rudissimaeque telae artifices.



Campestre corpus ferè globoso & fusco, graminicolam, ovisequum, Angli *Shepherd* sive *opilionem* nominant, vel quia ovium consortio gaudet; vel quòd agros illis refertos, pastores noxa & veneno carere (est enim & ipse tam intus quam extra sumptus, animal innoxium:) existimarunt. Sunt adhuc plures Araneorum species. Est enim Araneus quidam niger breviusculis pedibus, ovum sub ventre niveum secum portans, & celeriter currens; rupto

ovo araneoli multi egrediuntur, qui cum matre ad pastum omnes una procedunt; vesperi verò parentis dorso conscenso requiescunt. Hunc vernicis asperum credidit Pennius, donec stipulae contactu araneolorum descensum plane viderat. In putridis quoque & cavis arboribus Aranei nigerissimi, magno corpore, pedibus brevissimis, cum Asellis & Iulis habitantes. Vidimus item (inquit Gesnerus) toros albos, compresso & latiusculo corpore, in flore Oreoselinii, in rosis atque in gramine, pedes illis tenuissimos longissimos, os maculâ, latus verò utrunque rubicunda lineâ notatur. Venenatum credit, quia cercopithecum ejus esu pene exanimem vidit, & vix oleo infuso liberatum.



Novimus quoque oblongo corpore araneos & acuta cauda, ex atro rufescentes, veluti etiam virides. Sunt & rubri duum generum. Vnum majus in terrae cavernis tantum habitans, pectore miniato, pedibus ex rubro flavescentibus, cauda atque ventre ex fusco colore ad flavum nonnihil tendentibus. Aliud genus valde minutum, Reduvia ovili minus, intensè (veluti ex Cocco) rubens. Sex tantum pedes habet, ut monstrum Aranei referat: caput illi araneis simile, sed parvum valde. Intra terram habitat, rudissimam telam operans & indigestam; quandoque foris oberrat, & in præda captanda magnam agilitatem monstrat. Plura Araneorum esse genera facile concedimus, plurium item colorem: neque enim nostra fert omnia tellus, neque ipse Aëtorides, quamvis *maritimus* dictus, vidit singula. Cætera gratior forte posteritas & meliorem eraverit. Nos interim de Araneis si non ad voluptatem, sane ad voluntatem diximus; neque enim plura volumus, qui in his etiam scribendis strenuè sudavimus. Illud tantum notabimus, Omnes Retiarios, Telariosque araneos, cum ætate peritiam acquirere majorem; lapidis inclusos Tinearum generationem augere, & senectutem quotannis sæpius exere.



Quanto

Quanto etiam latiores & strigiosiores, tanto ingeniosiores in vitæ muneribus reperiuntur.

C A A. XV.

De Generatione, Costu, & usu Araneorum.



Generatio.
Costus.
Usus.
 Enarrari Araneos aliquot ex seminibus aërijs situ & corruptione putrefactis, ex eo constat, quòd novissimæ ædes primo fere quo dealbantur die, eorum corporibus telisque scatent. Propagatio autem plerumque coitu fit, cujus desiderium & actio fere totum Ver durat. Tum retis mutua ac repetita attractiuncula venerem quasi accendunt, continuo inter trahendum propius accedunt; tum deniq; averfis clunibus copulantur, quia ille coeundi modus (ob globosam corporis formam) maximè erat conveniens. Eodem modo Phalangia, (quotquot texunt) venerem absolunt, & generantur ex ejusdem generis animalibus, ut Aristoteles testatur. Ipsa autem non Vere, sed appropinquante hyeme coeunt, quo tempore velocioris motus, certissimæ noxæ, magisque venenati morsus videntur. Quædam à coitu unicum ovum pariunt portantque sub ventre, colore niveo, & per vices incubant, mare subinde feminam juvante. Aliæ multa minutaque ova ponunt, semini papaveris similia : è quibus exclusi triceni aliquando araneoli, post vanos quosdam in tela lusus, tandem cum matre prodeunt, vespereque exorto telam repetunt : donec quisque propriam telam texere didicerit, qua tutius atque jucundius vitam peragat. Saltando fetus excludunt, ovis per triduum incubant, menseque lunari prolem perficiunt. Domestici tenuiori tela ova deponunt, crassiori sylvestres, quia magis imbrum ventorumque injurijs opponuntur. Generationi plurimum confert locus. Nam ut in regione Arrhatensi & in Creta insula abundant phalangiorum genera, ita illa Hibernia non vidit, Anglia non diu sustentavit, turris Gratianopolitana non pertulit. Quamvis enim Aranei nostri permulti intus devorati noceant, morsus tamen eorum veneni expers, & nemini, uti omnium contra Phalangiorum, lætalis. Innoxij morsus Araneos ubi non videris ? Scandunt Regum aulas, ut virtutem addiscant. Divitum cubiculis insunt, ut officij admoneant, pauperum tabernas incolunt, ut patientiam, tolerantiam, laborem ijs commendent. Si pomærium ingrediari, vestiunt unamquamque arborem. Si hortum, in rosis latitant : si agrum, in sepibus operantur. Domi forsique eos inveneris, nequa abesse virtutis diligentique exemplar conqueri cum causa possis. Araneam licet Minerva petulantem, Martialis vagam, Claudianus audacem, Politianus pendulam, Juvenalis aridam, Propertius putridam, Virgilius levem, Plautus inutilem aurumant atque appellant : Tamen varijs eam sibus creatam esse liquido manifestum fiet. Quare adorata puminis majestate, quæ tantastam pusillo corpori virtutes indidit, ad commoditates dicenda veniamus. Araneus muscarius linteolo involutus, ac sinistro brachio appensus, ad quotidianam arcendam bene facit, inquit Tralianus. Magis autem, si multi cum oleo laurino ad linimenti consistentiam fuerint cocti; quo loci pulsatiles in utroque carpo, & cubito & temporibus, quando ante paroxysmum inuncti fuerint, remittit febris & postea perrare redit. *Kiramides*. Araneus cum splenio subactus, ac linteo extensus, temporibusque applicatus, *Tertianæ* febris accessiones curat. *Dioscorides*. Araneus lycos dictus, in calamo pectori alligatus, idem præstat, *authore Plinio*. Araneus ille domesticus, qui densam gracilem ac candidam telam texit, aluta vel nucis putamine inclusus, ac Lacerto vel collo appensus, *Quartanæ* paroxysmos

roxysmos avertere creditur. *Dioscorid.* Quod per experientiam verum fuisse, scripsit Pennius. Tres Aranei viventes, oleo injecti, statim super ignem fervcant, oleum illud tepide *aurs dolenti* instillatum valde conducit; vel succum araneorum cum rosarum succo exprime, & cum lana infunde. *Marcellus Emp.* Plinius eas aceto, vel oleo rosaceo macerari atque conteri, deinde in aurem mitti consiluit, cum croco, & doloris sedationem certo recipit: idem quoque Dioscorides affirmat. *Sosistratus lib. cipi dicitur* scribit, Crancocalapten (Araneis speciem) in oleo suffocatum, contra venena presentaneo esse auxilio, uti Scholiastes Nicandri meminit. Sunt qui Araneum sinistra manu cap, tum, & tritum cum rosaceo, in aurem illius regionis infundunt, quâ *dens dolet*, & prodesse asserit *Plinius. Suis ipsorum moribus impositi*, imo intus quidem sumpri auxilio sunt. Quid referam albugines oculorum, infestissimum morbum? At is quam parvo negotio, nostri Aranei opere diluitur, si quis modo longissimos tenuissimosque pedes (præsertim ejus generis araneorum qui candidiores sunt) cum oleo conterat, eoque medicamine affectos oculos inungat. *Plinius. Oculorum* quoque fluorem (*Græci inquit dicunt*) Aranei domestici sanies & urina reprimat, cum rosaceo vel croci drachma instillata, aut per se lana apposita: quo noscatis nihil in eo tam sordidum, quod non secum aliquam ferat utilitatem. Ad *utri suffocationem* Aëtius ceratam ex Araneis umbilico applicavit, & plurimum contulisse scripto prodidit. *Lienis dolorem tumoremq;* Araneis cedere, Plinius memorat; rationem non monstrat. Ait etiam, si quis Araneum cum filo descendente ceperit, manuque cava contritum umbilico apposuerit, *provocari alvum*: si vero ascendente ira adhibuerit, *cohiberi*. Scribit etiam Araneum ægro nesciente impositum, tertioque die solutum, *furunculos* curare. Dempto capite pedibusque, infricatus condylomata persanat. *Idem.* Suffitu Araneorum decidunt omnes pediculi, nec alij postea nascuntur. Adeps anserinus cum rosaceo & araneo mammis inunctus, eas à lactis coagulatione post partum custodit. *Anonymus.* Imo (nodosum illud divitum flagellum, atque medicorum ludibrium) *Podagra*, quam nulla ratione posse curari docti plerique statuerunt; sola præsentia Aranei levamen sentit & curationem, si luna soleque unâ ex oculatis (id est, illâ, quâ non lucent hora) acceptus, pedibusque posterioribus multatus & cervina pelle inclusus, pedi alligetur dolenti, atq; ibi aliquandiu manere permittatur. Quinetiam tutos fere (quod paucissimis pharmacis usu venit) à podagra chiragraque eos videmus, quorum ædes frequens Araneus colit, suisque auleis & peristromatis exornat; ô rarum naturæ miraculum! ô miram contemptibilis bestialæ virtutem! ô perbeatos divites si tam præsentia quidem bono uti fruique scirent! Antoninus Pius dicere solitus est, Sophisticas argutias similes esse araneorum telis, ut quæ plurimum artificij atque ingenij, sed utilitatis minimum haberent. Quoties autem per recens vulnus torus humani corporis cruor miserè fluxit? quem tamen, densiore paulo Aranei texto strictè alligato, inhibere in promptu fuisset, si quidem attentiores aliquantò essenus ad nostratiam domesticâque remedia. Sed peregrinis & è longinquo petitis inhiamus, tanquam aut meliora sint, quæ ex ultima vsque India magno negotio advehimus; aut salubriora, quæ magna secum pretia ferunt. Sane nisi libido nos infana, veluti æstro percitos, per omnes terræ marisque tractus agigaret, ad sanguinem sistendum, ulcera curanda, saniem prohibendam, inflammationem arcendam, vulnera conglutinanda, pluri unam Araneitelam; quam Sarcocollam, Sandaracam, Bolum ex Armenia petittum, terram sigillo nobilem, samiam Argillam, Lemni denique lutum faceremus. Astringit enim, refrigerat, siccatur, glutinat, & nihil putridum diu subesse permittit. Quâ de causâ omnem è naribus *Hamorrhagiam*, (ut etiam *hamorrhoidis* & sanguinis ex dysenteria,

dysenteria, menstruus, & venarum ubicunque anastomosi nimiam euacuationem citissimè sanat, siue sola cum vino intus forisque detur, siue cum lapide hæmatite, croco Martis, alijsque id genus commisceatur. Ingreditur item tela Araneorum unguentum contra Serpignes; & ani condylomatibus alligata, sine dolore illa absumit. Marc. Emp. Epiphoras item curat teste Plinio, & cum oleo imposita articularum vulnera consolidat. Quidam cinere telarum cum polenta & vino albo uti malint. Verrucas nostri chirurgi curant hoc modo: Telam aranei rudiores in pilæ formam convoluunt, ac verrucæ impositam accendunt, ibidemq; in cineres redigunt: quo pacto radicitus, imo eradicatus tollitur verruca, neque postea unquam renascitur. Marcellus Empiricus telas araneorum in cupresso repertas podagrico cuidam medicamento inserit, ad dolorem leniendum. Ad perforati dentis dolorem, Gal. 5. 138. 707. ex Archigene, ova araneorum oleo Nardino diluta, dentibus imposita, valde commendat. Ova item ad tertianam abigendam propinat Kiramides. Vnde cum Galeno ad Pisonem concludimus, hæc aranei textrina intelligi satis posse, Nihil tam fordium naturam peperisse, quin suos cosque pernecessarios usus habeat, modò diligentiam maiorem medici ostenderent, communemque vitæ sylvam ingredi non fastidirent. Nunc ad reliqua me conferam, ne dum tantus in Aranei historia videor, texisse reuera videar (quod dicitur) isos ægypti. Illud tantum adiungam, Cercopithecus Simios, stelliones, lacertas, Vespas, ichneumones, hirundines, passeræ, paros, troglodyten, Araneis vesci. Lusciniam vero, Oscinum facile principem, illorum esu a quibuscunque morbis liberari. Regnante Alexandro meretrix puëlla in Alexandria longè blandissima perhibetur, quæ à iuventute usque araneis nutriebatur; eamque ob causam rex admonitus, ut accuratè ab ejus amplexu caveret, ne veneno inficeretur per sudores vaporantè. Albertus item meminit Colonienfis cuiusdam nobilis virginis, araneis à teneris usque annis cibatz. Imo & nos Angli Heroïnam etiamnum viuente habemus, quæ (ut supra dictum est,) ab eorum esu non abstinet. Nequeo non historiam repetere à viro fide dignissimo, Bruero nostro charissimo, olim relatam. Venerus quidam neporulus, profligatis rebus, & inter commessationes lustraque perditis, quidvis pecuniæ causâ etiam cum capitis periculo ausurus; ubi diuitem quandam matronam Londinensem tympanite deploratissimo affectam, ac à medicis pro desperata habitam audiuisset, personam ac officium medici mentitus, se illum, imo omnem curaturum esse morbum multis recepit. Sed ut moris est, mediam mercedis partem statim numerandam, reliquam syngrapha spondendam, & in fine morbi soluendam procurauit. Tum, veluti desperatæ, Araneum illi propinavit, salutem certam promittens à triduo, atque ita citissimis quadrigis ex urbe euolat, ne rumore de ægrotantis morte (quam in limine positam concjcerat) interim oborto, cædis alligaretur. At femina paulo post vi veneni morbo liberatur: & medicus ignarus, tanti auctor facinoris, haud cognoscitur. Post aliquot menses redijt hic bonus vir, securus rerum omnium quæ contigerant, atque clam de mulieris illius statu sciscitatus, conualuisse didicit. Tum vero palam se ostentare, rogare quomodo sustentatum sit, excusare absentiam per amici summi valetudinem, & quòd nihil mali ex tam salubri medicina contingere potuisset, certo sciret; confidenter item reliquum mercedis petere, & non illubenter auferre. Næ præsentî hac in morum & temporum corruptela, quanti jam fuerit hic medicaster, qua fortuita bona artis esse putantur; & temeraria unius morbi curatio, vel cum vitæ periculo instituta, medicos tum creat ex fece agyrtarum, tum laude item & lauro dignos iudicat? Sed hæc Nemesis melior castiget: nos ad formicas venimus.

CAP. XVI.

Formicarum Encomium, in quo differentia, Natura, ingenium, earumque usus describitur.

Laudes à corpore petite.



Xorsurus Formicæ laudes, nescio an à corpore an ab animo principium ducam; cum utroque non solum multis Insectis, sed etiam quibusdam hominibus Formicæ sunt præferendæ. Neque enim vniculi Coclitum prosapiam referunt, neque limulis aut trulentis oculis conspiciunt, neque collatitio ventre incedunt, ut Comici Ballio; neque insigniti, vari, valgi, compernes, ventriosi, bucculenti, panso ore, macilentis malis, inculta fronte, vel effæto utero incedunt, ut Nobiles & Heroinæ permultæ, quibus libido periit; sed & formæ dignitas mentis bonitatem consequitur, naturaque illis (pro suo loco & ordine) constantem & absolutam quandam perfectionem attribuit. Cardanus visum ijs primus eripere voluit, ob corporis parvitatem; parum memor multa esse muscarum & culicum genera formicis minora, quæ tamen & oculos & visum obtinuerunt. Sed si oculis capiuntur, quid lux ijs prodesset non video, & cæca nocte æque atque interdum elaborarent. Fateor equidem antennis ipsis loco baculi inservire ad viam tentandam, non quia ejusmodi sitaia, non perspiciunt, sed quod molliorem, duritiemque objectorum ijs tantum medijs explorant. Caput habent exiguum, sed cæstforme rotundum, cerebrosum, oculatum, ore item dentato, gutture non elingui & palato præditum. Pectus illis quadratum, costis munitum, pulmonibus, vel vicarijs foliibus donatum; quibus illa firmitudo & laxitas, ut nullis laboribus anhelosi spiritum semper ducant liberrimum. Ventrî stomachus inest ad digerenda venena (serpentibus & bufonibus sæpe vescuntur) non imbellis, atque uterum grandis calor & fertilitas quædam grata commendat. Quid ego hic pedum celeritatem agilitatemque memorem, & æqualem inceßum? quibus non solum equos gradarios vincunt (pro corporis analogia) sed etiam citissimis quadrigis præferendæ sunt. Colore per loci & generis differentiam variant. Nam & rubros habent Magni incolæ, & Budemelitæ albos agnoscunt. Europæi potissimum nigros viderunt & aureos, atque ex flavo nonnihil erubescences. Hic vero breviculi, strigiflores, tenui collo, graciles, & infirmi corporis videntur: tamen & hi onus triplo corpore majus & ponderosius portant, atque etiam Indiani non contemnendæ molis, magna carniû frusta auferunt atque absumunt.

Laudes ab animo desumptæ.

Corpora vidisti; mores quos ante gerebant

Nunc audi: parcum genus est, patiensq; laboris

Quæsitque tenax, & quod quæsita referret.

} Virg. 4. Æneid.

Sane quoties Cæsarî profusionem, Caligulæ luxum, Neronis prodigalitatē, nepotinas Apicij helluationes, & Heliogabali sumptus repeto magnificos; toties Formicæ genium ingeniumq; maximè laudo, atque hominum prudentiæ facili præfero. Vixerunt illi (sat scio) suavis modis, atque unctæ è patribus patrimonia, opulentas hæreditates obtinuerunt. Tamen commenti novum balnearum usum, pericolosissima genera ciborû, exquisitissima convivia, liburnicas de Cedro factas, gemmatas puppes, margaritarum potionem; unius anni curriculo tantum decoxerant, quantum toto vitæ decursu, spolijs tributisq; domi forisve habitis, extorserât. Habuit Licinius Crassus olim multa, quem ad incitas redactum, & occurrentium cachinnis exceptum, populus per ludibrium *divitem* vocavit. Atqui (proh deos!) inquit Comicus, Quam miserum, isthoc est verbû, Habuisse tam olim multa, habere jam nihil? Quam nobis.

nobis Formicam imitari præstaret, quæ collectas Autumno fruges hibernis commestrationibus non prodigit, sed in futuros usus diurnumque alimentum providè conservat. Hinc fit, ut non arida unquam pauperie excrucietur, nec adversæ fortunæ undis jactetur, nec ære alieno obnoxia implicetur, nec ab alio animali, vel operam, vel vitæ salutisve præsidia mutuetur. Et, si frugalitas à frugibus, quod Etymologi statuunt, dicta fuerit, (Majores nempe nostri, veteris sobrietatis magistri, alias epulas haud norant :) sane illam à protoplattis illis parentibus, in Formicas migrasse verisimile est, quæ illis solis vitam sustentant siccam, & conquistam terculorum multitudinem effugiunt. Ex his igitur Myrmedonas, optimam (quæ temperantiam, quæ diligentiam atque laborem spectes ;) Græcorum gentem nasci non male finxit poeta. Vnde enim illis tanta rerum opumque affluentia, nisi formicina quadam prudentiâ parta servassent, in paupertatis evitacionem reposuissent ? Atque sicut in retinendo parsimonia, ita in acquirendo sedulitas, industria, sagacitas & diligentia ipsarum mirabilis spectatur. Primum autem vitæ, deinde prolis, ultimo victus commodam incunt rationem. Ante omnia ædes sibi parant, ut Aureo illo seculo, non tegula deliciari, sed viridante cespite tectas, & non cocto latere, sed terreo quodam muro circumcinctas. Pyramides & fossas Ægyptias, Creticumque laberinthum historiæ plurimum celebrant. Sed fossarum quas Formicæ fodiunt elegantiam, figuram, dignitatem, flexiones, diverticula, anfractus, nemo satis videat aut laudet. Etenim hæ ineffabili prudentiâ ac artem omnem vincente, subterranea ædificia tortuosissime construunt, ut viam solum inviam insidias sibi struentibus aperiant. Primum terram teneris unguiculis ligonum vice excavant, ac pro cavernis posterioribus pèdibus bipaliorum loco ejiunt. Hinc regeſtum exaggerant, ac tanquam muros vel propugnacula circumvallant. Deinde paleis, stramine, frondibus, corticum & ramulorum fragmentis opus tegunt, novaque materia accumulata turrim erigunt de longinquo eminentem, (*Myrmeciam* dictam) jacto fundamento longe excelsiorem, & declivem ; tum ne pluvij stagnantibus ædes concidant, tum ut aëre item perflatæ salubrius degant. Figuram ædificij divinum hoc animalculum à cœlo petijt, vel quia multitudo suæ gentis capacissimam posceret, vel præstantia optimam expostularet : Introitus non reſtus, sed varijs meandris valde perplexus atque ambiguus. Cavernas in hac sua arce triplici ordine distinguunt, sed aditu tam inaccessso, ut vel Argum ipsum totoculum sæpè eludat. Prima camera satis larga, quasi basilica videtur, ubi omnium una Panegyris & conventus, à nobis *Panmyrmecium* vocata : sub hac profeminis Gynecæum Dædalea manu & opere fornicato, quo ovis in tuto positus sætus pariant, fabricatur, ne posteritatis videatur neglecta cura. Tertiæ ædes intimæ & tutissimæ ab imbribus pro granorum acervis extruuntur, ut ibi quasi in horreo ventris thesaurum condant, & ab Hyberno frigore omnia pervadente præmuniant ; radices & extimas monticuli oras Cæmeterio assignant, eoque vita defunctos cum honore & pompa sepeliunt. Atque hæc ædificij ratio ; simplex illa quidem & in terræ cavernis posita ; qualis illa sapientum priscorum, antequam superba, & cœlo minitancia tecta insana Nini ambitio excogitaverat. Ab ejus obitu, Reges memorem aut Principes ? imo ex imi subfellij civibus quidam supersunt, qui immani sumptu, non formicinum cumulum ; sed Mausæolum, vel cadaveris sui ergastulum ædificant, omniūque opera & arte poliendum curant. Digni sane qui ab ipsis formicis vivi pereant, ut prudentis animalis morſu intereuntes, dignas stultitiæ luant pœnas. Neque ædículas vel turres erigunt, ut otiosis latibula, male feriatas asylum subministrant : sed quisque (imperante tamen nemine) honestam sibi capit provinciam, & in Democratiæ suæ publicam utilitatem mutuas vicariatque

riaſque operas impendit. Hi enim, veluti in fodinis metallicis, ſeſe cuniculis agendis ſtrenue exercent; illi ædibus reparandis, ornandis, everrendisque vigilant: alij mortuos, magna comitante caterva, & ferali ſolennitate in Propylis ſepulchro claudunt; alij contra ægrotantibus præſtant auxilium, atque ex theſauro granum quoddam medicamentofum, (ſunt enim ibidem penè omnium herbarum grana) apportant atque præparant. Nec deſunt illis Frumentarij, ſpicilegi, promi condi, œconomi, fabri, architec̃ti, fornicarij, cunicularij; vel potius ea eſt ſingulorum virtus & ſcientia, ut quiſque quid ubique factu opus ſit rectè teneat, & reipub. juvandæ comiter incumbat. In communi autem opere qui labor, quanta ſedulitas apparet? Si Myrmeciam ſubitò extruere in animo ſit, vel ſaltem (ob veterum ruinam per injurias talparum ſuffodientium factam) novas quam citiſſimè ædes ponere neceſſe habuerint: veluti factò examine omnes prodeunt, atque è dirutarum rudere, in vicinia alias ædificant. Primum autem ovagranaque diſperſa colligunt, & ſuo quoque loco recondunt, poſtea cumulum reparant, cui addito tecto, ſarta tectaſque ſingula præſervant. Feſto & læto ſole in ſegetum ſtrage quando pabulatum proficiſcuntur, Majores natu (tanquam duces) præcedunt, reliqui ſequuntur. Illi ſummam ſtipulam ſcandentes ſpicas demordent: quarum ruinæ juniores inhiant, ac (delapſis glumis) vaginis granum eximunt, exemptum deinde domum portant, ac eroſa ligula (ut germinandi facultatem eripiant) ſi neceſſitas jubet, pro foribus inſolant, factaque ventilatione iterum reponunt. Peracto Spicilegio, triturantium areas frequentant, atque inde non clam ſurreptis; ſed palam arreptis vitæ ſubſidijs, theſaurum penurarium locupletant; quem ipſorum laborem Virgilius ſcite luſerat his verſibus:

*Ac veluti ingentem Formica farris acervum
Quum populant, hyemis memores, tectoſque reponunt:
It nigrum campis ægmen, pradamq; per herbas
Convectant calle anguſto. Pars grandia trudent
Obnixæ frumenta humeris, pars ægmina cogunt,
Caſtigantq; moras: opere omnis ſemita ſervet.*

Quare non immerito mortalis prudentiæ Princeps, pigroſ illos & glirinos homunculos (qui ut mures ſemper victitant aliena quadra, & oſtium vagulū ſtipem rogitant,) ad Formicam in diſciplinam relegavit; ut ejus exemplo occaſionem premant, paupertatem exuat, laboremque (omnium bonorum propolam) plurimifaciant. Huc tendit illud Gallici poetæ,

*O piger, à lenta quiſquis laqueare vacuna,
Formica munimen adi; qua provida mater
Oeconomuſq; premat ne ſe penuria rerum,
Menſe uno glomerat, quod toti ſis ſatis anno.*

Hæc illarum diligentia in colligendo, ſollicitudo in præſervando, prudentia in recoſcendo, œconomiæ diſciplina in diſtribuendo alimento. Videamus quoque modèſtiam in itinere, quæ non omittenda mihi videtur. Nam licet anguſtam terunt viam, tamen nullæ ibidem rixæ, luçtæ, vel concertationes, murmurilla, digladiationes aut cædes de via audiuntur, (ſicut inter ſuperbos uſu venit:) Sed minor majori, inanis onerato cedit, & devitare quiſque potius injuriam per modèſtiam, quam petulanter inferre paratus eſt. Si quis conferat onera cum corporibus earum, fateatur nullis pro portione vires eſſe majores; gerunt ea morſu. Majora averſæ poſtremis pedibus moliuntur, humeris obnixæ. In ijs reipub. ratio, memoria, cura; Semina arroſa condunt, ne ruruſ in fruges exeant è terra; Sitiui obnoxia, & imbre madefaçta, foris proſerunt, ſoli exponunt, abſtergunt, torrent, & deinceps horreo recon-

dunt. Majora ad introitum dividunt. Operantur & noctuplenâ Lunâ (probi ut mēssores solent) eademque interlunio cessant. Iam in opere qui labor? quæ sedulitas? Et quoniam ex diverso convehunt altera alterius ignara, certi dies (authore Plinio) ad recognitionem mutuam nundinis dantur. Quæ tunc earum concursatio? quam civilis cōversatio? quam officiosa salutatio? quam diligens cum obvijs quædam collocutio atq; percontatio? Silices itinere earum attritos videmus, & in marcore semitam excavatam; ne quis dubitet, qualibet in re quid possit quantulacunq; assiduitas. Nam eadem tere omnes semitâ viam capeſcunt; quia si onus vires portantis superet, obviâ venientes impeditam adjuvant, humeros manufq; præbent auxiliares; si levius, pauca; si ponderosius, multæ accurrunt, & vel retrahendo, vel trudendo, vel onus (si majus fuerit) arrodendo dividendoq; opus promovent; eoque pacto magnam stipularum quæſquiliarumq; molem domum reducunt. Si quis vero laborem formicarum impediret, (quod obvijs nonnunquam serpentes atque rubetæ faciunt.)

quarunt per vulnera lauros,
Corda vomunt, pulchrumq; mori succurrit in armis.

Tunc enim (veluti Syncrētismo factō) conspirant & lentis sævisq; morſibus hostem perimunt: Parum se de repub. meritum putat, quicquid communis hostis corpori dentem non infixit, eoque nomine concertant. Messis tempeſtate ubi hoc accidit, in exanime corpus non sæviunt, sed statim à proſtrato hoste, ad pensum recurrunt, & seposita in caſtris ante prælium grana recolligunt: neque enim spolijs inhærere prudens consilium est, ubi gravius advocat negotium, & cum cadavere certare inglorium ducunt. Vescuntur potissimum tritici, siliginis, zææ, & mazæ granis, & (qui est ipsarum delectus) solidioribus. Cupressi nucleis valde delectantur, floribusque herbarum teneris & rubicantibus. Scorpions, Gerætes dictos comedunt *Rhaphiæ* teste, serpentumque & ranarum cadavere famem sublevant. Alioquin à putridis & venenatis abhorrent, frugesque menstruo sanguine pollutas ne gustant, ne tangunt quidem. Nonne item hominibus equos, lupos, serpentes, olera, cadavera arctissimis in obsidionibus fames ingessit? Munditiam illarum id satis comprobatur, quod in granorum glumis seu folliculis mortuos efferunt, ut Romani olim in urnis, nunc in feretro, defunctos sepelierunt: ædes enim gestiunt puras colere, eumque in finem alui onus (urinæ simile) non intus ponunt: atque ubi per coenum factō itinere maculosæ redeunt, in ipso ædium vestibulo ad asperum sese corticem elimant. Fætuum illa illis cura & amor, ut semper in ulnis ova gestent, quamdiu and nimiam amplitudinem labores impediens non excreverunt; deinde alto sinu deponunt; ut Pico Martio, Vrsō, Lucinæ, alijsque eorum prædonibus imponant. Quum vero exclusis ovīs Formiculae exierint, illicò ad laborem eas instruunt & diligentiam, operæque impatientibus cibum denegant. Hinc videas cuique quandam dari provinciam: fortiores unguis, ore, rostellis, terram egerere; egestam accumulare; cumulatam leviter (ut spongiosa fiat) stipulis inspargere: Sapientiores ædificant; minores in cuniculis versantur; peritiores mæandros, labyrinthos, concamerataque cubilia efformant. Si quem otio languentem viderint, non solum fame maceratum ædibus ceu spurium exigunt: sed etiam pro foribus ductum factâ omnium ordinum coronâ, capite mulcant, ut filioliis documentum esse possit, ne pigritiæ in posterum & mollitiei nimiae animum appellant. Coitum diebus labori & quærendis frugibus convenientibus omittunt, hyemeque potissimum, (quando nec seritur, nec metitur) propagationi student. Intus autem plerunq; veneri dare operam modestia illas induxit, ut apum genus; quo tempore fæminas charæ habent, suisque complexibus gravidas factas perdiligunt. Ultra omnia id curant (ô mirabilem *proli*!) ne quid

proli ad corporis alimoniam, vel ad mentis doctrinam desit. De Formicarum fortitudine Solus ambigere is potest, qui nec vidit ipsarum pugnas, nec natam de ijs famam accepit. Neque enim bilis tantum his inest (ut adagium loquitur;) sed etiam pugnandi institutum, quo vel cum hoste externo manus conferunt, vel civilibus bellis per famem ortis invicem configunt. Etenim licet pleno horreo, nunquam litigant formicæ, atque Democratiæ suam habent cum satietate rerum incolumem: tamen (quod in Monarchijs etiam optimè institutis accidisse legimus) in annonæ caritate vel defectu potius, de victu & vitâ pugnas ineunt acerrimas, minoresque majores (quasi grandiores reipub. gurgites) oppugnant. Necessitatis quippe est dare non accipere leges, tumque imprimis venter molestus cliens, quando vacuis & singultantibus intestinis semet ipse exedit. Lysimacho pauci iustiores reges numerantur, neque Atheniensibus subditi meliores; utrisque tamen famas multa suavit perperam, atque illum pusillanimitatis, hos defectionis crimine inussit. Laudandum igitur hoc Formicarum bellum non pro Corona murali, vallari, aurea, vel graminea (quæ antiquissima perhibetur) habitum: sed intestinâ necessitate & naturâ duce expressum, quandoquidem ne ipse quidem Solon sitim perferre; nec Salomon famem vincere valebat. Suffodiunt enim istæ omnes parietes, nullis teneri se vinculis patiuntur, solæque leges & limites non agnoscunt. Hujus pugnæ miram historiam refert Æneas Silvius lib. de Europa, cap. 50. in hæc verba: In agro Bononiensi pyrum aridam pastus gratiâ ex minoribus formicis famelicis complures ascendunt, supervenere majores non parvo numero, quæ illas erepto faucibus bolo partim occiderant, partim dejecerant. Dejectæ ad suam revertentes Myrmeciam sive acropolim, in itinere cum obvijs (quasi habito colloquio) injurias memorant, omnemque sociorum vim & numerum castris educunt. Post duas fere horas tot Minorum centuriæ, tantæ acies exortæ sunt; ut totus ager nigro agmine atratus videretur, accessere stipatæ omnes, & arboris undique stipitem circundantes, paulatim ascendere ceperunt. Majores, ubi hostes adesse animadverterent, conglobatæ superne pugnam expectaverunt, postquam simul commisso prælio acies convenerant, Majores è minoribus per multas morfu rabido interemerunt, omnesque primo impetu ascendentes miserrimâ strage confectas disjecerunt, ut mortuorum cumulus ad pyri radices non parvus in terra succreverit. Reliqua minorum pars mediaque acies, non animos propterea ponere, aut loco cedere voluerunt; sed concenturiatis spiritibus ultionem tentant, pertinaciusque instantes, atque aciem acie prementes, majori quam antea numero arborem conscenderunt, hostesque à tergo, à latere, & à fronte undique pungentes, manus herbamque dare vi coegerunt. Magnæ majoribus vires ad victoriam valuissent, nisi minorum prævaluisset numerus, unamque viginti simul essent adortæ. Hæc æta sunt Eugenio 4. Pontificis cathedram occupante, spectante Nicolao Pistoriense juris consultissimo viro, omnemque pugnam bona & sincera fide narrante. Tale quid Olaus Magnus recenset Vpaliæ & Holmiæ contigisse, antequam barbarus & immanis ille Tyrannus Christiernus Secundus à Succiz incolis & Gothorum Suevorumque regionibus fuit expulsus. Quo in prælio illud non omittendum; Minores post adeptam victoriam suorum cadavera inhumasse, relictis hostibus & ad corvos parosque expositis. Martis item in arcem Campanile elegerant altissimum, acsi Tyrannorum prodigium ejusque Satellites, ad sui facti æternæque poenæque imminentiæ contemplationem, clara voce vocarent atque attraherent. Elephantos atque Vrsos lædunt, sed non nisi ab illis prius læsæ; Serpentes & Dracones in rabiem agunt & affligunt, sed vel quia laborantibus iter impediunt viamque obstruunt, vel quod cavernis turribusque suis

suīs venenatum halitum inspirant. Cicadas gliresque summo prosequuntur odio: illas quia cantando ætatem conterunt, hos quia dormiendo hyemem perdunt; pariter enim & male occupatos & desides respub. bene constituta punit, otiososque civitate ejicere solent Spartani. Longam vivunt ætatem, imò immortalitatem vix gustarent, nisi ab avibus immaturæ abriperentur, pluvijque & inundationibus aquarum suffocarentur. Sanæ degunt plerunque, quoniam illa tria Platonis saluberrima strictissime observant, *αεισιν πνευ, αεισιν πνευ, αεισιν πνευ*, & *αεισιν πνευ*. Quid enim illis in labore alacrius, in alimento temperantius, in venere moderatius unquam peperit natura? Multa illis etiam domesticæ disciplinæ, justitiæ, amicitiae aliarum que virtutum insunt semina: quæ si vel naturæ vel arte nobis infingerentur, non alieno amplius sudore viveremus homunculi, ventrisque fieri mancipia recusaremus. Habent item quandam futurorum sensum: nam imminente fame nimirum in modum sunt laboriosæ, noctu diuque operam continuantes, thesaurumque ingentem undique condentes, unde Juvenalis Satyr. 6.

—frigusque famemque—

Formicæ tandem doctus depelle magistræ.

Quum igitur (ut omnia paucis perstringam) tantæ pietatis, prudentiæ, justitiæ, fortitudinis, temperantiæ, modestiæ, charitatis, amicitiae, frugalitatis, perseverantiæ, industriæ, artisque nomine præcellant; haud mirum si Plato in Phædone statuerit: Qui virtutem civilemque vitam consuetudine propriave diligentia coluerunt absque philosophiæ adminiculo, eos à Formicis animas sumpsisse, atque in easdem mortuos reverteri. Huc accedit, ut antea retuli, Myrmidonum fabula: qui olim Æginetæ cum essent, diligenti agriculturâ, perpetuâ fossurâ, improbo labore, & continuâ parsimonia cum virtute juncta, ad eas opes pervenerant, ut humanam sortem & indolem superantes, Theognis è Formicis ortos, vel in Formicas versos fingere necessum habuit; unde (ut Strabo refert) Myrmidones sunt dicti. Græci aliter alij rem narant. Iovem scilicet in Formicam mutatum; Eurymedusam Gratiarum matrem violasse; ac si non aliter optimam mulierem quam optimi animalis figuræ speciem falleret. Hinc postea Iupiter Formicarius, & Formicarum rex dictus. Ea enim virtute ac iustitiâ prædita Formicarum gens, ut nec rege opus sit aliquo, dum suos quisque regit affectus; vel saltem illo tantum supremo, quem invocant omnes Iovam; qui & Formicinæ, & humanæ omnis virtutis, unicus fons & author merito censetur. Etenim inter homines qui rectius Formicas regat nemo est; imo qui docere ipsas deberemus (ut inquit Hyeronymus) discere ab ipsis varia possimus & corpori & animæ salutaria. Nam cum contra industriam & ingenium suum absconduntur, propius abesse pluvias certo novimus; & cum circumquaque concursantes ovaque progerentes cernimus, tempestatum ventorumque violentiam præcaverimus. Solent item rusticâ prudentiâ nobiles, frumentum omni foro præmerari, famis futuræ præcognitione, quoties formicas, veluti con duplicatis passibus insolentiis currere, granisque reponendis sudare animadvertunt. Rectius quippe & certius naturali quadam magiâ tempestates præmonstrant, quam Divinaculi nostri Planetarij, à pijs vereque doctis omnibus derisi atque explosi. Nam ut Ennium loquentem audiat, is,

Hi quum sibi semitam non sapiunt, alteri monstrant viam:

Quibus divitias pollicentur, ab his drachmam ipsi petunt.

Neque minus eleganter Accius Poëta, in scribendis tragædijs summus, ut in Atticis legitur;

Nihil (inquit) credo Auguribus, qui aures verbis divitant

Alienas, suas ut auro locupletent domos.

merem? Paratu interim aures, & æquus audias, quæ de Formicarum viribus produnt Majores. Haud enim solis Serpentibus, Draconibus, Vrsis, Gryllis, Soricibus, Gliribus, Chamæleonti, Vpux, Pico, Martio, Alaudæ, Philomelæ, Phasianæ, Motacillæ, vel Gallinis, nunc ad famem levandam cibo, nunc ad satietatem vomitione liberandam medicamento sunt; ut ex Plinio, Solino, Plutarcho, Palladio, Eustathio, Bellonio, Alberto, atque ipsa experientia, satis liquet. Verum & Mangi regionis incolæ formicis rubris cum pipere conditis vesci, easque in maximis delicijs ponere, Nicolaus Venetus testatur. Conferunt item ad Gryllos, & pilces non nullos inescandos, Rocam præsertim. Medicinam quod attinet, paucos morbos videre est, quibus non hæ Deorum manus aliquam salutem. Torrette *Febris*, & veluti in Perilli machina vivus ureris? Audi mirabilem aquam, & ad illud extinguendum incendium (ut Gesnero ab amico relatum est) percelebrem. R: aq. font. li. j. mellis cochlearia iij. in cantharo conquassata collocentur in Myrmecia, sic ut facile incendant formicæ: cum tot incidisse conspexeris, ut aqua incrassetur, cantharum concutito, ac (modo quo aquam rosaceam soles) destillato. Dosis cochlearis dimidium, vel plus, pro ægri viribus; provocabit vomitum egregie & per urinas etiam materiem morbi evacuabit. Plinius *Quotidianam*, *Tertiam*, *Quartanam* atque omnem intermittentem febrem curari ex Magorum doctrina auctor est, si æger omnium unguium præsegrmina pro Formicarum ædibus projici curet; & si primam ea trahentem apprehenderit, colloq; subnexam gestaverit. *Aurium te dolor vexat?* Eia, vitrum ovis Formicarum ipsisque cum formicis repleto, optimeque in furno clausum cum pane coquito, donec panis calorem contraxerit. Tunc aquam invenes, ad dolorem aurium tollendum quotidiana infusione, certè vtilem. *Oculo pannus præpositus visum impedit?* & formicis rubris succum exprime, oculis infunde: corrodit enim ipsos cum aliquantulo dolore, & penitus extirpat. *Eroti: Trotula: Theophrastus.* Ova Formicarum trita & auribus imposita, quemvis obtusum auditum citò sanant, Authore Marcello. Quidam conterunt, & aquosam substantiam exprimunt, ac instillant. Alij vitreo vase in oleo macerant, idque in igne concoctum auribus infundunt.

Si retenta urina Hydropem peperit, viginti formicas cum totidem earum ovis ex vino albo bibas, & salutem invenes. Ad urinam quoque interceptam, ova illarum distillata plurimum conferunt. *Leo: Faventinus.* Formicæ curans puella, certum cupis experimentum, quo *superciliorum arcus denigres?* ova Formicarum cum mulcistris trita id præstant, voti que te compotem efficient. Sunt item, quibus per ætatem vel morbum (utor Poetæ verbis) vapulat peculium, & libertatem penis amiserunt, ut mariti officio si velint, haud possint fungi. His authores quidam oleum Sesaminum cum formicis contritis mixtum, & insolatum, commendant; si virga & testiculi eo fuerint inuncti: huic oleo addunt nonnulli Euphorbij scrup. j. piperis, sem. rutæ, ana ʒj. Sinapeos ʒ ss. ac iterum Soli exponunt. *Rhasis.* Arnoldus Formicas nigras hoc in casu laudat oleo Sambucino maceratas. Nicolaus cum radicibus satyrj miscet, & aquam inde destillatam jejuno alij propinant. Gesnerus in Evonymo Aquam eò conferentem describit. Accipe (inquit) ollam melle intus obductam, & ad medias Formicis plenam: tunc adice piperis longi, nucis moschata, cardamomi, pyrethri, ana p. j. butyri. q. s. per 14. dies macerentur fimo equino; tum in balneo destillantur, & jejunio parum quotidie bibendum exhibe. Oleo formicarum alij (inquit Merula) Symphytum addunt: alij Boracem, vel radicem imperatorie, cum vino laudant, quando impotens dormitum vadit; atque hoc pacto viris & mulieribus sterilitatem tolli affirmant. Verum equidem miror Formicarum hac in parte potentiam,

tiam, quum 4. tantum in potu sumptas, omnem veneris ac coeundi potentiam auferre tradat Brunfelsius. Idem tamen contendit, Formicas unâ cum sale communi, & ovis, ac veteri axungia panno interposito, applicatas, *Ischiadicum* dolorem sanare. *Impetigini* cum modico sale appositæ, præsentaneo sunt remedio, inquit Marcellus. Quinetiam contra pruritus & Scabiem è papulis, ut Serenus ait;

*Proderit ex oleo pulvis, quem congerit alte
Dulcibus è latebris patiens Formica laboris.*

Ova quoque Formicarum inter *Psyllota* numerat Arnoldus, atque aquam ex his destillatam ad *Noli me tangere* & *Phagedænas* omnes commendat. *Flatus* item potenter dissipant cum vino sumptæ, ex Alberti sententia. *Clavus* enumera, totidemque Formicas accipe, ac linteo raro unâ cum cochlea deligato; ac in cineres redacta omnia cum aceto misce. Clavos deinde illinito, & curationem accipito. Capite Formicæ parvæ ablaro, reliquum corpus digitis conterito, ac eo abscessus cujuscunque tumorem inungito; statimque detumescere incipiet. *Nonus*. Deus item, ne quid omisisse videar, *Solipugarum* morfibz (quod est genus Formicæ venenatum) *Cynamolgos* (mollem desideremque *Æthiopix* populum) à sedibus fugavit atque delevit. *Plinius*. Has alij *Solisugas* dicendas putant, Cicero *Solipugas* appellat. Pauca ab Authoribus in Formicarum laudes ex Anthologio, Aphonio, Natalis Comitiz *μυρμηγκία*, & Moicheæ faceto ejusdem hypotheseos libro dicenda habeo; earumque naturas & elimatam vitam Aratus, Herodotus, Strabo, Aristophanes, Rhafis, Aggregator, Beroldus, Ryffius, Zetztes, Arnobius, obiter transcurrunt; verum cum parum reliquis addant, nollem diutius *μυρμηγκίαν*; ne dum elegans viderer, curiosulus essem, & singula minutissimè rimando, rimas agerem. Faxit Deus, qui nos ad Formiculam otio crapulæque deditos in disciplinam misit, ipso ductore illuc eamus, ipso doctore officium perdiscamus. Pusillum sanè est animal, & contemnenda propemodum magnitudinis: ἀλλ' οὐκ ἐν τῷ μεγάλῳ τὸ ἴδιον, ἀλλ' ἐν τῷ ἴδιῳ τὸ μέγα.


Dixi.

CAP. XVII.

De Cicindela, & Meloe famina, acque Anthreno, & Asello aruensi.

Magna factionis & generis Nobiles cum plebijs conjugio copulari plerunque molestè ferunt. Tamen Iovem muliebres non indignatum amplexus Poëtæ cantant: Cicindelaque & Proscara-beum, sive Meloen (quamvis Aligeri sunt ordinis) cum Depennibus rem habere non pudet. Et profecto cum in his fæminis, eadem naturæ dignitas & vis adsit, quæ in masculis conspicitur, nescio equidem cur eos suæ fortis uxorumque distædeat, quum (demptis alis) animi & corporis item dotibus conspirent. Harum nomen, formam, figuram, mores, virtutes, usus, libro primo (quo de viris ipsarum aligeris multa disputabantur) abundè diximus; & quamvis Inpennibus hic debetur tractatus, nolui tamen artis nomine fæminas à viris sejungere, quas (à primo usque sæculo) naturalis conjunxit amor.

Anthreni Iconem vobis offero, quem Græci etiam *ἀνθρήνιον* vocarunt. Alij Crabronem esse reptilem conjiciunt. Alij speciem illam Phalangij, quæ à Plinio



à Plinio pennis tantum differre à Crabrone dicitur. Rostrum illi aduncum & forcipatum, vultusque erectus. Notuam illam cornutam (qualem in Belgio vidimus) plenè exprimit; oculos habet piceos, pectus hirsutum valde & fulvidum; pedes ortu flavi, deinde fusci: octo incisuris ex rubro flavescensibus constat reliquum corpus, quas maculae in dorso coracinae valde ornant. A summo rostro, antennae siue cornua emergunt flava, hirsuta, flexibilia, tamen tactu nonnihil dura. Morsum ore infert agrè curabilem; non ita tamen lætalem, ut Phalangium videatur; nec ita lenem quin Crabronis superet *exanthema*. Si plura post hac de hujus bestiolae natura, moribus, & usu explorata habuero; lubentissimè faciam,

ut pariter mecum sciatis. Absit enim à me voluntas cælandi aliquid, quod reipub. literariae in rem fiet.

Ob similitudinem quam cum Asellis habet hoc Insectum, Asellum aruensem appellamus: reperitur enim aruorum inter segetes, pedum duntaxat numero (quippe sex tantum parvos & nigricantes habet) à reliquis discrepans; collum illi brevissimum, corpus latiusculum, compressum; cauda aliquantum mucronata. Iulio mense agro Colcestriensi cum Pennius vidit, aliàs nunquam reperit. Quem in medicina usum obtinuit nobis adhuc inexploratum est.

CAP. XVIII.

De Vermibus mineralibus hexapodis.

IN Pennij de Vermium natura Schedis, opinionem ejus aliquandiu mirabar, quum lapidum Vermes commemoraret, seque eos in cariosis ætate lapidibus vidisse, parvulos sepedes, assereret. Etenim ab omnibus Philosophis acceperam; admodum amara, fassa, acria, acetosa, oleosa, calida, frigida, solida, duraque; quamvis corruptionem tandem admittunt, Vermes tamen nongignere, atque propterea à Theophrasto, *ζῷα* vocantur; non quod vita, sed quod animalibus carent. Cœpiego attentius rem cogitare, iustaque & fallendi nescia statera omnium sententias expendere; tandem Majores nostros & hic & illic turpissimè lapsos pensavi: plusque unis Pennij meisque oculis, quam illorum omnium verbis attribui. Dicite enim mihi bona fide, Ecquid felle vel agarico amarius, mari salsius, fermento acrius, aceto ipso acidius, igne calidius, congelata nive simplicius atque frigidius? Generari tamen ex his singulis vermes certum est, & ex historiarum sequela satis patebit: pari ratione vermiculos lapidibus innasci, non siccitas, soliditas, frigiditas, non caloris humorisve inopia prohibet: neque illud admisero *παραχρῆ τῶν φύων ζωοντίων μὴ ἐκ τῶν πῶς τῶν ὑγρῶν καὶ θερμῶν ὅλως ὅσοι τῶν ὑγρῶν καὶ θερμῶν ἀπὸ τῶν πῶς*. Haud enim solum ubi humor materiam subministrat, atque calor humorem manifestè concoquit, animalia procreantur; sed ibi etiam (ne Deum cancellis claudere videamur)

videamur) ubi nihil horum adesse oculis cernimus, imo ubi planè abesse cogitamus. Pyrigoni in fiammis, Oripæ in congelatissimis nivibus generatio id satis stabilire possit: quæ me ratio induxit, ut lapidum verminationi citiùs ascriberem. Quinetiam molitores dum lapides suos versatiles usu nimio levigatos stilo excavant, Vermes ibidem natos sæpe reperiunt, ut Pennij frater testatus est. Retuli tmihi Fœlix Platerus, dignissimus Medicorum Basilensium Antistes, se in centro magni lapidis ferræ divisi, vivum Bufonem à natura inditum reperisse: quale quid optimus ille Zuingerus de Scorpio meminit. Quæ sane horridiora visa fuissent & longissima a fide, nisi idem in lapidicina Guilielmi Cavi Leicestrinensis nobilis contigisse scirem. Nec sane Philosophia & ratio huic adversatur opinioni, quum terræ omnium parenti omnigenus calor, omnigenus humor, spiritus item insit omnigenus, & ferè omnium (utor Archiatri verbo) plena esse omnia videntur. Neque sanè video cur magis in animalibus lapides, quam in lapidibus animalia nasci queant: atque ut nobis metallicos spiritus facile tribuo, ita illis animales concedere, salvâ veritatis lege, non timeo. Habent enim & illi invisibiles & tacitos meatus, nervos, venas, & sinus: quibus alienum humorem, aliena semina, & peregrinos spiritus vel attrahunt, vel saltem vi illatos admittunt. Memorant quidam medullam spinæ humanæ putrefactam, serpente longè venenatissimum producere. Ex cineribus vermium vermes renasci auctor Cardanus: Scorpiones ex ocymo inter parietes sepulto, præter Plinium multi referunt scriptores. Lapides in aëre genitos nemo non videt: imo vitulos, sanguinem, & saxa depluisse, Bonus Ferrariensis repetere non erubescit. Quæ licet asperiora videntur quàm ut æmulentur veritatem; tamen neque temerè audeo negare, neque nostram de lapidaribus vermiculis sententiam unquam imminuent. Cujus rei ratio si tam altè positavideatur, ut nihil sit æquè difficile atq; eam indagando pervestigare: cogitatis veritatem tam altis quoque tenebris esse reconditam, ut vix seris tandem annis prodiderit; nec unquam in his rerum generationibus (quarum solus sibi Deus est conscius) nisi per conjecturas, similitudines, proportionones, collationes, observationes, semetipsam ostendat. Ludit enim hic Deus, ut nos ludat homunciones, strabis oculis non creatricem duntaxat officinam intueri ausos, sed etiam rationem operum antiquire, rimari, tentare, imo quidem imitari neutiquam veritos. Vtinam vel Salmonis fato, vel Salomonis consilio admoniti, ad sobrietatem sapere disceremus: illa enim ad cognitionem rerum via est unica, & sola omnium (quod sciam) salutaris.

CAP. XIX.

De Vermibus vegetabilium hexapodis, & primum de Arboreis.



Vegetabilium Vermes sunt vel arborei, vel Fruticarij, vel leguminarij, vel frumentarij, vel Herbarij. Arborei, quidam lignum, quidam corticem, nonnulli folia, flores & fructus exedunt, de quibus ordine dicemus. Ligniperdes, sive *ξύλοφάγοι*, multi deprehenduntur; nam qui in virentibus crescentibusque truncis innascuntur, *Stæus*; qui in aridis & in exuccis, *Enxyla*; qui in solidis & siccis, *Thripes*; qui in lignis calidioribus, *Termites*; qui in cæsa materia, *Cossi*: qui in navium tabulis, propriè *Teredines* dicuntur. *Antes* forte *ἀντὶ τοῦ δένδρου* nomen sumpserunt; mordeant enim & mandunt vivas arbores, adeo ut sæpe ad earum radices magna pulveris

ferè minimum digitum crassi videntur, & tres digitos transversos longitudine adæquant; colore albicante, erucis majoribus fere similes: quare a Plinio prægrandes Cosses dicuntur; pedes utrinque tres, non procul à capite penduli, breves, exiles, nigricantes. Corpus annulis duodenis constat, versus caudam semper minoribus & pellucidis; caput crassiusculum, colore fusco, ac parvum, forcipatum, acutum, & quasi mucronatum, colore nigro, duæ in fronte laminæ; juxta os sunt exiguæ quasi setæ aculeatæ, singuli annuli in lateribus, singulis punctis rubentibus modicè cavis notantur: tardigradum valde est animal, & motus vix perceptibilis; qua de causa ventriosos & desides, Cossos appellat Festus. Oculos habet parvos valde, dorsum teres, ventrem nonnihil concavum, colore albicante dilutum; obefuli videntur & valde molles, lignis noviter sed intempestivè cæsis innascuntur; si vero diutius resecta fuerint, plurimamque humiditatem amiserint, minores oriuntur Cossi, magnitudine solum à majoribus diversi. Veteres in Ponto & Phrygia (ut Plinius & Hieronymus tradunt) ijs quasi delicatiori cibo vesci solebant, atque cum in usum farina saginabant, ut Verniculi quoque altiles fierent. In medicum etiam usum veniunt Plinio teste: sanant enim ulcera, lac augent, nomas illiti percurant; id quod Albertus quoque confirmat. *Teredines* capite ad portionem grandissimo, rodunt dentibus, perforantque robora, vel sono teste. Hæ tantum in mari sentiuntur (Theophrasto teste) nec aliam putant teredinem proprie dici: Horum alios tam longos in navibus Venetorum, quæ diu in Alexandria portubus confiterant, repertos meminimus, ut cubitum longitudine, pollicem crassitudine æquarent. Quales etiam inclytus ille Franciscus Drakus, alteri quasi Maris Neptunus, in nave sua orbivaga (carie jam pene spongiosa) domum reduxit. Vidimus alias *Teredines* unciam longas, vermi farinario persimiles. His corpus teres, caput ex luteo splendente, parum rubens, os forcipatum, à cujus quasi labris parvæ spinulæ nascuntur; pedes utrinque terni, incisuræ corporis undecim, aliquantum rubentes: reliquum corpus dilutè livescit cum splendore; quo majores fiunt, eò ex phæniceo obscurius splendent; quo verò minores, eò intentius albicant. Itali Byssam, Hispani ab edulio Bromam vocant: exedit enim naves, & perforat; unde Aristophanes in Equitibus triremem exesam, loquentem, introducit his verbis, *no rapidos omnis lû trûda rary negoriat*. Sic etiam Ovidius 1. De Ponto: *Estur ut ocula vissata teredine navis*. *Teredines* non naves tantum, sed & ædium trabes infestare (pace Pennij dixerim) ex Homeri Scholiaste (Odyss. A.) constat, cujus hæc sunt verba: Melampus, cui Draco aures purgaverat, ut brutorum sermonem intelligeret, ob boves Iphicli abactos in carcerem conjectus est. Vbi cum intellexerat ex *Teredinum* colloquio, parum superesse de trabe, efferri se jussit, ne illa decidente vitam finiret. Atque dum a viro & muliere sublimis factus efferretur, domo corruente, uterque reversus periit. Patet id etiam ex Comicorum Latinorum faciliè principe, quum Philolachen adolescentem his loquentem verbis introducit;

Hilares in putrilis arborum truncis reperti fuerunt.



Hinc inveni juxta radicem malve arbo. rescentia. Vt scitur lumbricis terrestribus, continuo eos motuens atque exuens, donec eos degerit exuere.



Atque illud sæpe fit: tempestas venit, *Teredo* ades ingreditur, & vermis malus. Venit imber, lavit parietes, perpluunt Tigna, putrefacit aer operam fabri, &c.

Magnis hi præsertim nocent arboribus, nempe Quercui, pyris, malis, castaneis,

neis, larici, Iuglandibus, fagis, mespilis, ulmis & latifolijs Salicibus: in quibus immature cæsis & plantatis; pinguedo quædam mollis & mala oritur (albumen & albumum iactuarius dictum) omnium Terebinum seges & fomentum. Quò ficciores, amariores, oleosiores, atque duriores sunt arbores, eò magis a Terebine liberæ creduntur: tamen aliquando cupressò, juglandi, Guajaco, & Tiliæ, Ebena etiam ipsi, vim facit. Modus autem generationis ipsorum in lignis huiusmodi est. Plerique innascuntur, non foris se inferunt; depascuntque sua principia, ut ex quibus constant, ex iisdem constare pergant. Materialis causa & conjuncta, est dulcis & alimentarius lignorum humor putredine infectus, quemadmodum ex pituita dulci lumbrici intestinum nascuntur. Putrescit autem dulcis ille humor duplici de causa, Dyscrasia scilicet, vel continui solutione: per Dyscrasiam qualitas corrumpitur, per vulnera vero, non tantum innatus effluit, & se effundit humor, sed alienus quoque per pluvias caliginisque illarus putredinem efficit. In vetulis, raris, & siccatis per ætatem arboribus, maximè sunt vermiculi; tum quia humidum radicale magis minuitur, tum quod Dyscrasia calorque & humor peregrinus magis augentur: quemadmodum & senes plerumque dira scabies, & sycrones acarique crebrius infestant. Sub Luna exposita ligna citius vermiculantur, ob nimiam aëris humiditatem; sub sole autem calidiore, ob nimium ardorem. Qui vero innascuntur, hi omnitempere generantur: Illatitijs autem, & ex semine culicum, muscarumve natis, ver potissimum atque æstas amica sunt: hyeme enim congelati pereunt. Cælum quoque & solum magnam vim habent, ligna quippe Hibernica rariùs putrescunt, ex Soli virtute; quemadmodum & Arabica, ex cæli. Nunc particulares describemus.

Eorum vermium qui in *Ficis* existunt, alij ex ipsis nascuntur arboribus: alius item paritur, qui vocatur Cerastes. Quum enim vermium magna pars specie formæve inter se differunt, discrimen tamen præcipuum in his est, quod in alia arbore fructuæ nati, translati in aliud genus servari nequeunt. Cerasten autem & in olea nasci, & in fico parere asseverant. Habet itaque & ficus suos vermes, & illos quoque emittit, quos alienos receperit. Omnes tamen in Cerasten figurantur, sonumque edunt parvuli stridoris. Syponinus duo illi cornua in capite assignat. Cum erodendo tantum loci excavaverit, ut semetipsum circumagere possit, *ἀπὸ τοῦ ἐνὶ μέσῳ*, aliud animalculum progignit, & unam speciem in aliam (erucarum more) transmutat.

Et *Sorbus* arbor infestatur vermiculis rufis, pilosis atque ita emoritur. Mespilus item in Senecta vermes tales procreat, sed grandiores quàm in alijs arboribus, ut Theophrastus refert. *Alburnus* vermen profert Thripiformem, ex quo Culices deinceps vel phalænarum species nascuntur, *ἀφ' ὧν*, *ὥς πρὸς ἑλκιδία* Hefichio, quia Pyros sylvestres acriter infestant. Vermiculus in Esculo arbore (Galbus à Suetonio dictus) miræ est exilitatis, unde qui primus Sulpitiorum Galbæ cognomen tulit, à summa gracilitate ita vocatus est. Carabum Platanus producit, (testibus Hefichio & Aristotele) vermem cancris marinis similem, sed sex tantum pedibus donatum. *κατὰ βότρυς αὐτῆς* Hefichij hoc modo noscitur: (Theophrasto auctore;) ligni Cinamomi ramulos binum digitorum longitudine abscindunt; recentisque bovinstergoribus insuunt; tum exinde lignis putrescentibus vermiculos nasci aiunt, qui lignum corrodunt, corticem nullatenus tangunt ob acrimoniam: lignum hoc in ædibus Pennij visum est, a vermiculo erosum quod cinerei fuit coloris; non valde durum, insipidum prorsus, & inodorum, contra quam Lusitani aliquot mercatores, & medicastri simplicium ignari, affirmant. *Ρανκα* vermes Quercus radice innascuntur, ijsque nocent. Olea (inquit Plinius) male ponitur, ubi quercus effossa fuerat: nam relictæ in quercus radicibus *Ρανκα* vermes,

mes, ad oleæ radices transeunt, atque eas infestant. *Ioannes de Choul*, idem asserit. Corticarij vermes, pauci à veteribus numerantur, præter Scolopendras Iulos & Scorpioniculares illas Tineas, quarum naturam capite de Scorpis expressimus. Hos Germani *Clopt* vocant, pulicis non multum excedentes magnitudinem, rubri coloris, decem pedes, in lignis ædibusque pineis Moschovitæ frequenter; interdum ligni uligine inter corticem exudante vescuntur, noctu prodeambulant, & si in dormientes homines inciderint, morsu dolorifico sanguinem exugunt. Folia arborum & flores depascunt vermiculi Syrones dicti, quorum crassities quantilla sit ex eo cogitare possumus, quod inter folij tenuissimi membranas fodiendo serpit, salvâ utraque epidermide. Post acetæ lumbricos: (inquit *Ioach. Camerarius*) nullum vermiculum vidideo compressum. Cuniculi, quos agit, subtilissimas aliquando lineas & fibras referunt; folia cerasi & mali maculata plurimum lædunt, atque post satietatem excidunt, & videntur ex multis seminibus peponum secundum latum conglutinatis formari, nisi quod longè sint minores. Ab his emortuis aliud prodit insectulum, veluti & hi ab alio. Syronibus persimiles *ἀκρεῖς*, quos Angli tam in lignis, cortice, folio, floreque & fructibus arborum, quàm casco & cera genitos, *Μῆτες*, id est Minutulos sive atomos appellant; à Syronibus eo differunt, quod ex multis Acaris constare videntur. *Acarus* autem ipse globosum, album, sepes, & pedicillo simile est animalculum; tam nullius fere substantiæ, ut inter digitos pollicemque fortissime compressus, ob exilitatem lædi sentirive nequeat. *Antigonus* cum & *Aristoteles* *Διὸς τίμωτος* vocarunt, id est, Iovis promum; eam forte ob causam, quod crassissima vini dolia rostro perforat. Et sane nisi Iovis ei aliquid inesset aut divinæ virtutis, quomodo tantæ vires in tam pusillo & pænè nullo corpusculo cernerentur? In fagi quoque folijs tubercula parva reperiuntur, in quibus vermiculi exiles. Fructus etiam arborum (ut *Theophrastus* loquitur) est *σκαληπεδρωτής*: etiam cum adhuc crudus est, ut in Sorbis, Mespilis, pyris, malisque cernimus. Oliva tam in cute quam nucleo vermes *κρίες* vocatos patitur: unde haud contemnenda pestis *Theophrasto* dicitur, quæ non solum succum & oleum absorbet, sed etiam nuclei tam duri ossa exedit. In gallis perforatis vermiculi etiam deprehenduntur, ipsa intima medulla geniti; è quibus postea muscarum & culicum quorundam genus oriri, *Valerandus Doures Pharmacopœus Lugdunensis* auctor est. In *Quercus* item glande & pomis illis fungolis; vermes aliquando nascuntur; eoque anno famem & annonæ caritatem *Astrologi* præfagiunt. Nucibus avellanis vermes inesse notius est, quam ut de ijs contendam: præsertim æstate humida, & vento ex austro flante. Mirum est quod *Ringelbergius* lib. experiment. scribit, Hos vermes late ovillo ad Serpentis magnitudinem enutiri posse. *Cardanus* tamen idem confirmat, modumque nutritionis, 7. de rerum var. ostendit. Vermiculi in ficibus arefactis similes ijs qui in avellanis nascuntur, capite nigro, reliquo corpore ex luteo albicante, sed minores. Conos cedri vermibus esse obnoxiosos comperi (inquit *Bellonius*) quemadmodum & pineos. *Cicindelam* faminam crassitie referunt, digitum transversum longi, capite formicæ, sed magis compresso; incisuris duodenis; pedes juxta caput utrinque tres, antennæ circulares binæ, venter crassus, cauda mucronata. In præduris quoque & lignosis *Opuli* pericarpis, semen inest latiusculum & sæpe vermiculis exesum: quorum veluti aurelias ibidem reperies. Nullus denique fructus nominari possit, quem non tinea aut vermis inficit: imo ipsum aliquando Manna, (ut *Poetæ* fingunt, *Deorum*; ut Scriptura asserit, Dei filiorum cibus) putredinem & vermem admisit, quum, præter *Iehovæ* mandatum in crassum reponeretur.

CAP. XX.

*De Vermibus Fructuum leguminum, frumentorum,
Vitis, Herbarum.*



N Salice humillori (præsertim quando gallæ tuberculosa erumpunt) nonnunquam quasi rosæ inveniuntur, quæ vermibus scætant, uti etiam in lentis & folijs accidit. Illicis (inquit Quinquernus) duo genera : alterum arborefcens, alterum frutex exiguus ; sesquipedali proceritate. Latissimè viret, folijs lævora præfulgidis, spinarum vallo ambitus numerofo, stolone affurgit in modum rosarij : a nostris Fagi appellationem sortitur, quamvis nullam fagi imaginem repræsentet. Provenit locis planis quidem, sed in altitudinem evectis, exilibus & sitientibus collibus, sed infæcundis. Vere medio roati imbribus frutices, Coccum hoc modo ordiuntur. Vbi imus scirpus se in duo brachia fortitur, in horum medio primum omnium increfcit rotundum quiddam magnitudine & colore pifi ; hoc Matrem vocant, quod ex eo cætera grana producantur. Matres porro habet ut plurimum quinque quælibet cespitum familia, quæ ineunte æstate æstuque minutissimorum vermiculorum catervam profundunt, fatiscuntque in summitate. In animalia prorepat nova soboles colore candida, pro se quisque in sublime. At ubicunque vermiculi vel germinantis furculi axellis occurrerint, decident, & incrementis aucti Milij magnitudine fiunt. Inde liberius adolescentibus, albus color in cinericium transit, jamq; non animali sed Pisum rursus apparent. Tuncque ea grana maturitatem adepta colliguntur, jam coloratis vermiculis fæta : dum asportantur mercatoribus, ambiens pellicula præ teneritate rumpitur. Vermiculorum quidem qui citra vaginulam habentur pretium in libram quamlibet, aureus solatus : in granorum vero quæ adhuc eorum partem retinet, hujus quadrans. Torpent interim vermiculi, ac immobiles jacent. Cæterum, quum primum tempeftivitas adest, in lintea præcipitati Soli exponuntur. Tum libato colore statim prorepunt, atque aufugere nituntur ; sed a custode, qui continuus affidet, concussu lintei in medium eousque rejiciuntur, donec emoriantur. Tanta quidem dum hæc fiunt, totoque mox triduo, odoris suavitare ac gratia, ut non Ciberæ, non Moscho, non Ambra, sed ne Citriorum quidem floribus concefferit. Si quæ vero grana legentis effugerint sedulitatem, ea mox alatorum animalium numerolum exercitum in auras effundunt.

Observatum est uno anno ex campo lapideo, in Arelatenfi agro, hunc proventum undecim aureorum millibus æstimatum. Hæc Quinquernus. Similis Cocci parandi ratio etiamnum meo tempore (inquit Carolus Clusius) in Gallia Narbonensi, atque etiam in Hispania observabatur. Areas enim sub dio habent ad id destinatas eminente aliquantulum margine, quibus linteo panno instratis Coccum effundunt, custodibus cum bacillis summo fervore Solis perpetuò assidentibus, & extrema lintei concutientibus ; ut vermiculos effugere properantes, in interiorem lintei partem repellant. Verum Petrus Bellonius li. j. observat. ca. 17. aliam præparandi Cocci rationem refert.

Cocci baphicæ (inquit) proventus in Creta magnus est : Pastores & pueri eam colligunt. Invenitur mense Junio in exiguo quodam frutice ex Illicis genere quæ glandem fert, sine pediculo inhærens illius fruticis stipiti, colore ex cinereo albicante. Quoniam vero istius fruticis folia spinis horrent, uti Aquifolia ; pastores fertulam sinistra gestant, qua ramos depriunt & inclinant. Dextra falcem putatoriam, qua ramulos demetunt ; a quibus.

quibus vesiculas rotundas exigui Pisi magnitudine auferunt, quâ parte ligno adhaerent apertas & hiantes, plenas exiguis rubris animalculis lende minoribus, qui per hiatum istum effugiunt, & vesiculam vacuum relinquunt. Pueri Cocum jam collectum ad Quæstorem deferunt, qui ex dimenso ab illis redimit. Is animalcula à vesiculis cribro segregat, deinde ea summis digitis leniterprehendendo in pilas efformat, ovi gallinæ magnitudine: etenim si nimium comprimeret, tota in succum resolverentur, & color periret. Itaque duo infectionis genera, unum pulpa, alterum vesicularum; & quoniam pulpa inficiendo magis utilis est, ejus pretium quadruplo majus quam vesicularum. Vermes quoque exiles & croceo rubentes in summis Juniperi furculis conspexit Gesnerus. In Cynosbati, sive rosæ sylvestris spongia vermiculi nascuntur albicantes, ex quibus Aristoteles Cantharidas provenire scribit. Post duos menses (inquit Gesnerus) in hypocausto servata spongia magnum numerum vermiculorum viventium effudit. Spina item, & Sentis, Rosa, Erica, Genista, Colutea, Rubus Idæus, Myrtillus, Capparis, uva crispa, Carpinus, Oxyacantha, ligustrum, vitex, glycirriza, omnis denique frutex & suffrutex à vermibus exeditur: neque Ricinus ipse (Ionæ, divino illi vati, nimium exæstuantiumbram præbens) ab hac peste legitur immunis. Sunt item Cerealia dona, Legumina (utor Philosophi verbo *παλινκίττα*: sed quomodo id eveniat, incertum est. An quoties diffundi nequit humor ob æstum & squalem, ut Theophrastus innuere videtur? An potius dicendum à sicco humorem appeti, humorem autem illud refugere tanquam adversarium? Sic pendentes arido parieti videmus guttas. An calor nimius corrumpit naturalem cum calorem tum humorem intus contentum? Sane eo modo putredinem induci, morbidissima Æthiopia testis est. Fabas depascitur vermiculus, Midas Theophrasto, Hesichio *κρίλα* vocatus. *πρώτῃ δὲ ἀκμῇ* vermiculus leguminaris dicitur, sed præcipue in Pisis versans, & ab erosione nomen obtinens: qualis etiam in cicere, posteaquam pluvijs ab eo elota fuerit falsugo; ut præter Hesiodi Scholiasten Phavorinus & Theophrastus statuunt; leguminibus dulcioribus sæpe innascuntur, tum ob alimenti aptitudinem, & elementi verminantem naturam. Dulcia enim vermes citò generant, generatosque nutriunt & signant. *Frumentarij Vermes*, in genere *λεπιδώτες* dicuntur; qui tritici, siliginis, panici, avenæ, orizæ, milij, & Secalis radicibus, stipulis, calamis, spinisque viſitant. Eorum alij amylo vescuntur frumento, ut *Farinarij*: alij integro & mola nondum conſtracto; ut *Curculiones*. Farinarios Angli, *Meal-wormes* appellant, teredini similes, sepedes, capite parvo & spadiceo, corpore anuloſo, & pro farinæ diversitate vario colore: proba enim & albisſima farina, albos generat; vetustior flavos; macra & fursuribus immixta etiam fuscus. Cardanus eos Blattas frumentarias vocitat, sed (ut sæpe fit) incogitanter. Fursure nutriti mirum est in quantam excreſcunt multitudinem, & ex decem, trecentos brevi videas. Apud panni lanci textores quoties fere tempore inveniuntur: hi enim ex fursuribus, acetum & axungia mixturam faciunt, unde copioſiſſimè nascuntur. Integri frumenti, sive toſti (ut in *Bœm* Aetij quam *Mault* Angli, cervisiæ matrem, appellant) sive crudi, strages Curculio: Sic enim rectiſſimè meus Comicus, etsi Virgilius atque Varro Gurgulionem & Gurgulionem scribant. *κῖς* Græcis dicitur, Anglis Pope, *Bowde*, *Weevil*, & *Wibill*, quasi Birostrum dicas, quum sit tamen reipsa animal tirostrum. Triticum præcipue, sed etiam alia quæcunque vastat frumenta; præter cassam tenuemque membranulam nihil reliquum faciens; nam ut Georgicorum Vates; *populati, ingentem farris acervum, Gurgulio*. Ad Scarabei minuti faciem formatus, rostrum habet sibi peculiare,

culiare, & trifurcum. Corpus alijs nigrum, alijs suffulcum, alijs & majoribus subviride, cujus mediū isthmus coarctat. Bestiolæ tanta est siccitas, ut primo quoq; tactu levissimo in pulvrem abeat. Vere maxime generatur paucorum dierū spatio, antequā examina faciunt apes. Nascuntur, inquit Theophrastus, ex alia grani parte; quod vero reliquum est, pro cibo utuntur: rustici nostri *πρωτόν* hoc animal in parietū rimis ac inter tegulas ova ponere pro explorato habent, unde per procreationem nova soboles. Tria de his bestiolis mira memorant.

Primum quod licet ab initio pauca fuerint, brevi in infinitam sobolem propagantur. Secundo, quod inter tegulas ac in rimis parietum triennium ac amplius fere sine cibo vivunt. Tertio, si una cum hordeo vel tritico per triiduum submergantur, tandem exemptæ reviviscunt. Syliardus noster (diligens naturæ observator) Curculionis propagationem ita describit: Quum Formicæ aristæ culmen excederint, ascendit curculio, et per exiguum illud foramen ovum unum vel alterum (rarissimè tertium) deponit, magnitudine fermè grani milij; oblongum, fulvum, liquidæ materiæ & fulvæ plenum: ex quo deinceps novus prodit Curculio. Datur in hoc insectulo uterque sexus; siquidem coeunt antequā hanc injuriam inferunt. Petrus Comestor ex fabarum corruptione provenire affirmat, cui præter Guillerinū de conchis nemo subscribit, ne Curculionē cum Mida male confunderent. Præter vulgo notum hunc Curculionem, Ioach. Camerarius ē Germanorū horreis duos ad Penniū alios misit, ventre longe turgidiore; quorum unus subcineritij, alter viridis coloris. Est etiam in tritico (inquit Scaliger) Curculio quidam erostis, quem forte Plinius Scarabei frumentarij nomine subintellexit. Huc etiam bestiolā quandam refero in horreis versantem, pedibus sex incedentē, antennis duabus brevibus iter tentantem, medio dorso & lateribus maculosā, reliquo corpore nigram, quam ideo curculionē maculatū voco. Haud multū frugibus incommodū animalculum, quia fere solitariū & perraro duo simul uno in horreo inveniuntur. Circa *Leutzburg* oppidum Germaniæ in agris reperitur Insectum, quod alij *Vit-pus*, nonnulli *Korne worme*, quidam *Kornevèle* appellant. Dicitur esse adeo venenosum & noxium, ut agricolæ aratro relicto obvium illud persequantur & interficiant. Ex rubro parvo nigricat, inter segetes habitans & grana comedens. Vermes in vitibus nati Cocci illos vermiculos æmulantur, quales in Pimpinellæ radicibus colligi putat, imo pertinacius instat Brassavolus. Inter *Herbas* tam medicas quam culinarias, violæ, raphanus, ruta, ocymum, aliæque permultæ vermibus infestantur. Violarum vermes minutissimi conspiciuntur & nigri, celeriter repentes cursu; ut Iacobus Gareus, Pharmacopola diligentissimus, & Simplicium cognitione inter paucos celebris, observavit. E radice Cinaræ prodit vermis hexapus, eruciformis, albicans, capite ex nigro rubescente. Cinaræ radices qua rodit, nigras reddit; ac tandem interire facit; tales item Raphanus producit. Referunt (inquit Cardanus) vermem in rutæ folijs inventum, lacte ovillo, eodem modo quo Avellaneus, ad magnitudinem non parvam enutriti. Vermiculus filius roris, Ocymique hospes, corpore fere erecto, posterioribus pedibus hæret, dum prioribus locum capret. Ex arundine Saccharina, saccharum paratur, omnium quidem salium dulcissimus, & (ut vulgus medicorum existimat) putredinis omnino expers. Tamen fretus Scaligeri clypeo, in Saccharo pusillum vermem, longum, pulicis colore, & (si rostrum adimas) Curculioni persimilem nasci asseveramus; & Saccharinum propterea merito dicimus. Hujus item Bellonius mentionem facit. Videtur etiam rara admodum generatio ejus Insecti quod Germani (utor Camerarij verbis) *Mäyen wormen* vocant. Quippe mense Maio sæpe cadunt rores insalubriores, qui si in lupuli folia inciderint, vertuntur in animalia, *Hoppen dißa*. Eorum aliquot inter millia unum interdum videris alijs longe majorem

(quamvis ipse pediculum obesorem vix superat) cui lutei circa ventrem circuli, dorsum liriatum, cauda satis protensa, color maximam partem corporis subniger. Huic cum ros deficit alimentarius, reliquos sui gregis sigillatim devorat, semper à proximo incipiens. Bombycum instar cutim mutat, deum ubi totus fere perlucet, deposita ultima tunica, capite & pedibus per gluten quoddam tenue folio affigitur, atque ita emoritur. Hunc *Vermem Lupularium* vocare quid impedit? In Alphodeli caule vermis gignitur & *Aglyptodis*, cum herba florere incipit; ex hujus scapulis alæ sensim excresecunt, atque tum volucris factus, lares deserit. In Perficariæ siliquosæ & Cardui Sylvestris geniculis extuberantibus, vermiculi nascuntur albicantes, ut in floribus Pseudocacaliæ purpurascensibus sublutei, in Pimpinellæ radice miniati. Apio fæminæ vermes lanuginosos; in Fungis, & Brassica, graciles nigricantesque; in Acori radice albidos sæpe vidimus. In radice Enulæ sive Helenij virentis & crescentis, vermis albus decem vel undecim articulis conspicuis oritur, ad pennæ anserinæ crassitiem, capite parvo & nigro, pedibus sex brevissimis, & colore anthracino. Indorum reges (Acliano teste) in planta quadam vermem repertum, igneque tostum, secundis mensis adhibent, & pro cibo suavissimo blandissimoque laudant. In Dyspaci capite vel caule vermiculum vidimus exiguum, capite parvo, pedibus sex nigricantibus, incisuris decem vel undecim. Primum caulis medullam illam spongiosam depascitur, eaque deficientem, per inopiam pabuli commoritur. Mensis octobris initio facile invenitur, quamvis Marcellus in Dioscoridem, insigni sane audaciâ, id denegat. Hic est ille, ni fallor, quem Tatinum appellant veteres. Galedracon vocat Xenocrates plantam leucanthemo similem (inquit Plinius) Caule ferulaceo, alto spinosoque capite, & oviformi: in hoc unâ cum ætate vermiculos nasci tradunt, in dolore dentium peritiles.

In radicibus Carlinæ (quæ planta in excelsis Sabaudia montibus luxuriat) vermiculus reperitur, in quibusdam nascens, in alijs adolescens, in plurimis alatus & avolare paratus. Albus est, in aliquot divisus articulos, oculis nigris conspicuus. Animalculi in potenti herba geniti usque in re Medica forsan eximius est: cujus curiosis secretorum naturæ indagatoribus disquisitionis committatur.

CAP. XXI.

De usu Vermium Mineralium vegetabiliumque, ac eorum perdendorum ratione.



Ermes in lapidibus genitos (de quibus egimus) illos nimirum qui magnitudine syriones exprimunt, unâ cum lapide ipso contusos in pulverem, ulceribus conferre putant nonnulli. Hos etiam ex aquæ cyathis tribus tritos & exhibitos, findere ac per urinam ejicere calculos Marcellus testatur. Ligna solidiora Thripum dentibus exculptra, pro sigillis adhibebant veteres, idque Herculi inventum desert antiquitas. In annosis arboribus vermes rubelli nascuntur, de quibus ita Serenus;

Annosa rubros si legeris arbore vermes,

Ex oleo sere, & tepidos infunde dolenti

Auri, &c.

Cui etiam medicamento Galenus ex Apollonio subscribit. Vermes in cavis putridisq; nati arboribus, ulcera recondita & univèrsa ulcerum symptomata, vitiaque in capite perstant; combusti item & cum anetho sicco pari pondere

trict,

triti, carcinomata curant. *Marcellus*. *Aëtius* vermes lignorum tres unguento contra Elephantiasin, adjicit, quod non nisi juramento taciturnitatis interposito à medico quodam didicit. Caries vero horum dentibus inducta, quum sine mortu exiccat, ad varia est utilis. Contra eminentias, fissuras, ficulq; ani, Gal. Eupor. 3. Cap. 7. hujusmodi pulverem commendat. R. auripigmenti fissi ʒiij, cariei ē quercino ligno concussæ ʒiij. fiat pulvis subtilissimus. Locum deinde affectum, primū pueri ephebi lotio tepido foveto, & postea hoc pulvere aspergit. Cossi vero non solum Ponti Phrygiæq; incolis alimento, atque in delicijs sunt (ut Germanis caseorum intestina atque Syrones) sed sanant item ulcera, lac augent, atque nomas, Plinio teste, combustis curant. *Dyplaci* vermis, *Cavia Dentibus* inditus mirè prodest. *Plinius*. In folliculo collo & brachijs appensus, *Quartanis febribus* remedio esse fertur. *Dioscorides*. Samuel Quicquelbergius, doctus juvenis; in epistola quadam ad D. Gesnerum scripta, hæc verba habet: Senex (inquit) quidam mihi herba colligenti obviam venit, dum in capite *Diplaci* vermiculum investigarem, & dixit; O te felicem juvenem, si occultas hujus bestiolæ virtutes, quæ & multæ & maximæ sunt, certò scires. Rogatus autem ut eas mihi aperiret, obtulit; nullique eò precibus adduci sese permisit. Erucas Brassicarias ejus solo contactu cadere morique Plinius asserit. Galedraconis vermes (quam plantam cum *Diploco* confundunt quidam) pixide conditos, adalligatosque cum pane brachio ejusdem lateris, cujus dens dolet, mirè dolorem tollere, inquit Xenocrates. Cynosbati vermes somnum provocant, & ideo Germani nonnulli *Schlafors* appellant: imponuntur vivi (impari semper numero) paronychijs, easque certo sanare Quicquelbergius testatur. Vermiculus in Carduo herba inventus, phænicio inligatus, colloq; suspensus, *dolori dentium* medetur. *Marcellus*. In Pimpinellæ radice vermes qui inveniuntur, purpureum colorem reddunt incomparabilem (inquit Gesnerus;) ita ut mirer nihil de ipsis veteres attexuisse. Vermiculi omnes in spinosis herbis reperti, si quid cibi hæreat in faucium isthmis, protinus infantibus mederi tradunt. Plinius. Brassicæ vermiculis sæpe dentem vitiosum confrica, & à paucis diebus ultro excidit. Farinarij vermes ad Melanocephalas, & Philomelas capiendas nutriendaq; nati videntur, nec est illis hyeme cibus salubrior; purgant siquidem, calefaciunt, & unā nutriunt, tenui vitæ fomite donatas. De cocci vermium utilitate jam antea est dictum. Brasavolus idem de vitium vermibus affirmat, sed quàm rectè alij viderint; verum non solum tincturâ commodi, sed etiam in medicina necessarij, siquidem astringunt & siccant, sine morsu abstergunt, incarnant, epiphoras ex sanguine columbino sanant, oculis suffusis opitulantur, dysenteriam curant, difficili partui & collapsis viribus medentur, Melancholiam, timorem, epilepsiam auferunt; provocant urinam & menses, vulvam calfaciunt, solvunt aquam & choleram, cordis palpitationem sedant, eoq; nomine confectioem *Alkermes* ingrediuntur, eique basim subternunt. *Dioscor. Avic. Kiranides*. Taceo quàm Herbarum arborumque vermiculis avide pascuntur passerres, pici Martij, gallinæ, rusticulæ, gallinago, pardus, merula, corydalis, ficedula, junco, aliæque aves permultæ, quæ nobis aut medicamento aut cibo esse solent. Nunc quia commoda cum incommodis Deus admiscuit, tum ut nostram prophylacticam prudentiam excitet, tum ut pœnæ peccatis debitæ persolvantur, quomodo utrunque averti possit paucis ostendam. *Jonas* Ricini sub umbra refocillatus, turum esse beatorumque, tanto præsertim in æstu, existimavit. Verum hanc Deus verme immisso abstulit, ut ejus & patientiam tentaret, & fragilitatem demonstraret. Eboracensis quidam Episcopus cognomento Grejus (ut nostri referunt *annales*) cum in maxima annonæ caritate omnis generis frumento abundaret, tamen pauperculis com-

meatum prece pretioque petentibus denegavit. Paulo post horrea ipsius frugum plenissima, Curculionibus ita erant exhausta, ut ne unum quidem tritici hordeive granum integrum superesset: juxta illud Salomonis dictum, Qui comprimit triticum execrabitur cum populus, benedictio autem incumbit capiti venundantis. Sic etiam Deus, ut pigrum patrem familias foris evocet, in ipsius hortum & agros tineam immittit atque vermem; tum ut illi defidiam hoc pacto excutiat, tum ut præsidia remediaque oblata in usum revocet, qualia a Majoribus plurima traduntur. Cæterum cum ea Cato, Vitruvius, Plinius, Palladius, Theophrastus, Columella, Varro, Virgilius, multiq; rei rusticæ principes abundè expresserint, nos hic gustum eorum tantum præbeamus, quorum illi atque alij plenum haustum. Ne ligna à vermibus exedantur, serantur novilunio, atque interlunio cadantur. Cedria quoque ungantur, & amurca sæpius madesiant: serventur etiam ejusmodi in tecto, ubique neque solis nimio calori, nec imbrium violentiæ exponantur. Ne arbores vermiculationem patiantur, earum radices ante primam plantationem illinantur, & postea cum humana urina & aceti fortissimi parte tertia humectentur. Quidam Scyllam cum lupinis diu macerant, ac loca vermiculantiæ irrorant, vel spongia liquorem exprimunt, vel arboris truncum illinunt, ad madorem usque, & foraminibus bitumen cum oleo mixtum infundunt. Alij vivam calcem aspergunt, alij amurcam & veterem urinam adhibent, alij suillum stercus vel caninū cum urina asini radicibus prius ablaqueatis affundunt. Democritus terra lemnia (forte rubricam synopicam voluit) cum aqua trita oblinire docuit; quidam clavo æreo bestiola extracta, plagā fimo bubulo obducunt. Vermes rufi & pilosi internam medullam sectantur, quibus (illaeso cortice) detractis, ac in proximo combustis, reliquos perire proditum est. Prodest etiam fel taurinum & amurcam sæpe radicibus affundere: Scyllam, rutam, absinthium juxta plantare; mulierem menstruantem sæpe transire, falces putatorias oleo Cantharideo inungere, macrum aridumque solum vitare. His medijs mala medica, Persica, Armeniaca, Cydonia, pyra, denique poma, oleæ & Quercus, aliæque arbores diutissime vivunt incolumes, & vermiculationis fere omnino expertes. Cinis Ficus appositus, vermiculationem arcet; salis enim vim habet, sed leviozem. Ficum semina vel grana à vermiculis non erodentur si in eadem fossa Italici lentisci, vel Terebinthi talea posita fuerit. Quod vites attinet, ampeliten terram verno tempore aqua diluere, ac germinantium vitium radices tum inungere jubet Aetius. Si etiam hircino adipe, vel ranarum sanguine falcem putatoriam, vel cotem ipsam illeveris, vermiculi non innascuntur. Viris lachrimam cum sarnientorum cinere mixtam, ac cum vino radici appositam, idem præstare scribit Africanus. Fimi item bubuli, cornu cervini, unguium capratum, radicum lilij, scobis eboris, pilorum muliebrium suffitu enecantur. Pæonia herba vel perfoliata inter vites plantatæ, vermiculos arcet. Sunt qui assam fatidam & succum Cyreniacum cum oleo coquant, ac truncos arborum (à radice incipientes) inungunt, aut allio trito vites illinunt. Semina quæ terræ sunt mandanda serventur in testudinis corio; vel menta inter olera serenda, & ervum præcipuè. Cupressi folia contrita si admiscueris, valdè conferet. *Aggregator.* Palladius omnia semina à vermiculis libera fore pronunciat, si paulo ante sationem sylvestris cucumeris succo fuerint imbibita. Lupinorum semina ante sationem condi in fumo vel loco calido jubet Plinius, quoniam in humido vermiculi umbilicū ejus in sterilitatem castrant. Varro cæpam, quæ cum sale aut aceto fata est, vermiculis non infestari asserit. Semina denique omnium olerum aizoi succo ante sationem madesacta, vermes non admittunt. Contra curculiones, certissimam frumenti pestem, parietes luto ex argilla alba pilisque mixto, tam foris quam intrin-

obli-

oblinire bonum est. Alij cucumeris asinini fructus & folia per biduum macerant in aqua calcis, & cum arena subigunt in luti formam, atque eo internas partes granarij obducunt; et si Plinius calcem frumentis inimicissimam scribit. Quidam calci pecorum urinam adjiciunt, ali absinthij, Sedi majoris, lupulorumve succum. Nec desunt qui amurcam, halecumarum, & Conizæ decoctum solo affundunt. Strabo Chalcidicam admiscet; alij sapius ventilando frumentum à Curculionibus integrum servari asserunt: Sed hoc Columella verum esse pernegat. Cato lib. De re rustica, lutum cum amurca factum commendat, atque eo granarium loricari consulit. Eodem fere modo Varro utitur, sed laudat etiam argillam ex amurca, acere, & frumento mixtam. Angli nostri varijs eos modis fallunt atque disperdunt. Quidam in medio acervo ollas cupreas aquâ calidâ semiplenas sic collocant, ut frumentum fere suprema earum labra attingat: hoc enim pacto curculiones capi vel arceri autmant.

Quidam sacco magno formicas cum Myrmecio sua tota includunt, ac in angulo granarij postea effundunt: decem deinde dierum spacio formicæ curculiones omnes interficiunt, quibus consumptis, cubilia repentes auferunt & exportant. Solent etiam Gallinarum pullos parvos ibidem emittere, qui citò curculiones omnes depascuntur. Nonnulli falsuginem alliaram aspergunt, vel lupulum salictarium, sambuci flores, absinthium, rutam, nigellæ semen, mentastrum, juglandis folia, Satyriam, lavendulam, abrotanum, psyllium, anagyriden, aceto scillitico incocta: Naporum semine (dulcedinis gratia) mire delectantur: adeo ut præ eo frumentum deferant, atque ejus esu distenti medij crepent. Hæc utcumque alijs *μυρμηκία* videbuntur, tamen medicis & Philosophis convenire probat Hippocrates (epistolâ ad Cratem, non solum in describendis, colligendis, reponendis, utendisque simplicibus artem tenere, sed etiam in præservandis, præparandis, ac ab insito vel illato veneno putredineque & verme perpurandis.

C A A. XXII.

De Animalium vermibus hexapodis, & primum de pediculis hominum.



*Q*uoniam homini inter animantia Imperium & monarchiam Deus dedit, ab ipso hic principium ducemus; primo ætatis tempore dum integer vitæ scelerisque purus degeret, putredini & corruptioni nulli obnoxio; at vero ubi plani illius improbbissimi artibus seductus, parem cum

Pediculus.



Deo scientiam superbè affectaret, humiliavit eum Deus varijs morbis, vermibusque & lumbricis; imò quidem pediculis, syronibus, tineis, termitibus, minutissimisque lendibus & acaris subjecit: Norunt Acastus, Alcmaeon, Phericides, Pharo Ægyptiorum Rex, Cassander Antipatri filius, Democritus, Calisthenes, Olynthius, Scylla dictator, atque illud Eloquentiæ flumen Herodes, rem ita habere atque scribo; qui morbo pediculari contabescens; medicamentis & balneis frustra adhibitis, miserè interierunt. Quinetiam Platonem altiùs forte quàm par est, & cum aliorum fastidio sapientem, hoc vilissimo morbo sublatum quidam scribunt; unde proverbium natum, *Pediculi Platonis*. Taceo Henricum secundum tyrannum crudelissimum, & Theodorum Arrianismi propugnatorem, Vandalorum Reges: mitto Arnulphum Imperatorem, mollissimum cinædum: Maximum Cæsarem, turpissimum moechum, qui etiam à pediculis consumpti, vel minimum

mun & contemptissimum animalculum satis virium (deo iubente) habere satis leniterant, in peccatoribus perdendis ; & (cum Pharaone) etiam hic Dei digitum agnoscere erant coacti.

Nomen.

Pediculum Hebraei *Kifim*, & Chinnam. Græci *ῥίσις*, *βερέλας*, *τίσις*, *χάρις*, *ῥίσις*, *ῥίσις*. Itali *Piadocchio*. Hispani *Precio*. Galli *Pou*. Germani *Lusf*. Angli *Lemse* appellant. Latinis *Pes* dicitur, ut ex Plauto legimus in *Curcul*. Perinde ejus genus leoninum, atque muscæ culices, pedesq; pulicesq; odio, malo, & molestia omnibus, bono autem usus ejus nulli. Et Livius, *Gladiolo pulicesne, an Cimices, an pedes, responde*. Et Lucilius, *ubi me videt, caput scabit, pedes legit*, inquit Feitus. Fœdum sane animal, & cauponis, castrisque magis notus, quam gratus hospes. Vilitatem ejus Achilles Iliad. 1. exprimit his verbis; *πῶ δ' ἄν' ἰσχυρὸς ἄνθρωπος; non pluris cum facio atque pediculum*, quale apud Anglos de pauperissimo natum proverbium, *Pediculo non valet*. Sunt autem qui homines infestant, vel mansueti vel feri: illos Anglice *Lysc*, hos ex Cancris forma, quam

Differentiæ,
& Descriptio.

referunt, *Crab-lyse* dicimus: Boreales Angli *Pert-lowse*, id est, petulantem pediculum, utrumque genus, certissimum miserie symbolum, & inevitabile quandoque Dei flagellum. Mansueti ex sanguine corrupto geniti, minores atque rubentes conspiciuntur, ex phlegmate albicantes, ex melancholia & adultis humoribus nigricantes: è mixtis varij, ut Petrus Gregorius, lib. 33. notavit. Inter digitos leviter fricati quadranguli videntur, & pulicibus paulo duriores, unde etiam in tenebris facile de utroq; capto discrimen haberi possit. In capite nati majores, longiores, nigriores & velociores videntur; in reliquo corpore magis obesuli, ventriosi, tardi, obscure albidi, & nigricantibus liris insigniti. Sunt qui alatos pediculos mense Maio se vidisse constanter asserunt, iidemque Acridophagos, Libyæ populum (ex largiore locustarum esu ubi quadragesimum annum exceßerint, interire, Diodorus siculus 4. Antiquitatum libro disertè affirmat. Agatharcides hujusmodi pediculorum meminit, sed *χρυσῆς ὁμοίης* facit, id est, Ricinis similes. Feri mentum præcipuè palpebrasque, & densius vestitam pubem, nec non inguina & axillas occupant, compressiore corpore, sed acutiore rostro, magisque atque reliqui mordentes & minus titillantes. Ricini enim modo rostro altè penetrant in cutem, adeò ut vix cum capitis jacturâ possint avelli; rarò item vagantur, sed diro satis morsu sibi locum excavant, ibique confident affixi. Latinis quibusdam Cicci, alijs ricini humani, alijs vulturini pediculi dicuntur. Aristoteles *ῥίσις ἄχρως* appellat, hist. anim. lib. 5. cap. 31. duriorum mansuetorum, quodque difficilius a loco quem mordet removetur. Galli nostri (inquit Joubertus) Morpion: & Pattas, Germani *F'eultz-leusß* vocant. Gordonius Pessollatas: hærentes cuti firmissimè, vel cuticulam suo morsu penetrantes; aridorem fortiuntur materiam, qualis est semi assata, unde minus turgiduli, sed pressiores videntur. Arabicè *Alcarad*, *Guardam*, *Fæd*, & cum articulo *Alguardam* & *Alfaed* nominantur; ut Ingrassias notavit. Motes item & Immores dicuntur in Synonymis Cont. Rhafis: quos Itali *Piatolos* sicuti *Chatillos* faciunt, & *Albenzoar* platulas. Ex humoribus, carne, adipe, sudoribusque corruptis ortum habent omnes pediculi; & pro loci humorisque natura longè differunt. Nam ex sanguine humano geniti, sanguine aliorum animalium illiti intereunt. Imo in hominum capitibus nati, in reliquo corpore vix atque non diu vivunt. Sic etiam in pube nati feri pediculi, capitis regionem colentes animam efflant. Ex carne putrefacta qui proveniunt, quales in male curatis ulceribus sæpius scatent, cutis excrementis neutiquam aluntur; (Inquit Hieron. Mercurialis, lib. 1. cap. 7. De morb. cut.) Circa hujus morbi generationem varix sunt authorum sententiæ. Aristoteles 5. hist. anim. cap. 31. arbitratur pediculos gigni ex carne corrupta; quo in loco tria affirmat.

Causæ.
Perinvasio ge-
nerali.

mat. Primum quod ijs, quibus innascuntur pediculi, prius fiunt pustulae quaedam in cute, quas si quis expungat, apparent pediculi. Deinde non fieri hoc malum nisi in praeumidis corporibus, vel à morbo diuturniore eoque humido vexatis. Denique aves pisces & quadrupedia omnia laborare hoc morbi genere, solo Asino excepto. Prima assertio mihi non placet, tum quod in cute capitis nascuntur plurimum pediculi, ubi minima est carnis portio; tum si nascerentur ex carne tantum corrupta, puerorum tenellorum capita (in quibus tam frequenter visuntur) adeo destituerentur carne, ut tota fere consumeretur. Quinetiam in Atrophia Hætica & marasmo plerumque abundant, ubi omnis caro ita eliquata est, atque exucca, ut nullus remaneat locus pediculorum generationi. Theophrastus diversam ab Aristotele habet sententiam, affirmans pediculos oriri ex sanguine corrupto & putrefacto: id quod Hieron. Mercurialis loco prius citato infringere his ratiunculis contendit. Primum quia in febribus a sanguine putrescente natis, nullus apparet pediculorum proventus. Secundò quia si fierent à sanguine, aliqui saltem apparerent coloris rubri atque sanguinei, cum orta suis attestantur principijs; sed nulli tales videntur; Ergo, &c. Quo sanè in loco principia duo petere videtur vir alioquin eruditissimus. Nam in puerorum nostrorum capitibus ruberrimi & miniati pediculi creberrimè reperiuntur, & è Synocho putrida convalescentibus similes item nonnulli mixti quæ coloris plurimi conspiciuntur. Galenus 1. De comp. medic. fec. loc. cap. 7. & Avicenna lib. 4. fen. 7. tract. 5. cap. 26. aliam eorum causam recensent, & Mercurialis iudicio, omnium verissimam. Nempe ex calidis excrementis tertiarum & ultimarum concoctionis putrefactis, non acribus, non pravis. Quorum sententia ut rectè intelligatur, sciendum est; ubi sanguis in substantiam membrorum convertitur, multa excrementorum genera produci, quorum alia dissolvuntur per insensibilem transpirationem, alia per sudorem, alia convertuntur in sordem, alia vero in cute retinentur. Quæ in cute supremâ retinentur, furfurationem faciunt; si in profundâ cute retinentur, aut sunt prava, aut acria, ophiasin pariunt. Si autem neque acria fuerint nec prava, pediculos ibidem gignunt. Cæterum quum in deploratè tabidis, quibus humorum acrimonia vel pilorum exest radices, diffuere sæpe numero pediculos animadvertimus, quidni ex acribus item humoribus (pace illorum senserim) initium capiant atque deducant? Scaliger pediculos ex putridis humoribus non oriri, ex eo probare tentat; quod herbarum è semine sine putrefactione excreverunt: alterari siquidem principium sentit, corrumpi autem non credit. Sed cum venia dixerim, aut Scaligerum aut Apostolum falli necesse est. Sic enim Paulus, 1. Cor. 15. *ὅτι ἡ σπορά ἐκ κοιμῆσεως ἐστίν, ὡς καὶ ἡ ἀπόθνησκειν ἐκ κοιμῆσεως ἐστίν*: Non viviscit (inquit) nisi mortuum fuerit. Si autem mors corruptio dicenda sit, ut Philosophi statuunt, sanè fraudi sibi fuit Scaligeri opinio, & (salvis amicitiarum legibus) à nobis non immeritò rejecta. Atqui ex thymo epithymum, ex arboribus nonnullis viscum oritur, etiam sanis & putredini nondum subjectis. Verum respondeo, magis differre pediculos ab eo (unde oriuntur) principio, quam thymum ab epithymo, arbores à visco. Sunt hæc enim ejusdem generis, & quasi ex materiæ utilis abundantia protruduntur, atque medulla ipsa arboris viscum nutritur. Constat autem, pediculos sanis in corporibus non omnino, vel admodum raro nasci; contra, copiam eorum adesse cachecticis, Tabidis, purulentis, ichorosis & quibus non adeps solum & sanguis, sed caro item & cutis fuerit corrupta. Sudant persæpe sani homines, sed pediculis carent, neque enim ex omni sudore gignuntur, sed ex putrido, eoque amaritudinis experte: ubi vero amarescere inceperit, (ut in moribundis, atque ictericis videmus) stationem deserunt, & ex corpore in pulvinaria subdita se conferunt. Non tamen semper aliò se subducunt

Lib. 2. de plantis
cap. 2.

cunt in mortuis, aliquando (ut libitinarij affirmant) circa os ventriculi, & sub mento juxta asperam arteriam etiamnum hærent; quæ loca caloris nativi plenissima ubi semel petierint, non contemnendum vicinæ mortis indicium est. Multum ad eorum generationem facit item complexio, regio, & cultus. Quibusdam enim plurimi, nonnullis pauciores, quibusdam quacunque in Orbis plaga omnino nulli innascuntur. Scribit Oviædus, lib. Navig. cap. 82. In India occidentali Christianis ne in capite quidem pediculos innasci; quum tamen incolæ valde sint (ut Plauti verbo utar) pedicofi. Animadvertenter etiam nostrates iter maris Indici ingressi, ubi Afores Insulas à tergo reliquerint, pediculos confestim omnes tabescere; atque ubi eas reviserint, iterum innumeros alios subito oriri. Rationem puto (ut hic Pennium adjuvem) hæstantem, caloris inter Tropicos exuperantiam, quæ non illis solum alimentum sed & elementum quodammodo exugit. Vespucius de insula D. Thomæ testatur, nigros ibi homines pediculis scatere, albos illo tædio non affici. Cultum corporis quod attinet: Pediculorum causâ Hibernia infamis audit, adeo ut tota illa insula diffuere ipsis credatur. Caterum per gentis forditiem atque mundi muliebris inopiam id accidisse palam est, quod Angli corporis colendi studiosiores, frequenter indusiorum lotionem mutationeque, pestem illam post tot annorum ibidem facta hospitia) evitarunt. Hinc videas castra & ergastula pediculorum quoque plenissima, putrefactio scilicet in iisdem semper vestibus sudore, unde subministrata materia ortum, calore mediantem, ducunt. Sic qui Dixerat negligetiores ingluvie & illuvie delectantur, viperasque, raphanos, ocymum, caricas, xyloaloe, apium hortense, dactylosque ingurgitant, putrefactis postea humoribus, inter cutem pediculos pariunt, ut Diodorus in Empiricis, Simon Sethi, Aetius, atque Plinius affirmant. Dioscorides tamen ex esu viperarum pediculos nasci, rem à veritate longissimam esse dicit. Lana ovis à lupo occisæ pediculos gignit, si vestis ex ea sudore maceat: quod sane Aristotelis Plinijque commentum sit; attamen experientia quemlibet docuerit, pannos equino adipe inunctos quam citissime illud efficere. Aelianus asserit eum pediculorum multitudine afflictum fore, quem oleo inunxeris, in quo Stellio sit suffocatus. Contra horrendum hunc affectum, quem *ediplant* vocant Græci, varij varia remedia excogitarunt. Hyberni Islandique homines (apud quos frequens hoc pediculorum malum, & per ætatem volans perhibetur) subuculis croco infectis vestiri novimus, ut pediculos arceant, optimo sane cum successu, sed post sex menses, lixivio indusia iterum ablunt, & croco noviter inficiunt. Antigonus vero in Synag. histor. Paradox. ubi primum pustulæ seu vesiculæ exiguæ in corpore apparuerint, perforari eas jubet, & pediculos eximi: sin vero integræ relinquantur, Universalem illam Phthiriasim superventuram, quâ Alcmæonem Phisicum & Pherecydem Syrum interijisse perhibent.

Preventio
&
Curatio.

Curatio Phthiriasis generalis.

Bonum illud Venetum Anconæ (de quo antea mentionem feci) generali Phthiriasi laborantem, Amatus Lusitanus percuravit hoc pacto. Primum per venæ sectionem & medicamentorum purgantium usum, putridos & corruptos humores, mali fomites ejecit, non semel tantum, sed bis aut ter. Postea topicis remedijs applicatis, brevi ab hac ferâ lue liber est factus. Habent autem Topica medicamenta in hunc modum. R. lupin. amar. pug. iij. sem. staphidis agr. pug. ij. in aceto acerrimo fiat decoct. q. s. Quo aceto universum corpus a capite ad pedes usque lavetur, ac postea abstersum & exiccatum linimento sequenti illinatur. R. Staph. agriz partes duas; sandarachæ Græcorum

Græcorum partem unam. Nitri finissimi partem mediam : in aceto acerrimo cum oleo raphanino omnia accuratissime pista misceantur, & ex his fiat iunctio : quibus brevi affectus est Amatus Iscopum suum, nec amplius in eandem sedationem æger devenit. Amat. Lusit. cent. 3. curat. 58. Herodes (ut Iosephus & Aegesiippus testantur) ubi hanc magnam sedatatem sua nimia superbiâ divinitus contraxerat, transjordanicas thermas & lacum asphaltiten adjit, satis alioquin in hoc morbo profigando salutare : Sed illa tempestate quum Deus arrogantissimum Monarcham vilissimo animalculo punire cum animo statuerat, neutiquam valentes. Si totum corpus pediculis iccateat, generalem cacochymiam denotat; quare primum secta vena catharticum propinare suaserim pro humoris natura; postea ad specifica veniendum, & cum loco affecto congruentia. Dioscorid. interna hujusmodi præscribit. R. allium cum origani decocto, bibat per tres dies. *Aliud.* Coriandrum cum origano tritum bibat æger. Exterior mel inungi jubet. Commendat item alumen ex aqua, & Betæ decoctum, hederæ succum & lacrimam cum melle, picem liquidam cum alstnne. *Minium* sinopicum cum aceto inunctum, nitrum cum terra Samia & oleo. *Alia externa Pediculos enecantia* ex Plinio. Staphidis agriæ semina corticibus abjectis trita, corpus à pthiriasi liberant; melius autem admixta cum Græcorum Sandaracha, Sinapi, allium, cum aceto & nitro ad idem valent. Oleum raphaninum morbum pedicularem longa ægritudine contractum tollit. Sileris semen in oleo tritum, hyssopus oleo subactus, Cedria, lacrymæ odoriferæ, succus uvæ Tamineæ. j. staphidis agriæ, cum aceto cocta, vestes eo morbo liberant. Confert item veratrum cum oleo vel lacte illitum. *Interna ex Plinio.* Senectæ anguium trita & bibita tridui spacio corpus à pthiriasi facit immune. Sinapios semen vel Myricæ semen epotum valde prodest : profunt quoque aqua ex raphani folijs, ligustri baccarum succus, Plantago, allium, elaterium, & cedri lachryma. *Nonnus* oxylapathi radicem cum oleo tritam & inunctam laudat, priusque abluto corpore cum decocto lupinorum, medicamentum ex Sandaracha Græcorum, nitro, & herba pediculari præscribit. *Oribasio* probatur Helxines succus diu infricatus, vel nitrum cum uva Tamineæ in balneo. *Rhasis* Berberis folia, gummi hederæ, corrigiolam majorem, & aquam marinam præfert. *Avicenna* argentum vivum cum oleo rosaceo non male effert, & Staphidem sylvestrem cum arsenico. *Haly abbas* purgari corpus, deinde euchymis cibari, abluta sordibus, sæpe mutari etiam vestes imperat : tum argentum vivum cum staphide agria tritum cum oleo seminis carthami accipit, atque eo corpus mane ac vesperi balneatum inungit. Præscribit item hujusmodi medicamenta. R. Aristolochiam longam, tere cum folijs pini, & argento vivo, ac cum oleo lupinorum, q. s. fiat unguentum. Eo, nocte ungatur corpus, mane aquâ calidâ lavetur, postea decoctione Aluminis, vel Absinthij Santonici, aut Artemisiæ abstergetur. *Aliud.* R. Aristol. rot. & longam, Sandaracham Græcorum, id est, Arsenicum rubrum : & cum oleo de Ben. fiat unguentum, quo vesperi ungatur corpus, & mane cum fursure & farina fabarum confricetur. *Aliud.* R. costi amari, Cardamomi, fellis taurini, tere cum oleo pistaceorum, ungatur eo corpus, & mane cum aqua decoctionis fursuris macri vel hordei lavetur. *Constantinus* argento vivo cum cinere, lithargiro, aceto, & oleo mixtis utitur, in calidis complexionibus : in frigidis autem succum pini, aquam marinam, staphidem, nitrum, arsenicum, atque oleum cnici adhibet. *Ioannes de rupe scissa* argentum vivum cum aqua ardente, & staphidis sylvestris pulvere commiscet, cingulumque ex eo parat, quod circa nudos lumbos gestatum pediculos enecat. *Serenus*, *Abinzoar*, *Amatus Lusitanus*, *Matthiæus*, *Hildegardis*, *Ioannes Vigo*, alijque alia præscribunt remedia, sed pleraque

raque ex his fontibus. Plura qui velit remedia contra Phthiriasin, Paulum Aegin. consular, lib. 3, cap. 3. Galen lib. 1. de compos. med. sec. loc. & Gulielmum de Saliceto, lib. 1. cap. 48. Novi quendam (inquit Pennius) qui Nofocomij præfectus cum esset, phthiriasin isto modo curavit: Virgis betuleis ægros nova pelle vestivit, quæ vibicibus superinducta pediculos postea non admittit; nova sane medendi ratio, & otiosis argonautis desidiq; gregi aptissima. Amatus Lusitanus (ni male memini) pauperi cuidam foramen in dorsi cute vi ulceris factum recenset, ex quo magna quotidie pediculorum copia emerit; inter curem carnemq; proculdubio geniti fuerunt, & postea unguento ex staphyde sylvestri, hydrargyro, pipere, & larido, convaluit. Rulandus balsamum sulphuris cunctis preterit, nec injuriâ, remedijs.

Feros Pediculos primum evelli magna cum diligentia debere, scribit Aetius; tunc aqua marina tepida locus fovendus: cautè tamen (si in palpebris hæserint) ne oculos offendas: tandem hunc pulverem applicato. R. Aluminis scissi. ʒij. staph. agr. obol. j. piper. ob. ij. ærisusti ʒj. myrrhæ, ob. ij. lap. scissi, ob. ij. ss. Misij torrefacti ʒj. terito, & sicco utere: tunc in balnea ducantur, ac eorum caput discutientibus & corroborantibus calfacito, corpusq; totum lava, & demum confrica. Nostrates pediculis evulsis loca saponè nigro fortissimo optimè inungunt, et si corpus fuerit calidius, argento vivo cum pulpa pomi dulcis excepto, eos illinunt, certo experimento. Palpebras sæpe ita infestant, teste Celfo, ut oculis deinde exulceratis visus aciem obtundant; tum hydrargyrum depuratum cum absinthij comis & axungia veteri incorporata: nihil enim citius & certius medetur, modò cum cautione fiat. R. item aloes ʒj. cerussæ, oblibanij, ana ʒ. v. laridi, q. s. fiat unguentum: huic quidam hydrargyrum atque sulphur non male admiscunt. Hic autem notandum, si fæsi pediculi barbæ, palpebrarum, pectinisq; & perinæ regiones densius occupaverint; radendos esse primum pilos omnes, statim à purgatione universali; & deinde Topica prædicta adhibenda: fella omnia, præsertim tauri, vituli, perdicis & caponis, cum succo centaurij, & hydrargyro, præstantissima habentur. Lixivium è cineribus myricæ pediculos perdit. Vulturis vivi exemptâ medullam cum vino bibitam, Rhafis atque Albertus ante omnia commendant. Varignana utitur lacte volubilis majoris & sisimbrio, & Cicla, & lotionè mellis; sed præcipuè effert hoc medicamentum. R. staphisagriæ ʒij. vini phialas iijj. setarum porcinarum, ʒij. Hydrarg. purgati ʒj. bulliant & decocto corpus undiq; lavetur. Vini fecem, succum genistæ, Lixivium senæ, acorum, cassiam, pyrethrum, Marinellus alijque plurimi faciunt. Gilbertus autem Anglicus, coctam styracem & sanguifugas simul comburit, è quibus cum porci non sanguine optimum parari unguentum author est.

Fæda ista animalcula, & majore odio quam canis aut vipera à delicacioribus habita nepotulis, & gaudio ægrotantibus, & nonnunquam medelæ sunt. Quippe qui longo putridoque morbo diu laborant, his pediculi in capite nari solutionem morbi prædicunt. Signum enim est exhalantis, & à centro ad superficiem evolantis. Constat item experientia, Arquatos duodecim pediculis contusis & ex vino haustis curari. Mendicis & precario viventibus cum butyro eos sæpe exhibuit Pennius, atque ita desperatos nonnullos valetudini restituit. Quidam in dysuria pediculos vivos & grandes, coli immittere solent, ut irrigatione urinam prolecent: quod argumentum de Cimicibus Alexander Benedictus narrat. Vbi viscosi humores oculis læserint, quidam pediculis impositis eos expurgant, qui tanquam hormini sylvestris semina huc illucque reptantes, lemas colligunt, atque ijs involuti postea excidunt. Vescuntur item ipsis, quid dicam Simiæ? Cercopitheci? imo homines in Ponto phthiriasin faciunt Herodotus atque Strabo; (quibus Arianus in Periplus con-

Vfus pediculorum.

fentit:) idemque de provinciæ Cuenensis apud Indos occidentales incolis narrant Hispani. Tam avidè quoque eos venantur & expetunt, ut ne vix qui, dem Hispanorum mancipia ab eorum esu coerceri possint. Nec mirum sane ijs pediculos cibum præbere, quiequos, asinos, feles, coſſos, & (quod majus est) homines crudos devorant. Verùm quia ociosa est provincia, pedes legere, mulieribus demandatur; quæ ferè solæ eo funguntur officio, & propterea pedilegæ à Strabone appellantur. Horum item Serenus alium usum memoravit, dum de ijs sic cecinit,

Noxia corporibus quadam de corpore nostro.

Produxit Natura, volens abrumperè somnos

Sensibus, & monitis vigilès inducere curas.

Vide caput de Lendini bus inter *inſe* Inſecta, Cap. 35.

CAP. XXIII.

De Pediculis Brutorum & Plantarum.

On Solum in homines ob Protoplasti scelus, sed in Bruta item serpsit hæc lues. Verùm ut inter illos pueri magis quàm juvenes; viri quàm fæminæ, ægroti quàm sani, inculci quàm mûndi pediculos abundant; ita etiam inter animalia reliqua se habet. Solus Asinus ab hoc morbo immunis perhibetur, non quia Christus in eo equitavit (ut Stulti somniant); sed quia rarenter sudat ob tardum motum; vel Antipathia quadam peculiari fuerit ab Altissimo donatus. Leo, magnanimû sane animal, & Brutorum princeps; tamen à pediculis palpebras infestantibus adeo affligitur, ut unguibus, & scalpturâ nihil proficientibus, in rabiem sæpe agatur, si Plinio credendum sit. Equi, generosissimi illius quadrupedis, quis non pediculos vidit, & lendes rubentibus capitibus, reliquo corpore obscurius albicante conspicuos? Boum & vitulorum nigri sunt, & in macris magni multique, pediculis porcorum fere similes, sed breviores, & paulo crassiores.

Porcorum pediculi forma illis respondent; sunt autem adeo grandes & duri, ut vix digitis interimantur. Hi Vrij ab urendo dicuntur, ut Albertus libro. 4. Caput. 205. testatus est. Canes quamvis rariùs, aliquando tamen pediculantur. Sunt autem eorum pediculi parvi, lentiginosi, capite albicante, reliquo corpore ex cæruleo livente vel nigricante, ut in Canibus Melitæis primum vidi. Pediculi ovium minuti valde, quibus capita rubent, corpora candicant. Caprini ab his parum differunt. Cervus ubi cornua abjicere intenterit, insigni palpebrarum pruritu angitur, à pediculis capiti concoloribus exorto. Olorum, Gallinarum, Anserum, Columbarum, Coturnicium, Phasianorum, Perdicum & accipitrum, aliarumque avium pediculi, cui non ex Gesneri de Avibus historia propriaque experientia noti sunt? Satis item omnium Brutorum pediculationis curas Palladius, Columella, Paxanus, Varro, alijque veterinaræ Principes ostenderunt; adeo ut nec nobis ijs insistere gloriosum, nec vobis fructuosum fuerit. Quid Avicenna lib. 4. fen. 6. tract. 5. per pediculum vulturis sibi voluerit, equidem conijcere nequeo, & hic Oedipi alicuius operam valde imploro. Scarabæos pilularios à pediculis proprijs occidi, supra lib. primo meminimus. Salmones item pisces, macilentiores præsertim, sub branchijs sæpenumero pediculis scatentes vidit Plinius. Reperiuntur item in plantis, nempe Abrotano, Absinthio, Nymphæ floribus, & potissimum in Aquilegiæ folijs, mense Junio, ob singularem (ut inquit Gesnerus) ejus dulcedinem. Pediculares autem plantas nonnullas dici legimus, vel quia ijs adversantur, ut staphis; vel quia generant pediculos, vel Fistularia Dodonzi; vel quia scatent pediculis, ut Aquilegia; vel ob sum-

mam vilitatem, ut pruni majusculi fructus, quos pedicularios inde dictos Ruellius testatur.

CAP. XXIII.

De Syronibus, Acaris, Tineisque animalium.

Syronem Antiquitati ignotum fuisse, Tho: à Veiga falsò memorat: nam ipsum *despidior* Aristoteles vocat, 5. histor. animal. cap. 32. Syrones item dici videntur, *αἰνὴν τῶν πεδύλων ἄκαρις*, quia tractim sub cute repunt. Animalculū est omnium minutissimum, solens innasci caseo & ceræ inveteratis, & cuti item humanæ. *αἰνὴν τῶν πεδύλων ἄκαρις*, teste Polluce & Suida, exiguum illud dicitur, quod ab exiguitate non possumus *αἰνὴν* id est, dividere. Latine Pedicelli, Gallie des Cirons, Taurini Sciros, Vascones Brigantes vocant. Anglicè *Mites*, in caseo, folijs, ligno arido, atque cera: sed in homine *Wheale-wormes* dicuntur, & Germanis Seuren. Syrones (inquit Abinzoar) Assoalat & Assoab dicti, sunt pedicilli subter manuum crurumque & pedum cutem serpentes, & pustulas ibidem excitantes aquâ plenas: tam parva animalcula, ut vix visu perspicaci discerni valeant. Et Gabucinus; Ad nostra tempora quoddam supplicij genus indomita fæditate pervénit, in manibus exilis quidam pedicellus, lente minor, sub cute serpit. Et Ioan. Phil. Ingrassia ex Abenzoar, ita eos perbelle describit: Excoriata cute ubi minimus ille jonthus varulufve cuiusdam sudaminis instar apparet, exeunt animalcula viva, tam parvuncula, ut vix possint videri. Et Ioubertus, Sunt Syrones dicti omnium minimi, semper sub epidermide latentes, sub qua serpunt (talparum ritu) illam erodendo & molestissimum excitando pruritus. Ex sicciore quam Morpiones materiâ sunt, quæ lentoris inopiâ ferè in atomos discinditur. Nascuntur sæpe in capite, & pilorum radices exedunt, quos Græci *τῆς κεφαλῆς ἄκαρις* *τῆς κεφαλῆς ἄκαρις*; Tineas peculiari nomine appellant. Syronibus nulla expressa forma (ut rectè Scaliger notavit) præterquam globi: vix oculis capitur magnitudo tam pusilla, ut non atomis constare ipsum, sed unum esse ex atomis Epicurus dixerit. Ita sub cute habitat, ut ætis cuniculis pruritus maximum loco ingereret; præcipue manibus, vel alijs partibus affectis & igni admotis. Extractus acu & super ungue positus, movet se, si Solis etiam calore adjuvetur. Altero ungue pressus, haud sine sono crepat, aqueumq; virus reddit: colore est albicante, capite excepto; propius intuenti nigricat, vel nigro parum rubet. Mirum est quomodo tam pusilla bestiola nullis quasi pedibus incedens, tam longos sub cuticula sulcos peragat. Hoc obiter est observandum, Syrones istos non in ipsis pustulis, sed prope habitare. Illorum quippe proprium est non longe residere ab humore aqueo in vesicula vel pustula collecto: quo absumpto vel exiccato, brevi omnes intereunt. Vnde colligimus, quemadmodum ex sero putrefacto oriantur, sic eodem vicissim sustentantur. Horum nullus antiquorum meminit præter Abinzoar, qui morbum hunc vidit, & curationem ejus rectè instituit. Neque Syrones isti sunt de pediculorum genere, ut Ioannes Langius ex Aristotele videtur asserere: Nam illi extra cutem vivunt, hi vero non: neque revera Aristoteles ullo quod sciam scripto inter pediculos Aca-

ros numeravit. Quam gravis sit morbus, & vel ipsâ cum phthiriasi comparandus, novit nobilis quædâ Angla sexagenaria, Penruddoci Equitis aurati lectissima femina: Quæ ante annos decè ex nimia lactis caprini ingurgitatione (timebat sibi enim de phthiri) toto corpore his Acaris offendebarur; quæ noctu diuq; oculis, Lu-

bij,

bijs, gingivis, plantis pedum, capite, naso, alijsque cunctis partibus miserè lacinata, vitam aliquandiu duxit molestam atque insoinmeni, sed tandem (invitis remedijs) aucto malo, & carne etiam totà depasta, diem obiit. Illud non prætereundum; Quò diligentius & sæpius astantium muliercularum acubus effoderentur, eo majorem successisse lobolem, & quando carnem etiam eroderant, magnitudine eos insigniori apparuisse. Hinc discant elati cordis homunculi, non se vermes duntaxat esse, sed vermiculorum pabulum; atque illius Imperatoris potentiam timeamus, qui tam contemptibili exercitu, superbiam, arrogantiam, elegantiam, formæque dignitatem omnem confundat, & victoriam de strenuissimo hoste insignem reportare possit. Syrones intra oculos generari forte quibusdam impossibile videtur: Sed id fieri vidimus; & ex epistola. D. Le leune regij Chirurghi ad Jacobum Guillemaum, olim factum esse accepimus, cujus hæc sunt verba: Scias (inquit) quod in membrana conjunctiva, sive albo oculi (ut vulgo loquuntur) Syrones quidam majusculi, vagis hic illic reptatiunculis ex morfibz tantum excitant pruritum, ut abstinere quin confrices haud possis. Ego hoc in casu remedijs usus sum à Majoribus contra phthiriasin præscriptis, sed sine ulla utilitate. Tunc amici ad ægotam fæminam quandam miserunt, quæ coram acu argentea adeo dextre & nullo cum dolore Syrones extraxit, ut mihi miraculo esset. Et sane nisi proprijs luminibus gradientes bestiotas vidissem, Syrones ibidem ortos fuisse nunquam credidissem quidem, Moriuntur humido destituti alimento, & maris æmulo: vel medicamentis contrarijs perimuntur. Hos peculiariter vulgus acicula extrahit, (Germani vocant *Scuren graben*.) Sed quum non simul tollatur causa eorum Fomes, perseverat affectio. Itaque præstat unguento vel fotu eos occidere, quo simul tollatur pruritus ille infestissimus. Maximè ^{in Syronibus} Syrones interimens est acetum salsum. *Laur. Ioubert*. Vini sublimari lotionem omnino tolli, *Io. Arden*. Anglorum Chirurgus olim doctissimus, scriptore reliquit. Quod certe a ratione non abhorret. Nam exiccat, penetrat, putredini resistit, ac sua calida acrimonia omnes enecat. *Abinzoar* lib. 2. cap. 19. Tract. 7. sequentia præscribit. Primum corpus cum infusione fem. cnici & urticæ purga: deinde exterius cum oleo amigd. amar. vel ricini, & succo foliorum Persici inungito. Pro cibo perdes cum paucis aceto coctas, & panem fermentatum dato. Abstineat ab omni fructuum genere (avellanis demptis) præcipue scibus, uvis, jujubis, & pomis. Corpus cum carne sive pulpa melonum, vel seminum ipforum mucilagine sæpius fricato. Sivero corpus fuerit carnosum, fricetur cum succo foliorum Persici. *Plinius* hoc in malo carnem bubulam, porcinam, anserinam, & legumina omnia interdicat.

Erotis lib. de pass. mul. sic scribit; Frumentum cum vino distemperatum, olibanipulvere adjecto, locis affectis emplastri modo applicatum, Syrones ubicunque perdit, maxime in malis & fronte. *Alind*. R. salis commun. saponis nig. sulphuris vivi, ana; incorporentur cum aceto scyllitico, & eo loco illinantur. *Alind* ad Syrones faciei, quos Rosæ Anglicanæ author *Barrones* vocat. R. lapathij acuti, olibani, dracontij, ossis sæpiæ, ana; fiat pulvis, & ter in hebdomada fricato loca verminosa, prius tamen facie lotà decocto fursuris, & in die Sabbathi facie lava cum albumine ovi & amylo, ac deinde cum aqua fluviali sæpius lava, sive amylo. *Alexander Petronius Trajanus* hoc remediū maxime laudat: Linteum nimirum tenue in lanuginem abrasum, quo mollius fiat & tenacius adhæreat: Hoc parti affectæ alligato, mox ovi tosti albumen induratum calidum, & in laminas latiusculas divisum impone, & linteum aliud crassius superliga, ita ut per aliquot horas quiescat. Deinde omnibus ablatis, interius linteum pedicellis plenum reperies, quod hoc modo probatur. Excutias ip-

sum supra ignem, & crepitantes syrunculos facile auribus percipies. *Ad Triphobrotos & Tineas* in capitibus puerorum frequentes, ac minutissima foramina ibidem dolantes, *Alexius* istud remedium magni facit: R. olibani, xungia, aprugna, q. l. bulliant in vase terreo vitreato, & fiat unguentum. *Aliud*: aluminis usti pulverem aspergito, ac linteam supraponito. *Aliud non inefficax*: Sulphur vivum in pulvere rem redige, cum aceto rosaceo vel scyllitico, vel etiam aqua rosacea incorpora, & linteo superinductum alliga per 24. horas. *Aliud expertissimum*: R. succi limonum, & aque vitæ, ana; salis usti. q. s. misce ac sæpius inunge. *Aliud Hildegardis*: Despumationem aeris, id est, teclas illas quasi araneorum autumno sparsas, applicaro, & syrones tineasque omnes certo perimit. Pulverem quoque apum in alucari mortuorum, locis affectis asperge, & morientur: præsertim si cum vino sublimato, vel aceto scyllitico fuerit admixtus. *Aliud*. Panis siliginei micas adhuc calidas sæpius alliga; calore siquidem peribunt. Semen in abiete summa crescens in cineres redactum, & aspersum, valde conducit. Interim item nuclei oxyacanthæ pulverisati ac loco affecto applicati, Syrones tollunt. *Ioannes Pigo* ista contra Syrones ubicunque natos præscribit: Omnia (inquit) amara contra ipsos faciunt; radantur primum loca affecta, ut medicamenta citius penetrent. Oleum vitriolicum caute & leviter effusum eos potenter occidit. Argentum vivum cum sapone Gallico & paucis auripigmento, & aceto Scyllitico, cum aloë, plurimum confert. *Ad Syrones dentium*. Sunt qui vermes in dentibus natos Syrones vocant, quos in chordarum ramenta & seminis hyoscyami fumo ore excepto procidisse affirmant. Quamquam illa ramenta vermes esse merito negem. Syrones tamen putridis dentibus innasci, lippis & tonsoribus notissimum. *Ad Syrones venenatos*. Morbus Boum Abynzoari dicitur, inter cutem carnemque vermiculatio quædam venenata; quæ tumorem non parvum excitat, juglandis magnitudine, in quo Syro vermis (venenatus ille quidem, licet exiguus) latitat. Hic morbus neglectus occidit, curationem instituit hoc modo: Locus statim cauterio actuali comburendus; tum applica lintea rasa cum farina hordei & aqua dulci. Sedato ex ambustione dolore, unguento Agrippæ & oleo rosaceo, tumor confidet: tum ablue locum cum aqua mellis, & pulverem rosarum aspergito: & incarnativis demum adhibitis, ulcus claudet. Si vero cauterium & ferrum respuat, R. farinæ lupinorum, fuliginis, piperis, radices scaræ, ana; omnibus tritis & cum Alchitram madefactis, dimidiam testæ nucis partem ijs repleto, & loco affecto apponito; maneatq; tandem, donec vis medicamenti ad vermem pervenerit. Sed diligenter cavendum, ne loci affecti pars aliqua extra testam nuda relinquatur. *Nigra bestiola* (ut Thevetus comminiscitur) Indos occidentales valde vexat; insectum (inquit) hominum manibus infestissimum, pulice longè minus, sed in pulvere ut pulex natus; quo sane errore captum *Lixum* cum Theveto delirare non pudit. Oviædus vero inter cutem & carnes generari eos affirmat: sed potissimum sub unguibus digitorum nasci: quo loco ubi sese insinuaverunt, tumorem pisi magnitudine cum pruritu maximo concitant, atque tanquam lendes multiplicat. Si vero non opportune extrahatur hæc bestiola una cum suo fætu, paucis diebus pruritus in dolorem cedit vehementem, morbiq; violentiæ ægri pereunt. In Accipitrum Falconumque corporibus sub pennarum radice vermis nascitur, *Troscadictus*; cum Syronem, Tineam aut Acarum esse, ex Albertiæ odice dubitare desimus, apud quem illius morbi medelam fulius legeris. Quinetiam in urinis nonnullarum prægnantium, ut Bonaceioli refert, Syrones quidam exigui & rubelli apparent, quod infallibile conceptionis argumentum ponit. Dermestes insectum est pelles consumens, unde & pellibus nomen est adeptum: & pro pellium ratione colorem mutat. Nam pilorum co-

De Ley.

lorem plerumque sequitur, pulicem magnitudine æquans, & sex pedes rostrumque forcipatum ostendens. Tinea item vestes consumit: præsertim lanæ: vorax valde animalculum & ex psyphis, (ut diximus) procreatum.

CAP. XXV.

De Cimicis.

K Ovis Græcorum, Latinis *Cimex* dicitur, Hebræi *Pischpesea* à Scrutatione vocant. Scrutatur enim animalia dormientia, ut eorum sanguine se repleat: ^{reus} dictam vult Isidorus & Cimicem, à Coriherba, quam latini Cimicariam vocant; quæ (ut ingenue fatear) nobis incognita, nisi sit Atriplicis sylvestris species illa humilis & fetidissima, quæ juxta muros & aggeres nascens, obscæno nomine Vulvaria dici solet. Et enim Matthioli Coris bene olet, & cum Cimicaria proinde non convenit: Arabibus & Barbaris *Alcarad*, *Deboliar*, *Fesafes*, *Eoroda*, & *Corab* dicitur: Germanicè *Wantlausz*, Anglicè *Wall-louse*. Saxonice *Wantzen*, id est, Pediculus parietum. Brabantij item non male, *Wueglus*, sive spondarum pediculus. Hispani *Chimesas*. Itali *Cimice*. Galli *Punaise* nominant. Sunt autem Cimices vel domestici atque impennes, vel pennati & sylvestres. De his antea diximus libro primo: nunc de domesticis agemus.

Domesticus hic, fastidium naturæ animal, ut Plinij verbis utar, similis fere Ricino, est enim corpore rhomboide, colore nigro, parum rubente: pedes habet juxta collum breves, utrinque tres; dorsumque & ventrem incisuris notatum: cutis apprimè tenera, ut vel levissimo contactu crepet media, fetoremque maxime abominandum expret. Noctu acriter mordendo ex hominum corporibus sanguinem exugit in vitæ sustentationem. Lucem enim (Blattarum modo) non perfert, eaque nascente in rimas lectorum parietumque se recipit. Post morsum vestigia purpurascencia cum dolore pruriginoso tumida relinquunt. Generantur, secundum Aristotelis sententiam, ex humore per summa corporum animalium exudante, lib. 5. ca. 31. Hist. Sed sine dubio ex humoribus alijs circa lectos putrescentibus, & lignis paulatim exudantibus, oriuntur: propagantur item coitu, ut in agro Aurelianensi Pennius olim animadvertit. Nam dum Phytognomices studio Natali Caperoni comitem se daret, ut ramulum arboris truncaret, gladium distringere tentavit. Quum autem per rubiginem id ægrius præstaret, vaginam secare necessum habuit, in qua Cimices adultos plurimos,

ac juniores non paucos, cum magno ovorum dilutius albicantium numero comperit. Generantur etiam in Gallinarum caveis, Scaligero teste; sed in Coturnicum caveis brevi tempore infinitè multiplicantur. In abiignis lectis frequentes sunt, maximeque palea inveterascente. Inter chartaceos quoque libros gignuntur: Ludovicus Vives parietes alabaistro obduetos cimicibus procreandis aptissimos in Dialogo arbitrat. Vulgo jactatum est (inquit Ios. Scaliger) & Cimicibus contritis Cimices oriri, quod vix verisimile existimem. Carthusianos Cimicibus nunquam vexari, fingit subtilitatum fictor Cardanus: causam adferens, quod à carnibus abstinent. Tolosati lectuli (ut or Scaligeri responso) carnes non esitant, & nihilominus ea peste sunt infames. Mundiciem potius frequentemque lectulorum & culcitrarum lotionem pro causa attulisset, quam quum Galli, Germani &

Itali minus curant, pariunt magis hanc pestem; Angli autem munditiei & cultus studiosissimi; rarius ijs laborant. Anno 1503. dum hæc Pennius scriptaret, Mortilacum Tamesin adjacentem viculum, magna festinatione accersabatur ad duas Nobiles, magno metu ex Cimicum vestigijs percussas, & quid nescio contagionis valde veritas. Tandem recognita, ac bestiolis capitis, risu timorem omnem excussit. Contra istos nocturnæ quietis hostes Deus noster misericors, remedia nobis suggessit, ex antiquis novissimisque scriptoribus haurienda: quibus in usum productis, vel arcere ipsos, vel necare etiam possumus. Fumo enim stercoris bovini, pilorum equinorum, hirurdinum, Scolopendræ, sulphuris, vitrioli, arsenici, æruginis, xyloaloes, bdellij, felicis, spatulæ foetidæ, Aristolochiæ, clematites, myrti, cumini, lupinorum, corrigiolæ, nigellæ, cupressi, interficiuntur; ut ex Actio, Rhass, Florentino, Didymo & Cardano videre est. Præstat autem cortinis circa lectum expansis fumum ita includere, ne qua expiret. Parantur item cum in finem unguenta, illitiones, & embrochationes, ex felle bubulo, hircino, erinaceo, vitulino, caprino, asinino, cucumere, hæderæ folijs, citro, ichthyocola, amurca, fimo bovis & aceto acri, sulphure vivo, scylla, capparibus, staphide sylvestri, absinthio, passo, calce, argento vivo, lauro, sapone nigro, halicacabo, succo arantiorum, limonum, &c. de quibus Varronem, Palladium, Arnoldum, Didymum & alios consule. Prophylactica quod attingit, Canabæ vel Halicacabi fructus juxta lectum positi vel suspensi, cimices fugant. Democritus ait, cornu cervinum, vel leporis pedes circa lecti fulcra pendentes, idem præstare: quod etiam auriculæ vulpis alius tribuit. Feces butyri cocti, projectæ ubi sunt Cimices, satietate eos disruptos mirifice perdunt. Forte hæc est illa pinguedo de qua Cardanus his verbis: Sciebamolim, sed jam oblitus sum, (inquit) Pinguedinem, quæ ligneo orbi superlita cimices omnes (ceuepode facta) ad se alliciebat, ita ut vix lignum videri potuerit. Referunt obulum lecto substratum, Cimices pellere. Quidam lintheum frigida madefactum appendunt, atque ita activa frigiditate eos repellunt. Oleum per se, aut cum atramento futorio, vel cum felle taurino, vel decoctum chamæleontis nigri, Cimices fugat. Amarissima denique omnia & fortiori odore prædita, Cimicibus proculdubio adversantur: gravem autem odorem eos profligare, ribentium pellium copia (inquit Olaus Magnus) loco aliquo coarervata ostendit. Hos supra modum multiplicatos pestem prælagire asserit Alexander Benedictus. Significat enim vel humorum, vel aeris, vel utriusque magnam putrefactionem. Bacchus ad inferos descensurus, apud lepdisimum Græcorum Comicum, eas sibi dari cauponas in itinere precabatur Iovem, in quibus paucissimi essent Cimices. Tamen concordia illa rerum & repugnantia (inquit Plinius) quæ totam, duce natura, replet medicinam, nihil non ex aliqua parte homini conducibile produxit, adeoque quod Comicus ille Deus infestum putavit, humana quidem posteritas salutare sensit. Acri sane facultate præditi sunt Cimices, suum tamen in medicina locum obtinent. Nam cum sanguine testudinis sumpti *Serpentum moribus* medentur. Odore eorum *Epilepsia* ex uteri suffocatione orta discutitur. Ovo, ceræ, aut fabæ inclusi atque devorati, *Vomica* & *quartani febribus* (ex Plinio, Dioscoride, Galeno, Marcello, Actio, Actuarius istud) auxiliantur. Ex aceto poti, vel etiam suffiti, *Sanguisugæ tenacius adherentes* facile remouent. *Tertianis* item febribus conferre, Quinti Sereni carmina illa ostendunt:

*Allia non pudeat terno cum Cimice trita
Et diluta mero, medijs haurire diebus.
Prætereatritus Cimex potat in ovo,
Horridus attactu, sed gustu commodus apto.*

Gelsnerus

Gesnerus huic experimento in schedis fidem facit, factò in plebe viliori & rustica semel atque iterum periclo. *Lethargo correptis* septenos in cyathò aquæ dabant veteres, annis puerilibus quatuor; *Plinius*: cui consentit *Serenus* his verbis,

*Quidam dira iubent > septeno cimice trito,
Vt vicientur aqua, cyathusq; bibatur codem.
Hac potiora putant, quam dulci morte perire.*

Qui etiam Hæmorrhagiam narium Cimicis odore solo sisti, olim cecinit. Quidam oculos hebetiores ex casaracta falsos sanant, illis tritis in sale & lacte mulorum. Quidam aures dolentes melle Cimicario inungunt, magno cum salutis fructu. Vomitus quoque cohibent, Marcello teste, remediumque expertum asserit, si in ovo forbili Cimex contritus a jejunio rem ignorante sorbeat. Eos contra aspidii, *Vipera*, atque omnium serpentum venena facere, inde probare vult *Plinius*, quod Gallinæ ijs vescentes, a talium animalium ictu peritant illæ. Ad stranguriam & calculum pellendum, Cimices contritos laudat, *Aetius*. *Vegetius* hoc in casu, unum Cimicem in aurem, alterum in meatus penis imponit, & leni locorum fricatione; urinam statim reddi asserit: quod remedium videtur ex *Herode* in Hippiatricis mutuatus. *Gal.* *Eup.* 5. Cimices non solum urinam provocare asserit, sed etiam per novem dierum spatium epotos, eandem involuntarie labentem pueris sistere. Hos ex vino, iuscule, vel aqua calida bibitos, *Calculo laborantes* mirifice juvare *Valerandus Douvres Insulanus*, *Pharmacopœus Lugdunensis* doctissimus, sæpe retulit. Cineres ipsorum idonea cum decoctione per elysterem injectos in calculo item pellendo, recentiores mirè celebrant. Contritis & colis meatui illitis, protinus Urinam provocat *Marcellus*. Sunt (inquit *Gesnerus*) qui in Colico dolore Cimices quatuor vivos ex vino mane bibendos præscribunt, & jejunium duarum horarum postea injungunt, totidemque duabus ante carnem horis propinant; & sic die sequente, donec duodecim cimices devoraverint: fastidium hercle remedium, sed nec novum in desperato illo dolore, & præsentaneum. Functum urbis *Tigurinæ prætorem*, ejusque aliquot nepotes secundo haustu liberavit, fereque ad Encomium Cimicis scribendum excitavit. Externos quod spectat morbos: si pilas radicitus evellas, & locum affectum sanguine Cimicum illinas, ficcarique permittas; ex *Galen*i, *Aetij*, & *Noni* sententia nunquam renascentur. Cum *Anserino adipe* & Cimicibus perunctis mammis; dolores minuete, molas uteri erumpere, Scabiem matricis sedari, narrat *Plinius*. *Cornelius Gemma* in appendice operis *Cosmocr.* mentionem facit mulieris, in cujus calvaria aperta, magna Cimicum multitudo erat reperta.

CAP. XXVI.

De Ricino & Reduvio.

Ricinus vulgo Græcorum *κρίνος*, *Hesichio* *αράνη*, *Suida* *αράνη*, alijs *κρυφισάνθη*. *Sypontinus* non rectè *αυτοπλάνα* vocat, quum alis careat. Arabibus, *Alcharad*, *Alfifafes*, *Alhalem*, ut *Bellunen*sis refert, *Ferlini* etiamnum hodie (inquit *Hermolaus Barb.*) ut ex *Didymo Zelonote* accepimus, Ricinos *παντα* appellant. Latine Ricinus dicitur, quia Ricini plantæ femina imitatur. Gaza Reduvium vocat; *Albertus* non nusquam *Tacam* appellat. *Albertus* item *Vincentius*, & *Guillerinus* de *Conchis*, *Eugulam* nominant. *Cicam* primum dictam reor, (inquit *Scaliger*) quia

quia ^{etiam} idem cum Crotone est. Italis *Zeva*. Germanis *Holzbock*. Gallis *Plaia*, ob corporis compressionem. Anglis *Woodtick* vocatur. Quidam Ricinum & Reduvium isto modo, rectissime quidem, distinguunt.

Ricinus Insectum est parvum, ætate incunte in pascuis inter gramina & in sylvis inter folia nascens ex putri quodam humore: compresso valde & plano ad tactum corpore, cute admodum tenaci, figura corporis rhomboide, colore nigro cū quodam splendore, aut ex fusco obscurè nigricante; posteaquam vero animali cuiquam adhæserit, & capite cuti infixo sanguinem hauserit, brevi grandescit turgetque, ac temporis progressu ferè fit globosus: sex habet pedes collo affixos, rostellum illi acutum, sed breve: nec prolem gignit, nec ab alijs animalibus gignitur, atque in eo à cunctis differt Insectis, quod cibo affatim repletur, excrementi tamen exitum non habet, unde forte Hetruscis *Cæca* dicitur. Materiales ergo Philosophi cum Aphrodisæo omnia à manifestis Elementorum facultatibus ducentes, perpendant diligenter, ad quem materiæ hic defectum, vel confusionem confugerint. Si comminiscantur. Naturæ deussive subulam, qua illi podicem terebraret, *fibilis* excipi merentur. Quinpotius Paracelsicum illud hic videant atque agnoscant; tum ex corporibus spiritus, tum ex spiritibus corpora fieri posse. Plinius Ricinum turpe animal appellat, cujus taginæ finis (ut epulonibus accidit) mors ipsa; nam paucis diebus satietate nimia dehiscit. Tamen & famem quoque fortiter perfert per septiduum. Vix assentior Scaligero, qui cum in hominis barba & inguine nasci credit, quia victus causa ibi affixus temeriter inhaeret; quamvis Eustathium & Hesichium patrocinales habet his verbis, *καὶ ποτὶ λήγ-
ται ἀπὸ τῆς γρανίης εἰς αὐτὸν ἔμψυον*. Haud enim ex animalibus gignitur Ricinus, sed ex putrida foliorum graminumque materia, ut antea retulimus, atque ut Aristoteles affirmat, *Histor. 5. cap. 19. ῥιζίνος ὁ γένεται ἐκ τῆς ἀρχαίας*. Forte per Ricinum pediculum cancriformem intellexit Scaliger, vel Reduvium forte humanum: nascuntur enim ambo in barba & inguine; nec nisi magna cum difficultate avelli possunt; Boves valde vexat, & homines, sed præcipuè lattrantium animalium cætum. Ovis etiam & capris molestos esse Ricinos testatur Cato, similitudine corporum deceptus. Nam ovium ille Pediculum Reduvius dici debet (nostri *Sheep-louse* appellant) inter quem & Ricinum variae & differentes notæ. Nam Reduvio rostellum longius, corpus vero etiam à maxima repletionem nunquam ita distentum, quin semper compressum, nunquam globosum videatur: huius item pedes obscurè rubent; dor-



sum cineritio est colore, tribus minutissimis punctis nigricantibus distinctum, & ad cordis figuram effigiatum. Caput non semper, imo rariùs cuti infigitur; nam non nisi per vices sanguinem exugit, & excrementa inde genita per anum exprimit: quæ lanam viridi ita tingunt colore, ut vix calido lixivio, ne dum frigida cedat tinctura. In vellere de-tonso annum integrum vivunt Reduvij; Ricini solo sanguine aluntur & calente animali. Sintigitur ejusdem generis cum Catone; at differre eos maxime veritas affirmat. *Sacos* est animal parvum; tuberibus Leprosorum non dissimilis, inquit Albertus. An Ricinum eo intelligat, an Asetum, dubitat Gesnerus. Ricinum potius arbitror, tum à tuberum orbiculari forma, tum à sublivido colore argumento facto. Amurca optimè depurata, & vini fortioris fecibus cum decocto lupinorum addita, inunctione oves tonsas liberat a reduvijs; tum per biduum triduumve sudent; tandem aqua maris laventur. *Ca. 10.* Anglicani opiliones pice liquida & sevo ovillo eas illiunt vellere nudatas, vel radicem acori tundunt, & in aqua elixant, & tepida decoctione corpus fomentant. Nonnulli Cedria tantum utuntur. Alijs etiam in usu est radix Mandragoræ; cavendum autem ne à pecore gustetur; ob stuporis, quem inducit

ducit summum periculum. Alij Cyperi radicem coquunt, eaque decocta oves ablunt. *Diophanes* in *Geopon.* Contra canum Ricinos, eorum aures oleo nucum avellanarum & amygd. amararum illinere jubent veteres; id experientia remedium confirmat. Quinetiam teste *Nemesiano*,

Vngere profuerit, tepidoque ostendere Sali

Auriculas, Ricinos cadentes & peltare cultro.

Rhasis contra canum *Ascharden*, sive Ricinos, ablutionem commendat, ex vino, aceto, Cymino, & aqua salsa. *Theonastius* & *Cato* ex amaris nucibus contritis oleum parant, eoque digitos & aures feminaeque ipsa inungunt. Eos cedria necat. *Dioscorides*. Columella avelli Ricinos a bobus canibusque vetat, ne loci exulcerentur, atque picem liquidam cum larido mirè effert. Succo item utriusque *Chamaeleontis* perimuntur, *Plinio* auctorè. Sanguinem Ricinorum ulcera expurgare, eosque vino infusos ebrietatem statim inducere narrat *Albertus*. Laudantur quoque ad ani *Fistulae* curata à *Sereno*, cum dicit;

*Obscanos si ponè locos nova vulneca carpent,
Horrentum manscurantur fronde ruborum.*

*At si jam veteri succedit Fistula morbo;
Mustela cinere immisso curabitur ulcus,
Sanguine cen Ricini quem bos gestaverit ante.*

Ignisacro Ricini quoque sanguis auxiliatur: tradunt item Ricinum ex aure sinistra canis avulsam, omnes dolores sedare adalligatum, ut *Plinius* ex *Nigidio* scripsit. Afferit item, mulieris lumbis ejus sanguine perunctis, tardium veneris supervenire. Hircorum Ricini 9. vel 10. ex vino hausti menses sistunt, *Dioscoride* testante. Sanguine Ricini à cane femina adempti palpebras illinito, pilis prius evulsis (inquit *Gal. simpl. 10. cap. 5.*) & nunquam renascuntur. Sicetiam *Avicenna* & *Plinius*; sed ex aliorum fide. *Dionysius* Milesius ad pilos pungentes & senticosos tale psilotrum præscribit: Leporem marinum in novo vase fictili comburito, ac cinerem cum Ricinorum sanguine in cornea pyxide servato; utere, pilis prius evulsis. Reduviorum pulveris drachmam cum semisse in potu exhibitam, Isteritiam citò & certissimè curare, Angli multi experientià docti satis noverunt.

CAP. XXVII.

De Tinea vestivora.

TEnnius hujus insecti historiam orsurus, Tineam *παιονισμον* facit. Nempe Hieracij pediculos apud *Albertum*; vermiculos ligniperdes apud *Plautum*; favorum pestem apud *Virgilium*; ulcera capitis manantia, & vestium more exesa apud *Plinium* significat: unde forte *Claudianus*, *Miserabile, turpes — exedè caput tinea.* Gaza *καμνισ*: Tineas transtulit, nullo plane judicio, ut in *Erucarum* historia annotavimus. Vexant & tineæ semina ficorum, inquit *Plinius*; vermiculos in ipsis ficibus ortos, unde *Σαπ* veniunt, intelligens. *Niphus* Scorpium libris depascentem (de quo inter Scorpiones egimus) Tineam appellat. *Σαπ* autem & *σαλίνκ*, si quis propriè loquatur, *ἡ τῆς ἀσπίδος αὐτῆς*: id est, vermiculus vestium. Latine Tinea dicitur, *Isidoro* interprete, à tenendo: pertinaciter quippe inhæret vestibus, nec facillè locum mutat. Gallis *Teigne*. Hispanis *Tina*. Italis *Tignola*. Illyricè *Mel*. Polonice *Mol*. Anglice *Moth* vocatur. Hæbrei sua lingua *Hhaseh* & *Sas* nomen

nomen dederunt, ut ex Iobilib. cap. 13. & Esaia 51. apparet. Vermiculus est parvus, colore ex livido albescente, cui Phalænæ minima illa species, notu ad lucernas advolans, ortum debet. Reperiuntur item quidam argento illitæ, quas Angli, *Silver-moths*. Belgæ *Schieter*, appellant, à motus velocitate. Hanc Niphus Scorpionum librorum magno errore constituit. Est item Tinea quædam pendula, vel tunicata (inquit Plinius:) tunicam suam sensim attrahens, ut cochleæ testam; quâ spoliata statim expirat: si vero nimum excreverit tunica, in chrysalidem abit, ex quâ Phalænæ quædam exigua stato tempore erumpit. Hæc species filo appensa in ædibus pendula aliquandiu manet, antequam in aureliam mutatur. Caput huic nigricans & exiguum; reliquum corpus obscurè ex fusco albicat. Theca ejus oblonga, ex aranea ferè composita, non omnino teres, sed leviter compressa, & utrâque in extremitate nonnihil hirsuta. Phalænæ inde natæ, summis ædibus per pedes adhærent, donec corruptæ ac putrefacto corpore iterum nascuntur: putrescente jam corpore, aliisque & pedibus ultro cadentibus, filo per caudam sese suspendunt. Tandem Thecam acquirunt, ac in hanc Tineæ speciem vertuntur. Habet quoque Germania & Helvetia Tineam ruffo colore, capite crassiusculo, corpore caudam versus sensim extenuato. Ventris color splendidior, subflavus, & instar Serici villosi mollis. Tenera admodum bestiola, præcipuè illa deargentata, & quæ solo tactu conteritur. Vnde regius ille Psaltes Psa. 39. Quum in reprehensionibus castigaveris quempiam, dissolves eum sicut Tineam. Et Iobus cap. 40. certissimum improborum exitum amplificans: Conterentur (inquit) antequam Tinea. Omnes Tineæ in sepedum grege numerantur, oriunturque in vestibis tam lanarijs quam pelliceis, a pulvere & situ non expurgatis: eoque magis, si araneus una includatur, ut Aristoteles scripsit: siquidem hic humorem illis insitum absorbet atque exiccat. Cavendum igitur, ne cum crasso ac humido aëre complicantur vestes atque puluerulentæ reponantur. Quidam, ut Tineas vitent, vestes calido sole ventilant: quod nostræ mulieres severè vetantes, in umbra ventoque rabido argente rem peragunt. Solis enim radios Tineis amicos; umbram ventumque procellosum, inimicos sentiunt. Hi vermes ubi sensim sine sensu exitum panni faciem depasti fuerint, interiora inde absument, mediæque substantia ita sese insinuant, ut ne diligentissime quærentibus satis pateant. Antiqui in Tineis perdendis expertissimi erant. Nam Servi Tullij vestes duravere ad Sejani exitum, ea diligentia vestipicorum curatæ, ut nec ipsæ diffuerent per atatem, nec Tineam per incuriam admitterent. Qui pannos lancos vendunt, Ispidæ avis pellem (nostrates *Kings-fisher* appellant) cum pannis una convoluunt, vel in officina suspendunt, quasi secreta quadam antipathia Tineis adversam. Odore suffituque Sabinæ, lupulorum, dactylosæ, absinthij, roris marini, polij-panacis, anisi, helichysi, mali assyrij, corticis citri (nam hic ferè solus Citriorum usus apud veteres) Myrti maricofi, cedri, cupressi, calamenthæ, sulphuris, plumarum molliorum, præclarè abiguntur atque necantur. Libri in monumento Numæ reperti, Cedria illiti scribuntur, ideoque salvi à Tineis supra quingentos triginta & quinque annos creduntur, Teste Plinio. Ossa *Bergersterts* (bestiam ignoro) in pulverem redacta, & cum vestibis sparsa, Tineas profligat, si Hildegardi fides habenda: Cantharides medijs ædibus suspensas idem facere, narrat Rhafis; qui etiam refert, Vestes pelli leonis involutas, tutas esse à Tineis. Quidam linteum lixivio fortissimo madefaciunt, ac sine expressione in sole siccant; quo involutas vestes, à Tineis non erodi affirmavit. Vestiarium amurca aspergi, Cato præcipit. Mirum est quod Plinius refert, vestem feretro suppositam vel cadaveri infratam, semper à Tinearum injurijs esse immunem. Ditiore populi fors (*Cui stragula vestis*

vestis, Blattarum & Tincarum epula, putrescit in arca, ut Horatius cecinit) vestes æstate diligenter inspicere curant, & ex arcis sublatas, loco admodum perfatili ventilant: deinde ex lobis milij Indici, vel ex fetis porcinis, aut muscoscopario, vel etiam ex absinthio factis virgulis, pulverem discutiunt. Antiquitus bovina caudâ id facere solebant, de qua ita Martialis,

Sordida si flavo fuerit tibi pulvere vestis,

Colligit hunc tenni verberare cauda bovis.

Nec desunt lautiores mercatores, qui arcas è cedro & cupresso confici curant; & ex origano, absinthio, Iride, malicij cortice, myrto, pulverem paratum ponunt cum vestibus, ijsque remedijs lanivorum hoc pecus longe arcent.

De Tineis lignarijs, librarijs, cuticularibus, fructivoris, ante scripsimus, inter Vermes hexapodos. Nunc quod huic addam capiti non habeo: nisi ut Divites adhorter, thesaurum ibi deponere; ubi neque Tineæ vestes arrodere, nec rubigo argentum depopulari possit. Mittant item infinitum illum Vestium multarum luxum, cujus æquem alium speremus finem, ut Lyrici verbis utar; *Quam nigras Blattas tineasq; ut pascant inertes?* Si homo (inquit Calvinus) de muliere natus, *ὡς κίρις*, & tanquam putredo veterascens, se velut vestem esse quotidie cogitaret quam exedit teneæ: sanè superbiâ positâ, rubore suffunderetur, ac ad pedes Omnipotentis supplex caderet.

CAP. XXVIII.

De Pulice.



Πύλη & Πύλη Latinè Pulex dicitur, quasi pulvis, vel pulveris filius, Isidoro teste. Hispanis *Pulga*, Italis, *Pulice*, Gallis *Puce*, Anglis *Flea*, Germanis à fugæ celeritate, *Flech* vocatur. Non minima pestis Pulices, præsertim cum majori numero domientes perturbant, & tum fessis tum ægris molestiam exhibent, periculo sese liberant saltu & fuga, primâque luce electo sese subducunt. Omnibus infesti sunt, sed præcipuè (ut lascivus poeta cecinit) teneris puellis, quarum agiles & saliva quasi inviscatos digitos vix fugiunt. Sunt autem communes, vel Rariores. Communes, parva sunt animalcula, pediculi magnitudine, molliore tamen corpore, dorso gibbofo, & ferè porcino: color eorum nigricat, cum splendore, pectus venterque ex nigro flavent. In catellis candidis dilutiores sunt, in ruffis fulvidiores, in nigris nigriores, atque in alijs. Naturæ miraculum ex hoc advertas velim, quod posteriora cruscula ventrem versus retro flectuntur, anteriora verò ad pectus, quadrupedum more, ut in cunctis pænè insectis usu venit, quibus quatuor tantum pedes dedit Natura. Eum forte in finem sic disponuntur Pulicum junctura, ut facilius inter longiores lodicum lemas plicasque se à prosequentibus abscondant. Extremæ tibie bifidæ, uncata, acutæ, & quasi corneæ videntur; non solum ut certius scandant sublimia, sed etiam ut glabræ cuti, alijsque rebus firmitus infideant atque inhæreant. Caput illis exiguum, os non forcipatum habent sed torosum: collum breviusculum, cui Marcus quidam Anglus (subtili omni opera peritissimus) catenam auream, digiti longitudinis, unâ cum fera & clavi tanto adaptavit ingenio, atque eâ subtilitate, ut facilè à Pulice incedente traherentur; nec tamen pulex, catena, fera & clavis, grani pondus simul excederent. Accepimus item à fide dignis, pulicem sic catenâ alligatum, currum aureum perfectè omnibus suis numeris absolute, nullo negotio traxisse; id quod & artificis industriam, & suas ipsius vi-

res

res multum commendat. Proboscidis mucro paulo est rigidior, ut cutem facilius penetret. Cava sit necessitas postulat, ut sanguinem exugat, & intus transehat; teneriora loca petunt, duriora promuscide non attingunt. Duabus minutissimis antennis è fronte natis, tum viam explorant, tum de objectorum riatura atque duritie judicant. A morsu, locum rubicunda macula notatum dimittunt, & veluti suæ virtutis signum erigunt. Tempestate pluviosa nimium mordaces sunt, omnemque tunc corporis locum audaciùculi oberrant. Intestinum unum habent minutissimum, & implicatum; quod pro cibi quantitate vel relaxatur, vel contrahitur. Minores, strigosiores, jejuniore, acrius pungunt; pinguiore lubentius ludunt, & titillant: oculos habere verisimile est, tum quod suos eligunt recessus, tum quod appetente luce sese subducunt. Carni putri vel mortuæ non insident. Morbo regio laborantes ob succi amaritudinem; morituros ob ejusdem corruptionem & fatorem neutquam violant. Omni hora hominibus canibusque molestæ sunt; sed noctis quam diei delectum habent majorem. Quamvis permolesti sint nobis, tamen neque færent, ut Cimices; nec habenti ignominiam pariunt, ut pediculi. Pigras tantum puniunt familias; nam à terfis admodum ædibus longè discedunt. Quum de suo capite comitia haberi intelligunt, & appropinquantem digitum præsentunt, dicto citius fugâ suâ consulunt salutem, & horum prorsum saltando hostem ludunt. Horum dum aucupes mensurare saltum curiosè dant operam, (ut Aristophanes loquitur) *ἀνὰ ληνῶν*. Manè à pastu in lodices villosas se penetrant, vel parietibus hærent, vel in scirpis & pulvere sese abscondunt: quo Gallinis, columbis, alijsque avibus, nec non hominibus, canibus, talpæ, & muribus parant insidias, atque prætereuntes vexant. Venatores nostri vulpem ijs etiam scatere affirmant, & modum quo liberatur haud illepidum narrant. E vepribus nimirum pugillos aliquot lanæ decerpit, convolutamque ore mordicustenet. Postea flumen gelidissimum sensim intrat, & unciatim sese immergens, ubi omnes pulices suffocationis periculo ad caput migrasse, atque inde in lanam perfugij spe reppisse intelligit, eam suis hostibus onustam cum latratu expuit, atque ita lætus salvusque ab eorum vulneribus terram repetit.

Ortus illorum primus ex pulvere, præcipue urina capræ aut hominis præmadefacto. Inter canis pilos etiam ex humore succido putrescente nascuntur, Scaligero teste: minima certe putredine gignuntur, sedemque sui ortus obtinent fordes aridas. Martyr, Decadum navigatoriarum author, scripsit, in Perienna Indorum regione, guttas sudoris è mancipiorum corporibus cadentes, illico in pulices converti. Quædam regiones ita illis infestæ, ut nec importati alantur ibi omnino, nec generentur, ut in territorio Sigelucensî Tesethore. Contrà, Hæc civitas maritima (nisi Ioannes Leo nos fallit) ex caprarum abundantia pulicum feracissima est, sicut etiam & Dede. In Hispaniola pulices reperiuntur, sed nec multi, nec magni; morsus autem diritate longè nostris molestiores: loca calida & sole illustrata amant. Verno tempore abundant, initio hyemis moriuntur, frigoris impatientissimi. Coeunt mare fæminam conscendente, ut muscæ; tumque unâ gradiuntur, salient & quiescunt. Diu in coitu hærent; ægrè admodum divulsi. Statim à coitu gravida fæmina obefior videtur, ovorum plena; quæ licet in ventre oblonga, minutissima, numerosissima, & candida videantur, exclusa tamen, repente nigricant, ac in puliculos abeunt (si Pennio nihil negandum) mordacissimos. Pulices non ova sed lendes parere, Philoponus in lib. de generat. asserit, atque idem velle Niphus videtur. Quod vero id crepitu quum premuntur probare contendunt, nihil eorum opinionem confirmat; nam ova etiam sub ungue non sine sonitu franguntur. Aristoteles ex ijs, sive ovis, sive lendibus, sive vermiculis, aliud animal generari non sentit, cui ego lubens subscriberem, nisi natura

turam

turam nihil nullo fine producere existimarem. *Rariores* illi pulices videntur quos juxta Niguam fluvium parit India, ut ex Theveto accepimus. Pedum potissimum molliores partes sub unguibus invadunt, morsuque venenato; post quadriduum tumorem pisi cicerisve magnitudine excitant, & factum lendibus candidis simile; qui nisi omnes citissime eximantur, locustique affectus calidis cineribus uratur, membri fiet jactura; ut Numidicis mancipijs saepe contingit. Ipse item in provincia Peruvianâ huic malo obnoxius, non nisi frequenter in flumine ablutione, valetudinem recuperavit.

De Pulicello ita scriptum liquit Cardanus: India occidentalisi mittit e pulicum genere Niguam, pestem quandam atrocem. Minus est pulice multo hoc animal, quod homini adhærens adeo lancinat, ut pedes quibuscumque, alijs etiam manusexcidant. Inventum auxilium, si locus olco perungatur, novaculaque radatur. Ad quem ita Scaliger respondet: Niguz narratio tua mutila est, non inutilis, si philologiam ipectes; addemus ea quæ abs te omissa sunt.

Lib. 9. subit.

Exerc. 94. n. 8. ad subit. Card. 23.

Pulicellus est rostro acutissimo: pedes potissimum invadit, (rarò partes alias,) non ingredientium tantum, sed & cubantium quoque. Ideo in sublimi cubant Indi. Frequentissime partem illam quæ subest unguibus lancinant, quarta die crescere tumor incipit, tum ad eam turgent magnitudinem ut pisum superet. Tumor factus est lendinibus candidis: quibus extractis, calidos imponunt cineres. Non multo aliter Benzo: Pestiferis infectis maxime instantur Indi. Inter alia Niguz, magnitudine pulicis, citrà ullum sensum inter carnem & ungues præsertim pedum sese immergunt, alunturque in pulvere. Sæpe enim accidit, ut nullus ex ijs dolor sentiat, donec in magnitudinem cicerum aut lentium ex creverint: ac tum cum ingenti lendium copiâ fruticante, acui aut spinâ ægrè evelluntur: atque id malicineribus calidis sanatur. Porro Numidicæ mancipia, quæ Hispani in familijs habent, calceis quia destituuntur, ea pestis pervicacissime infestat: tantaque copia pedes eorum appetit, ut nullâ curâ præterquam ferro aut igne arceri queant: itaque multi ex eo digitis pedum, vel pedibus integris mutilati superfuere. Intereunt Pulices a nimio frigore, & propterea algidiore hyeme disparent: vel vi occiduntur a nobis, atque canis canem non minus gratè expulcat, quàm mutiò scabunt. Suppeditat item benignissima natura integram remedium sylvam, ut quorum vestigia nos fallunt salustq; ludunt, eos aliquando tamen perdamus, & corpora ab illorum ictibus salva servemus. Dedit enim nobis caules, ebuli folia, filicem, anchusæ radicem, pulegij flores, rutam, colocynthidem, rubum, Oleantrum, mentam, mentastrum, lupulum, rapi semen, cuminum, staphidem agriam, pyllium, conizam, crocum, coriandrum, chelidonium, Siliquam, ciccerem sylvestrem, persicariam, Sinapi, lupinos, radicem Chamæleæ, hellebori, folia populi nigra, lauri, juglandis; quorum oleis, aut succis decoctis, irrorato pavimento, vel suffutibus domo infectâ, fugantur pulices, & plerunque interimuntur. Supra omnia equæ urinæ feces, aut aqua maris laudantur, aspersæ; & cornu cervini ustio valdè confert. Sanguis hirci in fovea vel pelvi depositus, omnes pulices ad se allicit; uti etiam lignum adipæ ericij, cuniculi, simiæ, ursi, tauri aut vulpis illitum. Aqua decoctionis arsenici aut sublimati aspersa, certo experimento pulices necat. Calx viva cum hellebori albi succo commixta, idem præstat. Lampyris in media domo posita, fugat pulices. Herba pulicaria in civitate Chairi pulverizatur, & circa lectos pulvis spargitur, cujus odore stupefacti pulices non mordent. Si pulex in aurem irreperit, Oleum infundito, cui aceti vel rutæ succi parum fuerit admixtum. Oleum spicæ, petræ, terebinthi plurimum auxiliatur. Hæc remedia ex Apsyrtio, Varone, Columella, Galeno, Actio, Palladio, Avicenna, Rhafi, Kiramide, Guilielmo,

B b

lielmo,

lielmo, Placentino, Ioannitio, Bellunensi, Hermolao Barb. atque Plinio petita sufficiant. Barbari autem (teste Lerio) ne à pulcibus mordeantur, oleo quodam crassiore & rubro, è fructibus expresso, sese illinunt, quos illi, *Conreg.* appellant. Petrus Gallissardus, Cælius Chalcagninus & Tzetzes, Encomium Pulcis scripsisse perhibentur; in quod incidisse animus nobis fuit, non fortuna.

CAP. XXIX.

*De Apodis sive Depedibus Insectis: Ac primum
de Terra Intestinis.*

D*Epedum Insectorum terrestrium* quædam in ipsa nascuntur; Quædam in animalibus & Plantis. Vermes terræ Lumbrici Plauto & Columellæ, tortè à lubricitate appellantur. Terræ quoque Intestina vocantur, tum quod in ipsis terræ visceribus ortum habent, tum quod compressi (animalium intestinorum modo) excrementa ejiciunt; tum quia illorum formam & figuram repræsentant. Hos Græci *γῆς ἄνταξ; ἐκφυλάξ;* Hesichius; Siracusi *παράγας* vocant. Anglis, *Medis*, *Earthwormes*. Gallis *Vers de terre*; Italis *Lumbrici*; Hispanis, *Lombriz*; Germanis *Flandrisque Erdwürmen*; Arabibus, *Charasin* dicuntur. Manardus scribit, lib. 2. ep. 4. *γῆς ἄνταξ* *ovisculos* olim vocatos. Lumbrici autem terrestres vel majores sunt, vel minores. Sunt autè *Majores*, vermes oblongi, similes ferè ijs teretibus qui intestinis hominū innascuntur, semipedè longi, imo extenti pedè æquant; color ijs carneus dilutus, & maximam partem omnes annulo circa collū, vel potius torque crassiusculo ornati, in quo sanguis paucus continetur; oculis carent, ut omne lumbricorum genus. Ex terra putrefacta primū nascuntur, eadem deinceps nutriuntur, & in terram postremò resoluuntur. Quos in foraminis margine aggerulos crispantes cernis, excrementa esse conjector; nam in ipsis nihil præter terram reperimus, cujus succo alimentario exhausto, reliquam partem ceu inutile pondus pro foribus ejiciunt; quibus, ne pluvix illabantur, præsidio sunt. Nocte, præsertim pluviosa, libenter coeunt, & ad auroram usque cohærent: in venere non complicantur, ut Serpentes; sed lateribus arcuè conjunctis mutuo adhærescunt, spumofam quandam salivam inter coeundum emittentes. Mediam corporis partem, posteriorem scilicet (etiam in venere) intra cavernas retinent, neque unquam sic conglutinantur, quin levissimo terræ motu divisi sese subducant. Tempore pluvioso magis albicant, nisi dum coeunt: tum enim præcipue rubent. Aprilis medio lumbricum faminam dissecui (inquit Gesnerus) satis crassum. Intra carnem per totum corpus receptaculum quoddam descendit, annulatum, membrana tenui donatum: dissecanti odor gravis occurrit. In hoc continetur terra ab ijs ingesta. Ova autem supra receptaculū, proxima ori, multa simul congesta albicant. *Minores*, clarioris doctrinæ gratiā, *Ascarides* cum Georgio Agricola vocamus: in sterquilinijs & sub lapidū aggere frequentes. Horum alij rubri (quos *Dugès* vocamus) à piscatoribus desiderati; alij sublividi; alij caudā flavescētā, *Yellow-tails* appellati; quidam etiam torquati & pingues; quidam non torquati & graciles, quos mares puto. Autumno potissimum hi generantur ob humiditatis paucitatem, ut Aristoteles videtur asseverare. Vtrumque genus diu in aqua vivit, sed tandem alimenti inopia commoriuntur. Tractu & pulsu quodam deloco in locum moventur; neque enim propriè volutari à Philosopho dicuntur. Degunt majores in terræ visceribus, maximè ubi aer liber est, atque hominum

hominum subinde fit concursus. Manè dum in cavernas sese receperint, fores, sudo aere, egestà ferrà muninut; pluvioso, festuca intus attractà obstruunt. Plerumque terrà, sed avidissimè micà panis triticei, non fermentati, vescuntur; ut ex nostro Turnero (teste fide dignissimo) sæpè accepimus & vidimus. Hycemis frigidioris impetu, atque nimia æstatis siccitate multi percutunt. Quinetiam fossione, factoque terræ motu, & infuso succi medicati liquore (qualis juglandium, canabis, & lixivij) foris expelluntur, atque ita à piscatoribus colliguntur. Conducit item hortos (quos miserrimè populantur) nocte intempesta atque illuni tacite intrare, & Vulcani in cornu gestati beneficio coeuntibus obrepere. Sic enim unà nocte millia eorum aliquot intercipi atque occidi possunt. Varij contemptissimi hujus animalculi usus commemorantur: imò vix aliquid simplex tribuit natura, cui contra plures morbos tantæ virtutes. Etenim lumbrici terrestres molliunt, glutinant, dolorem sedant, terrestrique suà & aquaticà simul humiditate temperamentum parti affectæ conciliant. Pulvis lumbricorum ita paratur: Majores lumbricos terræ musco per aliquod tempus volvi finito, quo se glutinoso illo lentore exteriori adhærente liberent. Deinde posteriorem partem, caudam versus, comprimito; ut excrementis ejectis puri reddantur. Tum in vasculum cum vino albo & paucò sale conjicito, ac modicè eos digitis constringendo, primum illud vinum abjicito. Novum affunde, atque post ablutionem vermium, ejus quoque nonnihil auferto. Haud enim totum abjiciendum est (ut quidam volunt) donec omnino clarum evadit; nam lenta & glutinatoria illa facultas unà amitteretur. Hoc modo parati, sensim in furno exiccandi sunt, donec tactu in pulverem teri possint: Tum tritus, cribroque projectus pulvis (odore autem coagulum aut caseum referet) remotius ab igne in vase vitreo servandus. Aliàs præstabit lumbricos dissectos in vino salito enecare, atque illinc mortuos eximere atque purgare. Hic pulvis cum succo calendulæ *Epilepsiam*; cum vino mulso, *Hydropem*; cum vino albo & myrrha Trogloditica, *Isterum*; cum vino mulso, hydromelite, aut vino, *Calculus, ulcus renum, atque vesica* curat. Dantur autem drachmæ pondere. Ex aquæ cyathis tribus internos abscessus rumpunt, ac ad excretionem deducunt, si septem aut novem numero in pulverem fuerint radacti. Sistunt quoque Diarrhæam, sterilitatem abigunt, gravidis secundas retardatas expellunt, Ischiadicum dolorem leniunt, hepar aperiunt, febres tertianas solvunt, omnes intestinorum lumbricos necant atque ejiciunt, ex liquoribus aut decoctis appropriatis. Decoctum item vermium terrestrium ex succo sanguinariæ aut lymphyti bibitum diabeti convenit, præcipuè si unà etiam per clysterem infundatur. Clyster item ex eorum decocto injectus, hæmorrhoidum dolorem mirè tollit. Quidam, ubi sanguinis concreti suspicio est, decoctum lumbricorum magno fructu propinant. Ad aurium vitia vel deplorata, adipe anseris decocti infundantur. Ad dentium dolores in oleo decocti, infusique auriculæ cujus è parte doleat, ut Plinius testatur, præstant levamentum: vel si in contrariam aurem instillentur, ut docet Dioscorides. *Hactenus de Lumbricis intra corpus exhibitis* ex Dioscoridis, Galeni, Actij, Aeginetæ, Myrepsi, Plinij, Vularisque experientiæ testimonio. Exterius item adhibiti, atque triti, vulnera & nervos præcisos glutinant, & septem dierum spatium consolidant; itaque in melle servandos Democritus censet. Cinis cum oleo veteri putrida ulcera expurgat, eorumq; duriores margines, cum pice liquida & Simblio melle (asserente Plinio) absunt: Dioscorides Siculum mel, Simblicum vocari dicit. Quidam Chirurgus jam apud Anglos non incelebris, ex terræ vermibus & melle linimentum parat, quo turundam illitam, & alumine subtilissimè pulverisato conspersam, Fistulæ indit; atque calillum sine dolore excusum extrahit, ulcusque occludit. Cinis eorum *infixæ* item

extrahit; & ex oleo rosaceo impositus *Perniombus* medetur: *Marcellus*.

Difficilis vulnere nervis, (inquit *Serenus*) *Profuertis terra lumbricos tritos*, *Lucis vetus & rancens sociari axungia debet*. *Marcellus* Empiricus cineri lumbricorum atque axungiae Senecionem adjicit, & tenera buxi cacumina cum olibano. Ex his tritis Emplastrum conficit, nervisque præcisis vel dolentibus apponit. Oñibus contractis, horum & sylvestris muris pulveres commixtos, emplastrique formâ cum oleo rosaceo adhibitos, valde conferre docet *Plinius*.

In Equorum tam nervorum quam articularum dolorem sedantibus medicamentis, *Rudius*, *Abfyrus*, *Didymus*, magnum Lumbricorum numerum accumulunt: unde colligit *Cardanus*, ijs omnes dolores posse levâri. *Mundella* contractiones nervorum sanari affirmat, ubi ex oleo chamomelino vermium his prægnante illiti fuerunt. Idem narrat *Marcellus* de melle (uti dicam) lubricato. *Podagra* proculdubio (inquit *Aetius*) in oleo cocti, cum pauca cera, singulari sunt remedio. Idem quoque *Marcellus*; sed etiam aliquando mel admiscet. *Vigo ad juncturarum dolores ex his & ranis Emplastrum* componit, quibus viperarum etiam adipem adjungit.

Ad dolores juncturarum, ℞. Cineris lumbric. ℥iij. olei rosac. vel vulpini. q. s. misce. fiat unguentum. *Aliud præstantissimum*: ℞. medullæ cruris vituli, olei ros. completi & antiqui ℥iij. Lumbricorum mundatorum cum vino & sale ℥ij. bulliant in balneo Mariæ ad mucilaginis consistentiam. Hac cervicem & scapulas & locos dolentes inungito; nam mirè prodest. *Plinius*. Eos cum melle illinit, atque inde malagma confectum imponit *Marcellus*. In membris alicujus extenuatione & atrophia, lumbricos mundatos, in phialam indere oportet optimè lutatam, ne quid expiret, & in clibanum tepidum vel balneum reponere. Inde in lentum quendam humorem resolventur, *Ad paralysis membrorum* expertissimum & mirabile remedium: ℞. cinerum lumbricorum tenerorum lb. iij. Zingib. galang. ana ℥iij. cum melle despumato; incorporentur, & fiat unguentum. Hoc tribus noctibus continuis inunge patientem, ligando fortissimè brachia supra ventrem vel stomachum: tum bene cooperiatur, & à frigore caveat. *Jacobus de Parma*. *Ad canitiem arcendam* oleo huic cineri admixto utuntur mulieres dum caput peccunt, *Plinio* Authore; cui subscribit *Serenus* his versibus,

Lumbrici quoque terrestres miscentur olivo,

Et juvenem præstant redinvivo flore capillam:

Dentium dolori quomodo medentur, antea diximus. Quin porro cinis illitus dentes integros juvat, & putridis injectus facile eos, imò vel molarem cadere cogit: præsertim dente priùs scarificato, & pulvere satis repleto atque asperso. *Aetius*. Gal. 5. sec. loc. idem fere ex Archigine habet. Profunt & cum mori radice in aceto Scyllitico cocti, ita ut colluantur dentes, *Auribus purulentis* cum oleo infusi valde conducunt ex *Galen*i sententia: inflammationes earundem mulcent cum rosaceo cocti. *Aetius*.

Si verò obtusus sensus remoratur in aures,

Lumbricos terra sebumque ex anseris ranco

Excoque: sic veterem possis depellere morbum.

} *Serenus*.

Myrepsus lumbricos cum exigua terræ parte, unde desumpti sunt, terit, subigit, ac illinit ad aures confusas. *Marcellus* terit cum rosaceo, *Cellius* cum oleo olivarum. *Faventinus* in aurium doloribus oleo lumbricorum partes inungit extimas, atque etiam internis ipsum instillat. *Marcellus* porro, non plantata sed sata, impari numero cum lumbricis totidem teri jubet, & in oleo optimo decoqui ad tertias: hoc deinceps oleum auribus inditum, earum primis doloribus, ac hebetudini valde auxiliari proficitur.

Fissuras

Fissuras aurium manuum ac pedum, oleo lubricato curat Abinzoar. Ad antiquum capitis dolorem, ex thure, castoreo, & cum aceto triti applicatiq; præclare conferunt. Galenus ad idem huiusmodi in Euporistis parat remedium. R. vermes terrestres numero 15. grana totidem piperis, aceti, q. s. misce, atque illine. Alind. R. Vermes terrest. muscerdæ, piperis, albi, myrrinæ, ana ʒss. tere ac subige cum aceto, locumq; Hemierania læsum illinito. Myrepus illos vermes impares esse vult, utque sinistrâ tantum manu legantur, superstitiosè injungit. Si vis explorare (inquit Marcellus) utrum tumor in collo apparens, Struma sit necne; lumbricum vivum, nnicuique eorum apponi curato; qui (si struma sit) in terram convertetur lumbricus; sin minns, integer manebit atque illæsus, idem Plinius. Lumbrici terrestres nobile illud Emplastrum Arnoldi (2. Breviarij) ex pelle aretis, & sanguine hominis rufi; Contra rupturam ingrediuntur; coque ad Enterocelen, & epiplocelen sanandum laudat Holleriu. Calculum quoque minuunt, tum intus sumpti, tum in unguento pectini crassius illiti. Gal. Mulierum quod mala attinct, Collo alligati partum retinent, femori contra appositi, eundem & secundas educunt: attrahunt nempe potenter, ubicunque vivi applicantur. Plin. Collectiones mammarum vermes terreni per se impositi curant; nam concoquant, aperiunt, extrahunt, & ad cicatricem perducunt. Alex Bened. Sic Myrepus ex ijs contusis Emplastrum componit. Mammis induratis ac inflammatis, terræ intestina cum malis cotoneis apponito, vel cum polenta; Actius. Si autem post partum mulieribus mammae intumescunt, atque (ut Sereni verbis utar,)

——— Clausas penitus dolor angit acerbis,
Lumbricis terra surgentes unge Corymbos.

Etenim mammarum suppurationes & abscessus concoquant, coctosq; evacuant & persanant. Ad ignem sacrum Indi (narrante Carolo Clusio) ex Lumbricis terrestribus unguentum ita faciunt: R. Lumbricos terra exemptos, eosq; Mazæ folijs vel polline nutrito aliquandiu; ac pingues redditos, in fictili vase (semper despumando) coquito; colatos deinde rursus percoquito ad Emplastri ferè consistentiam, quod rectè paratum lutei erit coloris. Hujus partem aliquam in aqua rosacea stillatitia dissolve, locumq; affectum abluere bis in die. Præstantissimum sane remedium (inquit Clusius) & experientiâ longissima corroboratum. Plinius eos ex aceto idem præstare affirmat: Qui etiam (unâ cum Aetio & Myrepso) mirabile auxilium esse dicit, Lumbricos tritos ac Scorpionum plagæ impositos; nam & dolorem (inquit) confestim sedar, & tumoris malignitatem corrigit.

Oleum Lumbricorum ad varios utile esse morbos nemo non novit: & secundum veteres ita paratur. R. Vermium terrest. lib. ss. olei ros. omphac. l. ij. vini fragrantis albi, ʒij. bulliant in balneo ad vini consumptionem. Hoc nervos relaxatos, & contractos, & stupidos, & dissectos, & infrigidatos curat: omnes fere mitigat dolores, & calculum minuit pectinis Lumborumq; inunctione. Verum in ejus præparatione, quisque suam sequitur sententiam. Quidam enim ante olei additionem, lavant eos & purgant vino albo; quidam omnino nec lavant, nec terram exprimunt, & vinum odoratum potius suadent, ut citius penetret. Alij simplici oleo utuntur, non rosaceo; alij vicissim chamæmelino. Coquendi item varios modos ostendunt. Nam hic in clibano, ille in balneo, alter in fimo rem digerit; & quidam flores chamæmeli & anethi ad dolores mitigandos; quidam hypericonis flores ad vulnera glutinanda; alter limaces, alter cocleas, pro suo quisque animo admiscet. Aquam quoque mirabilem ex Lumbricis parat Bartapallæ author, fol. 254. in vulneribus morbisq; externis & internis plurimis perutilem. Ad Lum-

bricos Equorum ac boum, Lumbricos terrestres vivos naribus infundit Pelagonius, quamvis cornu eos in stomachum transferre longè præstaret. Cineres Lumbricorum tritos cum carne calida accipitri dare Tardus præcipit, cum alvum exonerare nequeunt. Sunt item cibo Talpis, iisque fodientibus mira festinatione erumpunt e terra. Sues (ut Varro scribit) limum turbant, terramque rostro effodiunt, ut ijs vescantur. Albertus bufones, Bellonius Lacertos, Tarentinus paguros marinos; experientia ranas, anguillas, fundulos, Cyprinos, rochas, truttas, darcas & tineas, Lumbricos avidissimè devorare satis testantur; quoque Aristotelis, avis species, Vannellus à quibusdam dicta, nec non gallinæ, & tota cornicum natio ijs vescuntur. Parum illi autem prudentes piscatores, qui Lumbricos succis medicatis exire cogunt; quippe amarulentiores factos pisces respuunt; contra vero, si per diem integrum in farina triticea cum paucis melle jacuerint, & tunc hamis affigantur, vel ipsa quidem ambrosia magis sapiunt. Nec contemnendam quoque utilitatem ex ijs capere possumus, eo quod pluvias imminentes nobis præfagiunt, subita e terra eruptione. Si autem pridiana vespere latuerint, crastinam serenitatem promittunt. Quidam ferrum ad chalybis duritiem fingunt hoc modo. R. Vermium terrest. partes duas, rad. raphani partem unam; contundantur, & alembico destilletur aqua: vel accipe aquæ Lumbricorum stillatitiæ, lb. iij. succi raphani l. j. misce: ferrum sæpius hac aqua extinctum in eadem maneat per decem dies, ac valde indurescet. *Alind.* v. Lumbr. terrest. l. ij. succi raphani l. j. destillentur in alembico lento igne: & in hac aquâ destillata tempera ferrum. Item; Acedulæ, cicutæ fatidæ, & Aristolochiæ rot. succus pari mensurâ extrahatur, & in illo chalybs multoties distemperetur. Succus quoque Cyclaminis idem præstare creditur; autore magistro Fakenham Medico insigni. *Alind.* R. Sanguinis hirci, cui adde parum salis communis; olla vitreata & bene lutata sepeliantur in terra per dies 30. Tum sanguinem in balneo destilla, & liquorem destillatum aquæ Lumbricorum adjungito pari mensura. *Alind.* R. aquæ Lumbricorum, raporum, radicum malorum arborum, ana; separatim destillatarum æquam mensuram misce, ac ferrum in ea aqua extinguito, ut dictum est. *Anonymus Gallus.*

CAP. XXX.

De Animalium Lumbricis.

Nomen.

Lumbricos à lumbis dictos putat Isidorus. Nam & Lumbos ventrem appellant veteres, & *zapidas* apud Hesichium & Suidam, *Lumbricis laborantes*, quidam interpretantur. Sed rectius à Lumbricis terrestribus quos naturâ & formâ referunt, nomen sumptum. Cornelius Celsus eos vermes, Plinius Interraneorum animalia vocat. Apud Græcos *ἀλμυρδαι*, *λίμυρδαι*, *ἐλμυρ*, *ἐλμυρδαι*, *δελμοί*, & (cum ad magnitudinem non vulgarem pervenerint) *θύρια* dicuntur, ut ex Eliano apparet, lib. 9. cap. 33. Advertendum est differentiam esse apud scriptores latinos, inter vermes & vermina, seu verminationem: quia vermes propriè sunt animalia; vermina autem & verminationes dicuntur tormina intestinorum; quemadmodum præter Celsum, Serenum, Plinium, Seneca Epistola 97. testatur. Verùm Arabes *Emicar*, Sylvaticus *Elingen*, Germani *Spulwurm*, *Bauchwurm*, Angli *Gutt-worm*, Illyrici *Sskrkawka*, vocabulo difficilis pronunciationis vocitant. Est autem Lumbricus animal insectum, depes, in corpore animalium natum, variè lædens operationes. Dixi Animal, ut Lumbricos

Descriptio.

bricos illos latos *Tanias* dictos excluderem, qui licet substantia sunt adnata intestinis, & animalis formam repræsentant: non propriè tamen pro animalibus haberi possunt; ut Hippocr. 1. de morbis rectè affirmat: dixi *Insectum*, tum quia annuloso sunt corpore, tum quia veteres inter serpentes illos non numerant, nec classe aliqua peculiari hactenus donarunt. Dixi *Depes*, ut à pedibus vermibus distinguerem, Dixi *in corpore animalium natum*, quia non solum in intestinis gignuntur, sed etiam in singulis partibus carnis; imò in corde ipso, ut in historia patebit. Neque homines duntaxat ijs vexantur, sed & equi, boves, vituli, canes, porci, accipitres, atque totum animalium perfectorum genus. Dixi, *Varie ladens actiones*, quoniam ab ijs dolores, tabes, convulsiones, epilepsiæ, phrenitides, variaque alia mala sequuntur; præsertim si vel magni substantia vel numero plures excreverint. Sunt autem isti omnes Lumbrici vel in viventibus membris nati, vel in mortuis. Viventium vermes triplices videntur; *σχινοειδεις*, *σπειραιοειδεις*, quos Latini Teretes, Cucurbitinos, & Moritores jure appellant: quales in intestinis animalium sæpe nascuntur. Neque ibi solum, sed etiam in alijs vasis atque visceribus: quâ de re apud veteres scriptores maximam controversiam invenio. Nam Gal. 1. de loc. aff. cap. 5. certos morbos, certis partibus alligat; ut Lumbricos intestinis, calculum renibus & vesicæ. Verùm ipse cum plurimis alijs Academicis vidi calculum instar ovi columbini, per alvum excretum Cantabrigiæ à Doctore *Larkino*, Regio medicinæ ibidem professore, qui dolore coli & Atrophia diu afflictus, calculum quâ dixi, forma & magnitudine, ceu molestissimum ani partum, tandem eiebat. Idem Montuus & Benivennius se vidisse, scripto affirmant. Quinetiam uno clystere Nobilis Leonardi femine lætissima injecto, triginta quinque calculos, à Mespili seminibus non abludentes, uno tempore (anno 1583.) eduxi. Pedemontani, Arculani, Guainerij, Tralliani, Benivennij & Montui fides multi in dubium vocat, quod (præter Galeni sententiam) in capite, pulmonibus, venis majoribus, folliculo bilis, sub lingua, in juncturis, alvo, calculos se non semel conspicatos esse literis prodiderunt. Cæterùm cum experientia quotidiana istos purgat mendacij, Græcum Græca fide dixisse, hos autem rem verissimam narrasse confiteri debemus.

Memnisse sane potuit Galenus, Hippocratem epld. 5. sect. 12. non tementè affirmasse, Ex mulieris utero manibus obstetricis expressum esse lapidem asperum, magnitudine verticilli fusi. Quæ sanè præmittere visum est, ne dum Lumbricos cunctis penè partibus innasci, ex aliorum fide, nostrisque oculis, asseveramus: aut rem novam, aut falsam dixisse existimemur. In Hemicranix vehementissimo dolore raro apparent vermes; aliquando tamen id fieri docet Hollerius lib. 1. cap. 1. Morbum hunc Poloni *Stowny robak*; Germani *Hauptwurm* appellant; fuitque olim in Germania & Hungaria frequens, atque omnes eo correpti in phrenesin vel maniam inciderant; mortuisque dissecto cerebro, vermiculus inventus est. Tunc medici allium cum vino sublimato exhibuerant, semel aut bis in die, quod quicumque biberant, convulnerant; alij vero omnes perierant. Philippus Shotus quinque famulos suos eo morbo affectos ita curavit; ut quidam in Epistola ad Gesnerum scripsit. Vermes in cerebro sæpius conspici, Thomas à Vega, com. in cap. 5. lib. de loc. aff. Galeni, & Balthasar Conradinus cap. 10. de febre Hungarica testantur. Cornelius quoque Gemma in appendice operis Cosmocrit. de Hæmitritæ pestilentiali differens, mulierem in civitate quadam Mosæ fluvio adjacente, vehementissimo & diuturno capitis dolore correptam memorat; quâ postea expirante, cerebrum dissectum fuit, atque inibi maxima putredinis vis vermiumque copia reperta. Dignoscitur ista affectio, aut

thore Rhase, ex corrosione proræ capitis interna, doloreque vehementissimo, & ferè ad infaniam ducente. Curatur per sternutationes, & succos vermes necantes naribus injectos, Rhafis, lib. 1. cap. 9. Qui vero quotannis in cervorum, & aliquando caprarum, ovium & arietum (præcipue pinguium) cerebro inveniuntur vermes; venatoribus, & lanionibus notiores, quam ut à me describi debeant. Sunt autem Eulus maximis (Alexandro Benedicto, & Matthiolo referentibus) æquales, ejusdemque cum illis formæ. Horum quoque Theophrastus meminit, Hist. lib. cap. 53. & Alexander Trallianus, lib. 1. cap. 15. Ferunt Democratem Atheniensem in adolescentia morbo Comitiali laborantem, oraculum Apollinis consuluisse, Pythiamque respondisse his verbis.

μήν ἀνέχμεν κατὰς ποικίλους, ἑλλὰς
μηδὲ ἀρχοῦσι δὲς περὶ βαλὲ μάλα,
ἐρυσὶν πολυπλάκων ὑψίτην ἀπὸ κήρης.

id est, *Longum de grege tolle capelle vertice vermem*
Ruris amatricis, & ovis de tergo circum
Multivago vermis pecoris de fronte revulso.

Quo responso nonnihil anxius redditus adolescens, Theognostum Democratum adiit nonagesimum octavum jam agentem; qui oraculi sensum explicaret. Huic Theognostus, nihil planius dici posse memorat. Se enim longa experientia in caprarum oviumque capitibus vermes vidisse, qui pelle nigra ovis involuti colloque appensi, morbum Comitiale mirè tollerent. Scribunt quidam (teste Plinio) Eulas duas in capite Phalangij lanuginosi reperiri, qui vermes cervina pelle inclusi, & ante Solis ortum mulieribus alligati, conceptum prohibent. *De abdominis vermibus*; Fæmina quædam mihi notissima (inquit Pennius,) se vidisse retulit quosdam teretes ex ventre per umbilicum non semel tantum prodeuntes.

Aures item vermium sepe locum esse statuunt Antiqui, contra quos hujusmodi remedia proposuerunt: R. radices cucum. Asini succum, & succi salviæ nobilis, sive latifoliæ, tantundem, misce, & auribus infunde; Gal. lib. 3. sec. loc. ubi Andromachi auricularias compositiones numerans, hanc Pritandis & Harpali valde cõmendat. R. Opij ob. ij. myrrhæ, nardi, croci, ana ob. iij. æris usti, ob. v. aluminis scissi & rotundi, ana, 3 i. veratri nigri ʒij. excipe passio vel rosaceo, & auribus applica. Lib. Eupor. secundo, locustam aurium vermes necare scribit & pomum odoratum ferè perforatum auri adhiberi jubet, quoniam exhibit vermis odoris dulcedine illectus. Plinius Cyperi radicem in aqua coctam valde laudat, & urinam pueri impubis, & succum canabris, rutæ, rubi, & capparidis fructus, infusum. Varia denique remedia ex Columella, Vegetio, Marcello Empyrico, Tralliano, Vigone, Tardino, & Arabum familia depromere possitis, quibus hic supersedere visum est, & ad alia transire. Monardus cuidam narium Polypo laboranti succum Tabaci injici curavit: quo perpurgado ulcere, vermiculos multos ejecit: gignuntur ergo etiam in naribus (invitis Gabucini argumentis) nonduntaxat ex alijs partibus ejiciuntur. Sub lingua lumbricos nasci bubulci narrant, & canis Lytta (cujus vermis gestationem, rabidi canis morsum arcere tradit Plinius) satis convincit; imò sub linguis hominum eos se vidisse prodit Valescus. Petrus ipsum & pulmones à lumbricis tutos non esse, multorum experientia satis constat. Testor Antonium Benevannium, Benedictum Renium, Mundellam, & Antonium Siculum; qui eos non excreatione aut vomitu, sed tussi ejectos viderant. Scribit etiam Alfaravius, capite de tussi; fieri aliquando tussim ex animalculis in cannis pulmonum & cavitare pectoris generatis; quæ muscilionibus haud majora cum sint, tamen ubi de loco in locum migrant, tussis

tussis oritur, sicuti quiescentibus vicissim ipsis, sedatur. Horum quoque mentionem facit Abynzoar Abhomeron. lib. 1. tract. 11. cap. 3. affirmans antiquos Medicos idem vidisse & scripsisse. In jecore & liene, Albertus & Gentilis; in fellis vesicula vermes Platerus vidit. Quare utcumque Galenus, vel Avicenna, ex perpeti pulmonum motu, cordis vicinitate, aliisque frivolis argumentis hoc convellere statuunt, tamen sensibus cedere debere rationem (physicis præsertim in rebus,) nemo non dixerit. Nobilis quædam mulier Fanensis (inquit Hyeronimus Gabucinus, commentario de Lumbricis, cui magnam hujus historiæ pacem debemus) quum stomacho gravissimè diuque laboraret, durioris tandem pituitæ globum ejecit; quo dissecto, veluti carnis frustum comparuit, in quo vermis; mulier convaleuit, quam beneficio affectam vicini putarant. *De Vermibus Renum & vesicæ:* Putrescentibus renibus aut vesicæ musculo, vermiculi sæpè ejiciuntur, de quibus has ex Pennio historias exscribere placuit. Fæmina triginta sex annos nata, ab apostemate renum vehementer doluit atque intabuit: tandem vermiculos ejecit, digitum transversum longos, quos in hypostasi urinæ primus repperi, anno 1582. Randolphus Medicus Londinensis, eruditus & pius, cum nephritici cujusdam cadaver dissectum intueretur, in morbo rene altero, rugoso illo quidem & putrido, vermem justæ longitudinis invenit. Timotheus Brightus, peritus sanè Medicus, & cui ob Historiæ Ecclesiasticæ epitomen multum debemus, studiosum quendam Academicum, dum Cantabrigiæ degeret, Vermem sesquiunciam longum eminxisse vidit: erat autem non depes Eularum more, sed & multis pedibus & citissimis donatus. Aloysius Mundella, Medicin. Dialogo 4. Argenterius cap. de vesic. morb. Rundolierius libro de dign. morb. cap. 17. Scoliaſtes Hollerij lib. de morb. int. cap. de vesic. affec. (ut Levinum, Cardanum, & propriam meam experientiam taceam) satis testantur, Hujusmodi quoque animalcula vesicæ innasci. Ex utero vermes Ascaridibus similes prodijisse non nos soli Francofurti in Germana muliere, anno 80. vidimus, sed Aloysius idem Epistola ad Gesnerum; & Hippoc. 2. de m. mulier, & Avenzoar lib. 1. tract. 2. confirmant. Kiranides in mulæ matrice vermem reperiri scribit, qui alligatus mulieri, sterilem reddat. In India regionibusque supra Ægyptum animantes quædam vivæ Lumbricorum formam præferentes (Dracontia vulgò) in brachijs, curibus, suris, atque alijs musculosis partibus consistunt, in puerulis item in latebris cœcunt sub cute, aperteque moventur: deinde ubi perennarint diutius, in extremitate aliqua Dracontij locus suppuratur, & aperta cute foras progreditur Dracontij caput. Paulus, lib. 4. cap. 59. Soranus concedit quidem id, sed animalia esse dubitat. Oriuntur quoque in sanguine ipso animalia lumbriciformia, exesura corpus, veluti scribit Plinius, Hist. 26. cap. 13. Plutarchus, 8. Symposi. q. scribit, Ephebum quendam Atheniensem lumbricos una cum semine rejecisse. Ex inguinibus & naribus Ægineta proijisse vidit, ut lib. 4. testatur, cui Benivennius, cap. centesimo subscribit.

Nascuntur item sub ungulis ovium (teste Columella;) quales etiam nos vidimus sub ungibus panaritio laborantium. *Atque de viventium corporum Lumbricis hætenus.* Qui vero in mortuis putridisve membris (sive id morbi, sive Chirurgiæ vitio contigit) nascuntur, Latino nomine carentes, Græcis *Polia* dicuntur; ut ex Hippocrate apparet: Angli *Maggots* appellant. Cælius Eulas Latinè etiam dici voluit, mutuata à Græcis nomenclatura. De his ordine decemus. Primum autem de Lumbricis Intestinorum, quorum descriptiones, Causæ, signa, symptomata, curationesque explicatæ, multum cæterorum historiæ lucis afferent.

Memento cogitare Regine Murch, qui per mare S. Colopendram rejecit, &c. Mr. Crane.

Vide de cæca Medea.

CAP. XXXI.

De Lumbricorum Intestinatorum descriptione.

Lumbricorum qui in intestinis procreantur tria esse genera, supra fuit commonstratum: quid autem eorum quodque sit, operæ pretium fuerit explicare. *τερητες* sive Teretes, lumbrici primam constituunt differentiam, eamque omnibus perspicuam, quod sanè alijs frequentiores sunt: ita nuncupati, quod revera teretes atque rotundi appareant, non absimiles vermibus, qui in fetunticetis nascuntur, quos Græcos *γῆς ἕρμες* id est, terræ intestina dixisse, antea memoravimus. His, ut cuique; vermium generi, nulli sunt oculi, & longitudo palmaris, vel paulo maior. Tamen Benivennius cap. 2. Fabrum quandam unà cum crassiore pituita lumbricum teretem vomitu expulisse affirmat, longitudine ferè sesquipedali, satis planum, rubro capite, levi, & pisi magnitudinem non excedente: cæterum illi corpus lanugine quadam confectum, cauda item lunata. Romæ item anno 1543. quidam ætate jam ingravescente constitutus, quum multis diebus (historiam Gabucini narrat) maximis torminibus discrucietur, lumbricum tandem aluo deposuit nigrum, pilisque refertum, longitudine pedum quinque, magnitudine qualis est arundo. Vidit etiam qui palmæ longitudinem non excederet, rotundis omnino persimilem, nisi quod dorsum habebat lanuginosum, & pilis rubris veluti confutum: quo idoneis medicamentis evacuato incolumis quidam juvenis evasit. Canonicus quidam Antonianus (Hieronymo Montuo asserente) viridem lumbricum ejecit, sed brevi tempore à propulsa fera diem obijt. Maximam tamen partem leves sunt, non hirti; palmares non pedales; utraque extremitate mucronatâ & veluti rostratâ. Eatenus etiam à terrestribus differunt, quod nec torquem nec cingulum ullum gestant. Colores quod atinet, vidimus nonnullos, rubros, flavos, nigros, & ex parte albos vel fulvos. Virides rariùs se obijciunt, verùm & tales viderat Montuus. *Σκωρδῆς* dicuntur vermes illi palpitantes, & cucurbitæ semina repræsentantes, de quibus inter Gabucinum & Mercurialem magna lis. Etenim ille cum de lato lumbrico infinitis Cucurbitinis pelliculâ interclusis constante agit, sic loquitur: Ego *το* (inquit) nihil aliud latum lumbricum esse existimo, quam secundùm Hippocratem, veluti abrasionem intestinatorum albam, tota complectentem intestina, intra quam cucurbitæ semini similes animantes procreantur: quæ tunc excerni videatur, quum illa tota excernitur; frequenter autem per partes: quæ si in excretionem frangantur, tum licet intueri illos lumbricos cucumeris semini simillimos seorsim excretos; interdum plures simul complicatos, interdum pauciores. Siquis vero totam illam portionem viderit, sciat non abrasionem illam æniformem, sed cucumeri similes animantes intra ipsam, vivere. Hunc ego lumbricum, latum dictum, miræ olim longitudinis palpitantem conspexi, & motu sese locali commoventem, quem mulier quædam in febre quotidiana egeffit: quumque illum summopere suspicerem, ejusque motus causam vestigare, ecce tibi alter paucis ab illis diebus, qui lati lumbrici portionem effatu dignam excrevisse dixit, quam veluti miram nobis ostensurus, incredibili sui cum desiderio monstravit. Hæc autem portio sese commovebat, quo factum est, ut avidius motus ipsius causam perquirerem. Diligentissimè tandem examinans, per ejus totam cavitatem cucumeris similium animantium seriem conspexi, quæ ex ea veluti è quodam lectulo prodibant interdum unum, interdum duo simul complicata; plerumque quatuor, pluresque: atque eam abrasionis partem, quæ vacua ab hu-

jussimodi

jusmodi cucurbitionis animalculis erat, nullo pacto moveri, imo subsidere. Quo factum est, ut latum lumbricum nil aliud esse existimem, ac mucos inter intestina genitos, vel mucosam pituitam intestinorum frigiditate addensatam lorice modo intestina introrsum ambientem, quam mulieres assidentes lectulum lumbricorum vocant. Ex qua mucosa materia cucurbitæ similes animantes, conceptus more producuntur, qui à secunda nuncupata membrana intra uterum primum è semine genita, undiquaque contegitur. *Hæc Gabucinus.* Cujus sententiæ suffragatur Avicennas Fen. 16. tract. 5. cap. 2. his verbis: Cucurbitini & lati lumbrici progignuntur ex ipsis viscositatibus fixis in superficie intestinorum, quas comprehendit panniculus mucosus velans eas, quasi ipsi generentur ex eo, & in eo putrescant. Idem & clarius Antonius Benivennus Florentinus in Com. de mirandis morb. causis, cap. 87. testatur: qui in Avinonis thermis, quæ sunt in agro Senensi, mulierem vidisse scribit continuis septem diebus aquæ potâ complures cucurbitinos ejicientem: qui usque adeo inter sese dum alter alteri mordicus inhærebat, jungebantur, ut cum sua ipsi serie quatuor cubitorum longitudinem excederent, unum tamen corpus, unum duntaxat lumbricum existimares. Ioannes Bibliopegus Basilienis dum in ea Academia sub Zuïngero Plateroque præceptoribus, anno 1579. medicinæ incumberem) ejusmodi latum lumbricum decem ulnas longum deiecit, sine omni doloris sensu, & non multis antè annis similem quoque excreverat. Constabat autem ex multis Cucurbitinis: absque quibus fuisset, expers motus, sensusque, ex animalium numero jure esset exclusus. Platerus talem lumbricum exiccatum habet octodecim ulnarum longitudine, quem ego vidi. Lumbricum scribit Plinius ab ægro rejectum ad longitudinem trecentorum pedum. Quare quicquid Mercurialis contrà objicit lib. 3. de morb. puer. cap. 7. approbante rem ipsam experientiâ, fundamento caret. *Verum dicit,* Fieri non posse, ut animal aliquod tot fætus edat, quot apparent seminibus Cucurbitæ similes. Deinde; Nequaquam locum intestinorum capacem esse tot fætuum. Tertio; Fieri id violenti exitus figuratione, quia inter exeundum contractus, in ea minima segmenta cucurbitina dividitur. Atque hinc potest colligi, nugæ esse quas comminiscuntur Arabes de lumbricis cucurbitinis, quandoquidem nulli sunt tales. Quid audio doctissime Hieronyme? Te canis constitum, longa experientiâ instructum, propriæ imaginationi ita applaudere, ut rem sensibus obviâ, nostris, Gabucini, Benevenij, Arabumque oculis manifestam, negare ausis? Eia; Nullum animal tot fætus edat cucurbitinos? quidni, obsecro? quum una puella, sumpto ad lumbricos necandos medicamento, septuaginta (teste Gabucino) ac septem teretes supra centum deiecerit? ut omittam quæ de horum admirandâ multitudine Benevenius vir probatæ fidei (cap. 85.) commemorat. Quod vero loci in capacitatem obtrudis, id si pro argumento objicis, lepidè erras.

Etenim intestina non solum quot sunt in cucurbita, sed ipsam quoque cucurbitam præparatam suscipiant. Ludis autem non la dis Avicennam & Arabes ultima objectione: quandoquidem in dissectis cadaveribus cucurbitini vermes tænia involuti conspecti fuerunt, non igitur ex ani violenta expulsiõne, vel modo excretionis, cucurbitinam formam assumpserint; ut tu vel malitiosè fingis, vel potiùs imperitè credis. Concludo igitur cum Gabucino, Cucurbitinos & esse lumbricos, & latum lumbricum tæniam dictum, non revera esse lumbricum, imo ne animal quidam; sed *ὄντιον περί τῆς τῆς ἐύστιας λευκῆς*, ut Hippocrates vocat, hujusmodi Cucurbitinis lorice positis repletum. Ascarides *ἀσκαρίδων* nomen obtinent: quoniam ijs affectos mordicatione & pruritu valde exercent. Alij ab *ἀσκαρίζω, Moveo*, derivant. Iumentarij veteribus dicebantur, quia rarius in hominibus, sæpiùs autem in equis, canibus, galinaceis,

curbitinos, ascaridas, omnisque generis Lumbricos, imò optima tepidissima: que terra ijs abundat: tantum abest, ut ex crudis corruptisque tantum humoribus originem ducant. Nonne etiam ab hominibus sanis atque valentulis Lumbricos dejectos quotidie videmus? Equidem novi Francofurti ad Moenum Flandram quandam, quæ ab ineunte ætate ad quadragesimum usque annum Teretes diurnè aliquot eiecit, citra salutis dispendium: neque unquam ab ijs melle habuit. Concludimus igitur ex omni corporis humore crudulculo nasci posse Lumbricos; non solum ex pituita minus concocta vel corrupta. Formalis causa à calore pendet interno, blando, imiti, benigno, animante & vivifico: in quo illa fictrix Caleodea Naturæ vis (utor Avicennæ verbo) ignis secreti gradibus colores illinit, formamque latam cucurbitinam, (& aliquando lacerti, bufonis, bruci, crucæ, anguis, anguilla, ut in historiis legimus;) ludens superinducit. Hæc gustum tactumque & motum subministrat: hæc illam sugendi vim, qua succos intestinis illapsos avidè atque validè prolestant. Absque isto fuisset, calor alter ille ^{participans} materiam forte putrefactione alteratam disponderet; nunquam autem animalis ei formam & schemata conferret. Non enim quia intestinata teretia, Teretes propterea Lumbrici procreantur, ut quidam somniant: sed externa forma ab interna pendet, spiritusque de animæ ipsius sinu depromptus, sine calore aut fabro species effingit. Qui spiritus, efficiens causa mediata est; Deus autem ipse ^{artus ubi} hic rebusque alijs habendus: in quo, ut nos, ita Lumbrici, movent, sunt, atque sentiunt.

Finalis causa usum monstrat: qui Dei omnipotentiam & Naturæ Majestatem, cum utriusque singularem in homines providentiam curamque declarat. Colliguntur quippe in nobis putridæ superflue & excrementiæ nonnullæ partes, quas benignior naturæ manus in Lumbricos vertens, corpora depurat; quemadmodum pediculis à longo morbo scaterere, inter bonæ valetudinis signa habemus: absument item multas in hominum corporibus humiditates, & nisi certum numerum transierint (tunc enim alimentares depascunt succos) intestinis maximo sunt commodo. Tantum abest, ut per se inter morbos, vel causas morborum à Medicis censerì debeant.* Inter concausas, locum tantum & Regionem refero. Nam licet pueris magis quam adultis, feminis quam viris, pestilenti tempestate quam salubri, autumnino quam Vere; malæ quam exactæ diætæ hominibus frequentius accendant; tamen unamquamque ætatem, sexum, conditionem, tempestatem, diætam, comitantur; ne aliquis ab ijs fuerit tali privilegio immunis. Locis duntaxat & Regionibus immunitas quædam conceditur, pro quorum naturâ, in his multi, in illis nulli vermes nascuntur. Siquidem Lumbrici non omnes intestinorum partem quantumque occupant; sed Teretes duntaxat in gracilibus; Ascarides in longaone tantum; Cucurbitini in omnibus soli procreantur. Sunt item Theophrasto, Plinioque testibus (lib. hist. pl. 9. cap. 2. lib. nat. hist. 27. cap. 13.) gentium & Regionum differentiæ non mediocres: nam lati, seu Cucurbitini Lumbrici, Ægypti, Arabiæ, Syriæ, ac Ciliciæ populis familiares: è diverso, Thraciæ, Phrygiæ incolis ignoti; imò quum eodem confinio Boeotij cum Atheniensibus copulerentur, illi frequentissime laborant Lumbricis, hi quasi privilegio donati eos non sentiunt. Quæ sanè ille solus mirabitur, aut cum figmentis ponet, qui terrarum naturas pro situ syderum, ventorum natura, ac glebæ ipsius conditione variari nescit. Amnis (referente Aristotele lib. de nat. anim. cap. 28.) in Cephalenia insulam dirimit, cujus circa alterum latus est Cicadarum copia, ultra alterum nullæ. In Prodofelenâ via interjacet, cuius ex una parte Cartus gignitur, in altera gigni non potest. Terræ Boeotiæ in Orchomenio lacu talpæ habentur multæ; at in Lebadio vicino, nullæ sunt; neque

neque aliunde portatæ terram confodiunt. In Ithaca insula lepores vivere nequeunt, nec in Sicilia formicæ equestres, nec in Cyrenensi agro ranæ vocales; nec in Hibernia (ut novimus) aliquod venenatum genus: cuius rei argumentum solus is dixerit, qui sine basi terram medio cælo suspendit. Neque enim mihi ille oculus, quo hoc videam; nec animus ut intellectu majora unquam affectem. — *Vos isthoc Delia proles,*

Quæ solium sedemq. Iovis scandisse libido est.

CAP. XXXIII.

De Signis & curatione Lumbricorum ex Gabucino.



*L*umbricorum igitur notas, ab ijs qui Teretes vocantur exorfi, dicamus; tum quia frequentius hi pueros vexant, tum quod sæviora inferunt symptomata; de quibus Paulus hoc pacto scribit. Sequitur autem eos qui Teretes Lumbricos continent, ventris & intestinorum morsus; tussis cum exigua satietate irritans & molesta; nonnullos singultus comitatur: alij dormientes saliant, & absque ratione expergiscuntur; aliqui clamitando surgunt, ac rursus sopiuntur; artiarum curtus inæquales; febres absque ordine, quæ cum extremorum perfrictione tertiam, interim quartam die vel nocte accessionem sine ratione habet. Pueri supervacuè mandunt, & linguam exerunt; dentibus strident, connivent oculis, taciturnitatem diligunt, excitantibus irascuntur: malæ per exigua intervalla modò rubent; modò livent: si vero ad ventriculum procurrunt, nauseam, morsus, & inappetentiam faciunt; & si cibum capere ægotantes coguntur, vix deglutiunt; & si quid accipere, revomunt: multas quoque venter ciborum corruptiones excernit, & instar tympani inflatur: reliquum corpus non ex ratione macrescit, neque esurie, neque evacuatione modica suborta. Hæc autem eveniunt, dum animalia per intestina serpunt roduntque: febris autem calor vapores sursum cerebro pravos transmittit, ex putrida in ventriculo collecta humiditate exhalantes. Hæc Paulus. Actius vero in hunc modum, ex Herodoto: Cæterum (inquit) hoc malo affectos incredibilis morsus stomachi ac ventris comitatur, tussiculæque tenuissimæ ac frequenter irritantes, quum tamen nihil rejiciatur; in somno tremunt, & præter naturam exurgunt: quidam vero & linguam foras exerunt, oculosque claudunt, ac taciturni sunt, excitantesque moleste ferunt, ob imbecillitatem vigilare nequeunt. Quidam autem oculos sanguine suffusos habent, & pulsum inæqualem, obscurum, deficientem, ac recurrentem: quibusdam etiam appetitus dejectio accidit: Pueris insuper dum dormiunt, manducatio liquæ; cui accedit conformatio oris in modum lactentium, ac cibum accipientium: verum hæc paucò tempore, & per intervalla fiunt. Aliqui verò infantes præter rationem & cum clamore exurgunt, citroque rursus collabuntur. Aliqui etiam dentibus strident: quod contingere verisimile est animantibus cibum attrahentibus, mordentibusque ventrem ac intestina. Iam verò & ad stomachum quosdam processisse constat, nausearumque ac morsuum causas fuisse. Sæpe etiam per sese sursum rejectantur; aliquando vero cum pituitoso quopiam humore. Quidam etiam infantes neglecti motu destituuntur, ac refrigerantur; atque instar eorum qui animo linquuntur, tenuem quandam ac frigidum humorem exudant, & ut plurimum livescunt. Contingit autem aliquando faciem fieri rubicundam, maxime circa malas; verum color hic rursus in pallorem solito majorem transit. Alij autem instar delirantium peregrina verba loquuntur in somnis; alij

alij decubitus transmutant, continuè dormientes, angoreque vexantur, atque ex loco ad locum sese vicissim projectant: verum paucos omnino ex his plorare constat; plerique enim in mentis inopia ac taciturnitate degunt. Porro qui a Lumbricis rotundis infestantur, etiam cibum averfantur; & si quid acceperint, revomunt, aut nauseabundi vix deglutire possunt: febres enim in eos cum vehementi extremarum partium refrigeratione irruunt. Quibusdam autem venter ad tympani modum inflatur. Hæc Aetius. Quas vero ex Hippocratis sententia notas recenset, hæc sunt. Lumbrici circa alvum his signis deprehenduntur. Si somnolenti sunt, non permittente morbo; & extremæ partes frigida, & cordis morsus; urinæ conturbata; & lingua humectatur. Item qui animantibus in ventriculo abundant, sputo replentur: & si tenuis quispiam prodierit Lumbriculus, amplius non spuant. Quicumque igitur in ore ventriculi Lumbricos habent, ferè in totum ipsos vomitu rejectant; quibus vero in intestinis existunt, ipsos infernè excernunt. Omnes autem nauseabundi sunt, vomuntque quæcunque acceperunt. His qui punguntur similes sunt, totoque corpore contrahuntur, ac repentinè acervatimque moventur; & tormina accidunt interaneorumque dolores. Evaporationes ad caput delatae, vertigines inducunt. Quin & victus ratio, quæ præcessit, ostendit tibi Lumbricorum generationem, & reliqua. Hæc igitur sunt Tercium Lubricorum notæ; quæ tamen non in omnibus sunt omnes querendæ (veluti inquit Paulus:) sed quædam ac potiores. Poterant & multa ex neotericis huc conferri, nisi quæ dicunt, ab ijs omnia & magis ab Avicenna desumpsissent.

Latarum tæniarum notas has Paulus scribit. Abundant interdum in non febricitantibus, interdum febricitantibus, in longis morbis superveniunt, morsus stomacho inferentes, appetitumque ad cibos intemperatum. Escam etenim ita devorant, ut aliâ opus sit: quæ nisi præsto adsit, morsus inferunt vehementes: tenuitas corporis cum imbecillitate, quædamque inæqualitate contingit. Infallacissimum vero indicium est, quod cum alui excrementis corpuscula quædam cucurbitæ seminibus similia excernuntur. Hæc Paulus: à quo non dissentit Aetius, nisi quod quos ventriculo inferunt morsus, dicit esse continuos, atque appetitum ad escam inexplibilem: & quod cibi assumpti celeriter in excrementa commutantur. Consequitur affectus corporis imbecillitas cum tarditate, assiduusque famis sensus: quod enim vivificatum est in intestinis, ubi recens exhibitum cibum consumpsit, postea ipsa solida corpora arrodit. Minimè vero fallax signum erit, si cum excrementis quædam cucurbitæ semini similia excernuntur. Quas verò Hippocrates notas recenset, hæc sunt. Scribit enim ad hunc modum. Species autem alia hujus est, quæ veluti ramenta alba intestinorum exit, quæ has notas habet. Nam veluti cucumeris semen dejicit, quumque jejunos est, jecur petit, vexatque, spuitque multum: quandoque non: quandoque cum vehementer jecur vexat, vocem intercipit, multumque spuit, postea sistitur: & intestinorum maximus interdum dolor innascitur, quandoque scapulæ dolent; illicque sistitur: quandoque hæc latæ tæniæ signa dantur. Qui hanc bestiolam habet, semper ferè validus est, cum verò debilitatur; vix sustinet, reficitur. Tænia enim earum rerum quæ ventriculum intrant, partem aliquam sumit: qui si curatur, sanescit; sin minus, tænia quidem sponte non exit, nec perimit, sed consenscit, & quæ sequuntur. Ascarides vero imâ aluo, circa quam consistere diximus, vehementem pruritus inferunt ferè semper, veluti Paulus & Aetius scripsere; & animæ quandoque, uti ferunt, defectionem. Id enim nominis notatio indicat: assidue enim commoti, animal continuo excitulant, & exercent. Qui ab his cruciantur, præcordiorum gravitatem, ac dorsum sentiscunt. Horum notæ ex excrementorum potissimum graveolentia

Latarum signa.

Ascarides.

Prognostica.

tia sumuntur. Qui Lumbricis tentantur, ijs initio oculi translucent statim, genæ livescunt, noctu frigido sudore profuunt, ora pallent, saliant in somno: die febris magis accenditur, lingua labiaque arefiunt, oris fætor plurimum adest, facies pallet, nausæ crebrique vomitus adsunt, cibos averiantur, dentibus strident, nocte præsertim; linguam exerunt (nam & commanducare videntur:) expergescentibus irascuntur; aliena verba loquuntur, lethargi interdum fiunt, præterquam quod paleas colligunt, capitisque dolorem patiuntur: in somno clamant; increlcente morbo cor supra modum palpitatur, vox interfecatur, arteriarum pulsus imbecilles fiunt: quandoque supremo cruciatu distensionibus comitialiter ore spumante torquentur, venter veluti tympanicis intenditur: tum intercessionibus, tormina, vel colici dolores cum fluore alvi lyenterico quam plurimum sentiuntur; alvus interdum supprimitur, excrementaque dura egerit. Hactenus Lumbricorum notæ; eorundem præfagia prosequamur. Prognostica vero, quantum ad aliorum morborum curationem ægrotantiumque conditionem cognoscendam conferunt, quum omnes, tum vel maxime Hippocrates in Prognost. abundè demonstravit; qui in primi libri initio de prudenti medico prodidit: præsertim enim hic prædicens coram ægro præsentia præterita ac futura, quæque ægrotantes omittunt, enarrant; creditur agnoscere ægri conditionem: atque hinc fit, ut homines audeant magis sese concredere medico. Quoniam vero difficile admodum est huiusmodi præsentire, nisi quis artificiosa utatur conjectura; (voco artificiosam conjecturam, quæ propè ad veritatem accesserit:) hanc verò quis difficilè consequi valeat, nisi vires omnium quæ in arte sunt didicerit, memoriæ mandaverit, atque diligentia omni adhibita sese in operibus artis exercuerit. Res vero cognoscuntur hoc pacto. Si quis supponens esse aliquam vitalem virtutem, summopere curet, ut agnoscat ejus ita in robore, veluti ut in imbecillitate dispositionem: ubi vero in his exercitatus fuerit, studeat deinceps, omnes morborum tam in magnitudine quam etiam in more differentias, & post hac futuri status præcognitionem perdiscere. Vbi vero hæc omnia didicerit, tunc sese exerceat in comprehendenda per exquisitam conjecturam tam morbi magnitudine, quam ægrotantis robore, & quanto hoc tempore possint perdurare: Multum vero ad hoc, illum juvabit in operibus exercitatio. Prius vero quam ea omnia, quæ diximus, diligenter didicerit, nihil ægros intendo proficiet. Hac igitur methodo Medicinam profitentes, nunquam ullam calumniam subibunt, neque curando, neque præfagiendo: id quod celeberrimis quibusdam medicis interdum accidisse ferunt. Hinc itaque colligi potest, cur alijs alij fortunatiores medici adjudicantur, & quam mendax, quicunque is fuerit, qui Medicum fortunatum oportere esse dixerit: quod quam absurdum dictu fuerit, Erasistratus olim, & Galenus demonstrare: Medicum dicentes tum mente exercitatum in omnibus, tum diligentem, tum etiam naturâ prudentem esse debere: ut omnibus inter se collatis, unam prædictionis summam, quæ & sibi & laboranti sit ex usu, valeat comparare. Tanta enim prædictionis vis existit, ut semper vel magna ex parte præfagia eveniant, ubi ipse qui curat, medicus optimus est, & æger nihil deliquit. Quoniam vero, ut constat, ex prognosticis Medicus immortalitatem ferè consequetur, tum maxime ex ijs quæ ad hunc spectant affectum, gloriam sibi comparabit, ægrotantibus, qui plurimum pueri sunt, nescientibus, vel verbum quidem morbi eos assilgentis exponere. Cum igitur huic affectui summopere necessaria præfagia sint: quæcunque de ijs veteres dixerit, hæc conferre non cunctabor. Paulus ergo Galeni maximus æmulator, de his ad hunc scribit modum; Circa febrium initia geniti, subsistentiam habent ex subiecta corruptione: circa consistendi vigorem, ex morbi malignitate: circa declinationem, omnino ad

nobis occurrunt; veluti somno atque vigilia, motu & quiete, tum corporis totius tum singularum partium abundantia & inanitione, animique affectibus, præcipuè vero in ambiente nos aëre, qui non solum extrinsecus semper adheret, sed inintima corporis nostri penetralia, per inspirationem continuo adigitur. Quod igitur ad ea, quæ assumuntur, attinet, veluti satis per se nota, non exequeretur; nemo enim est qui nesciat, maligna pravique succi, & varia edulia, malo quæ ordine sumpta, cruditates, & Crapulas, maximum corporibus nostris & animis detrimentum afferre, nisi quod multa quæ alijs affectibus noxia sunt ciborum genera, his utilia conspiciamus. Ea igitur veluti *id est*, præter institutum attingemus; si prius quæ Paulus scribit sub iunxerimus: Escæ patientium lumbricos sint boni succi, quæ faciliè diducantur, atque ad membra transeant, nec causam foveant, nec vires comminuant.

Quamobrem, vinum concedimus aquosum, cibumque crebrò exhibemus: tum propter id, tum etiam ne lumbrici morsus inferant. Si adsit ventris profluvium, indicio est multos gigni cibo non distributo, miscendaque eo casu sunt sortitionibus vel pyra vel cotonea. *Iuvat mirandum in modum deuterius panis addito aniso, fœniculo, vel sale subactus, vel qui* *sur, & quædam* *medicus* inter fursuraceum & similagineum nuncupatur; ita dictus, quod in eum *congruitur*, congeritur simul fursur, utriculi, & similia. Nominant autem eundem panem *durum*, quoniam *durum* *est*, totum ipsum triticum, nulla sui dempta parte in panificum cedit. Oportet autem & triticum ipsum ex quo farina sumitur, ex illis esse quæ generosa dicuntur: quædam enim ex his multum fursuris continent, quæ ignobilia nominant; quædam vero siliiginem, quæ, veluti diximus, generosa vocant. Vinum autem quod aquosum quidem est, cæterum leviter adstringit, idoneum censetur. Aviculæ item montanæ esui dantur, & sylvestris pullus columbaceus, senecio viridis, & hirci barbula, jus cicercis attriti, & brassicæ, capparis, colymbadesque commanducatæ; & cum Synapi, (modò febris non adsit,) cætera sumant obsonia; acetosa item atque oleosa laudantur. Panicum quoque (quod mel frugum Diocles appellavit) durantissimum; siquidem inter fruges existimantur: halyca insuper in myxorum decocto, & prisana cum multo oleo Omphacino; lupini præterea, nasturcium, beta, menta, apium, raphanus, muria quoque commanducata, juvant. Queris in potu ante omnem cibum myxorum decoctum admixtâ mentâ exhibendum: Lac summopere damnatur, veluti pisces & legumina, & quicquid frigida crassaque materiæ fuerit, ac seræ concoctionis. Panis verò non fermentatus lumbriculos gignit (is enim nemini prorsus est accommodus) & omnia humida, & quæ faciliè intus vitiantur.

In omni autem Lumbricorum genere abstinencia maxime prodest, quæ eorum generatio prohibetur: at quum infestant, exiguo cibo sed frequenti utendum: qui maximè convenit, cum lacerasse desinunt. Qui vero Ascaridibus infestantur, cibis boni succi uti debent, & qui facillime concoquantur: ne scilicet illorum vires ad rectum intestinum pertingant. Namque nutrimenti idonea pro eorum generatione materia consumitur. Hactenus qui assumuntur cibi ac potus. Reliqua verò quinque genera, quæ non usquequaq; sunt manifesta, summa etiam cum brevitate pertractabimus, à somno exoristi. Is brevis admodum non sit, nimisue longus: nocturnus potius quam diurnus, duabus (quod minimum est) horis à cibo. Longa præterea ocia laudant, exercitium prandium præcedat, quies sequetur, nec quilibet motus exercitiū putandus, sed ille tantum per quem respiratio permutatur; nisi fortè sumpto adversus lumbricos medicamento; tunc enim equitatione opus est, aut cursu, quibus corpus concutitur: siquidem faciliùs emittuntur acri exercitatione aut labore; hæc vero difficile a pueris observantur. Danda porrò est opera, ut alvus bis eat; quod si non sponte fiat, molli balano, vel clymate aliquo citanda

tanda ex ijs confecto, quæ in hisce affectibus ex usu esse solent. Animæ omnes affectus, quicunque sint, omnino sunt fugiendi; veluti rixæ, iræ, tristitiæ; majoresque curæ & cogitationes, mæstitiæ, timores, invidiæ, & id genus reliquæ perturbationes, potissimumque à cibo. Siquidem alterant, atque à naturali statu corpus avertunt. Frigora vident, Aquilones; nec nudis obambulant pedibus. Aer verò, ut nos semper ambit, ita eligi pro arbitrio nequit: est enim interdum præsidium; causa interdum vel faciens vel fovens; præsidium quidem certè in præsentia erit, si modicè calidus ac siccus fuerit, purusq; & clarus & tranquillus: morbum præcipue fovebit, quando frigidus valdè, vel humidus & austro-vel aquilone commotus, vel nimio calore virès dissolvens; qui tunc arte in hunc modum parabitur, si incubiculis ex juniperi, citriarboris, ac persicæ lignis ignis succendatur; alijsq; id genus lumbricis adversantibus. Suffimentis etiam adhibitis ex absynthij coma, persicæ arboris folijs, citrij mali corticibus, punicæ arboris radicibus, una cum filice atque hedera. Illud verò inprimis confert, quod ex myrrha & aloë paratur. Aliud quod & animæ defectæ lumbricorum vitio succurrit: Ambaris denariûm pondo duûm, moschij denarij pondo unius; gummii arabici denariûm pondo quatuor, rosarum, santalorum, caryophyllorum, cypri, thuris, singulorum denariûm pondo tantundem. Gallix moschata, quam vocant, denariûm pondo sex, agalochi in carbonem conversi denariûm pondo viginti, carbonum è palmitibus vitis extinctorum, quod satis est, rosaceo aceto excipiuntur.

Lumbrici vehementioribus præsidij adeò sæpè irritantur, ut ad convulsiones, animi deliquia, interitumque pueros demùm perducant. Non igitur temerè neque utcunque sunt ea exhibenda. Quoniam vero diversis qualitatibus medicamenta ad lumbricos vel necandos vel educendos idonea creduntur, ideo in universum exalfaciencia, exiccantia, incidentia, acria, amara, falsa acidaque, atque attenuantia præsidia dentur. Aut enim per acredinem occidendo, aut per amarorem subducendo, aut ad expulsionem invitando, aut per consequentem ad ea quæ exhibentur lubricitatem, efficacia cognoscuntur. Extrahuntur autem simul, ut verisimile est, per sorbitiones vias lubricas faciente, aut etiam per innominatam aliquam efficacem qualitatem. Sunt ex refrigerantibus quedam, quæ peculiariter lumbricos pellunt; quedam occulta quadam vi, veluti cervini cornu ramenta. Sed quæ lumbricos necant inprimis sunt exhibenda, quoniam quoad vivunt, occasionem nocendi semper habent. Siquidem difficulter pelluntur; & cum interfecti fuerint, protinus alio per glandes extrudendi; alioqui tetro virulentoque vapore cerebrum afficiunt & corpus pariter inflammant, appetitumque & concoctionem oblaunt. Quoniam verò lumbrici plurimùm pueris obveniunt, qui difficulter tractari possunt, non reticendam sensui miram (veluti Paulus appellat) methodum, per quam & aloë pueris & sorbitiones per os injiciuntur. Instrumentum quoddam coquinarium, quod *ῥομφαία* vocant, supinis ipsi dentis ori imponitur; & per clysteridion validum habens *ῥομφαία*, invitis aloë quanto magis fieri potest, intius ore eorum distento impellitur: cujus meminit Pollux, non tamen quale sit edocet. Cæterum quicquid sit Zomerysis, duo præcipue per ipsam consequimur, & quod proclivis sit descensus, & quod proclivis sit descensus, & quod amaror deglutindæ rei non persentitur; altero vero instrumento, quod clysteridion idem Paulus appellat, violenta sit impulsio. Concurrentibus autem simul natura & vi velocissimus sit morus, re gravi inferiora petente, & ab eodem vehementissime impulsa. Aliud quoque Paulus instrumentum describit, per quod liquores ano subji-ciuntur, multis pervium foraminibus, quales ab utero Metrenchytæ nuncupantur. Actius verò clarius his verbis: Ad quam rem corneam fistulam undequaque perforatam apparare oportet, circa fundum amplam, ac loci magnitudini

nituidini convenientem, quam ultra adstrictiorem ani partem inditam cedria implemus, ita ut cedria inmissio palam tum per amplitudinem, tum per transversa undiquaque contingat. Caterum quando ignota nobis sunt hæc instrumenta, quum medicamenta ad lumbricos vel necandos vel educendos hauriuntur, pueri nares comprimito, & sic subinde dulci aliquo colluito vel acri; ac epoto medicamento lumbricos necante, ventriculus acacia, hypocythidæ cum vino fovendus est. Idem præstat & rhus obsoniorum, & anctum, & capparidis in cibo. Quæ necant, cum dulci commodè dantur lacte aut melle, Oxymelitæ aut syrupo quem vocant acetoso. Quidam triduoano potu pueros prius satiant, mox medicamenta exhibent. Infundunt & eadem dulcia, ut ea animalia ad inferna detrahant. Si vero venter fluat, necesse est ut lumbrici tantum necentur: motus enim ventris eos dejicit. Quum verò appetentia fuerit oblata, cum alvo soluta; Lumbrici tantum amaris sunt necandi, quæ styphi quadam sunt prædita, veluti inter calida absinthium, abrotonum, & centonicum: ex frigidis maliciorum, acacia, plantaginis succus, portulaca: atque ejusmodi cætera.

Simplicia medicamenta calida contra lumbricos ex Dioscoride, Celso, Plinio, Scribonio, Galieno, Galieno, Paulino, & Aetio.

Ex calidis nasturcij semen omnes ventris lumbricos excutit, contritum ex aceto, vel vino potum: efficacius addito mentastro; alium tamen turbat. Lupini farina cum melle delincta aut in posca pota, & cum taurino felle extrinsecus umbilico illita eosdem abigit. Ipsi quoque macerati & sua cum amaritate effatridem possunt: decoctum insuper ipsorum idem munus præstat cum ruta & pipere potum. Absinthium marinum per sese, aut cum Oryza coctum, interaneorum animalia addito melle perneecat; magisque cum absinthio idem facit. Abrotonum idem præstat, nimirum quum sit amarum. Item Cardamomum eosdem interficit. Hyssopi præterea decoctum epotum, aut ejus herba cum melle delincta; Ascarides & Lumbricos cum sale & melle epota Calamintha necat: nec fecus cruda cocta si esitatur, vel si ejus succus aut infundatur, aut potetur. Thymi præterea decoctum; veluti & Ruta servescita ex oleo & pota, eosdem exigit. Vinum item cedrites, & cedria ipsa: Omphacinum oleum largius præsertim potum; nam & pro infantibus ad hos usus ita immaturum exprimitur. Oenanthino idem effectus, qui Omphacino: contra enim ventris animalia laudatissimum est. Melimela, præterquam quod ventrem molliunt, animalia expellunt: quod qua facultate præstent, (dulcia quum sint, mellisque sapore, à quo nomen sumpserunt, quæ potius ea alere deberent;) Ex eo colligitur, quod fortasse dejectam hoc cibo alium, eacriam sequuntur; & quæ alioquin hæssissent, impetu excrementorum quasi in torrente pisces, qui largiore per ætatem imbre abundaverit, rapiuntur; ac deorsum feruntur. Ventrem enim ea mala mollire, inquit Dioscorides lib. 1. cap. de Melimela. Brassicæ item semen, ejus præsertim quæ in Aegypto nascitur, potum lumbricos omnes pellit; quanto ea scilicet temperatura sicior est, & magis agrestis. Idem facit cicinum oleum epotum. Myrrha etiam sua amaritate tum necat, tum ejicit. Hellenij decoctum; Scylla ex aceto & melle sumpta, prius tamen assata sit oportet: alioquin interaneis maxime noxia censetur. Dant & ad omnes in aceto nullo radicis corticem capparidis. Heliotropij parvi herbam suam cum semine potam, adjecto nitro, hyssopo, nasturcio, & aqua, latas, teretesque tænias excutere. Dioscorides lib. 4. cap. 1. scripsit. Paulus verò pro nasturcio, nisi vitium in eo sit, cardamomum connumerat, lib. 7. cap. 1. Erucæ semen ex vino, corpori innascentes bestiolas omnes arceat. Terreni vermes 7. aut 5. è passo poti, Lumbricorum genus omne depellunt. Amygdala amara, oleumque prodest. Agaricus cum melle, sed molestè purgat; est enim ob levitatem ac fluxionem, quam facit stomacho, noxius. Styra cum Terebinthina resina devoratus: Aloe ex frigida aut lacte

potat

pota, eadem, si decocto melli admista bibatur, sine molestia educit. Tithymali semen, ejusque succus circa guttulas 5. cum caricis aut palmulis mistus, Viticis folia, polypodium, Chamæpythis, centaureum minus ex aceto tritum atque epotum. Item ejusdem radices pondus denarii unius cum cyathis tribus vini potum, juvat. Marrubium cum Absinthio & lupino pari pondere in aqua multa coctum, & cum vino bis aut ter appositum, omnia ventris animalia perneat. Costus ob amaritatem, quæ illi inest, Lumbricos pellit ex aqua: Dioscord. verò lib. 1. latas ventris tænas tantum pellere ex aqua & melle scriptum reliquit: quem locum interpretatus Marcellus, Verbum illud (& melle) veluti supposititium expunxit hac ratione, quod contrarium, nec respondere lumbricorum curationi videretur. Excitantur. n. inquit, & aluntur dulcibus, non pelluntur lumbrici ventris; nisi forte mel ideo addi oportet, ut suavitæ ejus decepti, lumbricis admistum Costum, utpote amarum, copiosius haurirent; non aliter quam in curandis pueris fit, quibus amara portiones aut virosæ, dulci sapore & jucundo aliquo odoramento circumlitæ porriguntur. In qua re veluti in scypro nodum querere videtur (ut in Comædia legitur,) à quo tamen alienum omnino esse testatur. Sive. n. in Dioscoridis contextu mellis vox legatur, sive non legatur, (siquidem id pro comperto nondum mihi est, nec Ruellius apposuit) ita est amara medicamenta (qualia sunt costus & id genus reliqua) semper ferè Dioscoridem, Plinium, Galenum, & alios lumbricis curandis cum dulcibus, potissimumque melle mulsæ, aut Oxymelite, eadem quam Marcellus inquit lib. 4. cap. 57. ratione commiscere; quam Paulus his verbis addidit: Quoniam verò nonnulli subinde amaras portiones veluti ingratas respuunt, ex ijs, quæ modo comprehensa sunt, dabuntur non manifesto amara, i. aliquo dulci commista; veluti supra paulo ipse dicebat, omnia hæc medicamenta cum melle Oxymelitevè esse propinanda: sive (ut inquit Lucretius) ut improvisa illa ætas ludificetur, vel potius ut tali à gustu recreata valescat; pueri. n. quam plurimum lumbricis obnoxij sunt. Nihil igitur obstat quin mellis vox addi debeat, Marcello præsertim ipso in antiquis quibusdam exemplaribus legi attestante. Cantharis similiter levigata, & cum bryoniæ radice pota, lumbricos educit, Galeno auctore lib. de compos. Theriaces. Ex frigidis, succus auriculæ muris cum Zytho, singulorum cyathus unus. Senefio. — Comestus, plantaginis succus, in aluo præsertim soluta, de cochleari, vel de ligula datus potui, ipsaque herba tusa umbilico apposita: Coriandri semen cum mali punici succo, & oleo; animalia interaneorum perdit, vel cum passo potum. Calida item beta cocta, atque cum allio crudo sumpta, nitrosa, quæ prædita est facultate eosdem educit; noxij tamen succi est. Punicum malum contusum ex tribus vini heminis decoctum ad heminam, lumbricos pellit, ac tormina ejus etiam radices succus victoriatum pondere eisdem necat. Idem rhus facit Syriacus, atque atriplicis semen. Addunt neoterici, experimento constare dormituri acetum acerri- mum epotum lumbricos educere. Inter ea verò, quæ plurimum valent, est corallina nuncupata, quæ trita ac melli Oxymelitevè commixta, mulsavè pota, mirandum in modum Lumbricos vel necat, vel seminecatos educit. Hæc vero à Corallij similitudine, dum utrumque in aqua est, nomen accipiens, & quæ a sexaginta ferè annis hæcenus ad ejiciendos ventre Lumbricos magni usus esse coepit, lib. 4. à Dioscoride & Galeno (ni fallor) *βρύον θαλάσσιον*, id est, Muscus marinus dicta: cui si ijdem peculiarem adversus Lumbricos facultatem non attribuerunt, qualem in corallina, quam vocant, conspiciamus, non propterea à putarim aliud esse Dioscor. & Galeni *βρύον*, ab hac nostra corallina. Siquidem simplicium medicamentorum singulas vires veteres non cognoverunt; vera etenim cujusque natura non nisi medico effectu prænosci potest.

Opus

Simplicia frigidia contra lumbricos.

Opus ingens occultumque divinitatis, ex quo nullum reperiri majus possit. Plurima etiam inveniuntur hodiè, quæ apud majores nostros non fuisse inventa; nec mirum, quando eas agrestes literarumque prorsus ignari experiantur; utpote qui inter illas soli vivant: præterea securitas quærendi obviâ medicorum turbâ; multis etiam inventis nomina defunt; accedit ratio inventionis anceps, quippe etiam in repertis alias invenit casus, alias (utinquit Plinius) lib. 25. cap. 2.) Deus. Turpissima vero causa raritatis, quod etiam qui sciunt demonstrare nolunt, tanquam ipsis perituum sit, quod tradiderint alijs. Invidi quidem certè perinde atque illi, qui aut supprimunt veterum monumenta, aut omninò demoliuntur; quod quidem eò committunt, ut quæ in ijs scripta sunt, sibi ea attribuant, aut si præclari quid tradiderint, qui alienas opiniones scripserunt, illud pereat. Si qui vero sint, qui fieri non posse contendunt, ut eos lætuerit, vim hanc Lumbricos educendi musco inesse marino, ijs responsum velim, priscos simplicium medicamentorum vires, quasquæ noverunt, scriptis non mandasse. Si quidem multa Socratis ac Pythagoræ placita sciuntur, quæ tamen ex eorum libris, quos nullos scripsere, non habentur. Plato etiam quum tot reliquerit libros, præter tamen literis prodita, alia etiam hominis placita autumant ejus discipuli, quæ non retulit in scripta. Nec illud *βρίον* ubicunque natum (veluti ferunt) æqualem habet facultatem; sed certis quibusdam Italiæ locis hoc expiscantur pharmacopolæ, quod sub corallinæ nomine venditant. Sed hoc satis: illud potius pericrutandum, quum corallina salsum obtineat saporem, cur Dioscorides, Plinius, Galenus & alij, refrigerandi vim illi tribunt: quando notum est omnia salsa calida esse ac terrea, amaris haud dissimilia, quæ calida sunt. An quod marina aqua falsa cum sit, plurimum tamen habet in se potabilis aquæ, (Quod & ab Aristotele fuit olim satis demonstratum:) per quam minus calida existit? An etiam, quod multum terræ in se continet; atque ob id sicciore est ac spissior? Quæ verò in mari proveniunt, ejusdem cum ipso facultatis esse necesse est. Ex eo igitur quod muscus marinus in mari provenit, spissandi vim illi tribuunt Dioscorides, & alij: quæ vero multum in se continet aquæ potui idoneæ, & quæ terreæ facultatis est, ea refrigerat. Omnes demum quos Lumbrici male habent, Ichneumonis pili (murem Indicum vocant) authore Paulo suffitu juvant.

*Simplicia.
Scorfin.
Lumbricos.
Teretes.
Ascarides.
Latos educen-
tia.*

Teretes ventris Lumbricos sedi succus in vino potus, è ventre pellit. Absynthites vinum epotum idem munus præstat. Heliotropij majoris herba suo cum semine pota, addito nitro, hyssopo, nasturtio, & aqua, eosdem ejicit. Filicis fæminæ radix cum vini 3iij. epota, Teretes, latasque ventris tæniæ excutit; veluti Ruellius, Marcellusque, Dioscoridem interpretati unâ contendunt. Galenus vero non teretes, sed Ascarides unâ cum latis interficere eandem scripsit; ita namque lib. Therapeut. methodi, cap. decimo quarto ait. At Teretes quidem Absynthium interimere potest, latæ vehementiora præsidia poscunt, quale Filix est; adhuc autem, & quæ *ἀσκαρίς* Græce dicitur. In hanc sententiam Theophrastus venit, qui filicem fæminam utilem ait contra interaneorum animalia lata melle subactam, & contra tenuia in vino dulci, ita namque Græce loquitur. Ἡ δὲ ἀσκαρίς χρεῖσται πρὸς τὰς ἐλμινθὰς τὰς πλατίας καὶ τὰς λεπτάς, πρὸς μὲν τὰς πλατίας ἀναδίδωται μέλιτι, πρὸς δὲ τὰς λεπτάς ἐν οἷν γλυκύν. Filix verò fæmina utilis existit ad elminthas, & latos & tenues; ad latos quidem subigimus melle, ad tenues verò in vino dulci exhibemus. Constat verò Ascarides tenues, & esse, & dici Lumbricos. Præterea Galenus, lib. de simpl. medicam. facult. 8. similem huic fæminæ vim tribuit, qualem mascula sortita est. Illam vero latas tantummodo tæniæ interficere & non Teretes, scribit Plinius, lib. hist. 27. cap. 9. ad hæc utramque (tam scilicet marem quam

quam faminam,) intestinorum animalia pellere, ex ijs taniat cum melle, cætera in vino dulci, triduo pota; nec Teretes, nec Ascarides excludens. Galenus verò uno in loco & Teretes & Ascarides excludi: alibi vero Ascarides unà cum latissimis interficere scribit. Quid igitur, in tanta authorum varietate sententiarum, dicendum? An quoque Filix famina omnia intestinorum animalia ejicit? similem n. facultatem masculæ ei tradit Galenus; potissimum vero latas taniat, secundo ab hoc loco Ascarides, quæ quum ima infideant alvo, validius præsidium, quale Filix est, exposcunt, ut ejus vis illuc usque perveniat. Quum vero latas & Ascarides, de quibus minus videtur, efficiat pellatque, & alteræ complectantur intestina, alteræ longissime abintus à ventriculo, facilius multò teretes, qui in superioribus decumbunt intestinis, occidat. Non igitur Galenus secum pugnet; quando satis sibi esse debet, ut latas perneccet; quas si interimat, facilius Ascarides; facillimè omnium teretes excutere possit. Plinius vero, ut qui optime id nosset, cætera (id est, & teretes & Ascarides) pellere ait. Quod autem ita ait, liquet ex Paulo; lib. 7. ca. 58. qui in curativa methodo quum latorum, tum teretum Lumbricorum, filices meminit; quam tamen propriè latos excutere omnes unà convenire. Id ipsum Avicennas, 16. Tertij tract. 5. cap. 4. clarissime ostendit his verbis: Et medicinæ quæ interficiunt Ascarides validiores sunt ijs quæ interficiunt longos; & quæ Ascarides & rotundos occidunt, longos etiam interficiunt. Gith seu melanthium non solum comestum, sed & cataplasmatum ventri extinsecus, vel peruncto ex aqua umbilico, eisdem educit. Quo loco advertendus est Marcellus, qui latos Lumbricos pellere, non teretes, contra quam Ruellius est interpretatus: quod an rectè a Marcello factum fuerit, aliorum sit judicium; illud constat, Galenum Ruellio suffragari, qui Lumbricos tantum interimere scriptum reliquit. Quod verò Lumbrici teretes tantum significant quum plurimum, supradictum fuit: Ruellio Paulus uni & Aetius suffragantur; qui in teretum curativa methodo sæpe melanthij commeminere: in latorum taniarum curatione, nunquam. Sardonium per sese aut cum Oryza coctum, eisdem addito melle perneccat. Contritum urticæ semen, Brasicavæ, aut cumini, cum aqua; vel mentha cum eadem, vel hyssopus cum aqua malsa; vel nasturcij semen cum aceto contritum, eisdem necat. Ex Celso lib. 4. cap. 17. Oribasius lib. ad Ennapium filium, Calamintham, Cardamomum, lupinum, pulveremque ex ijs factum in potu, aut cum melle in Electuario, aut in posca potui datum, sufficientia ad occidendum teretes Lumbricos scripsit. Persicæ item mali folia ac germina contrita, superque umbilicum apposita, idem possunt, veluti & menta epota ac acetosa. Portulata percocta, fereos succus, aut myxorum decoctum, myxavè ipsa cocta atque estrata, idonea sunt. Cornu præterea cervini cinis ad eisdem efficaciam quam maxime creditur, ejus præsertim (ut inquit Solinus) quod dextra cervini capitis parte enatum est. Hoc verò pacto uritur; Contusum cervinum cornu crudo fictili luto circumito, & in furnum indito, uritur, donec albefcat. Scribonius verò Largus cap. 141. hoc pacto ipsum exhibet. Cornu (inquit) cervinum limatum lima lignaria quantum 4. vel 5. cochlearia ex aquæ myxorum coctorum, cyathis tribus pridè maceratum, deinde tritum & datum aquâ exiguâ adjunctâ. Bovis talus ustus, cum lacte potus, Lumbricos teretes educit, Gal. autore. Latas autem ventris taniat, Costus ex aqua pellit. Gal. de com. Ther. ad Pis. Cardamomum, allium estratum, Filicis faminæ folia cum melle in eclegmate sumpta. Masculæ verò radix easdem excutit sumptis 5ij. ex aqua malsa; melius si cum scirmonij aut veratri nigri totidem obolis detur. Chamaeleonis item albæ radix acetabuli mensura epota, in quem usum bibitur cum vino austero & Origani decocto. Nuces juglandes largus estratæ,

tatae, radicis mori cortex decoctus in aqua & potus, praeterquam quod alvum resoluit, latas etiam ténias excutit; radicum praeterea punicea decoctum, easdem pellit & enecat. Idem potest & malicorij decoctum epotum. Anthusae radix acetabuli mensura cum hyssopo, & Cardamomo epota, easdem pellit. Ruellius, Dioscoridis interpres, Paulum sequutus videtur, qui cum hyssopo, & Cardamomo: Marcellus cum hyssopo & nasturcio potam latas pellere ténias dicunt; id quod superius de heliotropio dictum fuit. Galenum lib. 6. de simp. fac. hoc loco sequutus videtur Marcellus, qui Oxybaphi mensura ad eandem idoneam esse cum hyssopo & nasturcio potam scribit. Ascarides verò cedria pernecat, & calamintha, injecto per clysterem ejus succo aut epoto. Absynthij decoctum oleo admisto per clysterem injectum, minoris autem centaurei decoctum cum nitro ac melle, idem munus praestat, aut curcubita sylvestris cnicive, si prius acrimia rectum intestinum vacuatum fuerit. Filicis feminae radix cum vini tribus drachmis triduo pota, Ascarides excutit. Axungia quoque vetus ano immissa, quam maxime prodest.

Teretum Lumbricorum curativa methodus, ex Paulo praecipue & Aetio.

Febres plurimum comitari teretes Lumbricos, quum Paulus & Aetius testantur, tum quotidiana nos docet experientia. Quum igitur febris affuerit, interdum febris & lumbricorum curam habere convenit, interdum parum de febre solliciti, lumbricos e ventre eximere conntemur: plerique enim negligentes, ab ipsis comesti & convulsi interiire, nec desunt qui per inguina exeuntes vidisse testantur. Ceterum occisos hos omnes prius educemus; occidemus autem amaris usi potissimum medicamentis. Quum ergo febris ac lumbricorum communis sit curatio, simpliciora conveniunt praesidia, veluti ubi est ambigua affectio, mitioribus est utendum. Siquidem acrioribus auxilijs febris exacuitur, si falsam ceperimus suspicionem; stabili verò dignotione existente, temporibus morbi attendendum. Circa enim primos dies, multoque magis, si juxta vigorem totius morbi apparuerint, acrioribus insistendum remedijs. Eos vero qui declinante morbo apparent, mitius curabimus: atque eo magis, si viscerum inflammationes ac tensiones affuerint. Veluti rectè Hippocr. lib. aph. 1. cap. 24. In acutis, inquit, morbis raro, & in principijs, medicinis purgantibus uti oportet, & hoc cum praemeditatione faciendum. Hi namque plurimum turgent & agitantur, veluti saepissime visum est, ideoque circa eorum initia morborum utiliter contingit acrioribus uti; illud vero multa cum cautione ac praemeditatione faciendum. Ut prius scilicet diligenter examinemus, an aeger illa possit ferre praesidia, & an rectè paratus ad eadem sit suscipienda, atque rectumne judicium ex eorum exhibitione expectare valeamus. Neque n. periculum minimum, in acuto morbo, qualis est Lumbricorum affectus, uti acrioribus medicamentis, quum id genus omnia sint potentia calida. His igitur qui phlegmonas ac tensiones patiuntur, cataplasmata exhibeantur ex lini semine, crassiore lupini farina pari mensura commista, vel etiam humida fomenta ex oleo chamæmelino, vino, absynthij coma, & aloe, praecordijs accommodentur; ubi vero modicæ febres molestant, pueris ante omnem cibum myxorum decoctum potui dabitur: vel ipsa myxa esui cum menta offerentur. Hæc n. Lumbricis affectos maxime juvant, vel (ut inquit Serapion) quod illi dulcedine hærent, vel quod prælentore ab ijs avelli non possunt, sit ut cum illis exeant. Viscosa. n. adeo sunt myxa, ut ex ipsis in Syria (veluti aiunt) probatissimum id viscum paretur, quod Damascenum vocant. Ex hoc igitur quod suo lentore lumbricos dejiciunt, si ventricululum infestant, superne exhibenda myxa sunt; si vero in ventre atque intestinis fuerint, per inferna ejiciemus. Eis verò, qui ad integram ætatem pervenerunt, efficaciora quoque praesidia optima sunt: qualia absynthij aut abrotani

abrotani cremor, vel mali puniceæ acidæ radicis vis ad tertias redactum. Dantur & terni aloes lotæ scrupuli, quod remedium laudatissimum existit in validioribus: illota quoque aloë utimur; utrisque verò etiam si febricitant, & si trimestres tantum infantes sint. Vermes terreni cum epsmate (sapam dicunt) confidenter exhibeantur. Si vero sapam non admittunt, cum hydromelite, aut, ut lubet, præbere possis, nihil veritus, neque vilitate contempta, quinque vel septem dato. Quod si nuda non sit suspicio, sed certa lumbricorum deprehensio, & curatio propria eis convenit; tunc cataplasmata ex lupinorum farina in mulsâ decocta imponenda, quibus aliquando etiam bryonæ radix adjicienda. Umbilicus interim taurina bile impleatur, aut melanthio cum lacte muliebri contrito, aut absynthio, aut abrotano, aut bryonia, pinguius caricis admistis. Spina verò universa ex medulla cervina perungatur. Superior interim venter carato integatur, ex absynthio, oleoque cyprino apparatus. Alvo etiam adstrictæ glans immitenda, præsertim pueris; quæ si nihil profecerit, clyster adhibendus, morbi vigore remittente, ex absynthij, aut abrotani, aut centaurij decocto cum melle ac nitro. Subducere verò conabimur eos per sorbitiones, vias lubricas facientes; quales sunt oleum omphacinum, cujus paulatim duo cochlearia abforbeantur; quâ, n. amarum est, Lumbricos necat, quâ lubricum, detrahens, ipsos cum stercore reddit. Præpotationes verò ex oleo semper augebimus; multæ namque commoditatis existunt. Prodeunt autem lumbrici quidam adhuc vivi, verum vertigine affecti, ac si ita dicere lubeat, seminecati; plurimi verò mortui uâ cum stercore evacuantur. Nascuntur verò & in alvi profluvio lumbrici; eos, fluorem inspissando, & concoctionem tum per cibos, tum per cataplasma in melius permutando, curare oportet. Quantum, n. fluor invalescit, tantum & lumbricorum augetur generatio, vicissimque fluore cessante, lumbrici interquiescunt: quare diligenter conabimur, ut alvus adstringatur, firmitasque ei adjiciatur. Conjicienda itaque in Cataplasmata alias ad fluxiones sistendas idonea ea, quæ ad lumbricos valere dicta sunt, & quæ fluores non committunt; Veluti est absynthium, abrotonum, sandonichum; item malicorium, acacia, hypocysthis, balauſtia, & ejusmodi reliqua cum cruda hordeacea farina. Cerata quoque imponenda ex his parentur. Utendum etiam sorbitionibus, inter quas reliquis omnibus plantaginis succus præfertur, ipsaque arida plantago: ex æquo, n. utrique fluori inquam, & lumbricis efficax est. Mali præterea punici vinum suo cum cortice expressum, mirandum juvat in modum. Ad nauseas verò ex lumbricis obortas, stomachique morsus salis mica in ore detenta deglutitaque & liquefacta, mirificè prodest, acredo, n. (ut apparet) eos statim infra subsistere cogit. Si vero ab ipsdem causis singultus infestat, catapotia succurrunt, quæ habent succum hastulæ regię, absynthij, sandonici, lisymbrij, scordij, singulorum denarium pondo quatuor coquantur ad mellis crassitudinem; dein aloes pollinis denarium pondo quinquaginta additur: omniaque in catapotia excipiuntur, quorum denarij pondus devoratur; hæc, n. singulum sedant, lumbricosque interficiunt. At si ex febre, vel lumbricorum tetrivaporibus, fumidivis medicaminibus (qualia plurimum sunt, quæ adversum ipsos exhibentur) caput petunt, ita ut cum dolore maximo pere afficiatur; tunc synciput cum fronte ac temporibus, rosaceo efficacissime illinitur, vel acaciæ succo, vel hypocysthidis admisto. Alij fermentum cum croci momento & aceto, imponunt illitis his ipsis partibus: nam somno intempestivo, & ceteris perversis affectibus medetur. — Inter eos vero quos vocant Syropos, qui ex absynthio vel calamintha, vel marrubio sunt, commendantur: alius hoc modo faciendus. Succus mentæ, helenij radicis, absynthij, rutæque, purgati, n. tollitur abjecto sedimento singulorum heminae

D d

pondo

Composita interna ad Lumbricos: acedidos & educandos medicamenta.

pondo semissis. Succi fereos, & graminis, cuiusque cyathi pondo septem: in ijs cervinum cornu torrefactum, rhus, portulacæ semen, ac balaustia infunduntur, & percolato decocto saccharo, vel Attico melle purissimo excipiuntur. Alius. Abrotani, calaminthæ denarium pondo octo, mentastri, radicis helenij recentis denarium pondo sex, ex aqua ad tertias discolo: datur id decocti cum tyropo absynthiæ, vel oxymelite scyllino. Absynthites item vinum ad hos ulus maxime commendatur, variè autem conficitur: nonnulli, n. in multi metretam, Celticæ nardi drachmas quadraginta illigatas lincto demittunt, & post quadraginta dies transfundunt. Alij vero in viginti sextarios multi libram absynthij conijciunt, & piceæ resinæ sextantem, postque dies decem vinum colo diffusum recondunt. Syropus ad lumbricos cum febre ac symptomatibus. Radicum graminis denarium pondo sexdecim, seminis portulacæ, acidæ lapathi, utriusque denarium pondo octo, myxaria decem, coquantur ad tertias, his adduntur succi mali punici ac medici, viniue omphacini, singulorum cyathi pondo unius ac semissis, succi chicorij hortensis tantundem, sacchari pietiosioris, q. s. in syropum composito: hujus semissem infantibus, pueris integram unciam innoxie exhibebis. Zulapium, quod lumbricis affectus succurrit. Distamini Cretensis, gentianæ, zaduræ, costi Arabici, denarij pondo unius: seminum brassicæ, anethi, sandonici, portulacæ, singulorum tantundem; aquarum mentæ, absinthij, graminis, singularum pondo heminam: fervefacito ad tertias, & percolato: his addito sacchari purissimi denarium pondo viginti. At in febre radicis graminis, filiginis, hordei, singulorum denarium pondo quindecim, ex aqua decoctum datur largâ portione. Aliud efficacissimum pariter, ac suave. Aquæ stillatitiæ oxalidis, rosacæ, graminis, intybi hortensis, buglossi; succi punici mali, singulorum pondo heminam; seminum portulacæ, attriplicis, rhois, citii mali, singulorum denarium pondo trium: seminum coriandri, myrthi baccarum, sylvestrisapij, singulorum denarium pondo duum: seminum acidæ lapathi, brassicæ, cumini, singulorum pondo tantundem: rosarum rubrarum, heptaphylli (quam tormentillam vocant,) oxyacanthæ (berberim dicunt,) singulorum denarium pondo duorum: balaustij denarium pondo tantundem: cornu cervini cineris denarium pondo 5. distamni albi Cretensis, denarium pondo octo, corticum è radice mori delibratorum, radicum filicis, singulorum denarium pondo duum. Myxa decem numero, coralliorum rubrorum denarij pondo unius, sacchari purissimi. q. s. ut Zulapion conficito. Quod verò omnium quæ diximus, præsens remedium existit, id est, quod vulgo ab officinis Diaturpethiam nuncupatur, cum rheo potissimum Barbarico, à drachmis tribus inde devoratum. Quod cum diutino experimento comprobatum fuerit, rationem etiam habet amplissimam, ut cunctis alijs medicamentis præponatur. Dulcedine namque antidoti illecti pueri, libenter devorant; rheo verò barbarico lumbrici occiduntur, ac membra roborantur. Turpetho illorum sedes expellitur, reliqua verò non solum gratiam præstant, sed & innoxium reddunt; ita fit, ut jucundissimum, innoxium, validissimumque una existat: conficiunt verò hoc pacto. Santalorum alborum, ac rubrorum, violarum, zinziberis, singulorum denarium pondo duum; anisi, cinamomi, croci, mastiches chiæ, singulorum denarij pondo unius; myrthiæ, quam officinæ Turpentin vocant, denarium pondo octo, rhei barbarici denarium pondo decem: scammonij de more parati denarium pondo 4. Sacchari purissimi denarium pondo centum nonaginta, quo cum omnia excipiuntur; orbiculique fiunt (περυστοις). Græci ab efformationis figura vocant; quorum quisque iij. prendat: ubi usus necessitas fuerit, alter devorabitur ad commemoratum affectum. Alia Antidotus. Rhei barbarici, croci, scammonij, sandonici, distamni

Etamni Cretensis, singulorum denarium pondo duorum, sacchari delecti denarium pondo octoginta; aqua graminis excipiuntur, pastillique finguntur, hujus denarii pondus innoxie exhibetur infantibus, aqua graminis dissolutum; pulvis quo utor efficax est, & pulvisculus ita paratus. Rhei barbarici, agarici, Scordij, singulorum denarium pondo duorum. Musci marini denarium pondo quatuor, sandonici seminis, ac portulacæ, singulorum denarium pondo duum, aloes illotæ, denarium pondo 6. hic scrupuli pondere, vel obulorum duorum, vino exceptus, pueris innoxie exhibetur. Interdum & hæc omnia tula cribrataque & cum absynthij mentæve succo in catapocia finguntur, deglutiendaque præbentur, quorum tria desumi possunt. *Alia* idem, alterius authoris. Cornu cervini usti, centaurij minoris, mentæ, pulegij, sisymbri, absynthij, sandonici, scordij, lupinorum, singulorum denarium pondo 4. omnia in tenuissimum pollinem redigito, & cum lacte, aceto, aut oxymelite, aut utcumque utitor. *Alia*. Neotericorum experta. Rhei barbarici, coriandri, feminum ocymi, arnoglossi, sydiæ, careos, rhois, singulorum denarium pondo duum, seminis attractylidis (quam Carduum benedictum vocant) cornu cervini ramentorum, atque eboris, singulorum denarium pondo octo. Corticum è radice mori delibratorum, feminum brassicæ, citrij mali, corticum salicis, singulorum denarium pondo 6. feminum portulacæ, dictamni Cretensis, denarium pondo 4. unionum, coralliorum rubrorum, singulorum denarium pondo duorum; arida lævigantur: hujus integra drachma, vel duæ cum vino hyeme & non febricantibus; cum oxycrato astate vel febricantibus innoxie dabitur. Antidotus lumbricos interficiens, febrem comminans, & quæ cardiacis subvenit, feminum sandonici, musci marini, seminis apij sylvestris, cornu cervini deusti ad albedinem usque, singulorum pondo æquas portiones; omnia triduo in aceto infundito, in quo hæc prius ferveant, feminum portulacæ, Oxalidos, rhois, coriandri, brassicæ ac myrrhæ parum; dein siccantur, iisque adduntur feminum malorum aureorum partes duæ, citrij mali pars una, saccharo vino punici mali dissoluto excipiuntur, pastillique finguntur; quibus nonnihil cinamomi & moschi nuncupati addi potest. Quoniam vero sæpissime extrinsecus adhibita medicamenta lumbricorum curationi plurimum contrulisse visum fuit, consentaneum rationi videtur, ut eorum compositionem subscribamus. His enim non solum corpora tuemur, vesum & lumbricos necitradimus, nec catosque depellimus. Illud igitur satiffaciet quod habet: Lupinorum farinæ, centaurij minoris, foliorum mali persicæ, ac prassij, cum posca contrita ac ventri imposita. *Aliud* Experimento Neotericorum constat, centaureum minus oleo è nucleis persici mali servectum, umbilicoque illitum, lumbricos pelli & educi. *Aliud*. Hordeaceum panem torrefacito & aceto infundito, mox exprimito, & in foliorum persici mali succo rursus infundito, calidum cum linteolo ventri imposito. Alij farinam lupinorum, abrotonum, & taurinum tel admiscant. Alter lupinorum farinæ, centaurij minoris singulorum denarium pondo 4. aloes, taurinæ bilis, cuiusque obolos 4. cum absynthij succo excepta imponuntur infantibus. *Aliud*. Absynthij, melanthij, cornu cervini cineris, singulorum pares portiones melle commiscantur ac illinuntur. *Aliud* ventriculo benefaciens, lumbricos interficiens, & ad alui fluorem idoneum, Absynthij, mentæ, rosarum, sandonici, lupinorum farinæ, singulorum denarium pondus octo. Panis torrefacti, acetoque acerrimo infusi denarium pondo 4. fellis taurini denarium pondo 16. nardi montani machyros (gallix quam vocant moschatæ) Caryophyllorum, calami odorati, nucis myristicæ, galangæ, careos, singulorum denarium pondo 12. hypocythidis, acaciæ, rhois, cuiusque denarium pondo 4. oleo myrrheo, menthæ succo, ac cerâ quoad fuerit satis excipiuntur; si fe-

Composita me-
dicamenta ex-
terna contra
Lumbricos.

bris non adfit, umbilicus ac fæmen cum melle illinitur, in calido affectu cum lacte, mox aloes paulum superspargitur; miro siquidem modo lumbricos interficit, utiliter etiam inunguntur nares theriaca ex aceto. *Ceratum ad Lumbricos ex Paulo.* Aloes, Absynthij, lupinorum farinæ, seryphi, melanthij, singulorum scrupuli sex: ceræ uncia & semissis, chamæmelini olei q. f. felle taurino atrida levigantur. Aliud ex Actio. Lupinorum tarinæ, absynthij tarinæ, hordeaceæ tenuissimæ, cujusq; denarium pondo 7. taurini fellis denarij pondo 8. Scobis cornu cervini denarij pondo 4. ceræ denarium pondo 26. olei deuterij denarium pondo 12. Aliud Expertum: aloes semissis, croci ob. ij. succi citrij mali, drachmæ totidem, vino albo & odore excepta, cordi applicantur. Aliud Expertum: taurinæ bilis denarium pondo 30. thuris delecti pondo 128. aquæ ardentis (ut vocant) heminas duas; omnia chymicorum more stillato, & vitreo vase ac cera operto, adversato quod emanat, quumq; res exigit, utitor. Aliud Efficacissimum, lumbricos interficiens & ejiciens. Absynthij, gentianæ, minoris centaurei, corticum è radice mori delibratorum, lauri baccarum demptis nucleis, corticum radices punice arboris, radices triaxinæ delibratæ singulorum denarium pondo 16. Sampsuci denarium pondo 14. abrotani, aloes, myrrhæ, agarici, singulorum denarium pondo 12. dictamni Cretensis, scordij, fabinæ, singulorum denarium pondo 8. Polij montani, radicum graminis, singulorum denarium pondo 10. stæchadis, chamædryos, chamæpitios, seminis citri mali, singulorum denarium pondo 6. Cornu cervini cineris, fandonici, denarium pondo 4. colocynthidis seminis denarium pondo duum, fellis taurini denarium pondo 24. aceti acerrimi heminam ac cyathos 3. olei omphacini amari congium ac heminas sex in tenuissimum pollinem arida levigantur, diebusq; decem unâ commiscetur, die undecima duplici in vase ferveant, quo acetum usque absumatur: his refrigeratis additur olei laurini hemina, amygd. amar. nucleorum persici malæ, singulorum tusorum denarium pondo viginti quatuor: hæc omnia in modum prædictum vitreo in vase abscondita stillantur. Aliud etiam præstantissimum & expertum. Persici mali nucleorum, allij, vermium terrestrium aceto lotorum, singulorum denarium pondo 24. gentianæ, dictamni Cretensis, radicum graminis, ac prœniæ, corticis è radice mori delibrati, singulorum denarium pondo 52. croci, Calami odorati, caryophyllorum, aloes, calbanes, colocynthidis, zinziberis, nucus myrrificæ, cassiæ, piperis longi, osibani, carpobalsamij, corallij rubri, singulorum denarium pondo 8. Theriaces optimæ denarium pondo 12. mentæ, absynthij, abrotani, minoris centaurei, foliorum persici mali, porri capitati, pulegij, calaminthæ, plantaginis, rutæ, marrubij nigri, foliorum lauri, salviæ, majoranæ, betonicæ, scordij, corticum mali medici & è punice arboris radice delibratorum, singulorum denarium pondo, 16. Seminum sylvestris apij, portulacæ, raphani, brassicæ, fandonici, plantaginis, porri capitati, musci marini, apij sativi (petroselinum vocant) singulorum denarium pondo 12. aceti acerrimi, cotoneorum succi, singulorum pondo heminam; olei mastichini, nardini, bituminis liquidi (petrocheum vocant) olei laurini, singulorum denarium pondo 16. Olei antiquissimi, aut Omphacini, heminas 8. levigantur arida, unaque commiscetur, atque vitreo in vase sub æquino per mensem fimo sepeliuntur, demum duplici in vase fervent ad tertias, refrigerataque percolantur, validaque prius expressione peractâ, vitreo in vase, quæ emanat ad usum adservatur: hoc verò pacto utitor; tempora primum deinde nares, postmodum colli vertebra, 4. loco jugulum, postea pulsus articularum qui in brachiali existit; stomachus deinde perungatur: voco autem in præsentia stomachum ventriculi osculum, sumpto improprie stomachi vocabulo cum proprie gulam significet: quo loco neotericorum medicorum erratum

tum non est omittendum, qui in affectibus oris ventriculi, dorso è regione ejus præsidia apponunt, quod cum Galeno, tum rationi purgnare videtur, tertio ac decimo de morb. cur. libro. quem tamen locum malè (ni fallor) Thomas Linacer est interpretatus, vir alioqui doctissimus, & interpretandis authoribus exercitissimus; sive quod codex ille græcus mendosus fuerat, sive aliam ob causam. Rationi præterea consentaneum videtur, ut in oris ventriculi affectibus antèrùs præsidia apponantur, sub ea statim rotunda cartilagine, quam *χάρδον ἐκκρινόν*, id est, mucronatum vel ensiformem appellant. Ex hoc, n. loco ventris osculum cataplasmatum ceratorum vires facillimè suscipit, utpote nullis munitum ossibus, quibus plurimis ijsque validissimis stomachus propriè dictus, id est, gula, veluti se pro quodam contegitur: antèrùs enim pectoris ossa, dorsum posterius habet. Verùm hæc præter instituta dicta sunt. Inter aliam vero unius loci perfusionem atque alterius alteram, tantisper quiescendum, quoad quis 40. passum iter perageret. His igitur locis perfusis, majori demum interposito spatio, renes, & umbilicus foveantur. Adeo vero tria hæc proximè dicta præsidia præsentanea sunt, ut pueri nisi jam mors propè sit, solo harum partium fotu ab orco revocentur. Quæ lata tænia nuncupatur, his qui febre carent abundat, ac in longis ac diutinis morbis enascitur; hujus curativa methodus eadem, quæ & teretum existit. Siquidem potus amari & acres ex usu maxime sunt, & alij esitatio, vel calaminthæ, vel dictamni, vel pulegij; per triduum, n. allium plurimum edendum, & veteratus caseus mollis. Secundum hoc Macedonicæ filicis aridæ contusæ, & cribratæ denarium pondò 8. cum melle quantum quis voluerit, consumat: post horas 4. danda aloës est, & scammonij, singulorum victoriat mensura ex aquæ mulsæ cyathis 4. Cum cœperit desurgere, aqua calida supponatur; dabitur autem & potui aqua in qua lupinum aut cortex mori decoctus sit, aut cui additum sit contritum vel hyssopum, vel piperis acetabulum, scammonijque paulum; vel etiam post alij esitationem quam diximus, vomat, posteroque die mali punici radículas colligat, quantum manu comprehendet, easque contusas in aquæ tribus sextarijs decoquat, donec tertia pars superfit; huic adjiciat nitri paulum, & jejunos bibat; interpositis deinde tribus horis, duas poriones sumat, aut aquæ vel muricæ duræ sic adjectæ; tum decidat subiecta aqua calida in pelui, veluti dictum est; dabuntur autem in potu & vermes terreni, siquidem illi quam maximè profunt. Propriè autem ad ipsas facit myofotos succus, binum cyathorum mensurâ cum Zythi unico cyatho potus; celerrimè namque latæ tæniæ educit. Præbibere vero hoc medicamentum oportet quod sequitur; neque ijs qui lumbricis vexantur inutile censetur, si febre potissimum caruerint. Ex Paulo. Habet autem nitri rubri, piperis, cardamomi, singulorum pares portiones; hæc omnia commisceto, & cochlearij mensura cum vino exhibeto aut aqua calente; confestim namque eas educit. Aliud Pauli Eclegma. Piperis, baccarum lauri purarum, cumini Æthiopici, mastiches Chiæ, æquales partes; mellis q. s. Datur cochleare unum manè dormituris: si vero id efficacius facere velis, nitri quoque parem portionem adjicies. Aliud ejusdem. Ptereos acetabulum, nitri denarium pondò duum, datur cum cochleari aquæ, evacuatione prius peractâ, satius fuerit si etiam scammonij momentum assumat. Aliud ejusdem & Aetij. Corticum radices punici mali acidi in suprema parte delibratorum, piperis, singulorum denarium pondò 4. cardamomi, denarium pondò 6. marrubij denarium pondò duum, mellis purissimi, q. s. da ex eo cochleare post alij commestione vel porri. Verum ut ex toto affectus discutiatur, theriacem quoque exhibeto; ad hunc, n. usum Galenus summo opere commendat. Aliud ex Oribasio, quod ipse ex magistrorum experimento, & modo, longo probato jam usu in

Latorum Lumbricorum curatæ Celso potissimum, Scribonio, Oribasio, Paulo & Aetio.

Victoriat mensura species, γυθη βολον, ημισ γυθη.

ijs semper utitur. Habet scammonij scrupulum unum, Euphorbij tantundem ac semissim, combustarum pennarum pulveris scrupulum unum, nitri penfi siliquam unam, in mulsa passovè dabis bibendum. Salubrius autem continget, si ante allia vel cætera acria comedat. Item alterius authoris Emplastrum ad omnes potissimumq; tæniæ, lupinos, lauri bacchas puras, vel taurinum supermittes, & pones ad umbilicū, & fascia alligabis die unā ac nocte, aut certe duabus vel tribus. Ad latas alterius authoris: abrotani, cornu cervini rasuræ, coccognidij & sesami, singulorum denarij pōdo unius, cardamomi triobolum; dabis cum oxymelite bibere. Aliud ad eisdem. Gummi Arabici denarij pondō unius, ptereos denarium pondō trium, cardamomi denarij pondō unius, nitri denarium pondō trium, dabis in hydromelite aut Cizico. Item ad eisdem Antidotus Diapterion, ptereos denarium pondō 8. scammonij, melanthij, cardamomi, salis nitri, singulorum denarium pondō duum; dabis in oxymelite aut Cizico, addes autem polypodij denarium pondō 4. Pueros atque eos qui ad integram ætatem pervenerunt, Ascarides vexare dictum est. Pueri vero assidue ad egerendum irritantur, atque ut plurimum ab excretionē melius habent; qui vero ad integram ætatem pervenerunt, causarum molestiam inferentium animadvertentes, digitos ano immittunt, ac procedentes educunt, quin & litoreis calculis sole perustis aut ignitis lapidibus fovendo mordaces pruritus leniunt. Verum quidam præ pulillanimitate nihil horum auxiliorum admittunt, minime tamen malum negligere oportet; non. n. præsidij facile cedunt, nec facile excernuntur, nisi gravioribus medicamentis. Pueri igitur ex melle glandibus cum salis momento vel nitri aut acri muria sunt evacuandi; aut absynthij decocto oleo admisto validiorem quoque solutionem esse convenit; à qua ubi projecterint excrementa, affectus locus, *id est*, longano illinendus; simplicibus quidem, acacia, hypocistidis rhoisq; succo, cum alumine liquido vel nitro; compositis vero, veluti Andronis pastillo & sphragide polydiz inscripta, & lanā succidā, & quæ his familia existunt: coacta. n. ab adstringentibus caro validior fit, aptitudinemq; ad animantium generationem admittit, atque Ascaridas ipsas excludit. Andronis verò pastillus hoc habet modo. Cytinorum denarium pondō decem, gallæ denarium pondō 8. myrrhæ denarium pondō 4. Aristolochiæ longæ, tantundem atramenti sutorij, croci, aluminis scissi, crocomagmatis, myseos, thuris, singulorum denarium pondō duum, lævigantur in vino adstringente, vel aceto: polydiz vero sphragis ita habet. Aluminis fissi denarium pondō trium, thuris denarium pondō 4. myrrhæ tantundem, vel denarium pondō octo. Calcanthi denarij pondō duum. Cytinorum denarium pondō 12. bilis taurini denarium pondō 6. Aloes denarium pondō 8. vino austero excipiuntur: qui vero ex lanā succidā confit, ita habet: lanæ succidæ denarium pondō 40. Scobis plumbi, squammæ bituminis, singulorum denarium pondō 10. Aluminis fissi rotundi, maliconij, gallæ, myseos, chalcitheos, thuris, singulorum denarium pondō 5. myrrhæ denarium pondō duum, amurcæ heminas 8. Proveciores verò ætate itidem vacuandi acrioribus & calidioribus medicamentis diapicram compositis, oleoque cum vino copiosissime adjecto, & alijs infusis, qualia sunt muria, centaurij decoctum cum nitro ac melle, aut colocynthis, aut Chamæleontis, Anchusæve aut lupinorum; deinde cedria ijs infundenda, postea quiescendum; sæpe eandem curationis methodum repetentes, carnem præterea salitam pinguedine derafa sublongam & rotundam formabimus, eamque adstrictiori ani parte intrudemus, ligamentoque adhibito, quamdiu possint sustinere inditam sinemus; deinde solvemus, prædictaque iterum infundemus; atque hoc sæpe præsidium repetemus.

CAP. XXXIV.

De Lumbrici extra Intestina nascentibus, & praesertim de Eulis.

Qui in capite, cerebro, pulmonibus, hepate, liene, vesica, venis, musculisque vivi oriuntur Lumbrici, ex iisdem quibus intestinales causis proveniunt, & iisdem pereunt remedijs. Eulæ verò Hippocraticæ, ab Anglis *Magots & Gentels* dictæ, sunt Vermes depedes, Alcaridibus non dissimiles, sed breviores nonnihil, & pro longitudine crassiores. Hos in morticijs putridisque carnibus natos nemo non vidit, & in mortuis quandoque membris chirurgorum incuria: cum scilicet medicamentum applicant, quod cum vulnere aut ulcere computrescit. Hippocrates vocat *Ευλὰς*, *ακαλῶδες* *τετραῖς* *σώματα* *ἐγγιστομαῖς*: à Suida *κατὰ* *σπῆλα*, *σπερματόζοι*: à Lucretio sæva vermina dicuntur: *εὐλὰς* juxta Plutarchum *ακαλῶδες* *ἔσιν* *ὑπὸ* *ἐσθραῖς* *ἃς* *ἐκ* *ἐκτὸς* *ἐν* *τῷ* *μεσθίμῳ* *διὰ* *τῶν* *καρτίων*. Horum mentionem facit Homerus *Ιλιάδ.* *τ.* *β.* *ω.* Vermes ex putrilagine ortos, in auribus, longè minores, quam qui in ulceribus, Eulas item vocari scribit Cælius; quos Latine scribentes improprie *blattas* aurium appellant, quum nec figurâ nec formâ nec notâ aliâ aliqua consentiant. Vermiculi denique e muscarum ovis in carnibus æstate orti (Angli *Fly-blomes*, Germani *Maden* vocant) ut Carmerius notavit, inter *εὐλὰς* censentur, quæ verò in carne porcina & larido Eulæ gignuntur, peculiari nomine à Festo & Perotto *Tarni* vocantur. Eulæ autem vel caudatæ sunt, vel caudæ expertes; Gallicæ utrisque vescuntur, & aliæ forte aves. *Ut mulier concipias*, Hippocrates caudatorum tres quatuorve portiones cum Origano & rosaceo tritas accipit, ori matricis apponit, primo de morb. mulier. Alio item loco ejusdem lib. capita horum vermium cum secundina mulieris & alumine Aegyptiaco ac anserino adipe diluta, in lana apponi jusserrat.

Ferunt Democratem Atheniensem, quum adolescens esset, & morbo comitali teneretur, ad Delphos profectum Deumque rogasse, quid ei comitali morbo laboranti confuleret, ac Pythiam respondisse:

*μείζον ἀνεχέμεντο κεφαλῆς τιμωτῶν οὐχὺν
μικρότερος ἀχρηστῶν, δὲτος περὶ μὲν βαλὼν καλὰ
ἐστὶν αὐτῷ πολὺ πλεονέκτημα ὑπὲρ τῶν ἀπὸ υἱόνος.*

Longum de grege tolle capella vertice vermem

Ruris amatricis, & ovis de tergo circum

Multivago vermis pecoris de fronte revulso.

Democrates cum hæc audisset, Theognostum Democratum nonagesimum annum jam agentem adiit, qui miratus Dei providentiam, dubium oraculum expedit. Gregariarum inquit caprarum caput naturaliter multis vermibus juxta cerebri basim plenum efficitur, ac sternutamentis animali obortis multi vermes in nares capræ insiliunt; oportet igitur veste subtrata, ne terram attingant, illos excipere, unum, vel tres, & indutum pelle nigræ ovis tenero collo alligare; atque hoc ait morbo maturatiter adversari. *Contra Eulas in ulceribus & vulneribus tam hominum quam cæterorum animalium natas, hæc faciunt.* Primum expurga locos affectos, ranarum felle, succo chelidonæ, aqua marina vel nitrosa, mellis decocto, absinthio, marrubio, folijs perfici, erigerone, succo betæ cum vino; deinde ad necandos vermes piper, sal nitrū vel alumen in pulverem redactum, veratrum, hyoscyamum, aristolochiam rotundam vitriolum aspergito, vel succo calamenthæ fluvitilis vel centaurei decocto, vel porri & prassij succo ulcera sæpius lavato, buglossam Ioannes Agricola praescribit. Aristolochiam cum melle Plinius effert. Succum chelidonæ

doniæ Paracelsus laudat. Montanus ante omnia nitrum commendat. Vegetius frigida summo mane partes lavari, imò perfundi jubet: Sic, n. vermes rigore contrarios cito decidere affirmat. Aetius polium recussum absynthium, cum pice mixta adhibet, laudatque jejuni hominis salivæ illitionem. Hildegardis apij ossa, testudinis testam, apes in alveario mortuos, folia corticemque pruni in pulverem redigi, atque cum ulceribus inspergit. Bayrus calcem vivam cum aceto acerrimo temperatam applicat. Hippix succo perfusi loci vermiculantes, illico sanantur, inquit Tardinus. Quid vero Hippia fuerit, nemo finivit. Quidam Tanacetum agreste, Quidam Argentinam vertunt. Gesnerus Anagallidem intelligit, quæ acri & nitrosa sua facultate (ut betæ) omnes vermes enecat.

CAP. XXXV.

De Lendibus.

Nomen, descriptio.



Endes Græci *ῥίγες* — & *ῥίγες* Itali *Lendine*. Hispani *Liende*. Germani *Niss*. Angli *Niss*. Illyrici *guida*, appellant. Sunt autem minuta quædam animalcula albicantia, Syronibus (si pedes haberent) quam simillima, sed duplo fere minora; corpore item oblongiusculo, ex quibus nihil aliud gigni posse Aristoteles testatur. Inter ungues compressi cum sonitu moriuntur; non solum in hominum capillis & cilijs, sed etiam boum & equorum macilentiorum crinibus scætant; pedum exfortes tam pertinaciter nihilominus adherent, ut eadem opera totum pilum qua illos auferas. Has *Trotula* *ῥιγὸς ῥίγες* non ineptè dixit, nam ut cochleæ herbarum, sic istæ capillorum succo visitant, eosque depascunt. Philosophus ex pediculorum coitu provenire eos affirmat, quorum proinde ova dicuntur. Sunt autem Iosmini florum apud nos crescentis similia. Nam sicut ille flores proferit feminis expertes, sic pediculi ova pariunt effæta. Moriuntur aut alimentis inopia, aut pectinis densioris usu, aut medicamentorum vi: qualia veteres neotericique medici multa præscribunt. Plinius alumen cum aceto, vel acetum cum felle vitulino miscet, & lacte item caprino eas tolli affirmat. Laudat item nitrum cum Samia terra illitum, & scobem cornu cervini cum vino epotam. Abynozoar cum centaurea minore & Alkitrum capillos inungere præscribit. Sulphur in aceto tollit lendes, uti quoque oleum cum lixivio illitum. Marcellus stercus suillum cum vino & succo rosarum mixtum, mellis item cum sale armeniaco inunctionem, sed præsertim oleum raphani cum fortissimo lixivio variè prædicat. Hildegardis ex dactylorum ossibus lixivium parat, quo cum oleo radiculæ mixto lendes enecat. Ardenus sublimati hydrargyri parum cum vino ardente miscet: atque etiam dicit. Si caput primum ovo gallinæ, deinde cyclamini succo, vel aqua marina irrigetur, nunquam renascituras esse lendes. Gilbertus Anglicus fel cujuscumque animalis, uti etiam amara, mundificativa, & aromatica, cum succo calendulæ mirè effert.

Ortus.

Interitus.

CAP. XXXVI.

De Aurelijs & Teredine Depede.

Nomen, descriptio.



Prelia Latinorum, Græcorum *χρυσὴ*, est, ab aureo qui in pluvimis conspicitur colore nomen sortita. Neque os illi, neque aliud manifestum membrum, nec excrementa reddit, nec comedit, nec movetur nisi ab alio mota & violata. Quod Plinius scribit Chrysallidem esse duro corpore,

Porc, id puto respectu crucæ intelligendum esse. Sed quod adjungit, ad Ara-
nei tactum movere, quamvis hoc verum esse experientia novimus, tamen
Vereor ne verba illa ex Philosopho male transtulerit: ἀπομάρ δὲ κινεῖται, μετα-
γέρται δὲ πάλιν ἀεσχηματίζων, &c. id est, *Tactu moventur, & araneosis poris sunt obdu-
cta.* Nihil hic Aristoteles de transcurrente araneo, ut verisile Plinius vide-
tur. Hanc non solum ex Insectorum, sed etiam ex animalium numero Aristo-
teles excludit, atque erucarum quasi ova statuit. Ceterum quid hic cum ovo
communio? illud alio animali deponitur, exors actualis vitæ & motus:
Aurelia a nullo deponitur, sed ab uno in aliud transformatur, veterem in-
quam faciem mutando, aliam induit, & vitam motumque non in potentia sed
actu retinet. Quod vero nec vefcitur nec augetur, id vitam non aufert, quum
nec gires totahyeme cibantur: vita quidem ejus, *αὐτοῦ* illum *αὐτοῦ* nonnihil ex-
primit, quo homines nec planè vigilantes nec dormientes obscurius viuunt
moventque. Verùm scripsisse hoc philosophum conjicio, ut illud suum axio-
ma ratum faceret credulæ posteritati, Insecta omnia vel vermes ponere vel
ova, verba ejus sic habent; τὸ μὲν ἄρτιον ἐκωλικάτωσιν τὰ πρῶτον: προσέτι δὲ ἐν αὐτοῖς γίνεται ὁ
μεταβολή. ἢ γὰρ χρυσάλλος μετατρέφεται, διαμένει αὐτὴ ἕως ἂν ἐκ τῆς γένεως ζῶον ἐν τῇ περὶ μεταβολῆς ἀ-
βίη τὸ πρὸς γενέσεως τέλος. Nihilominus ovum non esse Aureliam satis ex prædi-
ctis patet, estque revera crucæ in hanc, atque hujus in papilionem transmuta-
tio quædam dicenda, non generatio. Hæc eo à nobis animo dicta sunt, ut qui
Aristotelem pro Deo colunt, hominem fuisse eum meminerint, & humanis
lapsibus obnoxium. Aureliarum duo genera vidimus, alias vellere cooper-
tas, alias glabras, utrasque varij coloris, & nunc auro illitas, (quæ vere
Chrysallides;) nunc verò (quæ spurix;) auro vacuas. Ortum habent ex eru-
carum interitu, quæ ut sensim & per certa dierum intervalla contabescunt,
ita sensim crusta quotidie magis magisque induratescente in aureliam transfor-
mantur. His vicissim metamorphosi prognata. Quibus humano generi usus in-
serviunt equidem nescio. Satis scio quàm Aristotelis ingenium mirifica trans-
mutatione torquent, & Dei interminatam potentiam nobis commendant.

Species.

Ovus.

Interitum.
Vfus.

Teredinem depedem solus Georgius Agricola nobis proponit, quem ab
æneo colore *Kupfer Wurm* appellat. Serpit (inquit) quia & pennis caret &
pedibus. Crassitudo ipsi quasi parvæ anserinæ pennæ, longitudo scolopen-
dræ; teres est, sub lignis putridis natus, & plerumque juxta scolopendram
inventus: hujus iconem inter scolopendras sitam facile videris.


CAP. XXXVII.

De Aquaticis Insectis depedibus, & primum de Squilla.



Quædam omnia Insecta vel *aquatica*, vel *terrena* esse supra diximus. Pe-
datorum alia sex pedibus natant, ut Locusta, Squilla, Scorpius
palustris, Norovectum & pediculus marinus. Alia quaternis, alia
pluribus; de quibus sigillatim agemus. Squilla Insectum a Squilla
piscæ parum differt, nisi quod & breviores multò antennis, & colorem magis
spadiceum vel terrestris potius obtinuit. Horum alij testa fragili obdu-
cuntur, alij plani sunt & nudi. Testacei in vivulis præsertim degunt, arundi-
num vel gladioli radicibus adhærentes: colore sunt subflavo, nonnunquam
autem albicante atque cinereo. Sex tantum pedibus incedunt, reliqui hic ap-
pendices pinnarum munere funguntur. Nudi, vel molles sunt vel crustacei:
molles figura hæc satis monstrat, modo caput spadiceum, reliquum vero cor-
pus

pus obsoleto cinere tinctum imaginemur. Crustaceorum genera omnia arti-



culata sunt, sed alijs globosi articuli, alijs alij: globosi effigies graphicè hic representatur, si ipsam leviori spadiceo mollius attigeris. Talis primi & secundi non globosi color: tertia autem species dorso nigricat, ventre fusco: at omnibus os forcipatū & appo-

siti pertinax. Quartus prioribus tribus pedibus se movet, cæteris appendiculis pro remis utitur. Collum illi & antennæ forcipesque minio dilutiùs illitæ; corpus fuscum, vel magis cinereum. Quinto caput longe nigerri-
mum; corpus planè malicorio simile. Sextus *ex pag. vi* detur, eā quam vides formā

& colore cinereo. His omnibus oculi duri, picei, membrana vitri modo perlucida obducti, qui non minus continuo moventur, quam quadrupedum aures. Assultant illi protinus, ut Squillæ pisces, in coi-

tu, & ubi licentia audacia crevit, implent famellam. Hoc tempus speculatus index morfu levi significat: illa ore compresso quicquid inclusit exanimat, partemque socio tribuit: cocunt enim ore, cancrorum more & locustarum. Quem vero in medicina usum sortiuntur, nequeo ex scriptoribus vel Empyricis ullis, quibus vel ignoti Squillæ vel despecti videntur, recensere. Id tamen constat, mense Aprili & Maio, nihil ad pisces inescandos utilius haberi posse.


C A P. XXXVIII.

De Locusta, Scorpio, Notonecta, Cicada, Anthreno, Forficula, Lacerta, Corculo, & Pediculo aquatico.



Locusta Insectum Locustam piscem imitatur, cum nec ipse caro sit dicendus nec piscis. Formam videris. Colorem habet palentem cum virore: Scorpiorum palustrium tria vidimus atque habemus genera; quorum primus nigricat nonnihil, reliqui arenam candicantem referunt. Notonecta dicimus Insecta quædam aquatica, quæ non ventre ut alia, sed spinâ innant; à quibus homines

mines hyptioneæicen, id est, supinè natandi peritiam didicisse verisimile




est. Horum alijs oculi, Scapulæ; corpusque nigricant; alijs virescunt, alijs pyropum, alijs picem referunt: raro enim duos ejusdem videris coloris; tam variè in ipsorum ornatu lufit natura. *Cicada aquaticæ* formam descriptam retinent. Verum nigerrimi illis oculi & corpori cinereus color. *Anthreno* fuscum ubique corpus, oculis piccis exceptis,



Forficula idem fere color, sed magis saturus; carere oculis videtur, sed intus conditis cernit atque dijudicat



objecta. *Lacerta* varij coloris est, & piscatorum gaudet intuitu: circa rupes Britannicas non infrequens, ubi piscibus insidias parat. *Corculum* cordis effigiem, pedibus capiteque demptis, scitè exprimit; ocellos habet perexiguos & nigros;



tibias item sex concolores, duobus quoque digitis donatus. *Pediculus marinus* Insectum est Balneis cetorumque generi infestum, quos mordendo titillandoque ita in furorem agit, ut se in arenas projicere aridumque petere cogantur. De horum usu nihil novimus, sed po-

steritatem ad ipsum investigandum seriò hortamur.

CAP.

CAP. XXXIX.

De Pulice sive Asello & Scolopendra marinis.

Plex sive *Asellus marinus* squillam molliorem refert, nisi quod quatuor tantum pedibus (pace Gesneri dixerim) donatur, & frequentibus longisque saltibus se liberat, à numero pedum. Asellus dicitur a saltu, Aristotelis pulex: à dorso gibboso, Scrofula nuncupatur: color illi lividus cum nigredine. Longitudo fluviatilium, digitum transversum: latitudo, semidigitum non superat; marinorum major dimensio, qui littore refluxente, & in aquis dulcibus sæpe conspicitur. Venatoribus item spectatoribusque mirum agilitatis præbet exemplum.



Scolopendra marina, alia grisei coloris, alia rubicundioris cernitur. Hæc longior & macilentior, illa brevior & crassior; utramque vidi anno 1578. in Ostrearum arcis. Non, n. in profundo maris (ut Gesnerus aurt-

mat) sed in limosis stagnis, ubi ostræ saginantur, latent, ibique generantur & vivunt. De his piscatores monuit Numenius, quum diceret,

Id spectâ idcirco, stupidum divertere par est

Iulida, latiferamque simul tetram Scolopendram.

Sunt autem (Aristotele teste) terrestribus minores, formâ vero non disparēs. Ex ijs Nonus Medicus psyllorum huiusmodi confectum, cap. 43. multis laudat. R. thuris, atramenti sutorij, ana ʒij. Scolopend. marin. ʒij. Omnia ad lævorem trita, cum calcis pulvere commisceantur, & evulsis primum pilis locos inungito.

CAP. XL.

De Insectis aquaticis Depedibus, ac primùm de Oripe.




Nivem, aquam esse longâ in aëre sublimatione spumifictam, nemo Philosophorum rectè sentientium inficias iverit. In hac vermes procreantur, Græcis *vermes* dicti. De his Aristoteles aliquid scripsit, quam historiam breviter perstringam. In nive gignuntur hirti vermes, torpidi, & difficulter moventur, quare inter depedes censent; à nive remoti, illico pereunt, ut Pyrigoni ab igne dijuncti. Cum nive vetustiore & rubescente ipsi etiam rubescunt, in nuptera autem reperti, candescunt. Notum (inquit) est, non magis nivem putrescere atque ignem; imò putrescere haud possunt, tamen in utrisque generantur animalia, & in utrisque etiam nutriuntur. Eustathio Scholiastæ Homeri neutiquam assentior, quod nives ruborem è minio contrahere affirmat, quia loca illa sunt *μαλ' ὁδὴν*, unde ex miniatibus vaporibus elevatis rubedinem additam existimat. Sanè nonnullis in locis ita se habere non denego. Cæterum in locis minio destitutis nivem rubescere (etiam invito interprete,) concedendum est. Horum Strabo mentionem facit his verbis: In Charzena & Cambicina Regione, & Caucasæis montibus vicinis, bestiolarum quædam altis nivibus gignuntur, quas Apollonides *οὐράνιοι*, Theophrastes *vermes*, id est, Convolvulos montanos transfert, Teredinibus majoribus similes. Earum generationem æquè mirabilem sentio atque pyrigoni

rigoni; facilius tamen in nive quàm in igne gignuntur animalia, quia in nive æris, terræ spiritusque multum inest, quæ ignis affatim absumit. His si calor Solis accesserit, finum conficiunt (utor Scaligeri verbis) omnium lataminum multò excellentissimum. Copiosè item in Carinthia generantur (ut Ioach. Vaadianus refert.) sed rem admirabilem Strabo in com. in Pompon. Mel. adjungit, cum illos aqua optima repleti asserit, quam, ruptâ tunica vel cute; viatores accipiunt, factâque levi expressione hauriunt. Salubris enim est; & in fontium turbatione (quæ copiosa in nive fit) persalutaris.

CAP. XLI.

De Hirudine:

 *Hirudo* sive Sanguisuga, Græcis *σάνγχις*, Hebræis, *halukah*. Gallis *Sang-sue*. Italis *Sanfaga*. Hispanis *Sanguisuela*. Germanis *Ein agel* so das *blut sauger*. Anglis *Horsleech* vocatur. Sunt autem vermes aquatici, sanguinis animalium sitientissimi, eoque sese affatim etiam ad animæ expirationē nonnunquam replentes. Harum alix alvo sunt imperforatæ; alix perviæ; quarum hic vobis effigies repræsentamus. Perforatas Europa vix novit: Americanis & Indis celebriores. Imperforatæ quibusvis obviæ, quæ sanguine distentæ cutem suam, ceu cancellatis quibusdam fibris textam, exprimunt. Colore alix sunt vario, alix viridante, piceo & fusco, sed veneni expertes; solæ spadiceæ & castaneæ corticem repræsentantes. Generantur in stagnis potissimum, ubi jumenta aquari solent; nam ab eorum pedibus terra sordescitque ablutæ, in fundum decidunt; ut taceam stercoris ibidem subsidentiam, ex quo vitali calore non destituto animalia item gignuntur. Natæ semel, sanguinem avidissime sitiunt; ac propterea in ipso stagni vestibulo quasi in insidijs latent, ut equos, boves, Elephantosque vulnerent, quamprimum, frigidæ desiderio, ipsum intrant. Elephantis tam molestæ scribuntur a Plinio, ut eorum titillante in promuscide fustione in rabiem agatur: quod mirificam Insectorum potentiam plane demonstrat. Quid, n. Elephantis majus? quid Hirudine verme contemptibilis? tamen illius moles ingeniumque hujus cedit virtuti, vel potius concedit. Cruore maximam vescuntur partem, & sanguine bestiarum: nihilominus restagnantibus quoque aquarum sordibus, per alimenti inopiam se replent. Plinius eas vere evanescere scribit, lib. 9. cap. 51. nos autem illam tempestatem earum generationi esse gratissimam videmus. Nec sane video cur hyemis inclementiam superantes, veris benignitatem non perferant: imò illud pro comperto habemus, emori hiru-



Ee dines


2/54.

dines tempore hyemali, nisi cautè in aqua tepida, & uberimè sanguine enutrientur. Hirudines si quis deglutierit, alij muriam, quidam nivem superbere suadent. Asclepiades autem primum os colluere, mollemque spongiam frigida madefactam faucibus immittere, ut Hirudo spongiæ insiliens extrahatur. Postea lentis succum exhibet, & cervicem extrinsecus emplastris refrigerantibus operire docet. Apollonius autem cognomento Mus, acetum acerrimum propinabat cum muria; qui vero nivem dabant, eam calefaciebant, & dissoluta utebantur; cibumque & potum ad subducendam alvum opportunè exhibebant, ut hirudinem ejicerent: sæpenumero, n. aiunt, una cum excrementis ipsas deferri, Gal. lib. 2. de Antidotis. Plinij temporibus maleficij studio illas nefarij & scelesti homines hostibus clam propinabant; sed ruta cum aceto, vel solum ipsis butyrum, (ut alijs exulcerantibus venenis) præsentaneo fuit remedio. lib. 20. cap. 13. & lib. 28. cap. 10. Vfus earum in medicina non unicus conspicitur. Nonnulli enim (Galenum loquentem affero lib. de differentib. sanguinis detrahendi modis, tract. 10.) captas Hirudines includunt, easque variè accommodant: ubi, n. mitescunt, facile cuti admoventur; quæ verò captæ fuerint, per diem asservandæ, exiguoque sanguine alendæ; atque ita fit, ut quicquid virulentum contineant, cito exprimant. Quando autem ijs uti opus est, ea pars, cui Hirudines admovebis, nitro prius fricanda, inungendaque, unguibusve ipsis scalpenda, ut hoc pacto avidius adhærescant. Oportet etiam eas ipsas in tepidam aquam, quæ vase lato & mundo contineatur, infundere; mox spongiâ comprehensas mucore & sordibus manu purgare, atque ita admovere. Vbi vero admotæ fuerint, ne ea pars cui inhærent frigescat, oleum tepidum superinfundens; si autem manibus aut pedibus affigendæ sunt, in aquam, in quam Hirudines injectæ sunt, immergantur: si verò non firmiter hæserint, earum caudæ forcipe incidendæ sunt: namque ubi ita sanguis effluerit ab attrahendo non desistant, donec relinque aut sale os earum aspergatur. Postquam autem exciderint, quod relinqui ab ijs venenosum solet, cucurbitula exhaurendum est; vel si id minime fiat, foru per spongiam adhibito utendum. Quod si inde cruentæ lacrymule adhuc effluerint, farinam cuminumque adhibeto, lanamque subinde modico oleo madentem alligato. Cæterum si manare sanguis non desinat, linteolum aceto madefactum, gallamve combustam, vel spongiam in liquidâ antea picem immisissam, mox crematam imponito. Illud quoque compertum habere oportet, Hirudines sanguinem illum attrahere, qui carni adjunctus est, non qui in imo corpore continetur. Earum vero usus pro cucurbitulis esse solet. Prætereà removendæ tum sunt, quum dimidiâ sanguinis partem extraxerint. Quinetiam prohibendum, ne sanguis eousque effluat, quousque sit satis: siquidem pars ipsa frigescit, tum ob ipsas hirudines naturâ frigidas, tum quoque ob aerem ambientem. *Hæc Galenus.* Cardanus non nitro sed lacte illinire locum admonet, ut promptius adhæreant, & comprimere Hirudinem jubet, ut dum ulcisci velit, venam perforet, lib. 7. de rer. var. cap. 28. Quanto Dionysio, Heraclæotæ Tyranno auxilio fuerint, historiæ testantur; quod, bellæ magis quam hominis simulacrum, immenso abdomine mortuum, vermes diu antea exedissent, nisi hirudinibus utrique lateri admotis, nonnullam humorum molem quotidie evacuasset. Longum hic esset recensere omnes Melancholicos & Amentes, qui, ani hæmorrhoidibus harum rostello apertis, convaluerint. Nequeo item omittere Nobilem Ricardum Caundisium, Thomæ illius incluyi Cosmonautæ patrum doctissimum, quem podagra multis annis excruciatum menstrua hæmorrhoidum inferiorum per hirudines apertio perfecte curavit, adeo ut nunc magna totius Aulæ admiratione sanus solusque sine adminiculo incedat, & valentulus doloreque vacuus senium perferat. *Hirudines* etiam podici affixæ humores in universos articulos à toto corpore irruentes

adeo

adeò mire revellunt, ut ipsos dolores illico, & tanquam incantamento demulceant. Quod utique Lugduni experti sumus in excellenti musico Rosoto: qui quidem præ doloris sævitâ & continuis vigilijs in ardentem febrem cum delirio inciderat, vigente Cane, quo tempore purgationes esse difficiles ait Hippocrates. Adeò enim inde remedium est, ut alteri cuicunque præferendum sit: nam evacuant à toto corpore absque ulla molestiâ, & virium jacturâ. Iac. Aubert. exercit. 50. progymnasm. Fernel. Abdit. Godfridus à Cenami, Venetus, vir illustris, iustâ verâque amicitia mihi junctus, dixit se vidisse Arthriticum a doloribus suis securum multos annos vixisse admota hirudine parti dolenti. Eadem suadent Matth. de Grad. & Sanavarola Iacob. Dournet. Apolog. lib. cap. 3. Hirudinum item cinere cum styrace cocto, Phthiriasin omnem curari narrat Gilbertus Anglicus. Neque vivæ solum nobis sunt ului, sed mortuæ quoque & exustæ. Nam ut Plinius refert, lib. 32. cap. 7. capillum denigrant sanguifugæ, quæ in nigro vino diebus sexaginta computruere. Alij in aceti sextarijs duobus sanguifugarum sextarium in vase plumbeo jubent putrescere, totidem diebus; mox illinij in sole. Sornatius tantam hoc medicamentum vim habere tradit, ut nisi oleum ore contineant qui capillos tingunt, dentes quoque eorum denigrare dicat. Meges psyllothrū palpebrarum in aceto enectas putrescentes ranas scripsit; sed sanguifugarum cinis ex aceto illitus idem efficit.

CAP. XLII.

De Lumbricis Aquaticis.

In aquis tam marinis quam dulcibus Lumbrici magni atque parvi ex putredine oriuntur, æstate præsertim, terrestribus similes, sed nodo vel torque illo collari non donati: asperiores item sunt longè & magis strigosi: in sabulo plerumque degunt, terramque è cavernis ejiciunt, Terrestrialium more. In aquis dulcibus stagnantibus & non profundis genus Lumbricorum saturatè rubentium reperitur, qui à formâ Teredinem depedem referunt, sed capita habent majora. Cauda ijs biturca, quâ se firmant ac sustentant, dum capite elevato locum invenerint, ubi reliquum figant corpus; tum supra limum ac saxa incedunt, & vibratili quodam modo sese arcuatim promovent. Oculato & calido per æstatem coelo emergunt, magno simul numero, sed limo vel leviter tremente sese statim subducunt. Angli *Sommerwormes* vocant, quia vel æstate tantum comparent vel hyeme pereunt. In mari mediterraneo Lumbricus teres, anguis majoris magnitudine & colore reperitur, sed sine capite & cauda, ut Weckerus notat; aliquando ad viginti pedum longitudinem accedit. Quis horum usus aut Natura fuerit, nondum accipimus

Ecc

cepimus

cepimus, sed ab alijs speramus lucem, quæ utrumque monstret. Illud autem constat, Lumbricos istos in piscium capturâ escæ loco servire, præsertim parvos illos & rubidos, quos Piscatores eum in finem sæculò venantur. Aquaticos autem dicimus quia sicut Lumbrici terrestres in aqua haud diu vivunt, ita etiam Aquatici in arida positi, citò intereunt: illi videlicet aëris, hi verò humiditatis penuriâ laborantes.

FINIS.

Errata Corrigenda.

Prior numerus paginum: Posterior lineam denotat.

p. 47. l. 4. *Demortui* pro *demortui*. p. 46. l. n. *marginē*. *Colligite* pro *coligite*. ib. l. n. 46. *mentumque* pro
mentumque. p. 30. l. 28. *mutum* pro *mutuo*. p. 37. l. 2. *Officiter* pro *misficiter*. p. 38. l. 2. *lucio* pro *lucido*
 pro *ideq.* ib. l. 1. *mutum* pro *mutuo*. 42. *Luluna* pro *Luluna*. p. 46. l. 1. 9. in *marginē*. *Ipsu* pro *ipse*.
 p. 47. l. 1. ibi *defect* *integra* *linea* *quam* *se* *supplebit*. *Etiam* *mel* *et* *quicquid* *hunc* *condit*. *Vest* *et* *hunc* *non* *habet*
refle *plinio*. *et* *sestertius* *presertim*. p. 52. l. 9. *seculariter* pro *quidam*. p. 53. l. 13. *at* *et* *quis* *pro*
et *ip.* p. 64. l. 20. *tenet* pro *tenet*. p. 85. l. 39. *abijit* pro *abijit*. p. 86. l. 19. *et* *tenet* pro *tenet*. ib. l. 3. *Novus*
 pro *novus*. p. 88. l. 1. *populium* pro *populium*. p. 89. l. 1. *beatem* pro *beatem*. p. 93. l. 23. *diffinit* pro
diffinit. p. 95. l. 1. *subito* pro *subito*. p. 109. l. 4. *intidale* pro *intidale*. p. 110. l. 1. *non* *lud* *pro* *lud*. ib. l. 4. *brede* pro
brede. p. 125. l. 5. *paret* pro *paret*. p. 127. l. 13. *ideram* pro *ideram*. ib. l. 46. *magnat* pro *magnat*. p. 133. l. 17.
paxilio pro *paxilio*. p. 139. l. 5. *alatum* pro *alatum*. p. 141. l. 20. *Calidissim* pro *calidissim*. p. 143. l. 7. *medicam*
 pro *medicam*. p. 148. l. 12. *Poffi* pro *possi*. p. 149. l. 18. *acutier* pro *eracit*. p. 160. l. 3. *acutier* pro *sub*.
 p. 161. l. 3. *Vestier* pro *vestier*. p. 164. l. 10. *sex* *quibus* *pedes* *pro* *quique*. ib. l. 12. *fel* *pro* *sub*.
 p. 165. l. 1. *ne* *pro* *neque*. p. 167. l. 18. *refatur* pro *refatur*. p. 171. l. 28. *serpio* *alatus* pro *serpiscipulator*. p. 173.
 l. 43. *et* *alatus* pro *et* *alatus*. p. 179. l. 1. *cuin* pro *cum*. p. 205. l. 41. *brachio* pro *brachia*. p. 209. l. 3. *summa*
 pro *summat*. p. 211. l. 30. *am* pro *am*. p. 220. l. 3. *lyptium* *am* pro *lyptium*. ib. l. 39. *foleum* *pro* *foleum*.
 p. 222. l. 19. *cibro* pro *cibro*. ib. l. 37. *sericue* *pro* *sericue*. p. 223. 141. *Scorpiem* *pro* *Scorpiem*. p. 230.
 l. 3. *Crabone* *pro* *Crabone*. p. 241. l. 36. *ad* *pro* *ad*. p. 251. l. 23. *Et* *foli* *virtute* *pro* *ex* *foli*. ibid. l. 51. *usque* *pro*
et *que* *noctis*. p. 256. l. 40. *qua* *rodit* *pro* *qua* *rodit*. p. 259. l. 4. *ali* *ad* *synthi* *pro* *alii*. p. 269. l. 24. *expier* *pro* *expier*.
 p. 281. l. 37. *interaccorum* *pro* *interaccorum*. p. 297. l. 46. *quidam* *pro* *quidem*. p. 314. l. 41. *petitricum* *pro*
petriticum. p. 321. l. 3. *balneis* *pro* *balneis*.

Recensui hunc Tractatum, cui titulus est Insectorum, five minimorum animalium Theatrum; una cum Epistola ad Generosum virum D. Gulielmū Paddy Equitem auratum, & Archiatrum Regium; in quibus nihil reperio, quo minus eum utilitate publicā imprimitur, itā tamen, ut si non intra septem menses proximè sequentes typis mandentur, hac licentia sit omnino irrita.


Ex ædibus Lambithanis

4. Decem. 1633.


Guliel. Bray.

Vermes in tubulis deliscentes Rondeletij.

Physalms.



Oestrus sive Afilus aquaticus.




Hydrocantharus major Anglicus
υδροκανθαρος ηοστρας






Ad Caput
23. viz. de
Hydrocan-
tharus, lib.
1.



Hydrocantharus à D. Iano Antonio Sarra-
cenomisus Geneva, 1578.








Mantis species, referend. ad pag. 118, 119.




*Phalangium Imperati, Aranci venenati, genus pictum, Lib. 28. pag. 787. ad Cap. 12.
Lib. 1. de phalangys, pag. 218.*



Ad Cap. 14. Lib. 2. pag. 233. lin. 14.

Ad Caput de Scarabeis minoribus 12. lib. 1.



*Ad Caput 10. lib. 1. pag. 294. de
Scorpis terrestribus,*

*Hic est tertius can-
tharus, descriptus,
pag. 149. linea 7.*

